

शेठ देवचंद लालभाई जैन पुस्तकोधार फंड

तथा

श्री आगमोदय समिति.



जह्नेरी बजार-मुंबई.

१००००-१-७-१९२९.

गोपीपुरा-सुरत.

वायंडर:-श्रीकृष्ण स्लींग प्रेस.

मुस्तफा मारकेट मुंबई नं. ३.

श्रेष्ठि-देवचंद लालभाई जैनपुस्तकोद्धारे ग्रन्थाङ्कः ७५

चान्द्रकुलीनश्रीमदभयदेवशूरिशिष्यश्रीप्रसन्नचन्द्राचार्योक्त्या श्रीसुमतिवाचकशिष्यैः श्रीगुणचन्द्रगणिभिर्विहितम्

श्रीमहावीरचरित्रम् (प्राकृतं)

प्रकाशिका—श्रेष्ठि-देवचन्द्र लालभाई-जैनपुस्तकोद्धारसंस्था ।
राजनगरीयविद्याशालाकार्यवाहकैरागमाराधनोत्सवागततदन्यद्रव्येण वितीर्णेन ।


[अस्य पुनर्मुद्रणाद्याः सर्वेऽधिकारा एतद्भाण्डागारकार्यवाहकाणामायत्ताः स्थापिताः]
इदं ग्रन्थरत्नं मुम्बापुर्यां जीवनचंद साकरचन्द्र जवहेरी इत्यनेन निर्णयसागरमुद्रणालये कोलभाट-
वीथ्यां २६-२८ तमे मन्दिरे रामचन्द्र येसू शेडगेद्वारा मुद्रयित्वा प्रकाशितम् ।

प्रतिसंख्या १२५०]

वीरसंवत् २४५५, विक्रमसंवत् १९८५, सन १९२९.

[मूल्यं रु. ४-०-०

Rs. 4-0-0





श्रेष्ठी देवचन्द लालभाई जव्हेरी.

जन्म १९०९ वैक्रमाब्दे
कार्तिकशुक्लैकादश्यां (देवदीपावली सोमवासरे)
सूर्यपुरे.

निर्याणम् १९६२ वैक्रमाब्दे
पौषकृष्णतृतीयायाम् (मकरसंक्रान्तमंदवासरे)
मुम्बय्याम्.

The Late Sheth Devchand Lalbhai Javeri.

Born 22nd Nov. 1852 A. D. Surat,

Died 13th January 1906 A. D. Bombay

7-27 :-Copies 5000.

N. S. P.

Shreshthi Devachand Lalbhai Jain Pustakoddhara Series, No. 75.

Śrī MAHĀVĪRA CHARITAM

(PRĀKRITAM)

BY

Śrī GUNACHANDRA SŪRĪ

Copies 1250]

Price Rs. 4-0-0.

[A. D. 1929,

[All rights reserved by the Trustees of the Fund.]

Printed by Ramchandra Yesu Shedge, at the Nirnaya-sagar Press, 26-28, Kolbhat Lane, Bombay.

Published by Jivanchand Sakarchand Zaveri, on behalf of Seth Devachand Lalbhai Jain Pustakoddhara
Fund. No. 121-123, Javeri Bazar, Bombay.

श्रीआगमोदय-समिति संस्थायाः क्रेयग्रंथाः

क्रं.	नाम.	किंमत.
३४	विशेषा० गाथा विषयक्रमः	०-५-०
३५	विन्याससाधनकरणं	०-८-०
३६	मन्त्रान्तरावली	०-६-०
३७	धर्मविन्दुप्रकरणं	०-१२-०
३८	विशेषा० भाषांतर भाग १ लो	२-०-०
३९	जैनफिलोसोफी (अंग्रेजी)	१-०-०
४०	योग " "	०-१४-०
४१	धर्म " "	०-१२-०
४२	अनुयोगद्वारसूत्रं	२-८-०
४३	नंदीसूत्रं	२-४-०
४४	मन्त्रामरकाव्यसंग्रह भाग १ लो	३-०-०
४५	वृत्तपरिचय छायायुक्त	२-०-०
४६	पंचसंग्रहः (सोयनगुप्तियुतः)	२-८-०

अंक.	नाम.	किंमत.
४८	विशेषा० भाषांतर भाग २ जो	३-०-०
५०	जीवसमासः	१-८-०
५१	शोभनस्तुतिः (संस्कृत) प्रेसमां	८-०-०
५२	स्तुतिचतुर्विंशतिका सचित्रा शोभनमुनिकृता	६-०-०
५३	चतुर्विंशतिका सचित्रा वृष्णमद्विसुरिकृत	६-०-०
५४	मन्त्रामरकाव्यसंग्रह भाग २ जो	३-८-०
५५	नंधादिसप्तसूत्रीगाथाऽपकारादियुतो विषयानुक्रमः	२-०-०
५६	आवश्यकमलयगिरिकृतटीका भाग १ लो	४-०-०
५७	श्रीचतुर्विंशतिजिनानन्दस्तुतयः सविवरणाः सचित्राः	६ ० ०
५८	लीवडीमंडारना हस्तलिखितपुस्तकौनु सूचीपत्र	१-४-०
५९	जैनधर्मवरस्तोत्र	प्रेसमां
	लोफप्रकाश गुजरातीभाषांतर भाग १ लो	प्रेसमां
	आवश्यकमलयगिरिकृतटीका भाग २ जो	प्रेसमां
	प्राप्तिस्थान सुरत गोपीपुरा	

७ प्रस्तावः

वैशाल्यां शंखसत्कारः गंडकिकायां नावि- कोपसर्गः ऋतुधट्टस्याविकारिता	२१९
वाणिज्यग्रामे आनन्दगाथापतिः अव- धिमान्	२१९
श्रावस्यां वर्षारत्रः (१०) सानुषष्टिके प्रतिमाः	२२६
दृढभूमौ वेढाले संगमोपसर्गाः, संगम- कस्य सौधर्मान्निर्वासनं	२३१
आलंबिकायां विद्युत्कुमारेन्द्रस्तुतिः श्वेतां- विकायां हरिस्सहस्तुतिः श्रावस्यां स्क- न्दप्रतिमासत्कारः कौशांब्यां चन्द्र- सूर्यावतारः वाराणस्यामिन्द्रपूजा रा-	

जगृहे ईशानार्चा मिथिलायां जनक- स्तुतिः धरणेन्द्रवन्दना	२३३
राजगृहे वर्षारत्रः (११) भूतानन्दस्तुतिः जीर्णश्रेष्ठिभावना केवलिदेशना	२३४
चमरेन्द्रोत्पातः सुसुमारे भोगपुरे माहेन्द्रोपसर्गः सनत्कुमारेन्द्र- नतिः नन्दीग्रामे नन्दिस्तुतिः	२४०
चम्पापातः धारणीमरणं चन्दना कुल्मा- पाभिग्रहः	४४१
षाण्मासिकः कीलकोपसर्गः मध्यमापापायां कीलकनिर्गमः	२४७
तपःसंकलना केवलज्ञानं च	२५०
समवसरणरचनं धर्मदेशना	३५१
	२५३

८ प्रस्तावः

गणधराणां प्रतिबोधः दीक्षा चन्दनाया दीक्षा संवस्थापना	२५९
नृपभदत्तस्य देवानन्दायाश्च दीक्षा	२६०
क्षत्रियकुण्डे समवसरणं पर्षदश्च नन्दि- वर्धनकृता स्तुतिः जमालिदीक्षा (मा- त्रादिवचनप्रतिवचनानि) महः	२६५
जमालेर्निहवत्वं प्रियदर्शनाया बोधः ज- मालेर्गतिः	२६९
कौशांब्यां सुरप्रियलब्धवरे नृपस्य क्रोधः चण्डप्रद्योतकृता मृगावत्याःप्रार्थना शी- लरक्षार्थं छलं मृगावत्या दीक्षा या सा सा सोदाहरणं आनन्दादीनां वाणि- ज्यग्रामादिषु बोधः कौशांब्यां चन्द्र- सूर्यावतरणं कैवल्यं	२७४

उत्तरापथे सिलिन्ध्रे केशवशिवापुरो मं-
खः पूर्वप्रियोपलब्धये पट्टिकाकृतिः मं-
खलीसुभद्रयोर्मखत्वं गोशालजन्म,
श्रीवीरेण मीलनं कोलाके शिष्यत्वं प्रा-
गृहीताया नियतेः स्थालीस्फोटे दाढ्यं
ब्राह्मणग्रामे उपनन्दगृहदाहः चंपायां
वर्षावासः (३) कालाके पात्रालके च ताडनं
कुमारे मुनिचन्द्राः चौराके सोमाजय-
न्तीभ्यां मोचनं पृष्ठवम्पायां वर्षावासः (४)
कुतांगले हरिद्राः श्रावस्त्यां मनुष्यमांसं
हरिद्रद्रुमेऽग्निः संगलाग्रामे वासुदेवगृहे
भावर्ते बलदेवगृहे च स्थानं चौराके
मंडपदाहः कलंबुकायां कालमेघह-
स्तिनौ म्लेच्छदेशे गमनं पूर्णकलशे स्ते-

नवधः भद्रीलायां वर्षावासः (५) कद-
लीसमागमे जंबूखंडे चास्तारिकाभक्तं
तंत्राके नन्दिपेणाः कूपिके विजयाप्र-
गल्भाभ्यां मोचनं वैशालीप्रस्थानं (६)
गोशालो वाधितः अयस्कारघातः १९८
विभेलकयक्षस्योत्थानपर्याणिका २१२
शालिशीर्षे कटपूतनोपसर्गः लोकावधिः २१३
आलम्बिकायां वर्षारान्नः (७)
गोशालमीलनं २१३
कुण्डागे मधुमथनगृहे गोशालचेष्टा मर्दन-
ग्रामे बलदेवगृहे च २१३
सालग्रामे सालज्जोपसर्गपूजे २१४
लोहार्गले जितशत्रुकृतः सत्कारः २१४

पुरिमताले वगुरश्रेष्ठिकृता पूजा, धर्मघोष-
सूर्युकं पूजाफलं दानं च २१७
तुन्नागपथे श्रीभूमौ च गोशालस्य ताडनं
राजगृहेऽष्टमो वर्षावासः (८) २१८
लाढावज्रभूमिशुद्धभूमिपूपसर्गाः वृक्षमूले
वर्षावासः (९) २१८
सिद्धार्थकूर्मारग्रामयोरन्तराले तिलप्रभादि २१८
वैश्यायनस्योत्थानपर्याणिका तेजोलेश्या
तन्निवारणं तदुपायप्रभोत्तरे २२३
कूर्मारसिद्धार्थपुरोरन्तराले तिलनिश्चयात्
प्रवृत्तिपरिहारो नियतिवाददाढ्यं च
श्रावस्त्यां तेजोलेश्या पार्श्वन्तेवासि-
संगमः २२४

सामन्तभद्रः देशना सुतो गोकु-
लिकगृहे सुतसंयोगः शीलदाह्यं शी-
लवत्या योगः मालाकाराय चौडराज्य-
दानं जयन्त्यां गुरोर्गमनं देशना पित्रा
योगः राज्याभिषेकः शिक्षा साधु-
नृपयोः १०९
नन्दननृपस्य दीक्षा विंशतिस्थानकारा-
धनं प्राणते देवः १११
देवानन्दाकुक्षाववतारः स्वप्नानामुपलंभश्च १११
इन्द्रस्तुतिः गर्भापहारः देवानन्दाक्रंदः ११२
त्रिशलाकुक्षौ संक्रमः स्वप्ना वृद्धिर्मनोरथाः ११४
निष्पन्दत्वं शोकः अभिग्रहः ११५
श्रीवीरस्य जन्मनि दिकुमारीमहः ११७
अभिषेकसामग्री मेरुचालनं अभिषेकः १२३

सेनो राजा वीरसेनविजयसेनौ राज्यं
खेचरयुद्धं गगनवल्लभे विजयराजसुतो
जयशेखरः वैर्यमिततेजाः वीरसेनरा-
जस्यापहारः विजयसेनकृतो राज्याक्रमः
सोमदत्तगृहे स्थानं प्रस्थानं योग्याचार्यो
महाकालनामा प्रब्रज्या, अष्टशतेन होमः
क्षत्रियैः, वैताह्यगमनं चंपकमालाया
ध्वजस्वप्रः घोरशिवस्य राज्यं नर-
विक्रमाभिधानं हर्षपुराधिपदेवसेनदु-
हितुर्वरणं कालमेघमल्लजयः शीलवत्यै
पितृशिक्षा पुरप्रवेशः युवतिविभ्रमा
जयकुञ्जरवशीकरणं कुमारस्य प्रवासः
पाटलगृहे वासः शीलवत्या अपहारः
जयवर्धने राज्यं नद्या नरविक्रमापहारः

प्रेक्षणकं अश्वग्रीवदूतापमानं सिंहवधः ५०
युद्धं प्रतिवासुदेववधः अंतःपुरविलापः
अंगादिदेशसाधनं कोटीशिलोत्पाटनं ६०
पोतनपुरे श्रेयांसजिनागमः धर्मकथा
सम्यक्त्वं ६२
गायकमृतिः देव्यपमानं सप्तमनरकगमनं ६३
धर्मघोषसूरिदेशना अचलदीक्षामोक्षौ ६३
प्रियमित्रचक्री अनार्यदेशसाधनं चक्रिकरद्धिः
वैराग्यं प्रोष्ठिलाचार्यदेशना दीक्षा शुके देवः ७१
४ प्रस्तावः
नन्दनजन्म प्रोष्ठिलाचार्याः देशना ७२
नृपो नरसिंहः चम्पकमाला देवी मन्त्रिवर्गः
सुतचिन्ता घोरशिवागमः मन्त्रसाधनं
घोरशिवमूर्च्छा श्रीभवनपुरं अवन्ति-

नृपकृतो महः	१२५	कूर्मोरग्रामे गोपोपसर्गः शक्रकृता निर्भ-
वर्धमाननामकरणं सुरपिशाचसर्परूपा-		र्त्सना दूइज्जंताश्रमे गमनं वर्षायाः
भ्यामभीतिः लेखशालानयनं	१२७	पक्षे गते निर्गमः अभिग्रहपंचकं १४८
यशोदाभिधानकारणं	१३०	वर्धमानग्रामस्यास्थिग्रामत्वे हेतुः वृषस्या-
यशोदया श्रीवीरस्य विवाहः, प्रियदर्शना-		प्रतिजागरणाद् द्वेषः मारिः चैत्यम् १५२
जन्म	१३२	शूलपाणिकृता उपसर्गाः तत्प्रतिबोधः
मातापित्रोः स्वर्गमनं, नन्दिवर्धनस्य रा-		स्वप्नदशकं इन्द्रशर्मोक्तं तत्फलं (१) १५६
ज्याभिपेकः	१३४	अच्छंदकस्य कुटिलता शक्रशिक्षादि १५८
संवत्सरदानं नन्दिवर्धनकृता महानसशा-		सुवर्णवालुकायां वस्त्रार्थस्य पातः, नन्दि-
लां लोकान्तिकागमनं च	१३६	वर्धनाय लक्ष्णेन दानं तस्य १५९
दीक्षाभिपेकः चन्द्रप्रभा शिविका दीक्षा-		कनकखलाश्रमः (गोभट्टो विप्रः वना-
महोत्सवः	१४१	रसीप्रस्थानं विद्यासिद्धाकृष्टा रसवती
५ प्रस्तावः		युवतिश्च शीलशार्ङ्ग्यं जालन्धरे चन्द्र-
सोमवाक्षणाय वस्त्रार्थदानम्	१४४	लेखाचन्द्रकान्ते ईशानचंद्रः रक्षाव-

लयं गंगायां प्रवेशः नास्तिकवाक्	
जालन्धरे गमनं ईशानचन्द्ररक्षा यो-	
गिनीशान्तिः परस्त्रीनियमः गृहे आ-	
गमनं भार्यामरणश्रवणं धर्मघोषस्य	
देशना दीक्षा मंजूकीविराधना क्रोधः	
ज्योतिष्कः तापसः चंडकौशिकः	
वोधः	१७६
उत्तरवाचाला श्वेतांविकायां प्रवेशि-	
नृपकृता स्तुतिः	१७७
सुरभिपुरं सुदंष्ट्रसुरोपसर्गः कंवलशंवलौ	
मथुरा जिनदासः साधुदासी गंगोत्तारः	
स्थूणाके गमनं पुण्यवोधः	१८२
६ प्रस्तावः	
राजगृहनालन्दायां तन्तुवायार्जुनशालायां	
वर्षावासः (२)	१८३

उत्तरापथे सिलिन्ध्रे केशवशिवापुत्रो मं-
खः पूर्वप्रियोपलब्धये पट्टिकाकृतिः मं-
खलीसुभद्रयोर्मखत्वं गोशालजन्म,
श्रीवीरेण मीलनं कोलाके शिष्यत्वं प्रा-
गृहीताया नियतेः स्थालीस्फोटे दार्ढ्यं
ब्राह्मणग्रामे उपनन्दगृहदाहः चंपायां
वर्षावासः (३) कालाके पात्रालके च ताडनं
कुमारे मुनिचन्द्राः चौराके सोमाजय-
न्तीभ्यां मोचनं पृष्ठवम्पायां वर्षावासः (४)
कुतांगले दरिद्राः श्रावस्त्यां मनुष्यमांसं
हरिद्रद्रुमेऽग्निः मंगलाग्रामे वासुदेवगृहे
आवर्ते बलदेवगृहे च स्थानं चौराके
मंडपदाहः कलंबुकायां कालमेघह-
स्तिनौ म्लेच्छदेशे गमनं पूर्णकलशे स्ते-

नवधः भद्रिलायां वर्षावासः (५) कद-
लीसमागमे जंबूखंडे चास्तारिकाभक्तं
तंवाके नन्दिषेणाः कूपिके विजयाप्र-
गल्भाभ्यां मोचनं वैशालीप्रस्थानं (६)
गोशालो बाधितः अयस्कारघातः १९८
विभेलकयक्षस्योत्थानपर्याणिका २१२
शालिशीर्षे कटपूतनोपसर्गः लोकावधिः २१३
आलम्बिकायां वर्षारान्नः (७)
गोशालमीलनं २१३
कुण्डागे मधुमथनगृहे गोशालचेष्टा मर्दन-
ग्रामे बलदेवगृहे च २१३
सालाग्रामे सालज्जोपसर्गपूजे २१४
लोहार्गले जितशत्रुकृतः सत्कारः २१४

पुरिमताले वग्गुरश्रेष्ठिकृता पूजा, धर्मघोष-
सूर्युक्तं पूजाफलं दानं च २१७
तुन्नागपथे श्रीभूमौ च गोशालस्य ताडनं
राजगृहेऽष्टमो वर्षावासः (८) २१८
लाढावज्रभूमिशुद्धभूमिपूषसर्गाः वृक्षमूले
वर्षावासः (९) २१८
सिद्धार्थकूर्मारग्रामयोरन्तराले तिलप्रश्नादि २१८
वैश्यायनस्योत्थानपर्याणिका तेजोलेश्या
तन्निवारणं तदुपायप्रश्नोत्तरे २२३
कूर्मारसिद्धार्थपुरोरन्तराले तिलनिश्चयात्
प्रवृत्तिपरिहारो नियतिवाददार्ढ्यं च
श्रावस्त्यां तेजोलेश्या पार्श्वन्तेवासि-
संगमः २२४

८ गुरुसाराओ धवलाउ सुविहिया साहुसंतई जाया ३४०, इत्येवं श्रीजिनेश्वरसूरेः सुविहितानामुद्भवो वर्णितः, तथाच तेभ्यः खरतरोत्पत्तिं वावदुका दूरं निरस्ताः, यद्यपि कैश्चिदपास्य भवभियं न्यस्तमत्र 'खरयरया' इति पदं न च तत् प्रलेष्वादर्शेषु, न च यथार्थं, तदनुयायिभिर्व्याकरणसंवेगरंगशालादिवृत्तिसुरसुन्दरीचरित्रादिषु तदुल्लेखस्याकृतेः, न च मात्रागणोऽपि उकारादारब्धो यथायथं समाप्नोति इत्यलमतिविस्तरेण / चरित्रस्यास्य मुद्रणमारब्धपूर्वं श्रेष्ठि देवचंद लालभाइ जैनपुस्तकोद्धारसंस्थया, परं समाप्तेरवसरे श्रीराजनगरे श्रेष्ठिसुवाभाइ रवचंद इत्यनेन स्थापिताया विद्याशालासंस्थायाः कार्यवाहकैः श्रेष्ठिशिवाभाइ मोहनभाइ (२) जीवनभाइ इत्येभिः आगमाराधनोत्सवागतेनान्येन च द्रव्येण साहाय्यं चिकीर्षुभिः पंचविंशतिशतिका दत्ता द्रम्माणां संस्थायै एतस्यै, तेनानया संस्थया यथायथं समाप्य प्राकाश्यं नीतं चरित्रमेतत् । शोधने विहितेऽपि श्रमे स्वलितं यत् शोधयन्तु धीमन्तः सज्जनास्तदित्यर्थयते आनन्दसागरः १९८५ कार्तिकशुक्ला ३ गुरुवासरे राजनगरात्

उत्तरापथे सिलिन्ध्रे केशवशिवापुत्रो मं-
खः पूर्वप्रियोपलब्धये पट्टिकाकृतिः मं-
खलीसुभद्रयोर्मखत्वं गोशालजन्म,
श्रीवीरेण मीलनं कोलाके शिष्यत्वं प्रा-
ग्गृहीताया नियतेः स्थालीस्फोटे दाढ्यं
ब्राह्मणग्रामे उपनन्दगृहदाहः चंपायां
वर्षावासः (३) कालाके पात्रालके च ताडनं
कुमारे मुनिचन्द्राः चौराके सोमाजय-
न्तीभ्यां मोचनं पृष्ठचम्पायां वर्षावासः (४)
कुतांगले दरिद्राः श्रावस्यां मनुष्यमांसं
हरिद्रद्रुमेऽग्निः मंगलाग्रामे वासुदेवगृहे
आवर्ते बलदेवगृहे च स्थानं चौराके
मंडपदाहः कलंबुकायां कालमेघ-
स्तिनौ म्लेच्छदेशे गमनं पूर्णकलशे स्ते-

नवधः भद्विलायां वर्षावासः (५) कद-
लीसमागमे जंबूखंडे चास्तारिकाभक्तं
तंत्राके नन्दिषेणाः कूपिके विजयाप्र-
गरभाभ्यां मोचनं वैशालीप्रस्थानं (६)
गोशालो बाधितः अयस्कारघातः १९८
विभेलकयक्षस्योत्थानपर्याणिका २१२
शालिशीर्षे कटपूतनोपसर्गः लोकावधिः २१३
आलम्बिकायां वर्षारात्रः (७)
गोशालमीलनं २१३
कुण्डागे मधुमथनगृहे गोशालचेष्टा मर्दन-
ग्रामे बलदेवगृहे च २१३
सालाग्रामे सालज्जोपसर्गपूजे २१४
लोहार्गले जितशत्रुकृतः सत्कारः २१४

पुरिमताले वग्गुरश्रेष्ठिकृता पूजा, धर्मवोष-
सूर्युक्तं पूजाफलं दानं च २१७
तुन्नागपथे श्रीभूमौ च गोशालस्य ताडनं
राजगृहेऽष्टमो वर्षावासः (८) २१८
लाढावज्रभूमिशुद्धभूमिषूपसर्गाः वृक्षमूले
वर्षावासः (९) २१८
सिद्धार्थकूर्मारग्रामयोरन्तराले तिलप्रश्नादि २१८
वैश्यायनस्योत्थानपर्याणिका तेजोलेश्या
तन्निवारणं तदुपायप्रश्नोत्तरे २२३
कूर्मारसिद्धार्थपुरोरन्तराले तिलनिश्चयात्
प्रवृत्तिपरिहारो नियतिवाददाढ्यं च
श्रावस्यां तेजोलेश्या पार्श्वन्तेवासि-
संगमः २२४

श्रीमहावीरचरित्रस्योपोद्घातः ।

श्रमणस्य भगवतो महावीरस्य चरित्रमिदमुपदाक्रियमाणं सज्जनेभ्योऽस्ति, यद्यपि भगवतश्चरित्राणि नैकानि श्रीहेमचन्द्राचार्य-नेमि-
चन्द्राचार्यादिभिर्विहितानि सुन्दरतराणि मुद्रितपूर्वाणि च परं न किमप्येतावन्मानं प्रत्नं चातः किमपि, यत एतच्चरित्रं वैक्रमीयायां द्वादशश-
ताब्द्यामेकोनचत्वारिंशदधिकेषु समानां व्यतीतेषु विद्वब्धं द्वादशसहस्रमानं च, रचयितारश्चास्य चान्द्रकुलीनाः श्रीमन्तो गुणचन्द्राः
सुमतिवाचकविनेयाः, एतच्च प्रस्तुतचरित्रप्रान्तभागावलोकनात् स्पष्टमवसीयते, यत आहुस्तत्र ते—

सिरिसुमइवायगाणं विणयेलेसेण । गणिणा गुणचंदेणं रइयं सिरिवीरचरियमिणं ॥ ५७ ॥

— गणिनश्चेमे चान्द्रकुलीनश्रीवर्धमान-जिनेश्वरबुद्धिसागर-जिनचन्द्र-अभयदेवसूरिशिष्यश्रीप्रसन्नचन्द्राचार्यवचनेन व्यधुरेनत्, यत
उक्तं ग्रन्थकृद्भिरत्रैव प्रान्त्यभागे—

साहाइ तस्स चंदे कुलंमि निप्पडिमपसमकुलभवणं । आसि सिरिवद्धमाणो मुणिनाहो संजमनिहिव्व ॥ ४८ ॥

वहलकलिकालतमपसरपूरियासेसविसमसमभागो । दीवेणंव मुणीणं पयासिओ जेण मुत्तिपहो ॥ ४९ ॥

मुणिवइणो तस्स हरअट्टहाससियजसपसाहियासस्स । आसि दुवे वरसीसा जयपयडा सूरससिणोव्व ॥ ५० ॥

भवजलहिवीइसंभंतभवियसंताणतारणसमत्थो । बोहित्थोव्व महत्थो सिरिसूरिजिणेसरो पढमो ॥ ५१ ॥

गुरुसाराओ धवलाउ सुविहिया (निम्मला पु.) साहुसंतई जाया । हिमवंताओ गंगव्व निग्गया सयलजणपुजा ॥ ५२ ॥

अन्नो य पुत्रिमायंदसुंदरो बुद्धिसागरो सूरी । निम्नवियपवरवागरणछंदसत्यो पसत्यमई ॥ ५३ ॥

एगंतवायविलसिरपरखाइकुरंगभंगसीहाणं । तेसिं सीसो जिणचंद्रसूरिनामो समुप्पन्नो ॥ ५४ ॥

संवेगरंगसाला न केवलं कव्वविरयणा जेण । भव्वजणविम्हयकरी विहिया संजमपवित्तीविं ॥ ५५ ॥

ससमयपरसमयन्नू विसुद्धसिद्धंतदेसणाकुसलो । सयलमहिवलयवित्तो अन्नोऽभयदेवसूरिति ॥ ५६ ॥

जेणालंकारधरा सलक्खणा वरपया पसन्ना य । नव्वंग (सिद्धंत पु.) वित्तिरयणेण भारई कामिणिच्च कया ॥ ५७ ॥

तेसिं अत्थि विणेओ समत्थसत्थत्थबोहकुसलमई । सूरी पसन्नचंदो चंदो इव जणमणाणंदो ॥ ५८ ॥

तव्वयणेणं सिरिसुमइवायगाणं विणेयलेसेण । गणिणा गुणचंदेणं रइयं सिरिवीरचरियमिमं ॥ ५९ ॥

अत्र नहि खरतरगच्छप्रादुर्भावस्य गन्धोऽपि, एवमेव च न श्रीजिनेश्वरसूरिशिष्यश्रीजिनचन्द्रकृतायां संवेगरंगशालायां न च श्रीअभय-
देवसूरिकृतायां शास्त्रततौ न च श्रीअल्लदेवोपाध्यायकृते सुरसुन्दरीचरिते यावत् अशीत्यधिके समासहस्ते जावालिपुरि चतुर्मासीस्थिताभ्यां
श्रीमज्जिनेश्वरबुद्धिसागरसूरिभ्यां विहितयोरष्टकवृत्तिबुद्धिसागरव्याकरणयोरपि न खरतरगच्छप्रादुर्भावागन्धोऽपि, एवं यदि श्रीजिनेश्वरसूरिभिस्त-
त्पट्टोद्भवैश्वान्यैः सूरिभिर्न स्वीकृता तदा खरतरोत्पत्तिस्तर्हि तत्परम्पराया बहिर्वर्तिभिः प्रलपितेन किम् ? खरतरगच्छप्ररूपणामूलभूतो जिनवल्लभ
एव प्रश्नोत्तरैकषष्टिशतके स्वस्य कूर्चपुरीयजिनेश्वरशिष्यतामाह, किंच-पुण्यपत्तनस्था या कोट्याचार्याया विशेषावश्यकवृत्तिपुस्तिका सापि
स्पष्टमेव निगदति यदुत न श्रीजिनेश्वरसूरेः खरतरविरुद्धं न च जिनवल्लभस्तत्परंपरागत इति, यतः सा एकादशशतकीयसप्तत्रिंशद्वर्षेषु लि-
खिता, लेखकश्चास्या जिनवल्लभस्यान्तेवासी नेमिकुमारः, स स्पष्टमाख्याति यदुत कूर्चपुरीयजिनेश्वरशिष्यजिनवल्लभार्थं पुस्तकमिदमलेखीति,


अन्यत्र विशेषावश्यकमाप्यप्रतेः प्रान्तेऽपि नेमिकुमार इत्यमेवाह, तयो च न तत्र जिनेश्वरसूरेः खरतरविरुदं जिनवल्लभस्य तत्परंपरानि-
र्गतता च, पाश्चात्यैः खरतरैर्महतामभिधानेन प्रतिष्ठामभिलाषुकैः कल्पित एतैः वृत्तान्तः, अत एवोपदेशसप्ततिकारैः 'वेभ्यः प्रतिष्ठामापन्नो,
गच्छः खरतराभिधः' इति वाक्येन खाद्यानां प्रलापो ध्वनितः सत्य एव लक्ष्यते ।

किंच—या खरतरगच्छमूलभूतेन जिनवल्लभेन श्रीवीरस्य भगवतो गर्भापहारः षष्ठकल्याणकतया मंतः सोऽपि नैभिर्गणिभिर्मंतः,
अत एव च श्रीमद्भिरत्र चतुर्थप्रस्तावस्योपसंहारे पत्रे १४१ 'गम्भावयारजम्मणदिक्खाकल्लाणकहणपडिचद्धो—चउत्थओ एस पत्था-
यो' इत्युक्त्वा गर्भापहारस्य कल्याणकता निराकृता, यद्यपि श्रीमद्भिर्हरिभद्रसूरिभिर्यात्रापञ्चाशके श्रीमद्भिरभयदेवसूरिभिः रवाद्यैरात्मपूर्वज-
तया स्वीकृतैश्च तद्धृतौ 'हत्थुत्तरजोएणं चउरो' इत्येतत्सूत्रेण तद्विवरणेन च स्पष्टतया षष्ठकल्याणकवादिनां जिनवल्लभादीनां यदृच्छावादिता
दर्शितैव तथापि केचन स्वगच्छाग्रहवन्त आहुः यदुत सर्वजिनकल्याणकानां समतां दर्शयितुं तैस्तथोक्तं, यद्यपि क्वचनपि षष्ठकल्याण-
कस्यानुक्ततया न तत् श्रद्धातुं शक्यमागमरसिकैः, परमत्र तैरपि तथा वक्तुं न शक्यं, यतो वीरचरित्रे अत्र अन्यत्र च कुत्रापि विहाय
जिनवल्लभं तदनुसारिणं च न कोऽप्यागमश्रद्धालुराह कल्याणकपट्टं, तथा च यथा श्रीमलयगिरिभिः जिनवल्लभस्य संहननानां शक्तिवा-
चकतां सिद्धान्तानभिहितामपि सिद्धान्ताभिहितां मन्वानस्योत्सूत्रवादिता श्रीजीवाभिगमप्रज्ञापनादिवृत्तौ स्पष्टमभिहिता तथैवात्रापि तस्य
तथात्वं ध्वन्यमानं न व्याहन्यते इत्यलं चसूर्या गच्छकदाग्रहरसिकैः ।

चरित्रे चात्र स्त्रीवालसुवोधा प्राकृतैवाद्यता भाषा, तथाच प्राकृतवाणीविलासिनामप्राकृतानामतीवादरास्पदमिदं, विशेषतस्तत्र तत्रा-
नेकविषयगतान् प्रवन्धान् दिदृक्षूणां । प्रस्तावाश्चात्र श्रीमद्भिः कृता अष्ट, प्रतिप्रस्तावं चात्राधिकारा इमे

प्रस्तावः	विषयः	पत्रं	प्रस्तावः	विषयः	पत्रं
१	श्रीवीरस्य सम्यक्त्वलाभः	२	५	चण्डकौशिकप्रतिबोधनावसानं वृत्तं	१८२
२	मरीचिः षट्परित्राजकभवाश्च	२८	६	गोशालकाय तेजोलेश्योपायकथनान्तं वृत्तं	२२३
३	प्रियमित्रान्ता भवाः	७०	७	केवलज्ञानोत्पत्त्यवसानं वृत्तं	२५०
४	श्रीवीरस्य च्यवनगर्भजन्मदीक्षाः	१४१	८	निर्वाणान्तं वृत्तं ग्रन्थकृतप्रशस्तिश्च	३६०

चरित्रं चैतत् श्रीमतां प्रसन्नचन्द्रसूरीणां वचनेन श्रीमद्भिर्विहितं, परं विधापनायाभ्यर्थिताः श्रीमन्तः श्रीमद्भ्यां छत्रावली(छत्राल)-वास्तव्याभ्यां श्रेष्ठिभ्यां शिष्टवीरनामभ्यां, तयोः पिता जज्ञनागः कर्पटवाणिज्यात् छत्रावल्यामागतः, तत्र च कर्पटवाणिज्ये जज्ञनागपित्रा श्रीमद्वायडगच्छीयजीवदेवसूरितच्छिष्यश्रीजिनदत्ताभ्यामधिगतसम्यक्त्वेन नन्दीश्वरचैल्यं विहितं श्रीमता गोवर्धनश्रेष्ठिना, तत्कुटुम्बवृक्षश्रायं



स्पष्टं चेदं ग्रन्थप्रशस्तौ, तथाहि—

एयस्स विरयणंमी निव्वंधो जेसि गाढमुप्पन्नो । ते पुण मूलाओ चिय साहिजंते निसामेह ॥ ६० ॥
सियजसजोण्हाधवलियनायकुलनहयले मयंकुव्व । पुव्वमहेसि महेसीपणओ सिरिजीवदेवपहू ॥ ६१ ॥
तस्स सुसिस्सो सिद्धंतसिद्धसुविसिद्धसंजमाभिरओ । गुणरयणरोहणगिरी पयडो जिणदत्तसूरीत्ति ॥ ६२ ॥
गंभीरिमाए पसमेण बुद्धिविभवेण दक्खिणत्तेण । सुंदरनएण जेसिं कोऽवि न तुल्लो जए जाओ ॥ ६३ ॥
तेहिंतो पडिबुद्धो 'वायड'कुलभवणजयपडायनिभो । कप्पडवाणिज्जपुरे सेट्ठी गोवद्धणो आसि ॥ ६४ ॥
नंदीसरावलोयणमणाण भव्वाण दंसणत्थं च । कारावियं सुतुंगं वावन्नजिणालयं जेण ॥ ६५ ॥
धम्मधरणीए गिहिणीए तस्स सोढित्ति नामधेयाए । अगणियगुणगणनिलया पुत्ता चत्तारि उप्पन्ना ॥ ६६ ॥
पढमो अम्मयनामो वीओ सिद्धोत्ति जज्जणागो य । तइओ चउत्थओ पुण विक्खाओ नन्नओ नाम ॥ ६७ ॥
नयविणयसच्चधम्मत्थसीलकलिएहिं जेहिं दिट्ठेहिं । नूणं जुहिट्ठिलाईवि सदहिजंति सप्पुरिसा ॥ ६८ ॥
अह संधारयदिक्खं पवज्जिउं भावसारमंतंमि । गोवद्धणंमि सग्गं गयंमि तह पढमपुत्तदुगे ॥ ६९ ॥
सो सेट्ठी जज्जणागो छत्तावल्लीए वासमकरिंसु । सव्वकणिट्ठो नन्नयसेट्ठी पुण मूलठाणेवि ॥ ७० ॥
तेसिं च भइणिपुत्तो नियपुत्ताओवि गाढपडिवंधो । आसि जसणागनामो सेट्ठी सुविसिद्धगुणनिलओ ॥ ७१ ॥
अह नन्नयस्स पुत्ता पयडा सावित्तिकुच्छिसंभूया । दोन्नि चिय उप्पन्ना गोवाइच्चो कवड्डी य ॥ ७२ ॥

सतुंजयपमुहसमत्यतित्थजत्ता पयट्टिया जेण । पढमं चिय तस्स कवड्ढिसेट्टिणो को समो होज्ज ? ॥ ७३ ॥
 पुरिसत्थकरणनिरयस्स जज्जणागस्स विस्सुयजसस्स । अत्थि जिणधम्मनिरया कलत्तमिह सुंदरी नाम ॥ ७४ ॥
 जाओ तीसे सुंदरविचित्तलक्खणविराइयसरीरो । जेट्ठो सिट्ठो पुत्तो बीओ पुण वीरनामोत्ति ॥ ७५ ॥
 को तेसि दाणविन्नाणबुद्धिसुविसुद्धधम्मगेहाण । निउणोऽवि गुणलवंपि हु होज्ज समत्थो पवित्थरिउं ? ॥ ७६ ॥
 नागो इव पिंडिज्जइ बंभंडकरंडए अमायंतो । जस्स जसोहो सारयनिसिच्छणमयलंछणच्छाओ ॥ ७७ ॥
 जिणविंसुपसत्थतित्थजत्ताइधम्मकरणेण । धम्मियजणाण मज्जे जेहि य पत्ता पढमेरेहा ॥ ७८ ॥
 अन्नाणतण्हसमणी सुयनाणपवा पयट्टिया जेहिं । सयलागमपोत्थयलेहणेण निच्चंपि भव्वाण ॥ ७९ ॥
 तेहिं तित्थाहिवपरमभत्तिसव्वस्समुव्वहंतेहिं । वीरजिणचरियमेयं कारवियं मुद्धबोहकरं ॥ ८० ॥
 जमजुत्तमेत्थ भणियं नियमइदुब्बलओ मए किंपि । तं साहंतु गुणद्धा ओच्छाइयमच्छरा विउसा ॥ ८१ ॥
 छत्तावल्लिपुरीए मुणिअंबेसरगिहंमि रइयमिमं । लिहियं च लेहएणं माहवनामेण गुणनिहिणा ॥ ८२ ॥
 नंदसिहिरुदसंखे(११३९)वोक्कंते विक्रमाओ कालंमि । जेट्ठस्स सुद्धतइयातिहिंमि सोभे समत्तमिमं ॥ ८३ ॥
 विट्ठब्धं चैतच्चरित्रं छत्रावल्यां श्रीमद्भिः स्थितिं दधद्भिः, मानं चास्य द्वादश सहस्राणि श्लोकानां ॥ चरित्रे चात्र विचक्षणानां विलोक-
 नार्हाणि बहूनि स्थानानि, विशेषेण चेमानि—
 १ पत्तो मगहाविसए, तहिं दिट्ठा कोडिपुरिसवोज्जा महासिला—मोतूणं कोडिसिलं, पत्रे ५९, अत्र कोटीशिलेति शिला कास्तीति
 प्रश्ने निश्चितं तस्या मगधविषये स्थानमिति

२ जिणवरो नाउं । चालइ मेरुं चलणंगुलीइ १२० । इह चावधेयं सिद्धान्तश्रद्धारहितैः, यतो न श्रीमद्भिर्हेमचन्द्रैः केवलमेतत् मेरुचालनं प्रत्यपादि, किन्तु तत्राक्कालीनैरपि श्रीगुणचन्द्रगणिभिः, श्रीमहानिशीथतृतीयाध्ययने श्रीपद्मचरित्रेऽपि च एवमेवाख्यातं स्पष्टतया

३ सिरिवद्धमाणचरियंमि—गम्भावयारजम्मणदिक्खाकल्लाणकहणपडिवद्धो—चउत्थओ एस पत्थावो १४१, अनेन वचसा खा-
धानां जिनवल्लभादीनां पद्कल्याणकवादिनां श्रीमज्जिनेश्वराभयदेवसूर्योः परंपराया चर्हिर्वर्तिता स्पष्टीभवति

४ ताहे तिलोयनाहो थुव्वंतो देवनरनरिंदेहिं—कप्पोत्ति तहवि साहइ २५१, अनेन वचसा भगवतः प्रथमदेशनाक्षणे नैव देवनराणां सद्भाव इति न संमतं गणिभिः, 'पुर्व्वि देवाणं धम्मं आइक्खइ' इत्यादिवाक्यं तु देवपर्पल्लाधान्येनेति ख्यापितं श्रीमद्भिः

५ तामलित्तिदसन्नपुरवीभयचंपाउजेणीगयपुरकंपिल्लनंदिपुरमहुरापुरेसु महानगरेसु भव्वसत्तजणं पडिवोहित्ता २६१, अनेन वचसा निरस्तास्ते मूलतो ये निजगदुरवन्त्यादीनां देशानां श्रीसंप्रतिनृपात् प्रागनार्यतां, यतः स्पष्टतयाऽत्र श्रीवीरस्य केवलित्ते उज्जयिनीदशार्णमद्रा-
दिपु विहारो दर्शितः, तेषां भ्रममूलं कौशाम्ब्या अटव्याः स्थाने कौशाब्ब्या नगर्या ग्रहः, अस्ति च गोद्रावर्या उपकंठं कौशांब्यटवी यत्र श्रीकृष्णस्य प्रेतता पाण्डुमथुरां गच्छतः, एवं च सौराष्ट्रकलिंगादीनां न व्याहन्येत श्रीवीरकालेऽप्यार्यता

६ अन्नया सेट्ठिणी नरिंदपत्ती य पंचवण्णसुरहिकुसुमदहियक्खयसुगंधिगंधधूववासपडिपुण्णपडलकरपरियरियाओ गयाओ जिणालयं, विरइया अणेगविच्छित्तिमणहरा सव्वण्णुविंषाण पूया ३२७, अनेन स्त्रीणां जिनविम्भानां पूजाया निषेधकस्य जिनदत्तस्य शासनतत्त्वापलापिता ध्वनिता

७ कप्पसमत्तीए विहरिया मुणिणो ३२९, इत्युक्त्या मासकल्पविहारस्योत्सूत्रतात्वादितो जिनदत्तस्य सूत्रोत्तीर्णवादिता व्यक्तीकृता

८ गुरुसाराओ धवलाउ सुविहिया साहुसंतई जाया ३४०, इत्येवं श्रीजिनेश्वरसूरेः सुविहितानामुद्भवो वर्णितः, तथाच तेभ्यः खरतरोत्पत्तिं वावदुका दूरं निरस्ताः, यद्यपि कैश्चिदपास्य भवभियं न्यस्तमत्र 'खरयरया' इति पदं न च तत् प्रलेष्वादशेषु, न च यथार्थं, तदनुयायिभिर्व्याकरणसंवेगरंगशालादिवृत्तिसुरसुन्दरीचरित्रादिषु तदुल्लेखस्याकृतेः, न च मात्रागणोऽपि उकारादारब्धो यथायथं समाप्नोति इत्यलमतिविस्तरेण चरित्रस्यास्य मुद्रणमारब्धपूर्वं श्रेष्ठि देवचंद लालभाइ जैनपुस्तकोद्धारसंस्थया, परं समाप्तेरवसरे श्रीराजनगरे श्रेष्ठिसुबाभाइ रवचंद इत्यनेन स्थापिताया विद्याशालासंस्थायाः कार्यवाहकैः श्रेष्ठिशिवाभाइ मोहनभाइ (२) जीवनभाइ इत्येभिः आगमाराधनोत्सवागतेनान्येन च द्रव्येण साहाय्यं चिकीर्षुभिः पंचविंशतिशतिका दत्ता द्रम्माणां संस्थायै एतस्यै, तेनानया संस्थया यथायथं समाप्य प्राकाश्यं नीतं चरित्रमेतत् । शोधने विहितेऽपि श्रमे स्वलितं यत् शोधयन्तु धीमन्तः सज्जनास्तदित्यर्थयते

आनन्दसागरः १९८५ कार्तिकशुक्ला ३ गुरुवासरे राजनगरात्



॥ नमो वीतरागाय ॥

॥ श्रीमहावीरचरित्रम् ॥

॥ श्रीमद्गुणचन्द्रसूरिवर्यनिर्मितं ॥

॥६॥

पयडियसमत्यपरमत्यवित्थरं भघचक्ककयसौक्खं । विप्फुरइ जस्स रविमंडलं व नाणं निहयदोसं ॥ १ ॥
जस्स य सोहइ पणमंतसकसंकंतनयणकमलवणं । कमविमलसरं तललीणमीणमयरं नहंसुजलं ॥ २ ॥
संगमयपणइणीहिं कडक्खविक्खेवखोभदक्खाहिं । जस्स मणागंपि मणो न चालियं नियपइण्णाओ ॥ ३ ॥
नरतिरियदेवविहिओवसग्गरिउवग्गविजयजायजसो । ओहामियऽण्णवीरो सो जयइ जिणो महावीरो ॥ ४ ॥
पणमइ सिरिरिसहजिणिंदचंदमुद्दामकामवलदलणं । गिहिसाहुधम्मपासायमूलपीढाइयं जेण ॥ ५ ॥
अजियाइणो जिणिंदा सुरिंदसंदोहनभियकमकमला । धम्ममहिधरणधीरा सेसव्व जयंति सेसावि ॥ ६ ॥
सो जयइ जिणो पासो जस्स सिरे सहइ फणिफणकडप्पो । पायडियसत्तजीवाइतत्तसंखं व दावित्तो ॥ ७ ॥
कविसेवियपयकमला सुत्तीहि पसाहिया महाभोगा । गोवग्गजणियसोक्खा सरस्सई जयइ सरियव्व ॥ ८ ॥

दंसियसमग्गसग्गापवग्गमग्गाण गोयभाईणं । गुणवंताण गुरूणं शुणामि पयपंकयं निच्चं ॥ ९ ॥
 इय संधवणिज्जप्पयपणाममाहप्पनिहलियविग्घो । भवाण सोक्खमूलं धम्ममुवएसं पयंपेमि ॥ १० ॥
 जलहिजलगलियरयणं व दुल्लहं पाविऊण मणुयत्तं । पुरिसत्थज्जणकज्जे उज्जमियवं बुहजणेणं ॥ ११ ॥
 तत्थ पुरिसत्थमत्थयचूडामणिविब्भमो परं धम्मो । सो पुण पइदिणसच्चरियसवणओ हवइ भवाणं ॥ १२ ॥
 तस्स य धम्मस्स जिणो पणायगो संपयं महावीरो । चरियंपि उ तस्सेव य सुणिज्जमाणं तओ जुत्तं ॥ १३ ॥
 तं पुण निस्सेसागमसमुहसवणासमत्थसत्ताणं । निउणेणावि न गुरूणा समग्गमवि तीरण वोत्तुं ॥ १४ ॥
 ता जह भुवणेकगुरू निप्पडिमपभावधरियधम्मधुरो । मिच्छत्ततिभिरसुसुमूरणेकमिहिरो महावीरो ॥ १५ ॥
 अच्चंतमणंतमणोरपारभवचारिरासिमणवरयं । पुवं परियट्ठिय तिरियतियसपुरिसाइभावेणं ॥ १६ ॥
 ओसप्पिणी इमीए पढमं चिय गामचिंतगभवमि । नीसेससोक्खमूलं सम्मत्तमणुत्तमं पत्तो ॥ १७ ॥
 तत्तो पाविय देवत्तमुत्तमं भरहचक्कवट्ठिस्स । मिरिइत्ति सुओ होउं काउं जिणदेसियं दिक्खं ॥ १८ ॥
 दुस्सहपरिसहनिम्महियमाणसो पयडिउं तिदंडिवयं । मिच्छत्तविलुत्तमई कविलस्स कुदेसणं काउं ॥ १९ ॥
 तद्दोसेणं अयराण वट्ठिउं कोडकोडिसंसारं । छब्भवगहणे पुणरवि पारिव्वज्जं पवज्जित्ता ॥ २० ॥
 दीहं संसारं हिंडिऊण रायग्गिहंमि रायसुओ । होऊण विस्सभूई घोरं संजममणुचरित्ता ॥ २१ ॥

मरणे नियाणवंधं निवृत्तिय सुरसुहं च भोक्तुणं । पोयणपुरे तिविद्वृ परिपालिय वासुदेवत्तं ॥ २२ ॥

मूयाए पियमित्तो चकित्तं संजमं च अणुचरिउं । छत्तग्गाए नंदण नरनाहत्तं च पवज्जं ॥ २३ ॥

परिपालिय वीसइकारणेहिं तित्थाहिवत्तमज्जिणिउं । पाणयकप्पा चविउं कुंडग्गामंमि नयरंमि ॥ २४ ॥

सिद्धत्थरायपुत्तो होउं जंतूणमुद्धरणहेउं । सबविरइं पवज्जिय दुविसहपरीसहे सहिउं ॥ २५ ॥

केवललच्छिं लहिउं संपत्तो मोक्खसोक्खमक्खंडं । अट्टहिं पत्थावेहिं सिद्धंताओ तह कहेमि ॥ २६ ॥

द्वादशभिः कुलकम् ॥ अहवा-

कथं भुवणेक्कपहुणो चरियं अम्हारिसो कहिं कुकई ? । साहसमिममसममुयहिपवाहतरणाभिलासोव ॥ २७ ॥

तहवि हु गुरुजणवयणोवरोहओ मुद्धलोयसुहवोहं । विरएमि चरियमेयं खमियवं एत्थ सूरीहिं ॥ २८ ॥

एत्थ य पत्थुयचरिए नाणाविहसंविहाणगाइन्ने । अमयजलकुल्लतुल्ले महल्लकल्लाणवल्लीणं ॥ २९ ॥

कथंवि जइवि हु किंपिप्पसंगओ किंपि बुद्धवयणाओ । सत्थंतराणुसरणाओ किंपि किर भण्णइ अउवं ॥ ३० ॥

चरिएयरंति तहवि हु न संकियवं कहिंपि कुसलेहिं । उवकहपमुहं एत्तो पज्जत्तं बहुपसंगेणं ॥ ३१ ॥ विशेषकम्

अत्थि समत्थावरविदेहालंकारकप्पकप्पपहुमणिमउडविडंकविविहरयणकंतिविच्छुरियचरणजिणनाहविहरणप-
संतडिंउडमरं अमरागारसमुत्तुंगसिंगसमुवहसियहिमगिरिवरं वरवेरुलियकणयकलहोयपमुहमहागरसोहियवसुंधराभोगं

महावप्र-
जयन्ती
शत्रुमर्दनव.

॥ २ ॥

भोगोवभोगलालसजणजणियपरितोसं सुरभूमिसोहग्गमडप्परफंसयं महावप्पं नाम विजयखेत्तं, तत्थ य विसालसा-
लवलयखाइयापरिक्खित्ता नाणाविहविहारवापीकूवमहासरसरियपरिसराभिरामा सुविभत्तत्तियचउक्कचच्चरचउप्पह-
पसोहिया पासायसयमालालंकिया सुइनेवत्थमहिच्छच्छेयजणसंकुला पागसासणपुरिव दीसंतनाणाविहरयणा कम-
लासणमुत्तिव सबओमुही विंझगिरिमेहलव पुन्नागनागसोहिया जहत्थाभिहाणा जयंती नाम नयरी

कुलसेलुत्तुंगथणत्थलीए नहनइजलोहहाराए । धरणीरमणीए मुहे जा सोहइ चित्तलेहव ॥ ३२ ॥

सत्तमुणिमेत्तगवियमणेगमुणिसंकुला सुरपुरिंपि । एगवुहं भूरिविवुहा हसइ व जा तूररसिएहिं ॥ ३३ ॥

जीए य कमलसंडाण मित्तविरहसंकोथपीडणाणि मुणिवराण करवालुप्पाडणं वालकुंजरेसुं कलहसद्दो रहंगमि-
हुणाण पियविरहवेयणा तंतुवायसालासु वसणुब्भवो, न कयाइ लोएसु, तहिं च-सायरपणमंतमहंतसामंतमउलिमा-
लामणिमसिणियपायवीढो पयंडभुयदंडमंडलियकोडंडनियत्तत्तिकखखुरुप्पखंडियसयसत्तुमुंडमंडियसमरंगणो, दप्पुब्भ-
डसुहडपरिवुडदंडनाहसहस्साणुंसरिजमाणमग्गो मग्गणगणवंचाइरित्तपूरियमणोरहो, रहोव सुसिलिट्टलट्टसुचक्कक-
यसंचरणो रणरसियपुरिसोव कयवहुकवयपरिग्गहो गहगणोव कविमुहगुरुवयणाणुगओ गओव अणवरयदाणवरिसो
रिसिव निग्गहियछवग्गपयारो पयारोव पुवपुहइपालपवत्तियनयनयरीए हिमगिरिव डिंडीरपिंडपंडुरकित्तिसुरस-
रियाए जलहिव अणेगगुणगणरयणरासीए

श्रीमहा०
चरित्रे
१ प्रस्तावः
॥ २ ॥

विपक्खदप्पखंडणो नरिंदवंसमंडणो, अजायभंगसासणो कुनीइलोयनासणो ।

असेससोक्खकारणं करेइ लोयपालणं, नरिंदसत्तुमहणो म(ज)णंमि चित्तनंदणो ॥ ३४ ॥

जंमि य नराहिवे पवलवलसालिभुयपरिहारोवियधरणिभारे रायनीइमेत्तं मंतिणो सोहां हरिकरिरहजोहंसामंगी
आडंवरं असिचक्कावसरकुंतप्पमुहपहरणपरिग्गहो सेवगा पणयावेक्खासजीयनिरवेक्खंगरक्खपरिक्खेवपरिकप्पणा ।
तस्स य रण्णो विसिद्धायारपरिपालणपरायणो धम्मसत्थसवणवियाणियहेज्जोवादेयवत्थुसरूवो गंभीरिमाइगुणग-
णावासो पयइसरलो पयइविणीओ पयइपियंवओ पयइपरोवयारपरो पुहइप्पइट्ठाणनामंमि गामे नयसारो नामं गामं-
चित्तगो अहेसि । जो य तहाविहसाहुसेवाविरहेऽवि अलसो अकज्जवचित्तीए परम्महो परपीडाए सयण्हो गुणंगणो-
वज्जणाए अचक्खू परच्छिइपलोयणाए । एवंविहगुणो य सो सविसेसगुणुकरिससाहणनिमित्तं भणिओ गुरुअण्णेणं,
जहा-धणरिद्धी दूरं वड्डियावि दुव्विणयपवणपडिहणिया । एकपएचिय पुत्तय ! पणस्सए दीवयसिहव ॥ ३५ ॥

णीहारहारधवलोवि वच्छ ! सेसो गुणाण संघाओ । विणएण विणा वयणं व नयणरहियं न सोहेइ ॥ ३६ ॥

अन्नंतपिओऽवि परोवयारकारीवि भुयणपयडोऽवि । वज्जिज्जइ पुरिसो विणयवज्जिओ गुरुभुयंगोव ॥ ३७ ॥

इय दुव्विणयत्तणदोसनिवहमवलोऊण बुद्धीए । पुत्त ! रमेज्जसु विणए समत्थकल्लाणकुलभवणे ॥ ३८ ॥

तहाहि—विणएणं हुंति गुणा गुणेहिं लोगोऽणुरागमुव्वहइ । अणुरत्तसयललोयस्स हुंति सवाओ रिद्धीओ ॥ ३९ ॥

श्रीमहा०
चरित्रे
१ प्रस्तावः
॥ ३ ॥

रिद्धीहिं संगओ गयवरोव अणवरयदाणवरिसेण । मग्गणगणपणईणं उवयारं कुणइ लीलाए ॥ ४० ॥
उवयरणेणं तेसिं लब्भइ आचंदकालिया कित्ती । तीएऽविहु लद्धाए किं नो लद्धं तिहुयणेऽवि ? ॥ ४१ ॥
एसच्चिय जेण थिरा जुगविगमेऽविहु न वच्चइ विणासं । उप्पत्तिपलयकलियं सेसं पुण थेवदियहथिरं ॥ ४२ ॥
इय गुरुजणसिक्खं गिण्हऊण तह कहवि संपयट्ठो(सो) । वीसासट्ठणं नरवइस्स परमं जहा जाओ ॥ ४३ ॥
अन्नया य सत्तुमहणनराहिवेण भवणसंदणाइनिमित्तं पवरदारूहिं पओयणंमि संपत्ते आणत्तो एसो-भइ !
गच्छसु तुमं पभूयं सगडसमूहं किंकरनरनियरं च गहाय दारुनिमित्तं महाडवीएत्ति, तओ सिरसा सासणं से पडि-
च्छिय विसिट्ठसंबलगसमेओ समग्गसामग्गीसणाहो पट्ठिओ गामचिंतगो, पत्तो य अणवरयगमणेण महाडवीए,
जा य केरिसी?—गयणयलाणुलिहंतमहंतचित्ततरुवराभोगावरद्धदिसावगासा अणवरयझरंतगिरिनिज्झरझंकारमणहरा
जहिच्छविसरंतरुविरुयरिंछहरिहरिणसदूलभीसणा महापुरिसवच्छत्थलिव सिरिवच्छालंकिया मिगरायकंधरव
केसरविसरविराइया उवसनगरभूमिव मायंगकुलसंकुला सुहडावलिव धरियवाणासणा । तहिं च निउत्तपुरिसेहिं
सरला य दीहरा य विसाला सुंदरा य सुजायवट्ठखंधवद्धा य तरुणो समारद्धा छिंदिउं, एवं च छिंदंताण जाओ मज्झणह-
समओ, संपत्ता भोयणवेला, पगुणीभूओ भोयणकरणाय गामचिंतगो, उवणीया किंकरगणेण विचित्तखंडखज्जप्पहाणा
रसवई, जइ पुण सत्थपरिब्भट्ठो वा मग्गं अयाणमाणो वा एत्थ तडियकप्पडियसमणप्पमुहो अतिही छुहाभिभूओ एज्ज

नयसारः
विनयः
काष्ठेभ्यो
गमनं,

॥ ३ ॥

ता तस्स दाऊण सयं भुंजामित्ति संपधारिऊण गामचिंतगेण थेवं भूमिभागं गंतूण तंक्खणमवलोइयं दिसावलंयं,
एत्यंतरे सत्थपरिब्भट्ठा संता परिसंता खुहापिवासाभिभूया मज्झंदिणदिणयरतावविगलंतसेयसलिलधरा तरुवरनि-
वडणकडयडारावनिसामणसंभावियसत्थावासा समागया तं पएसं तवस्सिणो, दिट्ठा य तेण ससंभमं, गओ तदभिमुहं,
गाढकरुणारसाउरिज्जमाणमाणसेण पणमिऊण पुच्छिया अणेण—भयवं! किमेवं विजणविहारमायरह?, साहूहिं भणि-
यं—भइ! सत्थेण(समं)पढमं अम्हे पत्थिया, भोयणकाले जाव असणपाणट्ठा गामं पविट्ठा ताव गओ सत्थो, अम्हेऽवि
तुरंता सत्थाणुमग्गलगा इंता निग्गया एत्थ महाडवीए, गामचिंतगेण भणियं—अहो निकरुणया अहो दुट्ठसीलया अहो
नरकनिवासलालसत्तणं अहो वीसत्थघाइत्तणं अहो पावाभीरुत्तणं अहो आजम्मा नियकुलकलंकरुणं तेसिं सत्थियाणं,
अविय—सत्तपयमेत्तसंथवसेऽवि सुयणाण वड्डए नेहो । आजम्मदंसणेऽविहु निइयचित्ताण न खलाणं ॥ ४४ ॥

सत्थाणुसरणकालेऽवि वारिया किं न पावबुद्धीहिं । एए महाणुभावा पढमं चिय साहुणो तेहिं? ॥ ४५ ॥

जइ एएसिं सीहाइएहिं कीरेज्ज एत्थ विइवणं । ता नूणमेव तेसिं नरगेऽविहु होज्ज संवासो ॥ ४६ ॥

अहवा पावाण कहाएँ होउ नियधम्मदूसणकरीए । आगच्छह आवासं कुणह पसायं ममेयाणिं ॥ ४७ ॥

इय भणिए ते मुणिणो जुगमेत्तनिहित्तचक्खुणो धीरा । तस्सावासंभि गया पच्चक्खा धम्मनिहिणो व्व ॥४८॥

पुण्णवससाहुदंसणसिणेहसंजायतिव्वसद्धेणं । विउलेहिं असणपाणेहिं तेणऽवि पडिलाहिया विहिणा ॥ ४९ ॥

गहियभत्तपाणेहि य पडिनियत्तिऊण जीवोवरोहरहिए थंडिलंमि पडिक्कंता ईरियावहिया आलोइयं भत्तपाणं कयं चित्तिवंदणं विहिओ तक्कालोचिओ सज्झाओ, सुहज्झाणेण खणंतरं गमिऊण समुज्झिय रागदोसं मुणिणो परिजिमियत्ति, गामचिंतगोऽवि कयत्थमप्पाणं मन्नंतो भोत्तूण समागओ तेसिं सगासे भणिउं पवत्तो—भयवं ! आगच्छह तुम्हे जेण नगरगामिणिं वत्तिणिं उवदंसैमि, तओ पत्थिया साहुणो तेण सद्धिं, तेसिं च मज्झे एगो मुणी धम्मकहालद्धिसंपन्नो, तेण य णायं—जहा एस धम्मजोगोत्ति, ता अवस्सं सद्धम्मे निजुंजियव्वो होइत्तिचिंतिऊण भणिओ सो गामचिंतगो—भो महायस ! कुमग्गपरिभमणपीडियाणं तण्हाल्लुहाभिभूयाणं अम्हाणं तहाविहपडिवत्तीए असणपाणदाणेण य परमोवयारी तंऽसि ता किंपि अणुसासिउं समीहामो, गामचिंतएण भणियं—भयवं ! किमेवमासंकह ?नियसिस्सनिव्विसेसं सिक्खवेहित्ति, तओ साहुणा पारद्धा धम्मदेसणा, जहा—

धणुसिक्खाविरहियपुरिसखित्तसरजणियराहवेहं व । तुडिजोगा मणुयत्तं लद्धूणं कुसलबुद्धिमया ॥ ५० ॥

सग्गापवग्गफलसाहगस्स धम्मस्स पायवस्सेव । मूलं सम्मत्तमहो जाणेयव्वं पयत्तेणं ॥ ५१ ॥

मिच्छत्तपंकपडलावलुत्तसन्नाणनयणपसराणं । सिरसूलमूलमेसा जणाण सम्मत्तवत्तावि ॥ ५२ ॥

जुत्ताजुत्तं केणवि करुणापरबुद्धिणोवइट्ठंपि । दुस्सुमिणंपिव सोउं नेव वंछंति तुच्छमई ॥ ५३ ॥

दढमूढगुरुपरूवणवसेण कम्मं च तं पकुव्वंति । जेण निमज्जंति अहो कूक्खणणुज्जयनरो व्व ॥ ५४ ॥

जं मिच्छतोदयो अगुरुं पि गुरुं अदेवमवि देवं । धत्तुरिओव्वं गेणहइ लेद्धं व सुवण्णवुद्धीए ॥ ५५ ॥
 तेणं चिय पाणिगणो गणणाइकंतवेलमणुभवइ । तं किंपि दुक्खनिवहं जं जाणइ केवली सम्मं ॥ ५६ ॥
 इय भो देवाणुप्पिय ! मिच्छत्तं सयलदोसकुलभवनं । नीसेसदुग्गदुग्गइसंसग्गकरं लहुं चयसु ॥ ५७ ॥
 सम्मत्तं पुण नीसेसदोसविरहियमसेससुहफल्यं । जीवाण तिच्चजरमरणदुक्खवुच्छेयणसमत्थं ॥ ५८ ॥
 जं मोहणिज्जपवलत्तविगमओ गुरुवसा सयं वावि । उल्लसई कल्लाणयवल्लीजलकुल्लतुल्लं व ॥ ५९ ॥
 तत्तो अट्टारसदोसवज्जिए जिणवरंमि पडिवत्ती । देवोत्ति समुप्पज्जइ निरवज्जा वज्जघंडियव्व ॥ ६० ॥
 सयमवि धम्मंपरेसुं सिद्धंतवियारणेक्ककुसलेसुं । धम्मोवएसनिरएसु होज्ज साहसु गुरुवुद्धी ॥ ६१ ॥
 ता जिणवयणायण्णणविण्णायसमत्थतत्तरयणस्स । विरमइ य मई लोइयधम्माउ कुवस्सयाउव्व ॥ ६२ ॥
 अवगणइ गोपयं पिव दुग्गइदुहमयरभीसणावत्तं । कम्मजलुप्पीलाउलमरइरंउहं भवसमुहं ॥ ६३ ॥

तथा—सम्मत्तुत्तमसन्नाहविहियरक्खो खणेण विक्खिवइ । सुहडोव्व तित्थियभडुब्भडंपि मिच्छत्तसंगामं ॥ ६४ ॥
 पासायस्स व पीढं पुरस्स दारं व मूलमिव तरुणो । वारसविहधम्मस्सवि आई किर्त्तित्ति सम्मत्तं ॥ ६५ ॥
 इय भो एवं लक्खिय निरवेक्खो लोइएसु मग्गेषु । सहहणनाणसारं सरहसमणुसरसु सम्मत्तं ॥ ६६ ॥
 ताहे भत्तिभरोणयभालयलमिलंतमउलकरकमलो । सोचा सो गुरुवयणं भत्तीए भणिउमाढत्तो ॥ ६७ ॥

श्रीमहा०
चरित्रे
१ प्रस्तावः
॥ ५ ॥

भयवं ! किमेवमुवइसह पावनिरयाण बुद्धिरहियाणं । पञ्चकखपसूणं पिव अम्हाणं दढमजोग्गाणं ॥ ६८ ॥
गुरुणा भणियं मा वयसु एरिसं जेण जोग्गया तुज्झ । जाणिज्जइ संपन्ना संपइ पञ्चकखलिंगोहिं ॥ ६९ ॥
कहमण्णहमेवंविहमहाडवीनिवडिया तए अम्हे । दिट्ठा पहपब्भट्ठा गाढस्समसुठिय(सिठिल)सव्वंगा ? ॥ ७० ॥
कह तत्थवि दंसणमेत्तओऽवि चिरदिट्ठवल्लहजणे व्व । पुलयपडलाणुमेओ उप्पण्णो तुह पमोयभरो ? ॥ ७१ ॥
कह वा भोयणसमओवणीयनियभोयणेण दाणमई । जाया अम्हाणुवरिं खुहापिवासाभिभूयाणं ? ॥ ७२ ॥
एवंविहपरिणामो उप्पज्जइ नेव पुण्णरहियाणं । एवंविहा य अतिही न य चक्खुपहं पवज्जंति ॥ ७३ ॥
रयणनिहाणं किं रोरमंदिरे किं मरुंमि कप्पतरू । कत्थवि थलंमि जलकमलसंभवो हवइ कइयावि ? ॥ ७४ ॥
ता एवंविहविघडंतवत्थुसंघडणलिंगसद्धेया । कहमिव तुज्झ न सद्धम्मजोग्गया भद्दमुह ! होज्जा ? ॥ ७५ ॥
जेणेरिस सामग्गी निरवग्गहपुण्णपगरिसवसेण । सिवलच्छिपेच्छियाणं निच्छयओ घडइ मणुयाणं ॥ ७६ ॥
किंच—आरियखेत्तुप्पत्ती कुलमकलंकं नरत्तसंपत्ती । निरुवहयरूवलाहो रोगोरगदूरविगमो य ॥ ७७ ॥
आउयमवि पडिपुण्णं कलाकलावंमि कोसलं विमलं । साहूहिं समं जोगो एत्तियमेत्तं तए पत्तं ॥ ७८ ॥
एत्तो एगयरंपिहु पण्णं व सकम्मपवणपडिहणिया । संसारंमि भमंता अणंतसत्ता ण संपत्ता ॥ ७९ ॥
तुमए पुण सव्वमिसं उवलद्धं पुण्णपगरिसवसेणं । ता एत्तो निरुवममोक्खसोक्खफलदाण लियं ॥ ८० ॥

सम्यक्त्वं
योग्यता.

॥ ५ ॥

सिहिणो सिंहं व सारं फणिवइफणरयणचक्रवालं व । एकं अपत्तपुवं गिण्हसु जिणदेसियं धम्मं ॥ ८१ ॥ युग्मम्
 इय भणिए सो चित्तेउमारद्धो तिबजायसंवेगो । कह नियकज्जपसाहणंपरम्महाणं गुणनिहीणं ॥ ८२ ॥
 केवलकरुणारससायराण समगणियरायरोराणं । जाओ मइ पडिवंधो गुरुण खणदंसणे वावि ? ॥ ८३ ॥ युग्मम्
 निष्पुण्णेषु जणेषुं चक्खुंपि खिवंति नेरिसा समणां । ता सब्वहेसि वयणं जुत्तं मह संपयं काउं ॥ ८४ ॥
 विस्संभरतलविलुलंतमउलिमह पणमिऊण गुरुचलणे । आणंदसंदिरंसूनयणो सो भणिउमाढत्तो ॥ ८५ ॥
 निक्कारणेक्कवच्छल ! भयवं नीसेससत्तताणपरा । आरोहेसु ममिण्हिं सम्मत्तं भवविरत्तस्स ॥ ८६ ॥
 ताहे गुरुणा जिणभणियनीईओ नायजोग्गयगुणेण । चित्तुच्छाहप्पमुहपहाणसउणोवलंभंमि ॥ ८७ ॥
 अरिहं देवो गुरुणो य साहुणो जिणमयं मयं तुज्झ । इय एवं आरोवियमाजम्मं तस्स सम्मत्तं ॥ ८८ ॥
 भणिओ य वच्छ ! निव्वाणलच्छिवीयं मए इमं दिण्णं । संकाइदोसविरहेण सब्वहा ता जएज्ज इहं ॥ ८९ ॥
 धन्नोऽसि तुमं भदय ! दुहसयरुहंमि भवसमुदंमि । जेण तए जिणधम्मो तरणतरंडोवमो पत्तो ॥ ९० ॥
 एयस्स पभावेणं पालिज्जंतस्स सब्वकालंपि । जीवेहिं अणंतेहिं दुक्खाण जलंजली दिण्णो ॥ ९१ ॥
 पयईए खणविणस्सरसंसारुभवसुहस्स कज्जेणं । एयंमि मा पमायं काहिसि तं भद ! कइयावि ॥ ९२ ॥
 अह सो नमिउं चरणे गुरुण भवभीयपाणिगणसरणे । हरिसभरवंधुरगिरं उदाहरित्था वयणमेयं ॥ ९३ ॥

श्रीमहा०
चरीत्रे
१ प्रस्तावः
॥ ६ ॥

श्रेवोवयारिणोऽविहु लोया पूयं करिंति सविसेसं । एवंविहोवयारीण तुह किं संपयं करिमो ? ॥ ९४ ॥
तहवि नियत्तह भयवं ! गिण्हह धणरयणभवणसंसारं । अहवा किमेत्तिणं ? जीर्यपिहु तुह आयत्तं ॥ ९५ ॥
गुरुणोववूहिओ सो ससरीरेऽवि हु ममत्तरहिण । सम्मं कयं महायस ! तयत्ति एवं जओ भणियं ॥ ९६ ॥
सम्मत्तदायगाणं दुप्पडियारं भवेसु बहुएसुं । सब्वगुणमेलियाहिंवि उवयारसहस्सकोडीहिं ॥ ९७ ॥
परमत्थेण महायस ! दिण्णं तुमए समत्थमम्हाणं । एयंमि धम्मकम्मंमि निच्चमब्भुज्जमंतेण ॥ ९८ ॥
इय गुरुणा सिक्खविउं जिणिंदधम्मस्स सब्वपरमत्थं । भणिओ सो अणुजाणसु एत्तो अम्हे गमणकज्जे ॥ ९९ ॥
दूसहगुरुदंसणविरहवेयणावाउलीकयसरीरो । दूरपहं अणुगच्छिय दंसिय मग्गं नियत्तो सो ॥ १०० ॥
भावेतो गुरुवयणं चिंतंतो भवभयं महाघोरं । सम्मत्तभाविमई निययावासंमि संपत्तो ॥ १०१ ॥
तओ काऊणमणंतरकरणीयं भरिऊणं सगडाणि विसिट्टकट्टाणं नीसेसभिच्चजणसमेओ नियत्तो नियगामाभिमुहं,
पत्तो य कालक्कमेण, पेसियाणि दारूणि नरिंदस्स । तओ पइदिणं अब्भस्संतो जिणधम्मं पज्जुवासंतो मुणिजणं
परिचिंतितो जीवाजीवाइणो नव पयत्थे रक्खंतो पाणिगणं बहु माणंतो साहम्मियजणं सद्वायरेण पभावेतो जिण-
सासणं कालं गमेइ । अण्णया य मरणपज्जवसाणयाए जीवलोयस्स खणभंगुरत्तणओ सब्भवावाणं तहाविहमुवक्कम-
णकारणं पाविऊण सोसम्मं परिपालियाविरयसम्मदंसणभावो कयपज्जंताराहणाविहाणो सुमरंतो पंचनमोक्कारं

सम्यक्त्वा-
रोष
आराधना.

॥ ६ ॥

पंचत्तमुवगओत्ति ।

उववण्णो सोहम्मे पलियाउसुरो तओ सुदिट्ठीओ । अंतोमुहुत्तमेत्तेण पत्तपज्जत्तभावो य ॥ १०२ ॥

जय जय नंदा ! भदत्ति वाहरंतेण किंकरजणेणं । हरिसभरनिम्भरेणं कारियतक्कालकायवो ॥ १०३ ॥

उत्तुंगयोरयणवट्टलट्टरेहंतमोत्तियसरीहिं । छणमयलंछणसच्छहवयणाहिं कुवलयच्छीहिं ॥ १०४ ॥

निम्मलकवोलतललिहियचित्तविच्छित्तिपत्तवल्लीहिं । करकिसलयपरिघोलिरचामीयरचारुवलयहिं ॥ १०५ ॥

सुरसुंदरीहिं सद्धिं कीलंतो तेसु तेसु ठाणेंसुं । रइसागरावगाढो कालं वोलेइ लीलाए ॥ १०६ ॥ तीहिंविसे०

कल्लाणगेषु पंचसु चवणप्पमुहेसु जिणवरिंदाणं । नंदीसरदीवाइसु परिचत्तासेसवावारो ॥ १०७ ॥

भवजलहितरंडमिमं तिदुक्खतत्ताणममयमेयंति । मणवंछियत्थपूरणचिंतामणिपच्चलमिमंति ॥ १०८ ॥

अम्हारिसाणमविरइपराण इय विहियगाढवहुमाणो । हरिसभरनिम्भरंगो कुणइ य अट्टाहियामहिमं ॥ १०९ ॥ तीहिंविसे.

हिमवंतमहाहिमवंतपमुहकुलपच्चएसु अणवरयं । दिव्वविमाणारूढो सिद्धाययाणि पेच्छइ य ॥ ११० ॥

सुणइ य पच्चक्खं चिय विहरंतऽरिहंतवयणकमलाओ । संसारुव्वेयकरं भत्तीए धम्मसव्वस्सं ॥ १११ ॥

दुकरतवचरणकिसंग(सारए)संगवज्जिए मुणिणो । मणवयणकायगुत्ते भत्तीए पज्जुवासइ य ॥ ११२ ॥

इय पवरसिद्धिमंदिरसोआणपरंपरासरिच्छंमि । सिरिवीरनाहजिणवरचरियंमि गुणोलिनिलयंमि ॥ ११३ ॥

अचंतुत्तमसम्मत्तलाभनामो समत्थिओ एसो । भव्वजणचित्तसंतोसकारओ पढमपत्थावो ॥ ११४ ॥ इइ
सम्मत्तलाभनिरुवणो पढमो पत्थावो ।

अह विइओ पत्थावो

एवं लाभो बोहीएँ परमसिवसाहिवीयभूयाए । भणिओ एत्तो सम्मं मिरीइवत्तव्वयं सुणह ॥ १ ॥

एत्येव समत्थसमुद्दीववलओवगूढपज्जंते । मेरुविराइयमज्झे जंबूदीवंमि दीवम्मि ॥ २ ॥

आरोविधणुगुणसच्छहंमि तह दाहिणद्धभरहंमि । गंगासिंधूण महानईण बहुमज्झयारंमि ॥ ३ ॥

अत्थि पसत्थिविविहतुरुसंडमंडियपरिसरा पेरंतपरूढपंडुच्छुताडनीवारविराइया नाणामणिरयणरइयधर-
णिवीढा अमरावइच्च नासच्चाहिट्टिया अहिणवपुरिच्च नवकुलालंकिया जणयतणयच्च कुसलवलालसा विलासिणिच्च
दीहरच्छोवसोहिया रामएवसेणच्च अदिट्टविहीसणदोसा पायालपुरिच्च अहीणजणाणुगया सुरिंदवयणोवरोहहरिसि-
यवेसमणजक्खविणिम्मिया वारसजोयणदीहा नवजोयणविच्छिण्णा समुत्तुंगकणयपायारपरिक्खित्ता पवरभवनमा-
लासहस्साभिरामा धणकणयरणपरिपूरिया विणीया नाम नयरी ॥

जत्थ वम्महो इव अखंडरुवलावणजोव्वणगुणविब्भमो रेहइ पउरजणो, अकित्तिममंडणाओ सुरसुंदरीओ-
वि परिहवंति नियरुवेण तरुणीओ, जहिं च सूरुसु चैव सुव्वइ मग्गणसहो दोसियाणं दोसाभिलासो तरुवराणं गया-

परायतो स्वप्नेषु वदरसदो ॥ तं च रक्खेइ खंचियचलियासणागयाखंडलकरकलियकणयकलसविहियरजाभिसेओ
तफालसंगहियउग्गभोगरायन्नखत्तियचउव्विहपहाणपरियरो सुरवइविइण्णकणयकडयतुडियमणिमउडपमुहदिव्वालं-
कारालंफियसरीरो सिरिउसभनराहिवो ॥

कसिणासाढचउत्थीएँ चत्तसव्वत्थसिद्धिवासो जो । उत्तरसाढानक्खत्तजोगमिंदुंमि संकंते ॥ ४ ॥

कुलगरनाभिस्स गिहे चोदसगयपमुहसुमिणकयसूओ । मरुदेवीए गब्भे पाउब्भूओ महाभूर्इ ॥ ५ ॥

पुव्वज्जियपुण्णसमूहचलियसिंहासणेण सक्केण । भत्तीए जस्स पणया जणणी गब्भावयारंमि ॥ ६ ॥

चेत्तवहुलट्ठमीए उत्तरसाढासु अद्धरत्तंमि । भुवणजणजणियतोसो जाओ जो पुण्णचंदोव्व ॥ ७ ॥

जस्स य जम्मणकम्मं तक्खणचलियासणा उ अकरिंसु । निययहिगारणुरूवं छप्पण्णदिसाकुमारीओ ॥ ८ ॥

वंत्तीससुरिदेहिं नीसेसामरसमूहसहिएहिं । मेरुंमि जम्ममज्जणमहूसवो निम्मिओ जस्स ॥ ९ ॥

जस्सोरुवसभलंछणदंसणसंजायहरिसपुलएण । सिरिनाभिनरिदेणं उसभोत्ति पइट्ठियं नामं ॥ १० ॥

सुररायपाणितलसंठिओच्छुलट्ठिं करे धरंतेण । जेण जहत्यभिहाणं निम्मियमिक्खागुवंसस्स ॥ ११ ॥

लेहप्पमुहा वावत्तरी कला जेण देसिया पढमं । बहुभेयं कासवलोहचित्तघडवत्थसिप्पं च ॥ १२ ॥

कम्मं च खेत्तवाणिज्जपमुहसाई निदंसियं जेण । अविपक्ककणविभक्खणदुक्खियजणजलणपयणं च ॥ १३ ॥

श्रीमहा०
चरित्रे
२ प्रस्तावः
॥ ८ ॥

दुन्नयपसत्थजणसिक्खणत्थमुवदंसिया जए जेणं । सिट्ठजणरक्खणट्ठा सामाइ चउविहा नीई ॥ १४ ॥
दारपरिग्गहसमए जस्स सुरिंदेण परमरिद्धीए । पुंखणगविहिसणाहो विवाहमहूसवो विहिओ ॥ १५ ॥
वागरणछंदकहकव्वमग्गजोइसपमोकखवहुविज्जा । लट्ठा जेणुवइट्ठा पढमं चिय सुद्धवुद्धीए ॥ १६ ॥
नियनियकम्मनिसेवण नियमेणं गुरुजणस्स नमणं च । जायकुलाण ववत्था जेण समत्था कया भुयणे ॥ १७ ॥
किं बहुणा-जुत्ताजुत्तवत्थुविण्णाणसुण्णहियएसु । नीई अज्जवि विफुरइ जस्स कित्तिव्व सव्वगया ॥ १८ ॥
तस्स य गयतुरयपमुहरज्जंगपरिवुडस्स संसएसु य ववत्थासु य कुलायारेसु य परोप्परविसंवाएसु य सयल-
जणपुच्छणिज्जस्स नंदाए देवीए सुमंगलाए य समं विसयसुहमणुहवंतस्स वचंति वासरा, अण्णया य सुमंगलाए
देवीए भरहो बंभी य मिहुणगं जायं, तथा सुनंदाएऽवि देवीए बाहुवली सुंदरी य जुवलयं जायं, एवं वचंतंमि काले
पुणोऽवि सुमंगला देवी अण्णाणि एग्गणपन्नासं पुत्तजुयलगाणि पसूया, ते य भरहप्पमुहा कुमारा वट्ठंति सरीरेण
नीसेसकलाकलावकोसलेण य, एवं च निदंसिय सयलकला कुलव्ववत्थाए सुहलोयवावारो उसभनरिसरो तेयासी-
पुव्वलक्खाइं जाव परिपालिऊण गिहत्थपज्जायं अवलोइऊण परलोयमग्गाणुरूवधम्मवावारविरहियं भवपंकनिमज्जमाणं
(जणं)मणे अचंतकरुणारसालिद्धवुद्धी तक्कालचलियासणागयसारस्सयपमुहलोगंतियतियससमहियमुच्छाहियचित्तवित्ती
विणिवित्तभोगपिवासो भरहपमुहपुत्तसयसंविभत्तपरिचत्तवसुंधराभारो आसंवच्छरक्कणयवारिधारावरिसाभिणंदियदी-

ऋषभवाल्क्यं
भरतादि-
जन्म.

॥ ८ ॥

णमग्गणजणो चेत्तस्स बहुलट्ठमीए उत्तरासाढनक्खत्ते पच्छिमपहरावसेसे दिवसे कच्छमहाकच्छपमुहाणं नियनियपुण्ण-
 (त्त)निहित्तरज्जवावडाणं चउहिं सहस्सेहिं मंडलेसराणं परिवुडो देवदाणवुक्खित्तविचित्तचित्तोवसोहिंयसुदंसणाभि-
 हाणसिविकाधिरूढो परमविभूर्इए समग्गकाणणलच्छिलीलावणंमि उज्जाणे कयकट्टुकिट्टवकम्मो परिचत्तसवंगसं-
 गिरयणाभरणो सयमेव चाउमुट्टियं लोयं काऊण कयसिद्धनमोक्कारो पडिवण्णसव्वसावज्जजोगविरती वत्तीससुरेसरेहिं
 चउव्विहदेवनिकायसहिएहिं सव्भावसाराहिं महत्थाहिं पसत्थाहिं गिराहिं थुव्वमाणो पंचिंदियदित्ततुरयंदमणो
 समणो जाओत्ति ॥

सुररायनिसिद्धविसिद्धसमंसावलंवि वहमाणो । कच्छमहाकच्छपमोक्खभिक्षुलोएण परियरिओ ॥ १९ ॥
 परिचत्तसव्वसावज्जजोगसंगो तिगुत्तिगुत्तो य । अप्पडिबद्धो गामाणुगाममह विहरिओ भयवं ॥ २० ॥ जुम्मं ।
 घणकणयसमिद्धसमुडुरा य मणुया मुणंति नो तइया । का भिक्षा के तग्गाहिणोत्ति भिक्षं भमंतंमि ॥ २१ ॥
 परमेसरंमि ताहे नियपहुपणएण कणगकरितुरए । इत्थी महत्थवत्थे पणया मणुया पणामेंति ॥ २२ ॥ जुम्मं ।
 भिक्षं अपावमाणा कच्छमहाकच्छपभिइणो मुणिणो । पइदियहमणसणेणं संजायसरीरसंतावा ॥ २३ ॥
 तेलोक्कनायगे मोणमस्सिए ते उवायमलभंता । परिसडियपंडुपत्ताइभोइणो काणणंमि ठिया ॥ २४ ॥ जुम्मं
 भयवंपि निप्पकंपो सुरसेलो इव विसिद्धसंघयणो । पइदिणंमदीणचित्तो एगागी विहरइ मर्हिमि ॥ २५ ॥

श्रीमहा०
चरित्रे
२ प्रस्तावः
॥ ९ ॥

कच्छमहाकच्छसुया नमिविनमी रायलच्छिमिच्छंता । चिंतामणिव्व सव्वायरेण सेवंति भयवंतं ॥ २६ ॥
तव्वभत्तिरंजियमणेण नागराएण दिन्नवरविज्जा । विज्जाहररायत्तं पाविष्य विगया जहाभिमयं ॥ २७ ॥
भयवंपि गामनगरागरेसु भिक्खं अपावमाणोऽवि । विहरंतो किसियतणू कुरुदेसे गयपुरंमि गओ ॥ २८ ॥
जिणदंसणसुमरियपुव्वजम्मसंजायतिवसद्धेण । सेज्जंसकुमारेणं सिरिवाहुवल्लिस्स पउत्तेणं ॥ २९ ॥
तक्कालागयपुरिसोवणीयपंडुच्छुगंडयरसेणं । संवच्छरपज्जंते भयवं पाराविओ तत्थ ॥ ३० ॥ जुम्मं ।
पडिया य कणयधारा तियसेहिं समाहयाइं तूराइं । मिलिओ य पउरलोओ तेणवि कहिओ सवुत्तंतो ॥ ३१ ॥
भयवंपि पारणयं काऊण वहलीयडंबइल्लसुवण्णभूमिपग्गहेसु देसेसु विहरमाणो तव्वासिमणुयाणं मोणमल्लिणोऽवि
समाहप्पेण भद्दगभावं जणंतो विविहतवचरणपरायणो असंकिलिट्ठयाए तक्कालियलोयस्स अतहाविहवेयणीयकम्मओ
य निरुवसग्गं संजममणुपालितो समइकंते एगंमि वाससहस्से विणीयनयरीपच्चासण्णंमि पुरिमतालंमि नयरंमि
संपत्तो, तस्स उत्तरपुरत्थिमे दिसीभाए सगडमुहं नाम उज्जाणं, तंमि नग्गोहपायवस्स हेट्ठा संठियस्स अट्टमेणं भत्तेणं
पुव्वणहदेसकाले फग्गुणवहुलेकारसीए उत्तरासाढानक्खत्ते भगवओ तिहुयणेक्कवंधवस्स ज्ञाणंतरियाए वट्टमाणस्स
दिव्वं अणंतं लोयालोयगयभावाभावसहाववत्थुसत्थपरमत्थनिव्वभासणसमत्थं केवलनाणं समुप्पण्णं ॥ अह जिणना-
हनाणुप्पायमाहप्पपरिकंपियसीहासणप्पलोयणपउत्तावहिमुणियनाणवइयरा पहयपडहप्पमुहगंभीरतूरवा संखोभि-

दीक्षा
पारणं
केवलं,

॥ ९ ॥

यसुरलोया सरभसपणचिरसुरसुंदरीभुयलयालोलंतरयणवलयरणज्झणारवनिम्भरभरियभुवणंतरा आगंतूणं वत्तीसं
ससुरा सुरिंदा समवसरणं विरइंति । केरिसं चिय ?—

अइसुरभिसिसिरमारुयपडिहयतणुरेणुतक्कणुकेरं । घुसिणघणसारगंधाभिरामसलिलोवसंतरयं ॥ ३२ ॥

आजाणुमेत्तविक्खित्तकुसुमेहंतरयणमहिवीढं । उज्झंतधुवधूमंधयारघणसंफियसिंहंडिं ॥ ३३ ॥

मणिचामीयरनिद्धंतरुप्पपायारवलयतियकलियं । सव्वत्तोमुहमणिरयणरइयसिंहासणसणाहं ॥ ३४ ॥

डिंढीरपिंडपंडुरच्छत्तयरुद्धरविकराभोयं । पवणुंवेल्लियकंकेल्लिपल्लुल्लिहियनहविवरं ॥ ३५ ॥

गयणट्टियसुरकरपहयगहिरवज्जंतदुंदुहिसमूहं । दिसिसुहपसरियनिम्मलभामंडलखंडियतमोहं ॥ ३६ ॥

सरयनिसायरकरनियरागारधुव्वंतचामरुप्पीलं । इय एवंविहमुद्दामदोसहरणं समोसरणं ॥ ३७ ॥ छहिं कुलयं ।

तंमि य भुवणेक्कपह्ण पवरे सीहासणे तियसपणओ । पुव्वासुहो निसीयइ तित्थस्स नमोत्ति भणिऊणं ॥ ३८ ॥

हरिसभरनिम्भरुम्भिण्णपुलयपडलोवसोहियसरीरा । सट्ठाणेषु निलीयंति तक्खणं चउविहा देवा ॥ ३९ ॥

पूरिज्जइ अंवरमित्तंततियसाण पंचवण्णेहिं । उद्धूयचिंधेहिं विमाणलक्खमालासहस्सेहिं ॥ ४० ॥

एत्थंतरे जिणपउत्तिपरिन्नाणनिमित्तं पुव्वनिउत्ता केवलनाणुप्पत्तिनिवेयणत्थं तथा पहरणसालापाउव्वभूयप-
भूयजक्खसमहिट्टियनिस्सामन्नफुरंतफारपहाभरनिकत्तियपयंडतमकंडुडामरचक्करयणवइयरसंसणत्थं च भरहनरिंदस्स

श्रीमहा०
चरित्रे
२ प्रस्तावः
॥१०॥

पुरओ जुगवं चिय समांगया वद्धवेगा पुरिसा । तओ भरहो इहलौयतुच्छसुहमेत्तसंपायणपच्चलत्तं निच्छिऊण चकरय-
णस्स उभयलोगसुहजणगत्तं पुण परमेसरस्स पवरकरेणुगाखंधाधिरोहियसुयविरहविहुरमरुदेवासमेओ नीसेसकुमारनि-
यरपरियरिओ समग्गवलवाहणो हरिसभरनिब्भरंगो भगवओ केवलमहिमं काउं संपत्थिओ । अंतरेण मरुदेवीए
भगवओ लुत्ताइलुत्तपसुहं विभूइसमुदयं पेच्छंतीए तहाविहभवियव्वयावसेण सुहज्झाणपरायणाए अंतगडकेवलित्तं
जायं । भरहखेत्ते पढमसिद्धोत्ति परिचिंतिऊण देवदाणवेहिं कया तीसे महिमा, खित्तं खीरोयसायरे से सरीरं, भूहो
य परमपमोयसुव्वहंतो तित्थयरं तिपयाहिणीकाऊण बहुप्पयारं थोऊण सदेवमणुयासुराए सभाए आसीणो । सामि-
णावि सजलजलहरारावगंभीराए आजोयणप्पमाणखेत्तपडिप्फलणपच्चलाए पइजणमेक्ककालं संसयसयवुच्छेयजण-
णीए वाणीए पारद्धा धम्मदेसणा ॥ कहं ?

भो भो महाणुभावा ! दुलहं लहिऊण माणुसं जम्मं । उप्पत्तिपलयकलियं वियाणिउं भवसरुवं च ॥ ४१ ॥

कीसायासनिबंधणसयणसरीरेसु मोहवामूढा । धम्मोवज्जणरहिया निरत्थयं गमह नियजीयं ? ॥ ४२ ॥

सुमरह किं न निरंतरमणंतसो तिकखदुक्खसंतत्ता । विवसाएसु ववसिया जं भे चउसुं पि विगईसुं ॥ ४३ ॥

तथाहि—नरए परमाहम्मियपहरणच्छिज्जंतअंगपच्चंगा । तिरियत्ते वहबंधणदहणंकणवाहणाभिहया ॥ ४४ ॥

देवत्तेऽवि य ईसाविसायपेसत्ततावसंतत्ता । मणुयत्ते पुण दोगच्चवाहिविहुरा चिरं वुत्था ॥ ४५ ॥

समवसरणं
मरुदेवी-
मोक्षः
देशनाः

॥१०॥

इय चउगइदुहनिवहं अणुसुमरिय मोक्खसोक्खकंखिल्ला । निरवज्जं पव्वज्जं पवज्जिउं उज्जमह धम्मे ॥ ४६ ॥
 एवमाइ भगवओ धम्मदेसणं का(सो)ऊण भरहो सावगो जाओ, वंभी य पव्वइया, भरहपुत्तो पुव्वभववद्ध-
 गणहरनामगोत्तो उसभसेणो नाम, सो य जायसंवेगो पव्वइओ, सुंदरी पुण साविगा जाया; एस चउव्विहो समण-
 संघो पढमसमोसरणे भगवओ पाउब्भूओत्ति । ते य कच्छमहाकच्छवज्जा तावसा सुणिऊण जिणनाहकेवलनाणमहिमं
 भयणवइवाणमंतरवेमाणियजोइसियदेवगणपरिवुडं भगवंतं दट्ठूण पव्वइया । एत्थंतरे जायभववेरग्गा पडलगतणं
 य रायसुहं उज्झिऊण भरहस्स पंच पुत्ताणं सत्त नत्तुयाणं सयाइं समकालमेव तंमि चेव समोसरणे पव्वज्जं पवण्णाइं ।
 अह गामचिंतगजिओ सोहम्मे पालिऊण देवत्तं । पलिओवमपज्जंते भरहनरिंदस्स भज्जाए ॥ ४७ ॥
 वम्माए गब्भंमि पाउब्भूओ सुसुमिणकयसूओ । पुव्वभवसाहुदंसणपावियधम्माणुभावेण ॥ ४८ ॥
 अद्धट्ठमदिवसाहिय नव मासे वसिय गब्भवासंमि । उववन्नो कयपुन्नो पवित्तनक्खत्तसुमुहुत्ते ॥ ४९ ॥
 दसदिसिमुहेसु पसरंतमुत्तमं निहयतिमिरसंभारं । जाओ सूरुव्व तओ मिरीयजालं विमुचंतो ? ॥ ५० ॥
 परमब्भुयभूयं जम्मवइयरं चक्किणा निसुणिऊण । तस्स जहत्थं ताहे मिरिइत्ति पइट्ठियं नामं ॥ ५१ ॥
 करफिसलयसोहिल्लो कंकिल्लितरुव्व जणमणाणंदो । देहोवचएण तओ कुमारभावं समणुपत्तो ॥ ५२ ॥
 अत्तया य सो मिरिई कुमारो भगवओ आइतित्थगरस्स असोगपुप्फवुट्ठिपमुहं च पाडिहेरविभूइं चउव्विहदेवनि-

काएण कीरमाणं ददूण तीयाणागयपडुप्पणवत्थुसत्थवित्थरगयसंदेहसंदोहदहणपसमणेक्कपीऊसधाराणुगारिणिं
धम्मदेसणं निसामिऊण य करिकलहकन्नतालतरलमवलोइऊण जीवियं उव्वेलिरमहल्लविसवेल्लरीसरित्थं निच्छि-
ऊण कुवलयच्छिसंजोगसमुभवसुहं अयंडतडिदंडभंगुरं जाणिऊण पणइजणपेम्मप्पवंधं परूढगाढसद्धम्मपरिणामो
महाविभूर्इए पियामहस्स पासे पव्वइओत्ति ।

तओ सम्ममहिगयसमणधम्मो पंचप्पयारायारसमायरणपरायणो पंचसमिइसमिओ तिगुत्तिगुत्तो पंचमहव्वयर-
क्खणवद्धलक्खो ससरीरेऽवि निरवेक्खो रयणवणिओ इव परिचत्तलोहायरो सायरो इव मयरहिओ दिणयरो इव दो-
सुम्मूलणकरो नागराओव्व दूरूवूढखमावलओ मंदरो इव निम्महियजलही सुहडो इव निहयविसमकरणो गामा-
गरनगरेसु अप्पडिवद्धो थेराण पासे सामाइयाइं एक्कारसंगाइं ससुत्ताइं सअत्थाइं थिरपरिचियाइं करेमाणो सामिणा
सद्धिं विहरइत्ति ।

इओ य-भरहराया समुप्पन्नचक्करयणो चाउरंगवलकलिओ पुव्वदिसाए मागहतित्थं दाहिणेण वरदामं पच्छि-
मेण पहासं उत्तरेण य चुल्लहिमवंतपरिसरं जाव साहिऊण लक्खंडभरहं सट्ठीए वाससहस्सेहिं वत्तीसनरवइसहस्सपरि-
यरिओ अइगओ विणीयरायहाणिं, कओ से वारस वासाइं महारायाहिसेओ, विसजिया य रण्णा नियनियट्ठाणेसु
दूरदेसागया नरवइणो ।

अन्नया य भरहो अट्टाणउइए जुल्लभाउयाणं दूयं पेसेइ, भणावेइ य जहां-मम सेवं पडिवज्जह अहवा रज्जाइं
 परिहरह जुज्झसज्जा वा हवह उवायंतरं वा परिकप्पहत्ति, एवं च राइवयणं सम्ममवधारिऊण गओ दूओ, निवे-
 इओ तेसिं भरहनरिंदाएसो, तं च समायन्निऊण कोवावरत्तनेत्तेहिं लीलाजट्टिताडियधरणिवट्टेहिं भणियं तेहिं-रे दूया-
 ह्म! को भरहो? को वा एरिसवत्तव्वे तस्साहिगारो? जेण तस्स अम्हाणं च ताएणं दिण्णं रज्जं तम्हां ताओ चेव
 जं आणवेही तं करिस्सामोत्ति, रोसेण कंठे धेत्तूण निद्धाडिओ दूओ अवहारेणं । एत्थंतरे गामाणुगामेण विहरमाणो
 भयवं आइतित्थयरो अट्टावयंमि नगवरे समोसरिओ, आगओ चउव्विहदेवनिकाओ, तेऽवि अट्टाणउइंपि कुमारां
 तुरियं समोसरणमागया, सहरिसं च सामी वंदिऊण निसन्ना सट्टाणे, पत्थावे य भरहाएसं कहिऊण पुट्टं तेहिं-
 ताय! कहेसु किं जुज्झामो उयाहु रज्जाइं चयामोत्ति, ताहे सामी तेसिं जोग्गयसुवल्लभ भोगनिवित्तिनिमित्तं
 असम्भावपट्टावणाए इंगालदाहगदिट्टंतं कहिउमाढत्तो-

जह एगो किर पुरिसो भायणमेगं तु भरिउ सलिलस्स । इंगालाण निमित्तं काले गिम्हे वणंमि गओ ॥ ५३ ॥
 तत्थेगत्य वहुइं खायरपमुहाइं सारकट्टाइं । सो मेलिऊण जलणं पज्जलइं तस्समीवगओ ॥ ५४ ॥
 डज्झंतकट्टसिहिताविउत्ति संछिन्नदारुसमिओत्ति । मज्झंदिणदिणयरपीडिओत्ति तण्हाउरो सुत्तो ॥ ५५ ॥
 तं पुच्चाणीयं जलमसेसमापियइ तत्थ सुमिणंमि । गिंभुभवदिणयरकिरणविहुरमरुथेरवसहोव्व ॥ ५६ ॥

श्रीमहा०
चरित्रे
२ प्रस्तावः

॥१२॥

तहवि हु असमियतण्हो गेहे गंतूण सयलकलसजलं । निट्टविऊण निलीयइ पोक्खरिणीवाविकूवेसु ॥ ५७ ॥
पीए तस्सलिलंमिवि गंगाइमहानईसु ओगाढो । ताओऽविहु सोसेई पलएव्व पयंडमत्तंडो ॥ ५८ ॥
तत्तो जलहिजलं पिय अंजलिसलिलं व पियइ नो तहवि । तस्स उवसमइ तण्हा अवि अहिययरं पवहेइ ॥ ५९ ॥
ताहे अपावमाणो कहिंपि सलिलं समत्थभुवणेऽवि । अवलोइउं पवत्तो सो संतत्तो पयत्तेण ॥ ६० ॥
अह एगतथ पएसे अइउंडो पूइयवो य (पूइथोव)सलिलोव(य) । तेणं दिट्ठो कूवो चिरेण परितुट्टचित्तेण ॥ ६१ ॥
पविसिउमसमत्थो दीहरज्जुणा वंधिऊण तणपूलं । सो खिवइ तत्थ तण्हासमत्थदुक्खस्स पसमट्ठा ॥ ६२ ॥
तो तक्कहियपूलयपेरंतगलंतविंदुसंदोहं । उहं वियारियमुहो आसायंतो गमइ कालं ॥ ६३ ॥
जह तस्स वाविदीहियसायरसलिलेहिं अहयतण्हस्स । नो किंपि होज्ज तेसिं तणग्गलग्गेहिं विंदूहिं ॥ ६४ ॥
एवं देवाणुपिया ! तुम्हाणं पुव्वकालियभवेसु । उवभुत्तपवरपंचप्पयारसद्दाइविसयाणं ॥ ६५ ॥
पुणरवि सव्वाणुत्तरसव्वत्थविमाणपत्तसोक्खाण । तेत्तीसं अयराइं निव्विग्घमणंतरभवंमि ॥ ६६ ॥
जइ भो महाणुभावा ! तित्ती भोगे पडुच्च नो जाया । ता किं इमिणा होही भुत्तेणं तुच्छरज्जेण ? ॥ ६७ ॥
तो असुइसंभवेसुं तुच्छेसुं माणुसेसु भोएसु । अइथोव्वकालिएसुं पज्जंते दुहविवागेसुं ॥ ६८ ॥
मुहमहुरेसुं आवइसहस्सहेऊसु निंदणिज्जेसु । साहुजणवज्जिएसुं मुहुत्तमवि मा कुणह संगं ॥ ६९ ॥

९८ पुत्राणां
प्रभोरूप-
देशः ।

॥१२॥

तक्खणकयवेयालियपवरज्झयणेण बोहिऊणेवं । ते जिणवरेण सम्मं सुणिदिक्खं गाहिया सव्वे ॥ ७० ॥
 तो सुचरियसामन्ना विणिहयनीसेसधाइकम्मंसा । भुवणजणपणयचरणा जाया सव्वेऽवि केवलिणो ॥ ७१ ॥
 विहरंति जिणेण समं गामागरनगरमंडियं वसुहं । अहं दूयं भरहवई पुण पेसइ वाहुवल्लिणोऽवि ॥ ७२ ॥
 तेणवि दूयं निब्भञ्छिऊण भरहेण सह समारद्धो । दिट्ठीवायाइओ संगामो जाव पव्वइओ ॥ ७३ ॥
 तत्थेवुस्सग्गठिओ कह लहुभाईण वंदणं काहं ? । वंभीसुंदरिपेसण ओयरणं कुणसु हत्थीओ ॥ ७४ ॥
 बुत्ते चिंतानाणं जिणस्स पासंमि गमणमह तस्स । भरहोऽवि हयविपक्खं भुंजइ रज्जं सनगरीए ॥ ७५ ॥

इओ य-तस्स मिरियस्स दसविहचक्कवालसामायारीनिरयस्स सिद्धन्तपसिद्धसंजमकरणपरायणस्स संसारा-
 सारयं परिभाविंतस्स अट्टारसविहं वंभचेरमणुपालेंतस्स वोलीणाइं बहूइं वरिसाइं, एगया य गिम्हमासे विप्फुरं-
 तेसु जलणजालाकरालेसु रविकरेसु धम्ममाणलोहागरनिज्जा(ज्झा)मयसरिसेसु वायंतेसु खरसमीरणेसु विरहिणीजणहिय-
 यव्व तत्तंमि महियलंमि अण्हाणवसविसप्पमाणवहलमलाविलसरीरत्तणेण पवहंतसेयसलिलुप्पिलाउलत्तणेण य
 वाढं किलंतस्स दढचारित्तावरणीयकम्मदोसेण मइलहिययस्स परिचत्तकुमित्तस्सवि गुरुकुलवासे ठियस्सावि छट्ठमा-
 इनिट्ठुरतवकिसियसरीरगस्सवि सयावि सुत्तत्थे विपरिभाविरस्स एकारसंगाइं तण्हाभिहयस्स पयंडगिंभसंतत्त-
 सव्वगतस्स पल्हत्थं संजमओ झडत्ति चित्तं मिरियस्स ।

श्रीमहा०
चरित्रे
२ प्रस्तावः
॥ १३ ॥

अइगाढो मोहभडो जमेरिसाणवि मणो विकंपेइ । अघडंतघडणपडुयाण किं व सज्जं न कम्माणं ? ॥ ७६ ॥
अन्नं च—तावच्चिय धम्ममई तावच्चिय निंदियत्थपरिहारो । जावडज्जवि मोहमहापिसायपासंमि नो पडइ ॥ ७७ ॥
एत्तो चिय मोक्खमहानिहाणमुक्खणियमुज्जयं समणं । धाडिंति विसहरा इव वावीस परीसहा सहसा ॥ ७८ ॥
अह मिरिइणा चिंतियं—न सब्बहा समत्थोऽम्हिह सम्ममियाणिं समणत्तणमणुट्टिउं, ता किं करेमि ? कमुवाय-
मणुसरामि ? किं देसंतरं वचामि ? कस्स वा साहेमि ?, होउ वा विकप्पिणं, पवज्जापरिचाएणं नियभवनगमणं
संपयं मे पत्तकालंति, अहवा—चउजलहिमेहलामंडलाए महिमहिलाए अहिवइस्स पयंडभुयदंडदलियदुहंतवइरिव-
ग्गस्स सयलपणमंतमहिवालमउलिकिरणावलिकच्चुरियवलय(चलण)स्स छन्नवइगामकोडिनाहस्स अप्पडिहयसा-
सणस्स भरहचक्कवइणो पुत्तो होऊण सयमेव परिचत्तं मंदिरमणुसरंतो कहं न लज्जामि ?, कहं वा तत्थगयं निह-
यपइणं मं जाणिऊण न लज्जाए हेट्टामुहा ठाइस्संति जणणिजणया ? कहं वा तुसारहारगोखीरकुंदेंदुधवलस्स
इक्खागुकुलस्स पढमकलंको न भविस्सामि ? के वा परिचत्तुत्तमंगीकयधम्मस्स न करिस्संति हीलं सहसंवड्डियावि
बंधुणो ? कस्स कस्स वा महापावकारिणो निदंसणं न भविस्सामि ?, ता सब्बहा न जुत्तं गिहगमणं, किं तु सब्ब-
प्पयारेहिवि परिसुद्धं नियमणस्सेव नियमणं मे काउं जुज्जइ, तं पुण सेलसिरयलोट्टट्टोलगंडसेलंपिव जुगंतसमय-
समीरणुद्दुयसिंधुसमुच्चलियमहल्लकल्लोलपडलं पिव पयंडमत्तंडमंडलपगलंतपहाजालं पिव दढसुक्ककाणणगयमहाइया-

परिणाम-
परावृत्तिः.

॥ १३ ॥

राणं पिव न मणागंपि सकेमि संठविउं, अयं च जइधम्मो अच्चंतमप्पमत्तचित्तमहासत्तनिव्वहणिज्जो, अहं पुण दुहंतग-
 ह्मो इव समुदुरखंधसिंधुरमहलयणोवसरणं कायरो इव दुग्गसंगामभीमसवडं मुहुब्भडभिडंतसुहडभिउडिफडाडोवं
 दुस्सहपरीसहचमूपराजियमाणसो न सकेमि अट्टारससीलंगसहस्साभिरामं सव्वहा जहुत्तं समणधम्ममणुचरिउं ।
 अविय—

सुरसेलत्तुल्लभारो एसो अहि(अहयं तु)भग्गपरिणामो । आजम्मं वोढव्वो कह तं एवंविहेण मए ? ॥ ७९ ॥
 एसोऽवि भवविरक्ख(फ)णपडयपभावो पियामहो जइवि । करकलियामलयं पिव जाणइ मम विहडियं चित्तं ८०
 तहविहु संसारुव्वेयविरत्तओ कहमहं महाघोरं । काउं मुणीण धम्मं तरामि एयाणुवित्तीए ? ॥ ८१ ॥
 कीरइ अणुवित्तीविहु सद्धम्मगुरूण थोवदिणसज्जे । कज्जे आजम्मं पुण कायव्वो संजमो कह णु ? ॥ ८२ ॥
 इओ य-(असुहं)गिहत्यभावं संजममकलंकमवि न सकेमि । काउं किलिट्ठचित्तो कमुवायं संपवज्जामि ? ॥ ८३ ॥
 एवं च तस्स किंकायव्वयाअ मूढस्स अचित्तणीयमहिमयाए कम्मयाणं अपारसंसारसागरपरिब्भमाणुकूलसी-
 लयाए जीवस्स अवस्सं भवियव्वयाए तहाविहभावस्स इओ तओ उभयमग्गाणुसारिणमुवायं मग्गमाणस्स सह-
 सघिय सयमेव एयारिसी बुद्धी पाउब्भूया, जहा—किर भगवंतो मुणिणो मणवयणकायदंडत्तयरहिया असुभवावारप-
 रिघाएणं सया संलीणसरीरा अहं पुण न एवंविहगुणजुत्तो, जओ पराजिओ इंदिएहिं अहिभूओ य उस्सिखलेहिं

श्रीमहा०
चरित्रे
२ प्रस्तावः
॥ १४ ॥

मणवयणकायदंडेहिं, तम्हा एरिसस्स मम हवउ सच्चरियपयडणपरं तिदंडं चिंधं, जइ पुण एयं अणवरयं पेच्छमाणस्स
सदुच्चरियपच्छायावेण विसिद्धपरिवालणुज्जमो होजा १, तथा मुणिणो सिरकेसावणयणेण सविंदियनिग्गहेण य
मुंडिया भवंति, मम पुण इंदियनिग्गहरहियस्स किं निरत्थयं सत्थयलुंचणेण २, अओ खुरमुंडणं मुणिवेसविसरिसत्त-
परुवणपरं सिहाधरणं च संपज्जउत्ति २, तथा समणा भयवंतो तिविहं तिविहेण पचक्खायसुहुमवायरपसुहभे-
यपाणाइवाया संजममणुपालेंति, मज्झं पुण अतहाविहजोग्गयाजुत्तस्स थूलणाणाइवायवेरमणं जुत्तंति ३, परिचत्तस-
मग्गकिंचणा मुणिणो, अहं पुण न एयंविहो ता नियमग्गाविसरणनिमित्तं सुवण्णपवित्तगाइमेत्तं मम किंचणमवि
हवउ ४, तथा जिणवरुद्धिसमग्गसीलजलपक्खालियकम्ममलसेयत्तणेण निच्चं सुंदरगन्धाभिरामा (मुणिवरा) अहं
पुण निम्मलत्तणेण दुगुंछियगंधो ता वार्हिपि तस्सावणयणनिमित्तं गंधचंदणाइपरिग्गहो मम समुचिओत्ति ५,
तथा ववगयमोहा निकारणविमुक्कोवाहणपरिभोगा य तवस्सिणो, अहं पुण महामोहाभिभूतो सरीरक्खापरो अओ
छत्तयधरणं उवाहणापरिभोगो य मम संपज्जउत्ति ६, तथा परिजुन्नसुद्धकुत्थियथोवसुक्किलवत्थपरिग्गहा महाणुभावा
मुणिणो, अहं पुण गाढकसायकलुसियबुद्धिपसरो तम्हा धाउरसरत्ताणि वत्थाणि मए परिहियव्वाणि ७, तथा
सावज्जजोगभीरुणो जइणो मणसावि न पत्थंति बहुजीवाउलं जलारंभं, अहं तु संसाराणुसारिबुद्धी तम्हा
परिमिएणं सलिलेणं पाणणहाणाइं वावारमणुचरिस्सामित्ति ८ ॥

परिवाज-
कता.

॥ १४ ॥

एवं सवुद्धिपरिकल्पिणं जइविसरिसेण वेसेण । मुणिधम्ममग्गचत्तो पारिव्वज्जं पवत्तेइ ॥ ८४ ॥
 गामांगरनगराइसु सिरिरिसहजिणेण सह परिच्चंमइ । सुस्सवणपक्खवायं निचं हियएण वहमाणो ॥ ८५ ॥
 अह तं करयलग्हियच्छत्तयं दीहलंवरिसिहंडं । पासविमुक्कतिदंडं पवित्तमाईहिं परियरियं ॥ ८६ ॥
 गेरुयरसरत्तंसुयविराइयं संझसूरविवं व । चंदणचच्चियदेहं उवाहणारोवियकमं च ॥ ८७ ॥
 असरिसरूवं नीसेससमणसंघस्स मज्झयारंमि । दहुं कोऊहलिओ बहुजणो पुच्छए धम्मं ॥ ८८ ॥
 मिरिईवि सम्ममहिगयसुत्तथो तत्तदेसणसमत्थो । साहेइ वित्थरेणं मुणिधम्मविहिं जणस्स पुणो ॥ ८९ ॥
 जह एत्थं आजम्मं वायरसुहुमेसु सव्वजीवेसु । संघट्टणविद्वणाइ वज्जणिज्जं पयत्तेणं ॥ ९० ॥
 कोहेण व लोभेण व हासेण भएण वावि माऽ(ना)सच्चं । जीवोववायजणगं भासेयवं विणासेऽवि ॥ ९१ ॥
 गामे वा नयरे वा थोवं वा भूरि वा न धेत्तवं । सच्चित्तमचित्तं वा सव्वमदत्तंपि तिविहेण ॥ ९२ ॥
 देवनरतिरियरमणीसु पवरलायणसुंदरंगीसु । पचक्खभुयंगीसु व खणंपि नो अभिरमेयवं ॥ ९३ ॥
 धम्मोवयारि मोत्तुं वत्थपडिग्गहपमोक्खमुवगरणं । सेसमहिगरणरूवं परिहरियवं पयत्तेण ॥ ९४ ॥
 संधारगमेकं वज्जिऊण नेवोवहाणतूलीओ । फासस्साणुगुणाओ कइयावि य पत्थणिज्जाओ ॥ ९५ ॥
 अरसविरसन्नपाणेहिं पीडिण्णावि महुरदित्तरसे । नो भोयणंमि चित्तं निवेसियवं मणागंपि ॥ ९६ ॥

श्रीमहा०
चरित्रे
२ प्रस्तावः
॥ १५ ॥

रम्भेसु वउलमालइकुवलयगंधेसु तदियरेसुंषि । घाणिंदियगोयरमइगएसु तुल्लेण होयवं ॥ ९७ ॥
रूवेसु सुंदरेसुं नयणमणाणंदणेसु दिट्ठेसु । तवइरित्तेसुं वा तोसपओसा न कायवा ॥ ९८ ॥
सद्देसु वेणुवीणाकिन्नरकंडुभवेसु विविहेसु । खरमज्जारभवेसुवि सुणिएसु समेण होयवं ॥ ९९ ॥
तज्जणतालणहीलणकरणपसत्तेऽवि वालिसजणंभि । चिररूढगाढपणएव रूसियवं न थेवंपि ॥ १०० ॥
जयपयडेहिवि नीसेसलोयविम्हयकरेहिवि गुणेहिं । जुत्तेण मणागंपिवि माणो न मणंभि ठवियवो ॥ १०१ ॥
विस्सासविणासणकारिणित्ति सुहगइदुवारपरिहोत्ति । दुहनंदियत्ति माया परिहरियवा कुभज्जव ॥ १०२ ॥
थेवंपि कज्जच्छिहं पाविय पावस्स छलणसीलस्स । लोहस्स पिसायस्स व अवगासो नेव दायवो ॥ १०३ ॥
सच्छायं तिक्खफलं मइसउणं पवरसीलतरुसंडं । भंजंतो दुट्टमणो बंधेयवो वणकरिव ॥ १०४ ॥
निस्संबंधं सावज्जजोग्गये जंतुदुक्खजणगे तु । सच्चेऽवि भासियवे जीहावि पडिक्खलेयवा ॥ १०५ ॥
तत्तायगोलओ इव पमत्तचित्तंगविविहवावारो । किं नेव विद्दवेज्जा ? ता देहो संठवेयवो ॥ १०६ ॥
सत्तरसभेयभिन्नो जइधम्मो नूणमप्पमत्तेणं । जं कायव्वो निच्चं तेणेसो दुक्करो होइ ॥ १०७ ॥
गिम्हुण्हपीडिएणवि न छत्तयं न उवाहणाओऽवि । परिभुत्तव्वा हेओ सव्वोऽवि सरीरसक्कारो ॥ १०८ ॥
नो सिरलोयप्पमुहं कट्ठाणुट्ठाणमवि विमोत्तवं । रत्ताइवणवत्थंपि पत्थणिज्जं कयाइ नवि ॥ १०९ ॥

साधुधर्म-
बोधनं

॥ १५ ॥

इय जइधम्मे सबो कायव्वविही निवेइओ तुम्ह । अक्खंडं सिवसोक्खं जइ वंछह ता तयं कुणह ॥ ११० ॥

एवमायन्निऊण जणो पहिट्ठमणो भणिउमाढत्तो—भयवं ! जइ एवंविहो चरणधम्मो ता कीस तुम्हे छत्तप्प-
मुहसुवगरणं गिण्हह ? सिरलोयाइयं च न सम्ममायरहत्ति, मिरिइणा भणियं—भो भो महाणुभावा ! मा एवमासं-
कह, जहा एसो अण्णहा भासइ अण्णहा करेइत्ति, अहं हि संसाराणुसारिवुद्धी पराजिओ मोहमहामलेणं पडिक्ख-
लिओ उस्सिखलकसायखलेहिं मुसियपसमधणो दुइंतिदियचोरोहिं सायरमवलोइओ दुग्गइदुक्खरक्खसीए, ता मम
दोसगुणविभावणं उज्झिऊणं नीओवणीयं पिव महामणिं खचरसमप्पियं पिव परमविज्जं मायंगदेसियं पिव समी-
हियपुरपंधाणं रोगविहुरवेज्जोवइट्ठं व परमोसहं अंगीकरेह सबहा तुम्हे मुणिधम्मंति ।

एवमाइन्निऊण संजायभववेरग्गा निउणवुद्धिपरिभावियपरमत्था तणं व परिच्चत्तपुत्तकलंत्तमित्तवित्ता जिण-
धम्मनिवेसियथिरचित्ता समणदिक्खागहणत्थं पाउव्ववंति अणेगउग्गभोगराइण्णपमुहा जणा, मिरिईऽवि ते
सिस्सभावेणोवट्ठिए णाऊण भगवओ भुवणपईवस्स संसारतरुगहणदहणदावानलस्स अट्टप्पयारपवरपाडिहेरपयडप्प-
भावस्स उसभसामिणो समप्पेइ । एवं च पइदिणं सद्धम्मदेसणाए पडिवोहेमाणो नियदुच्चरिअं निरंतरं निंदमाणो
सुस्समणपक्खवायं वहमाणो सुत्तथाइं मणे परिभावेमाणो सुहसीलयाए सबुद्धिपरिकप्पियपरिक्वायगवेसं धरेमाणो
गामागराईसु सामिणा सद्धिं विहरमाणो कालं गमेइत्ति ।

अह अत्रया कयाई भयवं गामागरेसु विहरिऊण अट्टावयंमि समोसरिओ, भरहचक्कवट्टीवि भाउणो पवइए
निसामिऊण संजायतिव्वसोगो जइ पुण भोगे दिज्जमाणे अज्जवि गेण्हंतित्ति संचिंतित्तिऊण भगवंतं उसभसामिं सवि-
णयं वंदिऊण भाउगे भोगेहिं निमंतेइ, इहलोइयसुहनिरवेक्खेहिं भणिओ तेहिं—

ओ महायस !—सयमेव परिचत्ते दुहनिवहुप्पत्तिकारणुब्भूए । उरनिहयसल्लतुल्ले कहमिव भोगे अणुसरामो ? १११
अच्छंतु पेम्मनिब्भरतरुणीसंबंधवंधुरा भोगा । तेसिं न संकहंपिवि सोउं संपइ समीहामो ॥ ११२ ॥

एवं भोगेसु पडिसिद्धेसु भरहो परिचत्तसंगाण एएसिं आहारदाणेणावि ताव धम्ममायरामित्ति विकप्पिऊण
पवरलक्खणभोयणभरिएहिं पंचहिं सगडसएहिं असणदाणत्थसुवट्टिओ, पुणरवि निवारिओ तेहिं—अहो महायस !
न कप्पइ आहाकम्मं आहडं च असणपाणं परिभोत्तुं मुणीणं, तओ गिहनिमित्तसंसिद्धभोयणेण निमंतेइ, सोऽवि
रायपिंडो न कप्पइत्तिकाऊण निसिद्धो साह्वहिं, हा सव्वपगारेहिं परिचत्तो अहमियाणिं एएहिंति दढं चित्तसंताव-
सुवगओ भरहचक्कवट्टी, तं च सोगविहुरं नाऊण वियाणमाणेणावि सक्केण तस्स परितोसनिमित्तं दुच्छिओ भयवं
सप्पभेयमोग्गहं, पुट्टेण य भगवया भणियं—सुरिंद ! पंचविहो उग्गहो, तंजहा—देविंदोग्गहो रायावग्गहो गिहिवइअ-
वग्गहो सागारियावग्गहो साहम्मियावग्गहो, तत्थ देविंदावग्गहो जहा किर जंबुद्वीवदाहिणखेत्ताहिवई तुमं, अहो सक !
तुहाणुजाणावणेण कप्पइ समणाण ताहिं विहरित्तए, राया पुण लक्खंडभरहाहिवई जहा संपयं भरहो, तस्साणुण्णाए

मुणीहिं तद्देसे वसियं, गिहवई य मंडलेसरो, सोऽवि समंडलनांघगत्तणेण अणुणवणजोग्गो, तदणुमए चेव ठाइयवं,
सागारिओ पुण सेज्जायरो, सेज्जा य सनिमित्तकयतहाविहगेहसालापमुहो भवणविसेसो, तद्दण्णेण तरइ संसारसायरंति
सेज्जातरो गुणनिप्फन्ननामो । कहं पुण सेज्जाए तरइत्ति ? भन्नइ—

तत्थ ठियां मुणिवसहा सज्झायज्झाणञ्जोसियसरीरा । जं धम्मदेसणाईहिं भवलोयं उवयरंति ॥ ११३ ॥

जं वा अपुवसत्थं पढंति तह संजमे पयट्ठंति । छट्ठमाइयतवो दुक्करमवि जं पवज्जंति ॥ ११४ ॥

अन्नत्तोऽविहु जं वत्थपत्तभत्ताइणा न सीयंति । परमत्थेणं सवत्थ तत्थ सेज्जा भवे हेऊ ॥ ११५ ॥

इय-सेज्जादाणेण महल्लदुक्खकल्लोलसंकुलमगाहं । संसारसायरं गोपयं व दाया लहुं तरइ ॥ ११६ ॥

इहरा सेज्जाऽभावे न जीवरक्खावि निवहइ सम्मं । किं पुण समग्गसद्धम्मपालणं होज्ज निव्विग्घं ? ॥ ११७ ॥

साहम्मियावग्गहो पुण सिद्धंतपसिद्धनाएण परोप्परं समणाण एगखेत्ते निवसिउकामाणमवगंतवो । एवं च
पंचविहावग्गहपरूवणमायन्निऊण पंचंगपणिचायपुरस्सरं सक्को भणिउमाढत्तो-भयवं ! जे इमे अज्जप्पभिइं दाहि-
णखेत्ते समणा निग्गंथा विहरंति एएसि णं अहं ओग्गहमणुजाणामि, भगवया भणियं-जुत्तमेयं, एयं च आयन्निऊण
भरहोऽवि जायपरितोसो भणइ-भयवं ! अहंपि भारहे वासे साहुणो विहरमाणे अणुमण्णेत्ति । तंपि तद्दाऽऽनीयमसणं

अणुव्यगुणव्यसिक्खाव्यगुणसंगयाणं सावगाणं सकव्यणाओ भरहेण दावियं, तथा एवंपि निज्जरा होउत्ति मण्णमा-
णेण सावगाणं पइदिणं भोयणदाणं कयं, भयवंपि अन्नत्थ विहरिओ ।

तेऽवि सावगा परिचत्तासेसघरवावारा भरहपणीयजिणथुइगब्भे वेदे परावत्तयंता छट्ठे मासे परिण्णानिमित्तं का-
गिणीरयणेण उत्तरासंगनाएण आलिहियतिरेहा निरवज्जवित्तीए कालं गमेति । अन्नया य भयवं पडिवोहिऊण तेसु तेसु
ठाणेसु भव्वजणं पुणरवि अट्टावयमागओ, देवेहिं कयं विसालसालत्तयविहारं छत्ताइच्छत्तरमणिज्जं आजाणुमेत्तभूमि-
निहित्तरुंतंभमरं पंचप्पयारपुप्फपुंजोवयारं गयणंगणोयरंततियसविमाणमालासहस्साभिरामं मंदमंदमुद्धयवेजयंती-
सयसोहियं पवरमणिमयमहप्पमाणासोगतरुविराइयं पंचवन्नरयणविणिम्मियसिंघासणं समवसरणं, तत्थ य निसन्नो
तइलोकपियामहो भयवं पढमजिणो, निविट्ठा कमेण गणहरपमुहा साहुवग्गा, आसीणा अणेगसुरकोडिपरिवुडा
बत्तीसंपि सुरिंदा, विण्णायजिणागमवुत्तंतो समागओ सव्वविभूईए भरहो, परमभत्तीए पणमिय भयवं आसीणो
उचियभूमिभाए ।

अह सो तथाविहं भवणच्छरियं नीसेसतिहुयणसिरिविरइयंपिव सव्वब्भुदयगेहंपि व समवसरणसोहं भगवओ
परमिस्सरियं च पासिऊण हरिसुप्फुल्लोयणो पुच्छिउमेवं पवत्तो-ताय ! जारिसा तुम्हे भवणगुरुणो एवंविहपूयाप-
यरिसपत्ता किमेत्थ भरहेअण्णेऽवि एरिसा भविस्संति न वा ?, भगवया भणियं-भविस्संति, भरहेण भणियं-केरिसा ?,

ताहे तेवीस जिणे अजियाई वीरनाहपज्जंते । समबुद्धिवलायारे तिहुयणजणपणयपयपउमे ॥ ११८ ॥
 तह तेसिं च अण्णोऽण्णमंतरं सयलकालकलणेणं । वण्णं पमाणमाउं गोत्तं तह जणणि जणगा य ॥ ११९ ॥
 जम्मणनयरे य तहा कुमाररज्जाइ सव्वपरियागं । सिद्धिगईपज्जंतं भयवं भरहस्स साहेइ ॥ १२० ॥
 पुणरवि पुच्छइ भरहो मम सारिच्छा कईह होहिंति ? । सगराई एकारस चक्कहरे कहइ सव्वन्नू ॥ १२१ ॥
 अप्पुट्ठोऽविहु भयवं पुणोऽवि वागरइ भरहनाहस्स । नव वासुदेववलदेवजुवलए भाविणो भरहे ॥ १२२ ॥
 पुणरवि भणिओ भरहाहिवेण तइलोकमंदिरपईवो । अवलोइऊण परिसं खयरामरनियरपरियरियं ॥ १२३ ॥
 छट्ठमाइतवकिसियसाहुसुधम्मकारिगिहिकलियं । भयवं ! किमेत्थ कोऽवि हु पाविस्सइ तित्थयरलाभं ? ॥ १२४ ॥
 तह चक्कवट्टिलच्छिं चोइसवररणगुणमहग्घवियं । अहवावि वासुदेवत्तणंपि पावेज्ज भरहंमि ? ॥ १२५ ॥
 ताहे कलियकुलिं गं मिरिइं एगंतसंठियं भयवं । दावइ जह एस जिणो चरिमो होही तुह सुओत्ति ॥ १२६ ॥
 एसोच्चिय गामागरनगरसमिद्धस्स भारहद्धस्स । सामी तिविहुनामो पढमो तह वासुदेवाणं ॥ १२७ ॥
 एसो महाविदेहे पियमित्तो नाम चक्कवट्टीवि । मूयाए नयरीए भविस्सई परमरिद्धिजुओ ॥ १२८ ॥
 एवं च आयन्निऊण भरहनरिंदो पडिद्धमणो पणमिऊण भयवंतस्स चरणसरोरुहं तक्खणमेव अणेगसुहंसेणाव-
 णियहपरिबुडो पयट्ठो नियसुयस्स मिरियस्स वंदणणिमित्तं, तदंतरे चारणलद्धिसंपन्ने ओहिनाणधरे मणपज्जवनाणिणो

श्रीमहा०
चरित्रे
२ प्रस्तावः

॥ १८ ॥

विगिद्धतवकरणनिरणं सुराभिमुहायावणापरायणे वीरासणाइदुक्करकायकिलेसकारणं भंगियसुयपढणेकमाणसे यमहासु-
णिणो परमभक्तीए ठाणे ठाणे विणयपणमंतमउलिमंडलं वंदंतो अणिमिसदिट्ठीए पेच्छमाणो यपत्तो जत्थ सो एकदे-
सविमुक्कवेणुतिदंडो पंडुरपुंडरियनिवारियरविकरपसरो नियमइपरिकप्पियपवित्तिगाइउवगरणविसरिसरूवदंसणको-
उहलाउलियागयलोयधम्मकहणवक्खित्तचित्तो मिरिई निवसइत्ति, तं च दूराओ चिय निस्सामण्णभत्तिभरनिस्सरं-
तुव रोमंचच्छलेण अंतरे अस्सायंतं व सिणेहसवस्समुग्गिरंतो पढमदंसणुत्तामियमत्थयनिवडंतकुसुमनिभेण अग्घं व
वियरंतो विमलकरयलंगुलिमुद्दारयणकिरणजालेण दिसामुहपसरिएण मंगलदीवनिवहं व वोर्हितो पयाहिणादाणेण
तिगरणभत्तिपगरिसं व साहेंतो भूमितलविलुलंतुत्तमंगं पणमिऊण पमोयभरनिभरगिरं भणिउमाढत्तो, कहं?—

वच्छ ! तुमं चिय नीसेसपवरलक्खणनिहाणभूओऽसि । सुकयत्थाणं मज्झे तुज्झ परं पढमिया रेहा ॥१२९॥
तिहुयणभुवणस्सुवरिं इक्खागूणं न होइ कह वंसो ? । जत्थ विमला विरायइ विजयपडाइव तुह कित्ती ॥१३०॥
तुह भाविरिद्धिमायन्निऊण रंजिज्जए न कस्स मणं ? । कह वा नो वंदिज्जइ तुह पयपउमंकिया पुहइ ॥१३१॥
कीरंतु नाम दुक्करतवोविहाणाइं भव्वलोएणं । जं तेसि फलं तं पुण तुमएच्चिय पावियं सव्वं ॥ १३२ ॥
जओ-सिट्ठोऽसि तुमं ताएण भारहे कुंडगामनयरंमि । सिद्धत्थपत्थिवसुओ किर चरिमो एत्थ तित्थयरो १३३
पुणरवि दसारवग्गे आइमो तं तिविडुनामेण । पोयणपुरंमि नयरे तिखंडभरहस्स सामित्ति ॥ १३४ ॥

मरीचि-
वन्दनं.

॥ १८ ॥

मूयाए नयरीए महाविदेहंमि तह य चकवई । वत्तीससहस्समहानरिंदसंदोहनयचरणो ॥ १३५ ॥
 पारिषजं जम्मं च तुज्झ नो पणिवयामि किंपि अहं । जं होहिसि तित्थयरो चरिमो तं तेण वंदामि ॥ १३६ ॥
 एवं थोऊण वहुं गिराहिं अब्हियभावगव्भाहिं । जयकुंजरमारूढो विणीयनगरिं गओ भरहो ॥ १३७ ॥
 मिरिईवि इमं सोउं हरिसुग्गयपुलयजालपीणंगो । गरुयकुलजम्मसहजायभूरि गंभीरिमं मोत्तुं ॥ १३८ ॥
 जिणवयणत्थविभावणसंपन्नविवेयमवि परिचइउं । देहुग्गयनिरवंगह लज्जापसरंपि पडिखलिउं ॥ १३९ ॥
 दुवारवेगपफुरियफारमुम्मायमेकमासज्ज । दप्पुव्भडमप्फोडिय तिवइं मल्लो व रंगंमि ॥ १४० ॥

पचासन्नमहासुणिसमक्खमह लोयमज्झयारंमि । आणंदसंदिरच्छो फुडक्खरं भणिउमादत्तो ॥ १४१ ॥ चउहिं कलावयं ।
 जइ पढम वासुदेवो महाविदेहंमि चकवट्टीवि । चरमो तित्थयरोऽविहु अहं भविस्सामि भरहंमि ॥ १४२ ॥
 ता तिहुयणेऽवि नूणं अण्णो नो पुण्णवं ममाहिंतो । कस्सऽण्णस्स व एरिस फलदायी होज्ज सुकयतरू ११४३
 तथा—अज्जो तित्थयराणं पढमो जणगो य चक्किवंसस्स । अहयं च दसाराणं अहो कुलं उत्तिमं मज्झ ॥ १४४ ॥
 एयं नियकुलचंगिमउक्कित्तणपचएण संजणियं । नीयागोयं कम्मं मिरिइपरिवायगेण दढं ॥ १४५ ॥
 भयवं च जयपियामहो विहरिऊण तेसु तेसु गाभागरपुरमडंवदोणसुहपसुहेसु ठाणेषु किंचूणं पुवसयसहस्सं
 केवलपेरियागं पाउणित्ता आउयकम्मस्स सावसेसयं नाऊण अट्टावयपव्वयमारूढो, तओ महामासवहुलतेरसीए अभि-

श्रीमहा०
चरित्रे
२ प्रस्तावः
॥ १९ ॥

ईनक्खत्तमुवागए चंदे पुवण्हसमयंमि सुसमदूसमाए एगूणनउइपक्खेसु सेसेसु कयचउइसमतवोकम्मो दसहिं सुणि-
सहस्सेहिं सद्धिं परिचत्तचउविहारो कयपाओवगमणो पज्जंकासणसंठिओ वेयणियाउयनामगोयकम्माणं अंतं
करित्ता सिवमयलमणुत्तरं पत्तोत्ति ।

अहं वत्तीसंपि सुरिंदा दुस्सहदुक्खविदुरेण भरहनरिंदेण समेया वाहण्पव्वाहाउल्लोयणजुयला पणमिऊण भग-
वंतं नंदणवणाओ सरसगोसीसकसणागरुपमुहसोक्खकट्टाईं आणावित्ति ।

तओ—पुव्वेण जिणस्स कए वट्टायारं चियं रयावित्ति । दक्खिणदिसाए तंसं इक्खागुकुलुव्वभवनिमित्तं ॥ १४६ ॥

अवरेण उ चउरंसं वित्थरवंतं विसिट्ठकट्टेहिं । अवसेसाण सुणीणं सरीरसक्कारकज्जेणं ॥ १४७ ॥

ताहे खीरोदय(जल)ण्हवणसुइसुरहिचंदणविलित्तं । आरोवेत्ति सरीरं चियाए सक्का जिणिंदस्स ॥ १४८ ॥

भवणवइपमुहदेवा ण्हवियविलित्ताइं सेससाहूणं । आरोवेत्ति दुहत्ता देहाइं नियनियचियासु ॥ १४९ ॥

तत्तो अग्गिकुमारा जहकमं तासु सक्कवयणेणं । वयणेहिं निराणंदा मुयंति जालाउलं जलणं ॥ १५० ॥

एवं सरीरसक्कारमायरेणं सुरेसरा काउं । नियनियठाणेसु गया विच्छायमुहा विगयसोहा ॥ १५१ ॥

भरहनरिंदो पुण महासोगाभिभूओ सग्गिहमागओ, तत्थ य दढवज्जपडणाइरित्तसोगसंभारज्जरियसरीरो मन्नु-
पूरियगलसरणी संकंदणपोकमुक्कारा(वा)णुसारोयणारावविहियसोगपमोक्खो अट्टावयसेलसिहरंमि सव्वरयणमयं महंतं

आदि०
निवाण.

॥ १९ ॥

युमं रयावेइ, वाहुवलिपमुहाण य नवणउईए भाउगाणं अण्णाणि नवनउइ धूभाणि निवत्तावेइ, तथा भगवओ नि-
 व्याणलामप्पएसे तिगाउयउस्सेहं जोयणायांमं सिंहनिसा(सेज्जा)इयं सव्वरयणविणिम्मियनियनियवण्णप्पमाणोववेय-
 चउवीसजिणपडिमाहिट्टियं सुविभत्तसालिभंजियाभिरामतोरणावद्धवंधुरामिलाणवंदणमालं दुवारदेसोभयपासपइट्टिय-
 लट्टपुंडरीयपिहाणपुण्णकणयकलसं सरसपंचप्पयारपुप्फपुंजोवयारकलियं कालागुरुकुंदुरुक्ककप्पूरपमुहवत्थुसिद्धधूयधूमं-
 पयारियदिसाहोयं अणेगतियसंगणाजणुत्तालकरतालपुरस्सरदिज्जमाणरासयं भत्तिभरनिव्वरगायंतकिंनरनियरं दूरदेसा
 गयविज्जाहरचारणमुणिजणविचित्तयुइयोत्तखवहुंतहलचोलं पइट्टियलोहमयजंतदुवारपालं जिणभवणं कारावेइ ।

जं च—संसारोपहिनिवंडतसत्तसंताणजाणवत्तं व । रेहइ पवणुदुयधवलधयवडाडोवरमणिजं ॥ १५२ ॥

इक्खागुकुलुभवभूवकित्तिक्कूडं व संठियं पयडं । सोहइ महीएँ केलाससेलसमसीसियाएव्व ॥ १५३ ॥

पवणपणोहिरजलहरपडलाउलसिहरपरिसराभोगं । परिभमिरभरनियरं चिरायए कुमुयमउलं व ॥ १५४ ॥

मत्ते पवणपणोहिरएयमहद्वयपलोयणेण जणे । पवयसिरनिवडिरगयणसरियकित्तीफुडं जाया ॥ १५५ ॥

भरहनरिंदनियेसियंजिणमंदिरदंसणाणुसारेणं । सेसजणोऽवि पयट्टो जिणविंवाईण कारवणे ॥ १५६ ॥

जुत्तं च एयं, जेण—

एयं सु दुग्गइदुवार(पिहाण)फलिहोवमं जिणा विंति । नीसेससत्तसंताणतागदाणेक्कहेउं च ॥ १५७ ॥

श्रीमहा०
चरित्रे
२ प्रस्तावः
॥ २० ॥

एको(त्तो)च्चिय तक्कालियमुणिगणहरकेवलीहिं न निसिद्धं । चेइहराभावे जं तित्थुच्छेओ भवे पच्छा ॥ १५८ ॥
तथा—जिणसंतविंदं सणविन्नायजहत्थवत्थुपरमत्थो । पडिवज्जइ जइ किरियं कोई संसारभयभीओ ॥ १५९ ॥
मुणिणोऽवि वंदणत्थं इओ तओ इंति नियविहारेणं । तेऽवि य करंति सद्धम्मदेसणं समयनीईए ॥ १६० ॥
पडिवुज्झंति य भव्वा गिण्हंति जिणिंदधम्ममकलंकं । एवं च तित्थयुद्धी होइ कया सव्वकालंपि ॥ १६१ ॥
किं बहुणा?—जिणभवणाइनिवेसणसमुवज्जियपुण्णपगरिसवसेणं । सग्गापवग्गलच्छी निवसइ भव्वाण करकमले १६२
इय सो भरहनरिंदो निवेसिऊणं जिणिंदवरभवणं । उवभुंजइ नियरज्जं विसयसमिद्धं बहुं कालं ॥ १६३ ॥
अह अन्नया पविट्ठो आयंसघरंमि विमलफलिहमए । नियरूवपेच्छणकए सव्वालंकारियसरीरो ॥ १६४ ॥
विविहपयारं पेच्छंतयस्स अह अंगुलीयगं गलियं । करकिसलयाउ ताहे वीभच्छा अंगुली जाया ॥ १६५ ॥
ववगयसोहं तं पासिऊण सव्वंगसंगि याभरणं । मुक्कं साहावियरूवदंसणत्थं महीवइणा ॥ १६६ ॥
अत्थंमियसयलतारं व नहयलं लुणियसस्समिव छेत्तं । ववगयकमलं व सरं तरुं व संछिन्नसाहग्गं ॥ १६७ ॥
दट्ठुं च कट्ठघडियं व निप्पहं विगयरूवलायन्नं । चम्मावणद्धनिविडट्ठिपंजरागारमह देहं ॥ १६८ ॥
तो चिंतिउं पवत्तो सुनिउणवुद्धीए जायसंवेगो । वेरग्गावडियमई सरीरासारयं भरहो ॥ १६९ ॥
एवंविहनिंदियदेहकारणा कह मए महापावं । कयमचंतरउहं अहो विमूढेण चिरकालं ? ॥ १७० ॥

चैत्यकृतिः
केवलं च,

॥ २० ॥

कह वा विसयामिसमोहिण जिणनाहदेसिओ धम्मो । निप्पुण्णएण न मए सिवफलओ सम्ममायरिओ ११७१
 किं चिंतामणिमह कप्पतरुवरं कामधेणुमह यावि । कोऽवि सयन्नो कहमवि लद्धूण परम्मुहो होज्जा १॥१७२॥
 ते बाहुवलिपमोक्खा घण्णा मह भाउणो महाभागा । जेहिं असारसरीरेण साहिओ सुंदरो मोक्खो ॥१७३॥
 एमाइसुहज्जवसाणजलण(जाले)जलाविउं झत्ति । निहद्धो तणरासिध मोहपसरो भरहवइणा ॥ १७४ ॥
 उप्पाडियं च केवलनाणं निप्पघवायसुहहेउं । देविसमप्पियलिं गो गेहाओ निग्गओ ताहे ॥ १७५ ॥
 दसहि सहस्सेहिं नरेसराण तक्कालगहियदिक्खाणं । परियरिओ भयवं भरहकेवली विहरिओ वसुहं ॥ १७६ ॥
 अह पुव्वसयसहस्सं केवलिपजायपालणं काउं । एक्कसमयेण निव्वाणमुवगओ भरहमुणिवसहो ॥ १७७ ॥
 इओ य सो मिरिई परिव्वायगो सामिंमि निव्वाणमुवगएऽवि साह्हिं समं गामागरनगराइसु अप्पडिबद्धो
 विहरइ, अपुव्वठाणेषु य धम्मदेसणं कुणइ, जो य कोवि पडिबुज्जइ पव्वजागहणं च समीहेइ तं साह्हणं सम्पेइत्ति ।
 एवं च तस्स विहरमाणस्स अन्नया कयाइ सरीरगेलण्णया महती पाउब्भूया, तवसेण य सो न तरइ अप्पणो निमित्तम-
 सणपाणंपि आहरिउं, न खमइ सरीरचेट्ठंपि अणुट्ठिउं, न पहवइ वइमेत्तमवि भासिउंति, ते य सगासट्ठिया पेच्छंति
 सादुणो तं तहट्ठियं तहावि असंजउत्ति कलिऊण न पुच्छंति सरीरवत्तं, न समप्पेंति भत्तपाणं, न दंसेंति वेजस्स, न
 उवयरंति ओसहाणं, किं बहुणा ?, न संकहंपि करिंति तस्स, मिरिईवि जातसंकिलेसो चिंतेइ-अहो निहया

श्रीमहा०
चरित्रे
२ प्रस्तावः

॥ २१ ॥

अहो निरप्पणचित्ता अहो सकज्जपसाहणपरायणा अहो लोयववहारपरम्मुहा अहो नियउदरभरणरसिया इमे सा-
हुणो जं उवयारिणंपि चिरपरिचियंपि एगगुरुदिकिखयंपि पासपरिवत्तिणंपि समाणधम्मपडिवद्धंपि अणवरयगुणग-
हणपरायणंपि ममं सिणिद्धचक्खुक्खेवमेत्तेणवि णाणुगिण्हंति, अहवा न सम्ममणुचिंतियमेयं मए, जओ एए
महाणुभावा सरीरस्सवि पडियारमकुणंता कंहं मम अस्संजयस्स उवयारे वटंतु?, केवलं जइ अहंपि इमाओ रोग-
महण्णवाओ पारं पावेमि ता निच्छियं पव्वजागहणुज्जुयं कमवि सयमेव पवावयामि, न एगागीहिं तीरिज्जंति
सोढुमावयाओ, अह कंहंपि भवियव्वयाए वसेण खओवसमओ वेयणीयस्सं चिरकालभवियव्वत्तणओ पारिवज्ज-
पासंडवंसस्स तहाविहोसहसामग्गीउवहारओ ववगयरोगो सो समत्यसरीरो संपन्नो, विहरिओ य अण्णत्थ ।

अण्णया य धम्मदेसणं कुणमाणस्स तस्स कविलो नाम रायपुत्तो सगासमल्लीणो, तेणावि पंचमहव्वयरक्ख-
णपहाणो पसमाइगुणाहिट्ठिओ पंचिंदियनिग्गहविसुद्धो निस्सेयसफलदायी परूविओ से सुस्समणधम्मो, कविलेण
य वुत्तं-भयवं! अण्णहा तुम्हे वज्जनेवत्थमुव्वहह, इमं च अण्णहा पण्णवेह, किमेत्थ तत्तं?, मिरिइणा भणियं-
भइ! एसो सुसाहुधम्मो तुह निवेइओ, इमं पुण जहुत्तसाहुधम्मासमत्थयाए पवलपात्रकम्मयाए दुग्गइगमणसी-
लयाए य सबुद्धिसिप्पपरिकप्पियं कुलिंगं मए अब्भुवगयं, तात! एयं पारगच्छियं, अओ पडिवज्जसु निस्सं-

१ यद्यपि चतुर्णां घातिनामेव क्षयोपशमस्तथापि अत्र प्रागुदितस्य वेदनीयस्य क्षयः नवस्य चोदयनिरोध इति क्षयोपशमता ज्ञेया, न तु मिश्रीभावताऽत्र ।

भरतनि-
र्वाणं कपि-
लदीक्षा.

॥ २१ ॥

सयं समणधम्मं, कविलेण वुत्तं-भयवं ! तुम्ह संतिए एत्थं तहाविं अत्थिं किंपि णिज्जराठाणं नवा ?, मिरिइणा
भणियं-भइ ! समणधम्मे ताव अत्थि, इहावि मणागंति, एवं च तेण अजहट्टियवत्थुदेसणओ निविट्ठो सागरोव-
मकोडाकोडिमेत्तो संसारोत्ति । नणु किं एत्तियमेत्तविवरीयकहणेऽवि एवं संभवइ ?, किमिह चोज्जं?, जेण-

विवरीयजिणागमपयमेत्त(स्स)परुवणेऽवि मिच्छत्तं । अप्पत्थभोयणेण च दुहजणगं रोगमज्जिणइ ॥ १७८ ॥

एत्तोचिय मूलुत्तरगुणगणविरहेऽवि लिंगधारीवि । सुवइ सव्वन्नमयं जहट्टियं पन्नवेमाणो ॥ १७९ ॥

किं एत्तोऽवि हुं ए(पा)वं जं सरणगए णु भवभएण जणे । उम्मग्गदेसणातिक्खखग्गघाएण विद्वइ ॥ १८० ॥

गरुयंपि कयं पावं न तहा जीवस्स दुक्खमावहइ । जह जिणवरवयणपसूयसमयविवरीयपरिकहणं ॥ १८१ ॥

अलं वित्थरेण । पत्थुयं भण्णइ-

सो कविलो सन्निवायाभिभूओ इव परमोसहं महागहपरिग्गहिओ इव तहाविहं मंतकिरियं पुव्ववुग्गाहिओ
इव सम्मपरिकहणं महापवलमिच्छत्तणओ न पडिवण्णो मणागंपि समणधम्मं, तओ मिरिइणा चित्तियं-न तांव
परिगिण्हइ एस जइधम्मं, ममावि छत्तगाइपरियरुव्वहणे गामंतरगमणे सरीरगेलण्णे अचंतिगपओयणे एगेण
सहाइणा कज्जमत्थि, तम्हा पच्चावेमि एयंति चिंतिऊण कविलो गाहिओ नियदिक्खं, सिक्खविओ किंपि वज्झं
कट्ठाणुट्ठाणं, एवं च सो नियंसियकासायवत्थजुयलो पाणिपरिग्गहियतिदंडो पवित्तिगापमुहोवगरणपरियरिओ

श्रीमहा०
चरित्रे
२ प्रस्तावः

॥ २२ ॥

गामाणुगामं पियरं व देवयं व सामियं व परमोवगारिणं व रयणनिहाणदेसगं व जीवियदायारं व मिरिइं
पज्जुवासंतो परिभमइत्ति, एवं च काले वोळंतंमि मिरिई चउरासीइं पुवसयसहस्साइं सवाउयं पालइत्ता अणालो-
इयपडिकंतनियदुचरिओ कालं काऊण वंभलोए कप्पे दससागरोवमाऊ देवो जाओत्ति ।

सोऽवि कविलो अपढियसत्थपरमत्थो वज्झोवगरणधरणमेत्तरसिगो जहादिट्ठकट्टाणुट्टाणपत्तपरमकट्टो एगागी
परियडइ । सुणिविलक्खणागारदंसणेण पुव्वकमेण समल्लियइ य से समीवे धम्मसवणत्थं वह जणो, सोऽवि अ-
वियक्खणत्तणओ समणसत्थेसु तहाविहधम्मदेसणमवियाणमाणो 'युक्तायुक्तपरिज्ञानशून्यचित्तस्य देहिनः । अलब्ध-
मध्यताहेतुमौनं सर्वार्थसाधनम् ॥ १ ॥' इति परिचिंततो गाढपरिग्गहियमोणव्वओ दिणगमणियं करेइ । अत्रया
य आसुरिरायपुत्तपमुहं सिस्सगणं पवाविऊण जथादिट्ठं वज्झाणुट्टाणं दंसिऊण य चिरकालं कयवालतवो मरिऊण
वंभलोए कप्पे देवो उववज्जइ । तर्हि च—

असुयं अदिट्ठपुव्वं सुरलच्छिं पेच्छिऊण तारिच्छं । अणुचिंतिउं पयत्तो अइविम्हियमाणसो कविलो ॥ १८२ ॥
किं मन्ने होज्ज मए दारुणरूवं तवं समायरिउं (यं) ? । किं मयलंछणसच्छहमणुचरियमणुत्तमं सीलं ? ॥ १८३ ॥
किं वा दुक्करतवनियमनिरयचित्तेसु साहुपत्तेसु । होज्ज निहित्तं वित्तं नियभुयजुयलज्जियं पुव्विं ? ॥ १८४ ॥
किं वा साहसमवलंबिऊण खित्तं हवेज्ज नियदेहं । पज्जलियतिव्वजालासहस्सजडिलंमि जलणंमि ॥ १८५ ॥

सांख्य-
मतम्.

॥ २२ ॥

एमाइविविहसंसयसंकियचित्तो खणं विगमिऊणं । सम्मं वियाणणट्टा ओहिण्णाणं पउंजेइ ॥ १८६ ॥
 पारिवज्जपवन्नं जह देहं नियइ तं विगयजीयं । तेऽवि ससिस्से गंघत्थवाहिरे मुद्धबुद्धीए ॥ १८७ ॥
 ताहे नियदंसणपक्खयायओ चत्तदेवकायव्वो । ओयरिओ आयासे सिंस्साणं तत्थ(त्त)कहणट्टा ॥ १८८ ॥
 वरपंचयणमंडलमज्झगओऽदिस्समाणरूवो य । आसुरियमुहे सिस्से भासइ संवोहिऊणेवं ॥ १८९ ॥
 अबत्ताओ यत्तं पभवइ इच्चाइ तत्तसंदोहं । तो सट्ठितंतगंधं तं सोचा आंसुरी कुणइ ॥ १९० ॥
 अब्बोच्छिती य तओ जाया सीसप्पसीसवग्गस्स । एवं सति वित्थरियं सवत्थ तिदंडिपासंडं ॥ १९१ ॥
 कविलोऽवि हरिसियमणो ठाणाओ तओ गओ सुरावासं । तत्थ य अणणसरिसे पंचविहे भुंजए भोए ॥ १९२ ॥
 जह सो मिरिई जाउयखयंमि चइऊण बंभलोगाओ । दूरदिसागयनेगमपणियाउलविवणिमग्गंमि ॥ १९३ ॥
 परिसरदेसट्ठियसाहुवग्गपारद्धधम्मकम्मंमि । नीसेसगामतिलए कोल्लागे संनिवेसंमि ॥ १९४ ॥ जुम्मं ।
 छकम्मनिरयचित्तो पेयत्थवियारकुसल्लबुद्धी य । जाओ जयपयडजसो नामेणं कोसिओ विप्पो ॥ १९५ ॥
 सो पिसयपसत्तमणो दविणज्जणकयविचित्तवाचारो । पाणवहपमुहगुरुपावठाणनिरवेक्खचित्तो य ॥ १९६ ॥
 मिच्छत्तनिहयबुद्धी तिदंडिदिक्खं निसेविउं अंते । असीई उ पुव्वलक्खे सव्वाउं पालिऊण मओ ॥ १९७ ॥

श्रीमहा०
चरित्रे
२ प्रस्तावः

॥ २३ ॥

अह सकयकम्मजणिए सुरतिरिपामोक्खविविहठाणंमि । उववज्जिऊण बहुसो पसुव विवसो दुहाभिहओ १९८
भमिऊण चिरं कालं भवंमि थूणायसंनिवेसंमि । माहणिमाहणपुत्तो जाओ सो पुस्समित्तोत्ति ॥ १९९ ॥ जुम्मं ।
तत्थवि चिरकालं निवसिऊण निविन्नकामभोगो सो । परिवायगदिक्खं पडिवजेउण धम्मबुद्धीए ॥ २०० ॥
काऊण तवं विविहं पालिय नियसमयसिद्धधम्मविहिं । सव्वाउयं च धरिउं वावत्तरिपुव्वलक्खाइं ॥ २०१ ॥
मरिऊण पुस्समित्तो तत्तो सोहम्मदेवलोणंमि । दिव्वाभरणविभूसियदेहो देवो समुप्पन्नो ॥ २०२ ॥
कालकमेण तत्तो चइऊणं चेइयंमि य निवेसे । अग्गिज्जोओनामा(स)वंभणो(अह)समुप्पन्नो ॥ २०३ ॥
सो य चउसट्ठिं पुव्वलक्खाइं परिपालिऊण आउयं गहिऊण परिवायगदिक्खं मरिऊण ईसाण देवलोणे
मज्झिमाऊ तियसो होऊण चिरं कालं भोगे भुंजिऊण आउक्खए चुओ संतो मंदिराभिहाणसंनिवेसे सोमिलस्स
वंभणस्स सिवभहाए भारियाए पुत्तत्तेण उववन्नोत्ति, कयं च से अग्गिभूइत्ति नामं, सो य पत्तो तारुन्नं, अन्नया
य तत्थ संनिवेसे परिब्भममाणो समागओ सूरसेणो णाम परिव्वायगो, सो कुसलो सट्ठितंतसिद्धंते वियक्खणो धम्मकहाव-
क्खाणे लेओ परचित्तपरिण्णणे, तं चागयं सोऊण समागओ बहुजणो, आरद्धो य तेण नियदरिसणतत्तपरूवणापवंचो,
आणंदियहियओ गओ य सट्ठाणं जणो, जाया पसिद्धी, वीथदिवसे अग्गिभूई अण्णो य लोओ आगओ तस्स सयासं,
कया उचियपडिवत्ती, उवविट्ठो संनिहियपदेसे, कहिओ य तेण महया पगारेण नियदरिसणाभिप्पाओ, हरिसिया

सूरसेन-
परि०

॥ २३ ॥

सत्ते, एत्वंतरे एंगेण मणुसेण पुच्छिओ सो परिवायगो, जहा भयवं ! मयलंछणे इव जणनयणाणंदे मुत्ताकलांवेव सह-
रिसहरिणच्छिसिहिण(हण्डि)संवासोचिए नंदणवणे इव विविहविलासजोग्गे जलहिंमि वं लावणणपुण्णे रसायलेव भुयं-
गसंगसमुचिए भग्गवम्महसोहग्गे किमेरिसंमि तारुण्णे अणुद्धियं तुमए पव्वज्जागहणंति ? , नं खलु मुणालतंतुरज्जू परि-
खमइ मत्तसिंधुरखंधवंधणपरिक्खेवं न यावि सहइ सहयारमंजरी जरढढेकपरिक्खेवचरणभारं नय पभवइ धाराकराल-
करवालसिद्धुल्लेहलीलं कमलदलं, न सव्वहा तुह एरिसी सरीरसिरी काउमरिहइ निट्टुरजणजोग्गं तवचरणंति, केवलं
होयवमेत्य पणइणीविरहेण वा धणभंगेण वा सयणविप्पियदंसणेण वा अण्णेण वा केणइ कारणेणं, वाढं कोऊहलं
मे, साहेह सव्वहा जइ न दूरमकहणिज्जंति । परिवायगेण भणियं—भइ ! तुम्हारिसाणवि किं किंपि अकहणि-
ज्जमत्थि ? , सुणसु जइ अत्थि कोऊहलं, अहं किर पुवं कोसंवीए नयरीए असंखदविणभायणं अणेगाणं दीणाण
दुत्थियाण विदेसियाण भयंताण य सत्ताणं ताणदाणपरायणो आसि, अण्णया य रयणीए मे पसुत्तस्स सहसा
समुच्छलिओ तुमुलो रवो, तओ संभंतोऽहं समुद्धिओ सयणीआओ जाव पेच्छामि आइद्धियनिसियखग्गे दढावव-
द्धपरियरे चावचक्कुंतपमुहाउहहत्ये हण हणत्ति भणंते धरणियलगयंपि सयं निहित्तमिव अत्यसंचयं गिण्हमाणे
तहद्धियाउ चेव तुरंगमंदुराओ अप्पायत्ताओ करेमाणे संमुहद्धियं परियणं विविहप्पयारेहिं विद्वेमाणे कंसं दोसं
घरवक्खरं च अवहरेमाणे जमसुहडे इव कलिकालमित्ते इव पावपियामहे इव भीसणे निक्खिे भिल्लपुरिसे, ते य

श्रीमहा०
चरित्रे
२ प्रस्तावः
॥ २४ ॥

ददूण मरणभयविहुरेण सिग्धं अवकमिऊण मए वाहरिया आरक्खिया, त य जाव मत्ता इव सुच्छिया इव गयचे-
यणा इव बहु बोलावियावि हुंकारमेत्तमवि न दिंति ताव नायं मए नूणमेए ओसोवणिमंतेण वा ओसहपओगेण
वा एएहिं चोरेहिं निहयचेयणा कया भविस्संति, कहमण्णहा एवं निहा विह्वेजा?, होउ वा ताव सजीवियं
रक्खामित्तिपरिभाविऊण सणियं सणियं निह्लुक्को एगत्थ वणगहणे, भिल्लावि भवणसिलाथंभाइयं मोत्तूण सेसं
वराडमेत्तंपि गहाय गया, कमेण पहाया रयणी, उट्टिओ जणो, जाया पुरे वत्ता, आगओ लोओ अहं च, अवलोइयं
गेहं जाव तत्थ एगदिणभोयणमेत्तंपि नत्थि, स्त्रीणविभवत्तणओ कलंतराइपउत्तंपि दविणजायं न पावेमि, जओ
नत्थि कोऽवि निव्वाहो तओ चिंतियं मए-

नीसेसजणपहाणत्तणेण ठाऊण एत्थ नयरंमि । संपइ कप्पडिओ इव कह निवसंतो न लज्जामि ? ॥ २०४ ॥
दीणाण दुत्थियाण य दाउं भोयणविहिं कुणंतस्स । इण्हिं तु निओदरभरणमेत्तनिरयस्स का सोहा ? ॥ २०५ ॥
कह वा तुरगारूढो पुंविं भमिऊण पुरिसपरियरिओ । वच्चिस्सं एगागी इण्हिं तु पयप्पयारेण ? ॥ २०६ ॥
कह वा सहपंसुकीलियबंधवलोयस्स वंछियत्थस्स । अविपूरितो जीयं निरत्थयं उव्वहिस्सामि ? ॥ २०७ ॥
दुव्वहगव्वुद्धुरवइरिविसरदुव्विसहदुव्वयणजायं । पव्वभट्टलट्टविभवो पच्चक्खं कह सुणिस्सामि ? ॥ २०८ ॥
ता मोत्तूण इमं ठाणं देसंतरं वच्चामित्ति चिंतिऊण चलिओऽहमुत्तरावहाभिमुहं, कालंतरेण पत्तो एगंमि सन्नि-

सूरसेन-
वृत्तं.

॥ २४ ॥

वेसे, भिक्षापरिभ्रमणेणं कया पाणवित्ती, बुत्थो तत्थेव किंचिकालं, अण्णदिवसे य दिट्ठो मए एगो तिदंडी,
वंदिऊण सवायेरेण उवविट्ठो से समीवे, पुच्छिओऽहं जहा मए तहा तेणवि नियवइयरं, निवेइओ य मए संखेवेण,
तिदंडिणा भणियं-पुत्त ! परिचयसु सोयसंतावं; अणुसरसु धीरत्तणं; सबसाहारणो हि एस वइयरो; किं च—

किं वयणिज्जं जं निंदिए जणे नो थिरत्तणं कुणइ ? । पुरिसुत्तमंपि लच्छी छइइ महिलव दुधीला ॥ २०९ ॥
नो सुइकुलं न रूवं नो विण्णाणं न विकमं न वलं । वालव गयविवेया अवेक्खए किंपि सुयमाणा ॥ २१० ॥
अहवा जलनिहिकल्लोलसंगसंलग्गचंचलत्ताए । कोत्थुहमणिसहजम्मणवद्वियदढनिट्ठुरत्ताए ॥ २११ ॥
मयलंछणसमसी(सा)सियमइलाणुस्सरणवद्धसीलाए । सुरगइतुरंगसंगइदूरुज्झियवरविवेयाए ॥ २१२ ॥
दुस्सहं विसमेत्ती(व)सदावियपज्जंतदुहविवेगाए । कंबुसिणेहसमुच्छूढगाढकुडिलत्तबुद्धीए ॥ २१३ ॥
तह पारियायपणयप्पभावजडजायपक्खवायाए । निचं लवणोयहिवासमुक्कमधुरत्तभावाए ॥ २१४ ॥
एयाए सचरियं फहं हवेज्जा महाणुभावाए ? । न हि विसरिससंसग्गी विसिट्ठगुणसाहणं कुणइ ॥ २१५ ॥
ता चयसु सोगमहुणा पोरुसमुवहसु कुणसु करणिज्जं । न हि विण्णायसरूवे गुप्पंति कहिंपि सप्पुरिसा ॥ २१६ ॥
किं भइ ! तुमं एगो इमीए मुक्को ? जमेवमइगरुयं । संतावं वहसि न पत्तकालमहुणां समायरंसि ॥ २१७ ॥
भणियं च मए भयवं ! किं पुण एत्तोऽवि पत्तकालं मे ? । तेण कहियं ! महायस ! निच्छओ सवहा धम्मो ॥ २१८ ॥

श्रीमहा०
चरित्रे
२ प्रस्तावः
॥ २५ ॥

एयविउत्ताण जओ विहडंति समुद्धुरावि रिद्धीओ । एएण संपउत्ताण हुंति दूरं पलीणावि ॥ २१९ ॥
एयं च मए आयन्निऊण संजायभवविरागेणं । एसा तिदंडिदिक्खा पडिवन्ना दुक्खनिम्महणी ॥ २२० ॥
ता भद्द ! तए वेरग्गकारणं जं पुरा अहं पुट्ठो । तं एयं तुह सिद्धं एत्तोच्चिय कुणसु धम्ममइं ॥ २२१ ॥
एत्थंतरंमि एयं सोचा ओभिन्नवहलरोमंचो । पुणरुत्तनिवेसियपारिवज्जदिक्खाभिमुहवुद्धी ॥ २२२ ॥
सो अग्गिभूइनामो मिरीइजीवो तिदंडिणं नमिउं । भालयलनिमियपाणी पयंपिउं एवमाडत्तो ॥ २२३ ॥
भयवं ! जाए वेरग्गकारणे तारिसंमि तुम्हेहिं । जं दिक्खापडिवत्ती विहिया तं सम्ममायरियं ॥ २२४ ॥
एयस्स निसामणओ ममावि घरवासवासणा विगया । छिन्नो मायामोहो विवेयरयणंपि विप्फुरियं ॥ २२५ ॥
ता नियदिक्खादाणेणऽणुग्गहं कुणसु संपयं मज्झ । इय वुत्ते तेणं सो पव्वज्जं गाहिओ सहसा ॥ २२६ ॥
काऊण तवं तो सो धरिउं छप्पणण पुव्वलक्खाइं । सवाउयं तदंते सणंकुमारे सुरो जाओ ॥ २२७ ॥
कालक्कमेण चविउं सेयवियाए पुरीए पवराए । वंभणकुले पसूओ भारद्दाओत्ति नामेण ॥ २२८ ॥
तत्थवि सकम्मजणिए सुहदुक्खे भुंजिऊण थेरत्ते । पुव्वक्कमेण पुणरवि पारिवज्जं पव्वजेइ ॥ २२९ ॥
काऊण य वालतवं कुदेसणापावधूलिपडलेणं । अवगुंडिऊण वाठं रम्मन्ताणं व बहुकालं ॥ २३० ॥
सवाउयमणुपालिय चउयालीसं तु पुव्वलक्खाइं । पंचत्तगओ संतो तियसो होऊण माहिंदे ॥ २३१ ॥

स्यावरभवः
परिव्राज-
कता.

॥ २५ ॥

निम्मलमणिरयणमउहजालउज्जोविए विमाणंमि । नियपरियणपरियरिओ कीलइ सच्छंदलीलाए ॥ २३२ ॥
जाउक्खएण तत्तो चविउं सो मणुयतिरियजोणीसु । नरयकुदेवेसुंपिय पुणरुत्तं परिभमेऊण ॥ २३३ ॥
रायग्गिहंमि नयरे दियवरकविलस्स कंतिमइयाए । गिहिणीए गब्भम्मी पुत्तत्तेणं समुप्पन्नो ॥ २३४ ॥
जाओ समुचिअसमए नामंपि य थावरोत्ति से विहियं । सत्तेण य गत्तेण य कुमारभावं च वोक्कंतो ॥ २३५ ॥
अणवरयमंरणजरजम्मवाहिदुहनिवहपीडियं लोयं । दट्टूण काउकामोवि धम्ममइमोहमूढो सो ॥ २३६ ॥
नो वच्चइ दुक्करतवविहाणनिरयाण जिणमुणिंदाणं । पासंमि कयावि हु नेव अन्नतित्थियजणस्सावि २३७ जुम्मं ।
एवं अच्छंतो सो पेच्छइ एगं तिदंडिणं समणं । चिविडियनासावंसं भग्गोट्टुउडं दलियदसणं ॥ २३८ ॥
कुमुयं व चंददंसणवसेण कमलं व दिणयरुग्गमओ । सालत्तयतरुणचरणताडणाओ असोगुव ॥ २३९ ॥
तं पासिऊण वियसंतनयणनलिणो परं पमोयभरं । अइदुल्लहवल्लहसंगमे व सो पाविओ झत्ति ॥ २४० ॥
पइजम्मपरिव्वायगदिकखागहणुब्भवंतुनेहाओ । तत्तपरिपुच्छणट्ठा तस्स सगासं समल्लीणो ॥ २४१ ॥
नमिउं चरणे सवायरेण सो पुच्छिओ य धम्मविहिं । जोगोत्ति कलिय तेणवि तिदंडिणा साहिओ तस्स २४२
अत्तं च इमं सिट्ठं जहाऽहमिह दुक्खिओ ठिओ पुविं । विसयपिवासाणडिओ कुसलेण तथा न ठायवं ॥ २४३ ॥
अह थावरेण भणियं भयवं ! कह तं ठिओ इह दुहत्तो ? । विसयपिवासानडिओ कहेहि कोऊहलं मज्झ ॥ २४४ ॥

श्रीमहा०
चरित्रे
२ प्रस्तावः
॥ २६ ॥

भणियं च तेण भद्व्य ! सुणसु पुरा विसयसलिलपडिहत्यं । अन्नाणमीणभीमं विसोत्तियालोलकल्लोलं ॥ २४५ ॥
निल्लज्जिमजलवेलाविलासमवसत्तदुत्तरावत्तं । पावविकप्पणपंकं निस्संखपवंचसंखउलं ॥ २४६ ॥
अभिमाणघोरघोसं पयंडकंदप्पवाडवग्गिसिंहं । दोसघणपडलकिन्नं तारुणमहन्नवं पत्तो ॥ २४७ ॥ तीहिं विसेसयं ।
तवसेण य परिचत्तसग्गिहसंवासो दूरुज्झियसयणवंधवो परमतावसो इव विसट्टकंदोत्तयणासु पवरपओहरासु
महाभोगसालिणीसु ससुल्लसंतकल्लोलवाहुविलासासु हंसगाणुसरियपयकमलासु सालसकुलकलरवासु सरसीव सुंदरासु
विलासिणीसु कयाभिरई समाणो एगया अणंगसेणाभिहाणाए वेसाए समं वुत्थो वहं कालं, तदणुरागवसेण य
पवरभूसणदाणेण अणवरयमहामोल्लद्वोगुल्लसमप्पणेण तंवोल्लफुल्लविलेवणोवणयणेण य निट्ठवियं पियापियामहपमुहपुरि-
सज्जियं दविणजायं, जाओऽहं निट्ठणचंगो, सुणिओ दाइगाए, तओ निप्पीलियालत्तयं व पयत्तपीयवारुणीचसगं व
भुत्तावसेस भोयणं व तेहिं तेहिं अवमाणकारणेहिं परिचत्तो म्हि तीए, तयणंतरं निग्गओऽहं वेसाघराओ, गओ
नियगेहे, दिट्ठं च तमणेगच्छिदसयसंकुलं पञ्चमट्ठपुवसोहं मसाणं व भयजणगंति, तओ महाविसायाभिभूओ पयट्ठो
देसियालिए, गच्छंतेण य पइदिणं एगत्य सुन्नसन्निवेशे दिट्ठं भूमिनिवडियं रक्खावलयं, गहिउं मए विहाडियाओ
निविडजउ जडियाओ रक्खागंठिओ, दिट्ठं च एगस्स मज्झनिहित्तं लिहियपवरक्खरं भुज्जखंडं, वाइयं च कोज्जहलेण,
परिभाविओ य तल्लिहियगामनामदिसाभागलंछणसमेओ रयणकोडिप्पमाणनिहाणवइथरो, हरिसियमणेण संगो-

स्यावरभवः
परित्राज-
कता.

॥ २६ ॥

वियं च तं सवपयारेण, पट्टिओ तयणुसारेणं, पत्तो अकालखेवेण भुज्जलिहियंमि गामे, निरूविओ निहांणप्पएसो,
 अवलोइयाइं लिंगाइं, जाव सव्वाणिवि लिहियाणुसारेण मिलंति, तओ मे पाउब्भूओ परमप्पमोओ, पसत्थनिसाए य
 दिसावलिपक्खेवपुरस्सरं खणिउमाढत्तो णिहाणपएसं जाव य हत्थप्पमाणमेत्तं तं न खणामि ताव समुट्टिया उब्भ-
 डफडाडोवभीसणा तडिसिहातरलललंतजीहज्जुयला मुहमारुयसंवलियजलणफुलिंगुग्गारदारुणा पुच्छच्छटाताडिय-
 धरणिवट्टा दीवयसीहा फुरंतरत्तदित्तनेत्ता महाभुयंगा, तेहि य संदंसेहि व तडतडत्ति तोडियं मह सरीरं, निचिट्ठो
 महाविसावेगेण निवडिओऽहं भूमीए, विइकंता रयणी, ममाणुकंपाएव समुग्गओ भयवं दिणयरो, अवलोइओऽहं
 गामजणेण, विण्णायविसविगारेण य दयाए पडियारिओ, तहाविहोसहमंतकिरियाए जायं च पगुणं सरीरं, पुट्टोऽहं
 गामजणेण रयणिवइयरं, कहिओ य मए तस्स जहट्टियनिहाणवुत्तंतो, तओ तत्थेव वीसमिऊण कइवय वासराइं
 पुणरवि पत्थिओ एगदिसाए, अण्णया य गच्छंतस्स मिलिओ एगो पुरिसो, समाणसीलयाए य जाया मज्झ तेण
 समं मेत्ती, पत्थावेण य तेण एगंते सव्भावेण निवेइओ मम विवरप्पवेसजक्खिणीसाहणकप्पो, अब्भत्थिओ य
 सव्वायेरेण जहा-जइ तुमं सहाइभवसि ता विवरं पविसामो, भोगगाढलोलुयाए पडिवण्णमेयं मए, तओ अखं-
 डपयाणएहिं गया वलयामुहं नाम विवरं, विरइया से दुवारपूया, तप्पियाओ जोइणीओ, सुमुहुत्तनक्खत्तंसि गहाय
 वाढं पत्थयणं परिकलियहत्थपईवा पविट्टा तत्थ, उच्चनीयठाणाणि वोलिंता सणियं सणियं गया दूरदेसं, दिट्ठा य

श्रुति एगत्थ विज्जुपुंजभासुरा पवरकणगसिंहासणनिविट्ठा एगा जक्खकन्नगा, अविय—
गंडयलललंतुज्जलकुंडलकिरणोलिविच्छुरियवयणा । नाणामणि(मय)भूसणससिरियरेहंतदेहलया ॥ २४८ ॥
आमलयथूलमोत्तियनवसरहारावरुद्धथणवट्ठा । पप्फुल्लमणहर(हरा)वम्महतरुतरुणसाहव ॥ २४९ ॥
पायालसिरिव रइव देवरमणिव जणियमणमोहा । ललियकरकलियलीलासरोरुहा सुंदरावयवा ॥ २५० ॥
भुवणच्छेरयभूयं रुवं दहुं अदिट्ठपुवं से । मयरद्धपसरविहुरा अम्हे तप्पासमल्लीणा ॥ २५१ ॥
सावि अम्हे आगच्छंते पेच्छिऊण सन्निहियपज्जलंतपयंडजालाकराले श्रुति कुंडे पविट्ठा, अम्हे पुण महा-
मोग्गराहया इव विहाणवयणा चिंतिउं पवत्ता—किं पच्छाहुत्तं नियत्तामो उयाहु तत्थेव तदंगसंगसंलग्गलायन्न-
पुत्रे जलणकुंडे पयंगो इव अत्ताणं खिवामो?, केवलं दारुणो दहणो खणद्धेणवि दहइ देहं, संसइओ य तीए सद्धिं
मीलगो, जीवंता पुणोऽवि भद्दाइं पेच्छिस्सामो, ताव सहसच्चिय एगनिकुंजाओ कुंजरोव गरुयंगभारो अंगभारधरह-
रियधरणितलो धरणितलताडणसमुच्छलंतपडिसद्दयसहस्सवहिरियदिसाभोगो दिसाभोगपसरंतकज्जलगवलगुलि-
यालिवलयकालप्पभाजालो करधरियमहंतनरसिरकवालो कालरत्तिजणगो इव दुप्पेच्छो वयणेण व धूमवत्तिं सुय-
माणो फारफुंफाररउद्दकसिणभुयंगवद्धकेसभारो समायओ तं पएसं श्रुति खेतवालो, तओ तेण अचंतरोसारुणच्छेण
पेच्छिऊण भणिया अम्हे—रे रेपुरिसाहमा ! विणट्ठसीलसमायारा कायरडियमेत्तवित्तसियसरीरा किं नियचित्तावद्धंभं

न मुणह? जं एत्थ आगया, ता एण्हमणुभवह दुव्विणयफलंति भणिऊण पवणपणुण्णच्छिण्णपण्णं व भएण कंपमाणा सहसच्चिय चरणे धरिऊण बालच्छगलगव्व अम्हे महया वेगेण उल्लालिया तओ पएसाओ, निवडिया य वलयासुह- विवरदुवारमूले, तओ समागयमहानिद्दावेगा इव गमिऊण जामिणिं समुग्गयंमि दिणयरे उम्मीलियनयणकमला परिचित्तुं पवत्ता—अहो को एसप्पएसो? केणेहाणीया? कहं वा धरणीए पसुत्ता? कत्थ वा तं विवरं? कहिं वा सा कण्णगा? ।

सुमिणं माया वेयं विभीसिया व? मइविच्चमो वावि? । एवं चिर संसइया होऊणं मुणियपरमत्था ॥ २५२ ॥

ठाणाउ तओ चलिया पत्ता वेण्णायडंमि नयरंमि । तत्थवि विज्जासिद्धो दिट्ठो सिवसुंदरो नाम ॥ २५३ ॥

तो बहुविहप्पयारं विणएणाराहियो पयत्तेणं । तुट्ठेण तेण दिण्णो मज्झं कचाइणीमंतो ॥ २५४ ॥

कहिओ य साहणविही तओ मए चंडिगाएँ गेहंमि । गुरुणा जहोवइट्ठो पारद्धो जाव होमविही ॥ २५५ ॥

साहसरहियत्तणओ तणग्गकंपेवि भयविसिट्ठस्स । धिट्ठत्तणओचिय मंतसाहणं मम कुणंतस्स ॥ २५६ ॥

उत्तालुत्तालकरालकालवेयालचंडपरियरिओ । एगो महापिसाओ सहसच्चिय उट्ठिओ भीमो ॥ २५७ ॥ जुम्मं ।

ताहे तारिसविगरालदंसणुप्पण्णमरणभयविहुरो । विस्सुमरियमंतपओ पहाविओऽहं सगिहहुत्तं ॥ २५८ ॥

तेणावि धिट्ठदुस्सिक्खिओत्ति भणिऊण विगयसंकेण । अइलंवपाणिणा करिसिऊण नीओ सिवाएँ पुरो ॥ २५९ ॥

श्रीमहा०
चरित्रे
२ प्रस्तावः
॥ २८ ॥

ताहे सुष्टीएँ हओ तहा जहा चिविडिया ममं नासा । अत्रेऽवि अग्गदंता भग्गा निब्भग्गरूवेण ॥ २६० ॥
ता भो महायस ! तएजं पुट्टोऽहं सवइयरं पुवं । सो एस जइ न पत्तिज्जसीह ता पेच्छ मज्झ मुहं ॥ २६१ ॥
अह थावरेण भणियं भयवं ! पचक्खदिस्समाणेऽवि । भोगपिवासादोसे को मइमं नेव पत्तियइ ? ॥ २६२ ॥
जुत्तं तुम्हेहिं कयं अहंपि काउं इमं समीहामि । ता अणुगिण्हह संपइ पारिवज्जप्पयाणेणं ॥ २६३ ॥
दिण्णा य तेण दिक्खा जाओ सो धम्मकरणनिरयमणो । दढतवियदुस्सहतवो मिच्छत्तविलुत्तवोहेणं ॥ २६४ ॥
चोत्तीसपुव्वलक्खे सद्वाउं पालिऊण पज्जंते । मरिऊण वंभलोए उववण्णो भासुरो तियसो ॥ २६५ ॥
नियबुद्धिसिप्पिकप्पियतिदंडिदंसणपरूढनेहेणं । पारिवज्जग्गहणं छ्भवग्गहणाइ संपत्तं ॥ २६६ ॥
सकुलपसंसावइयरनिवद्धदढनीयगोयकम्मणेणं । माहणपमुहे नीए कुलंमि जम्मं च मिरियस्स ॥ २६७ ॥
दट्टूण जिणवरागमविवरीयपरूवणं कुलपसंसं । दूरं परिवज्जह भो वियक्खणा ! सव्वकालंपि ॥ २६८ ॥
इय वद्धमाणचरिए महल्लकल्लाणवल्लिपरियरिए । मिच्छत्तपंसुमइलियजणमणमलखालणजलंमि ॥ २६९ ॥
भरहसुयपढमपयडियतिदंडिपासंडसंसणाग्ग्भो । भवजणविम्हयकरो सम्मतो वीयपत्थावो ॥ २७० ॥
॥ इति गुणचंदसूरिरइए सिरिमहावीरचरिए वीयपत्थावो सम्मतो ॥

स्थावरभवः
परिव्राज-
कता.

॥ २८ ॥

(ततीयपत्थावो)

तिदंडिभवसमेया भणिया वत्तवया य मिरिइस्स । एत्तो य जहावित्तं साहिज्जइ विस्सभूइस्स ॥ १ ॥
इहेव जंबुदीवे दीवे भारहवाससिरसेहरोवमे पइदिणभवंतविहिमहूसवे नीसेसनयरविक्खाए रायगिहे नये
पढमो सोंडीरचक्कस्स वल्लहो गुणिवग्गस्स सम्मओ पयइलोयस्स पाणप्पिओ पणइजणस्स भुयदंडलीलारोवियभूमि-
भारो विसुद्धबुद्धिपगरिसवीमंसियधम्मवियारो विस्सनंदी नाम नराहिवो, मयणलेहा नाम से भारिया, विसाहनंदी
कुमारो, तहा परूढगाढपेम्माणुबंधो सररीरमेत्तविभिण्णो विसाहभूती जुवराया, तस्स रूवाइगुणरयणरोहणधरिणी
धारिणी नाम देवी । इओ य सो मिरिइजीवो वंभलोगाओ चुओ संतो चउग्गइयं संसारकंतारमणुपरियट्टिऊण अणं-
तरभवजणियतहाविहकुसलकम्माणुभावेण समुप्पण्णो तीसे गब्भंमि पुत्तत्ताएत्ति, अण्णया पसूओ विसिट्ठे वासरे,
कयं विस्सभूइत्ति से नामं, कमेण परिचत्तवालभावो गाहिओ सो पिउणा कलाकलावकोसल्लं, तारुणमणुप्पत्तो परि-
णाविओ वत्तीसं सुररमणीविब्भमाओ पवररायकुलसमुब्भववालियाओ, ताहि य समं बहुप्पयारं कीलंतो कालं
गमेइत्ति । अण्णया य सयलतइलोयदरिसियवियारो तरुवराणंपि विहियलावण्णो मुणीणंपि कयचित्तचमक्कारो स-
मागओ महुमासो, जत्थ य—

पोढपुरंधियोरथणमंडलपडिहयगमणवेगओ । पिययमचिरहविहुरतरुणीयणदीहरसासतरलिओ ॥ २ ॥

श्रीगुणचंद्र
महावीरच०
३ प्रस्तावः

॥ ३९ ॥

चंद्रगनीवकुमुयकमलायरकुवलयगंधवंधुरो । दाहिणपवणुदिसिहिं पवियंभइ नावइ गंधसिंधुरो ॥ ३ ॥
अण्णं च—चंचलचरणचलणपरिवोलिरमंजुलकणयनेउरं । करयलरणझणंतमणिकंकणकलरवपसरमणहरं ॥ ४ ॥
कणिरनियंवाविंवकंचिगुणकिंकिणिधालयलालयं । सहइ वरंगणाण चाउदिसिं चचरि चारुगीययं ॥ ५ ॥

एवंविहं महुसमयं दहुं विस्सभूर्इ कुमारो समग्गविभूर्इए चाडुकरनरभडचेडपरिकिन्नो अंतेउरतरुणीजणपरिय-
रिओ गओ पुप्फकरंडयं नाम उज्जाणं, जत्थ तरुवराभोगे गायंतिव्व अमंदमयरंदंविंदुपाणपरव्वसभमिरभमरगुंजिएहिं
पणचंतिव्व खरपवणुव्वेल्लिरमहल्लपल्लवभुएहिं हसंतिव्व डिंडीरपिंडपंडुरपरिप्फुडकेयइदीहरदलेहिं । जम्मि य—

जंबुजंवीरखजूरसाहिंजणा, सज्जनालियरिफणिसप्पला अज्जुणा ।

खइरसिरिखंडकप्पूरपूगीतला, पीलुनिंववलिवउयवडपिप्पला ॥ ६ ॥

कयलिनोमालियामाहवीसालयासल्लईसग्गनवनीवहिंतालया ।

वउलवंसालिताविच्छयाकच्छिया, सबकालंपि रेहंति जलमुत्थिया ॥ ७ ॥

जं च—कहिंचि सहयारतरुमंजरीमंडियं, कहिंचि वेइल्लफुल्लंतगंधह्वयं ।

कहिंचि कंकेल्लिनवपल्लवालंकियं, नाइतरुणीकमालत्तयालंकियं ॥ ८ ॥

कहिंचि नवपाडलापुप्फनियराउलं, कहिंचि विरुटंतभमरावलीसंकुलं ।

वसन्तर्तुव०

॥ २९ ॥

कहिंचि वरमालईमउलमालच्चियं, नाइनियविहवदंसणेण रोमंचियं ॥ ९ ॥

अण्णं च—कारंडहंसवगचक्कवायभारुंडकीरकुररेहिं । जीवंचीवकविंजलजलवायसखंडरीडेहिं ॥ १० ॥

हारीयपंचवण्णयपोरवयपमुहविचिहपक्खीहिं । सुसिणिद्धबंधवेहि व सेविज्जइ जंसयाकालं ॥ ११ ॥

जत्थ य वम्महदुस्सहसराभिघाएहिं जज्जरंगीओ । वालमुणालुप्पलसत्थरेसु सिसिरेसु रमणीओ ॥ १२ ॥

विणयंति विरहिणीओ दिणाइं करपिहियसवणजुयलाओ । परदुयताररवारसियसवणमुच्छागमभएणं ॥ १३ ॥ जुम्मं ।

रेहंति जत्थ चंपयतरुणो नवकुसुमनियरसेहरिया । आरूढमयणजलणव्व पहियनिवहाण दहणत्थं ॥ १४ ॥

खरपवणुदुयमयरंदपिंजरं पेच्छिऊण रविंविं । मज्झण्णेऽवि हु संझं संकंति रहंगमिहुणाइं ॥ १५ ॥

जत्थऽक्खमयणदमणा तरुणो मुणिणो य सुमणसोवेया । सुहलवलीलालसिया भुयगीओ विलासिणीओ य ॥ १६ ॥

तत्थ एवंविहंमि उज्जाणे सो विस्सभूई कुमारो पवरतरुणीजणसमेओ अणिमिसाए दिट्ठीए पेच्छमाणो वण-
लच्छि कोऊहलाउलियपरियणदेसिज्जमाणमग्गो काणणंतरेसु परिब्भममाणो सायरं पसीयह कुमार ! पेच्छह इओ
मंजरिज्जइ सहयारावली इओ फुल्लंति मल्लियाओ इओ पल्लविज्जंति वालकंकिल्लिणो इओ कोरइज्जंति कुरुवयनि-
उरुंवा इओ कुसुमिज्जंति कणियारनियरा इओ मउरिज्जंति पुन्नागाइसाहिणोत्ति, एवं उज्जाणपालेण निदंसिज्जमाण-
तरुणो वणकीलाए दिणाइं गमेइत्ति । अंतरा य सुणेइ राइनीईसत्थाइं विमरिसेइ गूढत्थपयाइं अभिणयावेइ वि-

श्रीगुणचंद
महावीरच०
३ प्रस्तावः

॥ ३० ॥

सिद्धकविजणविरइयाइं नाडयाइं भरहविज्जावियक्खणेहिं हावभावहत्थयाइपत्थावणपडुएहिं नाडइज्जपुरिसेहिं नि-
सामेइ य वेणुवीणाणुगयं गायणजणाओ बहुघोलणप्पयारमणहरं पंचमगेयं, तथा एगंतदेसट्टिओ निसुणेइ दूईणं
सोवालंभवयणाइं । कहां?—

तीसे संकेयं संसिऊण पडिजुवइमणुसरंतेणं । नाह ! तए जाजीवं दिन्नो लहुयत्तणकलंको ॥ १७ ॥
सुहय ! तुह विरहदुस्सहसिहिपसमत्थं ममाहरंतीए । तीसे सरसीसुं निट्टियाइं नवनलिणिनालाइं ॥ १८ ॥

परिसरसहयारुग्गयनवमंजरिखंडणेण पइदियहं । तीसे ताण निमित्तं घट्टा मज्झंगुलीण णहा ॥ १९ ॥
पचासण्णे कयविविहकलरवे नीलकंठकलयंटे । परिसंता मज्झ भुया पइक्खणं उडुवंतीए ॥ २० ॥

एइ पिउ एइ पिउ एसो सो हवसु तं खणं धीरा । थक्का मेण्हि जीहा पुणरुत्तं वाहरंतीए ॥ २१ ॥
इय एरिसा अवत्था वट्टइ तुह पणयिणीए दुविसहा । जइ जीवंतिं वंलसि कुमार ! ता तं लहुं सरसुं ॥ २२ ॥

तहा कयाइ गोत्तखलियपरिकुवियकामिणीपसायणप्पवणवयणप्पवंचविरयणेण कयाइ सुयसारियासंलाववि-
णोएण कयाइ परोप्परसवत्तिकामिणीकयकलहकोलाहलनिसामणेण कयाइ णाणाविहदूरदेसोवणीयापुवतरुसंदोह-
दोहलगदाणेण कयाइ संमयवणसिंहंडितंडवावलयणेण विविहं कीलइ । अण्णया य कुमारस्स कामिणीहिं समं
दुरोदरेण रमंतस्स समागओ मज्झंदिणसमओ ।

॥ ३० ॥

विश्वभूति-
क्रीडा.

तओ अंतेउरसमेओ चलिओ जलकीलानिमित्तं, पत्तो काणणसरसीए, तयणंतरं च-
 सरसीतडविडविसरावमुक्कझंपुच्छलंतसलिलभरं । झिल्लइ महलकल्लोलपेहणुवेह्तिरो कुमरो ॥ २३ ॥
 मडाए तरुणीओ रणंतमणिमेहलाकलावाओ । खिप्पंति परापपरपेहरीउ भयतरलियच्छीओ ॥ २४ ॥
 करकलियकणयसिंगयसलिलपहारेहिं पोढरमणीओ । विद्वइ कुमारो कोवभरियदरपाडलाट्ठीओ ॥ २५ ॥
 पियकरफुंसुल्लासिरनियंवतडतुट्टेमेहलगुणाहिं । निवडंतकिंकिणीहिं पलाइयं झत्ति वालाहिं ॥ २६ ॥
 घोरघणघ(धा)मसमजलवट्टियपूराए झत्ति सरसीए । कमलाइं वयणलायणनिज्जियाइं व बुडंति ॥ २७ ॥
 इय विविहसलिलकीलाहिं कीलिउं जुवइसत्थपरियरिओ । ओयरिओ सरसीओ गओ कुमारो नियावासं ॥ २८ ॥
 एत्थंतरे अत्थमिओ गयणचूडामणी दिणनाहो, मडलिया कमलसंडा समं माणिणीमन्नुणा, विप्पउत्ताइं
 चक्कवायमिहुणाइं सह मिहुणदिणविरहेण, पवट्टियाणंदा इओ तओ परिब्भमिउं पवित्ता कोसिया समं पंसुलिविल-
 याहिं, निलीणाइं नियट्टाणेसु सउणिकुलाइं समं मुणिजणेण, तथा निसायरसेण्णं व भीसणं पसरियमंधयारं, मयर-
 द्दओघ विप्फुरिओ सवओ पढमप्पओसपईवनिवहां, एवं पयट्टे संज्ञासमए कुमारो काऊण पओसकिचं तेहिं को-
 ऊहलनम्मालायवंकभणियगीयाइविणोएहिं विगमिऊण खणंतरं पसुत्तो सुहसेज्जाए, कमेण य पभाया रयणी,
 समुग्गओ सहस्संसुमाली, उट्टिओ कुमारो सयणीयाओ, कयपाभाइयकायवो पुवविहीए दोगुंदुगुव विलासिणीम-
 ज्झगओ विलसइत्ति । एवं च तत्थ सायंदिणमभिरममाणस्स सरंति वासरा ।

श्रीगुणचंद्र
महावीरच०
३ प्रस्तावः

॥ ३१ ॥

अन्नया य विस्सनंदिणो महारायस्स अग्गमहिसीए दासचेडीओ पुप्फफलगहणत्थमागयाओ पुप्फकरंडगुज्जाणं,
दिट्ठो ताहिं विस्सभूइकुमारो अंतेउरसमेओ बहुप्पयारं तहा विलसंतो, तं च दट्ठूण ससुप्पण्णगाढामरिसाहिं ईसी-
सल्लभिज्जमाणमाणसाहिं सिग्घमेव पडिनियत्तिऊण कहिओ रायग्गमहिसीए कुमारस्स काण्णकीलावइयारो, खणं-
तरे य दीहं नीससिऊण पुणो भणियं ताहिं—देवि! किं तुज्झ जीविएणं? किं वा रज्जवित्थरेणं? किं वा विभवेणं?
जइ तुम्ह पुत्तो विसाहनंदी पुप्फकरंडगुज्जाणे न कीलेज्जा, एवं च आयन्निऊण अवियाररमणीयत्तणओ इत्थीसहा-
वस्स अदूरदंसित्तणओ मइपसरस्स अभीरुत्तणओ नियकुलकलंकुग्गमस्स पकओ महापरिकोवो देवीए, परिचत्तं
भोयणं उज्झिओ सरीरसकारो पेसियो नियनियठाणेषु सहीवग्गो, कइवयदासचेडीपरिवुडा य पविट्ठा कोवधरंमि,
रयणिसमए य समागयेण विस्सनंदिनरिंदेण देविं अपेच्छमाणेण पुट्ठो कंचुगिप्पमुहो परियणो, कहियं च एगेण-
देव! अमुगंमि गेहे मिलाणवयणकमला केणवि कारणेण देवी गयत्ति, तओ राया तमायन्निऊण ससंभमं तत्थेव
गओ, दिट्ठा य कोवेण मिसमिसंती उट्ठसासरोगाउरव्व दीहं नीससंती देवी, दिन्नासणे आसीणो नराहिवो
भणिउमाढत्तो य-देवि! किमेरिसी अवत्था? किमत्थ कारणं?, साहेसु परमत्थं, न ताव सुमरेमि थोवंपि निय-
दुच्चरियं, न यावि ममाणुवित्तिपरायणो परियणोऽवि मणागंपि अवरज्झइ तुज्झ, नेव य विविहरयणाभरणसंभारेहिं
खूणमत्थि, ता किं निरत्थओ एस कोवाडंवरोत्ति?, देवीए भणियं—महाराय! सचं चिय नत्थि केणावि पगारेण

विश्वभूति-
क्रीडा
देवीकोषः.

॥ ३१ ॥

रूपं, केवलं किमेण निरत्थेण सयलज्जणसामण्णेण ? रायणा भणियं—किं पुण अनिरत्थयं सयलज्जणासामण्णं न ? देवीए भणियं—महाराय ! पुष्पकरंडगुज्जाणे परिभोगो, राइणा जंपियं—किं तेण तुज्झ ? देवीए वुत्तं-तेण मे पओयणं विसाहनंदिकुमारस्स रमणत्थंति, राइणा भणियं—देवि ! मा कुप्पसु, मुंचसु असदज्झवसायं परिहरसु इत्पीजणसुलभं चावलं समिक्खेसु नियकुलफमं, किं तुमए दिट्ठो कोऽवि अम्हाणं कुले सुओ वा एगंमि पुष्पकरंड-गुज्जाणट्ठिए पुषिंपि पविसमाणो ? ता कहं पुवपुरिसागयं ववत्थं चूरेमि, सवहा अण्णं किंपि पत्थेसु, देवीए भणियं—महाराय ! गच्छ निययमंदिरं, उज्जाणलाभाभावे केत्तियमेत्ता अण्णपयत्थपत्थणा ? ।

रज्जेणं रट्ठेणं धणेण सयणेण वंधवजणेणं । ससरीरपालणेणवि न कज्जं किंपि मह एत्तो ॥ २९ ॥

जीवंतीविट्ठु नरनाह ! नाहमेयं तुहप्पसाएणं । जइ पुत्तं कीलंतं पेच्छामि तदाऽफलं जीयं ॥ ३० ॥

नरनाह ! तुह समक्खंपि नेस पुज्झइ मणोरहो जइ मे । पच्छा दूरे सेसं भोयणभेत्तेऽवि संदेहो ॥ ३१ ॥

पच्चपडिओऽसि मत्ते जमेगपुत्तंपि परिभवदुहत्तं । दट्ठूण सुहं चिट्ठसि अहह महानिरणुतावोऽसि ॥ ३२ ॥

इय सल्लिलेहि न चंडुविहवयणेहिं णरिंदमाणसं तीए । तडमिव महानईए दुहाकयं नेहनिविडंपि ॥ ३३ ॥

रत्ता भणियं सुंदरि ! मा संतप्पसु करेसु करणिज्जं । अच्छउ सेसं दूरे जीयंपिह तुज्झ आयत्तं ॥ ३४ ॥

एवं वहुं संउविज्जण गओ नरिंदो अत्थाणमंडवंमि, आहूया मंतिणो, साहिओ तेसिं रहंमि समग्गो देवीको-

श्रीगुणचंद्र
महावीरच०
३ प्रस्तावः
॥ ३२ ॥

ववइयरो सकुलकमववत्था य, मंतीहिं भणियं—देव! वीसत्था होह, अम्हे गंतूण देविं परूवेमो, अणुत्ताया य
राइणा गया देवीए सगासं, भणिया य अणेगप्पगारेहिं, न य कंहंपि संबुज्झइ, तओ विलक्खवयणा समागया
राइणो सगासे, भणित्तं पवत्ता य—देव! निच्छयं देवी गाढजणियकोवा मरणंपि अब्भुवगमेज्जा, ता सबहा जहा तहा
अणुणयणजोग्गा, रत्ता भणियं—भो किमेवं वाहरह?, किं तुब्भे न जाणह अम्ह कुलकमं?—जमेगंमि रममाणे
उज्जाणे अन्नो न पविसइ, वसंतमासपविट्ठो य मासग्गसो चिट्ठइत्ति, मंतीहिं भणियं—देव! जाणेमो, केवलं दुत्ति-
ग्गहो इत्थीमहाग्गहो, राइणा सविसायं भणियं—

एगंतो मज्जाया पल्हत्थिज्जइ कुलकमपरूढा । अन्नत्तो मरइ पिया आवडियं संकडमियाणिं ॥ ३५ ॥
संपज्जइ धुवमेणिं अपत्तकालेऽविय विहिवसेणं । दढनेहवंधवंधुरवंधवजणचित्तविच्छेओ ॥ ३६ ॥
महिलायत्तो राया जुत्ताजुत्तं न पेच्छए किंपि । इय अवजसो दिसासुं अखलियपसरो चिरं भमिही ॥ ३७ ॥
ता मंतिणो उवायं तमियाणिं कुणह कंपि परिसुद्धं । जह सा जीवइ देवी सकुलववत्था य निव्वहइ ॥ ३८ ॥
एवमायत्तिरुण जं देवो आणवेइत्ति भणिरुण ठिया एगंते मंतिणो, सुनिउणवुद्धीए य सम्मं निच्छिरुण
कज्जतत्तं साहियं नरिंदस्स, जहा-देव! एयं पत्तकालं किल पचंतराया देसमुस्सिखलो विह्वेइ य, एतदत्थसंवद्धा
लेहारिया कीरंति, ते य तुम्हाण लेहे सम्पपेति, तत्थावधारणाणंतरं पयाणयं च दवाविज्जइ, तहा कए खुब्भइ सामं-

अनुनयः-
प्रपञ्चथ.

॥ ३२ ॥

तवगो, कुमारोऽवि विन्नायवइयरो फुप्फकरंडगुजाणं मोत्तूण एइत्ति, एयं च उभयमविं सुपडिविहियं भवइ, एव-
 मायन्निऊण अब्भुवगयं राइणा, उट्टिया मंतिणो, साहिओ देवीए एगंतट्टियाए एस वइयरो, सहरिसाए कयं तीए
 भोयणं, पमुको कोवाडंवरो, वीयदिवसे य लिहियकवडलेहहत्था उदूलियजंघा गाढपरिस्समकिलंता उवट्टाविया
 मंतीहिं अपुवपुरिसा, नीया य रायसमीवे, खित्ता तेहिं लेहा, वाइया सयमेव राइणा, विन्नाओ तदत्थो, कवडको-
 वप्फडाडोवपुव्वं च भणिया नियपुरिसा—रे रे पुरिसा ! ताडेह सन्नाहभेरिं, नयरदूरे पइट्टह गुडरं आयट्टह दिव्वा-
 उहाइं समप्पह जयहत्थिं जेण करेमि पत्थाणंति वुत्ते तहत्ति निवत्तियं पुरिसेहिं, इओ य भेरीसइसवणओ संखुद्धं
 सामंतमंडलं पगुणीकया मयगलंतगंडत्थला कुंजरघडा, संवूढा सुहडसत्था, चउदिसिंपि पयट्टाइं तुरयघट्टाइं, मिलिया
 सेणाहिवइणो, किं बहुणा ?—हलहलियं सयलं भूमंडलं, ठिओ पत्थाणंमि णरिंदो, एत्थंतरे अविन्नायपरमत्थो पत्था-
 णट्टियमुवलच्च नराहिवं निग्गओ पुप्फकरंडगुजाणाओ विस्सभूई कुमारो समागओ रायसमीवे निवडिओ चलणेसु
 पुट्टो वइयरं, साहिउमारद्धो य नरिंदेण, जहा—वच्छ ! अत्थि पच्चंतसीमालो पुरिससीहो नाम मंडलाहिवो, सो य
 पुव्वं पणयभावं आणावत्तित्तणं पडिवज्जिऊण य संपइ दरिसियतिव्ववियारो निहयसीमागामजणो अम्ह मंडलमइक्क-
 मइ, ता पुत्त ! महंतो एस मे परिभवो । अविय—

सपियपियामहपमुहज्जियं महिं पेच्छिऊण हीरंतिं । कह सकलंकं जीयं निरत्थयं संपइ वहामो ? ॥ ३९ ॥

श्रीगुणचंद्र
महावीरच०
३ प्रस्तावः
॥ ३३ ॥

अज्जवि केऽवि सपुरिसा पयंडभुयदंडदलियपडिवक्खा । गिणहंति परस्स महिं अम्हे न नियंपि रक्खामो ॥ ४० ॥
भग्गुच्छाहं रिउवग्गनंदणं मुक्कचित्तवट्ठंभं । निवडियसहं च सीमंतिणीओ जणयंति किं पुत्तं ? ॥ ४१ ॥
ता पुत्त ! पत्तकालं अवजसंपकप्पसमणगजलकप्पं । जरविडुरंगरसायणमहुणा सरणं रणे मज्झ ॥ ४२ ॥
एवं च रण्णा सिट्ठे कोवदट्ठोट्ठपुडो उट्ठिऊण निवडिओ चरणेषु कुमारो, विन्नविउमाढत्तो य-ताय ! मुंचह
कोवसरंभं, केत्तियमेत्तो सो दुरायारो ?, नहि लीलादलियमत्तमायंगकुंभत्थलो केसरी समोत्थरइ गोमाउयं, निय-
कुलसिलोच्चयसमुच्चसिहरदलणदुल्ललियं निवडइ एरंडकंडे सहस्सनयणकुलिसं, नेव य पडिपुण्णमंडलहरिणंकदि-
णयरकवलणलालसो गिलइ तारयजालं गहकल्लोलो, ता पसीयह विरमह तुम्हे देह ममाएसं अवणेमि तुम्ह
पसाएण तस्स धट्ठसोंडीरिमस्स भुयदंडकंडुं, न य अम्हारिसेसु विज्जमाणेसु जुत्तमेयं तायस्स, तुम्ह पयावोच्चिय
साहेइ कजाइं । तथाहि—

पुव्वमहासेलुच्छंगसंगिणो उग्गमे व सूरस्स । दूरदिसिपसरियंपि इ तिमिरं किरणच्चिय हणंति ॥ ४३ ॥
गंभीरगहिरघोसा विवरंमुहवाहिउग्गवइनिवहा । आगयगयाइं रयणायरस्स वेलच्चिय करेइ ॥ ४४ ॥
उब्भडदंडुडामरविलसिरवरपत्तकोसगब्भाइं । हिमगिरिणो कमलाइं हणंति पवणुदुयतुसारा ॥ ४५ ॥

प्रयाणं
कुमार-
विज्ञप्तिश्च०

॥ ३३ ॥

इय भणिण गाढोवरोहेण दिण्णो आपसो राइणा कुमारस्स, पणामपुव्वयं पडिच्छिऊण द्वावियं तेण पयाणयं,
चलियं चाउरंगं सेन्नं, कइं चिय ?—

गंडत्थलपगलंतुग्गदाणधारंधयारियदियंता । चलकन्नतालवाडियमयगंधायद्वियदुरेहा ॥ ४६ ॥

अइघोरघोसगलगज्जिविहियखीरोयमहणसंकासा । उज्जलताराभरणा गयणाभोगव भासंता ॥ ४७ ॥

कयलीवणकयसोहा गेरुयरसलित्तवियडकुंभयडा । जंगमया कुलसेलघ पत्थिया हत्थिणो सिग्घं ॥ ४८ ॥

चलिया य पवणवेगा खरखुरसिहखणियखोणिणो तुरया । फेणुगिरणमिसेणं जसं व कुमारस्स वियरंता ॥ ४९ ॥

करकलियकुंतकोदंडसेल्लभल्लयसुत्तिकखकरवाला । सन्नद्धवद्धकवया पयंडभुयदंडवलकलिया ॥ ५० ॥

नियसोंडीरिमवसओ रिउसेन्नं जरत्तणं व विगणिंता । सपहुप्पसायपरवसहियया जीएऽवि निरवेक्खा ॥ ५१ ॥

पइखणयिसुक्कहकारपुकारुकरिसतुट्टसन्नाहा । गेहनियत्तियदइया चलिया दप्पुव्वभडा सुहडा ॥ ५२ ॥

वहुविहयहरणभरिया रहनिवहा घणघणारवरउहा । सवपहेसु पयट्टा पवणुद्धुयधयवडाडोवा ॥ ५३ ॥

इय चातुरंगसेन्नं नरवइवयणेण चड्डियाणंदं । मुणिदाणजायपुन्नं व कुमारपासं समल्लीणं ॥ ५४ ॥

तओ भंजंतो गिरिसिहराववद्धमहल्लभिल्लपल्लीओ निव्वभच्छंतो जणवयविहवणवद्धलक्खं चरडपक्खं अवलोयंतो
नगनगरगाभारामरमणीयं सहीमंडलं पडिच्छंतो मग्गे सामंतसमप्पियं विविहालंकारकरितुरयपमुहं पाहुडं पत्तो

विज्झगिरिसमीवं, एगत्य निवेशिओ खंधावारो, तओ य पहाणवियक्खणपरियणाणुगओ चलिओ कोउहल्लेण विज्झ-
गिरिमवलोइउं । अंतरे य—

उत्तंगमत्तकुंजरकुलाइं पेच्छइ जहिच्छचाराइं । रेवातडरूढमहल्लसल्लईकवलणपराइं ॥ ५५ ॥

निसुणइ पेम्मभरालसजुवईपरिकिन्नकिन्नरावद्धं । करकलियतालकलरवसंचलियं पंचसुग्गारं ॥ ५६ ॥

निज्झरझंकाररवायणणघणघोससंकियमणाणं । तंडवमस्सिक्खियपंडियाण पेक्खइ सिंहंडीणं ॥ ५७ ॥

तयणंतं च पुरओ पयट्ठो समाणो गायंतं व पवणगुंजियसरेणं हसंतं व विप्फुरियफारफुलिंगुग्गारेहिं पणच्चं-
तं व समीरपसरियमहल्लजालाकलावेहिं विलुलियकेसपासं व गयणंगणलंबमाणधूमपडलेण नियइ दारुणं दावानलं,
तं च अइलंधिऊण कमेण पहाणपुरिसं व तुंगायारं सुवंसपडिवद्धं च, नरेसरं व वररयणकोसं जणाणुगयपायच्छायं च,
काऊरिसं व दुट्टसत्ताहिट्टियं निट्टुरसरूवं च, महियाहिययं व दुल्लंधणिज्जं पओहरोवसोहियं च, आरूढो विंझगिरिं ।
तओ चिरं काणणेषु निज्झरेसु विवरेसु दुरारोहसिहरेसु कयलीलीलाहरेसु देवोवभोगुब्भडगंधेषु सिलावट्टएसु विवि-
हमणोहरप्पएसेषु विहरिऊण परिस्संतो उवविट्ठो एगंमि माहवीलयाहरे । एत्थंतरे पढियमेगेण चारणेण—

विंझो साराणुगओ निच्चं चिय नम्मयाएँ परियरिओ । सारंगजणियसोहो गयकुलकलहो दयावासो ॥ १ ॥
उच्छूढखमाभारो विवुहपिओ मयणसुंदरसरीरो । एवंविहो तुमं पिव कुमार! किं अब्भहियमेत्थ? ॥ २ ॥ एयमां-

यन्निऊण परितुट्टो कुमारो, भणियं च-अहो साहु सिलेससारं पडियमेण, ता देह एयस्स दीणारलक्खंगं, जं देवो
आणवेइत्ति भणिऊण पडिवन्नं भंडागारिण, खणंतरेण गओ नियआवासं । कयं पयाणयं, कमेण य पत्तो पंचंत-
देसं, तहिं च पेच्छइ पमुइयपकीलियं गोमहिसिपसुकरहरासहपउरं धणंधणसमिद्धं सुद्धगामागरनगरं नियजण-
जाणवयं, विम्हियजणेण य आहूया विसयमहत्तरा सिट्ठिणो य, तंवलदाणाइवहुमाणपुरस्सरं पुच्छिया य लोयसु-
त्थासुत्थवत्तं, तेहिं भणियं-देव ! तुम्ह भुयपंजरंतरनिलीणाणं अम्हाणं को सयन्नो मणसावि असुत्थयं काउं समीहेज्जा ?,
न हि जीवियसावेक्खो पंचाणणगंधकेसरकुरलिं तोडेज्जा भुयगरायफणफलगमंणिं वा गिण्हेज्जत्ति, केवलं एत्ति-
यमेव असुत्थं—

जमेत्थ दावियसुद्धायारेहिं पणतरुणीगणेहिं, नयणचावपमुक्कडक्खियमग्गणेहिं । दिसिदिसिनिद्वयपह-
णिवि पइदिणु पंधियहुं, हीरइ हियउं हयासहि पहि पेक्खंतियहिं ॥ १ ॥ विसंयदोसदुहसंचयकहणपरायणहं,
धम्ममग्गु देसंतह पइदिणु मुणिजणहं । भोगुवभोगु जहिच्छइ गिहिं निवसंतएहिं, अम्हेहिं करणु न लब्भहिं
भवभयसंक्रियहिं ॥ २ ॥

इय निसुणिऊण कुमरेण दरवियसियकवलं हसिऊण सुचिरं पसंसिऊण य तच्चयणविन्नासं दवावियतंवाला वि-
सज्जिया सिट्ठिणो विसयप्पहाणा य, तयणंतरं दूयवयणेण भणाविओ पुरिससिंधो, जहा-कुमारो तुह दंसणुस्सुओ

वदृष्टि, एवमायन्निऊण य पुरिससिंचनरवइणा कुमारस्स आणयणनिमित्तं पेसिया नियपहाणपुरिसा, तदणुरोहेण समागओ कुमारो, पवेसिओ नगरंभि परमविभूर्इए पुरिससीहेण, काराविओ भोयणं, समप्पिया करितुरयसंदणा, उवणीयमण्णंपि पभूयं दविणजायं, विन्नत्तो य भालतलघडियकरसंपुडेण तेण-कुमार ! गाढमणुग्गहिओम्हि तुमए जं नियचरणकमलेहिं पवित्तीकथं मह भवणं, ता कइवयदिणाइं पडिवालेह एत्थेव, पुणोऽवि दुलहं तुम्हेहिं सह दंसणंति भणिए वुत्तो कुमारेण—भो नरिंद ! अपुवो तुह पेम्मपवंचसारो पियालावो अणणविणयववहारो अच्छेरयभूया पडिवत्ती मणसावि अचिंतणिज्जं सज्जणत्तणं, ता एरिस तुह गुणगणेण गाढमागरिसियं मम खणद्धेणवि चित्तं, जइ पुण कइवय वासराणि तुमए सद्धिं वसामि नूणं न पइ परवसस्स नियचित्तस्स हवामि, सच्चं च इमं पढिज्जइ—“अत एव हि नेच्छन्ति, साधवः सत्समागमम् । यद्वियोगासिलूनस्य, मनसो नास्ति भैषजम् ॥ १ ॥” ताऽणुजाणेसि मं गमणाएत्ति वुत्ते दुस्सहतव्विओगसोगदमियमणोऽसुधरं हयगयरहसमग्गसामग्गीए अणुगच्छिऊण कुमारं वलिओ पुरिससीहो, कुमारोऽवि अक्खंडपयाणगोहिं चलिओ रायगिहनगराभिमुहं । इओ य विस्सनंदिणा नरिंदेण सो नियपुत्तो विसाहनंदी भणिओ—

वच्छ ! जहिच्छं वणलच्छिपेच्छणं कुण मयच्छिमज्झगओ । परिसंकं सकस्सवि अवहंतो एत्थ उज्जाणे ॥ १ ॥
एवमायन्निऊण विसाहनंदी कुमारो वड्हियाणंदसंदोहो पमुक्कनीसेसवावारंतरो अंतेउरसमेओ विचित्तकीलाहिं

उज्जाने मंडिजो नीलइत्ति । सो य विस्सभुई अणवरयमागच्छंतो संपत्तो रायग्घिदे, नियनियठाणे पेसियसामंतसे-
 नाइवमुदपरिवरो गाडाणुरागेण ग चिरदंसणुकांठिओ पुपप्पवाहेण पुप्फकरंडगुजाणे पविसिउमाढत्तो, भणिओ य
 उवारइतद्विपण पठिहारेण—कुमार! न जुत्तं तुम्ह एत्थ पविसिउं, जेण विसाहनंदी अंतेउरसहिओ इह पविट्ठो
 कीलइ, विस्सभुइकुमारणे भणियं—भइ! कइया पविट्ठो?, तेण भणियं—तुम्ह गमणाणंतरमेव, एवमायत्रिऊण समु-
 प्पत्तिगहोवभरारुणनयणो णिडालतडघडियभिउडिभासुरियवयणो तयाडुच्छलियसेयविंदुजलजडिलियसरीरो कु-
 मारो एवं चिंतिउमारदो—

परंतकुद्धनरवइवइयरववएसओ धुवं पुधिं । उज्जाणाओ इमाओ नियबुद्धीए नोणिओ रत्ता ॥ १ ॥
 जेण सयं चिय दिट्ठो सो देसो सुत्थगामपुरगोट्ठो । परचफचोरअभिमरभयरहिओ धणकणसमिद्धो ॥ २ ॥
 ता नूणं नियपुत्तस्स कीलणट्ठं इमंमि उज्जाणे । अवजसपरिहरणत्थं कवडमिमं विरइयं सघं ॥ ३ ॥
 वाढं अजुत्तमेयं आयरियं निच्छियं नरिंदेण । न हि विस्सासपरघसहिययंमि जणे घडइ माया ॥ ४ ॥
 एवं खणं निग्गमिऊण तेण समुप्पन्नसमहिगकोवाइरेगेण तज्जिया विसाहनंदिपुरिसा—रे रे दुरायारा! मए अप-
 रेचत्तेऽपि उज्जाणे केण तुम्हे पवेसिया? को वा तुम्ह पुरिसायारो? कहां वा अविण्णायपरफमा एत्थ सच्छंदमभिरमह?
 ए निहयाणं कत्तो वा तुम्ह परित्ताणंति भणिऊण दुप्पिसहाभिमाणपरव्वसयाए नियवलदंसणत्थं पइओ निट्ठुरमु-

श्रीगुणचंद्र
महावीरच०
३ अस्तावः
॥ ३६ ॥

द्विपहारेण फलभरणयसाहो पकिट्टो कविट्टपायवो, तदभिघाएण य कुलसेलताडियं व थरहरियं मेइणीवट्टं तुट्टं-
निविडबंधणाइं निवडियाइं सयलफलाइं दंसियाणि य विसाहनंदिपुरिसाणं, सगव्वं भणिया थ-रे रे पुरिसाहमा !
जह एयाणि पाडियाणि तहा पाडेमि तुम्ह सुंडाणि, अवणेमि दुव्विणयसीलयं, विहाडेमि उज्जाणरमणकोऊहलं,
केवलं लज्जेमि तायस्स वीहेमि नियकुलकलंकस्स विचिकिच्छेमि लोयाववायस्सत्ति भणिऊण उवसंततिव्वकोहावेगो
संवेगमग्गमुवगओ एवं चिंतिउमाढत्तो-

विसयपरव्वसहियया हीलं किं किं जणा न पेच्छंति । कत्थ व न दुक्करंमिवि ववसाए संपयट्टंति ? ॥ १ ॥
को वा न आवयावत्तवट्टिया तिक्खदुक्खरिंछोली । दंभोलिनिविसेसा अत्तक्किया निवडइ सिरंमि ॥ २ ॥
तुच्छोवि विबुहजणनिंदिओऽवि को वा विमुक्कमज्जाओ । न करेज्जा दुव्विणयं विसयपसत्ताण सत्ताणं ॥ ३ ॥
विसयाणं पुण निव्विग्गकारणं निच्छयं मयच्छीओ । विहिणा पावेण विणिम्मियाउ नणु केण कज्जेणं ? ॥ ४ ॥
नूणं न दुग्गदुग्गइपडणदुहाइं कयावि सुमिणेऽवि । पेच्छेज्जा मणुयजणो जइ जुवइपरंसुहो होज्जा ॥ ५ ॥
पासव्व करिवराणं हरिणाण व वागुरा विसमबंधो । पंजरमिव विहगाणं पईवकलियव्व सलभाणं ॥ ६ ॥
मीणाणं जालंपिव जणाण सेच्छापयारसुहियाणं । अहह विसमं महंतं सहिलाजंतं कयं विहिणा ॥ ७ ॥

अविय-नवमालइपरिमलमंसलोवि नवसुरहिकुसुमवरगंधो । किं कुणइ तेसि जेसिं मणंमि नो वसइ हरिणच्छी ॥ ८ ॥

विश्वभूते-
वैराग्यम्.

॥ ३६ ॥

अइरेगुदीवियवम्महोऽवि निम्महियसयललोओऽवि । जुवईविरत्तचित्तं नो चालइ मलयपवणोऽवि ॥ ९ ॥

सरयनिसायरकिरणुज्जलावि नो कोमुई मणागंपि । दावेज्ज विचारं पंचवाणवलदलणधीराणं ॥ १० ॥

जोव्वणतिमिरच्छाइयविवेयनयणो पुरा गिहे वसिओ । अहह कहां दुट्टमई निरत्थयं एत्तियं कालं ? ॥ ११ ॥

अहवा किमइकंतत्थसोयणेणं निरत्थएणं मे । अज्जवि किंपि न नट्टं करेमि सद्धम्मकम्ममहं ॥ १२ ॥

एवं च गरुयसंवेगावन्नमाणसो सवहा पवहुमाणविसयविरागो निच्छियसंसारसारत्तो गओ संभूइसूरिस्स पासे, जो य केरिसो ?—

अइपसत्थगुणरयणसायरो, तेयरासिना वइ दिवायरो । सोमयाए संपुन्नचंदओ, जो विसुद्धसुहवेल्लिकंदओ ॥ १ ॥

मेरुसेलसिहरव निचलो, संघकज्जभरवहणपचलो । सुरनरिंदपणिवयसासणो, दुट्टकामतमपडलणासणो ॥ २ ॥

तवऽग्गिदड्डपावओ विसुद्धभावभावओ, सया तिगुत्तिगुत्तओ पसत्थलेसजुत्तओ ।

पयंडदंडवज्जिओ जिणिंदमग्गरंजिओ, पणट्टमाणकोहओ विणीयमायमोहओ ॥ ३ ॥

जणाण वोहकारओ कुतित्थिदप्पदारओ, अपुव्वकप्परुक्खओ पणट्टसत्तुपक्खओ ।

मुणिंदविंदवंदिओ असेसलोयनंदिओ, अणेगच्छिन्नसंसओ पणट्टसवदोसओ ॥ ४ ॥

तस्स एवंविहस्स गुरुणो पलोयणेण समत्थित्थदंसणपुयपावं पिवऽप्पाणं मण्णमाणो सव्वायरेण पणमिज्जण

श्रीगुणचंद्र
महावीरच०
३ प्रस्तावः

॥ ३७ ॥

चरणकमलं उचविष्टो सन्निहियभूमिभागे, गुरुणाऽवि पारद्वा महुमहणापूरियपंचयण्णरवाणुकारिणा सरेण धम्मदे-
सणा । जहा—

संसाररुंदरंगे सइल्लुसेहिं व चित्तरुवेहिं । सो नत्थि किर पएसो जीवेहिं न नच्चियं जत्थ ॥ १ ॥
चउगइजलपडलाउलभवण्णवेऽणेगसो करेतेहिं । दुहिएहिं मज्जणुम्मज्जणाइं कुम्मेहि व कर्हिंपि ॥ २ ॥
आरियखेत्तुप्पत्ती नो पाविज्जइ पभूयकालेऽवि । तीएवि हु पत्ताए कर्हिंचि कम्मक्खओवसमा ॥ ३ ॥
धम्मत्थकामसाहणकारणमेगंतियं न मणुयत्तं । पावंति पावविहया भममाणा विविहजोणीसु ॥ ४ ॥
लद्धेऽवि तत्थ जरकाससासकंडूपमोक्खदुक्खेहिं । निहयाण धम्मकम्मज्जमोऽवि दूरेण वच्चेज्जा ॥ ५ ॥
नीरोगत्ते पत्तेऽवि रुद्धारिइविहुयसरीरा । उदरभरणत्थवाउलचित्ता वोळित्ति नियजीवं ॥ ६ ॥
इस्सरिएऽविहु बहुदविणवद्धणारद्धविविहवाचारा । लोभेण भोयणंपिहु काउं न तरंति वेलाए ॥ ७ ॥
संतोसेणवि मिच्छत्तपंकपसरेण मइलमइविभवा । सव्वण्णुमयं सम्मं सुयंति नेवावबुज्झंति ॥ ८ ॥
सव्वण्णुधम्मवोहे जाएऽवि हु कम्मपरिणइवसेणं । नीसेसगुणावासो गुरुवि न कर्हिंपि संपडइ ॥ ९ ॥
लद्धेऽवि गुरुंमि समत्थवत्थुचित्थारपयडणपईवे । सिद्धिपुरपरमपयवी न पयट्टइ तहवि विरइमई ॥ १० ॥
तीएवि तिक्खवहुदुक्खलक्खनिरवेक्खकारणं पावो । पसरंतो न पमाओ खलिउं तीरेइ वणकरिच्च ॥ ११ ॥

संभूतिखरे-
रूपदेशः

॥ ३७ ॥

इय उत्तरोत्तरमहत्त्वबंधहेउप्यसाहणिज्जंभि । मोक्खसुहे धण्णाणं केसिं पि मणो समुलसइ ॥ १२ ॥
 जत्तेसिं एवंविहसमग्गसामग्गिसंभवेऽवि मई । उप्पज्जइ संसारियसुहेसु विरसावसाणेसु ॥ १३ ॥
 को वाऽविदु सलहेज्जा को वा नामंयि तेसिं गिण्हेज्जा । जे भोगामिसगिद्धा रमंति इह सारमेयव ॥ १४ ॥
 अणिय-ज्जोव्वणपडलच्छाइयविवेयनयणा मुणंति तरुणीण । केसेसुं कुडिलत्तं न उणो तासिं चिय मणंमि ॥ १५ ॥
 वडुहारावुहामं उब्भडनासं सुदीहरच्छं च । पवियंभियसत्तिलयं नियंति वयणं न उण नरयं ॥ १६ ॥
 परिणाहसालिवित्तं सि थि(थ)णेसुं न धम्मबुद्धिसु नियंति । पेहंति तणुयसुयरं साणंदा न उण नियआउं ॥ १७ ॥
 सुरमणुयगईपरिहंपि सुंदरं भुयज्जुयं पसंसंति । जंधोरुज्जुयं अइअसुइयंपि उवमिंति रंभाए ॥ १८ ॥
 इय भो देवाणुप्पिय ! विप्पियहेउंपि जुवइजणदेहं । मणमोहणवम्महचुण्णपुण्णचित्ता अभिलसंति ॥ १९ ॥
 तेचिय पमाणमवलंविऊण भोगेसु को पयहेज्जा ? । कुपहपवण्णो किं होज्ज कोइ कुसलाणुसरणिज्जो ? ॥ २० ॥
 नवजोव्वणोऽवि निप्पडिसरुवकलिओऽवि लच्छिनिलओऽवि । पवरविलासीवि तुमं भइ ! धुवं धम्मजोग्गोऽसि २१
 तेणेवंविहपवरोवएसरयणाई तुज्झ दिज्जंति । न कयावि पुण्णरहिया चिंतामणिलाभमरिहंति ॥ २२ ॥
 इय भणियंमि गुरूहिं समहिगसंजायधम्मपरिणामो । भत्तिभरनिव्वभरंगो कुमरो भणिउं समाढत्तो ॥ २३ ॥
 भयवं ! सव्वमसेसं कहियं तुहेहि सिवसुहकएणं । ता सम्मं पव्वज्जं निरवज्जं देहमह इण्हि ॥ २४ ॥

एवं च भणिए सो गुरुणा समुज्झियरयणाभरणो अंगीकयगुरुचरणसरणो सिद्धंतभणियविहाणेण गाहिओ
जिणिंददिक्खं सिक्खविओ पइदिणं कायव्वकलावं जाणाविओ सिवसुहनिवंधणं संजमधणं पाढिओ सामाइयप-
मुहं सुत्तंति । इओ य कुमारपव्वज्जासवणवज्जासणिताडणुप्पणपरमसोगो अंतेउरसमेओ समं जुवराएण समागओ
विस्सनंदी, सविणयं सूरिं वंदिऊण पणमिओ अणेण विस्सभूई साहू, भणिओ य सोपालंभं सप्पणयं च एसो-पुत्त !
किं जुत्तमेयं पवरकुलुप्पन्नाणं तुम्हारिसाणं ? अनिवेइऊण नियवुत्तं जमेवंविहं दुक्करं साहुकिरियं पडिवण्णोऽसि, ता
वच्छ ! साहेसु को तुज्झ चित्तनिव्वेयहेऊ ? किं वा अम्ह दूसणं पडिवण्णो ? केण वा तुम्ह वयणं पडिकूलियं ? कि-
मेवं एकपएच्चिय अदक्खिणत्तणमव्वुवगओऽसि ? हवउ वा सेसजंपणेण, तुमं विणा कस्सेयाणिं अम्हे सकज्जं सा-
हिमो ? विसमावयानिवडियाणं को वा आलंवणं ?, ता सव्वहा अज्जवि परिचयसु पव्वज्जं पडिवज्जसु रज्जं कीलेसु
जहिच्छं पुप्फकरंडगुज्जाणे मा पूरेसु सत्तुमणोरहे मा अणाहीकरेसु वालकमलिणीवणं व सस्सिरीयं बहुजणं मा उवे-
क्खेसु पुव्वपुरिसरक्खियं नियजणवयं मा पडिवज्जसु गाढगंठिनिट्टुरहिययत्तणंति ।

तो विस्सभूइसुणिणा पसमपहाणं पयंपियं एयं । भो मुंचह संतावं कुणह जहावंछियं कज्जं ॥ १ ॥
नो किंचिवि वयणिज्जं इहऽत्थि सव्वेऽवि निययकज्जेसु । उज्जमह सेसचागेण जेण लोगेऽवि पयडमिमं ॥ २ ॥
सयणाइसिणेहविमोहिएहिं कीरंति जाइं पावाइं । दुग्गइगयाण ताइं कडुयविवागं फलं देंति ॥ ३ ॥

न य बहुमुवयरिओऽविह विहुरे थेवंपि कुणइ साहारं । सयणजणो मोत्तुणं एकं जिणदेसियं धम्मं ॥ ४ ॥

इय भणिए नियदुच्चरियपेहणुप्पणगाढसंतावो । काऊण पायपडणं जहाऽऽगयं पडिगंओ राया ॥ ५ ॥

विस्सभूर्इ सम्ममहिगयसाहुधम्मो गुरुचरणसुस्सूसापरो दूरुज्झियसुहिसयणसंथवो जीवियमरणनिरवेक्खो
पंचिंदियदित्तसत्तुविजयपरो वहुं कालं गुरुकुलं पज्जुवासेइ । अण्णया य सम्मं समहिगयसुत्तत्थो विसेसेण विहियम-
णपरिकम्मो जोगोत्ति कलिऊण गुरुणाऽणुण्णाओ समाणो एगल्लविहारित्तणं पडिवज्जिऊण छट्ठमाइ निट्ठुरं तवो-
कम्मं कुणमाणो सम्मं परीसहचमूं अहियासेज्जमाणो वीयरगोव्व गामनगरागराइसु अममाएंतो पइक्खणं वीरास-
णुकुडयासणाइं कुणमाणो पइदिणं सूराभिमुहं आयाविंतो नियजीवियब्भहियं पाणिगणं रक्खितो वायालीसदो-
सविसुद्धविरसाहारगहणेण संजमसरीरमणुपालेंतो गामाणुगामं विहरेंतो समागओ सुरिंदपुरिविब्भमाए महुराए नय-
रीए, ठिओ थिपसुपंडगविवज्जिए उक्किट्टवनिरयमुणिजणसंगए एगंतदेसे, तहिं च निवसंतो एगया परमसंवेग-
गयमाणसो नियजीवियनियमणत्थं चिंतिउमारद्धो । जहा—

एसोऽभिकंखइ सुहाइं जिओ दुहाइं, दूरेण मोत्तुमभिवंछइ तुच्छवुद्धी ।

एवं न जाणइ जहा न कहिंपि धम्मसंबंधसिद्धिविरहेण भवंति ताइं ॥ १ ॥

भोगे समीहइ करेइ रइं कहासुं, देसित्थिपत्थिवसुभोयणसंगयासु ।

श्रीगुणचंद्र
महावीरच०
३ प्रस्तावः

॥ ३९ ॥

सीउणहदंसमसगाइ परीसहे य, सम्मं तितिकूखइ न मूढमई पमाया ॥ २ ॥

सत्तू वरं निसियधारकरालकालकंतिच्छडालकरवालकरो सुकुद्धो ।

घायत्थमुज्जुयमई वरमुग्गभोगभोगीसरो डसिउमुद्धमरो रुणच्छो ॥ ३ ॥

उद्धंढमारुयपईवियदीहजालामालाउलो य जलणो वरसंगलग्गो ।

नीसेसदोसनिलओ न खणंपि नूणं, जुत्तो न गंतुमहमो हि इसो पमाओ ॥ ४ ॥

एए हि सत्तुपमुहा मणुयाण दिंति, तिक्वावि एगभवगोयरमेव मच्चुं ।

एसो पईभवसुदुस्सहतिकखदुक्खलक्खक्खणी तदहिगं परिवज्जणिज्जो ॥ ५ ॥

वज्जणमेयस्स पुणो आहारचागओ घडइ सम्मं । ता सव्वहेव जुत्तं मम काउं उग्गतवचरणं ॥ ६ ॥

इइ संपहारिऊण य समारद्धं तेण सासखमणं, कओ विसेसेसुज्जमो समाढत्तो पइदिणं ज्ञाणप्पवंधो निरुद्धो मणप्पसरो, एवं च कमेण पडिपुण्णे मासक्खमणे पडिलेहियभंडोवगरणो अतुरियं अचवलं जुगमेत्तनिहित्तचक्खुपसरो सुत्तत्थपोरिसिपज्जंतकाले चलिओ भिक्खानिमित्तं उच्चावयगिहेसु गोयरचरियाए, परिभममाणो उग्गमउप्पायणादोसे सम्मं निरूवेमाणो लाभालाभेसुवि अरत्तदुट्ठो पगिट्ठतवाणुट्ठाणकरिसियसरीरत्तणेण य तणंपिव पवणेणावि पकंपमाणो परिसोसियमंससोणियत्तणेण य पयडसिराजालावणद्धऽट्ठिपंजरो धवलपाडिवयमयलंछणो इव कलावसेसो तं रायम-

विश्वभूति-
वैराग्य
तपः कर्म.

॥ ३९ ॥

मामोगाढो जत्थ सो विसाहनंदीकुमारो पिउच्छाए रण्णो अग्गमहिंसीए धूयापरिणयणत्थं पुब्बमावासिओ चिट्ठइत्ति ।
 अहं तं सुणिं ददूण जायपच्चभिण्णाणोहिं पुंरिसेहिं भणिओ विसाहनंदी कुमारो, जहा-सामी ! मुणह तुम्हे एवं पवइ-
 यगं ? सो भणइ-सम्मं न जाणामि, तेहिं भणियं-कुमार ! एसो सो विस्सभूई कुमारो जो पुविं पवइओ, तं लक्खिऊण
 जाओ तस्स पुब्बामरिसेण कोवोत्ति, एत्थंतरे सो तवस्सी तंमि पएसे वचमाणो इरियासमिईवक्खित्तचित्तत्तणेण अत-
 कियमेव पणोत्तिओ अहिणवपसूयाए गावीए, पडिओ य निसट्ठो धरणीए, ताहे तेसिं विसाहनंदिपमुहपुरिसेहिं ददूण
 तं तहानिवडियं संजायगाढहरिसेहिं कओ सिंहनाओ अण्णोडिया तिवई दिन्नाओ तालाओ पारट्ठो कलयलो, भ-
 णियं च महया सहेण-भो भो कत्थ गयं तमियाणिं कविट्ठफलपाडणवलं जेण गोमेत्तेण विनिवाडिओऽसि ? इमं च
 निसामिऊण वलियकंधरो विस्सभूई जाव विण्फारियलोयणो अमरिसेण पलोएइ ताव दिट्ठा विसाहनंदिसुपहा पच्च-
 भिण्णाया य, तयणंतरं च पलीणो से उवसमपरिणामो ववगओ विवेओ समुच्छलिओ महाकोवो समुल्लसियं वीरियं,
 धाविकूण य सा गहिया सिंगेसु गावी पडाइयव भमाडिया सीसोवरिं पक्खित्ताय धरणीए, भणिया य ते, जहा-रे रे
 दुरायारा ! दुरुम्मुकपरकमा हीणा सब्बसो य विरहिया मं उवहसह, न मुणह जहा दुब्बलस्सऽवि पंचाणणस्स सिगा-
 लसहस्सेहिवि न लंघिज्जइ परकमो, सुलडुयस्सवि विहंगरायस्स न तीरइ सोढुं भुयंगमेहिं चडुलचंचुप्पहारो, तहा-
 जइविहु निदुरत्तवकम्मकिसियकाओ वियाणिओऽहमिह । तहवि न रे ! तुम्हाणं लक्खेणवि अत्थि मम गणणा ॥ १ ॥

रे पिसियपोसिया विउसदूसिया किं परेण भणिएण? । अच्छिपडियावि तुम्हे न कुणह मे किंपि परियावं ॥ २ ॥
निब्भच्छिऊण एवं साहिकखेवं सुतिकखवयणेहिं । गंतूण य नियठाणं साहू चिंतेउमाढत्तो ॥ ३ ॥
अज्जवि न मणागंपिवि पुद्वाणुसयं चयंति मइ एए । पवज्जोवगयंमिवि निकारणवइरिणो पावा ॥ ४ ॥
अहवा एयाणं वालिसाणं किं एत्थ दूसणं? जेण । पुद्वायरियाण सुहासुहाण एसो दसावागो ॥ ५ ॥
ता तह करेमि संपइ परभवपत्तो जहा य सुमिणेवि । एवंविहअवमाणट्टाणं नो कहिंपि पेच्छामि ॥ ६ ॥
इय कयसंकप्पो सो अविभावियसमयसत्थपरमत्थो । अविचिंतिउत्तरोत्तरसंसारावडणदुहनिवहो ॥ ७ ॥
भत्तं पच्चक्खाउं नियाणवंधं च काउमुज्जुत्तो । पचासण्णमुणीणवि समक्खमेवं पजंपेइ ॥ ८ ॥
जइ ताव ममं दुक्करतवस्स छट्टट्टमाइरूवस्स । सज्झायझाणसहियस्सिमस्स सब्वायरकयस्स ॥ ९ ॥
वायालीसेसणदोसरहियसुद्धुंछभोयणस्सऽविय । सुत्तत्थतत्तचिंतण[पर]गुरुजणविणयाणुचरणस्स ॥ १० ॥
पंचमहव्वयधरणस्स वावि फलमउलमत्थि नणु किंपि । अतुलियवलकलिओऽहं ता होज्जा अण्णजम्मंमि ॥ ११ ॥
एवं च नियमिऊणं ठिओ सुद्धसिलायले, निसामियनियाणवंधा य समागया इयरसमीववत्तिणो तवस्सिणो,
भणिओ य सबहुमाणं तेहिं—भो महाणुभाव! सयंचिय मुणियजुत्ताजुत्तस्स नत्थि जइवि तुह किंपि कहणिजं त-
हावि एयं निवेइज्जइ-जेण न लोहकीलियानिमित्तेण कोऽवि कुणइ देवउलपलीवणं, न वा कोडिप्पमाणरयणरा-

सिणा किणिज्जइ कागिणी नेव य गोसीसचंदणागरुपमुहसारदारुणि दहिऊण कीरंति इंगाला, न य एवंविहनिकलं-
कसुचिरचरियविविहतवेहिं किंपागफलं पिव पज्जंतदारुणो काउं जुज्जइ नियाणबंधो, अण्णं च—

किं पवणगुंजिएहिं कंपिज्जइ मंदरो रउदेहिं । दुज्जणवयणेहिं मणो किं वा पक्खुहइ साहूणं ? ॥ १ ॥

चिरकालुव्वुडं किं मज्जायमइकमंति जलनिहिणो । हरिणंकदिणयरा किं तिमिरप्पसरेहिं रुज्जंति ॥ २ ॥

निम्मलगुणरयणमहानिहाण ! तुम्हारिसावि सप्पुरिसा । ववसंति एरिसं जइ धम्मसिरी ता कमल्लियउ ? ॥ ३ ॥

कत्थ व वचउ विणओ ? वोढुं को वां खमो खममियाणिं ? । भग्गनिवासो गच्छउ कत्थ वराओ विवेओऽवि ? ॥ ४ ॥

एमाइविविहवयणेहिं भासिओ जा न देइ पडिवयणं । नियनियठाणेसु गया ताव मुणिंदा निराणंदा ॥ ५ ॥

विस्सभूइवि अविचलियणियाणबंधज्झवसाओ अणालोइयपडिकंतो कालमासे कालं किचा उक्कोसट्ठितीओ
महासुके देवलोगे देवो समुप्पण्णो, तत्तो उघट्टित्ता जहा वासुदेवो होही जहा य से पिया पयावइत्ति भविही तहा
एत्तो कहिज्जइ ।

इहेव जंबुदीवे दीवे भारहे वासे पोयणपुरंमि नयरे जहत्थाभिहाणो रिउपडिसत्तू नाम राया, तस्स य सयल
अंतेउरपहाणा भद्दा नाम अग्गमहिसी, तीसे चउमहासुमिणपिसुणियावयारो अयलो नाम पुत्तो, अचंतमहावलो
विस्सुओ य, एगया य तीसे देवीए पाउब्भूओ गब्भो, जाया य कालेण सव्वलक्खणपडिपुण्णसरीरा कण्णगा,

श्रीगुणचंद्र
महावीरच०
३ प्रस्तावः

॥ ४१ ॥

कयं च उचियसमए मिगावइत्ति से नामं, कमेण य निरुवमारूढजोवणगुणा एवं सोहिउं पवत्ता—
कसिणसुसिणिद्धकुंचिरचिहुरचओ तीए उत्तमंगंमि । वयणेंदुविब्भमागयविडप्पसोहं समुव्वहइ ॥ १ ॥
भालतलेऽवि लुलंती अतिकुडिला चिहुरवलरी तीसे । रेहइ वम्महरणो विजयपसत्थिव्व आलिहिया ॥ २ ॥
सरलेहिं लोयणेहिं तीए कवोलेहिं चंदकंतेहिं । अहरेण पउमरागेण रयणट्टाणं व सहइ सुहं ॥ ३ ॥
संखो इव रेहावलयलंछियं कंठकंदलं विमलं । संठियविचित्तमणिलट्टुगंठियं सोहए तीए ॥ ४ ॥
कंदप्पनरिंदनिवासविब्भमे तीए थोरथणवट्टे । हारो पडिहारतुलं आलंवइ लंवमाणो सो ॥ ५ ॥
रंभाभिरामपीवरमूरुजुयं कणयकमलकंतिलं । थंभजुयलं व लज्जइ विसयमहासोकखभवनस्स ॥ ६ ॥
वहलालत्तयरसपिंजरं व मणिकुट्टिमंमि संकंतं । कमलोवहारसोहं चलणजुयं दावए तीसे ॥ ७ ॥
एवंविहा य वरजोगत्तिकाऊण सा सव्वालंकारविभूसियसरीरा भद्दाए पेसिया पिउणो पायवंदणत्थं, गया
चेडीचक्कवालपरिवुडा निवडिया नरिंदचलणेसु पेच्छिया संभमभरियच्छिणा सव्वायरं रण्णा पणयालावपुरस्सरं च
आरोविऊण तमुच्छंगे रूवेण जोव्वणगुणेण य वाढमक्खित्तचित्तो विचिंतिउमाढत्तो—अहो सुरसुंदरीरूवाइसयपराभव-
करं रूवं अहो सव्वावयवसुंदरं लायणं अहो सरयचंदचंदिमानिम्मलं कंतिपडलं, अहो वेणुवीणाविजइणी वाणी,
सव्वहा भुयणच्छेरयभूयमिमीए किंपि विलसियं, नूणं पुवं एरिसं न निम्मियं खत्तियकुले कन्नगारयणं परमेसरेण

प्रजापति-
स्वरूपम्.

॥ ४१ ॥

निहिता, तेणं चिय मयरद्वएण परिग्गहिया रई तिसूलपाणिणाऽवि परिणीया. पव्वयसुया मडुमहेणवि मंदरुम्महिय-
नीरजलदित्तमुद्धिया जलमाणुसी पणइणी कया पुरंदरेणाविं पुलोममुणिकन्नगा उव्वूढत्ति, अहो अहं नमो मज्झं
जस्स अंतोउरे रयणायेव्व एरिसं कण्णगारयणं समुप्पणंति ।

अह कोमलुच्चुचावोऽवि वम्महो पंचकुसुम विसिहोऽवि । वज्झधणुलोहनिट्टुरसहस्सवाणो व विप्फुरिओ ॥ १ ॥
जत्तो जत्तो सा धवलपम्हले लोयणे परिक्खिवइ । तत्तो तत्तो सोऽविडु निसियं सरधोरणिं सुयइ ॥ २ ॥

अत्थाणजणोऽविडु वम्महेण संताविओ डु पासेण । रिउपडिसत्तू राया तदेगचित्तो विसेसेण ॥ ३ ॥

एवं च मयणसरप्पहारविडुरियमाणसो सो नरिंदो परिभाविउं पवत्तो—अहो एसा इयाणिं वरजोग्गा वट्टइ
ता किं कायव्वं ?, किमेरिसरूवाइसया कण्णगा परस्स दाऊण सग्गिहाओ निस्सारिज्जइ ?, सव्वहा न जुत्त-
मेयं, जइविडु जणो अविसेसेण कण्णगाणं अण्णप्पयाणेण पउत्तो तहावि गड्डरिकापवाहो एसो नालं वणट्ठाणं सुवु-
दीपंति कयनिच्चओ अणवेक्खिउं गरुयमाचंदकालियं लोयाववायं अविमंसिऊण विरप्परूढं नायमग्गमनिग्गहि-
ऊण मयणवेयणं अप्पणा चेव तं परिणेउकामो कहकहवि आगारसंवरं काऊण धूयमंतोउरं विसजेइ, वोपदियहे
वाहराविऊण सेट्टिसत्थवाहपमुहं नयरमहाजणं सामंतसेणावइवग्गं च सुहासणत्थं सव्वहुमाणं भणइ—भो भो
पहाणलोया ! तुम्हे कुलववत्थाणं जुत्ताजुत्ताणं नयाणं संसयत्थाणं लोयधामववहाराणं परूवगा निच्चयकारगा य,

श्रीगुणचंद
महावीरचं
३ प्रस्तावः

॥ ४२ ॥

अम्हाणंपि सव्वत्थेसु पुरावि पुच्छणिज्जा, ता संपयं साहेह जमेत्थ विसए रयणमुप्पज्जइ तस्स को सामी ?, अविण्णा-
यपरमत्थेहिं तेहिं भणियं—देव ! किमेत्थ पुच्छणिज्जं ?, तुम्हेच्चिय सामिणोत्तिवुत्ते तिक्खुत्ते एयमेव वयणं भणावि-
ऊण नरवइणा उवट्ठाविया साऽवि य कन्नगा, भणिया य ते—अहो धूया एसा मम अंतेउरे रयणभूया पाउब्भूया
अओ तुम्हाणुण्णाओ अहमेयं सयं परिणेउं वंछामि, अणइक्कमणिज्जं खु तुम्ह वयणं अम्हाणंति, एवं भणिए लज्जाव-
सवलंतकंधरा अवरोप्परमुहमवलोयमाणा ओहयमणसंकप्पा अपरिभावियवयणविसट्टमाणचित्तपीडा गया नियनियटा-
णेषु पुरजणपसुक्खा, सा कण्णया अवरवासरे वारिज्जमाणेणऽवि भद्दाए देवीए पडिखलिज्जमाणेणऽवि कुलमहत्तरएहिं
उवहसिज्जमाणेणवि नम्मसच्चिवेहिं सोवालंभं वज्जिज्जमाणेणवि मंतीहिं दुहविवागमणुसासिज्जमाणेणवि धम्मगुरूहिं अ-
णुसरियविंझेण करेणुवइ(ण)व अणिवारियपसरेण गंधव्वविवाहेण परिणीया सा नरिंदेण, ठविया अग्गमहिंसीपए, तीसे
सद्धिं विसयसुहमणुभुंजइत्ति । सा य भद्दा देवी दट्टूण तारिसं जणनिंदणिज्जं उभयलोयविरुद्धं तियचउक्कचचरेसु जणह-
सणिज्जं रण्णो वइयरं संजायगाढचित्तसंतावा अयलेण पुत्तेण समं महया रिद्धिवित्थरेणं पहाणजणसमेया गया दक्खि-
णावहं, तत्थ य पसत्थभूमिभागे निवेशिया नयरी निम्मियाइं धवलहराइं ठवियाइं सुरागाराइं कारावियाइं पाया-
रगोउराइंति, सा य पुरी महंतीए ईसरीए कारियत्ति माहेसरित्ति गुणनिष्फण्णनामेण देसंतरेसु पसिद्धिं गया ।
तत्थ य अयलो कुमारो भद्दादेविं मोत्तूण पिउपासमागओ, एवं च काले वच्चंतंमि लोणेणं तस्स राइणो सधूया-

पुत्री-
कामिता.

॥ ४२ ॥

कामित्तणेण पयावइत्ति नामं कयं । अण्णया य सो विस्सभूई महासुकदेवलोयाओ चविऊण उववण्णो मिगावइए
 देवीए गम्भंमि पुत्तत्ताए, तओ सा रयणिंमि सुहपसुत्ता सत्त महासुमिणे पासित्ता णं पडिवुद्धा, पहिद्वहियया य गया
 रण्णो सगासे, निवेइओ सुविणवुत्तंतो, रत्ता भणियं-देवि ! निच्छियं भुवणविक्खायजसो सयलसामंतमउलिमंडल-
 मसिणियकमकमलो पयावपडिहयपडिवक्खो कुलकेऊ तुह पुत्तो भविस्सइ । जेण-

एवंविह सुमिणाइं देवि ! पुण्णेहिं कहवि दीसंति । हरिसभरनिम्भरंगी अभिनंदसु ता तुममिमाइं ॥ १ ॥
 इइ जंपिऊण रण्णा वाहरिया सुमिणपाढगा कुसला । ते य नरिंदाएसं तहत्ति पडिवज्जिउं सहसा ॥ २ ॥
 ण्हाया कयवलिकम्मा परिहियसुविसुद्धसुंदरदुगुल्ला । सिरनिहियक्खयकुसुमा निडालकयरोयणातिलया ॥ ३ ॥
 करकलियनिमित्तागमपोत्थयसत्था समत्थनयनिउणा । पज्जायागयविज्जा समागया झत्ति निवभवणं ॥ ४ ॥
 सीहासणेसु सन्वायरेण उववेसिया नरिंदेणं । फलफुलदाणपुव्वं सुमिणत्थं पुच्छिया ताहे ॥ ५ ॥
 तेहि य निमित्तसत्थाइं वित्थरेणं सबुद्धिविहवेणं । परिचिंतिऊण तह निच्छियं च काऊण अण्णोऽण्णं ॥ ६ ॥
 भणिओ पयावइनिवो जहेरिसाणं विसिद्धसुमिणाणं । अणुभावेणं नूणं पयडो नीसेसभुवणंमि ॥ ७ ॥
 तिव्खंडभरहसामी अप्पडिहयसासणो य तुह पुत्तो । होही अप्पडिमवलो इह पढमो वासुदेवोत्ति ॥ ८ ॥
 आयन्निऊण एवं पहिद्वचित्तेण ते नरिंदेण । दाऊण धणं विविहं विसज्जिया नियनियगिहेसु ॥ ९ ॥

श्रीगुणचंद्र
महावीरच०
३ प्रस्तावः

॥ ४३ ॥

सा य मिगावई देवी पुणोऽवि नरिदेण कहिए सुमिणपाठगसिद्धे सुमिणट्टे पहिट्टहियया सुहंसुहेणं गन्धमुवहइ,
अण्णया य पडिपुण्णंमि समए पसत्थंमि वासरे सुकुमारपाडलपाणिपल्लवं तमालदलसामलसरीरं सयलपुरिसण्णवरल-
क्खणविराइयं तिपिट्टकरंडगाडंवरभिरामं दारयं पसूया । विण्णायसुयज्जमो पहिट्टो पयावई, कराविओ सुरमं-
दिरसु महूसवो, तथा—

दिज्जंतऽनिवारियकणयदाणनंदिज्जमाणमग्गणयं । पम्मुकपुप्फपुंजोवयाररेहंतरायपहं ॥ १ ॥

मंगलकलयलमुहलुम्मिलंतमहिलाजणाभिरमणिज्जं । पारद्धसंतिकम्मं जायं नयरं च तं सहसा ॥ २ ॥

अवरवासरे य तस्स दारयस्स परमविभूईए तिपिट्टकरंडगदंसणनिच्छियाभिहाणवीएण पडिट्टियं तिविट्टुत्ति
नामं कुलथेरीजणेणं, अह सो तिविट्टू पंचधाईपरिक्खित्तो महारयणं व हत्थाओ हत्थं संचरंतो जणेगचेडचाडुकर-
परिगओ कुमारभावमणुप्पत्तो,

ताहे पिउणा जोगोत्ति जाणित्तं सोहणे तिहिमुहुत्ते । उवणीओ सो विहिणा लेहायरियस्स पढणत्थं ॥ १ ॥

सयलो कलाकलावो अकालखेवेण गुरुसयासाओ । नियवुद्धिपगरिसेणं सविसेसो तेण गहिओत्ति ॥ २ ॥

अह सुणियसव्वनायव्वचित्थरो गुरुपए पणमिऊण । तदणुण्णाओ कुमरो गओ सगेहंमि परितुट्टो ॥ ३ ॥

अयलेण भाउणा सह खणमविय विओगमसहमाणो सो । पवरुज्जाणाईसुं निस्संको कीलइ जहिच्छं ॥ ४ ॥

पृगावत्याः
वमाः त्रि-
पृष्टजन्म च,

॥ ४३ ॥

क्रोमलकायस्सवि तस्स भुयवळं पेक्खिऊण जायमयां । पमिलाणवयणकमलां सहस्समळावि कॅपति ॥ ५ ॥
 लीलाएविदु पयपंकयाइं सो जत्थं जत्थं मेळ्हेइ ॥ वज्जाहयव्व धरणी तहिं तहिं थरहरइ वाढं ॥ ६ ॥
 परिहासेणवि जे तेण पांडिया कंहवि मुट्टिघाएणं ॥ ते नूणं जइ परगेहिणींए पुत्तेहिं जीवन्ति ॥ ७ ॥
 सिवइ य जत्तो दिट्ठिं तत्तो वियं सांथरं विणयपणयां । अंहमहमिगाए धावन्ति किंकरा मुक्कवावारां ॥ ८ ॥
 जस्सांपसं वियरइ थेवंपि अणांयरेणंवि कुमारो । सो लद्धनिहाणो इव मन्नइ कयकिंचमप्पाणं ॥ ९ ॥
 सो भणइ जत्थं ठाणे तत्थं समप्पन्ति सेसवावारां ॥ तस्सेव परकमवण्णणेण लोयस्स पुणरुत्तं ॥ १० ॥
 इय पुत्रभवज्जियंसुकयकम्मवसवट्टमाणसोक्खस्स । अयलसमेयस्स सरन्ति वासरा अहं ति विट्ठुस्स ॥ ११ ॥
 इओ यन्नायगिहे नये भारहद्धवसुंधराहिवमणिमउडकोडिलीढपायवीढो पयलकालमायंडमंडलुडामरपयावकंतदि-
 तिचको निविंसंकभुयदंडमंडवनिलीणरायलच्छिविलाससुंदरो संमरसीमनिहयमत्तमायंगकुंभत्थलगलियमुत्ताहलधिरइ-
 यचउको महागोपुरपरिहसन्निहवाहुवद्धवीरवलओ निसियधारुक्कडंचकनिकंतियवइरिगीवो आसंगीवो नाम राया
 पडिवासुदेवो पवरं पंचप्पयाररमणिज्जं विसयसिरिमणुहवइ । एवं च वोलंतंभि काले सो विसाहनंदी कुमारो चिरं
 रज्जमणुपालिऊण मओ समाणो नरयतिरिएसु भमिऊण उववण्णो एगंभि गिरिकंदरे सिंहत्तणेणं, पमुक्कवालभावो
 य इओ तओ हिंउतो उवइवेइ तस्सं रण्णो पहाणसालिछेत्तनिवासिकरिसंगजणे, ते य तेण उवइविज्जमाणा आ-

गया आसग्गीवनरिंदस्स सगासे, साहिओ सीहवइयरो, इमं च वागरियं जहा-देव! इमाओ कयंतविब्भमाओ सिंहाओ न रक्खह अम्हे ता करिसावेह नियळेत्ताई, अम्हे अन्नत्थ वच्चिस्सामो, राइणा भणियं-भो भो किमेवं का-यरा होह?, तहा करेमि जहा न मणागंपि पीडइ एस दुट्टसत्तो, तओ निरूविया जहकमं सोलसवि सहस्सा नरिंदाणं सीहपसरपडिक्खलणत्थं, गया य पहिट्ठा करिसगा सट्टाणंमि । अण्णया य आसग्गीवो सुरसुंदरीविब्भमंमि अंतेउरी-जणे वेसमणधणाइरेगे कोसविभवे अण्णसरिसे करितुरगाइरज्जंगे सुरवइसमंमि आणाइस्सरिए अचंतं मुच्चिओ गिद्धिओ चिंतिउमारद्धो-किं मण्णे एरिससमग्गसामग्गीपरिवुडस्स परेण मणेणवि अणभिभवणिज्जस्स निचंपि अप्प-मत्तचित्तअंगरक्खपरिक्खेवस्स अणुसुमरणमेत्तकरतलपाउब्भवंतअप्पडिहयगइचक्काउहस्स ममावि संभवेज्ज कोइ वि-णासकरणपच्चलोत्ति?, जइ ताव तं जाणेमि कहवि ता करेमि पडिविहाणं, रक्खेमि सवप्पयारेण अप्पाणंति संप-हारिऊण आहुओ नेमित्तिओ, दावियमेगंते आसणं, निसन्नो सो तत्थ, सक्कारपुव्वं पुट्टो य सव्वायरेण, जहा भद्द! नेमित्तिय! सम्मं चिंतिऊण साहेसु, कोऽवि अत्थि किं ममावि मच्चुकारी न वत्ति?, तेणवि य निमित्तवलेण अव-लोइऊण भणियं-देव! पडिहयममंगलं, कहमणिट्ठं साहिज्जइ?, रत्ता वुत्तं-भद्द! मा संखुब्भ, साहेसु जहापुच्चियं, नेमित्तिणं जंपियं-जइ एवं ता अत्थि तुब्भंपि मच्चुकारी, रत्ता कहियं-कहं सो नेओ?, तेण वुत्तं-देव! जो सा-लिच्छेत्तसीहं वावाइस्सइ तुहसंतियं च नीसेसमंडलाहिवसम्माणट्टाणं चंडवेगदूयं धरिसेही सो निच्चियं मच्चुकारी

जाणियवो, सवप्पयारेहिं रक्खणिज्जो य, एयमायन्निऊण रत्ता विसज्जिओ नेमित्तिओ, सयंपि उवविट्ठो अत्थाण-
मंडवे, पुच्छिया य अमच्चाइणो-अहो को संपयं नरवई दंडाहिवो कुमरो वा अतुलवलपरक्कमो सुणिज्जइत्ति, तेहिं
भणियं-देव! तुम्हाणंपि सयासाओ कोऽवि अतुलवलो? जेण साहिज्जइ, महीए सूरमंडले पहवंतंमि. विप्फुरइ ता-
रगरुई?, राइणा भणियं-ब्रहुरयणा वसुंधरा, किमिह न संभवइ?, मंतीहिं भणियं-देव! निच्छियं न सुणिमो,
सवणपरंपराए पुण सुणिज्जंति-पयावइनरिंदस्स कुमारा अनन्नसरिसपरक्कमा लीलादलियसेससोंडीरवलांवेवत्ति,
एवमायन्निऊण राइणा भणिओ चंडवेगो-जहा भइ! गच्छसु. एयस्स राइणो सगासे साहेसु य तस्स असुगं मम
पओयणं, जं देवो भणइत्ति पडिच्छिऊण सासणं निग्गओ, गओ महया पुरिसपरियारेणं परिक्खित्तो पोयणपुरा-
भिमुहं चंडवेगो । इओ य पयावइराया कयपवरसिंगारो परिहरियमहामुल्लदुगुल्लो कुमारपमुहपरियणाणुगओ अंते-
उरमज्झे ठिओ चिट्ठइ, वट्ठइ य तत्थ पेच्छणयं, केरिसं?—

विविहंगहारविन्भमविचित्तकरणप्पओगरमणिज्जं । रणञ्जणिरमंजुमंजीरमणहरारावसंवलियं ॥ १ ॥

दढदेहायासवसुच्छलंततुट्ठंतहारसरिविसरं । भूभंगविन्भमुब्भडपसरियवहुहावभावभरं ॥ २ ॥

कलयंठकंठगायणपारद्धविसुद्धतारगेयसरं । ताडियपडुपडहुम्मिस्समंजुगुंजंतवरसुरवं ॥ ३ ॥

इय एरिसंमि तरुणीजणस्स नट्टंमि संपयट्टंमि । अदिट्ठरुवपुवे संपन्ने परमरंगे य ॥ ४ ॥

श्रीगुणचंद्र
महावीरच.
३ प्रस्तावः

॥ ४५ ॥

सुत्तव चित्तलिहियव लेवघडियव रज्जुनद्धव्व । मइरामयनिप्फंदियव्व विमुक्कऽन्नवावारा ॥ ५ ॥
अणमिसनयणनिवेसा जणपरिसा तक्खणेण सा जाया । अइतुट्ट तिविट्टुकुमार रायलोएण सह झत्ति ॥ ६ ॥
एत्थंतरे खीरोयनिम्महणपज्जंतुट्टियविमुग्गारोव्व कंपियविबुहसत्थो कयंतोव्व अणिवारियागमणो पविट्ठो सो चंड-
वेगाहिहाणो दूओ, तं च दट्ठुण ससंभममुट्ठिया, सामिदूओत्ति कलिऊण कया महती पडिवत्ती, पुट्ठो य आसग्गीव-
नरिंदस्स सरीरारोग्गवत्तं, सिरसा पडिच्छियं सासेणं, संवरियपेच्छणगवावारो नियनियगेहेसु गओ जणो, रंगभंग-
करणेण य वाढं अमरिसिओ तिविट्टुकुमारो, पुच्छिओ अणेण एगो पुरिसो-अरे ! को एस ? किं वा एयागमणेण अब्भु-
ट्ठिओ ताओ ? कहं वा पविसमाणो दुवारेचियं न रुद्धो पडिहारेण ? तेण भणियं-कुमार ! एसो खु रायाहिरायस्स पहा-
णदूओ, अओ सामिदूओत्ति राइणा अब्भुट्ठिओ, अओचिय पडिहारेणवि न खलिओ, एयाणुवित्तीए चैव सुहेणेत्थ
निवसिज्जइ, पभुचित्ताणुवत्तित्तणं हि सेवगंधम्मो, कुमारेण भणियं-जाणियवं कोऽवि कस्सवि पभू सेवगो वा, होउ
ताव किं एएण ? अनिद्वडियपुरिसायांराणं विफलो अत्तुक्करिसो निरत्थओ तुंडमंडवो अणुचिओ भुयवलांवल्लेवो अजुत्तो
नेवत्थफडाडोवो, ता एयं एत्थं पत्तकालं-अरे ! साहेज्जसु तुमं मम जया एसो सनयराभिमुहं वच्चेज्ज, जेण करेमि
एयस्स पाहुन्नयं, जं कुमारो आणावेइत्तिभणिऊण अब्भुवगयं पुरिसेण, सो य दूओ गुणदोसे राइणा समं भासिऊण
साहियनरिंदपओयणो परिगहियविविहपाहुडो कयसक्कारसम्माणो चलिओ सनयराभिमुहं, अंतरा य गच्छंतो

दूतागमः
नृत्यभंगश्च.

॥ ४५ ॥

विनायगमणयइयरेणं पडिरुद्धो तिविदुकुमारेणं अयलपरिगणं, भणिओ य—

रे दूयाहमं! अइदुद्ध धिदु पाविदु कत्य वैच्चिहिसि । पेच्छणयरंगभंगं तइया काउं मम समक्खं ? ॥ १ ॥
निब्भग ! गरुयराउलसेवणओऽविदु पभूयकालेणं । पत्थावांपत्थावं न मुणंसि किं सिक्खिओ तंसि ? ॥ २ ॥
नियजण ! वयणविनासपमुहगुणवित्थरेण उवहससि । सक्कगुरुपि विदुक्कुह अत्रेव वियट्ठिमा तुज्झ ? ॥ ३ ॥
ता पाव ! पावसु फलं सदुद्धचेट्ठियतरुस्सं दुविसहं । सुमरेसु य इदुदेवं माऽकयधम्मो धुवं मरसु ॥ ४ ॥
इयं भणिऊण तिविदु निदुरमुट्ठिप्पहारमुग्गिरिउं । जां हणइ नेव दूयं अयलेणं जंपियं ताव ॥ ५ ॥
भो भो कुमार ! विरमसु गोहचंपिव विमुञ्च एयवहं । दूया रंडा भंडा कयावराहाविं अहणणिजा ॥ ६ ॥
ताहे भणिया पुरिसा ! रे रे सिग्घं इमस्स पावस्स । मोत्तुण जीवियव्वं सेसं अवहरह वत्थाइं ॥ ७ ॥
पुरिसेहिं तओ कुमरस्स वयणओ लट्ठिमुट्ठियभिईहिं । गहिंऊण तं समत्थं धणाइयं अवहडं तस्स ॥ ८ ॥
भयभरविदुरत्तणओ नियंसियं वत्थमवियं से गलियं । भूमीए निवेडणेणं धूलीए धूसरियमंगं ॥ ९ ॥
अहं खमणंगोव मुणिउव्वं पंडरंगोव्व तक्खणं जाओ । सो चंडवेगदूओ नियजीवियरक्खणट्ठाए ॥ १० ॥
सेसो पुण परिवारो जीवियकंखी यं पहरणे मोत्तुं । सयलदिसासु पलाणो दंसणमेत्तेऽवि कुमरस्स ॥ ११ ॥
एवं च लुंचविलुंचियं काउं दूयं वलिया कुमारा, जाणिया य वत्ता पयावइणां, तओ भीउविग्गो चित्तिउमाढत्तो—

श्रीगुणचंद्र
महावीरच०
३ प्रस्तावः

॥ ४६ ॥

अहो असोहणं कथं कुमारेहिं, एयंमि पडिकूलिए परमत्थेण आसग्गीवो पडिकूलिओ, अजहावलमारंभो मूलं विणा-
सस्स, न य कुमारावरद्धे मम निदोसत्तणं वयणसएणवि कोऽवि पडिवज्जिही, पडिवज्जिएवि पयडो खलु एस वव-
हारो जं भिच्चवराहे सामिणो दंडो, ता विसममावडियं, अहवा अलं चिंतिएण, उवाओ चेव उवेयस्सं साहगोत्ति-
निच्छिऊण आणाविओ दूओ, सविसेसं कथा पडिवत्ती, समप्पियाइं महामोलाइं पाहुडाइं, कओ य चउग्गुणो
दाणक्खेवो, भणिओ य एसो—अहो महायस! वालभावसुलभनिद्विवेयत्तणेण जोवणवसविसंतुलचिद्वियत्तणेण राय-
कुलजम्मसहयदुल्ललियत्तणेण य जइवि वाढं अवरद्धं कुमारेहिं तुम्ह तहावि सवहा न कायवो चित्तसंतावो, न वो-
ढवो अमरिसो, मम निव्विसेसोऽसि तुमं, डिंभदुव्विलसियाणि न करिंति चित्तपीडं कहवि जणगत्थाणीयस्स, अहं
जणगो चेव एएसिं, उत्तरोत्तरगुणपगरिसारोहणं पुण तुमए इमेसिं कायव्वं, ता कुणसु पसायं परिहरसु अवमाणं,
दूएण भणियं—महाराय! किमेवमाउलो भवसि?, किं कोऽवि नियडिंभेसु दुव्विणयमासंकेइ?, पेमपरवसहियएसु
वा एगमवि अवराहं न मरिसेति?, राइणा भणियं—एवमेवं, जाणामि तुज्झ चित्तवित्तिं लक्खेमि पडिवन्नभरधवल-
त्तणं, केवलं तहा कायव्वं जहा देवो कुमारवइयरं न निसामेइ, इइ भणिए पडिवज्जिऊणं चलिओ चंडवेगो, कमेण
गच्छंतो पत्तो आसग्गीवनरिंदसमीवं,

अह पुवागयनरकहियकुमारवइयरनिसामणा रुसिओ । आवद्धभिउडिभीमो रत्तच्छो पेच्छिओ राया ॥ १ ॥

चण्डवेगा-
वमानं क्षा-
मणादि च.

॥ ४६ ॥

नायं च जहा पुषागएहिं सिद्धो स वइयो रत्नो । ताहे कयप्पणामो उवविद्धो सो नियट्ठाणे ॥ २ ॥
 पुट्टो य तओ रत्ना कहिओ नीसेसवइयो तेण । जह कुमरोहिं पहओ अयाणमाणेहि निरवेक्खं ॥ ३ ॥
 जइविट्ठु देवऽवरद्धं वालत्तणओ सुएहिं मम किंपि । तहवि पयावइनिवई अहिगं सोगं समुव्वहइ ॥ ४ ॥
 चूडामणिघ सीसेण सासणं तुम्ह धरइ विणयनओ । निभिच्च(ब्भंत)भिच्चभावं सविसेसं दंसइ सयावि ॥ ५ ॥
 न मुणिज्जइ जुवईणं मंजीररवो कयावि तस्स गिहे । मागहलोएणं तुह गुणनिवहं संथुणंतेण ॥ ६ ॥
 किं बहुणा ? महिवइणो मए सुदिट्ठा कया समग्गावि । किं तु नियसामिभत्तीएँ तुलइ नो कोऽवि तेण समं ॥ ७ ॥

अह आसग्गीवनरिंदेण सुमरियं नेमित्तिगवयणं परिकंपिओ मणेणं, चिंतियं च-अहो निव्वडियं ताव एगं नेमित्ति-
 गवयणं, वीयंपि जइ इत्यमेव हवेज्ज ता निच्छियं अकुसलंति परिभाविऊण आहूओ अवरो दूओ, भणिओ य जहा-
 गच्छसु रे पयावइस्स सगासे, भणसु य तं मम वयणेण-जेण सालिच्छेत्तेसु करिज्जमाणेसु सबलवाहणो गंतूण केसरिं
 परिक्खलहत्ति, जं देवो आणवेइत्ति भणिऊण निग्गओ दूओ, कमेण पत्तो पयावइस्स भवणं, सक्कारिओ रणणा, पुट्टो
 य आगमणपयोयणं, साहियं च तेण सीहरक्खणरूयं नरिंदसासणं, अब्भुवगयं च पयावइणा, सट्ठाणे य पेसिऊण
 दूयं एवं उवालद्धा कुमारा—

पुत्ता ! अकाल एव हि तुम्हेहिं पवोहिओ धुवं मच्चू । आसग्गीवनरिंदस्स धरिसिओ जमिहं सो दूओ ॥ १ ॥

श्रीगुणचंद
महावीरच०
३ प्रस्तावः

॥ ४७ ॥

तेणेव अयंडे चिय दारुणरूवा इमा ममावडिया । आणा कयंतविभमपंचाणणरक्खणाणुगया ॥ २ ॥
कुमारोहिं भणियं-ताय! कहां मच्चू पवोहोओ?, रत्ता भणियं-पुत्ता! सुणेह, आसग्गीवनरिंदस्स सालिखेत्तस्स केसरी
करिसंगजणं विह्वेइ, सो य पइवरिसं वारोवारणण जहकमं सवनरिंदेहिं रक्खिज्जइ, संपयं पुण धरिसियदूयकुविण्ण
आसग्गीवेण अपत्थावेच्चिय अहं समाइट्ठोऽम्हि, ता एयं मच्चुए पडिवोहणंति, तेहिं कहिज्जण समाठत्तं पयाणयं, एत्थं-
तरे विन्नत्तं कुमारोहिं-ताय! अम्हे वचामो, रत्ता भणियं-पुत्तया! वालया तुम्हे, न जाणह अज्जविं कज्जाकज्जं, ता विर-
मह इमाओ अज्जवसायाओ, अहं सयमेव वच्चिस्सामि, तेहिं भणियं-सवहा मोकलह, गंतवमवस्समम्हेहिं, महंतमेयं
कोज्जहलं, केरिसो सो केसरित्ति?, राइणा भणियं-अरे पुत्ता! हरिणं कमंडलनिकलंके कुले समुप्पत्ती कुवेरसमइरेगो धण-
संचओ अविगलं आणाईसरियं कलाकलावंमि विमलंमि विमलं कुसलत्तणं समत्थसुत्थत्थेसु पवीणआ नीसेसेसु पहरणेसु
परमो परिस्समो य नीरूवमं वीरियं अप्पडिमा रूवलच्छी, एएसिमेगयरंपि उम्मग्गपवत्तणसमत्थं, किं पुण एगत्य
समवाओ?, एयाणि य सव्वाणिवि तुम्ह संति, ता एएहिं हीरमाणाणं तुम्हाणं को पडिक्खलणकारी?, जम्हा
वद्धमच्छरा वेरिणो उस्सिंखला खला अविभावणिज्जागमाओ आवयाओ अच्चंतं पमत्तचित्ता य तुम्हे, न जाणिज्जइ
केरिसो विवागो हवइ?, अओ सुयह गाढग्गहंति, तेहिं भणियं-ताय! हवउ किंपि, निच्छयं गंतवमम्हेहिं, तओ
निवारिज्जमाणावि चलिया कुमारा पहाणराइणा समेया कइवयकरितुरयरहपरियणपरियरिया, पत्ता य तेसु सालिच्छे-

सिंहरक्षणा-
देशः हठात्
कुमार-
गमनं.

॥ ४७ ॥

तेषु जत्थ सो केसरी निवसइ, पुट्टा य तेहि करिसगा—अरे किह अत्रे राइणो पुर्वि सीहं रक्खियाइया?, तेहि भणियं-
 कुमार! पयंडगुडाडोवभासुरेहि पवरकुंजरोहि पवणाइरेगवेगसुंदरंगेहि जच्चतुरंगेहि उडुंडगंडीवसेलभलिनारायकुतपमु-
 हपहरणहत्येहि सुहडसत्येहि विरइऊण तिउणपायारपरिक्खेवं अचंतमप्पमत्तचित्ता मरणमहाभयवेवंतसबंसरीरा केस-
 रिगुहामुहनिहियानिभेसनयणा रक्खिसु नराहिया, तहा रक्खमाणणाणि पइक्खणं सीहनायवससमुच्छलंतपडिसद्दायन्न-
 णेण अवगणियतिक्खकुसपहारा करडितडपणट्टमयजला विहडंति करिघडा गाढखलितखलिज्जमाणाइं विदिसो
 दिसिं फट्टंति तुरयघट्टाइं विमुक्कपोरिसाभिमाणाणि इट्टदेवयमणुसरमाणाणि सबओ पलायंति पायकाणि, कुमारेण
 भणियं—अहो महापरकमो अहो अनन्नविप्फुरियं वीरियं अहो ओहामियसयलसुहडदप्पमाहप्पं अहो भुवणच्छ-
 रियं चरियं तस्स केसरिणो जं तिरियमेत्तस्सवि एवं परिसंकिज्जइ, अरे केत्तियं पुण कालं एवंविहपरिकिलेसेण एस
 पडिक्खलिज्जइ?, तेहि भणियं-कुमार! जाव सयलपि करिसणं ण सगिहे पविसइ, कुमारेण भणियं—भो करिसगा!
 को वासारत्तदुघिसहसीयवायाभिहओ नियसुहिसयणपमुहपहाणलोधरहिओ चिक्खल्लोलमि मेइणितले मेहमालाउले
 दिसिवलए अणवरयं निवडंतीसु दिसिवह्मुत्तामणिहारविन्भमासु मुणीणंपि कयमयणवियारासु तंडवियसिंहडिमंड-
 लीसु विरहिणीहिययनिहित्तंगारासु वारिधारासु एत्तियं कालं पडिवालेहि?, ता दंसेह तं पएसं जत्थ सो निवसइत्ति,
 जं कुमारो आणावेइत्ति भणिऊण दूरट्टिएहिं चेव कहिया सा केसरिगुहा, तओ पुणो पुच्छिया कुमारेण-अरे! केत्तिओ

श्रीगुणचंद्र
महावीरच०
३ प्रस्तावः

॥ ४८ ॥

तस्स परिवारो?, तेहिं भणियं-कुमार! नियसरीरमेत्तो, कुमारेण भणियं—जइ एवं ता
निरत्थयं धी धी वित्थरंति किं पत्थिवा विगयलज्जा । नियभुयवलावलेवं गिज्जंतं मागहजणेण? ॥ १ ॥
वहुसुहडकोडिसंबुडहरिकरिसंमहदलियमहिवट्ठा । असहायं केसरिणं जमिमे न सरंति भयविहुरा ॥ २ ॥
एसो जयंमि धन्नो जणणी एयस्स चेव पुत्तमई । जस्स गलगज्जिएणवि गरुयावि मुयंति नियजीयं ॥ ३ ॥
जस्सऽनिवारियपसरं पोरिसमेवंविहं परिप्फुरइ । एगागिणोऽवि स कहं न लहंइ पंचाणणपसिद्धिं? ॥ ४ ॥
इय सुचिरं तं पसंसिऊण गरुयकोऊहलाऊरिज्जमाणमाणसो नियत्तियसेसपरियरो रहवरारूढो चलिओ गुहा-
भिमुहं कुमारो, कमेण य स पत्तो गुहादेसं, एत्थंतरे दंसणकोउगेण मिलिओ वहुलोगो, ठिओ उभयपासेसु,
कओ महंतो कोलाहलो, अहं कलयलायन्नणजायनिदाविगमो जंभाविदारियरउह्वयणो परिभुत्तकुरंगरुहिरपाडलु-
ग्गारदाढाकडप्पेण संझारुणससिकलं व विडंवमाणो पडिधुणियकडारकेसरो सदुब्भडकंधरो उविल्लिरमहल्लंगूलवेलि-
ताडियधरणितडाराववहिरियदियंतरो पढमपाउसमेहोव गज्जंतो उट्ठिओ केसरी, लीलाए मंदं मंदं कुमारहुत्तमव-
लोइउं पवत्तो य, तिविडूवि निरुवयंतो फलभरेण य सस्सं निसुणंतो केयाररक्खिगाजणरासए करंतो तस्सालावं
पेच्छंतो काणणरम्मयं ताव गओ जाव निवडिओ चक्खुगोयरे स सारंगाहिवो, तं च दइण चिंतियं कुमारेण—अहो
एस महाणुभावो महीए चरणेहिं परिसक्कइ, अहं पुण पवरतुरयसंपग्गहियं विचित्तपहरणपडिहत्थं रणज्झणिरकिंकिणी-

सिंहेन यु-
द्धम् शौ-
र्यस्य काष्ठा,

॥ ४८ ॥

जालसंपरिखित्तं संदणं अधिरुढो, ता विसरिसं जुञ्जं, न जुत्तमेयं उत्तमाणंति भावितो कुवियकयंतजीहाकरालं
अयसिकुसुमप्पगासं करवालं गहिज्जणं दाहिणकरेण वामेण य पडिपुण्णचंदमंडलविन्भमं फुरंतफारतारगाभिरामं फरगं
च ओयरिज्जणं रहाओ ठिओ भूमीए, ताहे पुणोऽवि चित्तेइ-एस वराओ वयणंतरनिगूढदाढाकरपेरंतकुंठकुडिलनह-
मेत्ताउहो अहं तु तिक्खग्गखग्गफलगहत्यो, एयमवि न जुत्तिजुत्तंति विभाविज्जणं खग्गं फलहगं च परिचयइ, एत्थं-
तरंभि दद्दूणं तारिसं वइससं तिविद्दुस्स उप्पन्नगाढकोवो सीहो चित्तेउमाढत्तो—

कह मत्तमहामायंगतुरयरहजोहवूहरयणेणं । रक्खिज्जंतोऽहमहो महायरेणं महीवइहिं ॥ १ ॥
कह मज्झं दंसणपहे कीणासस्स व न कोइ निवडंतो । सुद्धवि पगिट्ठवलदप्पिओऽवि रणकम्मरसिओऽवि ? ॥ २ ॥
कह एण्हिं दुद्धमुहो तत्थवि णवणीयकोमलसरीरो । तत्थवियं तुरगकरिवरपकलपाइकपम्मुको ? ॥ ३ ॥
तत्थवि य अयन्नाए ओयरिज्जणं रहाओ पवराओ । अडुवियडं लीलाए भासमाणो महिंमि ठिओ ॥ ४ ॥
तत्थेव य सभुयवलावलेवमुक्कप्पहरणाडोवो । मसगं व मं गणंतो एसो पविसइ मम गुहाए ॥ ५ ॥
किं वा जीवंतोहिं नो दीसइ किं सुणिज्जए नेव । जं एरिसावि दावेंति संपयं मज्झं अवमाणं ? ॥ ६ ॥
जइवि इ कुंजरसिरदारणोचिया मज्झं कुडिलनहविसिहा । तहविडु इमस्स दंसेमि गाढदुब्बियणसाहिफलं ॥ ७ ॥
इयं चित्तिज्जणं गलगज्जियरवेण फोडित्तोव वंभंडभंडोयरं, पुच्छच्छडाच्छोडणेण दलित्तोव मेइणीतलं, विडंविद्य-

श्रीगुणचंद्र
महावीरच०
३ प्रस्तावः

॥ ४९ ॥

वयणदाढामऊहनिवहेण भरंतोव्व गयणंतरालं रत्तनयणपहासरेण अयंडनिवडंतविज्जुदंडुडामरं व करंतो दिसिचक-
वालं वेगागमणवसविसंडुलुलंतकेसरभारेण अंतरे अमायंतं व कोवनिवहं उगिरंतो सज्जियदीहरकमुल्लासवसवि-
सेसखामोयरत्तणेण अंतरा तुट्टिऊणं व अग्गकाएण गसिउकामो एगहेलाए भुवणजणकवलणकए कयंतुव्व भासमाणो
झडत्ति पत्तो तिविड्डुकुमारस्स मुणालकोमलकरकमलगोयरं, तओ तिविड्डुणा एगेण करेण हेट्टिलोट्टपुडं अवरेणुत्तरोट्टं
अणायरेण गहिऊण जिणणपडं व परिसडियपंडुपत्तं व भुज्जतरुतयं व दुहा तडयडत्ति फालिऊण परिमुक्कोत्ति, एत्थं-
तरे उक्किट्टसीहनाओ जयजयरवो य कओ लोएणं, अन्नं च—

गंधव्वजक्खरक्खसविज्जाहरकिन्नरोहिं गयणंमि । विक्कमदंसणसंजायहरिसपप्फुल्लनयणेहिं ॥ १ ॥

पहयाइं पडहकाहलमुयंगदुंदुहिपमोक्खतूराइं । कओ य जयजयरवो अहो सुजुज्झंति भणिऊण ॥ २ ॥

तियसंगणाहिं वियसियकुवलयदलदामदीहरच्छीहिं । मुक्का य कुसुमवुट्ठी दसद्धवन्ना भसलमुहला ॥ ३ ॥

मणिमउडकणयकुंडलकडिसुत्तयतुडियहारपमुहाइं । पवराभरणाइं लहुं सुरेहिं दिन्नाइं कुमरस्स ॥ ४ ॥

तथा—गिजंतुदामगुण विविहविलासुल्लसंतगोवजणं । नचंततरुणिसत्थं जायं रणंमि सुपसत्थं ॥ ५ ॥

सो य सीहो तथा दुहाकओऽवि गरुयाभिमाणेण परव्वससरीरो फुरफुरंतो विचित्तेइ—एवं नाम अहं निराउहेण
एगागिणा कुमारेमेत्तेण अजुज्झेणं लीलाए विणिहओ, अहो मम काउरिसत्तणं अहो असामत्थं अहो निस्सारसरी-

सिंहमा-
रणम्.

॥ ४९ ॥

रत्तणं अहो दइवविपरंमुहया, सब्बहा निरत्थयमुबूढो सारंगरायसहो एत्तियं कालं, दुहु दुहु एरिसजीविणंति, एवं
च तस्स फुरुफुरायमाणस्स मुणियतदभिप्पाएण कुमारसारहिणा भणियं महुरसरेणं—

भो भो लीलानिहलियमत्तमायंगुंगवसमूह ! । सारंगराय ! निप्पडिमसत्तिवित्तासियविपक्ख ! ॥ १ ॥

अविलंघियसज्जियकमनियवलपरिभूयनरवइसहस्स ! । संपपुरिस ! कीस एवं निरत्थयं अमरिसं वहसि ? ॥ २ ॥

मा मुणसु जहा एएण बालरूवेण विणिहओऽहमिह । जं एसो नियकुलनहयलेकचंदो जणाणंदो ॥ ३ ॥

वररायलक्खणधरो समग्गवीरग्गणी गुणावासो । निट्ठुरभुयदंडवलो तिविट्ठुनामो वरकुमारो ॥ ४ ॥

भावी भरहद्धवसुंधराएँ सामित्तणेण परिकहिओ । पढमं चिय सुमिणयपाढएहिं किर वासुदेवोत्ति ॥ ५ ॥

तं मिगसीहो भइय ! एसो पुण नरसमूहसीहोत्ति । सीहे सीहेण हए का अपसिद्धी ? किमवमाणं ? ॥ ६ ॥

अह सो केसरी इमाणि सारहिवयणाणि महुमिव अमयंपिव सवणपुडएहिं सम्मं पाऊण उवसंतचित्तो मरिऊण
नरगे नेरइओ उववन्नो । सो य किर सारही एस काले भगवओ महावीरस्स पत्ततित्थयरत्तस्स पढमो गणहरो
गोयमनामो भविस्सइ । तिविट्ठुकुमारोऽवि तं सीहचम्मं गहाय पट्ठिओ सनयराभिमुहं, गच्छंतेण य भणिया करि-
सगा, जहा-रे इमं केसरिचम्मं गेणिहऊण समप्पेज्जह घोडयगीवराइणो, भणेज्जह य तं जहां-वीसत्थो निब्भओ
भुंजेसु सालिभोयणं, जायं संपइ अणावाहंति- । पडिवन्नं च करिसगेहिं, तिविट्ठुवि गओ सनयरंति, पयावई पण-

श्रीगुणचंद्र
महावीरच०
३ प्रस्तावः

॥ ५० ॥

मिऊण कहिओ सयलवुत्तंतो, जाओ पुरे पमोओ । ते य करिसगा गया आसग्गीवसयासे, निवेइओ पयावइसुय-
विणासियसीहवइयरो, एवमायन्निऊण य खुभिओ मणंमि राया, चिंतिउमाढत्तो-अहो पडिपुत्रं नेमितिगाइडं संपइ
संविहाणगदुगं, ता निच्छियं पयावइसुआओ मम भयं, किं पुण कायवं?, निवडइ इयाणिं जमरायस्स दंडो, विहडइ
सुदढगुणरज्जुनिगडियावि रायलच्छी, विलोडंति दाणमाणवसीकयावि सेवगा, विवरंमुहे विहिंमि किं किं न वा
होइ?, केवलं अज्जवि न मोत्तव्वा बुद्धिपुरिसयारा, जेण एएहिं भाविणोऽवि अणत्था उवहणिज्जंति गलियाओवि
संपयाओ पुणरवि पाउव्ववंति, तम्हा न जुत्तमुवेक्खणं, जावज्जवि लहुओ वाही ताव चिगिच्छणिज्जो, नहि लहु-
ओत्ति जलणफुलिंगो न डहइ केलासगिरिगरुयंपि दारुरासिं, न वा परिव्वविज्जमाणोवि दिट्ठिविसभुयंगपोयगो न
विणासं पयच्छेज्जा, ता इमं पत्तकालं-ते पयावइसुए उवलोभपुव्वयमिह आणावेऊण विस्संभिऊण य दाणसम्माणा-
ईहिं विणासाविज्जंतित्ति संपहारिऊण य तेसिं आणयणनिमित्तं वाहरिओ दूओ, भणिओ य-अरे पयावइं एवं भणि-
ज्जासि-तुमं हि असमत्थो सेवाए, ता सिग्घं कुमारे पेसेहि जेण तेसिं इयरा सामंतभुत्ती दिज्जइ, जइ पुण न पेसेसि
ता जुज्झसज्जो होज्जाहित्ति, जं सामी आणावेइत्ति पडिवज्जिऊण निग्गओ नयराओ दूओ, कमेण य पत्तो पोयण-
पुरं, दिट्ठो राया, कयसक्कारो उवविट्ठो आसणे, पुच्छिओ य पयावइणा आगमणकारणं, तेण भणियं-राया आस-
ग्गीवो आणवेइ-तुमं जराजज्जरियसरीरो अचंतं परिणयवओ आएसदाणाणुचिओ य ता पेसेसु नियसुए जेण ते

अश्वग्रीव-
भयं आन-
यनादेशः,

॥ ५० ॥

सहत्थेण पूपमि, वरकरितुरगनगरागरगामदाणेण य करेमि गरुयदेसाहिवे, एवमायन्निऊण चिंतियं पयावइणा-अतु-
लबलो आसग्गीवो दुराराहणिज्जो असमिक्खियतिक्खदंडनिवाडणदुविसहो य, अदिट्टपरभयां य मम कुमारा, विसे-
सेण तिविट्ठत्ति विभाविऊण भणिओऽणेण दूओ-भइ ! कुमारा न मुणंति सेवाविहिं न जाणंति वत्तव्वविसेसं न लक्खंति
उचियाणुचियं न खमंति नरिंदाएसमणुट्ठिउं, ता अहं सयमेव सवलवाहणो सामिसालं ओलगिगस्सामि, तेण भणियं-न
एस आपसो पभुस्स, किं वा तुज्झ इमिणा मुणीणंपि दुक्करेण सेवाधस्सेण ? उवभुंजसु निरंतरमंते उरमज्झगओ जहि-
च्छियं विसयसोक्खं, कुमारावि तत्थ गया सपहुपसाएण जइ पाउणंति रायलच्छि ता किमिव अकल्लाणं तुह हवे-
ज्जा ?, जओ देवो आसग्गीवो सीहवइयरनिसामणेण परमंसंतुट्टहियओ काराविउं इच्छइ महामंडेलोवभोगं आरोविउं
समीहेइ समुच्चपीलुखंधे काराविउं वंछइ पाणिग्गहंणंति, राइणा विचिंतियं—अहो एस दूओ इंदवारुणीफलंपिव
वाहिं रमणीयं अब्भितरदुहविवागं उभयरूवं भासइ, ता सबहा दुहावहमेयं, सम्मं परियालयणिज्जं, अइरहसकय-
फज्जाइं पज्जंतदारुणाइं हवंतीति निच्छिऊण पेसिओ दूओ निययआवासे, ठिओ सयमेगंते, वाहराविया विसमत्थनि-
णयकरणतिक्खवुद्धिणो मंतिणो, सुहासणासीणा य भणिया—अहो आसग्गीवो मम एवमाणवेइ-कुमारे सिग्घं
पेसेहित्ति, ता साहेह किमिह करणिज्जं ?, मंतीहिं भणियं-देव ! उहामपरक्कमो गूढमंतप्पयारो य आसग्गीवो, तुम्हे

१ परमसंतुष्टः परं असंतुष्टः २ मण्डलं-देशः रातं च ३ पीलुः-खर्णं वृक्षश्च ४ पाणिग्रहणं-विवाहः करवन्धश्च

पुण तस्सेव सेवगा अणवरयं आणानिद्देसवत्तिणो अप्पवला य, ता को तेण सह विरोहो?, ससत्तीए अणणुरूवकोव-
करणं हि निदाणं विणासस्स, राइणा भणियं—जइ एवं ता पेसिज्जंतु कुमारा, मंतीहिं भणियं—देव! असंजायवला
सेवाविहिअणभिन्ना य कहं पेसिज्जंति?,

अन्नं च—जइविहु अइविसमत्थप्पसाहणे होज्ज कहवि लच्छीवि । तहविहु भुयंगभीमे विलंमि न खिवेज्ज कोऽवि करं ॥ १ ॥

अमुणियगम्मागम्मप्पयारमविगलियकलुसदोसं च । नरवइचित्तं सलिलं व कुणइ निन्नेसु नूण रइं ॥ २ ॥

कप्पासकणिकाणं व सा णो परकज्जसाहिगा सेवा । उभयत्थविणासणकारिणी उ सेवा नरिंदाणं ॥ ३ ॥

जह भणियविहाणपरंमुहाण पुरिसाण सिढिलचित्ताणं । दुस्साहियव्व विज्जा विणासमचिरा कुणइ सेवा ॥ ४ ॥

इय देव! नत्थि कुमराण जोग्गया काऽवि सामिसेवाए । ता संठवेह दूयं सिणेहवग्गूहिं वग्गूहिं ॥ ५ ॥

इइ वुत्ते पयावइणा आहूओ नरिंददूओ, भणिओ य सामवयणेहिं, जहा—भइ! गच्छ तुमं साहेसु आसग्गी-
वस्स, अणुचिया तुम्ह सेवाए कुमारा, पयावई सयमेव ओलग्गिहित्ति, दूएण भणियं—भो पयावइ! किमेवं पित्त-
पलाविओ इव पुणरुत्तं वाहरसि?, कुमारे पेसेसु, जुज्जसज्जो वा हवसु, एस देवस्स आएसोत्ति भणिऊण निग्गओ
दूओ, अंतरे य दुवयणायत्तणेण रुट्ठेण तिविदुणा कुमारेण निट्ठुरलट्ठिसुट्ठिप्पहारेहिं हणिऊण कंठे घेत्तूण य अवहारेण
निद्धाडिओ, पत्तो य कमेण आसग्गीवनरिंदमंदिरं, निवेइओ निस्सेसो पयावइवइयरो, तमायत्तिऊण परिकुविओ

राया, सुभिया य सहा, कहं ?—

अणवरयविणिंतुहामसेयविंदुम्भडं मुहं सुहडो । परिमुसइ कोऽवि कोवुग्गमेण अहियं दुरालोयं ॥ १ ॥
नयकुवलयमालाविन्भमंभि निम्मलपहंभि करवाले । निवडइ य भमररिंछोलिसच्छहा कस्सविय दिट्ठी ॥ २ ॥
परपक्खक्खोभकरिं कोवसिहाडंवेण भयजणणिं । पच्चक्खं नियसत्तिं व कोऽवि सत्तिं करे धरइ ॥ ३ ॥
कस्सवि निडालवद्धं रेहुक्कडभिउडिभंगदुप्पेच्छं । खयसमयसमुग्गयराहुमंडलं सहइ गयणं व ॥ ४ ॥
केणावि कुलिसनिट्टुसुट्टिपहारेण ताडिया धरणी । अविणीयधारणेणं कयावराहव कंपेइ ॥ ५ ॥
संभावियरणरसनिस्सरंतरोमंचपीवरकरस्स । चिरपरिहियाइं कस्सवि विहडंति य कणयकडयाइं ॥ ६ ॥
कोऽविहु मच्छरसंभारतरलियं वयणभासणसयण्हं । कट्टेण दसणदट्टोद्वसंपुडेणं खलइ जीहं ॥ ७ ॥
इय जाया कोवभरुलसंतदेहाण विविहकिरियाओ । संगामसंगमुकंठियाण सुहडाण तवेलं ॥ ८ ॥
एत्थंतरे भणियं आसग्गीवेण—अरे उवेक्खियाणं दुरायाराणं एस चिय गई, को तस्स दोसो?, अन्नहा—
नियधूयापरिणयणावराहकालेऽवि जइ तमहं निगिण्हंतो ता किं एवं पसरं लहंतो, तथा—जो नियधूयं कामेइ
सो नियसामिंपि दुहइ किमजुत्तं? । किं वा एएण?, इयाणिंपि विणिवाएमि एयं महापावकारिणं, ता रे ताडेह
पत्याणविजयढकं, पगुणीकरावेह कुंजरसाहणं, संजत्तावेह तुरयघट्टाइं, जोत्तावेह संदणगणं, वाहरावेह समंगं

श्रीगुणचंद्र
महावीरच०
३ प्रस्तावः

॥ ५२ ॥

नरवइवग्गति, वयणाणंतरमेव कयं पगुणं सयलं किंकरजणेण, एत्थंतरे गओ राया मज्जणधरं, परमविभू-
ईए कयं मज्जणं, नियंसियाइं कासकुसुमसुंदराइं अंवराइं, वद्धाइं केसेसु सुरहिकुसुमाइं, कओ सवंगिओ चंदणर-
सेणंगरागो, विहिओ पुरोहिणण असिवोवसमनिमित्तं संतिकम्मविही, खित्ता दोवक्खया सिरे, पइट्ठिओ पुरओ मंगल-
कलसो, दंसियं घयपुण्णभायणं, लिहिया अट्टुमंगलया, उवणीओ य आधोरणेण सिंगारियसरीरो सिंदूरपूरारुणकुंभ-
त्थलो गंडयलगलंतमयजलो वइरिदलणदुद्धरो जयकुंजरो, तंमि आरूढो आसग्गीवो, धरियं फारफेणपुंजुज्जलं नियप-
रिमंडलविजियपडिपुण्णचंद्रमंडलं लंवंतमुत्ताहलकलावावचूलयं सियायवत्तं, ठिया य उभयपासेसु चामरग्गाहिणीओ,
वज्जियाइं दिसिकुंजरगलगज्जिगंभीराइं भंभासुगुंदमदलढक्कापमूहतुराइं, ठिओ पत्थाणंमि पत्थिवोत्ति । एत्थंतरे—

चलंतकण्णचामरा पयंडदप्पदुद्धरा, गलंतगंडमंडला तमालनीलसामला ।

अलंघणिज्जविक्रमा महागिरिंदविब्भमा, रणंतवद्धघंटया महागयाणुपट्टिया ॥ १ ॥

पलंवपुच्छसोहिया असेससिक्खगाहिया, सुवेयतुट्टसामिणो समीरवेगगामिणो ।

विसिट्ठलक्खणंकिया परेण नो निरिक्खिया, दिणिंदवाइविब्भमा पयट्टिया तुरंगमा ॥ २ ॥

विचित्तचित्तबंधुरा महाउहोहनिब्भरा, जओवलंभपचल्ला रणंतकिंकिणीकुला ।

निलीणभूरसत्थया पगिट्ठकेउमत्थया, दुसज्जवेरिमहणा पवाहिया पसंदणा ॥ ३ ॥

अश्वग्रीव-
प्रयाणं,

॥ ५२ ॥

सरासिचक्रधारिणो विपक्खसूरदारिणो, ससामिभत्तिमंतया अईव जुत्तिजुत्तया ।

जएकलाभलालसा अर्चितणिज्जसाहसा, सरीरवद्धकंकडा पयट्टिया महाभडा ॥ ४ ॥

अह लाडचोडमरहट्टकच्छफालिंगपमुहनरवइणो । आणामेत्तेणं चिय समुज्झियासेसनियकज्जा ॥ ५ ॥

सन्नद्धवद्धकवया बहुपहरणसालिणो जयपसिद्धा । आसग्गीवसयासं पत्ता सयलेणवि बलेणं ॥ ६ ॥

एवं च समग्गसंवाहगे जाए दवावियं रण्णा पयाणयं, चलिओ खंधावारो, गच्छंताण य सहसचिय समुच्छलियं
खरसगीरणंदोलणेणं, निवडियं छत्तं भग्गो दंडो गयणंगणाओ फारफुलिंगंदारुणा पडिया उक्का, दिवसेचिय उल्लसिया
तारया, जायं रुहिरवरिसं, निरब्भंमि चेव अंवरे फुरिया सोयामणी, अविण्णायसरूवो तडत्ति विहडिओ जयकुंजरो, नि-
न्निमित्तं चिय जलणजालाकलावेण कवलियाइं जचतुरंगमपुच्छाइं, परिगलिया सयमेव भग्गदंडां जयपडाया, जाया य
पलीणमयजला हत्थिमंडली, अणवरयरेणुवरिसदुरालोयं विच्छाइभूयं दिसाचकं, असुप्पवाहो मुक्को देवयापडिमाहिं,
परोप्परं हसियाइं चित्तकम्मरूवाइं, उट्टमुहेहिं दीणस्सरं परुत्तं सारमेएहिं, एवमाईणि उप्पन्नाणि बहूणि असिवाइंति ।

ताहे असिवनिरिक्खणसंजायमहाभया कुसलमइणो । आसग्गीवणरिंदं भणन्ति विणओणया सचिवां ॥ १ ॥

देव ! हिमं य विलिज्जइ पयावमेत्तेण तुम्ह पडिवक्खो । किमकंडविडुरकरो पारद्धो समरसंवाहो ? ॥ २ ॥

तुह तुरयखरखुरुद्धुययपडलेणं पणट्टकरपसरो । सूरुवि अंतरिज्जइ को अत्तो जो परिष्फुरइ ? ॥ ३ ॥

श्रीगुणचंद्र
महावीरच०
३ प्रस्तावः

॥ ५३ ॥

ता सुयह विजयजतं नयराभिमुहं लहुं नियत्तेह । असिवोवसमनिमित्तं कीरंतु य होमजागाई ॥ ४ ॥
नहु एरिस असिवेहिं कोसल्लं किंपि देव ! पेच्छामो । पूरिजंति किमेवं सत्तूण मणोरहा धणियं ? ॥ ५ ॥

एवमाइन्निऊण भणियं रत्ता—भो भो किमेव वाउलत्तणं तुब्भे निन्निमित्तं पडिवत्ता?, किं न सुणह मम भुय-
दंडपरक्कमं? न वा सुमरह चिरपभूयसमरसम्मद्विद्वियपडिवक्खसंपत्तविजयं? न वा पेच्छह अपरिकलियसंखं भरिय-
निणुन्नयमहिविभागं महोदहिसलिलंपि व चाउदिसिं पसरियं चाउरंगं वलं?, किमिव अट्टाणे चिय भायह, किं वा
सनयराभिमुहं मं नियत्तावेह?, न हि पारद्धवत्थुपरिचाइणो सलहिजंति पुरिसा, न य तहाविहसंदिद्धकइवयअमं-
गलमेत्तेणवि खुब्भंति वीरा, जओ—

गहगणचरियं सुमिणाण दंसणं देवयाण माहप्पं । सुणखररसियप्पमुहा सउणा य तहा जणपसिद्धा ॥ १ ॥

उक्कानिवडणरुहिराइवरिसपमुहाइं दुन्निमित्ताइं । सवाइं घुणक्खरसंनिभाइं को तेसि भाएज्जा? ॥ २ ॥

ता धीरा होह, निवाडेमि नीसेसदुन्निमित्तसत्थं मत्थए पयावइस्स, इति भणिऊण विसुमरियनिमित्तिगवयणो
अवस्संभवियव्वयाए विणासस्स पडिकूलयाए देवविलसियस्स वारिज्जमाणोऽवि पुराणपुरिसेहिं पडिखलिज्जमाणोऽवि
कुसउणेहिं सोवरोहं नियत्तिज्जमाणोऽवि अंतेउरजणेण छत्तभंगं सुणाविज्जमाणोऽवि निमित्तपाढगेहिं सयलवलसमेओ
गंतुं पयट्ठो, कमेण य पत्तो सदेससीमासंवत्तिणं रहावत्तपवयदेसं, तहिं च खंधावारनिवेसं कारावेऊण वाहराविओ

दुर्निमित्तेषु
मन्त्रिशिक्षा.

॥ ५३ ॥

दूओ, भणिओ य-अरे गच्छसु पयावइस्स सगांसे, भणसु य तं-एस आगओ आसग्गीवो राया जुज्झसज्जो वट्टइ,
सिग्घं संमुहो एहि, कुमारपेसणेण संमाणं वा करेहि, मा अकालेच्चिय कुलक्खयं जणेसुत्ति, जं देवो आणवेइत्ति
पडिच्छिऊण से सासणं नीहरिओ दूओ, कमेण य गओ पयावइस्स मूलं, कहिओ णरिंदाएसो, रुढो तिविट्ठुकुमारो,
भणिउमाढत्तो य—

रे दूय! तुममवज्झो निम्भयचित्तो ममोवरोहेण । घोडयगीवं गंतुं फुडक्खरं भणसु वयणमिमं ॥ १ ॥

मा होहिसि विगयभओ बहुपरिवारोत्ति चिंतिउं अचिरा । सीहोच्च मइसिलिंवं एस तिविट्ठु तुमं हणिही ॥ २ ॥

अज्जवि पयावइनिवो नियनामत्थं फुडं सुमरमाणो । रक्खइ तं जइ परिहरसि निट्ठुरत्तं वहसि पणयं ॥ ३ ॥

अहऽभिणिविट्ठुमईणं सुट्ठु भणियंपि दोसमावहइ । ता किं निरत्थएणं सिक्खादाणेण एएण? ॥ ४ ॥

दूएण तओ भणियं अज्जवि दुस्सिक्खिया दढं तुम्हे । न मुणह देवस्स वलं तेणेवमसंकमुल्लवह ॥ ५ ॥

अह पयावइणा भणियं-भइ! वच्च नियनरिंदसगासं, साहेसु य जहा-एस आगओ पयावइत्ति, एवमाइन्निऊण
निग्गओ दूओ, राइणावि काराविओ सेन्नसंवाहो, तओ पक्खरिज्जंतदप्पियवग्गंततुरंगमं गुडिज्जंतगयघडं समरपरि-
हत्युच्छंतफारफारक्कचकं चंडंगंडीवगुणज्झणकारसुहलुच्छलंतधणुद्धरं रहारूढपवरवीरं नाणाउहं हत्थसमुत्थरंतसुहड-
सत्थं चलयं चाउरंगं वलं, तेण य परिवुडो पयंडगुडाडोवभासुरकुंजरकंधराधिरूढो नीहरिओ पुराओ पयावई, एत्थं-

श्रीगुणचंद्र
महावीरच०
३ प्रस्तावः

॥ ५४ ॥

तरे नीलचलंतमहंततालज्जयाणुसारमिलियसामंतपरिगण पवलनीलीनीलयदुल्लनियंसणेण करयलफुरंतहलमुसल-
पहरणेण संगामसंगमुकंखिरेण अयलकुमारेण अणुगम्ममाणमगो आमलगथूलमुत्ताहलहारेण गयणाभोगोव नहसुरस-
रिपवाहेण सोहंतवियडवच्छत्थलो तरुणतरणिकिरणसन्निगाससिचयजुयलेण वडवानलजालाकलावेण जलरासिव
रेहंतदेहो सवणकयकणयकुंडलकंतिपसरेण तक्कालसंगमूसुयरायसिरिसरागतिरिच्छच्छिच्छिच्छोहेहिं व भासमाणवयणो
पुरो पइड्डियरणलड्डिनिविट्टुकणयकविलगरुलकंतिपडलच्छलेण कोवं व उगिरंतो तिविट्टुकुमारो, सिग्घं गंतूण मि-
लिओ पयावइनरिंदस्स, भणिउमाढत्तो य-ताय ! नियत्तह तुम्हे, देह ममाएसं, कित्तियमेत्तो एसो घोडयग्गीवो ?,
अवणेमि तुम्ह पसाएण एयस्स धिट्टुसोंडीरयं, न य बहुसहाओत्ति संकणिज्जं, जओ भोयणमेत्तसहायिणो इमे,
परमत्थेण एगागी चेव एसो, रायणा भणियं-पुत्त ! लीलाविहाडियसमुक्कडकेसरिकिसोरस्स अविगणियपडिवक्ख-
लक्खस्स किं असज्जं तुह परक्कमस्स ?, केवलं दूरट्टिया कोऊहलपेच्छगा एत्थ अम्हे, कुमारेण वुत्तं-एवं होउ,
अह विसिट्टुसउणोवलंभवहंतपरितोसाणं अणवरयपयाणगेहिं वच्चंताणं तेसिं तस्स रहावत्तपव्वयस्स समीवे संप-
त्ताणं अवरोप्परासन्नदंसणवसेण जाए हलवोले परिकप्पियपक्खरगुंडाडोवाइं उट्टियाइं तुरङ्गहत्थिसाहणाइं उड्डुयध-
यचिंधाइं, संपलग्गाइं उभयवलाइं, तओ-ताडियसरतूरतुट्टजणं भयथरहरंतकायरगणं, उद्दामवंदिसदपढणुच्छहंतसु-
हडं वरधूलिधूसरियरहधयवडं ॥ १ ॥ खरखुरूपकप्परियतुरयपक्खरियनियतुरयघट्टलोट्टावियकुंतयरं । आसवारकरु-

त्रिपृष्ठाच-
लयोर्गमनं.

॥ ५४ ॥

क्खयतिक्खकरवालविदारियसूरसिरं गुंडियगुरुकरडिघडफोडियतुरयघट्टं अन्नोन्नमिलणजायनिविडसंघट्टं ॥ २ ॥
 सरलसेलकलोलकीलिजंतकुंभपलायंतगयं सुन्नपुन्नहिं डंतचंडचंडुलहयं । तिसूलभल्लिसेल्लभिन्नवेलंतनरं, उत्तालनिवडियल-
 त्तत्तधरं ॥ ३ ॥ दंतितदंतसंघट्टपयट्टानलकणं, उद्धवाहुनचंतकवंधपवन्धघणं । विप्फुरंतकुंतग्घायघुम्मियरहियं, सारि-
 मज्झजुज्झंतजोहघायदुविसहं ॥ ४ ॥ कुंभिकुंभघायसमुच्छलियरुहिरप्पवहं भूमिवट्टनिचेट्टपडियसमुत्तुंगमायंगरुद्धपहं ।
 महल्लच्छभल्लभल्लुकमुक्केफकारभीसणं, संगामरसियसुहडलोयतोसणं ॥ ५ ॥ काऊण(दंडपडण)विचित्तसमरवाचारं ॥
 धाणुकडुकधाणुकयाहं, फारकियभडफारकियाहं । कुंतयरभिडियसमवग्गियाहं, खग्गाउहउक्खयखग्गियाहं ॥ १ ॥
 पडिखलियतुरंगतुरंगमोहिं, मेल्लंतसेल्लभडदुग्गमोहिं । मयगलगिलंतमयग्गिणगंड, अब्भिट्टपरोप्परवद्धसुंड ॥ २ ॥

पाउब्भवंतअइघोररोस खणिं खणिं विमुक्कभीसणनिघोस ।
 चाउदिसि सुहड समोत्थरेवि पहरंति समरि नियपाण देवि ॥ ३ ॥
 नाणाउहहत्यनरिंदवग्ग अवरोप्परजुज्झितसंपलग्ग ।
 गयजीविय निवडहिं दंडनाह, पवहंतरुहिरपहजुय अगाह ॥ ४ ॥
 सेसारुणच्छुरणवद्धकच्छु, मह दंसह आसग्गीवु हत्थु ।
 इय जंपिरु रिउ पडिसत्तुराओ, एत्थंतरि पडियहरंतु आउ ॥ ५ ॥
 तो वंगकलिंगनगराहिवेहिं, जुगवं चिय मुक्कमहाउहेहिं ।

श्रीगुणचंद्र
महावीरच०
३ प्रस्तावः

॥ ५५ ॥

पडिखलियउ पयावइ जुज्झमाणु, साहुव जाओ परिचत्तुमाणु ॥ ६ ॥

आसग्गीवह सेत्तेण अइवहुसंखेण हरिकरिसंदणदुद्धरेण ।

निम्महिय परकमु पहणिय उज्जमु कयउ पयावइ तक्खणेण ॥ ७ ॥

मुणिवि तं निज्जियं जायकोवुग्गमो, भिउडिभीमाणणो पायडो नं जमो ।

अयलु पयलंतहलमुसलदिवाउहो, सिग्घवेगेण सत्तूण ठिओ संमुहो ॥ ८ ॥

तयणु चिरलद्धजयवायगव्वुद्धुरा, ते नरिंदा समुवूढदढमच्छरा ।

सेल्लनारायसरनिरयमेलंतया, अयलपासंभि वचंति वग्गंतया ॥ ९ ॥

हरिसभरतडयडुत्तुट्टकंकडगुणो, सोयते पेच्छिउं वाढमखुभियमणो ।

जंपए रे लहुं चयह चक्खुप्पहं, कीस वच्चह विणा कारणं जमगिहं ? ॥ १० ॥

किं न भो नियह मह लंगलं सियसिहं, कुवियकीणासजीवं व अइदुस्सहं ।

वइरिचच्छत्थलीविलिहणुडामरं, जस्स कंतीहिं अरुणिज्जए अंवरं ॥ ११ ॥

किं न वा मुसलमलिवलयकसिणप्पहं, धरणिमणिसारपरमाणुनिम्मियमुहं ।

जयह तुब्भे जमेवं रणे उज्जया, तेहि वुत्तं अरे तुज्झ का चंगया ? ॥ १२ ॥

त्रिपृष्ठाश्व-
ग्रीवयो-
र्युद्धम्

॥ ५६ ॥

जेण दीसंति तुह सन्निहा हालिया, धरइ लीलाएँ मुसलंपि किल महिलिया ।

एवमुखाविरं वइरिसत्थं वलो, सरइ वेगेण करकलियसियलंगलो ॥ १३ ॥

केऽवि मुट्ठिप्पहारेण ताडइ भडे, अवरि मुसलेण चूरइ सहावुब्भडे ।

हलसिंहग्गेण केसिंपि उरु दारए, अन्नि चलणप्पहारेण मुसुमूरए ॥ १४ ॥

एकघाएण पाडइ महाकुंजरे, तणयपूलं व गयणे खिवइ रहवरे ।

मुयइ करुणाय परिचत्तसयलाउहे, ठाइ निग्गयपयावोऽवि नो से मुहे ॥ १५ ॥

इय निट्ठुरगत्तेण निरुवमसत्तेण निट्ठुरेण वलदेवेण वलु वलु विरियहं ।

तक्खणि विद्धंसिओ भडमउ नासिउ सयलदिसामुह पसरियहं ॥ १६ ॥

एवं चिय पइदिवसं दोण्हवि सेन्नाण जुज्झमाणानं । विविहप्पयारभीमं एयं जायं समरठानं ॥ १७ ॥

एगत्य पडियनरवइपियंगणाकरुणरुन्नरवभीमं । अन्नत्थ वंदितज्जणसवडंमुहचलियपडिसुहडं ॥ १८ ॥

एगत्य दंतिदसणग्गभिन्नसूरासिलेहहयरहियं । अण्णत्थ भीयकायरनियमुहखित्तंगुलीवल्यं ॥ १९ ॥

एगतो ऊसियकरमाहूयऽण्णोण्णवीरवरपुरिसं, अब्बत्थोमिंठविण्ठुमिंठपरिभमियगयनिवहं ॥ २० ॥

एगत्युत्तालिमिलंतघोरवेयालविहियहलवोलं, अन्नत्थ सिवागणखज्जमागयजीवनरनिवहं ॥ २१ ॥

श्रीगुणचंद
महावीरच०
३ प्रस्तावः

॥ ५६ ॥

एगत्तो दंसणतिक्खचक्कच्छिजंतमहिगयजणोहं, अन्नत्तो भडतोसियमागहगिजंतवरचरियं ॥ २२ ॥
इय विहियविविहभीसणकिरिएहिं उभयसेन्नसुहडेहिं । समरंगणं सुराणवि जायं अचंतभयजणगं ॥ २३ ॥
किं च-रणट्टाणनिवडियकण्णसीसकरचरणजंघतणुखंडं । विहिणो घरं व नज्जइ जयजणघडणुज्जयमइस्स ॥ २४ ॥
एवं च बहूइं वासराइं महासम्मद्देण निवाडियाणेगसुहत्थिसु तिक्खनारायनिच्चिन्नकुंभिकुंभत्थलेसु, चुरियचारु-
तुंगसिंगरहवरेसु मुसुमूरियनरवइसहस्सेसु जायंतेसु आओहणेसु पेच्छिऊण बहुजणक्खयं तिविट्टुणा भणाविओ
दूयवयणेण आसग्गीवो, जहा—किमणेण निरत्थएणं निहोसपरियणक्खएणं?, तुमं च अहं च परोप्परवद्धवेरा, ता
अंगीकरेह नियभुयवलं, सम्मं ठवेहि चित्तावट्टुंभं विमुंच कायरत्तं परिचय परपुरिसायारं दावेहि सहत्थकोसल्लं मेलेहि
सरीरसोकुमल्लं पगुणो भवाहि असहाओ मए एगागिणा सह जुज्झिउंति, सम्ममवधारिऊण गओ दूओ, निवेइओ
आसग्गीवस्स कुमारसंदेसगो, पडिवन्नो य राइणा, जाए वीयदिवसे विचित्तपहरणपडिहत्थं जोत्तियपवरतुरयं
सारहिमेत्तपरियत्तपरियरं संदणमारुहिऊण ओइण्णा रणभूमीए आसग्गीवतिविट्टुणो, ठियाइं उभयपासेसु सपहुपरक्क-
मावलोयणकोऊहलाइं दोन्निवि वलाइं, रुंदखंदचंडिकोहंडिपमुहदेवउवजाइयसयदाणपरायणाइं निलीणाइं उच्चपएसेसु
अंतेउराइं, पेक्खणुकंखिरा य गयणंगणमोगाढा सुरकिंनरकिंपुरिसविज्जाहरा, लवंतमुक्कजडाडोवो पाणिपरिग्गहिय-
छत्तगो संगामदंसणुवूढगाढहरिसो पइखणअट्टट्टहासे सुयमाणो देवसमूहं च सोवओगं कुणमाणो वियंभिओ अंतरे

विपृष्ठाथ-
ग्रीवयो-
र्युद्धम्.

॥ ५६ ॥

नारयमुणी । एत्थंतरे आसग्गीवेण भणिओ तिविद्धु—

गिरिगुहनिवाससि(खि)त्रे रोगजराजजरंगए सीहे । निहए करुणाठाणे अहो तुमं वलमयं वहसि ॥ १ ॥
किमहं तं न समत्थो विणासिउं पढममेव लीलाए । किं तु मयमारणे अवयंसो सिया तेण नो हणिओ ॥ २ ॥
जइ कहवि दुद्धवयणोत्ति कलिय नो सिक्खविंति तं कुसला । किं एत्तिएणऽवि मुहा परंमुहो सुंदर ! नयस्स ॥ ३ ॥
सयं चिय न कयंतो कुद्धो विद्धवइ करचवेडाए । किं तु दुवुद्धी दाउं परस्स हत्थेण मारेइ ॥ ४ ॥
जं चिय किंचि परूढं ब्राहुवलं तुज्झ नरजणम्भहियं । पक्खुम्भेओव पिवीलियाण तंपि हु वहट्टाए ॥ ५ ॥
थेरस्स पयावइपत्थिवस्स पुत्तच्छलेण तं भइ । नूणं विणासपिसुणो समुग्गओ धूमकेउव ॥ ६ ॥
ताहे तिविद्धुणा सो भणिओ बुहत्तणस्स तुह पढमो । पाओ पाउम्भूओ दुव्वयणुल्लांवरूवो किं ? ॥ ७ ॥
किं वा सन्निहियकयंतसंगसंजायनिट्टुरसहावो । निम्मेरं थेर ! समुल्लवेसि वन्नसि समाहण्पं ॥ १ ॥
रणकसवट्टयनिवडियपवरसोडीरिमासुवण्णस्स । अत्तुकरिसो सोहइ नरस्स वन्निज्जमाणोऽवि ॥ ९ ॥
ता संवरेसु वयणं खणमेकं अंतरे परिभमंतु । तुज्झ महच्चिय वाणाऽरिपक्खमहणा महावेगा ॥ १० ॥
आसग्गीवेण पुणो भणिओ डिंभोत्ति मज्झ नो घायं । दाउं खमंति हत्था ताहे पहरसु तुमं पढमं ॥ ११ ॥
तिविद्धुणा भणियं—भो घोडयग्गीव ! पुरा मम तायस्स तुमं सामिसइमुवहंतो ता तयणुवित्तीए चेव अणइकम-

श्रीगुणचंद्र
महावीरच०
३ प्रस्तावः
॥ ५७ ॥

णिज्जवयणोऽसि अओ अवहो होहि एसा निवडइ कयंतदिट्ठि व दुविसहा विसिहपरंपरत्ति भणिऊण आयत्तमा-
कट्टिय कोयंडं रणज्झणाविया पडंचा, मुक्खा सलोहा मम्मावेहिगा खलालिं व निडुरा सरधोरणी, तओ आसग्गीवेण
धणुवेयकुसलयाए अद्धमग्गपत्तेच्चिय खंडिया तिकखलुरुप्पेहिं, पुणरवि कुमारेण भिचोव्व सपक्खो निरवेक्खगामी
खित्तो नारायनिवहो, सोऽवि निप्पुणजणमणोरहोव्व पडिखलिओ आसग्गीवेण, किं बहुणा?—

जं जं सत्थं किंपिवि खिवइ नरिंदस्स संसुहं कुमरो । तंतं आसग्गीवो दक्खत्तणओ पडिक्खलइ ॥ १ ॥
आसग्गीवोऽवि पयंडकोवओ सुयइ पहरणं जमिह । वेज्जोव्व रोगजायं कुमरोऽवि तयं पडिहणेइ ॥ २ ॥
अह भरहवाहुवल्लिणोव्व गाढममरिसभरेण पहरंता । खयसमए राहुसणिच्छरव रेहंति ते दोऽवि ॥ ३ ॥
एवं परोप्परं जुज्झिराण तेसिं पगिट्ठदप्पाणं । सचराचरावि धरणी धरहरिया पयभरकंता ॥ ४ ॥
एत्थंतरंमि अणवरयखिवणओ पहरणुच्चओ सव्वो । आसग्गीवनरिंदस्स निट्ठिओ सुकयरासिव ॥ ५ ॥
ताहे किंकायव्वयवाउलचित्तेण खेयविहुरेण । अविभग्गपसररिउदप्पदंसणुवूढकोवेणं ॥ ६ ॥
आवयधणं व दढपणयचित्तमित्तं व पियकलत्तं व । विसमावडिणं नरवरेण संसुमरियं चक्कं ॥ ७ ॥
अह जलणुब्भडपसरंतकिरणमालासहसपलवियं । जुगविगमुग्गयमायंडचंडमंडलयदुप्पेच्छं ॥ ८ ॥
रुद्धमारुणनयणं व मिलियनीसेसविज्जुपडलं व । आसग्गीवस्स झडत्ति चक्करयणं करे चडियं ॥ ९ ॥

त्रिपृष्ठा श्व-
ग्रीवयो-
र्युद्धम्०

॥ ५७ ॥

तयणंतरं च पहरिसतडत्तितुटंतवम्मबंधेण । तेण विमुकं वहणद्वयाए सिग्घं तिविदुस्स ॥ १० ॥

गंतुं कवाडवियडे वच्छयले तं जवेण कुमरस्स । चिरंदंसणुस्सुयं वल्लहं व तुंवेण संलग्गं ॥ ११ ॥

एत्थंतरंमि दडचकतुंवसंघट्टघायवियलंगो । मुच्छानिम्मिलियच्छो पडिओ धरणीयले कुमरो ॥ १२ ॥

आसग्गीववलेणं ताहे संपन्नवहुपमोएणं । जयजयसहुम्मिस्सो पकओ कोलाहलो सहसा ॥ १३ ॥

तथा—जाव य उग्गीरियविविहपहरणा नावडंति सत्तुभडा । ताव तिविदुक्कुमारेण तक्खणं विगयमुच्छेणं ॥ १४ ॥

भो घोडयगीव ! गओऽसि नासमहुणत्ति संलवंतेणं । तं चिय तस्साभिमुहं मुकं चकं झलहलंतं ॥ १५ ॥

तो तं तालफलंपिव तडत्ति छेत्तूण तिकखधाराए । आसग्गीवस्स सिरं करे ठियं पुण तिविदुस्स ॥ १६ ॥

जह निहयंमि आसग्गीवे हरिसवसविसप्पमाणसमुच्चरोमंचेहिं सहसच्चिय जयजयरवं करतेहिं सुरासुरेहिं सरसपा-
रियायतरुमंजरीनियरसंवलिया सोरभभरगंधलुद्धमिलंतभसलजालमुहला अणवरयविणिंतामंदमयरंदविंदुसंदोहविच्छु-
रियसयलदिसा कमलकुचलयमालइपमुहा मुका पंचवन्नकुसुमवुट्टी, उग्घोसियं च महया सहेण जहा—भो भो पत्थिवा !
परिचयह कोवकंडुं मुयह दुब्बहदुघियणयपणयं परिहरह आसग्गीवपक्खवायं उज्झह असज्झावारं पणमह सवायरेण
तिविदुं, एसो मु एत्थ भरहखेत्ते समग्गवलवंतपुरिसप्पहाणो पुव्वभवसमुवज्जियसुकयसंभारवसविसप्पमाणमहल्लक-
छाणनिहाणो उप्पन्नो पढमो वासुदेवोत्ति । एवं च आयन्निऊण संभंतविलोयणेहिं दूरपरिमुक्कपहरणपबंधेहिं अहमह-

श्रीगुणचंद्र
महावीरच०
३ प्रस्तावः

॥ ५८ ॥

मिगाए पडिक्खलंतमणिकिरीडकोडिमसिणियकमनहनिवहोहिं भालयलघडियकरसंपुडेहिं पंचंगपणिवायपुरस्सरं
पणमिओ पत्थिवसहस्सेहिं तिविडू । विन्नत्तो य—

देव ! परायत्तेहिं जुत्ताजुत्तं अयाणमाणेहिं । अम्हेहिं जमवरद्धं तमियाणिं खमह नीसेसं ॥ १ ॥

कुणह पसायं नियचरणनल्लिणसेवापयाणओ अहं । मोत्तूण तुमं एकं अन्नो नो विज्जए नाहो ? ॥ २ ॥

एयमायन्निऊण तिविडुणा भणियं—भो भो नरेसरा ! किमेवं जंपह ? को तुम्ह दोसो ?, परायत्तचित्ताणं एस-
च्चिय गई, ता सुयह पडिभयं, पसंतडिं वडमराइं भुंजह नियनियरज्जाइं, मम लुत्तच्छायापरिग्गहियाण पुरंदरोऽवि न
पहवेइ तुम्हाणंति । एत्थंतरे तिविडुसेवोवगयनरवइवग्गावलोयणसंपन्नासग्गीवविणासनिच्छयं समागयं तं पएसमं-
तेउरं, दिट्ठो छिन्नगलनाडिनिस्सरंतरुहिरपंकविलुत्तगतो रत्तचंदणकयंगराओव्व उवरि परिब्भमंतपि सियासिपक्खि-
निवारियरविकरपसरो धरियमहप्पमाणल्लत्तोवमं व सन्निहिनिवडियपहाणपुरिसवग्गो अत्थाणगओव्व आ सग्गीवनरिंदो ।
अह अदिट्ठपुव्वं अचंततिकखदुक्खावहं तारिसमवत्थंतरं से पासिऊण अक्कंदिउमारद्धमेवमंतेउरं—

हा हा कयंत ! निक्करुण ! किं तए पाव एवमायरियं ? । जं एवंविहपुहईपहूऽवि एसो हयास हओ ॥ १ ॥

किं एत्तियाहिं निहयाहिं तुज्झ तित्ती न सुहडकोडीहिं । उप्पन्ना निप्पुन्नय ! जमेस रायावि संहरिओ ॥ २ ॥

हे चक्क ! निक्खिव ! कहं सपहुविणासाजसो तए विहिओ ? । तुब्भेहिऽवि किं जक्खा ! उवेक्खियं निग्घिणा एयं ? ॥ ३ ॥

त्रिपृष्ठस्य
जयः अश्व-
प्रीवान्तः पु-
रविलापः

॥ ५८ ॥

हे काल! बद्धवरवंसजाय तुञ्जवि गुणेण किं तेण ? । हा हा रक्खामणिणो वीसत्थविणासगा तुम्हे ॥ ४ ॥

धी धी पुरोहियाहम ! चिरकालं तप्पियं तए जलणं । निलज्ज ! कहसु संपइ असिवं किं जं पडिक्खलियं ? ॥ ५ ॥

हे अंगरक्खवग्गा ! तुम्हेऽविहु कीस संपइ पलाणा ? । हा हा एगए चिय सवंपि परंमुहं जायं ॥ ६ ॥

हा पाणनाह ! संपइ पडिहयपडिवक्खसुहडलक्खंमि । तुमए सग्गोवगए तडक्किही कस्स जयढक्का ? ॥ ७ ॥

हा रायलच्छि ! वेहव्वदूसिए कीस जीवसि इयाणिं ? । इहराणुहवसि दुक्खं दूमिज्जंती कुनाहेहिं ॥ ८ ॥

इय विलविरीहिं निइयताडियथणवट्टतुट्टहाराहिं । वेहव्वदुक्खभरंभज्जिरीहिं पलहत्थवलयाहिं ॥ ९ ॥

अणवरयघोरगलियंसुवाहं रुन्नं तहा मयच्छीहिं । जह तद्देसगएणं रुन्नं पक्खीणवि गणेणं ॥ १० ॥

ताहेऽणुजीविणा परियणेण पम्मुकपोक्करुत्तेण । आसग्गीवसरीरं खित्तं जालाउले जलणे ॥ ११ ॥

एत्थंतरे अंतोउरीजणवेहव्वदुक्खमसहमाणोव्व पयंडरणकम्मदंसणभयभीओव्व तिकखासिखंडियहयरुंडावलोयणु-
त्तट्टरहतुरंगोव्व समीरणुद्दुयरुहिरसीयरासारसंसित्तोव्व आलोहियमंडलो झडत्ति चक्खुगोयरमइकंतो सहस्स-
किरणो, गवलगुलियालिवलयकज्जलतिमिरपडलपडकयावगुंठणा फुरंततारनयणा अणवरयनिवडंतउक्काफुलिं-
गुग्गारच्छलेण मणोइरित्तपरिपीयसुहडजणरुहिरगंडूसं व सुयंती महारक्खसिध्व भयजणणी पसरिया रयणी, ठिओ
नियनियट्टाणेषु जणो, कमेण य जाए पहायसमए भणिया तिविट्ठुणा नियपुरिसा-भो भो गच्छह संगामभूमिं,

श्रीगुणचंद्र
महावीरच०
३ प्रस्तावः

॥ ५९ ॥

निरुवेह पहारपरव्वसे जोहनिवहे करेह ओसहघायबंधाङ्गा परित्ताणं परिमग्गह दुट्टतुरंगमपल्हत्थिए पत्थिवेत्ति-
सम्मं निउंजिऊण(अंतेउरेण)समं समग्गनरवइवग्गपरियरिओ समेओ पोयणपुरं, तओ नयरलोएण कयं वेजयंती,
सहस्साभिरामं ठाणठाणनिवद्धमंचारूढविलासिणीनट्टरमणिज्जं पमुक्कसुरभिपुक्कडुंजोवयारकलियरायमग्गं पहयपडु-
पडहपमुहजयतूरनियरं नयरं पविट्ठो महया विभूइए तिविट्ठू, जहोचियठाणेसु ठिओ सेसो परिवारो । तओ कइवय
वासराइं तत्थ ठाऊण पुणोऽवि समग्गवलकलिओ चक्कत्तधणुमणिमालागयासंखरयणपरिगओ निग्गओ दिसि-
विजयनिमित्तं तिविट्ठू, कमेण पसाहियं भारहद्धखेत्तं, अपणयपुव्वा नामिया पत्थिया, गाहिया सेवावित्तिं, गहियाइं
तेहिंतो करितुरययणपमुहाइं पहाणपाहुडाइं, एवं च नीसेसमंडलाहिवसहस्साणुगम्ममाणमग्गो पेच्छंतो अपुव्वा-
पुव्वनयराइं ठाविंतो अंगवंगकलिंगाइसु अन्नन्नरिंदे पत्तो मगहाविसए, तहिं च दिट्ठा कोडिपुरिसवोज्झा महा-
सिला, सा य भुयवलावलेवओ लीलाए वामभुयदंडेण उक्खिविऊण छत्तगं व धरिया सीसोवरिं, अतुलियवलावलोय-
णहरिसुप्फुल्लोयणेहि य कओ नरवईहिं जयजयारवो, पठियं च मागहगणेहिं, कइं?—

देव ! मणालागारो तुज्झ करो कलियरुंदकोडिसिलो । सिरिधरियधरणिवट्टस्स वहइ सेसस्स समसीसिं ॥ १ ॥
तुह एवंविहलीलाइएण चित्तं न कंपए कस्स । जइ सव्वहावि पत्थरविणिम्मिओ होज्ज सो न जणो ? ॥ २ ॥
इय मागहेहिं णेगप्पयारवयणेहिं संथुणिज्जंतो । मोत्तूणं कोडिसिलं चलिओ राया सपुरहुत्तं ॥ ३ ॥

त्रिखण्ड-
साधनं
कोटीशि-
लोत्पादनं

॥ ५९ ॥

गच्छन्तो य पत्तो दंडगारन्नपरिसरं, तर्हि च खंधावारनिवेशं काङ्गण ठिओ कइवय वासराइं, एगया य रयणी-
 मज्झनिम्भरपसुत्ते सेवगजणे अणुरत्तविरत्तपरिवारचारमुवलंभिउं करकलियचको कयवेसपरियत्तो अणुवलक्खिज्जमाणो
 जामकरिषडारूढेहिं अंगरक्खेहिं नीहरिओ एगागी वासुदेवो निययगुडुराओ, अमुणियपयप्पयारो य इओ तओ
 परिन्भमंतो जाव खंधावारनिवेशमइकमिऊण गच्छइ ताव निसामेइ थेवदेसंतरियं मंदं मंदं कोलाहलं, तं
 च निसामिऊणुप्पन्नकोऊहलो पधाविओ तयभिमुहं, कमेण पत्तो एगं बहलतरुवरसंछन्नं काणणं, तर्हि च पत्तस्स
 उवसंतो सो कोलाहलो, तओ किं विभीसिया एसा? मइविन्भमो वा ममेत्ति जाव चित्तेइ ताव काणणन्भंतराओ
 समुट्ठिओ सदुक्खनरघणियसदो, तदणुमाणेण य पुणो पट्ठिओ तिविट्ठु, अह वच्छत्थलविप्फुरंतकोत्थुभमणिमऊहवि-
 द्दंसियंधयारे जाए तत्थ पएसे थेवंतरगएण हरिणा दिट्ठो रुक्खेण समं विविहबंधणवद्धो पुरिसो, (पुच्छिओ सो
 उचियायरेण) भो को तुमं? केण वा इममवत्थंतरं पाविओसित्ति?, तेण जंपियं-महाणुभाग! निविडबंधणत्तणओ
 न सकेमि परिकहिउं, ता अचणेहि वंधे जेण साहेमित्ति कहिए तिविट्ठुणा चक्केण निकंतिया वंधा, जाओ वीसत्थो,
 भणिउं पवत्तो य-अहो निक्कारणपरमवंधुव्व निसामेहि मम वित्तंतं, अहं रयणसेहरो नाम विज्जाहरो ख्वलावन्नसुं-
 दराइगुणावडिभूयाए सिंहलरायधूयाए विज्जयवईनामाए पुव्वं चियं ब्रहुप्पयारपत्थणाहिं दिन्नाए परिणयणत्थं
 संपयं समग्गसामग्गीसणाहो जाव तत्थ पट्ठिओ ताव एत्थप्पएसे संपत्तो समाणो वाउवेगाभिहाणेण वेरिणा वि-

श्रीगुणचंद्र
महावीरचं
३ प्रस्तावः

॥ ६० ॥

ज्जाहरेण सव्वस्समवहरिऊण दुक्खेण मरउत्ति विभाविंतेण एवं गाढं वंधिऊण चत्तोऽम्हि, तिविड्डुणा भणियं-तुमं
विज्जाहरो होऊण केण कारणेण भूमिगोयरधूयं उव्वोडुमिच्छसि?, तेण जंपियं-महाभाग! अपुव्वं किंपि से रूवं
असरिसं च लायन्नंति, तिविड्डुणा चिंतियं-जइ सच्चं चिय एवंविहगुणोववेया सा ता मम जोग्गा परिणेउंति विभा-
विऊण भणिओ एसो-अहो तुमए उव्वूढावि एसा तेण वेरिणा हीरिही, ता किं निरत्थएण तदुवलंभेण?, विज्जाहरेण
जंपियं-सच्चमेयं जइ तुम्हं सत्ती अत्थि ता तुब्भे परिणेह, परिचत्ता मए इयाणिं, पडिवन्नं तिविड्डुणा, कयप्पणामो
गओ सट्ठाणं विज्जाहरो, हरिणावि सिंहलेसरं अणेगप्पयारेहिं पत्थिऊण परिणीया सा विजयवई धूया, आगओ य
निययपुरं, पडिच्छिओ महारायाभिसेओ, जाया वत्तीसं सहस्सा जुवईणं-

अह निच्चपयट्टविसट्टगीयझंकारमिस्ससुरवरवे । नडचेडचाडुकारयकिंकरनरनियरपरियरिए ॥ १ ॥

सुविभत्तचित्तविच्छित्तिसुंदरे मंदिरे निवसमाणो । अइपडिहयपडिवक्खं तिखंडभरहं च रक्खंतो ॥ २ ॥

भयवसनमंतसामंतमंडलो तरुणिसत्थमज्झगओ । आखंडलोव्व भुंजइ विसए पंचप्पयारेऽवि ॥ ३ ॥

नवरं विजयवईए नामंपिडु नेव गिणहइ तिविड्डु । ईसाविसायवसओ सा य पओसं समुव्वहइ ॥ ४ ॥

एवं वोलंतंमि काले अन्नयां नियमाहप्पनिहयदुब्भिक्खाइदुक्खनिवहो समागओ भयवं सेयंसत्तिथयो, विरइयं
देवैहिं विसालसालवलयपरिक्खित्तं विचित्तमणिमयसिंहासणाभिरामं भवभयत्तसत्तसंताणेकसरणं समोसरणं, तओ

विद्याधर-
मोक्षःविज-
यवत्युद्वाहः

॥ ६० ॥

सायरमिलंतसुरिंदसंदोहधुणिज्जमाणो उवविद्वो सिंहासणे जिणो, एतयंतरे जिणागमणनिउत्तपुरिसेहिं वद्धाविओ तिविद्वु,
कहिओ जिणागमणवइयरो, तओ हरिसभरसमुल्लसंतरोमंचेण य दवावियं पीइदाणं सद्धुवालसकलहोयकोडीओ तेसिं
पुरिसाणं, समग्गवलवाहणो अचलेण समेओ य गओ चासुदेवो वंदणवडियाए, लत्ताइच्छत्तपमुहं जिणाइसयमवलोइऊण
परिचत्तसयलरायचिंधो दूराओ चिय पयचारेण गंतूण तिपयाहिणापयाणपुवयं जयगुरुं नमंसिऊण एवं थोउं पवत्तो—

जय संसारमहोयहिपडंतजणजाणवत्त ! जयनाह ! । परमसिवमोक्खकारण ! रणवज्जिय ! विजियमयमाण ! ॥ १ ॥

निम्महियमोहमाहप्प ! दुट्ठकंदप्पदप्पनिहलण ! । मायाविसवल्लिविणासपरसु जय जय जयप्पवर ! ॥ २ ॥

जय संजमसिरिवल्लह कोहमहाजलणसजलजलवाह ! । जय निम्मलकेवलकलियसयलजीवाइयपयत्थ ! ॥ ३ ॥

जय विणहुकुलंवरपुण्णचंद ! सुररायनमियपयकमल ! । निप्पडिमपसमवरपुरपायार ! गुणोहसाहार ! ॥ ४ ॥

जय करुणामयसारणिसरिच्छ ! निच्छिन्नकम्मदुममूल ! । दुहसेलदलणदंभोलिसरिसनामग्गहण ! देव ! ॥ ५ ॥

नाह ! तुह पायपंकयममंदमयनिवहकंतिमयरंदं । फुल्लंधयं व धण्णो सयाऽवितण्हो समल्लियइ ॥ ६ ॥

को तुह जिणवर ! वयणं जमयं व समत्थदोसहरणखमं । पाऊण कुतित्थियवक्ककलुससलीलं समीहेइ ॥ ७ ॥

जइविहु दूरमसारो संसारो तहवि देव ! तुम्हेहिं । विहरंतेहिं मुणिज्जइ सारो निव्वुइपुरीओऽवि ॥ ८ ॥

आसग्गीवाइनरिंदविजंयलाभाइ(भेऽवि)नेरिसो नाह ! । जाओ ममप्पमोओ जह दंसणमेत्तओ तुज्झ ॥ ९ ॥

तां पसिय भुवणबंधव ! जइवि तुमं सव्हा विगयरागो । नियचरणदंसणणुग्गहेण मम तहवि सेयंस ! ॥ १० ॥
एवं च सुचिरं थोऊण सो तिविट्ठनरिंदो निविट्ठो समुचियट्ठाणे, भगवथावि आजोयणमित्ताणुसारिणीए वाणीए
समारद्धा धम्मदेसणा, जहा-भो भो देवाणुप्पिया ! कहकहवि चिरं संसारकंतरमणुपरियट्ठमाणेहिं तुम्हेहिं पा-
विओ एस मणुयजम्मो, जायं अविकलपंचिदिअत्तणं, संपत्ता निकलंककुलारोगाइया सामग्गी, समुल्लसिया सद्धम्म-
बुद्धी, ता दुगुञ्जह मिच्छत्ताविरइसंगं समीहह संमत्तनाणचरित्तवित्तं पेच्छह पमायपरपाणिगणदुहविवागं अणुचिं-
तह खणदिट्ठनट्ठसरूवयं सव्वभावाणं विमंसह पुणो दुल्लहत्तणं आरियखेत्ताइलाभस्स, अन्नं च—

तुच्छेहियसुहलवमेत्तलालसा कीस वसह निस्संका ? । किं तुम्ह कयंतेणं निब्भयपत्तं सयं लिहियं ? ॥ १ ॥

किं वा केणवि अजरामरत्तणं तुम्ह दावियं ? अहवा । मरणाइदुक्खरहियं ठाणं वा कत्थविय दिट्ठं ? ॥ २ ॥

अहवा सासयभावत्तकारणं किं रसायणं लद्धं ? । जेणूसुगत्तठाणेऽवि गाढमंदायरा होह ॥ ३ ॥

भो भो देवाणुपिया ! सद्धम्मोवज्जणे समुज्जमह । परिहरह पावमित्तेहिं संगतिं दुक्खसयजणणिं ॥ ४ ॥

पडिवज्जह निरवज्जं पव्वज्जं देसविरइमहवावि । निसुणह पसिद्धसिद्धंतदेसणं मोहनिम्महणिं ॥ ५ ॥

अत्तसमं पाणिगणं रक्खह पालेह सीलमकलंकं । साहम्मिएसु रज्जह वज्जह विसएसु य पवित्तिं ॥ ६ ॥

निग्गुणजणं उवेक्खह अत्तुकरिसं सयावि परिहरह । अप्पत्तपुव्वगुणगणमव्वभस्सह नासह कसाए ॥ ७ ॥

संतोसं च निसेवह परपरिवायं कयाचि माऽऽयरह । ईसरिए मा म(जह मा र)जह पावकजेसुं ॥ ८ ॥

दाणाईसु पयट्टह सेवह सुविसुद्धबुद्धिणा गुरुणो । परउवयारे गिज्झह मा मुज्झह बुज्झह सतत्तं ॥ ९ ॥

एवं च भगवओ धम्मकहमायन्निऊण हरिसुप्फुल्ललयणेहिं केहिंवि परिचत्तपुत्तकलत्तेहिं पडिवन्ना सवविरई, के-
हिंवि परिग्गहियं सम्महंसणं, अन्नेहिं अंगीकया देसविरई, अन्ने य छिन्नसंसया जाया वहवे पाणिणो, हलहरनारा-
यणेहिंवि अणाचक्खणिजं पमोयभरमुवहंतैहिं पडिवन्नं सम्मत्तरयणं । अह समइकंताए पोरिसीए वंदिऊण जयगुरुं
गया निययावासं । भयवंपि अन्नत्थ विहरिओ । एवं च वचंतंमि काले अचंतसुहसागरावगाढस्स तिविट्ठुराइणो
एगया समागया परिभूयकिन्नरकंठा गायणा, तेहि य पदंसियं गीयकोसलं, हरियं हिययं तिविट्ठुस्स,
अन्नं च—गीउग्गारो तेसिं जस्स मणागंपि विसइ सवणंमि । उज्झियनियवावारो चित्तलिहिउव्व सो सुणइ ॥ १ ॥

अच्छउ दूरे एयं तिरियाविट्ठु तेसि गेयवसणेणं । निम्मीलियच्छिणो उच्छहंति नो भोयणाईसु ॥ २ ॥

एवंविहसुस्सरयागुणेण हरिस्स ते सयाचि पासवत्तिणो परमप्पसायठाणं जाया ।

अन्नया य सुसेज्जानिसन्नस्स वासुदेवस्स रयणीसमए समारद्धंतेहिं गेयं, जणिओ वाढं चित्तस्स अक्खेवो, निद्दागम-
णकाले य निरुविओ वासुदेवेण सेज्जावालो, जहा—भइ! जया मम निद्दा एइ तथा इमे गायणा तुमं विसजेज्जासि, जं
देवो आणेवइ तं करिस्सामित्ति पडिवज्जियं सेज्जावालेणं, खणंतरेण य आगया राइणो निद्दा, तेऽवि अविसज्जियत्ति तहेव

श्रीगुणचंद्र
महावीरच०
३ प्रस्तावः

॥ ६२ ॥

गाइउमारद्धा, नवरं पच्छिमरयणिसमए पबुद्धेण राइणा ते तथा गायंते निसामिऊण, पुच्छिओ सिज्जावालो-अरे ! कीस
एए न विसज्जिया ? , तेण भणियं-देव ! अइसवणसुहत्तणेणं मए खणंतरं पडिवालिया, एयमायन्निऊण जायगाढकोवो
आगारसंवरं काऊण तुण्हिको ठिओ तिविहू, उग्गए य कमलसंडपडिवोहणे मायंडमंडले उट्टिऊण सयणीयाओ कयपा-
भाइयकायवो निसण्णो अत्थाणमंडवे राया, ठिया य नियनियट्टाणेसु सामंतमंतिसुहडाइणो, एत्थंतरंमि सुमरिओ रा-
इणा रयणिवइयरो, आहूओ सेज्जावालो, भणिया य नियपुरिसा-अरे गीयस्स (रत्तत्तणेण ममाणाभंजगस्सेयस्स) तत्त-
उयतंवरसं खिवेह सवणेसुत्ति, एयमायन्निऊण नीओ सो तेहिं एगंतदेसे, कट्टियतउयतंबयरसेण भरिया कन्ना, महावेयणा-
भिभूओ गओ य सो झत्ति पंचत्तं । तिविहूणावि गाढामरिसवसेण निबद्धं निविडं दुहविवागवेयणिज्जं कम्मं । सावि सिंह-
लेसरसुया ठाणे ठाणे अत्तणो पराभवं पेच्छंती हरिणा वयणमेत्तेणवि अविगणिज्जंती सुचिरमप्पाणं झूरिऊण मया
तिरिएसु य उववन्ना, सेसं उवरि भन्निही । तिविहूवि कालंतरेण विविहसोक्खमणुभुंजमाणो रजे रट्ठे (य) मुच्छाणु-
बंधमुषहंतो नियभुयवलेण सेसपुरिसवग्गमवमन्नंतो विविहपाणाइवायकिरियाए महारंभमहापरिग्गहेहिं अइकूरज्जवसा-
णेण य परिगलियसम्मत्तरयणो नारगाउयं (निकाइऊण) चुलसीईवाससयसहस्साइं सवाउयं पालिऊण कालमासे
कालं किच्चा उववन्नो सत्तममहीए तमतमाभिहाणाए अप्पइट्टाणंमि नरयावासे लक्खपमाणे पंचधणूसियसरीरो
नारगो । अइगाढपावकम्मेहिं पुवभवसंचिएहिं गरुएहिं निहओ विसहतो दुक्खाइं परमतिक्खाइं चाउदिसिनिहुर-

शय्यापा-
लकवधः।

॥ ६२ ॥

वज्रसूलतिक्खस्वग्गभिज्जमाणंगो अइदीणकरुणसइं पइक्खणं विलवमाणो य ।

किं पुव्वभवंमि मए कयंति जेणेरिसंमि ठाणंमि । निबंघयारतमसे उववन्नो कुच्छणिज्जंमि ? ॥ १ ॥

एवं विचिंतयंतो खणे खणे घोरवेयणाभिहओ । पज्जलियगेहमज्झप्पविट्ठपंगुव विलवेइ ॥ २ ॥

अयलोऽवि कयत्तप्पारलोइयकायवो गाढसोगाभिभूओ सुसाणं वं भवणं मन्नमाणो अदिट्ठपुव्वयं पिव पिपयजणं
च अवगणितो विसं विसयं मन्नमाणो वंधुणो वंधणं परिकप्पेमाणो पंवरंतरुसंडमंडिए नंदणवणे कमलकुवलयकल्हा-
रवंधुरासु सरसीसु सिंगारागारचारुवेसासु अंतेउरीसु खणंपि चक्खुमक्खिवंतो कत्थवि रइं अलभमाणो अचंतं संसा-
रासारयं भावेंतो सेयंसत्तित्थयरुवइट्ठधम्मवयणाइं चिंतितो वइरिभवणं व गिहावासं परिचइउकामो सयणोचरोहेण
कइवयवासराइं ठाऊण गओ धम्मघोसायरियसमीवे, वंदिओ परमाए भत्तीए, सूरिणाऽवि दिव्वणाणेण णाऊण तस्सा-
भिप्पायं समारद्धा धम्मदेसणा, जहा—

खणसंजोगविओगं खणपरियदंतविविहसुहदुक्खं । नडनचियव संसारविलसियं चित्तरुवधरं ॥ १ ॥

दद्वूण कों पमायइ जिणिंदधम्मंमि सोक्खहेउम्मि ? । अचंतवल्लहे वा मयंमि को सोयमुव्वहइ ? ॥ २ ॥

जइ एगस्सेव भवेज्ज एत्थ वल्लहजणेण सह विगंमो । ता परिभवोत्ति काउं सोगोऽवि जणेण कीरेज्जा ॥ ३ ॥

जाव य समग्गभरहाहिवावि भरहाइणो कयंतेणं । विज्झविया दीवा इव पवणेण पयंडवेणेण ॥ ४ ॥

श्रीगुणचंद्र
महावीरच-
३ प्रस्तावः

॥ ६३ ॥

तां कीसं कुसलमङ्गणो अट्टाणे चियं कुणंति संतावं ? । नाए वत्थुसरूवे खिज्जंति न जेण सप्पुरिसा ॥ ५ ॥ तीहिं विसेसयं ।

नियजीवियस्सवि जया धरणोवाओ न तीरण काउं । तत्थऽण्णजीवियवे चलंमि कह कीरइ थिरत्तं ? ॥ ६ ॥

इयरजणस्स व सोगो काउं न उ जुज्जए तुह कहंपि ।

किं गिरितरूणि(ण) मंतरमणिलेण चलंति जइ दोवि (अणिलेण गिरितरूणि चलिज्ज नवि मंदरो उ गिरी) ॥ ७ ॥

एसो खु सुद्धबुद्धिस्स विब्भमो जं पियस्स मरणंमि । अकंदणेण सिरकुट्टणेण अत्रणिज्जई सोगो ॥ ८ ॥

उत्तममङ्गण पुण भवविरूवयाऽऽलोयणेण निवेओ । उप्पज्जइ तत्तो चियं विसेसधम्मज्जमो होइ ॥ ९ ॥

इयं चयसु सोगपसरं सरेसु संसारदारुकरवत्तं । पवज्जं निरवज्जं चिच्चा रज्जं च रट्टं च ॥ १० ॥

एयं च समायन्निज्जण ववगयसमग्गसोगसंतावो हलहरो भणिउमाढत्तो-भववं ! सचं तुम्हेहिं करुणापरहि-
यएहिं ममोवइट्टं, ता पस्सिय इयाणिं देह पवज्जं निरवज्जंति बुत्ते पवाविओ सो गुरुणा, सिक्खविओ समणधम्मं,
देसिया दसविहचक्कवालसामायारी, अब्भुवगया य तेण सम्मं । अहं गामागरेसु अण्णडिवद्धो विहरिज्जण किंपि कालं
दुक्करतवचरणोहिं सोसिज्जण सरीरं कम्मनिवहं च पत्तो सो सासयसोक्खं मोक्खंति ॥

तिविट्ठुवि तेत्तीसं सागरोवमाइं अण्णइट्टाणे अणुहविज्जण दुक्खं तुओ समाणो उववन्नो सीहत्ताए एगंमि गिरिकंदरे,
तओ-उम्मुक्कवालभावो विगयासंको समग्गरणंमि । परिभवइ कूरचित्तो जमोव अनिवारियप्पसरो ॥ १ ॥

अचलस्य
वैराग्यं,

॥ ६३ ॥

दारइ गइंदकुंभत्यलाइं अइतिकखनक्खनिवहेण । सारंगकुलं अचलं तासइ गलगंज्जिमेत्तेण ॥ २ ॥

हिंसइ विविहजीवे इय एवं जीविऊण चिरकालं । मरिऊण पुणो जाओ नेरइओ नरयपुढवीए ॥ ३ ॥

छिंदणभिंदणसामलिसूलारोवणपराइं दुक्खाइं । रोमुद्धोसकराइं सुमरणमेत्तेणवि जणाणं ॥ ४ ॥

आमरणंतं सोढुं भमिओ विविहासु तिरियजोणीसु । अह एगत्य भवंमी कम्मखओवसमभावेणं ॥ ५ ॥

लद्धूण माणुस्सत्तं काउं छट्टट्टमाइ तवचरणं । भोगफलमज्जिऊणं उववन्नो देवलोगंमि ॥ ६ ॥

तओ आउक्खएणं चुओ समाणो रिद्धित्थिमियसमिद्धे निरंतरमुप्पज्जमाणजिणचक्खवट्टिवलदेववासुदेवपहाणपुरि-
ससरिए हिए एगवीस(परियरिए एगस)रूवकालपरिकलिए अवरविदेहे खेत्ते मूयाए रायहाणीए धणंजयस्स रा-
इणो सयलंतेउरपहाणाए धारिणीए देवीए चउइसमहासुमिणसूइओ सो तिविहुजीवो कुच्छिसि पुत्तत्तणेण उवव-
न्नोत्ति । समुचियसमए य कयं से पियमित्तोत्ति नामं । वट्टिओ य देहोवचएणं विण्णाणपगरिसेण य, अण्णया य
सो धणंजयराया सरयनिसायरसरिसवयणं तरुणतरणिपडिबुद्धपुंडरियलोयणं मणिखंडमंडियकुंडलुल्लिहियपीणगंड-
मंडलं अकुडिलुत्तुंगनासावंसं बालप्पवालपाडलोद्धसंपुडं कुंदमउलमालासिणिद्धसुसिलिट्टदंतपंतिं पसत्थरेहावलयरहं-
तकंठकंदलं मंसलसुविसालवच्छत्थलं महानयरगोपुरपयंडवाहुदंडं संगयपासोवसोहियसुप्पमाणमज्झभागं विधसिय-
सयवत्तसरिच्छातुच्छनाभिं जचतुरयवट्टियकडिभागं सुरिंदवारणकरकरणिजंधाजुयलं सुपइट्टियलट्टसुकुमालरत्ततलं

श्रीगुणचंद्र
महावीरच०
३ प्रस्तावः

॥ ६४ ॥

चलंतं कुमारं पेच्छिऊण जायपरमसंतोसो पवररायकुलपसूयाओ कण्णगाओ परिणाविऊण पसत्यवासरे रज्जे
अभिसिंचिउं तओ तहाविहाण य सूरीणं पासे पवज्जं पडिवज्जइ । पियमित्तस्सवि अप्पडिहयसासणं रज्जं करित्तस्स
कालकमेण समुप्पन्नाइं चउद्दस रयणाइं, ताणि य इमाणि—

सेणावइ गाहावइ पुरोहिय तुरय वड्ढइ गयित्थी । चकं छत्तं चम्मं मणि कागणि खग्ग दंडो य ॥ १ ॥

एवं सो पियमित्तो समुप्पन्नचक्काइरयणो अणेगनरनाहनिवहपरियरिओ चकरयणदंसिज्जमाणमग्गो विजयज-
त्ताए मागहतित्थाभिमुहं संपत्थिओ, कमेण य तस्सादूरदेसं पत्तो समाणो खंधावारनिवेशं काऊण मागहतित्थाहि-
वस्स देवस्स साहणत्थं अट्टमभत्तं तवोकम्मं पडिवज्जइ, तस्स पज्जंते य हयरहजोहपुरिखुडो जोत्तियपवरतुरंगं चाउ-
ग्घटं रहमारूढो चक्काणुमग्गेण केत्तियंपि भूमिभागं गंतूण कुवियकयंतभूविब्भमं अणेगरयणकिरणजालकच्चुरियदि-
सावल्यं वामपाणिणा सज्जीकयजीवं कोदंडं गिण्हिऊण तहा वज्जसारतुंडं विविहरयणविरइयपंखदेसं मणिविणि-
म्मियचक्कवट्ठिनामचिंधं दाहिणकरेण सरं आयन्नमाकट्ठिऊण मागहतित्थाहिवस्स सम्मुहं मुयइ, सोऽवि सरो दुवा-
लस जोयणाइं गंतूण मागहदेवस्स सहाए निसन्नस्स तस्स पुरओ निवडिओ, तं च सो दट्ठूण निट्ठुरनिडालवट्ठनि-
विट्ठभिउडिभीसणवयणो गाढकोवभरारुणनयणो भणिउमाढत्तो—

रे रे कस्स कयंतेण सुमरियं? कस्स वल्लहं न जियं? । को मज्झ कोवदीवयसिहं व वंछइ पयंगोव? ॥ १ ॥

सिंहादि-
भवाः प्रिय-
मित्रचक्री.

॥ ६४ ॥

किं केणइ भुयबलदप्पिएण देवेण अहव मणुएणं । जक्खेण रक्खसेण व एसो खित्तो सरो होही ? ॥ २ ॥
इय खणमेगं परिचित्तिऊण गिण्हइ सरं सहत्थेणं । पेच्छइ य चक्कवट्टिस्स नामयं मणिविणिम्मवियं ॥ ३ ॥
एवं च ववगयसंसओ उवसंभियकोवविगारो विविहमहामोळ्ळचित्तमणिरयणाभरणनामंकियसरसणाहो पियमित्त-
चक्कवट्टिणो सगासमुवगंतूण मत्थए अंजलिं काऊण य विजएणं वद्धावेइ, भणइ यजहांसहं इयाणि तुम्ह आणा-
निहेसवत्ती किंकरनिविसेसो, ता पडिच्छह इमं पीइदाणंति भणिऊण आभरणाइं सरं च समप्पेइ, चक्कवट्टीवि तं
सक्कारिऊण सम्माणिऊण य सट्ठाणे विसज्जेइ, रहंपि परावत्तिऊण खंधावारमुवांगच्छइ, भोयणाइ काऊण य किंकर-
पुरिसेहिं मागहं देवस्स अट्ठाहियामहिमं कारावेइ । तस्स य पज्जंते चक्काणुमग्गेण खग्गचावन्नारायकणकप्पणिसू-
ललडलिंभिडिमालपमुहपहरणहत्थसुहडसत्थाणुजायमग्गो हत्थिरयणमारूढो नरिंदो कालपीयरत्तपंडुरवण्णाणेगं चिंध-
सहस्सेहिं छायामाणोव अंवरतलं हयहेसियगयगुलगुलाइयरहघणघणाइयरवेहिं वहिरयंतोव जीवलयं वरदामति-
त्थाभिमुहं वच्चइ । कमेण य तहिं पत्तो समाणो पुवविहीए वरदामदेवस्स अट्ठमभत्तं रयणंपहरणं अट्ठाहियामहिमं च
करेइ । एवं पहासतित्थाहिवस्संवि, नवरं पभांसतित्थदेवो मालं मउडं मुत्ताजालं कडगंतुडियाणि यं चक्कवट्टिस्स
पीइदाणं पयच्छइत्ति । तओ पुणोंसि जक्खसहस्सपरिवुडेण अंतरिक्खगएण चक्करयणेण दंसिजमाणमग्गो चक्कवट्टी
सिंधुमहानईए दाहिणिल्लेणं कूलेणं सिंधूदेविभवणाभिमुहं गओ, तत्थवि अट्ठमभत्तं पंगिण्हइ तस्स पज्जंते य सिंधु-

देवीए सुहासणत्थाए चलियं सीहासणं, ओहिनाणमुणियचक्कवट्टिसमागमा य नाणामणिकणगरयणभत्तिचित्ताणि
दोन्नि भहासणाइं कडगाणि तुडिगाणि वत्थाणि पगहिऊण चक्कवट्टिसगासमागया पंजलिउडा विणएण सम-
प्पेइ, रायाऽवि तं सक्कारिय सम्माणिय सट्टाणे विसज्जेइ । तओ पुगरवि चकरणं वेयहपव्वयाभिमुहं गंतुमारद्धं,
रायाऽवि सबलवाहणो तदणुसारेण य(गच्छइ)कमेण य पत्तो वेयहपव्वयस्स नियंवदेसं, तत्थ य खंधावारं निवे-
सावेइ, वेयह्णुगिरिकुमारदेवोऽवि पुव्वनाएण चलियासणो विविहालंकारहत्यो सेवं पडिच्छइ । कइवयदिणाणंतरं च
तिमिसगुहासमीवमुवागयस्स चक्किणो अट्टमभत्तवचलियासणो कयमालयदेवो भालयलविलुलंतकरकमलो झडत्ति
चक्खुगोयरमागओ, थीरयणजोग्गं रयणालंकारं अन्नाणि य विविहाणि भूसणाइं पणामेइ, आणानिहेसं च बहुम-
न्निऊण गए तंमि राया विजयसेणं सेणावइं रयणभूयं सहाविऊण एवं वागरेइ-भो विजयसेण! गच्छाहि तुमं
सिंधुमहानईए पच्चत्थिमिल्लदेसं नगनगरागराइपरिविखत्तं सिग्घं साहिऊण एहित्ति, जं देवो आणवेइत्ति विणएण
सासणं पडिच्छिऊण सेणाहिवो विहियतक्कालोचियमज्जणाइवावारो महापरक्कमो तेयंसी मेच्छभासाविसारओ
विस्सुयजसो पवरकुंजरखंधाधिरूढो सन्नद्धवद्धकवओ उप्पीलियसरासणधणुपट्टो अणेगगणनायगदंडनायगपरिवुडो
धरियधवलायवत्तो चलंतविमलचामरो पहयत्तूरववहिरियदियंतरो सिंधुमहानईतीरमुवागच्छइ ।

ताहे स चम्मरयणं सिंधुमहानइजलंमि वित्थरइ । वारसजोयणमेत्तं नावारूवेण तरणठा ॥ १ ॥

श्रीगुणचंद
महापीरच०
३ प्रस्तावः
॥ ६५ ॥

तो तंमि समारूढो हरिकरिपाइकचक्रपरियरिओ । वीसत्यो पवणवसुलसंतसुमहल्लकल्लोलं ॥ २ ॥
गोपयमिव सिंधुनइं लंघित्ता मेच्छजाइए सवे । आणानिहेसे संठवेइं रयणाइं गिण्हेइं ॥ ३ ॥
सामी ! तुम्हे सरणं गई य एमाइं जंपमाणे ते । ठविउं सट्टाणेसुं विणियत्तइं विजयंसेणो तो ॥ ४ ॥
पियमित्तचक्रवट्टिस्स पायपंकयजुयं पणमिऊण । रयणाइं समप्पइं सो मिलक्खुविजयं च वज्जरइं ॥ ५ ॥
पुणरवि रण्णा भणिओ सेणाहिवईं जहा तुमं भइं । गच्छसु तिमिसगुहाए कवाडउग्घाडणत्याए ॥ ६ ॥
ताहे तहत्ति सम्मं पडिसुणिऊणं समग्गवलकलिओ । गंतुं गुहासमीवे अट्टमभत्तं तवो कुणइं ॥ ७ ॥
अह तिक्खुत्तो पहणइं निविडेणं तिघदंडरयणेणं । ते तिमिसगुहाकवाडे महप्पमाणे वइरघडिए ॥ ८ ॥
दंडाभिधायपरिपेळियाइं कुंचारवं करेताइं । कुकलत्तकहियगुज्झं व ताइं विहडंति वेगेण ॥ ९ ॥
तयणंतरं च वलिउं साहइं सो चक्रवट्टिणो वत्तं । सोऽविं य गयमारूढो समग्गसेणाए संजुत्तो ॥ १० ॥
चउरंगुलप्पमाणं रोगासिवनासणं मणिं घेतुं । चक्काणुमग्गलग्गो तिमिसगुहं विसइं भयराइओ (महराया) ॥ ११ ॥
तत्तो तिमिसगुहंतंधयारविद्धंसणट्टमइगरुए । मंडलगे सो विलिहइं कागिणिरयणेण भित्तीसु ॥ १२ ॥
ताहे मंडलगमऊहजालउज्जोयहणियतिमिराओ । नीहरइं सुहेण समं सेणाए सो गुहाहितो ॥ १३ ॥
इओ य वेयहपरभागवत्तिणो विलाया महापरकर्मा अपरिभूयसामत्था कणगरययधणधनंसमिद्धा नियनियट्टाणेसु

श्रीगुणचंद्र
महावीरच०
३ प्रस्तावः

॥ ६६ ॥

निवसंता बहूणि गंधवनगररुहिरवरिसभूमिकंपपमुहाइं उप्पाइयसयाइं पेच्छंति, तते णं ते ताणि पेच्छंऊण उच्चि-
ग्गा निराणंदा ओहयमणसंकप्पा विणि(दीण)यं पिव अप्पाणं मन्नंता जाव चिट्ठंति ताव सहसच्चिय उक्किट्टिसी-
हनायकलयलरवेण समुद्धमहणसंकं समुप्पायमाणो निसियकरवालसेल्लभल्लिकुंतपहरणकरोहिं सूरुहिं अणुगम्ममाणो
पत्तो तेसिं देसं पियमित्तनरवई, तं च आगयं निसामिऊण ते मिलेच्छा पयंडकोवारुणच्छा परोप्परं संतंति—भो भो
एस कोइ कयंतचोइओ अम्ह विसयं उवद्विउकामो वट्टइ, ता तहा करेमो जहा एस अंतरा चैव विणस्सइत्ति,
एवं संपहारित्ता पीडियदुब्भेयकवया विचित्तपहरणहत्था समुद्धयमगरनरवसहसदूलगरुलाइचिंधा पोरुसाभिमाण-
मुवहंता अहमहमिगाए गंतूण चक्किणो अगगसेत्तेण संपलग्गा जुज्झिउं, तओ य अगगसेणं हयपरकमं निवडियसु-
हडं पडिभग्गरहवरं खंडियजच्चतुरंगवग्गं पडिखलियनरवइजणं तेहिं कयं पेच्छंऊण विजयसेणो सेणाहिवई जाय-
कोवो कमलामेलगनामं आसरयणं आरुहिऊण कुवल्लयदलसामलं सवत्थ अप्पडिहयं नरवइहत्थाओ खग्गरयणं
च गहिऊण ते विलाए चाउदिसिंपि पसरिए पडिखलइ । किं बहुणा?—

तिमिरं व दिणयरेणं भुयगसमूहोव पक्खिराएणं । सेणाहिवेण निहया भीया ते अइगया सगिहं ॥ १ ॥

धेत्तूणं धरसारं पुत्तकलत्ताइयं च मरणभया । अइदूरमवकंता सिग्घं विसमेसु ठाणेसु ॥ २ ॥

ताहे सिंधुनईए कूले परिचत्तसववावारा । उत्ताणा निवसणा अट्टमभत्तं पगिण्हंति ॥ ३ ॥

प्रियमित्रस्य
दिग्विजयः।

॥ ६६ ॥

सत्तुबलहणणहेउं पुर्विंपिय पाडिहेरकरणपरे । सुमरंति एगचित्ता कुलदेवे मेहसुहनामे ॥ ४ ॥

अट्टमभत्तस्संते तत्तो चलियासणा सुरा एंति । गयणंगणमोइन्ना भणंति किं सुमरिया अम्हे ? ॥ ५ ॥

सिट्ठं च चिलाएहिं जह अम्हे रिउवलेण पडिहणिया । ता तुम्हे मुसुमूरह रिउपक्खं अम्ह रक्खट्ठा ॥ ६ ॥

देवेहिं तओ भणियं एसो पियमित्तनाम वरचक्की । काउमिमस्स विणासं अहो न सक्कोऽवि सक्केइ ॥ ७ ॥

तां भो अणंभिभवणिज्जो एस, केवलं तुम्ह पक्खवायमणुसरंतां किंपि उवसग्गेमोत्ति निवेइऊण तेसिं अंति-
याओ ते मेहसुहा अवकमंति, नरवइखंधावारस्स उवरिं मेहनिवहं विउव्वंति, तओ जुगमुसलमुट्ठिप्पमाणधाराहिं
निरंतरं वारिनिवहं संत्तरत्तं जाव मुयंति । पियमित्तचक्खट्ठीऽवि तं तहाविहं पिच्छिऊण दिवचम्मरयणं परामुसइ,
तंपिय खिप्पमेव दुवालस जोयणाइं तिरियं पवित्थरइ, तत्थ सो समत्थोऽवि खंधावारो समारुहइ, पुणोऽवि नरिंदो
नवनवइसहस्सकंचणसलागपरिमंडियं महरिहं विविहभत्तिचित्तं डिंडीरपिट्ठपंडुरं छत्तरयणं खंधावारस्स उवरिं वारस
जोयणाइं समहियाइं वित्थारेइ, मणिरयणं च किरणजालं मुयंतं सरयरविसरिच्छं छत्तमञ्जुभागे ठवेइ, गाहावईवि
चम्मरयणेगदेसंमि तद्विसपइन्ननिष्फण्णपूयाणं सव्वधण्णाणं अणेगकुंभसहस्ताइं उवट्ठवेइ, एवं च सो राया सव्व-
प्पयारेहिं अणुविग्गो चम्मरयणमारूढो छत्तरयणच्छन्नोवरिमविभागो मणिरयणकओज्जोओ गाहावइउवट्ठावियधन्न-
निचओ नियभवणगओव सुहेण अच्छेइ । किं वहुणा ?

श्रीगुणचंद्र
महावीरच०
३ प्रस्तावः

॥ ६७ ॥

नविःसे लुहा न वाही नेव भयं नेव विज्जए दुक्खं । विजयाहिवस्स रण्णो खंधावारस्सवि तहेव ॥ १ ॥
अह पियमित्तनरिंदो संपत्ते सत्तरत्तपज्जंते । चित्तेइ को णु एसो जो मं विह्वइ सलिलेणं ? ॥ २ ॥
एत्थंतरंमि आवद्धपरियरा विविहपहरणसमेया । सोलस जक्खसहस्सा मेहमुहाणं गया पासे ॥ ३ ॥
भणिया य तेहिं रे रे अप्पत्थियपत्थिया धुवं तुम्हे । जं चक्खवट्ठिणोऽविहु उवसग्गं एवमायरह ॥ ४ ॥
ता मुंचह चक्खुपहं अहवा जुद्धत्थमभिसुहा होह । इइ भणिए मेहमुहा गया चिलायाण पासंमि ॥ ५ ॥
साहंति सध्वइयरमसमत्थत्तं च अत्तसत्तीए । नरवइसेवाकज्जे पेसेंति य ते चिलाएऽवि ॥ ६ ॥
अह मुक्ककेसहत्था पहरणरहिया नियंसिओल्लपडा । भयवसविसंतुलंगा गंतूण नमंति ते मेच्छा ॥ ७ ॥
कणगं विचित्तरयणे अन्नंणि विसिट्ठवत्थुमप्पिंति । पडिवज्जिय तस्सेवं नियावराहं च खामेति ॥ ८ ॥
एवं च पवज्जियसेया मिलेच्छा सम्माणिऊण चक्किणा विसज्जिया सट्ठानेसु, सेणावईवि सिंधुमहानईए वीअखंड-
साहणत्थं पेसिओ पुवविहीए, तं च साहिऊण पच्छाऽऽगए तंमि पियमित्तो राया चक्काणुसग्गेण पट्ठिओ वेयट्ठा-
भिसुहं, कमेण य पत्तो पव्वयनियंवदेसं । तओ मणसीकरेइ उत्तरदाहिणसेठिविज्जाहरे, तेऽविय भयखुभियचित्ता
नाणाविहकणगरयणपसुहपहाणवत्थुसमप्पणपुव्वयं नरवइणो सिरसा सासणं पडिच्छंति । सेणावईऽवि पुव्वकमेण गंगा-
महानईपुव्वखंडं साहिऊण पासमल्लियइ ॥

मेघमुखोप-
द्रवः उत्तर-
खंडजयः.

॥ ६७ ॥

पुष्कमेणः पुणरवि खंडगुहं लंघिऊणः नरनाहो । चउरंगवलसमेओ गंगापचत्थिमे कूले ॥ १ ॥

खंधावारनिसेसं काऊणं पवररणपडिपुण्णो । अट्टमभत्तपुरस्सरमह गिण्हइ नव महानिहिणो ॥ २ ॥

मणवंछियत्थकरणेकपचला वइरनिम्मियकवाडा । बहुपुन्नपावणिंजा इमेहिं नामेहिं ते नेया ॥ ३ ॥

नेसप्पः पंडुए पिंगले य तह सवररण महपउमे । काले य महाकाले माणवग महानिही संखे ॥ ४ ॥

एएसिं चिय चक्की निहीणमनिहीणपोरिसारंभो । सकारपुवयं कारवेइ अट्टाहियामहिमं ॥ ५ ॥

गंगापुरत्थिमिहं सेणावइणा दुइज्जमवि खंडं । गाहावइ तत्थ ठिओ भुंजंतो विविहविसयसुहं ॥ ६ ॥

एवं च सो पियमित्तचक्कवट्टी पसाहियछक्खंडो निजियपडिक्खचक्को अप्पणो आणाए ठवेतो नराहिवे दंसंतो

नियपरक्कमं सम्माणंतो सेवगजणं विरयंतो दीणाणाहाण अणवरयदाणं वत्तीसनरवइसहस्साणुगम्ममाणो पडिनियत्तो
मूयानयरीए, पडिच्छिओ दुवालसवारिसिओ महारायाभिसेओ । एवं च कयकायवो वत्तीसाए वत्तीसवद्धनाडयस-
हस्साणं सोलसण्हं जक्खसहस्साणं तिण्हं तिसट्टीणं सूयसयाणं अट्टारसण्हं सेणिप्पसेणीणं चउरासीए तुरगसयस-
हस्साणं चउरासीए पवरकुंजरसयसहस्साणं छण्णउइए मणुसकोडीए वावत्तरीए पुरवरसहस्साणं वत्तीसाए जण-
वयसहस्साणं छन्नउइए गामकोडीणं नवणउइए दोणमुहसहस्साणं चउवीसाए कव्वडसहस्साणं अडयालीसाए
पट्टणसहस्साणं चउवीसाए मडंवसहस्साणं वीसाए आगरसहस्साणं सोलसण्हं खेडसयाणं चउदसण्हं संवाहसह-

श्रीगुणचंद्र
महावीरच०
३ प्रस्तावः

॥ ६८ ॥

स्साणं अत्रेसिं च राईसरसेट्टिसेणावइपमुहाणं जणाणं आणिससरियसारं सामित्तमणुपालितो दिव्वं विसयसुहमणु-
भुंजंतो य कालं बोलेइ ।

एगया य पसंतचित्तो भवणोवरिभूमिगाए ओलोयणगओ जाव दिसावलयमवलोएइ ताव सहसचिय पेच्छइ
गयणंगणे समुत्थियं थेववित्थारं मेहखंडं, तं च-कज्जलभसलगवलकोइलकालिंदीजलसामलं फुरंतविज्जुदंडुडामरं
धंतकलहोयधवलगोपंतिमणहरं समुल्लसंताखंडलगंडीवाडंबरमणिज्जं मंदमंदमुक्कविंदुसंदोहसुंदरं गंधीरगज्जिरंरवतं-
डवियसिंहंडिगणं खणमेगं दिसामुहेसु पसरिऊण सहसचिय समुच्छलियपवलपवणप्पणोलिज्जमाणं सव्वहा पणट्ट-
मवलोइऊण चिंतेइ-अहो केरिसी वत्थुपरिणई? जं तारिसं घणपडलमचंतनयणाभिरामं खणमेत्तमुन्नइं पाविऊण संपयं
सव्वुच्छेयमावन्नं, एयाणुमाणेणं चिय सव्ववत्थूणं एसा गई, खणविगमधम्मो य एत्थ किं पडिवंधडाणं?, का वा रई?
को वा उत्तरोत्तरकायव्वविहाणुज्जमो? कहां वा खणमेत्तंपि वज्झवत्थूसु विस्सासो, अच्छंतु वा वज्झवत्थुणो, जं
इमं सयलमणोरहमंदिरं सरीरं जस्स किर निमित्तं कीरइ करितुरयरहजोहजुवइपुरागरपमुहरज्जंगोवज्जणसमुज्जमो
तंपि उप्पायधम्मत्तणेण पच्चक्खदिट्ठविणट्ठमेहमालं व ध्रुवं विणस्सरसीलं, अओ कुसला कहमेयस्स निस्सार-
पोग्गलचओवचयरूवस्स अट्ठिमिंजवसारुहिरमंससुक्काइविलीणकारणसमुब्भवस्स विविहरोगनिवहपरिग्गहियस्स पइ-
दिवसण्हाणविलेवणभोयणपमुहोवयारपरिपालणिज्जस्स सीयतावायंकाइदोसरक्खणिज्जस्स परमदुगुच्छणिज्जगंधस्स

चक्रिकादिः
वैराग्यं च.

॥ ६८ ॥

असुइपडिपुण्णकलसस्सेव वाहिरमेत्तरमणीयस्स दुज्जणचेट्टियस्सेव अचियारसुंदरस्स महानरिंदस्सेव विसिद्धविस-
 याणुरागिस्स दुद्धपाणपरव्वसमज्जारस्सेव अणवेक्खियपयंडजमदंडाभिघायस्स विविहप्पयारेहि उवलालणत्थं गि-
 ण्हंति रज्जं करेति निरवेक्खचित्ता पाववावारं सयाचि रक्खणत्थं विविहपहरणहत्थं धरेति सुहडसत्थं अणवरयसं-
 तावकरं कोहलोहाइवेरिनियरं निच्चं पचासन्नट्टियंपि अणवेक्खिऊण जोयणसहस्संतरियं संकंति सत्तुनिघहं सक-
 ज्जमत्ताणुरागिणंपि निक्खडपेम्मं मण्णांति परियणं अवस्संभाविनिहणंपि धुवं लक्खंति धणं, ता अहो तेसिं पम-
 त्तचित्तया अहो निधिवेयया अहो महामोहमहिमया अहो इहलोयपडिवंधपरव्वसया अहो आगामिदुक्खनिरवे-
 क्खया अहो दुहविवागावलोयणपडिकूलया, इइ चिंतयंतस्स पढियमेगेण कालनिवेयएण वेयालिएण—

विच्छायं पच्छिमासागयमिममहुणा सूरविंवं मिलंता, रोवंति वाऽलिजालुब्भडरवमिसओ पुंडरीयाण संडा । कंदंते
 चक्कवाया गुरुविरहमंहादुक्खसंतत्तंगत्ता, धी संसारो (संसारो धी) असारो जमिह फुडमहो सासयं नत्थि किंपि ॥१॥

राइणाऽवि एवमायत्त्रिऊण चिंतियं अहो अणिच्चयाए संवद्धं साहु पढियं एएण, जुत्तो संपयं मम धम्मज्जमो काउंति
 निच्छिऊण पसुत्तो रयणीए । ततो खणे खणे भवनिग्गुणत्तं पेहमाणस्स पाणिवहपमुहाइं दुक्कियाइं गरिहंतस्स संसारुव्वेयं
 वहमाणस्स सुहिसंवद्धं वंधणं व गणेतस्स भोगे भुयंगेव परिकप्पितस्स मायंदजालं व जीवलोयविलसियमवलयंतस्स
 विसालसेजाएचि तल्लुवेळिं करेतस्स कहकहवि बोलीणा रयणी, समुग्गओ दिवायरो । एत्थंतरे पढियं मागहेण—

श्रीगुणचंद्र
महावीरच०
३ प्रस्तावः
॥ ६९ ॥

पडिहयपडिवक्खं चकदिनेकसोक्खं, मिउकररमणिज्जं सज्जणासंसणिज्जं ।
तुममिव रविविंवं पुवसेलावलंवं, उदयमिममियाणिं जाइ दोसेकहाणिं ॥ १ ॥

इमं च उदयसद्वसुंदरं सिलोगमायन्निऊण संभावियापुव्वलाभो नरवई समुट्टिऊण सयणिज्जाओ कयपाभाइयकायवो
निसन्नो सीहासणे । एत्थंतरे समागया उज्जाणवाल्या, कयप्पणामा चिन्नविउमाठत्ता य—देव! वद्धाविज्जह तुव्वे
जेण समागया भगवंतो बहुसीसगणसमेया पोट्टिलाभिहाणसूरिणो, समोसरिया य तुम्ह उज्जाणेत्ति । एवमायन्नि-
ऊण निव्वरं पमोयभरमुव्वहंतो दाविऊण तेसिं चिंताइरित्तं पारिओसियं पवरवारणखंधाधिरूढो सव्वपरियणस-
हिओ महाविभूईए गओ चकी उज्जाणे, वंदिया सव्वायरेणं सूरिणो, उचविट्ठो य जहासन्निहियधरणीए,
जोडियकरसंपुडेण साहिओ गुरुणो मेहविगमदंसणुव्वभूओ सद्धम्मसमुज्जमसंमुहो नियचित्तपरिणामोत्ति, गुरुणा भणियं-
भो महाराय! कुसलाणुसारिणी तुज्झ बुद्धी, संपन्नो कम्मविचरो करकमलं निलीणा मोक्खलच्छी, जस्स तुह एवं-
विहा वासणा, ता महाराय! तिविहा पुरिसा भवंति, तंजहा—उत्तिमा मज्झिमा जहन्ना य । तत्थ—

उत्तमपुरिसा भवभंगुरत्तणं जाणिऊण णियमईए । परिचत्तगिहकलत्ता परलोयहियं पवज्जंति ॥ १ ॥
गरुयं रोगायकं तहाविहंपि अ विओगदुक्खं च । दट्टूण मज्झिमा पुण कहमवि लग्गंति जिणधम्मो ॥ २ ॥
जे उ जहन्ना ते सव्वहांवि त्रिविहावईनिमग्गावि । दुक्खसयपीडियाविडु न मुत्तिमग्गंमि लग्गंति ॥ ३ ॥

करुणोयहिष्वा गुरुणा भणिज्जमाणावि विधिहवयणेहिं । अच्छउ काउं धम्मं सहहिउंपि यि न सकंति ॥ ४ ॥
इय मज्झिमा जहन्ना य हुंति धम्माहिगारिणो नः तथा । जह मुणियभवसरूवा सभावओ उंत्तिमा पुरिसा ॥ ५ ॥
ता भो महायस ! तुमं जोग्गो सवण्णुभणियधम्मस्स ॥ संपइ करेसु सहलं एयायरणेण नियजीयं ॥ ६ ॥
नहि विन्नायसरूवे चिंतामणिपमुहदिव्वरयणंमि । अग्गहणिच्छा जायइ क(इ)यावि (वि)सुद्धिबुद्धीणः ॥ ७ ॥

अन्नं च-जललवतरलं जीयं सुरिंदकोदंडविभमं पेमं । गयकण्णतालचवलं पुण्णंपि सरीरलायणं ॥ ८ ॥

मारुयपणुण्णपण्णं व भंगुरं सुंदरंपि तारुण्णं । आवयलक्खनिमित्तं वित्तंपि कंहंपि पविढत्तं ॥ ९ ॥

एएसिं एक्केकंपि नूण वेरग्गकारणं गरुयं । सुहबुद्धीणं जायइ किं पुण सवेसि समवाओ ? ॥ १० ॥

अच्छरियमिमं जे एरिसेहिं संवेगभावहेऊहिं । निच्चं विज्जंतेहिवि न मोक्खमग्गे पयट्टंति ॥ ११ ॥

किं बहुणा कुणसु तुमं संपइ सद्धम्मकम्मपडिवंत्तिं । बहुविग्घो सेयत्थो कालविलंबो न ता जुत्तो ॥ १२ ॥

एवं सोचा चक्कवट्टिणा भावसारं चलणेसु निवडिऊण भणिओ गुरु-अघितहमेयं, इयाणिं समीहामि अगाराओ
अणगारिथं पडिवज्जिउं, गुरुणा भणियं-भइ ! मा पडिवंधं करेसु, जुत्तमेयं तुम्हारिसाणं मुणियपरमत्थाणंति बुत्ते
वंदिऊण गुरुं गओ नयरीए चक्कवट्टी । समाहूया नायरयमंतिसामंतसेणावइपमुहपहाणपुरिसा, भणिया य-भो भो
इयाणिं जाया अह गिहपरिच्चायबुद्धी, काउं वंछामो निग्गंधपावयणपडिवत्तिं, ता खमियधं तुब्भेहिं जं मए पुरा

श्रीगुणचंद्र
महावीरच०
३ प्रस्तावः

॥ ७० ॥

निओइया आणानिहेसे, काराविया सेवाविहिं, पीडिया समहिगकरगहणेणत्ति, तेहिं भणियं-देव !
वज्जोवलेहिं घडियं हिययं अम्हारिसाण निब्भंतं । जं एरिसाइं वयणाइं तुम्ह सोउं न विहडेइ ॥ १ ॥
जणणीजणगा जेणं पढमं उवगारिणो परं जाया । परसुत्तरुत्तरगुणेषु नूणं अम्हे तए ठविया ॥ २ ॥
ता कह इयाणिं तुह चरणकमलसेवाविवज्जिया गेहे । निग्घिणचित्ता अम्हे निवसंता नेव लज्जामो ॥ ३ ॥
जह तुम्हे तह को वा अवराहपयं तित्तिक्खिही अम्ह । जह इहलोए तह परभवेऽवि ता नाह ! तं सरणं ॥ ४ ॥
एवं भणिए राइणा वुत्तं-जइ एवं ता निययगेहेसु गंतूण सट्ठाणे पुत्ते ठविऊण य कयसयलकायवा पवरसिविगा-
धिरूढा ममंतियं पाउब्भवह, तहत्ति पडिवज्जिऊण गया ते सगिहेसु, कयं तक्कालोचियं किच्चं, राइणावि
अभिसित्तो नियरज्जे पुत्तो, समप्पिया करितुरगाइणो, कयमज्जणालंकारपरिग्गहो य चारुसिविगाधिरूढो तेहिं सवेहिं-
वि पव्वजागहणाभिलासीहिं परिवुडो दिज्जंतेषु अणिवारियप्पसरं कणगाइदाणेसु वज्जंतेषु चउद्विहतूरेसु नच्चंतेषु तरुणि-
सत्थेषु थुणंतेषु मागहनिवहेसु गओ उज्जाणं, ओयरिओ सिविगाओ, तिपयाहिणीकाऊण वंदिओ सूरी परिचत्ता-
भरणस्स य दिन्ना से गुरूहिं पव्वजा, अंगीकया य तेण भावसारं । अह पडियजिणिंदुद्धिट्ठिसिद्धंतसत्थो गुरुजणपय-
आराहणुज्जुत्तचित्तो परिहरियपमायुम्मायमायापवंचो बहुविहतवकम्मासेवक्खीणदेहो ॥

विमलगुणकलावं अज्जिणंतो जिणंतो, कुसुमसरपमोक्खं वेरिवग्गं समग्गं ।

प्रियमित्र-
दीक्षा,

॥ ७० ॥

नियजियमिव सन्वे पाणिणो रक्खमाणो, खणमिव अचयंतो सुत्ततत्तथचित्तं ॥ १ ॥

सुहदुहमणिलेडूसत्तुमित्ताइएसुं, तुलमिव समरूवं चित्तवित्तिं धरिंतो ।

तिणमिव पडलग्गं छंडिउं सवसंगं, विहरइ वसुहाए निप्पकंपो महप्पा ॥ २ ॥

तो वासकोडिमेगं पव्वज्जं पालिऊण. कयमरणो । सुक्कंमि देवलोए जाओ देवो महिड्डीओ ॥ ३ ॥

इय वीरनाहचरिए सुपवित्ते दुक्खदारुकरवत्ते । सिवपुरसंमुहपत्थियमंगलकलसेक्कवरसउणे ॥ ४ ॥

उसभजिणकहियहरिचक्कवट्टिपयपवरलाभपडिवद्धो । जणमणविम्हयजणणो संमत्तां तइयपत्थावो ॥ ५ ॥ जुम्मं ॥

(इति तइओ पत्थावो)

चतुर्थः प्रस्तावः

हरिचक्कवईण इमा भणिया वत्तवया पयत्तेणं । एत्तो नंदणनरवइवित्तंतं मे परिकहामि ॥ १ ॥

अत्थि सयलवसुंधरारमणीरयणकन्नपूरोवमा वेसमणरायहाणिविन्भमा छत्ता नाग नयरी, तत्थ धम्मराओ नयमंगपव्वत्तणेण कयंतो कोवेण अज्जुण्णो कित्तीए वलभहो भुयवलेण मयलंछणो सोमयाए दिणयरो पयावेण पवणो सरीरसामत्थेण गुरु गुरुवुद्धिविभवेण महुमहो वलिसत्तुदमणेण वम्महो रूवेण सयलजयपायडजसो जियसत्तू नाम राया, तस्स थ मयरद्धयपणइणीसमइरेगरूवविभवेऽवि विगयदप्पा इत्थिभावेऽवि दूरपरिचत्तमाया जहत्थाभिहाणा

श्रीगुणचंद्र
महावीरच०
४ प्रस्तावः

॥ ७१ ॥

भद्रा नाम देवी, तीए सद्धिं अणुरुवविसयसोक्खमणुहवंतस्स राइणो वच्चंति वासरा, अन्नया य सो पियमित्तो
आउयक्खएणं देवलोगाउ चइऊण समुष्पणो तीसे पुत्तत्तणेण, कयं च समुच्चियसमए नंदणोत्ति नामं, धवल-
पक्खससहरव वड्ढिओ सरीरेणं कलाकलावेण य । अन्नया पिउणा जोगोत्ति कलिऊण निवेसिओ नियपए, जाओ
सो नंदणो राया, पुव्वप्पवाहेण पालेइ मेइणीं । एवं च तस्स निज्जिणंतस्स सत्तुनिवहं इंदियगणं च वित्थारंतस्स
दिसामुहेसु निम्मलं जसप्पसारं गुणनिवहं च पणासंतस्स दोससमूहं पिसुणवग्गं च नितस्स समुन्नइं कोसं बंधुजणं
च परिपालितस्स साहुलोयं गुरुजणोवएसं च समइकंताइं चउवीसवाससयसहस्साइं । अन्नया य बाहिरुज्जाणे समोसढा
भयवंतो भीमभवजलहितरणतरंडा विसुद्धसन्नाणाइगुणरयणकरंडा मोहमहामल्लपेळणपयंडा कुमयतमोसुसुमूरण-
चंडमायंडा मिच्छत्तंधजगअवलंबणेकदंडा पडिवोहियभविद्यकमलखंडा सुगहियनामधेया पोट्टिलाभिहाणा थेरा,
तओ सो राया विण्णायतदागमणो वियसियवयणो समुल्लसियकवोलो वियंभियसवंगरोमंचकंचुओ समागओ वंद-
णत्थं । तओ तिपयाहिणीकाऊण पढमदंसणुच्छलियहरिसपगरिसविप्फारियाणं धवलदिट्ठिवायाणं छलेण विल-
सियसभमरसियकुसुमेहिं पूयापन्भारंपिव सव्वंगियं गुरुणो करेमाणो पयलंतनयणाणंदजलेण पक्खालेउसुवड्ढिओव्व
चरणे चरणेकरसियमाणसो माणसोयरहिओ हिओवएसोवलंभकामो कामोवघायसूरस्स सूरिणो निवडिऊण चलणेसु
परमपमोयमुव्वहंतो भणिउमाढत्तो—

नन्दन-
जन्मादि०

॥ ७१ ॥

यज्विहरहरिसुराणंपि अज्ज मन्नामि अप्पयं अहियं । जं तुम्ह पायपउमं दुल्लहलंभं मए पत्तं ॥ १ ॥
 ते दूरनिरंतरवित्थरंतसुहनिवहभाइणो मणुया । जे तुम्ह चलणकमले कुणंति भसलत्तणं धन्ना ॥ २ ॥
 जीविज्जइ कज्जि एत्तियस्स तुच्छेऽवि जीवलयंमि । जेण किरं कहवि तुम्हारिसेत्थ दीसंति तित्थसमा ॥ ३ ॥
 उव्वहउ मही भुवणत्तएवि पयडं वसुंधरा नामं । जा अज्जवि तुम्ह सरिच्छपुरिसरयणाइं धारेइ ॥ ४ ॥
 इय युणिकुणं विरए भत्तीए नंदणे नरिंदमि । जोगोत्ति कलिय कहिउं पारद्धो सूरिणा धम्मो ॥ ५ ॥
 भो नरवइ । संसारे सुचिरं परिभमिय दुक्खसंतत्ता । नरयाइगईसु केऽवि पाणिणोऽणंतकालेणं ॥ ६ ॥
 बालतवायरणाओ अहवावि अकामनिज्जरवसेण । पावंति माणुसत्तं कहकहवि हु रिद्धिसंजुत्तं ॥ ७ ॥ जुम्मं ॥
 पत्ते य तंमि अविगणियभवभया चत्तधम्मपडिवंधा । हीलियधम्मायरिया उवहसियविसिद्धजणचेट्ठा ॥ ८ ॥
 विसएसे पसज्जंती पाणिंवहाईसु संपयट्ठंति । भंगुरमवि ससरीरं मन्नंता सांसयं मूढां ॥ ९ ॥ जुम्मं ॥
 अज्जे पुण मणवंछियभोगुवभोगोवलंभभावेऽवि । आणिस्सरियपहाणे विस्संभरनायगत्तेऽवि ॥ १० ॥
 विसयवामूढाविहु धम्मगिरं सुणिय धम्मगुरुमूले । नरवइ ! नरसिंहो इव पव्वज्जं संपव्वज्जंति ॥ ११ ॥ जुम्मं ॥
 अहवा पुण्णवंसज्जियरज्जदुगुहामलच्छिविच्छडो । नरविकमनरनाहो तस्सेवं सुओ महासत्तो ॥ १२ ॥
 एए श्विय महणिज्जा पवरं एयाण चेव पुरिसत्तं । जेसिं जणविम्हयकरं चरियं सलहिज्जइं जयंमि ॥ १३ ॥

श्रीगुणचंद्र
महावीरच०
४ प्रस्तावः

॥ ७२ ॥

इमं च सोचा नंदणनराहिवेण जंपियं-भयवं! को एस नरसीहो? को वा तस्स सुआ नरापकमाः ॥ १ ॥
एसो रज्जदुगं लद्धणवि पव्वजं पवन्नोत्ति सवित्थरं साहेह, महंतं मे कोउगं, सूरिणा जंपियं-निसामेहि ।
अत्थि कुरुविसयतिलयभूया अदिट्टपरचक्कभया जणनिवहाणुगया जयंती नाम नयरी,
पालेइ तं च ससहरसरिच्छपसरंतकित्तिपम्भारो । निष्पडिमपयावकंतसत्तुपणिवइयकमकमलो ॥ १ ॥
उत्तुंगतुरयसिंधुरपकलपाइक्कचक्कवलकलिओ । सक्कोव्व सुरपुरिं परमविक्रमो राय नरसिंधो ॥ २ ॥
विसमच्छो इत्थीलोलुओ य दुग्गाववद्धनिचरई । जस्स हरोऽवि न सरिसो तस्स समं कं जणं भणिमो? ॥ ३ ॥
तस्स य नीसेसअंतेउरप्पहाणा वयणलायण्णावगणियपडिपुण्णचंदमंडला सललियवेल्लहलगइविजियराय-
हंसा कुम्मुण्णयकमलकोमलपाडलचलणजुयला रायहाणिव्व मयरद्धयनरनाहस्स विसालसालव्व विमलसीलसाली-
णयामहामोल्लभंडस्स मंजूसव्व सव्वरइसोक्खमणिखंडभंडारस्स चंपयमाला नाम भारिया अहेसि, जीसे भंगुरत्तणं
तिरिच्छच्छिविच्छोहेसु न धम्मकम्मुच्छाहेसु तरलया विमलमणिमुत्ताहारे न विसिट्ठलोयववहारे तणुत्तमुदरस्स न
सरस्स कुडिलत्तं केसकलावस्स न सप्पणयालावस्स, अवि य—

नियरुवविजियसुरवहुजोव्वणगव्वाए कुवलयच्छीए । उव्वडसिंंगारमहासमुद्दुद्धरिसवेलाए ॥ १ ॥

को तीए भणियविम्भमनेवत्थच्छेययागुणसमूहं । वण्णेउ तरइ तूरंतओऽवि जीहासएणंपि ? ॥ २ ॥

नरविक्रम-
चरित्रं.

॥ ७२ ॥

तथा-नियचक्रसंधिरक्खणवियक्खणो पयइपालणाभिरओ । अन्नोऽन्नत्रद्वपणओ दूरं संतोससारो य ॥ ३ ॥
 गुप्पणिहियपणिहियओ पमुणियरिउचक्कगुविलवावारो । पडुभत्तो गुणरागी निवूढभरो महारंभो ॥ ४ ॥
 एक्केकपहाणगुणो मंतिजणो बुद्धिसारपमुहो से । अत्थी समत्थनयसत्थ(नि)समणचित्थरियमइपसरो ॥ ५ ॥
 अणवरयमसुरकीरंतडमरभयविदुरसुरवहूसुहडं । हीरंतपवररणं जो सोच्चा तियसरायपुरिं ॥ ६ ॥
 उवहसइ सुरगुरुंपिव सबुद्धिमाहप्पपडिहयविपक्खो । तस्स किर मंतिवग्गस्स भणसु केणोवमं कुणिमो ? ॥ ७ ॥ जुम्मं ।
 एवंविहगुणे मंतिजणे समारोवियरज्जचिंतामहाभरस्स लीलाए च्चिय धरं धरंतस्स गामागरनगराउलं धरणिमंडलं
 वसमुवर्णितस्स जायमरणभयवामोहं दुइंतसामंतसमूहं पवत्तयंतस्स दीणाणाहजणमणोवंछियपूरणेक्कपच्चलाओ महा-
 दाणसालाओ कारितस्स तुंगसिंगोवहसियहिमसेलसिहरसिंगाइं मयणाइमंदिराइं निसामितस्स धम्मत्थपयासण-
 समत्थाइं समयसत्थाइं आराहितस्स दुक्करतवचरणसलिलपक्खालियपावमलाइं गुरुचरणकमलाइं निवारितस्स ज-
 णियजणवामोहं धम्मविरोहं सम्मारणितस्स गुणगणोदग्गं पणइसयणवग्गं पुवज्जियसुकयसमुब्भवंतचिंताइरित्तसो-
 क्खस्स पुरिसत्थसेवणञ्जुयस्स नयविणयवंतस्स दाणाणंदियवंदिजणसंदोहुग्घुट्टलट्टचरियस्स वोळित्ति वासरा तस्स
 राइणो भुयणपयडस्स । अन्नया य विचित्तचित्तमणहरंमि मंदिरंमि पच्छिमरयणीसमए सुहसेज्जाए सुत्तस्स तस्स
 मंदीभूयंमि निहापसरे वियक्खणेण पडियमेक्केण जामरक्खगपुरिसेण—

जे पुत्रपुरिसवंसप्परोहगाढप्परूढमूलसमं । वेरिकुलकमलनिहलणकुंजरं सयलगुणनिलयं ॥ १ ॥
पुत्तं ठविउं नियए पयंमि पडिवन्नसंजमुज्जोगा । इह परभवे य कह ते पाविति न निव्वुइं पुरिसा ? ॥ २ ॥ (जुम्मं)
एवं च सोचा चिंतियं रत्ना-अहो दुल्लंभमेयं, जओ मम एत्तियकालेऽवि पउरासुवि पणइणीसु न एकस्सवि कुलालं-
बणस्स पुत्तस्स लाभो जाओ, अच्छउ सेसं, एवं ठिए य किं करेमि ? किं समाराहेमि ?, कत्थ वच्चामि ? कस्स
साहेमि ? को उवाओ ? के वा एरिसकज्जे सहाया ? को य मे पुरिसयारो ? का वा पुत्रकम्मपरिणइत्ति खणं किं-
कायवयमूढयं अणुभविय तव्वेलं चेव अंगीकयसत्तभावो एवं सम्मं परिभाविउं पवत्तो-

परलोयपवत्ताणं जइवि सुएहिं न होइ साहारो । जं सवंसय उवरिं गओवि नगओ दुहं कुणइ ॥ १ ॥
तहविय पुत्रनराहिवसंतइवुच्छेय दुक्खमक्खिवइ । मज्झ मणो पुत्रनरिंदरक्खिओ कुरुजणवओ य ॥ २ ॥ (जुम्मं)
एत्थंतरे जायाइं समुद्धियभारुंडकारुंडवहंसचक्कवायकुलकोलाहलाउलियाइं दिसिमुहाइं वियलंतपभापसरो वि-
च्छाईभूओ तारयानियरो पसरिया सिंदुररेणुपुंजपिंजरा सूरसारहिपभा ताडियाइं पडहसुरवझल्लरिभंभाभेरीभंकार-
भासुराइं पभायमंगलतूराइं समुग्गओ कमलसंडपयंडजडुविच्छडुखंडणुडामरकरपसरो दिणयरो, तओ उट्टिऊण स-
यणिज्जाओ निस्सरिओ वासभवणाओ कयपाभाइयकिचो अंगरक्खपीढमद्दप्पमुहपहाणपरियणाणुगओ अत्थाणीमंडवे
गंतूण राया अणेगमणिकिरणविच्छुरियंमि सूरुव पुत्रपवयसिहरंमि कणयसिहासणंमि निविट्ठो, तयणंतरं च ठियाओ

उमपपासेमु चामरगाहिणीजो निविट्टा य नियनियट्टाणे मंतिसामंतसुहडखंडरक्खपामोक्खा पहाणपुरिसा पडि-
 ण्ठियाइं पगंतरायपेसियमहरिहपाहुडाइं चिंतियाइं रज्जकजाइं, खणंतरे य पेसियनीसेससामंतपभिइजणो कइव-
 यपहाणजणपरियरिओ एगंतट्टिओ रयणिवइयरं बुद्धिसारपमुहाण मंतीणं संसिऊण पुच्छिउमेवं समारद्धो-भो
 मंतिणो ! गुणह तुग्गे समयसत्वाइं बुज्झह तंतमंतपडलाइं पज्जुवासह विज्जासिद्धे सयंपि सवोवहासुद्धबुद्धिणो विवे-
 पह गुविलंपि कज्जजायं, ता साहह कहमिमस्स सुयलाभचिंतासायरस्स पारं वच्चिस्सामोत्ति ? खणंतरं च चिंतिय
 जुत्ताजुत्तं भणियं मंतिवग्गेणं-देव ! सुट्टु सट्टाणे समुज्जमो, अम्हे पुरावि देवस्स एयमट्टं विन्नविउकामा आसि,
 तंपयं पुण सयमेव देवेण सिद्धे लट्ठं जायं, किं तु देवो अम्हे उवायं पुच्छइ, तत्थ य किं साहेमो ?

अइदिघनाणनयणोवल्लभरूयंमि एत्थ वत्थुंमि । कमुवायविहिं भणिमो ? किं वा पञ्चुत्तरं देमो ? ॥ १ ॥

आगारिणियगइभणिइगोथरं मिणइ मारिसो अत्थं । एवंविहे य कज्जे अम्हं को बुद्धिवावारो ? ॥ २ ॥

एयं पुण जाणेमो नियनियकम्माणुरूवठाणेसु । जीवा उवायविरहेवि होंति पुत्ताइभावेणं ॥ ३ ॥

हसिऊण भणइ राया जइ एवं जणणिजणगविरहेऽवि । गयणंगणे पइक्खणमुववज्जंतीह किमजुत्तं ? ॥ ४ ॥

कम्मपहाणत्तणओ ता मा एगंतपक्खमणुसरह । जं दवखेत्तकालावि कारणं कज्जसिद्धिमि ॥ ५ ॥

अह भालयलमिलंतकरकमलं जं देवो आणवेइ अवितहमेयंति मन्निऊण बुद्धिसारपमुहो मंतिवग्गो भणिउमा-

ठत्तो—देव ! जइ एवं ता निसामेहि, अत्थि इहेव साहियपयंडचंडियाविज्जो मुंडमालालंकियविग्गहो निउणो पि-
सायसाहणेसु साहसिओ साइणीनिग्गहे कयकरणो खेत्तवालावयारेसु खोदकखमो कन्नविज्जासु ओसहीसहस्ससंपि-
ट्टरसायणपाणपणासियजराविहुरो विवरपवेसपरितोसियजक्खिणीलक्खपरिभोगप्पयारपरूवणपंडिओ महव्वइयवे-
सधारी घोरसिवो नाम तवस्सी ।

अवि य—आगिट्ठंमि पगिट्ठो खुन्नो पन्नगमहाविसुद्धरणे । विक्खेवकरणदक्खो अमूढलक्खो वसीकरणे ॥ १ ॥

जं सत्थेसु न सिट्ठं बंधुरबुद्धीहिं पुव्वपुरिसेहिं । जं नो पुव्वकईणवि कहिंपि मइगोयरंमि गयं ॥ २ ॥

जुत्तीहिवि जं विहडइ सुयंपि जं सद्वहंति नो कुसला । जं सुइरंपि हु दिट्ठं संदिज्जइ तंपि दंसेइ ॥ ३ ॥ (जुम्मं)

भणइ य अत्थि असज्झं मज्झं भुवणत्तएवि नो किंपि । जइ सो एयसमत्थो एत्थवि देवो पमाणंति ॥ ४ ॥

एवं सोचा रत्ता कोउहलेण भणिया पहाणपुरिसा—अरे आणेह तं सिग्घमेव, जं देवो आणवेइत्ति भणिऊण
निक्खंता ते य रायभवणाओ, गया तस्सासमपयं, पणमिऊण निवेइयं से आगमणप्पओयणं, तओ हरिसुप्फुल्लो-
यणो कयक्खिच्चमप्पाणं मन्नंतो तो चलिओ घोरसिवो रायपुरिसेहिं समं, पत्तो य रायभरणं, दुवारपालनिवेइओ गओ
रायसमीवं, दिन्नासणो उवविट्ठो, सम्माणिओ उचियपडिवत्तीए नरवइणा, खणंतरे य पुच्छिओ एसो—भयवं ! कयरीओ
दिसाओ आगमणं ? कत्थ वा गंतवं ? किं वा एत्थावत्थाणप्पओयणंति ? , घोरसिवेण भणियं—महाराय ! सिरिपवयाओ

आगओऽम्हि, संपयं पुण उत्तरदिसिसुंदरीसवणकन्नपुरे जालंधरे गन्तुमिच्छामि, जं पुण पुच्छह अवत्थाणपओयणं तत्थ
 य तुम्ह दंसणमेव, संपयं एयंपि सिद्धंति, नरवइणा भणियं—भयवं! निरवग्गहा सुणिज्जइ तुम्ह सत्ती मंतंतंतेसु ता
 दंसेसु किंपि कोउगं, तओ जं महाराओ निवेयइत्ति पडिवज्जिय तेहिं तेहिं दिट्ठिवंचणदेवयावयारणनरवेहपुप्फवेहनट्ट-
 मुट्टिसुहदुक्खपरिजाणणप्पमुहकोऊहलेहिं वसीकयं घोरसिवेणं नरिंदचित्तं, अह अवसरं लहिऊण भणियं राइणा-
 भयवं! किं एएसु चेव कोऊहलेसु तुह विन्नाणपगरिसो उआहु अन्नत्थवि अत्थि?, मुणिणा भणियं—किमेवमसं-
 भावणागम्भमम्हारिसजणाणुचियं वाहरसि?, एगसद्देणेव साहेसु जं दुक्करंपि कीरइ, तओ राइणा निवेइओ पुत्त-
 जम्मलाभविसओ वुत्तंतो, घोरसिवेण भणियं—किमेत्तियमेत्तेण किलिस्ससि?, अहमेयमट्टं अकालेवि अविलंबं पसा-
 हेमि, राइणा भणियं—जइ एवं ता परमोऽणुग्गहो, केवलं को एत्थ उवाओ?, घोरसिवेण भणियं—एगंते निवे-
 यइस्सं, तओ उक्खित्ता कुवलयदलसच्छाहा मंतीसु राइणा दिट्ठी, उट्टिया य इंगियागारकुसला सणियं सणियं नरिं-
 दपासाओ मंतिणो, जायं विजणं, घोरसिवेण जंपियं—महाराय! कसिणचउहसीनिसिए मए बहुपुप्फफलधूवक्ख-
 यवलिभक्खपरियरेण तुमए सह भयवं महामसाणहुयासणो तप्पणिज्जो, राइणा चित्तियं—कहं नु मए पुप्फाइपरि-
 यरेण सह हुयासणो तप्पणिज्जोत्ति?, अवसद्दोत्ति, अहवा अभिप्पायसाराइं इसिवयणाइं, नो विसंबंधलक्खणदूसण-
 गावहंति, मुणिणा भणियं—महाराय! सुण्णचक्खुक्खेवो इव लक्खीयसि, राइणा भणियं—मा एवमासंकह, निवेयह

श्रीगुणचंद्र
महावीरच.
४ प्रस्तावः

॥ ७५ ॥

जहा पारद्धं, मुणिणा भणियं—तओ सो भयवं हुयासणो—उब्भडपयडियरूवो पयंडजालाकलावभरियनहो । दाही
तुज्झं वंछियफलनियरं कप्परुक्खोव ॥ १ ॥ राइणा भणियं—जइ एवं ता सव्वहा आगमिस्सं चउद्दसीनिसाए, एस
अत्थो साहियवोत्ति, पडिवन्नं च तेण, अह कयकुसुमतंबोलदाणसम्माणे सट्ठाणंमि गए घोरसिवे राया निव्वत्तियदेव-
याचरणकमलपूयापडिवत्तीहिं तेहिं तेहिं अस्सदमणाइएहिं विचित्तविणोएहिं अप्पाणं विणोएंतो पइक्खणं दिणाइं
गणमाणो य कालं गमेइत्ति, कमेण य पत्ताए कसिणचउद्दसीए आहूयं मंतिमंडलं, निवेइयं रहस्सं, पुच्छियं च-संपयं
किं कायव्वंति?, मंतीहिं पभणियं—देव! किंपागफलाइंपिव सुहंमि महुराइं परिणइदुहाइं अन्नाइं तदियराइं दुहावि
दीसंति कज्जाइं, अत्थस्स संसओऽविहु पवित्तिहेउत्ति किं तु निहिद्धो, अविमुक्काविस्सासेहिं सव्वहा उज्जमेयवं, एवं
भणिए राइणा कुसुमतंबोलाइदाणपुव्वगं सम्माणिऊण मंतिवग्गो पेसिओ सगिहे, जाए य रयणिसमए सयं कयवे-
सपरियत्तो नियत्तियपीढमहाइपरियणो समग्गवलिफलफुल्लपमुहसाहणपडलसमेओ करकलियतिकखग्गखग्गमंडलो
घोरसिवसमेओ अलक्खिज्जंतो अंगरक्खेहिं अमुणिज्जंतो दासचेडचाडुकारनियरोहिं वारिज्जमाणो पवत्तिज्जमाणो
य पडिकूलेहिं अणुकूलेहि य अणेगेहिं सउणेहिं सव्वंगनिविद्धविसिद्धरक्खामंतक्खरो संपत्तो महीवई महामसाणदेसं ।
जं च केरिसं ?—

निलीणविज्जसाहगं पवूढपूयवाहगं, करोडिकोडिसंकडं, रडंतधूयकक्कडं ।

हुताश-
तर्पण-
स्वीकृतिः

॥ ७५ ॥

सिवासहस्रसंकुलं मिलंतजोगिणीकुलं, पभूयभूयभीसणं कुसत्तसत्तनासणं ॥

पधुट्टुडुडुसावयं जलंततिवपावयं, भमंतडाइणीगणं पवित्तमंसमग्गणं ॥ १ ॥

कहकहकहट्टहासोवलक्खगुरुरक्खलक्खदुप्पेच्छं । अइरुक्खरुक्खसंवद्धगिद्धपारद्धघोररवं ॥ २ ॥

उत्तालतालसहुम्मिलंतवेयालविहियहलवोळं । कीलावणं व विहिणा विणिम्मियं जमनरिंदस्स ॥ ३ ॥

तथ य निरुविओ सल्लक्खणभूमिभागो घोरसिवेण, खित्तं च वलिविहाणं कया खेत्तवालपडिवत्ती खणिया वेइया
भरिया खाइरंगाराणं मसाणसमुत्थाणं, भणिओ य राया-अहो सो एस अवसरो ता दढमप्पमत्तो ईसाणकोणे
हत्थसयदेससंनिविट्ठो उत्तरसाहगत्तणं कुणमाणो चिट्ठसु, अणाहूओ य मा पयमवि चलेज्जासित्ति पुणो पुणो निवा-
रिय पेसिओ नरिंदो, गओ य एसो, घोरसिवेणावि आलिहियं मंडलं, निसन्नो तहिं, निवद्धं तहिं पउमासणं, कयं
सकलीकरणं, निवेसिआ नासावंसग्गे दिट्ठी, कओ पाणायामो, नायविंदुलवोववेयं आढत्तं मंतसुमरणं, समाखुढो
झाणपगरिसंमि। इओ य चिंतियं राइणा-अहं किर पुवं सिक्खं गाहिओ मंतीहिं, जहा-अविस्सासो सव्वत्थ काय-
वोत्ति, निवारिओ य सव्वायरं पुणो पुणो एएण जहा अणाहूएण तए नागंतव्वंति, ता समहियायरो य जणइ संकं, न
एवंविहा कावालिवमुणिणो पाएण कुसलासया हवंति, अओ गच्छामि सणियं सणियमेयस्स समीवं, उवलक्खेमि से
किरियाकलावंति विगप्पिडं जाव पट्टिओ ताव विप्फुरियं से दक्खिणलोयणं, तओ निच्छियवंच्छियत्थलाभो करकलिय-

श्रीगुणचंद
महावीरच०
४ प्रस्तावः

॥ ७६ ॥

करवालो कसिणपडकयावगुंठणो मंदं मंदं भूमिविसुकचरणो गंतूण पुट्टिदेसे ठिओ घोरसिवस्स, सुणिउमाढत्तो य,
सो य ज्ञाणपगरिसत्तणेण अणावेक्खिय अवायं अविभाविय पडिकूलत्तं विहिणो अविन्नायतदागमणो नरवइथोभक-
रणदक्खाइं मंतक्खराइं पुव्वपचित्तविहिणा समुच्चरित्तो निसुणिओ रत्ता, परिभावियं चऽणेण—अहो एस दुट्टतवस्सी
मं थोभविहिणा विवलं काऊण सन्निहितनिहित्तकत्तियाए परिकुवियकयंतभसुहकोणकुडिलाए विणासिऊण हुयवहं
तप्पिउं वंछति, पहाणनरोवहारविहिणा हि सिज्झंति दुट्टदेवयाओ, ता किमेत्थ जुत्तं?, अवि य—

एतस्स किं इयाणिं वावडचित्तस्स तिव्वखखग्गेण । कदलीदलं व सीसं लुणामि पासंडिचंडस्स ॥ १ ॥

अहवा दुद्धररिउगंधसिंधुराघायदंतुरग्गेण । खग्गेण मज्झ लज्जिज्जईह घायं करंतेण ॥ २ ॥

केवलमुवेहणिज्जो नयेस एयंमि होइ पत्थावे । जं थोभकरणविहिणा मरणं मह वंछई काउं ॥ ३ ॥

तथापि—ज्ञाणावरोहवक्खित्तचित्तपसरंमि हणिउकामस्स । सग्गं गयावि गुरुणो होहिंति परंमुहा मज्झ ॥ ४ ॥

ता जुत्तमिणं ठाऊण दूरदेसंमि वोहिउं एयं । पढमं दिन्नपहारे पडिपहरेउं मभेयंमि ॥ ५ ॥

इय चिंतिऊण रण्णा ठाउं दूरे पयंपियं एयं । गिण्हसु करेण सत्थं रे रे पासंडिचंडाल ! ॥ ६ ॥

इइ सोच्चा ज्ञाणेगग्गभंगरोसोवरत्तनयणजुओ । भालयलवडियभडभिउडिभीसणो उट्टिओ सोऽवि ॥ ७ ॥

करकलियनिसियकत्तियनियंतकसिणप्पमोलिजडिसंगो । अह तिव्वगव्वघोरं घोरसिवो भणिउमाढत्तो ॥ ८ ॥

घोरशिव-
जालस्फोटः

॥ ७६ ॥

रे रे दुट्टनराहिव ! विलज्ज निस्सत्त मा पलाइहिसि । सुयविसयतिक्खदुक्खाओ जेण मोएमि तं झत्ति ॥ ९ ॥
 रण्णा पढियं मा गज्ज निप्फलं पहर रे तुमं पढमं । न कयाइवि अम्ह कुले पढमपहारो कओ रिउणो ॥ १० ॥
 ततो विचित्त वग्गणसुनिउणकरणप्पयारकुसलेण । घोरसिवेणं रत्तो पवाहिया कत्तिया कंठे ॥ ११ ॥
 रत्तावि तक्खणं चिय दक्खत्तणओ इमस्स सत्थजुओ । हत्थो पहारसमए वद्धो नियवाहुवंधेण ॥ १२ ॥
 भुयदंडनिविडपीडणविहडियदढपहरणंमि हत्थंमि । मुट्ठिप्पहारपहओ निवाडिओ सो धरणिवट्ठे ॥ १३ ॥
 दढमंततंसिद्धीवि विहडिया तस्स तंमि समयंमि । विवरंमुहंमि दइवे अहवा सव्वं विसंवयइ ॥ १४ ॥
 अह वीसमिऊण खणं घोरसिवो फुरियवीरिओ सहसा । पारद्धो रत्ता सह जुज्जेउं वाहुजुज्जेणं ॥ १५ ॥
 मल्लाण व खणमुट्ठीण पडणपरिवत्तणुवल्लणभीमो । सरहसहसंतभूओ अह जाओ समरसंरंभो ॥ १६ ॥
 निविडभुयदंडचंडिमसंपीडणविहडियंगवावारो । मुच्छानिमीलियच्छो अह निहओ सो महीवइणा ॥ १७ ॥
 एत्थंतरंमि तियसंगणाहिं वियसंतसुरहिकुसुमभरो । जयजयसहुम्मीसो पम्मुक्को नरवइसिरंमि ॥ १८ ॥
 हारद्धहारकंचीकलावमणिमउडमंडियसरीरा । रणज्झणिरमहुरनेउरखपूरियदसदिसाभागा ॥ १९ ॥
 नवपारियायमंजरिसोरभरहसुम्मिलंतभसलकुला । धरियधवलायवत्ता तहागया देवया एक्का ॥ २० ॥ जुम्मं ।
 तीए भणियं नरसिंघ ! निच्छियं तंसि चेव नरसिंघो । जेणेस महापावो खत्तियखयकारओ निहओ ॥ २१ ॥

श्रीगुणचंद्र
महावीरच०
४ प्रस्तावः

॥ ७७ ॥

रणणा भणियं कह देवि! कहसु खत्तियखयंकरो एस? । मइ जीवते संपइ, पडिभणइ निवं तओ देवी ॥ २२ ॥
एएण किंपि सिद्धिं समीहमाणेण पावसमणेण । हणिया कलिंगत्रंगंगहूणपंचालपमुहनिवा ॥ २३ ॥
दिट्ठिप्पवंचमाइंदजालपमुहेहिं कूडकवडेहिं । अच्छरियाइं दावितएण को को न वा नडिओ? ॥ २४ ॥
न य केणवि एस जिओ न यावि एयस्स लक्खियं सीलं । तुमए उभयंपि कयं अहह मई निम्मला तुज्झ ॥ २५ ॥
इय तुह असरिससाहससुंदरचरिएण हरियहिययाए । मम साहसु किंपि वरं जेणाहं तुज्झ पूरेमि ॥ २६ ॥
ताहे मउलियकरकमलसेहरं नामिउं सिरं राया । भणइ तुह दंसणाओऽवि देवि! अन्नो वरो पवरो? ॥ २७ ॥
भणियं सुरीएँ नरवर! इयरजणोव्व न जइवि पत्थेसि । तहवि तुह वंचियत्थो होही मज्झाणुभावेण ॥ २८ ॥
इय भणिए नरवइणा पराएँ भत्तीएँ पणमिया देवी । लच्छिव पुण्णरहियाण ज्जत्ति अइंसणं पत्ता ॥ २९ ॥
नरिंदोऽवि तारिसमच्चभुयं देवीरूवं सहसच्चिय नयणगोयरमइकंतमुवलब्भ चिंताकल्लोलमालाउलो एवं परि-
भावेइ—किमेयं सुमिणं उआहु विभीसिया अहवा एयस्स चेव दुट्टकावालियस्स मायापवंचो किं वा मम मइ-
विब्भमो उयाहु अवितहमेयंति?,

इय जाव निवो संदेहदोलमालंविउं विकप्पेइ । मा कुणसु संसयं ताव वारिओ गयणवाणीए ॥ १ ॥

घोरसिवोवि मत्तो इव मुच्छिओ इव दढदुघणताडिओ इव महापिसायनिप्फंदीकओ इव सुसियसारवक्खरो इव

घोरशिव-
पराजयः

॥ ७७ ॥

पियविरहमहागहगहिओ इव दुट्टोसहपाणप्पणट्टचित्तचेयणो इव खणंतरं चिट्ठिय सिसिरमारुएण समासासियसरीरो
 योवोवटद्धचेयणो मंदमंदमुम्मीलियलोयणजुयलो लज्जावसविसंतुलसव्वंगोवंगो अइदीणवयणो दीहमुस्ससिय राया-
 णमवलोइउं पवत्तो, नरवइणावि दढसंजायकरुणभावेण अइदुक्खिओ एसोत्ति उवलक्खिय भणिओ घोरसिवो-
 मो किमवलोएसि?, घोरसिवेण सगग्गयं भणियं-महाराय! अवलोएमि नियकम्मपरिणइविलसियं, राइणा
 भणियं-किमेवं सविसायं जंपसि?, सव्वहा धीरो भव परिहर दुरज्झवसायं परिचय कोवकंडुं विमुंच विजयाभिलासं
 जणुसर पसमाभिरइं पियसु करुणारसं परिचित्तसु जुत्ताजुत्तं समुज्झसु खुइजणोचियं वावारंति, अह समीहियत्य-
 सिद्धी न जायत्ति सम्मसि ता गिण्हसु इमं परिकुवियकयंतजीहाक्खरालं नीलपहापडलसामलियसयलदिसिचक्कवालं
 मम करवालं, करेसु मम सरीरविणासणेण नियसमीहियसिद्धिं, जओ मुक्को मए संपयं पोरिसाभिमाणो तुह कज्जसाह-
 णघाएत्ति । अवि य—

अच्छउ तरंगभंगुरमसारंगं नियसरीरयं दूरे । जीयंवि हु परहियकारणेण धारित्ति सप्पुरिसा ॥ १ ॥
 जं पुण पढमं चिय तुज्झ कारणे नो समप्पिओ अप्पा । विहिओ य ज्ञाणविग्घो एयं नणु कारणं तत्थ ॥ २ ॥
 मम विरहे एस जणो एसो नीसेससाहुवग्गो य । धम्मव्भंसमवस्सं पाविस्सइ पावलोयाओ ॥ ३ ॥
 इण्हि तुह गुरु दुक्खं उवलक्खिय वद्धकक्खडसहायं । निरवेक्खं मज्झ भणो जायं सेसेसु कज्जेसु ॥ ४ ॥

श्रीगुणचंद्र
महावीरचंद्र
४ प्रस्तावः

॥ ७८ ॥

घोरसिवेण भणियं—महाभाग ! मा एवमुल्लवेसु, जीवसु तुमं मज्जीविण्णावि जाव जलहिकुलसेलससितारयदिवोयंरे,
पसीयसु मे, वियरसु एकं पसायंति, राइणा भणियं—किमेवं वाहरसि ?, जीवियदाणाओऽवि किमवरमदेयं ? ता असं-
भंतो पत्थेसु, घोरसिवेण भणियं—जइ एवं ता अणुजाणसु मम एयंमि पज्जलंतजालासहस्सकवलियसलभकुलसंकुले
मिसिमिसंतद्धदद्धकलेवरुच्छलंतविस्सगंधुद्धुरे मसाणहुयासणे पवेसुज्जमं, हवसु धम्मवंधवो, नन्नहा मे पुवविहिय-
महापावपव्वयकंतस्स अवस्सं विस्सामो भविस्सइत्ति, रण्णा भणियं—कुओ तुह पुवं पावसंभवो ?, जओ कयाइं
तुमए विविहाइं तवचरणाइं आपूरियाइं पावभक्खणदक्खाइं मंतज्झाणाइं पूइयाइं देवकमकमलाइं निवत्तियाइं
वेयरहस्सज्झयणाइं उवासिओ गुरुजणो पवट्टिया धम्ममग्गेसु पाणिण्णो, ता न सब्बहा वोत्तुमवि जुत्तमेयं भवारिसाणं,
घोरसिवेण भणियं—महाराय ! अलमलं मम पासंडिचंडालस्स वीसत्थघाइणो पयडियविचित्तकूडकवडस्स दक्खिन्नर-
हियस्स निसायरस्सेव निक्खरुणस्स, किंपागतरुफलस्सेव वाहिरमेत्तरमणीयस्स वगस्सेव सुसंजमियपाणिप्पायप्पया-
रस्स भुयंगमस्सेव परच्छिद्दावलोयणनिरयस्स दुज्जणस्सेव मुहमहुरभासिणो संकित्तणेणं, एवं च सब्बहा विरत्तोऽमि
पावपंकपडिहत्थाओ नियकडेवराओ, नेव य अन्नो पावविसोहणोवाओ, राइणा भणियं—भो भो किमेवं पुणो पुणो
अत्ताणं अत्ताणं व पुरिसं दूसेसि ?, पयडक्खरं निवेएसु नियपुव्वित्तंतं, घोरसिवेण भणियं—महाराय ! गरुओ एस
वुत्तंतो, राइणा भणियं—किमजुत्तं ?, साहेसु, घोरसिवेण भणियं—जइ एवं ता निसामेहि—

घोरशिव-
पश्चात्तापः

॥ ७८ ॥

अथि सुरसरितुसारपवित्तपरिसरुहेसं विविहावणभवणमालाविभूसियं समूसियसियवेजयंतीरेहंतसुरमंदिरसिहरं
 सिरिभवनं नाम नयरं, तत्थ य पयंडमायंडमंडलुहामपयावपरिसोसियविपक्खजलासओ अणेगसमरवावारविढत्तजसो
 अवंतिसेणो नाम राया अहेसि, जस्स विजयजत्तापत्थियस्स पत्थिवसहस्साणुगम्ममाणमग्गस्स उदंडपुंडरीयपंडुरच्छत्त-
 च्छाइयगयणाभोगा नट्टदिवसावगासव सोहंति दस दिसाभागा, जस्स य गजंतमत्तकुंजरगंडत्थलगलंतनिरंतरमयजला-
 सारजायदुह्णिंघयारभीयाभिसारियव अणुसरइ कवाडवियडं वच्छत्थलं रायलच्छी, जस्स चउविहाउज्जघोरघोसं मे-
 होहरसियंपिव सोऊण दूरं पलायंति रायंहंसा, जस्स समरंगणेषु रोसारुणाओ पडिसुहडेसु पडिबिंबियाओ पप्फु-
 छसुकुमारकरवीरकुसुममालाउव रेहिंति दिट्ठीओ, तस्स य नियरूवलावन्नजोवणगुणावगणियरइप्पवायाओ नीसे-
 सपणइणीपहाणाओ दुवे भारियाओ अहेसि, पत्तलेहा मणोरमा य, पढमाए जाओ अहमेको पुत्तो वीरसेणो नाम,
 वियाए पुण विजयसेणोत्ति, गाहिया दोऽवि अहे धणुवेयपरमत्थं कुसलीकया चित्तपत्तच्छेयविणोएसु सिक्ख-
 विया य खेडयखग्गगुणवणियं जाणाविया महल्लजुद्धं, किं बहुणा?, मुणाविया सवकलाकलावं, अन्नया य उंचिओत्ति
 परिचिंतिय ठाविओऽहं ताएण जुवरायपए, दिन्ना य मज्झ लाडचोडमरहट्टसोरट्टपमुहा देसा कुमारभुत्तीए, परिपालेमि
 जुवरायत्तणं, ममंपि अणुमग्गमणुसरइ सुहडाडोवसंकुडा पगलंतगंडत्थला दप्पुदुरसिंधुरघडा, ममावि मग्गओ धावंति
 तरलतरतुरंगपहकरा, मज्झंपि परसुसेलचंडगंडीवसरविसरकुंतगयापहरणहत्थाइं वित्थरंति चउहिसिंवि पुरिसवलाइंति,

दुइयस्सवि मज्झ सवत्तभाउणो दिन्नाइं ताएण कइवय गामसयाइ, एव च वसयसुहमणुहवंताणं वच्चंति वासरा ।
अण्णया खणविपरिणामधम्मयाए जीवलोयविलसियाणं पइसमयविणाससीलयाए आउयकम्मदलियाणं अप्प-
डिहयसासणत्तणओ जममहारायस्स सुरिंद्यावचवलयाए पियजणसंपओगसमुब्भवसुहस्स पाविओ अवंतिसेणराया
पंचत्तंति, कयंमि य तम्मयकिच्चे मंतिसामंतसरीररक्खप्पामोक्खपहाणलोएण निवेसिओऽहं रायपए, पयट्टियाइं
मए तायस्स सग्गंगयस्स कएण तडियकप्पडियदीणाणाहाणिस्सियविदेसियजणाण महादाणाइं कारावियाइं उच्चं-
गसिंसुंदराइं देवमंदिराइं निरुवियाइं अवारियसत्ताइं, कालक्कमेण य विगओ मम सोगो, वसीकयं सामंतचकं, नि-
वासिया नियमंडलविलुंपगा पयट्टिओ पुवपुरिसमग्गो । अन्नया य—

सियसिंधुरखंधगओ विलयाजणधुवमाणसियचमरो । धरियधवलायवत्तो किंकरनरनियरपरियरिओ ॥ १ ॥

उम्मग्गपयट्टुहामतुरयघट्टुक्खउद्वयरओहो । नयरओ निग्गओऽहं वणलच्छीपेच्छणट्टाए ॥ २ ॥

जाव य तत्थ पेच्छामि पुप्फफलसमिद्धवंधुरं तरुणतरुणं परिब्भमामि माहवीलयाहरेसु अवलोएमि कयली-
दलाणं रुंदत्तणं निरिक्खामि संपिंडियससिखंडपंडुरं केयइपत्तसंचयं अग्घाएमि अणग्घवउलमालियासुरहिपरिमलं
करेमि करतलेण सोरभभरलोभमिलंतरणज्झणंतफुलंधयरिंछोलिलिहिज्जमाणमयरंदं नवसहयारीमंजरीपुंजं ताव सह-
सच्चिय सुणेमि नियपरियणकलयलं । कहं ?—

सामी ! पेच्छह गयणंगणंमि कह वट्टए महाजुज्झं ? । सज्झसकरमइभीमं सुराण विज्जाहराणं वा ॥ १ ॥
एवं सोआ मएवि उताणीकयानिमेसलोयणेण उट्टमवलोयमाणेण दिट्ठा विविहप्पयारेहिं जुज्झमाणा गयणंमि
विज्जाहरा, ते य एवं जुज्झंति—

सियमउयसपलसिलसूलं अवरोप्परु मेलहिं भिंडिमाल । वंचावहि तक्खणि लद्धरक्ख पुण पहरह जय जस संवपक्ख १

सणु निट्टुरगुट्टिहिं उट्टियंति, खणु पच्छिमभागमणुवयंति ।

सणु जणगजणणि गालीउ देंति, खणु नियसोंडीरिम कित्तयंति ॥ २ ॥

अच्छी निमीलियसुय रहिं चिर साहिय विजयविज्ज, उणु खणे खणे जायहिं जुज्झसज्ज ।

अविगणिय मरण रणरसियचित्त, भुयदंडमहावलमयविलित्त ॥ ३ ॥

इय तेसिं सयराणं परोप्परं जुज्झिराणमेक्केणं । लद्धूण छलं अन्नो पहओ गुरुमोग्गरेण सिरे ॥ ४ ॥

पडिजो धरणीवट्टे ममंतिए विगयचेयणो सो य । मुच्छानिमीलियच्छो विच्छाओ छिन्नरुक्खोव ॥ ५ ॥

एत्थंतरे तयणुमग्गेण चेव कट्टियनिसियखग्गो पधाविओ इयरो विज्जाहरो तस्स वहनिमित्तं, सुणिओ य मए
जहा एसो एयस्स विणासणकए एतित्ति, तओ मए भणिया सद्वेहिणो धाणुहिया अंगरक्खा य, जहा—

रे रे रक्खह एयं भूमीतलनिवडियं महाभागं । एयं विणासणुज्जुयमित्तं खयरं पडिक्खलह ॥ १ ॥

श्रीगुणचंद्र
महावीरच०
४ प्रस्तावः

॥ ८० ॥

असिखेडयहत्येहिं तस्संगं छाडयं वरभडेहिं । ओगासगलभमाणो रुद्धो खयरो तओ भणइ ॥ २ ॥
हे भो नरिंद ! मुंचसु एयं खयराहमं मम वहट्टा । एसो खु मज्झ वइरी विणासियवो मएऽवस्सं ॥ ३ ॥
भणिओ य मए खयरो किं पलवसि तं पिसायगहिओव । किं एस खत्तधम्मो ? जेणेवमहं करेमिति ॥ ४ ॥
किं चावरद्धमिभिणा जेणेयं मारिउं समीहेसि । सो भणइ एस मम दारभोगरसिओत्ति ता हणिमो ॥ ५ ॥
ताहे मए स भणिओ साहू इयरो व होउ नऽप्पेमि । सरणागयरक्खणलक्खणं च राईण खत्तवयं ॥ ६ ॥
उव्वद्धभिउडिभंगो रोसारुणनयणजुयलदुप्पेच्छो । फरुसक्खरेहिं खयरो ताहे मं भणिउमाठत्तो ॥ ७ ॥
रे रे दुट्टनराहिव ! मा वोहसु केसरिं सुहपसुत्तं । दिट्ठीविसाहितुंडं कंइयसु मा करग्गेण ॥ ८ ॥
जालालिभीममग्गिं अवक्कमसु य मा तुमं पयंगोव । जइ वंछसि चिरकालं रज्जं काउं महियलंमि ॥ ९ ॥
भणिओ य मए एसो किं रे वाहरसि मुक्कमज्जाय ! । सप्पुरिसमग्गलग्गस्स मज्झ जं होइ तं होउ ॥ १० ॥
चिरकालजीविणवि पेरेतेऽवस्समेव मरियवं । ता अवसर दिट्ठिपहाओ कुणसु जं तुज्झ पडिहाइ ॥ ११ ॥
जइ एवं ता विहिणो मा दाहिसि दूसणं तुमं राय ! । इय भणिऊण सरोसो खयरो सो गयणमुप्पइओ ॥ १२ ॥
तयणंतरं मए निरूविओ सो भूमितलनिवडिओ विजाहरो जाव अज्जवि सजीवो ताहे काराविया
चंदणरसच्छडापहाणा सिसिरोवयारा संवाहियाइं सरीरसंवाहणनिउणेहिं पुरिसेहिं सवंगाइं, खणंतरेण लद्धा तेण

॥ ८० ॥

चेयणा उम्मीलियं नयणनलिनं अवलोइयं दिसिमंडलं आलविओ पासवत्ती परियणो-भो भो महायस ! कहमहमिह
 महीवट्टे निवडिओ ? , कथ वा वेरिविज्जाहरो ? , को वा एस देसो ? , किंणामं इमं नयरं ? को वा एसो छत्तच्छायानि-
 वारियरविकरपसरो परिचलंतधवलचामरजुयलो मज्झकए नरनियरं वावारित्तो पुरो संठिओ चिट्ठं महायसो नराहिव-
 इत्ति ? , इमं च सोचा निवेइयं से परियणेण गयणपडणाओ आरब्भ सव्वं जहावित्तंति । तओ सो खयरो दीहं नीससिय
 मम पच्चासत्रे ठाऊण जोडिय करसंपुडं विन्नविउमाढत्तो-महाभाग ! धन्ना सा महिमहिला जीसे तं पई कयलक्खणा
 इमे भिच्चा सेवंति जे तुह चरणकमलं धन्ना ते सुहडा जे तुह कजे तणं व नवि गणंति नियजीवियं, अहो ते परो-
 वयारित्तणं अहो सप्पुरिसकम्माणुवत्तित्तणं अहो नियकज्जनिरवेक्खया अहो सरणागयवच्छलत्तणं, न सव्वहा मम
 मणागंपि पीडमुप्पाएइ सत्तुपराभवो जं तुमं सयमेव पुरिसरयणभूओ दिट्ठोसि, मए भणियं-महाभाग ! अणवेक्खिय-
 जुत्ताजुत्तवियारो हयविही जं तुम्हारिसाणवि निवडंति एरिसीओ आवयाओ, अणुभूयपुव्वमवि पावंति विसमं
 दसाविवागं, सव्वहा असरिसमिमं जेण न कयाइं रंभाथंभो सहइ मत्तमायंगगंडयलकंडूवुच्छेयं, (न रेहइ जुज्जमाणो
 मुणालतंतू) पासंमि, को पुण साहेसु एत्थ वइयरो ? , खयरेण भणियं-किमेत्थ कहियव्वं ? , पच्चक्खमेव दिट्ठं महा-
 णुभागेणं, मए भणियं-सम्मं निवेएसु, खयरेण भणियं-जइ कोऊहलं ता निसामेसु—

कलहोयकूलकोडीविराइओ रयणकोडिविच्छुरिओ । वेयह्गिरी तुमएवि निसुणिओ भरहखेत्तंमि ॥ १ ॥

श्रीगुणचंद्र
महावीरच०
४ प्रस्तावः

॥ ८१ ॥

सुरसिद्धजक्खरक्खसकिंनरकिंपुरिसमिहुणरमणिज्जो । सुरहिवरकुसुमतरुसंडमंडिउद्दामदिसिनिवहो ॥ २ ॥
विज्जाहररमणीजणरमणीयं विजियसवपुरसोहं । तत्थऽत्थि गयणवल्लभनयरं नामेण सुपसिद्धं ॥ ३ ॥
तत्थ य राया निवसइ समग्गविज्जासहस्सवलकलिओ । पणमंतखयरमणिमउडकिरीडटिविडिक्खियग्गकमो ॥ ४ ॥
नियवलतुलियाखंडलपरकमो गुरुपयावहयसत्तू । तिहुयणविकखायजसो नामेणं विजयराओत्ति ॥ ५ ॥
रूवाइगुणसमिद्धाए तस्स भज्जाए हिययदइयाए । कंतिमईए पुत्तत्तणेण जाओ अहं एक्को ॥ ६ ॥
पकओ पुरे पमोओ मह जम्मे तत्थ खयरराएणं । करिणो मोत्तूण परे विमोइया बंधणेहिंतो ॥ ७ ॥
अह सुपसत्थंमि दिणे सम्माणिय पणइसयणगुरुवग्गं । जयसेहरोत्ति नामं ठवियं मम गुरुजणेणंति ॥ ८ ॥
गयणंगणपरिसक्कणपमोक्खविज्जाओ गाहिओ अहयं । अह तरुणभावपत्तो गुरुहिं परिणाविओ भज्जं ॥ ९ ॥
पउमावइत्ति नामेण पवरविज्जाहरिंदिकुलजायं । रूवाइगुणगेणंण विजयपडायंव कामस्स ॥ १० ॥ जुम्मं ।
एस पुण वइरिखयरो रहनेउरचक्कवालपुरपहुणो । सिरिसमरसिंहनामस्स अत्तओ अमरतेओत्ति ॥ ११ ॥
वालवयस्सो मम गाढरूढपेमाणुबंधसव्वस्सो । विस्सासपयं सवेसु पुच्छणिज्जो य कज्जेसु ॥ १२ ॥
सहसयणपाणभोयणचंक्रमणट्टाणकरणनिरयाणं । अहं दोण्हवि कालो वोळइ दढमेक्कचित्ताणं ॥ १३ ॥
अह परियणेण मज्झं निवेइयं एगया रहट्टाणे । जह एस तुज्झ मित्तो विरूवचारी कलत्तंमि ॥ १४ ॥

जयशेखर-
वृत्तम्.

॥ ८१ ॥

असद्वहणाओ मए स परियणो वारिओ खरगिराहिं । अघडंतमेवमन्नं न भासियव्वं मह पुरोत्ति ॥ १५ ॥
 सयमवि दिट्ठं जं जुत्तिसंगयं तं वयंति सप्पुरिसा । सहसत्ति भासियाइं पच्छाऽपत्थं व्राहिति ॥ १६ ॥
 रविकरपसरोघ जणे घणपडलच्छाइओऽवि विप्फुरिओ । अह एस वइयरो गोविओऽवि पणयाणुरोहेण ॥ १७ ॥
 रायभवणाओ सगिहंमि एगया आगओऽम्हि पेच्छामि । सयमेव तं कुमित्तं अणज्जकज्जंमि आसत्तं ॥ १८ ॥
 दट्ठूण तं तहट्ठियमेगंते जाव चिंत्तिउं लग्गो । नियपरियणपरियरिओ तावेस पलाइओ झत्ति ॥ १९ ॥
 अहमवि पहरणसहिओ नियधोवपहाणपुरिसपरियरिओ । तस्साणुपहे लग्गो सोऽवि य अहंसणं पत्तो ॥ २० ॥
 मणपवणजइणवेगेण जाव पत्तोऽम्हि एत्थ ठाणंमि । ता एस महापावो मम पडिओ चक्खुमग्गंमि ॥ २१ ॥
 परियणपुरिसावि मए सयलासु दिसासु पेसिया पुवं । एयस्स विणासकए अहमेको एत्थ संपत्तो ॥ २२ ॥
 असहायं मं दट्ठुं एसो सहसत्ति जुज्झिउं लग्गो । एत्तो अन्नं सवं जायं तुम्हंपि पचक्खं ॥ २३ ॥
 एत्थंतरंमि सन्नाहकरणदढगूढकायदुद्धरिसा । भूमियलं पेक्खंता खयरा तत्थागया तुरियं ॥ २४ ॥
 पुट्ठा य मए साहह किं भो तुज्झं समागमणकज्जं ? । तेहिं कहियं सामी इह सुवइ निवडिओ अम्हं ॥ २५ ॥
 सो दंसिओ य तेसिं तो ते दट्ठूण तस्स पडियरणं । अच्चंतहरिसियमणा मं पइ भणिउं समाढत्ता ॥ २६ ॥
 संमं कयं नराहिव ! जमेवमेयस्स पालणा विहिया । जं एयकए वाढं परितप्पइ खयरनरनाहो ॥ २७ ॥

श्रीगुणचंद्र
महावीरच०
४ प्रस्तावः

॥ ८२ ॥

एयस्स मग्गणकए सवत्थवि पेसिया खयरसुहडा । जं एको चिय पुत्तो एसो सिरिखयरनाहस्स ॥ २८ ॥
 ता जयसेहरकुमरं पेसह एयं जहा समप्पेमो । सुहिसयणजणणिजणयाण दंसणुकंठियमणाणं ॥ २९ ॥
 भणिओ मए स खयरो कुमार! तुह परियणो भणइ किंपि । ता साह तुमं चिय किं पुणेसि पच्चुत्तरं देमो ॥ ३० ॥
 कुमरेण तओ भणियं एगत्तो तुज्झ असरिसो पणओ । एगत्तो गुरुविरहो दोन्निऽवि दोलंति मह हिययं ॥ ३१ ॥
 ताहे विसिट्ठभोयणदिवंसुयरयणभायणाईहिं । सम्माणिकुण कुमरो सट्टाणं पेसिओ स मए ॥ ३२ ॥
 तेणावि भणियमेयं नरिंद! काएण एस वच्चिस्सं । हिययं तु निगडजडियं व तुम्ह पासे परिव्वसिही ॥ ३३ ॥
 वरमत्थखओ वरमन्नदेसगमणं वरं मरणदुक्खं । सज्जणविरहो पुण तिक्खदुक्खलक्खंपि अक्खिवइ ॥ ३४ ॥
 इय भणिउं सोगगलंतनयणजलविंदुधोयगंडयलो । काऊण मम पणांमं सपरियणो अइगओ गयणं ॥ ३५ ॥
 अहंपि तेसिं गयणुप्पयणसामत्थमवलोइंतो पुवदिट्ठसमरवावारसंरंभमणुचिंतयंतो चिंतयंतो केत्तियंपि वेळं विलंबि
 नियरज्जकजाइं अणुचिंतिउं पवत्तो, विसुमरियं च मम भोगपमुहकज्जकोडिकरणपसत्तस्स तं गयणनिवडियविज्जाहरमार-
 णउज्जुयदुट्ठखयरस्स सामरिसं वयणं । एगया य रयणीए जाव कइवयपहाणजणपरियरिओ नियदेससुत्थासुत्थपरिभाव-
 भावणेण य रायंतररहस्सायन्नणेण य गयतुरयगुणवन्नणेण य किन्नराणुकारिगायणजणपारद्धकागलीगीयसवणेण य
 सायरपणच्चिरवारविलासिणीचित्तपयक्खेवनिरिक्खणेण य नम्मालावकरणेण य विंदुचुयपहेलियापणहुत्तरजाणणेण य

विप्रोयंतो चिद्रामि ताव जयंडविहडियवंभंडमंडुडामरो जुगंतपणचिरभेरवपहयडमडमेंतडमरुयनिनायनिद्रो खरनहर-
 निहारिमयगलगलगजियदारुणो पासपरिवत्तिभवनभित्तिपरिफालणसमुच्छलंतपडिसद्वयसहस्तदुधिसहो समुद्रिओ
 हलबोलोत्ति, तं च सोऊण विष्फारिनयणजुयलो सयलदिसिमंडलमहमवलोयमाणो पेच्छामि तडिदंडपयंडकरवाल-
 पावडकरे भवणंगणमभिसरंते हणहणहणत्ति भणंते विज्जाहरे, ते य दहूणमम परियणो भयभरथरहरंतसरीरो करुणाइं
 दीणाइं वयणाइं समुल्लविंतो सयलदिसासु सिग्घं पलाओत्ति, ताहे पहरणरहिओ एगागीवि ठाऊणाहं तेसिं संमुहं
 जंपिउमेयं पयत्तो य-रेरे किं गलगहियव्व निरत्थयं विरसमारसह? के तुब्भे? केण पेसिया? किं वा आगमणकज्जं?,
 तेहिं भणियं-रे रे नरिंदाहम! तइया अम्ह पडुणो सत्तुरकखणेण वयणमवगणिय संपयं धिट्ठयाए अयाणमाणो इव के
 तुब्भे केण पेसिया किं वा आगमणकज्जंति पुच्छसि, जइ पुण विसेसकहणेण तूससि ता निसामेहि, अम्हे विज्जा-
 हरा रहनेउरचफालपुरविज्जाहरनरिंदिसिरिसगरसिंघनंदणेण वेरिखयरासमप्यणपरूढगाढकोवानलेन सिरिअमरते-
 यकुमरेण तुह दुपिणयतरुफलदंसणत्थं पेसियत्ति, मए भणियं-जइ एवं ता जहाइट्टं उवचिट्ठहत्ति, तओ अखयसरीरं
 पेय मं गहिऊण उप्पइया ते गयणमग्गेण, गया य दूरदेसं, मुको य अहं एगत्य भुयंगभीमे गिरिनिगुंजे, भणियं च
 मए-किं रे! एवं मुंचह? जं नेव पहरह, तेहिं भणियं-एत्तिया चेव पडुणो आणा, पडुचित्ताणुवत्तणं हि सेवगस्स
 पम्मो, एवं भणिय उप्पइया ते तओ ठाणाओ । अहंपि कोइलकुलगवलगुलियसामलासु सयलदिसासु केसरिकि-

श्रीगुणचंद्र
महावीरच०
४ प्रस्तावः

॥ ८३ ॥

सोरनिद्वयनिदारियसारंगपमुक्कविरसारावभीसणेषु काणणेषु वणमहिसावगाहिजंतपल्लसमुच्छलंतपंकपडलदुग्गेषु म-
ग्गेषु तरुवरसाहासंहरिसवसनिवडंतदहणनिदज्जमाणेषु वेणुगहणेषु पज्जलंतपईवसिहाभीसणविप्फुरंतरत्तलोयणेषु
इओ तओ वियरंतेसु निसायरगणेषु वराहतिकखदादुक्किण्णलेट्टुनियरुचावचासु वणत्थलीसु अमुणियमग्गुम्मग्गो
विमूढदिसाभागो असोढपयप्पयारो एकंमि गुरुतरुवरे समारुहिउं साहाए पसुत्तोमिह, दुट्टमहिलव्व कट्टेण समा-
गया निदा, पच्छिमरयणिसमए य जामकरिघडव्व पासमल्लीणा चित्ता पवोहमंगलतूरेहिं पिव रसियं पुराणसि-
यालेहिं मागहेहिं व पढियं सुयगणेहिं, अह उइयंमि सयलतिहुयणभुवणप्पईवंमि दिवायरंमि उट्टिऊण कयपाभाइ-
यकिच्चो ओयरिऊण तरुवराओ एकदिसाए पयट्टो गंतुं, खणंतरेण य तरुणतरुचक्कलाववद्धपरियरो कोदंडकंडवावड-
करो नियपणइणीए अणुगम्ममाणो गुंजाफलमालियामेत्तकयाभरणो भुयंगकंचुयनिव्वत्तियकेसकलावसंजमणो त-
क्खणविणिवाइयसिहंडिससिहमुहविरइयकन्नपूरो दिट्टो एको पुलिंदो, सो य पुच्छिओ मए-भो महाणुभाग ! का एसा
अडवी ? को वा नियसिहरग्गभग्गरविरहतुरयमग्गो एस गिरिवरो ? का वा नयरगामिणी वत्तिणित्ति ? , पुलिंदेण भ-
णियं-अणामिया नाम एसा अडवी, सज्झाभिहाणो य एस गिरिवरो, एसावि वित्तिणी कंचणपुरनयरमणुसरएत्ति ।
तओ लग्गोऽहं तीए वत्तणीए तावसतवस्सीव कंदमूलफलेहिं पाणवित्तिं करिंतो पत्तो कइवयवासरेहिं कंचणपुरं,
तत्थ य मुणिवरो इव निप्पडिवद्धो वीयरगो इव सव्वसंगरहिओ ठाऊण कइवय दिणाणि पेच्छंतो पुव्वट्टाणाइं अव-

अमितते-
जसा वीर-
सेननयनं.

॥ ८३ ॥

लेपंतो गामागरे निरुधितो धम्मियज्जकारावियाइं समुत्तुंगसुंदरागाराइं सुरमंदिराइं कप्पडिओ इव दाणसालासु पा-
णविंत्ति कुणमाणो अणवरयपयाणएहिं पत्तो सरज्जसीमासन्निवेशं, तत्थ य कइवयदिणाणि वीसमिय पुणरवि चलिओ
नियनयराभिमुहं । इत्तेण य सुणिऊण नियलहुभाउणो विजयसेणस्स संपत्तरज्जस्स विभववित्थरं चिंतियं मए—नूणं
विजयसेणेणाहिद्वियंमि रज्जे न जुत्तं तत्थ मे गसणं । जेण—

पुव्वकयधम्मकम्माणुभावओ पाविऊण रज्जसिरिं । चिंतामणिव्व दाउं को वंछइ वल्लहस्सावि ? ॥ १ ॥

पिच्छामि तहाविय मित्तमंतिसामंतवयणविन्नासं । जं नट्टं नणु रज्जं तं दिट्ठं हरणकालेऽवि ॥ २ ॥

इह चिंतयंतो पत्तो कमेण सिरिभवणनयरं, अलक्खिज्जमाणो पुरजणेण पविट्ठो सहपंसुकीलियस्स सोमदत्ता-
भिहाणस्स वयंसस्स गिहे, सो य ममं दट्ठूण झडत्ति जायपचभिन्नाणो सहरिसं पाएसु निवडिय गाढं परुत्तो;
भणिउमाडत्तो—

तुह विरहे मम नरवर! वरिसं व दिणं न जाइ पज्जंतं । हिमहारचंदचंदणरसावि दूरं तविंत्ति तणुं ॥ १ ॥

भवणं पेयवणं पिव पणइणिवग्गो य डाइणिगणोव । सयणावि भुयंगा इव न मणंपि मणा सुहाचिंत्ति ॥ २ ॥

एत्तियदिणाइं लोएण धारिओ कहवि गुरुनिरोहेण । जंतो इण्हिं विदेसे जइ नाह! तुमं न इंतोऽसि ॥ ३ ॥

तो एयं वरभवणं एसो घणवित्थरो इमे तुरया । एसो किंकरवग्गो पडिवज्जसु तं महीनाह! ॥ ४ ॥

एमाइं पणयसाराइं वयणाइं भासंतो भणिओ मए सोमदत्तो—पियवयंस ! किं सोयविहुरो हवसि ? किं वा निय-
भवणधणाइयं समप्पेसि ? किमेवं तुह पणयसारो पयडीभविस्सइ ? को वा अन्नो ममाओवि तुह पाणप्पिओ ? किं
वा तुह दंसणाओऽवि अन्नं ममेहागमणप्पओयणं ? ता धीरो भव , अच्छउ सव्वस्ससमप्पणं, तुह जीवियंपि ममायत्तं
चेव, तओ काराविओऽहं ण्हाणविलेवणभोयणपमुहं कायवं, खणंतरेण पुच्छिओ मए—पियवयंस ! साहेसु किमि-
याणिं कायवं ?, सोमदत्तेण भणियं—देव ! किं निवेदेमि ?, मं एकं पमोत्तूणं अन्ने सव्वे ऽवि मंतिसामंता दढपक्खवाया
विजयसेणे, नेच्छंति नाममवि तुह संतियं भणिउं, जइ सो कहवि आगमिस्सइ तथावि एयस्स चेव रज्जं, जओ एयस्स
मुद्धा मती अम्ह दढं वसवत्ती थेवंपि वयणं न विलंघेइत्ति, विजयसेणो पुण नियसरीरमेत्तेण तुम्ह विरहे वाढं परि-
तम्मइ, भणइ य—जइ एइ जेट्टभाया ता धुवं समप्पेमि रज्जधुरं, जहाजेट्टरज्जपालणमेव अम्ह कुलधम्मोत्ति, एवं ठिए
किंपि न जाणिज्जइ जुत्ताजुत्तं, ता एत्थेव अलक्खिज्जमाणो तुमं चिट्ठसु कइवयदिणाणि जाव उवलक्खेमि नरिंदाईण
चित्तं, मए भणियं—एवं हवउत्ति, तओ सोमदत्तेण सामेण य दंडेण य भेएण य उवप्पयाणेण य आढत्ता मंतिसामं-
तादओ भेइउं, निट्टुरवज्जगंठिंपिव न य केणवि भिज्जंति उवाएणं, नाओ य तेहिं समागमणवइयरो, निवारिया य
रायदुवारपाला जहा न सोमदत्तस्स रायभवणे पवेसो दायवोत्ति, विजयसेणस्सवि सिट्ठं जहा तुम्ह जेट्टभाया
पंचत्तं गओत्ति निसामिज्जइत्ति, तेणावि एवं निसामिय कओ महासोगो; पयट्ठियाइं मयकिचाइंति, एवंति मह

रज्जकज्विसयं जं जमुवायं घडेइ सो निउणो । दइवो पडिकूलो इव तं तं विहडेइ निक्करुणो ॥ १ ॥ अन्नया य गाढवि-
 सायवसपिसंठुलेण मुणियपरमत्थेण भणियं सोमदत्तेण-देव ! निम्मज्जाएहिं मंतिसामंताईहिं तुम्हं पंचत्तगमणवत्ता
 निवत्तिया राइणो पुरो, ता जइ कहंपि रायवाडियांए निग्गयस्स विजयसेणस्स दंसणपहे ठाऊण नियदंसणं
 ठावेसि ता जुत्तं होइत्ति, जओ तुम्हं दंसणं वाढमभिकंसइ एसो, पडिवत्तं च मए एयं तदणुरोहेण, अन्नया य
 पवरकरेणुगाखंधगओ निग्गओ विहारजत्ताए विजयसेणो, पासायसिहरमारुहिऊण य ठिओ अहं से चक्खुगोयरे,
 इडत्ति दिट्ठोऽहमणेण, सागयं २ चिरागयवंधवस्सत्ति हरिसुप्फुल्लोयणो य जाव सो वाहरिउं पवत्तो ताव तक्खणा
 चैव मंतिसामंतपमुहेहिं रइया अंवरे अंतरवडा, कओ हलवोलो, नियत्तिओ विहारजत्ताओ राया । भणियं च-
 असिचं तुह किंपि इमं जं देव ! पिसायदंसणं जायं । किं पंचत्तगयजणो दीसइ य कयावि पच्चक्खो ? ॥ १ ॥
 ता लहु गच्छह भवणं संतिं कारेह देह भूयवल्लिं । पारंभह होमविहिं सुमरह मच्चुजयं मंतं ॥ २ ॥
 वियरसु सुवण्णदाणं माहणसमणाण तक्कुयजणाणं । एवं कहिए सिग्घं मिठेणं चोइया करिणी ॥ ३ ॥
 भवणंमि तओ गंतुं जं जह भणियं तहेव नीसेसं । अइमुद्धुद्धिभावा करावियं विजयसेणेण ॥ ४ ॥
 अहं पुण निरुच्छाहो निराणंदो ववगयधीरिमभावो अवयरिय तओ ठाणाओ सोमदत्तस्स अकहमाणो चैव
 पच्छन्नदेसे ठाऊण चित्तिउमाढत्तो, कहं ?—

अणवरयकणयवियरणपरितोसियमाणसावि कह पावा । सामंता मत्ता इव पुरद्वियंपिहु मुणंति न मं ? ॥ १ ॥
कह वाऽवराहमणेण (सहणेण) भूरिसोगु(मइ) सपयंमि ठवियाधि । न गणंति मंतिणो मं तणं व पम्मुक्कमज्जाया ? ॥ २ ॥
कह नयरमहत्तरया उवयरिया णेगसोऽवि कज्जेसु । माणंति न मं सप्पणयवयणमेत्तेण विहयासा ? ॥ ३ ॥
जयसेहरकुमरो सो विज्जाहररायसुकुलजाओऽवि । तह उवयरिओऽवि कहं उवेहए मं तदियरोव्व ? ॥ ४ ॥
होउ वा, किं एएण विगप्पिण्ण?, अत्तहियमियाणिं कीरइ मुच्चइ इमं नयरं गम्मइ अन्नत्थ देसे ओलग्गिज्जइ
अन्नो गरुओ नरवइत्ति, अहवा सयलजयपयडपरकमस्स सिरिअवंतिसेणमहानराहिवस्स सुओ होऊण कइवय दिणाइं
रज्जरिद्धिमुद्धुरमणुभविय कहमियाणिं अन्नस्स हेट्ठा ठाइस्सामित्ति सव्वहा न जुत्तं परिचिंतिउं, भेरवपडणेण अत्त-
परिच्चाओ च्चेव संपयं मे सव्वोवाहिविसुद्धोत्ति निच्छिऊण निग्गओ नयराओ लग्गो भेरवपडणाभिमुहं, वत्तिणीए
अखंडपयाणेहिं पवचंतो संपत्तो तरुणतरुसंडमंडियं उब्भडसिहंडितंडवाडंवररमणिज्जं हंससारसकपिंजलकोकिलकु-
लकलकलरवमुहलं पुंनागनागजंबुजंवरिनिंवंचंपयासोयसोहियपरिसरुहेसं भेरवपडणपच्चासन्नं एकमुचवणं, दिट्ठो
य तत्थ अणेगजणनमंसिज्जमाणचरणो सल्लक्खणनरसिरकवालमेत्तपरियरो मंतज्झाणपरायणो करकमलकलियजो-
गदंडो समत्थनाणविन्नाणपरमपगरिसपत्तो ससाहसपरितोसियवेयालो महाकालो नाम जोगायरिओ, पणमिओ य मए
सवायरेणं दिन्नासीसो य निविट्ठो संनिहियधरणिवट्ठे, अवलोइओऽहं तेण सिणिद्धाए दिट्ठीए, खणंतरे संभासिओ य-

भद्र ! उद्विग्गचित्तो इव लक्ष्मीयसि, ता किं भद्रलक्ष्मीविच्छद्भोत्ति उयाहु विदेसागभोत्ति, अन्नं वा किंपि कारणं ?
 मए भणियं-भयवं ! अम्हारिसा पुत्ररहिया पाणिणो पए पए उद्विग्गचित्ता चेव, कित्तियाइं कारणाइं साहिज्जंति ?
 तेण जंपियं-तहावि विसेसयरं सोउमिच्छामि, मए भणियं-भयवं ! किं एएण ज्ञाणविग्घकारएण नियवइयरसाह-
 णेण ? महाकालेण भणियं-किं तुज्झ ज्ञाणचिंताए ? जहाइट्टं कुणसु, तओ मए विज्जाहरावलोयणं च जुज्झनिवडि-
 यखयररक्खणं च महाडविनिवाडणं च नियनगरागमणं च मंतिसामंतपमुहजणावमाणणं च रज्जावहारदुक्खं च
 उवयरियविज्जाहरोवेक्खणं च नयरनिग्गमणं च भेरवपडणं पडुच्च समागमणं च सिट्ठमेयस्स, अह महाकालेण
 भणियं-अहो विरुद्धकारित्तणं हयविहिणो जमेरिसे असमसाहसधणे जणे विणिम्मिय एरिसत्तिकखदुक्खभायणं
 करेइ, अहवा—

साहसधणाण हिययं दुक्खं गरुयंपि सहइ निवडंतं । इयराण दुहलवेणवि विहडइ जरसिप्पिणिपुडं व ॥ १ ॥
 जह निवडइ गुरुदुक्खं तहेय सोक्खंपि संभवइ तेसिं । इयराणं तुल्लसुहदुक्खसंभवो निचकालंपि ॥ २ ॥
 कस्स व निरंतरायं सोक्खं ? कस्सेव नावया इंति ? । को वूसिओ खलेहिं नो ? कस्स व संठिया लच्छी ? ॥ ३ ॥
 इय नाउं चय सोयं पुणोऽवि तुह वंछियाइं होहिंति । सूरुोऽवि रयणित्तमनियरविगमओ पावए उदयं ॥ ४ ॥
 जं पुण तुमए भणियं भेरवपडणं करेमि मरणट्टं । तं बुहजणपडिसिद्धं खत्तियधम्मे विरुद्धं च ॥ ५ ॥

श्रीगुणचंद्र
महावीरच०
४ प्रस्तावः

॥ ८६ ॥

जेण-वंभणसमणच्चिय मरणकज्जमञ्जुमंति नो धीरा । विहिविहडियंपि कज्जं घडंति ते बुद्धिविहवेणं ॥ ६ ॥
तहा-चत्तविसायपिसायं अणलसमविमुक्कविक्रमेकरसं । अणुसरइ सिरी दूरं गयावि पुरिसं हरिसियव ॥ ७ ॥
तओ मए भणियं-भयवं ! विमूढचित्तलक्खो म्हि संपयं, न जाणामि जुत्ताजुत्तं न मुणामि उवायं न समीहेमि
खत्तधम्मं न वियारेमि जणनिंदं न लक्खेमि सुहदुक्खं, सवहा कुलालदढदंडचालियचक्काधिरूढं व मम मणो न
मणागंपि कत्थवि अवत्थाणं पावइ, तो भयवं ! तुमं चेव साहेहि, किं कायवं ? को वा उवाओ समीहियत्थसि-
द्धीए?, महाकालेण भणियं-वच्छ ! पवज्जसु मम पवज्जं, आराहेसु चरणकमलं, अब्भस्सेसु जोगमग्गं, होहिति
गुरुभत्तीए मणोरहसिद्धीओ, तओ भयसंभंतो इव सरणागयवच्छलं दालिहाभिभूओ इव कप्पपायवं महारोगपी-
डिओ इव परमवेज्जं पहीणचक्खुवलो इव पहदेसगं सवायरेण तमाराहिउं पवत्तो, दूरमागरिसियं च विणएण मए
तस्स चित्तं, निउत्तोऽहमेक्को तेण नियरहस्सठाणेसु सिक्खाविओ निस्सेसाइं आगिट्ठिपमुहाइं कोऊहलाइं, अन्नया
य पसत्थेसु तिहिनक्खत्तमुहुत्तेसु परमपमोयमुवहंतेण तेण एगंते उवइट्ठो मम तइलोकविजओ मंतो, कहिओ साहण-
विही जहा-अट्ठोत्तरसयपहाणखत्तिएहिं मसाणहुयासणो तप्पणिज्जो, कायवं दिसिदेवयावलिवियरणं, पवहियवं
अणवरयमंतसुमरणं, तओ एस सिज्झिहिई, काही य एगच्छत्तधरणियलरज्जदाणं, पडिवन्नो य मए विणयपणएण,
समाढत्तो य साहिउं, गओ कलिंगपमुहेसु देसेसु, आरद्धो य जहालाभं खत्तियनरुत्तमेहिं होमो जाव एत्तियं कालंति ।

महाकाल-
सेवा त्रैलो-
क्यविजयः

॥ ८६ ॥

ता नरसेहर ! नरसिंघ जं तए पुच्छियं पुरा आसि । किं अप्पाणं निंदसि इणमो नणु कारणं तत्थ ॥ १ ॥
 भयवसविसंडुलंगा सारंगा इव विचित्तकूडेहिं । जं सत्ता विद्वियां तमियाणिं दहइ मह हिययं ॥ २ ॥
 दुज्झाणकलुसबुद्धित्तणेण पुवं न याणियं एयं । तुह दंसणेण इण्हिं विवेयरयणं समुल्लसियं ॥ ३ ॥
 नरसिंहेणं भणियं सच्चं पावं कयं तए भूरि । जं कीडियाणवि वहे पावं गुरु किमु नरिंदाणं ? ॥ ४ ॥
 तेसि विणासे जम्हा धम्मभंसो य सीमविगमो य । अवरोप्परं च जुज्झं विलयाजणसीलविलंओ य ॥ ५ ॥
 ता ठाणे तुह दुचरियगरिहणं धम्मगोयरा बुद्धी । एवं ठिएऽवि जलणप्पवेसणं तुज्झ नो जुत्तं ॥ ६ ॥
 तित्थेसु वच्च कुरु देवपूयणं मुंच निंदियं भावं । पायच्छित्तं पडिवज्ज सुगुरुसयासे पयत्तेण ॥ ७ ॥
 निंदसु पइयखणं दुक्कयाइं निसुणेसु धम्मसत्थाइं । उत्तमसंसर्गिं कुणसु चयसु तिवं कसायं च ॥ ८ ॥
 ईसाविसायमुच्छिद भिंद विसमविसयतरुनियरं । नियजीयनिविसेसं नीसेसं पेच्छ पाणिगणं ॥ ९ ॥
 पसमरसं पिवसु सया दूरं परिहरसु खुदचरियाइं । जुत्ताजुत्त वियारसु सब्बकज्जेसु जत्तेणं ॥ १० ॥
 खणपरिणइधम्मत्तं चित्तेसु भवंमि सध्वत्थूणं । नियसुकयदुकयसचिवत्तणं च लक्खेसु परजम्मे ॥ ११ ॥
 इय जयमाणस्स सया सुद्धी तुज्झं भविस्सइ अवस्सं । जलणपवेसं सलभा कुणंति कुसला उ न कयावि ॥ १२ ॥
 एवं संठविऊण मरणदुरज्झवसायाओ घोरसिवं जाव विरओ नरिंदो ताव पहयपडहंसुरवपमुहत्तरनिनायवहि-

श्रीगुणचंद्र
महावीरच०
४ प्रस्तावः

॥ ८७ ॥

रियदियंतरा विचित्तमणिभूषणकिरणकञ्चुरियमसाणंगणा गयणाओ ओयरिया विजाहारा, परमपमोयसुवहंता निव-
डिया घोरसिवचरणेषु, भणिउमाढत्ता य-देव ! अम्हे गयणवल्लहपुराहिवविजयरायविजाहरिंदसुएण सिरिजयसे-
हररायकुमारेण पेसिया तुम्ह आणयणनिमित्तं, ता कुणह पसायं, आरुहह इमं समुद्धयविजयवेजयंतीसहस्साभि-
रामं उज्झंतकसिणागरुकप्पूरपूरसुरहिध्रुवधूमंधयारियदिसाभोगं मणिकणगरयणरइयविचित्तविच्छित्तिभित्तिभागं कुसु-
मावयंसाभिहाणं वरविमाणं, घोरसिवेण भणियं-भो विजाहारा ! मुयह मम विसए पडिवंधं, अन्नोऽहमियाणिं धिगय-
भोगपिवासो, विजणविहारेसु रण्णेषु जाया निवासवुद्धी वद्धा मिगकुलेसु सयणसंबंधसद्धा पलीणो मायामोहो
जलणजालाकलावकवलियमिव पेच्छामि जीवलयं, ता जहागयं गच्छह तुम्हे, जहादिट्टं च से निवेएज्जहत्ति, विजा-
हरोहिं भणियं-मा भणह एयं, जओ जदिणाओ तुम्ह पासाओ गओ जयसेहरकुमारो तदिणादारब्भ जाओ रहने-
उरचकवालपुरनाहेण सिरिसमरसिंघखेयराहिवइणा सह महासमरसरंभो निवडिया अणेगसुहडा, कहमवि महाक-
ट्टेण निप्पिट्ठो सो अमरतेयाभिहाणो दुट्टमित्तो, घडिया इयाणिं परोप्परं संधी, कयाइं अन्नोऽन्नवरेसु भोयणवत्थ-
दाणाइं, अओ एत्तियकालं नियकज्जकोडिवावडत्तणेण संपयमेव नाओ तुम्ह अडविनिवाडणपासोक्खो वइयरो,
कुमारेण तओ अच्चंतजायतिवसोगसंदब्भेण विसज्जिया अम्हे सव्वासु दिसासु तुम्हावलयणत्थं, भणिया य-अरे
सिरघं जत्थ पेच्छह तं महाणुभावं तत्तो सव्वहा आणेज्जह, नन्नहा भोयणमहं करिस्सामि, तओ सव्वत्थ निउणं निउणं

जयशेखर-
नरागमनं.

॥ ८७ ॥

निरुवंता पत्ता एत्तियं भूमिभागं, एत्थ आगएहिं य निसामिओ तुम्हं सद्दो, को पुण भीसणे मसाणे एत्तियवेलं
होहित्ति कोऊहलेण सुणंतेहिं कुमारपच्चाणयणकालागएहिं पुरा तुम्हं निसुयसहाणुमाणेण पञ्चभिन्नायत्ति, ता कुण्ह
पसायं जयसेहरकुमारजीवियदाणेण, एत्थंतरे विण्णायपरमत्थेण भणियं पत्थिवेण-भो महासत्तं ! परिचय फरुस-
मात्रं, पणयभंगमीरूणि भवंति सप्पुरिसहिययाणि ता अंगीकरेसु एएसि पत्थणं, घोरसिवेण भणियं-महाराय !
चाढं विरत्तं मम रज्जादीहिंतो चित्तं, गाढपावनिबंधणं खु एयं, रण्णा भणियं-मा मेवं जंपेसु, जओ-

सन्नायं दिसओ विसिद्धमुणिणो पालितयस्साणिसं, सासिंतस्स विसिद्धनीइ मणुए दाणाइं दिंतस्स थं ।
धम्मो होइ निवस्स वस्समइणो रज्जेऽवि संचिट्ठओ, नो साहुस्स स सत्थवज्जियविहीजुत्तस्स गुत्तस्सवि ॥ १ ॥
घोरसिवेण भणियं-महाराय ! एवमेवं, राइणा भणियं-जइ एयं ता गच्छह तुब्भे, पडिच्छह [वि]जयसेहरकुमार-
पूयापडिवत्तिं, घोरसिवेण भणियं-महाराओ निवेयइ तं कीरइत्ति, तओ पहरिसिया विज्जाहरा, सायरं पणमिउं
तेहिं राया चिन्नत्तो-जहो महायस ! परमत्थेण तुब्भेहिं दिन्नं अह पडुणो जीवियं, अह पमुक्ककवालपमुहकुलिं गो-
वगरणो विजोगवेयणावसविसप्पमाणनयणंसुधाराधोयवयणो घोरसिवो गाढमालिं गिय नरवइं सगग्गयगिरं
भणिउमाढत्तो-

कुब्भमतिमिरुब्भामियलोयणपसरेण तुज्झ अवरद्धं । जं किंपि पावमइणा तमियाणिं खमसु मम सधं ॥ १ ॥

सीसो इव दासो इव रिणिओ इव किंकरो इव तुहाहं । ता साहसु किं करणीयमुत्तरं राय नरसिंह ! ॥ २ ॥

रन्ना भणियं जइया नियरज्जसिरिं समग्गमणुहवसि । मम संतोसनिमित्तं तइया साहिज्जसु सवत्तं ॥ ३ ॥

एवं काहंति पयंपिऊण विज्जाहरोहिं परियरिओ । दिव्वविमाणारूढो सो इत्ति गओ जहाभिमयं ॥ ४ ॥

रायावि पत्ततिहुयणरायसिरिवित्थरं पिव सयलसुकयसंचयपत्तोवचयंपिव समत्थपसत्थतित्थदंसणपूयं पिव अप्पाणं मन्नंतो पाणिपइट्ठियखग्गयणो गओ नियभवणं, निसण्णो सेज्जाए सुत्तो खणंतरं समागआ निहा, निसावसाणे य रणज्जणंतमणिनेउरराणुमग्गलग्गचकंगखलियचंकमणा अणायरसट्ठाणणिउत्तलट्ठकंचीकलावप्पमुहाभरणा सहरिस- पधावियखुज्जिवामणिपुलिंदिपमोक्खचेडीयाचक्कवालपरिवुडा पविट्ठा चंपयमाला देवी, दिट्ठो राया निहावसनिस्स- हसेज्जाविमुक्कसवंगोवंगो, भणियं चऽणाए-परिणीयपुत्तिओ इव हयसत्तू इव विठत्तदविणोव परिपठियसवसत्थोव निव्वभयं सुयइ नरनाहो, अह खणंतरे पवज्जियाइं पाभाइयमंगलतूराइं पयडीह्याइं दिसिमुहाइं, पठियं मागहेण- लंघेउं विसमंपि दोसजलहिं गंजित्तु दोसायरं, गोत्तं पायडिउं सवीरियवसा चंकंमिउं भीसणे ।
आसाअंगसमुभवेण महसा सारेण संपूरिउं, सूरु देव ! तुमं पिवोदयसिरिं पावेइ सोहावहं ॥ १ ॥

एवं च निसामित्ता पबुद्धो राया, चिंतिउमाठत्तो य-अहो सारस्सयंपिव वयणं जहावित्तवत्थुगव्वं कहं पठियं मागहेण ?, एवमेव पुणो पुणो परिभावेमाणो उट्ठिओ सयणाओ, अवलोइया य हरिसवसवियसंतनयणसहस्सपत्ता

देवी चंपयमाला, पुढा य सा आगमणपओयणं, भणियं च तीए-देव ! अज्ज पच्छिमद्धजामे सेसरयणीए सुहपसु-
 ताए सुमिणयंमि सहसचिय वयणंमि पविसमाणो मए अनणुप्पमाणो मणिरयणमालालंकिओ पवणसमुद्ध्यंचला-
 भिरामो फलिहमयडिंडिरपंडुरडंडोवसोहिओ महज्झओ दिट्ठो, एवंविहं च अदिट्ठपुवं सुमिणं पासिऊण पडिबुद्धा
 समाणी समागया तुम्ह पासंसि सुमिणसुभासुभफलजाणणत्थं, ता साहिउमरिहइ देवो एयस्स फलंति, रत्ता
 भणियं-देवि ! विसिट्ठो तए सुमिणो दिट्ठो, ता निच्छियं होही तुह चउसमुद्दमेहलावलयमहिमहिलापइस्स कुल-
 केउस्स पुत्तस्स लाभो, जं तुम्हे वयह अवितहमेयंति पडिवज्जिय निवद्धा देवीए उत्तरीयंमि निट्ठुरा सउणगंठी,
 खणंतरं च मिहोकहाहिं विगमिय गया देवी निययभवनं, रायावि कयपांभाइयकायवो निसण्णो सभामंडवंमि
 अह पढममेव गाढकोउहलाउलिज्जमाणमाणसा समागया बुद्धिसांगरपमुहा मंतिणो, भूमितलविलुलियमंडलिमंडला
 निवडिया चरणेषु, दिन्नासणा निविट्ठा सट्ठाणेषु, विन्नविउमाढत्ता य-देव ! अज्ज चउजामावि सहस्सजामव्व कहमवि
 पभाया अम्ह रयणी घोरसिवमुणिवइयरोवलंभसमूसुगत्तणेणं, जइवि किंपि पसंतवयणावलोयणाइलिं गोवगया कज्जसिद्धी
 वट्टइ तहावि विसेसेण तुम्हेहिं साहिज्जमाणं सोउमिच्छामो, ता पसियउ देवो रयणिवइयरनिवेयणेणंति, ताहे तेसिं
 ययणाणुरोहओ ईसिं विहसियं काउं जहा घोरसिवेण समं मसाणदेसंमि संपत्तो जह विन्नाओ छोभमायरमाणो
 जहा य सो भणिओ गिण्हसु सत्थं जह तेण कत्तिया वाहिया कंठे जह पडिरुद्धो वाहू सकत्तिओ जह महीयले

निहओ जह उट्टिओ पुणोऽविहु निष्फंदो जह हओ पच्छा सुरसुंदरीहिं खित्तो जह कुसुमभरो समागया देवी जह
दिन्नो तीए वरो जह सा अहंसणं पत्ता जहा घोरसिवो निवेयमुपगओ पट्टिओ य मरणत्थं जह पुव्ववइयरो तेण
संठिओ (निवेइओ) जह व संठविओ जह परिचियविज्जाहरविमाणमारुहिय सो गओ नभिउं संखेवेणं तह नरवरेण
सिट्ठं समत्थंपि, सोच्चेमं हरिसिओ मंतिवग्गो, पयट्टिओ य नयरीए महंतूसवोत्ति ।

अह अन्नया कयाई चंपयमालाए रायमहिलाए । दुहिसत्तरक्खणंमी दीणाणाहाण दाणे य ॥ १ ॥

देवगुरुपूयणंमी पणईणं चित्तियत्थदाणे य । उप्पण्णो दोहलओ विसिट्ठगब्भाणुभावेण ॥ २ ॥ जुम्मं ।

चित्तेइ य सा एवं ताओ धन्नाओ अम्मयाउ इहं । इय पुन्नदोहलाओ जाओ गब्भं वहंति सुहं ॥ ३ ॥

एवं च अपुज्जंतदोहलयसंकप्पवसेण कसिणपक्खमयलंछणमुत्तिव्व कसत्तणमणुभविउं पवत्ता देवी । अन्नया य
पुट्ठा नरवइणा-देवि ! किमेवं पइदिणं कसत्तणं पावेसि?, साहेसु एयकारणं, गाढनिबंधे सिट्ठं तीए नियमणवंच्छियं,
ताहे परं पमोयमुव्वहंतेण विसेसयरं पूरियं नरिदेण, माणियडोहला य धरणिव्व निहाणसंचयं दिसव्व नलिणीनाहं
सुहंसुहेणं गब्भं वहमाणी देवी कालं गमेइ, अण्णया य पडिपुण्णेसु नवंसु मासेसु अद्धट्टमराइंदिएसु सुभेसु तिहि-
करणनक्खत्तमुहुत्तेसु पुरंदरदिसिव्व दिणयरं कोमलपाडलकरपडिपुण्णसव्वंगोवंगसुंदरं पुत्तं पसूया । तओ सहरिसं
गयाओ नरिंदभवणंमि चेडीयाओ, दिट्ठो राया, भणिओ य-देव ! वद्धाविज्जसि जएण विजएण य तुमं, जओ

श्याणि चैत्र पशूया देवी चंपयमाला, जाओ य समुज्जीतियसयलदिसामंडलो तेयरासिधं पुत्तोत्ति, इमं थ सोचा नरि-
देण दिमं तासिं भूरि पारिओसियं, कओ दासित्तविंगमो, आहूया पहाणपुरिसां, समादिट्ठा य जहां पयट्टेह नीसेस-
नयरीए तियचउक्कचचरेसु खंदमुगुंदसूरिदिगयमुहमंदिरेसु थ परममहसवं, वियरहं अणिवारियपसरं कणयदाणं सुयह
चारगाहितो जणंति धुत्ते जं देवो आणवेइत्ति भणिऊण पुरीए पारद्धं तेहिं वद्धावणयं ।

फहं चिय?—पंचप्पयोरवन्नयविरइयसुपंसत्थसत्थियसंमूहं । विक्खित्तंक्खयदोवापवालसोहंतमहिचीढं ॥ १ ॥

रहसपणधिरतरुणिगणवच्छत्थलतुट्टहारसिरिनियरं । अन्नोन्नवहरियपुण्णंपसवट्टंतहलवोलं ॥ २ ॥

पडिभवनदारविरइयवंदणमालासहस्सरमणिज्जं । कमलपिहाणांमलंपुन्नकलसरेहंतगेहंमुहं ॥ ३ ॥

यजंताउज्जसमुच्छलंतघणघोरघोसभरियदिसं । चिन्ताइरित्तदिज्जंतदविणसंतोसियत्थिगणं ॥ ४ ॥

पमुइयनीसेसजणं कुलधेरीकीरमाणमंगलं । इय नरवइकयतोसं वद्धावणयं कयं तत्थ ॥ ५ ॥

एत्थंतरे मंतिसामंतसेणावइसत्थवाहपमुहा पहाणलोया गहियविविहतुरयरयणसंदणपमोक्खविसिद्धवंत्थुवित्थरा
गत्तूण नरवइं वद्धाविसु ?

इओ य सो घोरसिवो विज्जाहरेहिं नेऊण समप्पिओ जयसेहरेस्स कुमारस्स, तेणावि पिउणोव गुरुणोव तदागमणे
कओ परममहसवो, पुट्ठो य एसो पढमदंसणाओ आरब्भ संबुत्तंतं, धरिओ णहाणविलेवणंभोयणदिवंसुयंदाणंपुरंस्सरं

श्रीगुणचंद्र
महावीरच०
४ प्रस्तावः

॥ ९० ॥

कइयवि वासराइं, अन्नदियहे चाउरंगसेणासण्णाहेण जयसेहरकुमारेण गंतूण सिरिभवणंमि नगरे विजयसेणरण्णो
दंसिऊण जहावित्तं संसिऊण य दुइंतमंतिसामंतुस्सिखलदलणपुव्वं सो घोरसिवो सहत्थेण निवेसिओ रायपए, विजय-
सेणोऽवि ठविओ जुवरायत्ते, एवं कयकायव्वो जहागयं पडिगओ जयसेहरो, घोरसिवोऽवि पुव्वंपिव भुंजिउं पवत्तो
नियरज्जंति । अन्नया तेण सुमरिऊण नरसिंहनरवइणो रज्जसंपत्तिवुत्तंतनिवेयणं पुव्वकालपडिवन्नं तक्खणंचिय विसज्जिया
पहाणपुरिसा विसिट्ठपाहुडसमेया नरसिंघनरवइणो समीवे नियवइयरनिवेयणत्थं, पत्ता य ते अणवरयपयाणएहिं
जयंतीनयरिपरिसरुद्देसं, निसुणिया य रत्ता, पवेसिया य महाविभूर्इए, समप्पियाइं रत्तो तेहिं पाहुडाइं, साहिओ
घोरसिवनरवइसमाइट्ठवुत्तंतो, हरिसिओ राया, सम्माणिया उचियपडिवत्तीए, पेसिया य सट्ठाणंमि ।

अन्नदिवसे य समारद्धो कुमारस्स नामकरणमहूसवो, समाहूओ कुलथेरीजणो, तओ वज्जंतेसु चउव्विहाउज्जेसु
नचंतेसु तरुणीसत्थेसु मंगलमुहलेसु वारविलयाजणेसु पढंतेसु मागहेसु पइट्ठियं कुमारस्स पुव्वपुरिसक्कमागयं नरवि-
क्कमोत्ति नामं, कालक्कमेण य विइक्कंतवालभावो नीसेसविज्जापारयस्स लेहायरियस्स चेडयचक्कवालपरिवुडो महा-
विभूर्इए पढणत्थसुवणीओ, अकालक्खेवेण य बुद्धिपगरिसेण जाओ एसो कलासु कुसलो, कहं चिय?—

पत्तट्ठो धणुवेए कुसलो नीसेसमल्लविज्जासु । कयकिच्चो करणेसुं विचित्तचित्तेसु निउणमई ॥ १ ॥

परभावलक्खणम्मी वियक्खणो जाणओ समयसत्थे । पत्तच्छेये छेओ निम्माओ सहमग्गेसु ॥ २ ॥

घोरशिवे
राज्यं हरि-
विक्रमजन्म.

॥ ९० ॥

निउणो मंतविद्यारे तंतपओगेसु कुसलबुद्धी य । पुरिसकरितुरयनारीगिहलक्खणवोहनिउणो य ॥ ३ ॥

आउज्जनट्टजूयप्पओगवहुभेयगेयचउरो य । किं बहुणा?, सवत्थवि गुरुव सो पगरिसं पत्तो ॥ ४ ॥

एवं च गहियकलाकलावं कुमरं घेत्तूण गओ कलायरिओ नरवइसमीवं, अब्भुट्टिओ परमायरेणं नरवइणा, दवावियास-
णो उवविट्ठो पुट्ठो य-किमागमणकारणंति, कलायरिएण भणियं-देव ! एस तुम्ह कुमारो गाहिओ नीसेसकलाओ सुरगु-
रुव पत्तो परमपगरिसं, न एत्तो उत्तरेण गाहियवमत्थि, ता अणुजाणेउ देवो अम्हे सट्ठाणगमणायत्ति, अह अकालक्खे-
वसिक्खियकुमारकलाकोसलसवणपवहुमाणहरिसभरनिव्वभरेण नरवइणा आचंदकालियसासणनिवद्धदसग्गहारदा-
णेण पवरचामीयररयणरासिवियरणेण विसिट्ठवत्थफुल्लतंवलसहत्थसमप्पणेण य सम्माणिऊण परमायरेणं पेसिओ
कलायरिओ सट्ठाणं, कुमारोऽवि निउत्तो गयतुरयवाहीयालीसु समकरणत्थं, सो य दढासणवंधधीरयाए महावलेण
य जाममेत्तेणवि सममुवणेइ सत्त मत्तसिंधुरे पवणजवणवेगे परमजच्चे चउइस तुरंगमे अट्ट महामल्ले य, एवं च राया
असमवाहुवलेण य मइपगरिसेण य कलाकोसल्लेण य नयपालणेण य विणयपवत्तणेण य समओचियजाणणेण य
असरिससाहसत्तणेण य मयणाइरेयरूवविभवेण य जणवच्छलत्तणेण य वाढमक्खित्तचित्तो कुमारमेकमेव पढावेइ
मंगलपाढेसु लेहेइ चित्तभित्तिसु निसामेइ कित्तीसु गायावेइ गीएसु अभिणच्चावेइ नट्टेसु, अविय-

रुइवि दुइसीलेऽवि रूवरहिएऽवि गुणविहीणेऽवि । लोओ पुत्ते पणयं किंपि अपुवं पयासेइ ॥ १ ॥

किं पुण चिरकालसमुभवंमि नीसेसगुणमणिनिहिंमि । सकुलभुद्धरणखमे न होज्ज नेहो नरवइस्स? ॥ २ ॥
एगया य अत्थाणमंडवनिसन्नंमि नरवइंमि पायपीढासीणे कुमारे नियनियट्टाणनिविट्टेसु मंतिसामंतेसु समारद्धंमि
गायणजणे मणोहारिसरेण गेए पणचिरंमि चित्तपयक्खेवनट्टविहिवियक्खणे वारविलासिणीजणे पच्चासन्नमागंतूण
चिन्नविद्यं पडिहारेण-देव ! हरिसपुरनयराहिवइस्स देवसेणभूवइस्स दूओ दुवारे देवदरिसणं समीहेइ, राइणा
भणियं-भइ ! सिग्घं पवेसेहि, जं देवो आणवेइत्ति भणिऊण पवेसिओ अणेण, कया से उचियपडिवत्ती, पुट्टो य
आगमणप्पओयणं, दूएण जंपियं-देव ! हरिसपुरपहुणा देवसेणनरिंदेण रूवजोवणगुणोवहसियनागकन्नगाए निय-
सुयाए सीलवइनामाए वरनिरूवणत्थं पेसिओऽम्हि तुम्ह पासे, रण्णा जंपियं-भइ ! पेच्छसु पायपीढासीणं कुमारं,
परिभावेसु य किमणुरूवो वरो न वत्ति, दूएण भणियं-देव ! चिन्नवणीयं अत्थि किंची, रत्ता भणियं-चिन्नवेसु, दूएण
जंपियं-जइ एवं ता निसामेसु, अत्थि अम्ह नराहिवस्स देवसेणस्स समग्गवीरवग्गपहाणो कालमेहो नाम
महामल्लो, तस्स य किं वन्निज्जइ वलपगरिसंमि?, तथाहि-

दढकटिणकायवणमहिसजूहनाहेण सह सरोसेणं । सीसेण संपलग्गइ जुज्जेउं सो वलमएणं ॥ १ ॥

सुंडादंडे घेत्तूण पाणिणा मत्तदंतिनाहंपि । तद्विणपसूयसुरहीसुयं व कड्ढेइ लीलाए ॥ २ ॥

भारसयसंकलंपि हु तोडइ हेलाए जुण्णरज्जुं व । नियसुट्टिपहारेण य सिलंपि सो जज्जरं कुणइ ॥ ३ ॥

मंसस्स विरुद्धं किर लोहं एयंपि तत्थ विवरीयं । जं नाराया खित्तावि तस्स वाहिंपि न छिबंति ॥ ४ ॥

इय सो नियगाढवलावलेवओ तिहुयणं जरतणं व । मन्नंतो भमइ पुरे निरंकुसो मत्तहत्थिव्वं ॥ ५ ॥

अन्नया य तस्स पसिद्धिमसहमाणा समागया देसंतराओ मल्ला, दिट्ठो तेहिं राया, साहियं आगमणपओयणं, समाहूओ य रण्णा कालमेहमल्लो, निवेइओ से तव्वइयरो, अब्भुवगयं तेण तेहिं समं जुज्झं, सज्जीहूया दोवि पक्खा, कओ अक्खाडओ, विरइया उभयपासेसु मंचा, निविट्ठो अवलोयणकोऊहलेण नीसेसअंतेउरसमेओ नरवई पुरपहाणपुरिसवग्गो य, समाढत्तं च भुयाहि य अडुपायइयाहिं च वंधेहि य विसमकरणपओगेहिं मल्लेहिं सह तेण जुज्झंउं, खणंतरेण य दढमुट्ठिप्पहारेहिं निहया कालमेहेण देसंतरागया मल्ला, कओ लोणेण जयजयसहो, दिन्नं से नरिंदेण विजयपत्तं, सम्माणिओ विचित्तवत्थाभरणेहिं, गओ नियनियट्ठानेसु नयरजणो, रायावि अंतेउरपरियरिओ संपत्तो नियमंदिरं, वीयदिवसे य सव्वालंकारविभूसिया काऊण देवीए पउमावईए पेसिया सीलवई कण्णगा पिउणो पायवडणत्थं, चेडीचक्कवालपरिवुडा य सा पत्ता नरिंदसगासे, निवडिया चरणेसु, निवेसिया रण्णा उच्छंगे, पुच्छिया य-पुत्ति ! केण कारणेण आगयाऽसि ?, तीए भणियं-ताय ! तुम्ह पायपडणनिमित्तं अम्मगाय पेसियम्हि, राइणा चिंतियं-अहो वरजोगत्ति कलिऊणं नूणं देवीए पेसिया, ता किमियाणिं कायव्वं ?-

एकं चिय मह तणया परूढपणयाएँ अग्गमहिसीए । एसा वरस्स जोग्गा को पुण एयाएँ होज्ज वरो ? ॥ १ ॥

एयाए चित्तचित्तिं अविद्याणिय जइ वरेज्ज निवपुत्तो । जो वा सो वा आजम्म दुक्खिया होज्ज ता एसा ॥ २ ॥
इति परिभाविऊण पुच्छिया सा नरवइणा-पुत्ति ! को तुज्ज वरो दिज्जइ ? किं सुखुवो उयाहु समरंगणसवडंसुह-
सुहडपडिक्खलणपयंडपरकमो किं वा समरभीरुओत्ति, तओ ईसिं विहसिऊण भणियं तीए-ताओ जाणइ, राइणा
भणियं-पुत्ति ! अवरोहकयकजाइं न सुहावहाइं होंति ता सम्ममणुचिंतिय भणसु, तीए भणियं-ताय ! जइ एवं
ता जो एयं कालमेहमल्लं नियभुयवलेण महियपरकमं करेजा सो मम वरो होज्जत्ति, राइणा चिंतियं-अहो वलाणु-
रागिणी मम तणया, को पुण समत्थो एयस्स वइयरस्स ?, भणिया य सा-पुत्ति ! मा कुणसु एवं, अतुलमल्लो खु
एसो, ता अन्नं वरं पत्थेसु, तीए भणियं-ताय ! जइ परं हुयासणो अन्नोत्ति, इय तीए निच्छयमुवलब्भ रत्ता पेसिया
सव्वनरवईणं दूया, निवेयाविओ एस वुत्तंतो, एयं च अणभुवगच्छमाणा नरवइकुमारा एवं पयंपंति-

को बोहेज्ज कयंतं ? को वा हालाहलं विसं भक्खे ? । को कालमेहमल्लेण जुज्झिउं सह पवजेज्जा ? ॥ १ ॥

तेण न कज्जं रजेण किंपि न कज्जं च तीए भजाए । जा लब्भइ खित्तसंसयजीवियवेहिं कट्टेण ॥ २ ॥

एवं च निव्वग्गजणमणोरहेहिं असिद्धकज्जेहिं चेव पडिनियत्तिऊण दूएहिं रण्णो कहिओ मल्लजुज्झाणभुवग-
मगब्भो नीसेसनरेसरकुमारवुत्तंतो, तं च सोऊण गाढसोगाउलो जाओ देवसेणनरवई, एत्थंतरे विन्नत्तो मंतिसामं-
तेहिं-देव ! किमेवं उच्छन्नूच्छाहा होह, अज्जवि देवेण अनिरुविओ चिट्ठइ कुरुदेसाहिवनरवइसुओ नरविक्रमकुमारो,

राइणा भणियं—सोऽवि एवं चेव परंमुहो हविस्सइ, मंतिसामंतेहिं वुत्तं—देव ! मा एवं जंपह, जओ अपोरिसे(परिमे)ओ
 तस्स चल्पगरिसो असंभावणिज्जो निजुद्धपरिस्समो अणाइक्खणिज्जा मल्लविज्जाए कोसल्लया, किं बहुणा ? नरसिंहनरवइ-
 साहसतोसियाए भगवईए जो दिण्णो तस्स किं वन्नियवं ? सरीरमेत्तेण चेव सो नररूवो सेसगुणेहिं निच्छियं देवोत्ति,
 एयं च समायणिणऊण संजायहरिसेण देवेण पेसिओऽहं तुम्ह समीवे, ता देव ! एयं तं विण्णवणिज्जंति, राइणा भणियं-
 भइ ! धररयणपुत्रकेसरिगुहव सेसाहिमत्थयमणिच्च समगं चिय भयहरिसे जणेइ विण्णत्तिया तुज्झ, दूएण कहियं-
 देव ! एवमेयं, तओ राइणा अद्धच्छीए पेच्छियं कुमारवयणं, कुमारोऽवि तक्खणं चिय उट्ठिओ निवडिओ रण्णो
 चरणेसु, भणिउमाढत्तो य—ताय ! समाइसह किं कीरउत्ति ? राइणा भणियं—कुमार ! निसुणियं तए दूयवयणं ?
 केरिसो वा तुह भुयदंडपरफमो ? कुमारेण भणियं—ताओ जाणइ, तओ राइणा जोग्गयमुवलम्भ अम्भुवगयं मल्ल-
 जुज्झं, सम्माणिऊण सट्ठाणं पेसिओ दूओ, गओ जहागयं, निवेइयं च तेण जहावित्तं देवसेणरण्णो, जाओ से परमो
 पमोओ, निरूचियं परिणयणजोग्गं लग्गं, पेसिया य वरागरिसगा पहाणपुरिसा, अणवरयपयाणएहिं पत्ता जयंति-
 नयरिं, विरइओ आवासो, अणुरूवसमए दिट्ठो राया, सिट्ठं नियकज्जं, तओ पउरकरितुरगसुहडकोडिपरिवुडो पेसिओ
 तेहिं समं कुमारो, पत्तो कालकमेण हरिसपुरनगरसमीवे,

तो तं इत्तं नाउं, रत्ता काराविओ पयत्तेणं । वंसग्गवद्धयच्चिंधवंधुरो इत्ति नयरमहो ॥ १ ॥

विहिया नरोहिं कुसलेहि कुसुमछडाडोवसुंदरा मग्गा । खित्ता य कुसुमपयरा रणज्झणिरभमंतभमरउला ॥ २ ॥
 नचंतनाडइजा तालायरकहगपवररमणिज्जा । जाया चउक्कचचरचउम्मुहप्पमुहदेसावि ॥ ३ ॥
 ठाणे ठाणे रइया दसद्धवण्णेहिं सुरभिकुसुमेहिं । विच्छित्तिविचित्ताओ लंबंतुद्दामदामाओ ॥ ४ ॥
 भवणंपि तस्स जोग्गं निरुवियं सत्तभूमियं रम्मं । चंदणरसलिहियपसत्थसत्थियं थंभसयकलियं ॥ ५ ॥
 तं नत्थि जं न विहियं कुमरागमणे पुरंमि नरवइणा । अहवा हरिसुक्करिसा पुरिसा किं किं न कुवंति ? ॥ ६ ॥
 एत्थंतरे समागया पहाणपुरिसा, पणमिऊण भणियं तेहिं—देव ! वद्धाविज्जह तुब्भे पुरसमीवसमागयकुमारकु-
 सलोदंतसवणेण, तओ समुद्धुयविजयवेजयंतीसहस्साभिरामाए चाउरंगिणीए सेणाए समेओ सियसिंधुरखंधाधि-
 रूढो पडिपुण्णचंद्रमंडलाणुकारिणा छत्तेण धरिज्जमाणेणं निग्गओ राया कुमाराभिमुहं, खणंतरेण दिट्ठो कुमारो
 समालिंगिओ गाढपणयं पुट्ठो थ सरीरारोग्गयं, दट्ठूण कुमारसरीरसंठाणसिरिं चित्तियं रणणा—निच्छियं इयाणिं विण-
 स्सइ कालमेहमल्लस्स बाहुवलमडप्फरोत्ति, अह मुहुत्तमेत्तमणुगच्छिय पुव्वनिउत्तनियनियट्ठाणेसु पेसिओ कुमारप-
 रियरो, कुमारोऽवि विमुक्को तंमि चेव पासाए, दवावियाइं करितुरयाइंणं जोग्गासणाइं, कुमारस्सवि कए पेसिया
 पउरवंजणभक्खभोयणसमिद्धा रसवई, कयं च अन्नंपि तक्कालोचियं करणिज्जं, आहूया थ अवरणहसमए पहाणपुरिसा,
 भणिया थ—भो गंतूण निवेयहं कुमारस्स जहा एसा अम्ह सुया वलाणुरागिणी, ता दंसेह कालमेहमल्लस्स विजएण

नियसामत्यंति, जं देवो आणवेइत्ति भणिकुण ते गया कुमारसमीवे, निवेइओ तस्स नीसेसंवइयरो, अब्भुवगओ कुमारेण, ततो वीयंदिवसे आढत्तो अक्खाडयपरिक्खेवो निवद्धा मंचा परमकोऊहलाउलिज्जमाणमाणसो मिलिओ नयरजणो, ठिओ मंचंमि संतेउरो नरवई, आरूढा य एकदेसंमि चेडीचक्कवालपरिवुडा पाणिपइड्डियलट्टपप्फुल्लफुल्ल-माला सीलमई रायसुया, पडिक्खलिओ सवत्थ जणसंचारो, कओ अंगरक्खेहिं परिक्खेवो, वज्जियं पलयकालगज्ज-तपक्खुहियपुक्खलावत्तपगज्जिररवगंभीरं चउच्चिहमाउज्जं, जाओ अवसरो, मंचाओ तओ कुमारो गाढुप्पीडियनियं-सियकडिल्लो दढवद्धकेसपासो पमुक्काभरणसंभारो कुलधेरीकयरक्खो जलणुब्भडगुरुपयावदुप्पेक्खो संनिहियपाडिहे-रोष भासुरो झत्ति अवयरिओ, तथा—

कंठतडुब्भडपरिहियपयतलविलुलंतविमलवणमालो । आवद्धमल्लवलओ गज्जंतो पलयमेहोव ॥ १ ॥

मयभिंभलरत्तच्छो गघुद्धुरकंधरो तुरियचवलं । पेच्छयजणपरियरिओ संपत्तो कालमेहोवि ॥ २ ॥

रे मल्ल ! मेल्लसु लहुं पुवज्जियविजयगघमेत्ताहे । अणुसरसु ममं सिग्घं अह भणिओ सो कुमारेण ॥ ३ ॥

सोउं कुमारवयणं जरोव गव्वो झडत्ति तस्स गओ । अणुचिंत्तिउं च लग्गो जुत्ताजुत्तं सवुद्धीए ॥ ४ ॥

कहं ?—जइ एस मए विजिओ एयजणाओ तथावि नो कुसलं । अह एएण जिओऽहं वित्तिच्छेओ तओऽवस्सं ॥ ५ ॥

अतुलवलविक्कमस्स उ इमस्स विजएऽवि मज्झ संदेहो । ता उभयपासरज्जुव संकडं एयमावडियं ॥ ६ ॥

श्रीगुणचंद्र
महावीरच०
४ प्रस्तावः

॥ ९४ ॥

इय बहुभेयविकप्पणवसाउलिजंतचित्तवित्तिस्स । फुट्टं तडत्ति हिययं तस्स कुमित्तस्स व रहस्सं ॥ ७ ॥
तओ जाओ कलयलो, उग्घोसियं च जणेण—अहो महप्पभावं दंसणं कुमारस्स, जेणावलोयणमेत्तेणवि वज्जगंठिव
निट्ठुरं फुट्टं तडत्ति हिययमेयस्स, ता जयइ सव्वहा कुमारो, एत्थंतरे ओयरिऊण मंचाओ चेडीजणपरिवुडाए सील-
मईए खित्ता कुमारकंठदेसे समं नियचित्तवित्तीए वरमाला, पव्वज्जियाइं असंखघोससंखोभियभवणाइं मंगलतूराइं, जाओ
णयरे पमोओ, तुट्टो राया सह मंतिसामंतेहिं, पारद्धो विवाहो महाविभूर्इए उभयपक्खपरितोसेणं, निघत्तिए य तंमि—
पगलंतमयजलुब्भडकरडतडुद्दामभमिरभमराणं । सुहलक्खणंक्रियाणं पंचसयाइं गइंदाणं ॥ १ ॥
मणपवणजविणवेगाण जच्चतुरंगाण वंकगीवाणं । वारस चेव सहस्सा रहाण दो तुंगसिंगाणं ॥ २ ॥
कणगस्स तीस कोडी चीणंसुयपमुहवत्थरासीओ । दिन्नाओ कुमारस्सा पाणिस्स विमोयणे रत्ता ॥ ३ ॥
कयमन्नंपि सविसेसं कायवं, जाओ अवरोप्परं पणयभावो । अवस्वासरे य पेसिया कुमारेण पहाणपुरिसा देवसेण-
नरवइस्स पासे नियट्ठाणगमणाणुन्नागहणनिमित्तं, गंतूण निवेइयं तेहिं नरवइस्स, तओ देवसेणेण पुणरवि सम्माणिओ
पहाणवत्थुसमप्पणेण कुमारो, निरुवियं गमणजोग्गं दिणं, निउत्ता दंडनायगा अणुगमणत्थं, अह पसत्थवासरे
ससुरप्पभिर्इण कयमुचियकायवो पत्थिओ कुमारो हरिकरिनरनियरसमेओ सनयराभिमुहं । एत्थंतरे—
सवालंकारधरिं सीलवइं चेडियाजणसमेयं । लच्छिव कुमारपुरो काउं रत्ता भणियमेयं ॥ १ ॥

कालमेघ-
महामरणं.

॥ ९४ ॥

पुत्ति ! पवित्तं सीलं पालेज्जसु मा करेज्जसु कुसंगं । अणुवत्तिज्जसु गुरुज्जणमवणिज्जसु दुव्विणयभावं ॥ २ ॥
 सेविज्जसु नयमग्गं मियमहुरक्खरगिरं वएज्जासि । आराहेज्जसु सपियं देवो भत्ता कुलवहूणं ॥ ३ ॥
 कुमरोऽपि इमं वुत्तो एसा एक्का सुया ममं इट्ठा । छायव्व सहयरी जह हवइ सया तह तए किच्चं ॥ ४ ॥
 इय सिक्खविउं राया धूयं विरहग्गिदूमियसरीरो । अणुगमिऊण कुमारं नियनयराभिमुहमह चलिओ ॥ ५ ॥
 कुमारोऽपि पेच्छंतो नगनगरागरगामकाणणरमणिज्जं मेइणिं साहित्तो विसमपल्लीनिलीणे भिल्लाहिवइणो
 पयट्टंतो पुषणीईओ अवलयंतो तावसजणनिसेविए अणवरयडज्जंतघयमहुसमिहमहोसहिसमुच्छलंतवहलधूमपडल-
 कयमेहसंकसिहंडितंडवाडंवररमणिजे आसमपए, पइदिणपयाणएहिं संपत्तो जयंतीए नयरीए वाहिरुज्जाणे, वद्धाविओ
 नरसिंघनरवई, काराविया नयरसोहा, जाया समुद्धुयविचित्तचीणंसुयचिंधवंधुरा रायमग्गा, अह पसत्थंमि मुहुत्ते
 अंतैउरपुरप्पहाणजणपरियरिएण नरिंदेण अणुगम्ममाणो नरविक्रमो नयरिं पविसिउमारद्धो, ठिया य रायमग्गोभय-
 पासपासायमालासु तदवलोयणकोऊहलाउला कुसुमुम्मिस्सक्खयहत्था लोयसत्था, जाया य कुमाररूवपलोयणपा-
 उम्भवंतविविहवियाराण जुवईजणाण विन्भमा । कहां चिय ?—

ददूण कायि पडिजुवइकंतगंडत्थलंतसंकंतं । कुसुमक्खएहिं ताडइ ईसाइंतिव्व रायसुयं ॥ १ ॥

पवियंभियकुसुमाउहवसवियसियलोयणा पलयंती । न मुणइ सकडिल्लंपिहु पवणेणायट्ठियं अवरा ॥ २ ॥

श्रीगुणचंद्र
महावीरच०
४ प्रस्तावः
॥ ९५ ॥

कुमरपल्लोयणवामूढमाणसा निचला गिहग्गया । अनिलचलंचलचूडा काविहु रेहइ पडायव ॥ ३ ॥
अम्मे ! जामि पलोइदुं दसदिसं कोलाहला सुवए, सा मा गच्छ मयच्छि ! निच्छियमिमो सो एइ रण्णो सुओ ।
दिट्ठे जम्मि पणट्टनिव्वुइमणा मुद्धावरा मग्ग(ङ्ग)णा, वट्टंती विव सासुयाएँ पुरओ अन्ना इमं जपइ ॥ ४ ॥
इय एवं सविलासाहिं नयरनारीहिं सचविज्जंतो । कुमरो वहुसमेओ संपत्तो निययभवणंमि ॥ ५ ॥
तहिं गएण य कया सविसेसं गुरुजणाण पणामाइपडिवत्ती, समप्पिओ य रण्णा अंवरतलमणुलिहंतो निययभव-
णनिव्विसेसो पासाओ कुमारस्स, तत्थ द्विओ य सो सक्को इव देवलोए धरणो इव पायाले विसयसुहं भुंजंतो
कालं गमेइ, अन्तरंतरा य तुरगवाहियालिं च मत्तसिंधुरदमणं च मल्लजुज्झब्भसणं च राहावेहकोऊहलं च धम्मसत्थ-
सवणं च देसंतरनयरवत्तानिसामणं च गुरुचरणनिसेवणं च मग्गणजणमणोरहपूरणं च करेइत्ति । अह कुमारस्स का-
लकमेण सीलमईए सह विसयसुहं भुंजमाणस्स कुसुमसेहरविजयसेहरनामाणो जाया दोन्नि पुत्ता, ते य वल्लहा पिया-
महस्स, विविहप्पयारेहिं उवलालिज्जमाणा वट्टंति । अन्नया राइणो समीवे निसन्नंमि नरविक्रमे जहोचियठाणनिवि-
ट्टंमि सेवगजणे मयभरसंभरियसच्छंदजसुणावणविहारो तडयडारावतोडियनिविडघडणुत्तरतारसयप्पमाणलोहनिगडो
सयखंडचुन्नियमहालाणखंभो निहयकरप्पहाराहयारोहगवग्गो पहाविओ नयरमज्जेण जयकुंजरो उम्मूलियगरुयहुमसो-
डियगुरुविडवकडयडरउद्दो कुंभत्थलपणोल्लणपाडियसुरभवणसिहरग्गो अइकट्ठिणकरप्फालणविहाडिउद्दामतुंगपागारो

अइवेगुगालियकन्नतालविह्वियभसलउलो अइरभसभरपहावणसपक्खकुलसेलचल्लिकयसंको दढदंतदंडताडणढलढ-
 लियंढालयसमूहो करघायदंतवेहणचरणुप्पीडणनिवाडियजणोहो सव्वत्थ भमइ भीमो जमोव्व जुगविगमसमयंमि, अह
 मंदरमहिज्जमाणमहोयहिघोसघोरे समुच्छलिए तियचउक्कचचरेसु जणाणं अक्कंदियरवे पुच्छियं नरवइणा-भो भो
 किमेवं नयरे कोलाहलो सुम्मइत्ति ?, जणेण भणियं-देव ! एस तुम्ह जयकुंजरो भग्गालाणखंभो नयरं विह्वेइ,
 एवं सोचा विसज्जिया कुमारपमुहा पहाणलोया जयकुंजरगहणनिमित्तं, भणिया य-अरे ! सव्वहा सत्थघायं परिहरं-
 तेहिं एयस्स वट्टियव्वं, एवं च पडिवज्जिय गया ते तदभिमुहं, न य पेच्छंति कमवि उवायं जेण हत्थी वसमुवग-
 च्छइत्ति, एत्थंतरे वेलामासवत्तिणी गुरुगन्भभारवसविसंडुलनिवडंतचरणा गाढपाणभयकंपंतसरीरजट्टी इओ तओ
 य धावंती एंगा कुलंगणा दिट्ठा जयकुंजरेण, तओ उल्लालियकरग्गो पवणवेगेण धाविओ तीसे अभिमुहो, सावि
 कुंजरं तहा सिग्घमागच्छंतं पेच्छिऊण सज्झसभरनिरुद्धपयप्पयारा कलुणाइं दीणाइं विलविउं पयत्ता, कहं चिय ?-
 हे माइ भाय ताया तायह मं मा उवेक्खह इयाणिं । एसो मम वहणट्ठा दुट्टकरी पासमल्लियइ ॥ १ ॥
 हं हो पेच्छंगलोया । निक्करुणा करिवरं पडिक्खलह । गुरुगन्भभरकंता एसा संपइ विवज्जामि ॥ २ ॥
 अहहं कहं पावकरी एसो सो आगओ मम समीवे । निस्सरणा नित्ताणा कमुवायं संपइ सरामि ? ॥ ३ ॥
 किं कोऽवि महांपुरिसो परोचयारत्थधरियनियपाणो । एत्थ न पेच्छइ सहसा मं दुक्खत्तं विणस्संतिं ॥ ४ ॥

श्रीगुणचंद्र
महावीरच०
४ प्रस्तावः

॥ ९६ ॥

इय दीणकलुणवयणाइं णेगसो भासिऊण खणमेकं । मुच्छानिमीलियच्छी धसत्ति सा महियले पडिया ॥ ५ ॥
सोवि करिवरो दढरोसभररत्तणेत्तो संपत्तो तीसे थेवंतरेण, दिट्ठा य सा कुमारेण भयवसभूमिनिस्सहनिवडियंगी,
चित्तियं च—अजुत्तमजुत्तमियाणिं उवेहणं एयाए, जओ—

एकं अवला एसा अन्नं गुरुगब्भभारविवसंगी । अन्नं पुण मुच्छाए निमीलियच्छी धरणिपडिया ॥ १ ॥

अन्नं च पुणो तायस्स एस जयकुंजरो अतीव पिओ । सत्थेण न हंतव्वो विसममिमं निवडियं कज्जं ॥ २ ॥

अहवा रूसउ ताओ जं भवइ तं करेउ मम इण्हिं । हंतव्वो एस करी दुव्वलजणपालणं धम्मो ॥ ३ ॥

इय निच्छिऊण निविडवद्धदुगुलंचलो तुरंगाओ अवयरिऊण अवलोइज्जंतो नरनारीजणेण निवारिज्जंतो पासव-
त्तिपरियणेण पडिखलिज्जमाणो अंगरक्खेहिं निरवेक्खो नियजीवियस्स सिग्घं पधाविऊण मेहस्स व मयजलासार-
पसमियरयनियरस्स कयगंभीरगलगज्जियस्स सहस्सनयणोव्व थेवंतरेणासंपत्तस्स जयकुंजरस्स करणप्पओ-
गवसेण आरूढो पट्टिदेसंमि कुमारो, ताडिओ य कुलिसनिट्टुरेण मुट्टिप्पहारेण करी कुंभत्थलंमि, अह खरयरं रोस-
मुवागओ मणागंपि अनियत्तंतो नारीवहाओ सो कुमारेण जमजीहादुव्विसहाए खग्गधेणूए आहओ सव्वसत्तीए
कुंभजुयलंतराले, तओ पढमुग्गमंतरविमंडलाओव्व करपसरो खरपवणपणुन्नकमलसंडाओव्व मयरंदनीसंदो महागिरि-
गेरुयागराओव्व निव्वभरसलिलुप्पीलो कुंभत्थलाओ से वूढो महारुहिरप्पवाहो, सहसच्चिय विगयनयणोवलंभो विहलं-

सगर्भ
युवतिरक्षा.

॥ ९६ ॥

घलीभूओ मओ इव मुच्छिओ इव दढपाससहंस्तसंजमिओ इव निचलो ठिओ करी, तओ अवयरिऊणं कुमारेण संठविया
सा भूमिगया इत्थिया, विमुक्का य समीहियपएसंमि, सयंपि गओ नियमंदिरं, सोऽवि करिवरो गहिओ आरोहेहिं,
पारद्धो अणवरयजलघडसहंस्तखेवेण सिसिरोवयारो, पयट्टावियाइं घायविसोहणाइं, महाविमद्देण नीओ निययावासे,
निवेइयं नरवइणो जहावित्तं, रुट्टो राया, परं सोयमुवागओ, भणिउमाढत्तो य—

रे रे वचह पुरिसा ! निस्सारह तं सुयं दुरायारं । जयकुंजरेऽवि निहए अज्जवि इह वसइ जोऽलज्जो ॥ १ ॥

अघो साहसत्तुट्टाएँ तीए देवीएँ सुंदरो दिन्नो । पुत्तो अमित्तरूवो देवाविहु विप्पयारंति ॥ २ ॥

नूणं मूढो लोओ तम्मइ पुत्तस्स जो निमित्तंमि । न मुणइ एवंविहदोससाहणे पयडसत्तुत्तं ॥ ३ ॥

अन्नाणविलसियमिणं गइं अपुत्तस्स जं निवारंति । इहलोयप्पडिणीओ परलोयसुहो कहं होज्जा ? ॥ ४ ॥

नीसेसरज्जसारं एयं जयकुंजरं हणंतेण । कह मह सावेक्खत्तं पुत्तेण पयासियं भणसु ? ॥ ५ ॥

ता जह पुघं एफेण रक्खियं खोणिवलयमक्खंडं । रक्खिस्सामि तहेण्हिं निस्सारह वेरियं एयं ॥ ६ ॥

जो एरिसं अणत्थं वीसत्थो कुणइ वसइ निस्संको । सो नूण ममंपि विणासिऊण रज्जंपिहु हरेज्जा ॥ ७ ॥

इय पुणरुत्तं नरवइस्स निच्छयमुवलब्भ विमणदुम्मणा गया कुमारसंमीवं रायपुरिसा, तं च पणमिऊण सामव-
यणा निविट्टा एगदेसे, पलोइऊण य तेसिं मुहसोहं भणियं कुमारेण—किं भो ! गाढमुविग्गा दीसह ? साहह किमेत्थ

श्रीगुणचंद
महावीरच०
४ प्रस्तावः

॥ ९७ ॥

कारणं ?, खणंतरं निरुद्धकंठं चिद्विय दीहुणहुणहमुकनीसासपुरस्सरं दुस्सहविरहविहुरनिस्सरंतवाहप्पवाहं परासुसियलो-
यणजुयलं भणियं पुरिसेहिं—कुमार ! निब्भग्गसिरसेहरा किं साहेमो ?, कुमारेण भणियं—कहं चिय ?, पुरिसेहिं भणियं—
जेण तुम्हेहिं सह दुस्सहो दीहविरहो भविस्सइत्ति, इंगियाकारकुसलत्तणओ परियाणिऊण तेसिमभिप्पायं भणियं
कुमारेण—किं कुविओ ताओ निव्विसयमाणवेइ ?, रायपुरिसेहिं भणियं—कहमेयं परुसक्खरं देवदुल्लहाणं तुम्ह भणि-
ज्जइ ?, सयमेव जाणह तुम्भे जमेत्थ पत्तकालं, तओ वत्थतंवालाइणा पूइऊण रायपुरिसा सट्टाणे पेसिया कुमारेण,
वाहराविया य निययसेवगा, भणिया य—भो महाणुभावा ! वारणसिरवियारणकुविएण ताएण निव्विसओ आणत्तोम्हि,
ता गच्छह नियट्टाणेषु तुम्भे, अवसरे पुणरवि एज्जहत्ति, सम्माणिऊण सप्पणयं पेसिया, देवी य सीलमई भणिया,
जहा—गच्छसु पिए ! तुमंपि पियहरं, पत्थावे पुणरवि एज्जाहि, सा य खणमवि विओगदुक्खमसहमाणी जमुणाजलस-
च्छहं सकज्जलं नयणवाहप्पवाहं मुंचंती रोविउं पयत्ता, संठविया कुमारेण तेहिं तेहिं महुरवयणेहिं, नेच्छइ य सा खण-
मवि विओगं, तओ भणिया कुमारेण—पिए ! दुग्गा मग्गा आजम्मसुहलालियाणं दढमजोग्गा य, असंजायसरीरवला
वालजुयलपरिवुडा य तंसि, ता विरम सव्वहा ममणुग्गहं कुणमाणी इमाओ असग्गहाओत्ति, सीलमईए भणियं—
अज्जपुत्त ! तइया ताएण तुह किमुवइट्टं ?, कुमारेण भणियं—न सरामि, सीलमईए जंपियं—मम एकच्चिय धूया एसा
अचंतं निवुइठाणं छायाव सहचरी जह हवइ सया तह तए किचंति, कुमारेण भणियं—पिए ! सुमरियमियमियाणिं,

नरविक्र-
मस्य
प्रवासः.

॥ ९७ ॥

तीए जंपियं-ता कीस नियत्तेसि मं ? , कुमारेण भणियं-मग्गगाढपरिस्समकारणेण नियत्तेमि, जइ पुणं अवस्समेवागंतघं
मए समं ता पउणा भवसु, विमुंचसु भवणनिवासाभिरइं परिचय सुकुमारत्तणंति, सीलमईए भणियं-एसा समसुह-
दुक्खसहा जाया पगुणस्सि, तओ करकलियसरासणो पिट्टिप्पएसवद्धतोणीरो सुयजुयलसमेयाए सीलमईए सहिओ
सुहपसुत्तेसु नयरलोएसु पसंतेसु गीयरवेसु सट्टाणनिविट्ठेसु अंगरक्खेसु पमत्तेसु जामकरिघडाधिरूढेसु सुहडेसु इओ
तओ पेसिएसु नियचेडगेसु नीहरिओ नयराओ कुमारो, अविच्छिन्नप्पयाणएहिं परं रज्जंतरं गंतुं पवत्तो य ।

इओ य आयत्तिऊण कुमारस्स विदेसगमणं सयलोऽवि नयरीजणो मुक्ककंठं विलविउमारद्धो, मंतिणोऽवि परिच-
त्तनीसेसरज्जवावारा हरियसवस्ससारा इव विमणदुम्मणा गंतूण नरनाहं उवलंभिउं पवत्ता, कहं विय ?

तिलतुसमित्तंपिहु नियपओयणं अम्ह साहिउं देवो । पुद्धिं करिसु इण्हि पव्वयमेत्तेऽवि नो पुट्ठा ॥ १ ॥
ता देव ! जुत्तमेयं काउं किं तुम्ह येवकज्जेऽवि ? । रज्जभरधरणधीरो जमेस निवासिओ कुमरो ॥ २ ॥
किं एगदुट्टकुंजरकएण नियजीयनिव्विसेसस्स । पुत्तस्स एरिसगई विहिया केणावि नरवइणा ? ॥ ३ ॥
किं वा विंझमहागिरिपरिसरधरणीए कुंजरकुलाइं । हरियाइं तक्करेहिं जं देवो ववसिओ एवं ॥ ४ ॥
इत्थीए रक्खणओ किमजुत्तं नणु कयं कुमारेण ? । नियडिंभदुट्टचेट्ठावि जणेइ जणयस्स संतोसं ॥ ५ ॥
पररज्जेसु य अजसो अम्हाण पयासिओ तए नूणं । जह नरसिंघनराहिवरज्जमुवेक्खंति गुरुणो य ॥ ६ ॥

श्रीगुणचंद्र
महावीरच०
४ प्रस्तावः

॥ ९८ ॥

ता गिणहह नियमुदं सह भवणधणेहिं मोकलह अम्हे । न सहिस्सामो एत्तियमवजसरयफंसणं देव! ॥ ७ ॥
इय मंतीहिं भणिए राया संजायचित्तसंतावो । अब्भुवगयनियदोसो ताहे ते भणिउमाढत्तो ॥ ८ ॥
सरिसह मम अवरहं जमपुच्छिय एरिसं कयं कज्जं । नो कोवभराओ जओ जुत्ताजुत्तं मए नायं ॥ ९ ॥
जह तुब्भे भणह तथा न कोऽवि दोसेऽवि चयइ नियपुत्तं । इय वइयरछउमेणं मन्ने लच्छीए छलिओऽहं ॥ १० ॥
जं पुण इय दोसाओ मंतित्तविमोयणं कुणह तुब्भे । एसेव निरंजणसामिभत्तिजुत्ताण होइ मई ॥ ११ ॥
केवलमेको पुत्तो रज्जसमत्थो गओ विदेसंमि । तुम्हेवि उवेक्खह सं उभयं सोढुं न सक्कोऽहं ॥ १२ ॥
ता संपयं पसीयह रज्जं चित्तेह लहह कुमरस्स । सवत्थावि पउत्तिं एत्तो रोसेण पज्जत्तं ॥ १३ ॥
एवं गाढनिबंधेण पडिवन्नं मंतिजणेणमेयं, पेसिया य सयलदिसासु वरतुरयाधिरूढा पुरिसनियरा कुमारन्नेसण-
निमित्तं, गया य सवत्थ, निरूविओ सवजत्तेण, न केणवि दिसाभागमेत्तंपि वियाणियं, तओ कइवयचासराइं
वियरिय तेसु तेसु ठाणेषु अकयकजेहिं चैव नियत्तिऊण तेहिं सिद्धो सभानिविदुस्स मंतिजणसमेयस्स नारिंदस्स
कुमाराणुवलंभवुत्तंतो, तं च सोचा अचंतं सोयं कुणंतो राया वागरिओ मंतीहिं-देव! अलं परिदेविण, न
कयाइ करतलाओ विगलिओ पुणोवि पाविजइ चिंतामणी, न य दढकुनयदंडताडिया पुणोऽवि मंदिरे निवसइ
रायलच्छी, न गाढमकारणावमाणिओ नियत्तइ सप्पुरिसजणो, राइणा भणियं-जइ पढममेव सो तुम्हेहिं नियत्तिओ

मन्त्रिणां
रोषः कुमा-
रान्वेषणं.

॥ ९८ ॥

होंतो ता जुत्तं इत्तं, मंतीहिं भणियं—जइ मूलेऽवि से न रोसुप्पायणं देवो करंतो ता जुतत्तरं हुंतं । अवि य—
कज्जविणासे जाए जह बुद्धी वंधुरा पवित्थरइ । तह जइ पढमं चिय होज्ज देव ! ता किं न पज्जत्तं ? ॥ १ ॥

धन्ना सबुद्धिविभवेण जाणित्तं वत्थु तस्स य सरूवं । पढमं चिय सुग्गहियं कुणंति सप्पस्स वयणं व ॥ २ ॥

रत्ता बुत्तं सच्चं एयमहो केवलं बहुसणाहो । जाणेण विणा कह सो दूरपहं पाविओ होही ? ॥ ३ ॥

मंतीहिं तओ भणियं जेणेसा विहडणा कया देव ! । सो दूरेऽवि नएज्जा नूण कुमारं लहुं दंइवो ॥ ४ ॥

एवं चिरं परितप्पिय पुणोवि चारपुरिसे[हिं] कुमारवत्ताजाणणत्थं पेसिय नियनियठाणेसु गया मंतिणो, रायावि
सुयविरहवेयणाविहुराए चंपयमालाए देवीए संठवणनिमित्तमंतेउरं गओत्ति ॥

इओ य सो कुमारो कमकमेण गच्छंतो चिरकमलवणविहारुविग्गाए लच्छिदेवीए तुट्टेण पयावइणा निवासनिमित्तं
व विरइए नाणाविहतारुणतरुसामलियसयलरविकरपसरे अणेगकोडीसरीयजणसंकुले संदणपुरवेलाउले संपत्तो, अवि-
याणमाणो य तहाविहं गेहंतरं गोपुरपचासन्नस्स पाडलाभिहाणमालागारस्स मंदिरंमि पविट्ठो, दिट्ठो य सो पाड-
लेण विन्नाओ य विसिट्ठागिईए जहा नूणं कोई एस महापुरिसोत्ति, तओ अब्भुट्ठिऊण सपणयं कया उचियपडिवत्ती,
दंसिओ गिहस्स एगदेसो, निक्कारणवच्छल्लयाए य भायरं व तं उवयरिउमाढत्तो, कुमारोऽवि तत्थट्ठिओ सज्जूहभ-
ट्ठोव पवंगमो दिणगमणियं कुणंतो अच्छइ । अन्नया य पुवसमाणियंमि निट्ठियंमि दविणजाए पाडलेण भणियं—कुमार !

महायस निव्ववसायाणं केरिसो निव्वाहो?, ता परिचयसु आलस्सं, गिण्हसु ममारामस्स एगदेसं, ससुचिणखु
कुसुमाइं, गुंधिऊण य विविहमालाओ विक्किणसु रायमग्गंमि जहा सुहेण चैव निव्वहइ तुह परिग्गहोत्ति ।

तओ—जह जह वाएइ विही विसरिसकरणेहिं निट्ठुरं पडहं । धीरा पहसितवयणा नच्चंति तहा तह चैव ॥ १ ॥
इय चिंतिऊण खत्तधम्ममाणणुरूवंपि तयणुरोहेण पडिवन्नमेयं कुमारेण, पइदियहं च सह सीलमईए मालागारो-
वदंसियकाणणेगदेसतरुकुसुमाइं उच्चिणिय नियगेहमांगंतूण मालाओ विरएइ, पाडलगभज्जाए य समं सीलमइं तविक्रय-
निमित्तं रायमग्गे पेसेइ, उप्पज्जइ वहु अत्थो, एवं च पइदिणं पुप्फविक्रयकरणेणं सुहेण संपज्जइ निव्वाहो, अन्नया
पप्फुल्लविइल्लमालाओ गहाय सीलवई गया रायमग्गे, अह तीसे रूवेण जोघणेण य लायण्णेण य सोहग्गेण य अक्खि-
त्तचित्तो समागओ एगो कोडीसरीओ देहिलो नाम नावावणिओ, भणिया य तेण—भइ! केत्तिएण इमाओ मालाओ
लब्भंति?, तीए भणियं-पंचहिं सुवण्णधरणेहिं, तओ

दानेन वैराण्युपयान्ति नाशं, दानेन भूतानि वशीभवन्ति । दानेन कीर्तिर्भवतीदुशुभ्रा, दानात्परं नो वरमस्ति वस्तु ॥ १ ॥
इय चिंतितेण तीसे चित्तावहरणत्थं समप्पिया तेण तिण्णि दीणारा, सहरिसाए तीए गहिऊण समप्पियाओ
फुल्लमालाओ, विणएण भणिया य सा—भइ! इओ दिणाओ आरब्भ मा अन्नस्स दाहिसि, समहिगतसुहेणवि अहमेव
गहिस्सामि, पडिवन्नं च तीए, गयाइं दोन्निवि नियनियगेहेसु, एवं पइदिणं सो तीए सगासाओ पुप्फमालाओ गि-

णइ, साऽवि समहिगदविणलोभेण तस्स चेवं दलयइ । अन्नया परतीरेगमणनिमित्तं नाणाविहअमुल्लभंडभरियं जाणवत्तं
 ठावियं जणेण समुत्तीरे, सावि भणिया, जहा-कलेऽहं परतीरे गमिस्सामि, तम्हा तुमे समुत्तीरे अमुगंभि पएसे
 आगंतूण नीसेसाइं कुंदवेइल्लनवमालईपाडलाइमुत्तयचंपयपमुहाइं कुसुमाइं समप्पेज्जासि, अहं ते चउग्गुणं मोल्लं
 दवाविस्सामि, पडिवन्नं च तीए हट्ट्हिययाए, न मुणिओ कोऽवि परमत्थो, वीयदिवसे गया समग्गकुसुममालाओ
 गहिऊण निदिट्ट्ठणाणे, दिट्ठो सो वणिओ जाणवत्ताधिरूढो, पणामियाइं तीए कुसुमाइं, पसारिओ तेण हत्थो, तीएवि
 समप्पणं(णत्थं)पलंविद्या मुणालकोमला नियमुयलया, तेणवि हरिसभरनिभरंगेण सकुसुममाला चेव गहिऊण आरो-
 विया सीलयई जाणवत्ते, उक्खित्ता उवरिगाए, एत्थंतरे वज्जावियाइं मंगलतूराइं पयट्ठियं पवहणं विमुक्का सियवडा
 वाहियाइं आवल्लयाइं चंडगंडीवविमुक्ककंडंवे वेगेण गंतुं पवत्तं जाणवत्तं । इओ य सो नरविक्रमकुमारो अच्चंतं तदणाग-
 मणकालविलंबुधिग्गचित्तो इओ तओ सीलमइं पलोइउं पवत्तो, तं अपेच्छमाणेण य तेण पुट्ठा पाडिवेसिया, अवलो-
 इओ रायमग्गो, सम्मं निरिक्खिया तियचउक्कचचरा, अवलोइयाइं सयलदेवउलभवणकाणणाइं, निवेइया वत्ता पाड-
 लयमालागारस्स, तेणावि सघायरेण गवेसिया सीलमईसच्चट्टाणेसु, कत्थविय पउत्तिमपावमाणेण सिग्घमेव नियत्तिय
 भणिओ कुमारो-महायस ! धीरो भव, परिचयसु कायरत्तं, कुमारेण भणियं-भइ ! न किंपि मम कायरत्तं, केवलं एए वालए
 जणणीविओगवसविसंडुलं रोयमाणो न सक्केमि पेच्छिउं, पाडलेण भणियं-एवं ठिएवि पुरिसाय(सयार)त्तं कायव्वं, ता

श्रीगुणचंद्र
महावीरच०
४ प्रस्तावः

॥ १०० ॥

पुत्रदिसिविभागे तीसे अन्नेसणनिमित्तं अहं गच्छामि, तुमं पुण पुत्तसमेओ चिय उत्तरदिसिहुत्तं इमाए नईए उभयकूलेसु
उज्जरेसु य दरीसु य दुत्तडीसु य विसमप्पवेसेसु य अवलोइज्जासित्ति, एवं करेमिच्चि पडिवज्जिय पुत्तजुयलसंमेओ चेव
गओ नरविक्रमो नईए पासदेसंमि, ते य पुत्तए मणागंपि सन्निहिममुंचमाणे संठविय चिंतिउमारद्धो । कहां चिय?—

किं होज्ज केणवि हडा ? वसीकया वाचि केणवि नरेण ? । किं वा सरीरपीडाए होज्ज कत्थवि निसन्ना सा ॥ १ ॥

किं वा ममावमाणं किंपि हु दट्टुण विलयमावन्ना । पुरिसंतरंमि अहवा जाओ तीसे पणयभावो ॥ २ ॥

सुमरामि न तावऽवमाणकारणं होउ वाऽवमाणेऽवि । नो सा चएज्ज पुत्तं अवचनेहो जओ गरुओ ॥ ३ ॥

संभवइ न एयंपिहु जमन्नपुरिसं मणेऽवि चिंतेज्जा । कह तारिसकुलजाया सीलं मइलेज्ज ससिधवलं ? ॥ ४ ॥

अहवा जुवईण मणं कुडंगगुविलं क एव जाणेज्जा ? । वाहिंदंसियपणयाण कवडभरियाण मज्झंमि ? ॥ ५ ॥

अन्नं वयंति पुत्रं पच्छा पुण वाहरंति गिरमन्नं । अन्नं धरंति हियए साभिण्णयं करंति पुणो ॥ ६ ॥

गयणे गणंति गहगणमुयहिंमि जलंपि जे परिमिणंति । पेच्छंति भावि कज्जं न तेऽवि जाणंति जुवइयणं ॥ ७ ॥

सच्चं चिय जुवईओ एरिसियाओ न एत्थ संदेहो । केवलमेयाए मए दिट्ठं लहुयंपि नो विलियं ॥ ८ ॥

ता सबहा न उवेहणिज्जा होइ एसत्ति निच्छिऊण पुत्ते य नईकूले संठविय परकूलनेसणट्टाए पविट्ठो नईए, पत्तो
य मज्झयारे, एत्थंतरे अचंतपडिणियत्तणओ हयविहिस्स अघडंतवत्थुसंघडणसीलयाए भवियवयानिओगस्स वलवत्त-

शीलवत्य
न्वेपणा.

॥ १०० ॥

णओ वेयणीयकम्मस्स गिरिसिरवरिसणवसविसप्पमाणसलिलप्पवाहेण पूरिया तक्खणेण नई, जाया अगाहा, खल्लिओ पवप्पयारो पवाहिओ तरुपल्लववारिपूरेण नरविक्रमकुमारो नीओ दूरप्पएसं, अह कहवि कुसलकम्मवसओ पाविय-
मणेण फलंगं, तंनिस्साए अवयरिओ तीरे तीए, नुवन्नो तरुवरच्छायाए, चिंतिउं पवत्तो—

कह नियनयरचाओ? कहेत्थ वासो? कहिं गया भज्जा? । कह पुत्तेहि विओगो? कह वा नइवेगवहणं च? ॥ १ ॥

स्वरपवणाहयजरतिणनियरो विव देवया दिसिवलिच्च । एकपए चिय कह मज्झ परियरो विसरिओ झंत्ति? ॥ २ ॥

हे दइव । तुज्झ पणओ एसोऽहं खिचसु सवदुक्खाइं । मज्झं सयणजणाओ जेणऽन्नजणो सुहं वसइ ॥ ३ ॥

एत्थंतरे पचासन्नजयवद्धणनयराहिवई कित्तिवम्मनामो नरवई अनिवत्तगसूलवेयणाए अपुत्तो सहसा पंचत्तमुवगओ, तओ मिलिआ मंतिसामंताइणो लोया, कओ पंचदिवाभिसेओ, रज्जारिहं च पुरिसं सवत्थ मग्गिउं पवत्ता, खणं-
तरेण नयरच्चंतरे रज्जारिहमपेच्छंताणि वाहिं अवलोयणट्ठा निग्गयाणि पंच दिवाणि, गंतुं पयट्ठाणि य तमुद्देसं जत्थ
सो चिंताउरो नरविक्रमकुमारो निवसइ, अह तदग्गगामिणं पयंडसुंडादंदुड्डामरं वेगेण पवरकुंजरमिन्तं दट्ठूण विग-
प्पियं एवं कुमारेण—

मन्ने पुच्चन्तयं इयाणि दइवो समीहए काउं । कहमन्नहेह हत्थी दूरुल्लालियकरो एज्जा? ॥ १ ॥

अहवा एउ इमो लडु कुणउ य मणवंचियं जहा मज्झं । ससुयदइयविरहपमोकखदुक्खवोच्छेयणं होइ ॥ २ ॥

श्रीगुणचंद्र
महावीरच०
४ प्रस्तावः

॥ १०१ ॥

अह गलगजिं घणघोसविभ्रमं कुंजरेण काऊण । नियपट्टीए ठविओ झत्ति कुमारो करग्गेण ॥ ३ ॥
हयहेसियं च जायं जयतूररवो वियंभिओ सहसा । सामंतमंतिलोएण परिवुडो तो गओ नयरं ॥ ४ ॥
जाओ पुरे पमोओ अपणयपुत्तावि पत्थिवा पणया । नरविक्रमेण रज्जं अत्तायत्तं कयं सवं ॥ ५ ॥
नरसिंघनिविसेसा जाया करितुरयरयणभंडारा । सक्कोव देवलोए विलसइ सो विविहकीलाहिं ॥ ६ ॥
केवलमेको चिय फुरइ तस्स हिययंमि नट्टसल्लं व । दइयासुयदीहरविरहवइयरो दुस्सहो अणिसं ॥ ७ ॥
अन्नया जयवद्धणनयरासन्नज्जाणे अणेगसीसपरिवुडो सीहोव दुद्धरिसो सूरुव निहियतमपसरो चंदोव सोम-
सरीरो मंदरो इव थिरो जच्चकणगंवं परिकखखमो दूरविवज्जियराओवि अणंतराओ धरियपयडजमवओवि नीसे-
ससत्तरकखणवद्धलक्खो समिइवावारियमणपसरोऽवि सया पसंतचित्तो छत्तीसगुणमहामणिरोहणभूमिव धीनि-
हाणं व पच्चक्खधम्मरासिव भुवणभवणेक्कदीवोव सिवपंथसत्थवाहोव कम्मतरुनियरहववाहोव दढजा-
यदप्पकंदप्पसप्पसन्नागदमणिव ससमयपरसमयजलप्पवाहसिंधुव लोयचक्खुव नियनियविसंतुलकरणकुरंगे-
क्कपासोव मिच्छत्तजलाउलभवसमुदनिवडंतजंतुवोहित्थो पंचविहायारमहाभरेक्कनित्थारणसमत्थो जइधम्मे असमत्थे
सावयधम्मंमि संठवमाणो इयरे पुण जइधम्मे सिद्धंतपसिद्धनाएणं अपुत्तापुत्तजिणभवणाइं वंदमाणो गामाणुगामं
विहरंतो आगंतूण समंतभदाभिहाणो सूरी समोसरिओत्ति, जाया नयरे पसिद्धी, जहा असेसगुणगणावासो सूरी

जयवर्धने
नरविक्रमो
चुपः.

॥ १०१ ॥

आगओ, तओ कोऊहलेण य भवनिव्वेणत्ति य संदेहपुच्छणेण य बहुमाणेण य धम्मसवणनिमित्तेण य नियनियद-
रिसणाभिप्पायविमरिसेण य समागया वहवे मंतिसामंतसेट्टिसेणावइसत्यवाहदंडनाहप्पमुहा नयरलोया, निवडिवा
चरणेसु, निविट्ठा जहासंनिहिया धरणिवट्ठे, सूरीवि पुव्वभवज्जियगुरुकम्मजलणजालालितत्तगत्तेसु करुणामयवुट्ठिपिव
दिट्ठिं सत्तेसु पेसंतो मंदरगिरिमंथमहिज्जमाणखीरोयरवगंभीरेण सहेण सद्धम्मदेसणं काउमारद्धो, कहं ?—

खरपवणपणुन्नकुसग्गलग्गजलविंदुचंचलं जीयं । सुररायचावचवलं खणेणवि गलइ सरीरवलं ॥ १ ॥

पेम्मंपि तुंगगिरिसिरसरंतसरियातरंगमिव तरलं । लच्छीवि छड्डणुड्डमरवंचिरी पेच्छइ छलाइं ॥ २ ॥

पयडपयट्टियदारुणविविहवियारा महासमुदे व । निवडंति आवया आवयव्व निचं सरीरंमि ॥ ३ ॥

मणिमंततंतदिद्वोसहीण वावारणेवि अविणासं । भुंजंता देति दुहं विसया विसवल्लरीउव्व ॥ ४ ॥

मिच्छत्तमोहमोहियमईहिं कीरंति जाइं पावाइं । भवसयपरंपरासुवि वेरिव्व मुयंति नो ताइं ॥ ५ ॥

पियपुत्तकलत्ताइण जाण कज्जेसु वट्टियं बहुसो । परलोयपयट्टाणं ताणिवि नो हुंति ताणाय ॥ ६ ॥

इय भो नाउं जिणधम्ममणुदिणं सरह सरहसं कुसला ! । जावज्जवि वज्जमहासणिव्व निवडइ न तुम्ह जरा ॥ ७ ॥

तीसे पडणे पुण छिन्नपक्खपुडया विहंगवग्गव्व । उट्टियदाढाभुयगव्व हरियरज्जा णरिंदव्व ॥ ८ ॥

सच्छंदगमणपरभीइजणणसव्वत्थसाहणविहीणा । चिररिद्धिं सुमरंता सुचिरं तुब्भे किलिस्सिहिह ॥ ९ ॥

श्रीगुणचंद्र
महावीरच०
४ प्रस्तावः

॥ १०२ ॥

पञ्जंतं एत्तो जंपिएण जइ कामियाइं सोक्खाइं । भोत्तुं वंछह ता वीयरायवयणे समुज्जमह ॥ १० ॥
इय संसारनिस्सारत्तणपरिकहणेण पडिबुद्धा वहवे पाणिणो । वीयदिवसे य समायन्नियसूरिसमागमणवुत्तंतो सम-
ग्गयतुरयनरनियरपरियरिओ भारियासुयसंपओगपुच्छणकए समागओ नरविक्रमनराहिवो, तओ वंदिऊण सूरिं
चिंतिउमाढत्तो-अहो एयस्स भुवणच्छरियभूयं रुवं विमुक्कामयवुट्ठी दिट्ठी सजलघणघोससुंदरो सरो नीसेसपसत्थल-
कखणजुत्तं गत्तं पाणिगणकयरईं भारईं, तथा—

तमनिग्गहिओ चंदो तवंमि मंदा रुईं दिणयरस्स । गिरिविहियाभिभवो सायरोऽवि को हुज्ज एयसमो ? ॥ १ ॥

तं नत्थि जं न जाणइ भूयं भव्वं भविस्समवि वत्थुं । ता होइ पुच्छणिज्जो नियदइयापुत्तवुत्तंतं ॥ २ ॥

इय निच्छिऊण उवविट्ठो उचियासणे राया, गुरुणावि पारद्धा धम्मकहा, पुणरवि पडिबुद्धा पभूयपाणिणो,
राइणावि पत्थावभुवलब्भ पुच्छिओ सूरी-भयवं! निच्छियं मए, जहा-तं नत्थि जं न जाणह तुब्भे, ता काऊणाणुकंपं
साहह कइया भारियाए सुएहि य सह मम समागमो भविस्सइत्ति, गुरुणा भणियं-महाराय ! धम्मज्जमेण तदंतरा-
इयकम्मकखओवसमो जया होहिइ, राइणा भणियं-भयवं! जाणामि एयं, केवलं दुस्सहविओगविहुरो न सक्केमि
धम्मज्जमं काउं, चित्तनिरोहसव्वपेक्खो हि धम्मलक्खो कहमम्हारिसेहिं साहिउं तीरइ?, ता सव्वहा कुणह पसायं,
निवेयह अवरसुवायंति, गुरुणा भणियं-जइ एवं ता पज्जुवासेसु पइदिणं सुणिजणं, एयं खु परमोवाओ वंछियकज्ज-

सामन्तभ-
द्रदेशना.

॥ १०२ ॥

सिद्धीए, जओ-विहडइ निविडकम्मनिगडंपि हु भिंदइ दुग्गइ, लहु कल्लाणवेळ्ळिमुल्लासइ नासइ दुक्खसंगइ ।

वंछइ लच्छि पास परिसप्पणु दप्पणु जिम पभासए, मुणिजणसंगमेवि किं किं जणु जं नवि सोक्खु पासए ? ॥१॥
तओ रोगिणव वेज्जोवइट्ठोसहं पंथपरिब्भट्टेण व सुमग्गदेसणं तण्हाभिभूएण व विमलसलिलपडिपुण्णमहास-
रोवरनिवेयणं राइणा संममब्भुवगयमिमं गुरुवयणं, गओ य पणमिऊण सट्ठाणं ।

इओ य ते दोवि तस्स सुया नदीए कूलंमि निलीणा तण्हाछुहाभिभूया जाव खणंतरं चिट्ठंति ताव एगो गोउलिओ
दहिमहियाणि णयरे विक्किणिऊण समागओ तत्थ पएसे, पेच्छइ देवकुमारनिविसेसरूवे करुणसरं रुयमाणे ते दोऽवि
दारगे, तओ पुच्छिया तेण-रे पुत्तगा ! कीस रोयह ? , केण तुब्भे एत्थ ठविया ? को वा तुम्ह एत्थ सयणजणोत्ति ?
जेट्टेण साहिओ सवो पुव्वुत्तंतो, अह अणाहत्ति परिकलिऊण तेण जहासंनिहियअसणपाणदाणेणमहिनंदिऊण तेहिं
तेहिं पयारेहिं उवलोमिऊण य नीया ते नियगोउलंमि, समप्पिया य गोउलाहिवस्स, तेणावि पुत्तविरहियाए समप्पिया
नियदइयाए, सावि उदरुब्भवे इव परिपालेइ सव्वजत्तेण, उवयरइ खंडखज्जाइपमुहविसिट्ठवत्थुप्पयाणेण अणवरयं,
सोऽवि गोउलाहिवई किल जयवद्धणनयराहिवस्स संबद्धोत्ति अन्नया कयाइ तेहिं दोहिवि पुत्तेहिं समेओ महामुल्लं
याहुडभादाय नरविकमनरिंदंसणत्थं समागओ जंयवद्धणनयरं, दिट्ठो य नरवई, पणमिओ सव्वायरेणं, समप्पियं पाहुडं,
दिन्नो राइणा सहत्थेण तंवल्लो, पुट्ठो य सयलसुत्थासुत्थवत्ताओ, एत्थंतरे निवडिया दोसु तेसु पुत्तेसु राइणो दिट्ठी,

श्रीगुणचंद्र
महावीरच०
४ प्रस्तावः

॥ १०३ ॥

जाओ गाढं पमोओ, परिभावियं च जहा धुवं एए मम तणयत्ति, तहावि पुच्छामि एयं-को पुणं एत्थ चइयरोत्ति
परिभाविय पुट्टो गोउलाहिवई, कस्स भो एए पुत्तगत्ति?, तेण भणियं-देव! मम संवंधिणो, गेहिणीए आवालाका-
लाओ उ वड्ढियत्ति, राइणा भणियं-संमं साहेसु, जायसंखोभेण तेण सिट्ठो नईकूलाओ आरब्भ सयलो वुत्तंतो, एयमाय-
न्निऊण राइणा परमहरिसपगरिसमुव्वहंतेण ते दोऽवि दारणा गाढमालिंगिय उच्छंगे निवेसिया, गोउलनायगेण भणियं-
देव! पुरावि मए विविहचेट्ठाहिं नाया एए जहा कस्सइ सामंतस्स वा सेणावइस्स वा नरवइस्स वा मग्गे गच्छंतस्स
केणावि विसमपओगेण पव्वभट्टा होहिति, कहमन्नहा एएसिं पइदिणंपि मट्टियाघडियदोघट्टवडभेडणेण य कित्तिम-
तुरयघट्टपयट्टणेण य संपिंडियसरिंडियपरिकप्पियसंदणवाहणेण य बुद्धिपइट्टियकट्टलट्टिखग्गुव्वहणेण य चाउरंगसेणा-
संमहुद्दामसंगामपरिकप्पणेण य डिंभाण गामागरनगरपसायदाणेण य विविहा कीला अहेसि?, न य एवंविहा चेट्ठा
पागयसुयाण होइ, तहा सव्ववेलासु मम तुम्ह दंसणत्थमंतस्स एयाणवि नरिंदभरणदंसणकए गाढनिव्वंधो आसि,
केवलमहं वावत्तिऊण विसिद्धवत्थदाणेण दिट्ठिवंचणेण य पुरा एंतो, इण्हिं पुण गाढनिव्वंधं काऊण मम खणंपि पुट्ठिं
अमुंचमाणा समागयत्ति, अहो महाणुभावेण कहं ममोवयरियंति चिंतंतेण रत्ता परमपमोयभरनिव्वरंगेण दिन्नं तस्स
तं चेव गोउलं गामसयं च आचंदकालियं सासणनिवद्धं भुत्तीए, पभूयवत्थतंवालाइणा य पूइऊण पेसिओ सट्ठाणंति ।
सयंपि पुत्तजुयलपरियरिओ गओ सूरिसमीवं, वंदित्ता परमायरेणं निवेइओ पुत्तसमागमवुत्तंतो, सूरिणा भणियं-महा-

राय ! मुमरिसि पुव्वभणियं अम्ह वंयणं ? राइणा भणियं-भयवं ! नियनामंपिव सुमरामि, सूरिणा भणियं-महाभाग !
 केत्तियमेत्तमेयं ? गुरुजणपज्जुवासणेण तं नत्थि जं न सिज्झइत्ति, रत्ता भणियं-अवितहमेयं, किं पच्चक्खेवि अणुववन्नं
 भंणिज्जइ ? पसीयसु इयाणि एकेण दइयवियोगदुक्खवोच्छेयणेणं, गुरुणा भणियं-मा ऊसुगो होसु, एवन्ति पडिव-
 ज्विय पणमिऊण य सव्वायरेण गओ राया सट्ठाणं ।

इओ य सो देहिलो नावावणिओ अणुकूलपवणपणोलिज्जमाणसियवडवसवेगपयट्टियजाणवत्तो गंतुं पवत्तो ससु-
 हंमि, सीलमईवि तहाविहं अदिट्ठपुव्वं वइयरं अवलोइऊण हा पिय ! पाणनाह ! किमेवंविहं वसणं विसममावडियंति
 जंपिऊण य अकंडनिवडियवज्जदंडताडियव्व मुच्छानिमीलियच्छी परसुच्छिन्नव्व चंपगलया निवडिया जाणवत्तभूमितले,
 समासासिया पासवत्तिणा परियणेण सिसिरोवयारेहिं, खणंतरेण लद्धचेयणा गाढसुयपिययमवियोगवसविसंडुला
 गलंतनयणजलप्पवाहा विलविउमेवं पवत्ता—

हा भुवणपयडपोरिस ताय ! सजीयस्स संनिहं दट्ठुं । किमुवेहसि अइदुहियं नियदुहियं संपयं एयं ? ॥ १ ॥

नरासिहनराहिव ! नियवहुंपि किमुवेहसे अणज्जेण । एवंपि हीरमाणिं ? हा हा विपरंसुहो दइवो ॥ २ ॥

हा पाणनाह ! हा गोत्तदेवया हा समत्थदिसिनाहा । रक्खह रक्खह एयं हीरंती पावमिच्छेणं ॥ ३ ॥

एवमाईणि करुणाइं जंपंती सा संभासिया नावावणिण-भहे ! कीस एवं विलवसि ?, धीरा भव, नाहं सुमि-

श्रीगुणचंद्र
महावीरच०
४ प्रस्तावः

॥ १०४ ॥

णेवि तुह पडिकूलकारी, जओ एसा समुद्धरा रिद्धी तुहायत्ता, एसोऽहं दासनिव्विसेसो, ता पडिवज्जसु सामिणीसहं,
वावारेसु नियबुद्धीए गेहकज्जेसु एयं परियणंति, सीलमईए भणियं—

अवसर दिट्ठिपहाओ निट्ठुर! पाविट्ठ! धिट्ठ! दुचेट्ठ! । अहवा सासनरोहेण जीवियं लहु चइस्सामि ॥ १ ॥

रे रे खत्तियकुलसंभवंपि आजम्मसुद्धसीलंपि । मं एवमुल्लवंतो नियजीयस्सवि न लज्जेसि? ॥ २ ॥

किंच-खिज्जउ देहं निहरउ जीवियं पडउ दुक्खरिंछोली । नियतायदिन्ननामत्थविहडणं नेव काहामि ॥ ३ ॥

इय तीए निच्छयमुवल्लभ निवारियं तेण भत्तपाणं, छुहापिवासाभिभूयाएवि न परिचत्तो तीए नियनिच्छओ,
एत्थंतरे तीए विसुद्धसीलपरिपालणतुट्ठाए सण्णहियसमुद्देवयाए खित्तं महावत्ते तस्स जाणवत्तं, कओ जुगंतसम-
यदारुणो समीरणो, समुल्लासिया कुलसिहरविब्भमा जलकल्लोला, विउव्वियाइं गयणे घोरायाराइं गंधवनयराइं,
दंसिया गहिरगज्जिरवभीसणा फुरंतफारविज्जुपुंजपिंजरा जलहरा, तओ वाउलीहूओ कन्नधारो, जाया विहत्था
सुहडसत्था, ठिया विमणदुम्मणा अवल्लवाहगजणा, वाढं वाउलीभूओ नावावणिओ, एत्थंतरे गयणाट्ठियाए
जंपियं देवीए—

रे रे जइ दुट्ठवणियतणय! णयविरहिय हियकाम कामगदह दहणसारिच्छ रिंछोव तुच्छपेच्छय छयलगलथणसमाण
माणवजणगरहणिज्जसील! सीलमइं धरिसिहसि एवं ता पाव! पावेसि इयाणिं विणासंति सोचा पंडुरपडपाउ-

समुद्रे शी-
लवत्याः
शीलं.

॥ १०४ ॥

रणो कयपूयावित्थरो विणयपणओ करकलियधूवदहणो सो विन्नविउं समाठत्तो-देवि! ममेकं दोसं दासस्स व
 खमसु परिहरसु कोयं न पुणो काहामीमं, पणए न परंमुहा देवा, ताहे भणियं देवीए-रे तुमं जइ सुहेण पालि-
 हिसि नियजणणिनिविसेसं एयं ता जीवसि हयास!, तेण तहत्ति सबं पडिवन्नं गाढभयवसट्टेण, उवसंहरियं देवीए
 डमरं अहंसणं च गया । अह जाओ अणुकूलो पवणो, मग्गेण लग्गं जाणवत्तं, हरिसिया कन्नधाराइणो जणा, परि-
 तुट्ठो सो वणिओ, पडिओ सद्वायरेण चलणेसु सीलमईए, खामिया नियदुच्चरियं, भणिया य सा-सुयणु! मा काहिसि
 सबहा सोगं, अचिरेण तहा काहामि जहा मिलसि नियपिययमस्स, काराविया य पाणवित्तिं, समप्पिया निरुवद्व-
 निवासनिमित्तमेका उव्वरिगा, तओ पइदिणं मायरं व भयणिं व देवयं व गुरुं व सामिं व वत्थेण य भोयणेण य भेसहेण
 य तंवोलेण य संमं पडियरमाणो पत्तो परतीरं, विक्किणियाइं निययभंडाइं पाविओ भूरिअत्थसंचओ निवत्तियासे-
 सकज्जो वलिओ सनयराभिमुहं, अंतरे आगच्छंतस्स अणणुकूलपवणपणोल्लियं लग्गं जयवद्धणनयरपरिसरंमि वोहित्यं,
 तओ विमुक्का नंगरा पाडिओ सियवडो उत्तरिओ बहुकिंकरनरपरियरिओ सो वाणिओ, गओ विचित्ताइं महरिहाइं
 परतीरभवाइं पाहुडाइं गहाय नरविक्रमनराहिवस्स दंसणत्थं, पडिहारनिवेइओ य पविट्ठो राघभवणं, दिट्ठो राया, सम-
 प्पियाइं पाहुडाइं, कओ राइणा सम्माणो, तओ समुहलंघणवइयरनिवेयणेण परतीरनयररायसरुववत्ताकहणेण नियक-
 याणगगुणदोसपडणेण य ठिओ नरवइस्स समीवे पहरमेकं, एत्थंतरे पणमिऊण विन्नत्तं तेण-देव ! सुन्नं पवहणं समागच्छइ

श्रीगुणचंद्र
महावीरच०
४ प्रस्तावः

॥ १०५ ॥

रयणी ता अणुजाणह ममं गमणायत्ति, राइणावि पिययंमाविओगविहुरेण एस चेव अज्ज दीहरनिसाए विणोयकारी
हवउत्ति परिचिंतयंतेण भणिओ सो-भद्द! वीसत्थो इहेव चिट्ठसु, नियपहाणपुरिसेहिं रक्खावइस्सामि तुह जाण-
वत्तं, जं देवो आणवेइत्ति भणिऊण पडिवन्नं तेण, विसज्जिया य राइणा नियपहाणपुरिसा पवहणरक्खणत्थं, एत्थंतरे
उट्टिया दोवि कुमारा, विन्नत्तं च तेहिं, जहा-ताय! अदिट्ठपुवं अम्ह पवहणं, गाढं च कोउयं तद्दंसणे, ता अणु-
जाणउ ताओ जेण गच्छामोत्ति, तन्निच्छयमुवलब्भ अणुन्नाया य नरिंदेण, गया य अंगरक्खनरपरिक्खित्ता ते जाण-
वत्ते, तं च इओ तओ निरिक्खऊण पसुत्ता तत्थेव । अह पच्छिमरयणिसमए पडिवुद्धा परोप्परं वत्ता काउमारद्धा,
खणंतरेण लहुएण भाउणा पुट्ठो जेट्ठो भाया-अहो भाय! कहसु किंपि अपुवं अक्खाणयं, इह ट्टियाण न झिज्जइ
कहमवि विभावरी, जेट्ठभाउणा भणियं-भद्द! किमन्नेण अक्खाणयसवणेण?, एयं चिय अप्पणोतणयं अक्खाण-
यमपुवं निसुणेहि, तेण जंपियं-एयमवि साहेहि, तओ

करकलियकुसुममाला जह जणणी रायमग्गमणुपत्ता । जह वलिया नो पुणरवि जह नयरे मग्गिया बहुसो ॥ १ ॥

जह ताओवि दुहत्तो अम्हेहिं समं गओ नईकूले । जह परतीरनिरुवणकएण सलिलंमि ओगाढो ॥ २ ॥

जह सरियनीरपूरप्पवाहिओ दूरदेसमणुपत्तो । जह अम्हे गोउलिएण गोउलं पाविया विवसा ॥ ३ ॥

जह बुद्धिं संपत्ता रायउले जह गया तओ अम्हे । रायावलयणत्थं जह विन्नाया य ताएणं ॥ ४ ॥

देहिलव-
णिजो जय-
न्त्यामाग-
मनं.

॥ १०५ ॥

जह वा महलकोऊहलेण एत्यागया तहा सव्वं । अक्खाणयमप्पणर्ग उवइट्ठं लहुगभाउस्स ॥ ५ ॥

एयं च कहिज्जमाणमामूलाओ निसुणियं समग्गमंवि समीवदेससंठियाए सीलमईए, तओ अपुवं अणाइक्खणिज्जं
केवलमणुभवगम्मं नियसुयसाहियवइयरपरिन्नायसमुत्थहरिसपगरिसमुवहंती समुचरोमंचुचाइयकंचुया सुयसिणेहव-
सपगलंतघणमुहसुद्धदुद्धधारा एह चिरकालपत्तगा पुत्तगा ! नियजणणिं गाढमालिंगहत्ति भणंती गया तेसिं पचा-
सन्नं, निवेइओ पुववित्तंतो, विन्नाया जेट्ठपुत्तेण, तओ गाढं कंठमवलंबिय चिरविरहदुहावेगसूयगविसंडुलवयणगव्भं
निव्वभरं संपुत्तावि रोविउं पवत्ता, विन्नायपरमत्थेण मुहुत्तमेत्तं विलंबियं समासासिया कुमारपरियणेण, अहं उग्ग-
यंमि दिणयरे परियणमज्झाओ एगेण पुरिसेण तुरियं गंतूण भणिओ नरविक्रमो-देव ! तुम्ह दइया कुमारेहिं एयस्स
चेव नावावाणियस्स जाणवत्ते पत्तत्ति, तओ हरिसभरनिव्वभरहियएण सविम्हयं पुच्छिओ राइणा एसो-भइ ! को
एस युत्तंतोत्ति ? तेणवि संजायभएण भणियं-देव ! वियरसु मे अभयदाणेणप्पसायं जेण जहा वित्तं निवेएमि, पडिवन्नं
नरिंदेण, तओ पढमाणुरागाओ आरव्वं जाणवत्तारोवणकंदणोवलोभणदेवयाभेसणप्पमुहो साहिओ नीसेसो
युत्तंतो, एयमायन्निज्जण य नरवइणा समग्गधणजाणवत्तसहिओ निव्विसओ आणत्तो सो वाणियगो, सीलमईवि देवी
करेणुगाखंधगया धरियसियलत्ता चामरेहिं वीइज्जमाणी पएपए पडिच्छंती नयरजणकयं पूयासकारं ठाणे ठाणे वियर-
माणा दीणाणाहाण कणगदाणं पवेसिया परमविभूईए निययमंदिंरं, काराविओ पुरे अट्टदिवसिओ महसवो, अह

श्रीगुणचंद्र
महावीरच०
४ प्रस्तावः

॥ १०६ ॥

णहवियविलित्ताए नियंसियामलमहग्घवत्थाए सुयजुयलपरिवुडाए पमोयभरनिभरंगीए सीलमईए पुरओ पुवणु-
भूयं कहं कहंतेण तीसे य हरणपमुहं वित्तंतं निसुणमाणेण रण्णा मालागारस्स तस्स पाडलयनामधेयस्स सच्चरिय-
मणुवयारं तहाविहं सुमरियं झत्ति, तो भणिया सीलमई-पिए ! पियाविहु न एरिसो होइ जारिसओ स महप्पा
मालागारो सिणेहपरो, भणियं सीलमईए-सच्चमिणं नाह !, ता कुण पसायं सुसमिद्धिवियरणेणं महाणुभावस्स
तस्स तुमं, फलमेयं चिय लच्छीए नाह ! संझभरागचवलाए जं पूरिज्जंति मणोरहाओ उवयारिलोगस्स ।

इय सोचा से वयणं रण्णा संदणपुराउ सो सिग्घं । आणाविऊण ठविओ चोडयविसए महाराओ ॥ १ ॥

दिन्नो से भंडारो समप्पिया करितुरंगरहजोहा । किं बहुणा ? अत्तसमो सोऽवि कओ तेण नरवइणा ॥ २ ॥

अन्नदिवसे य भज्जासु यसमेओ नरविक्रमो महया रिद्धिसमुदएणं गओ उज्जाणे, दिट्ठो सूरी, सच्चायरेण पणमिऊण
पसाहिओ समीहियसंपत्तिवइयो, गुरुणा भणियं-महाराय ! एरिसकल्लाणवल्लिनिबंधणाणि मुणिज्जणचरणसेवणाणि,
राइणा चिंतियं-अहो अमोहं गुरुवयणं, अहो जिणधम्मस्स माहप्पं, सवहा धन्नोऽहं जस्स मे एवंविहेण मुणि-
णाहेण समं संगमो जाओ, एवं च चिंतयंतेण रत्ता उवज्जियं सुगइकप्पतरुस्स सम्मत्तस्स वीर्यंति, गुरुणा भणियं-
महाराय ! पडिवज्जसु निच्छइयं संपइ जिणधम्मं, राइणा भणियं-भयवं ! द्ढमप्पमत्तुत्तमसत्तजणजोग्गो जिणधम्मो,
कहमम्हारिसजणा सकंति अणुपालिउं ?, गुरुणा नायं-अज्जवि निट्ठुरो मोहगंठी द्ढनिबंधणा मिच्छत्तवासणा

प्रियासमा-
गमः यथा-
भद्रकता च

॥ १०६ ॥

तिवाणुबंधों विसयपडिवंधो सवणमेत्ता विसेसधम्मवत्ता, तम्हा जहांभद्दगत्तमेव एयस्स इण्हमुचियंति चित्तिऊण
वुत्तो सो—महाराय ! जइ एवं ता पज्जुवासेज्ज सुसाहुणो पसंसेज्जसु जिणधम्मं अणुमोएज्जसु तप्पडिवन्ने भवजणे,
एत्तियमेत्तेणवि होही दढकम्मविगमो, एवंति पडिवज्जिऊण गओ राया सट्ठाणंमि ।

निप्पच्चवायमउले भोगे भुंजेति पंचरूयेवि । सवत्थ जायकित्ती नरविकमनरवई ताहे ॥ १ ॥

सूरीवि धम्ममग्गे आरोविय भूरि भवपाणिगणे । सीसगणसंपरिवुडो नयराउ विहरिओ वार्हिं ॥ २ ॥

पडिवोहेंतो सूरुव भवकमलाइं वयणकिरणोहिं । कालक्कमेण पत्तो जयंतिनयरिं विहारेण ॥ ३ ॥

उग्गहमणुजाणाविय नयरीए वार्हिं चंपगुज्जाणे । सद्धम्मकम्मउज्जुयजइजणसहिओ ठिओ भयवं ॥ ४ ॥

जाया पुरे पसिद्धी सिद्धंतविसारओ जहा सूरी । इह आगउत्ति ताहे वंदणवडियाए नयरिजणो ॥ ५ ॥

अंतेउरेण सहिओ हरिकरिरहजोहवूहपरिकिण्णो । नरसिंहभूमिनाहोवि आगओ सूरिपासंमि ॥ ६ ॥

सायरमह विणमंतुत्तिमंगमणिमउडलीढपयपीढं । पणमिय मुणिजणसहियं गुरुमुवविट्ठो धरणिवट्ठे ॥ ७ ॥

संसारासारयागन्भा, तओ सद्धम्मदेसणा । गुरुणा काउमाढत्ता, मोहविद्धंसकारिणी ॥ ८ ॥

जहा—वलयार्सिंधुनिम्मग्गवडवीयं व दुल्लहं । को माणुसत्तं संपप्प, पमाएज्ज वियक्खणो ? ॥ ९ ॥

खणोऽवि नाउकम्मस्स, जाइ जेणाविणस्सरो । तेणेस मुच्छिओ लोओ, निरुच्चिग्गो कइं भवे ? ॥ १० ॥

श्रीगुणचंद
महावीरच०
४ प्रस्तावः
॥ १०७ ॥

भवेज्ज कोऽवि किं धीमं, निदाकरणलालसो । मंदिरे हववाहुग्गजालामालापलीविए ? ॥ ११ ॥
विएसे सुहगम्मेवि, सप्पाहेओ पयट्टइ । दुग्गेऽणंते भवट्टाणे, जे न किंपि समीहए ॥ १२ ॥
हए से नियबुद्धीए, ठाणे ठाणे विसीयइ । अन्ने सोक्खे न पावेइ, सिद्धिसद्धम्मसंवले ॥ १३ ॥
बलेण तेण किं कज्जं?, किं वा तेण धणेणवि? । न जं सद्धम्ममग्गस्स, उवयारे निजुज्जइ? ॥ १४ ॥
जएज्ज सब्बहा धम्मे, पमायपरिहारओ । जीवघायनिवित्तिंमि, पवित्तिंमि सुहेसु य ॥ १५ ॥
सुयाइमोहसंवद्धा, पावं कुवंति पाणिणो । तेण पावेण संतत्ता, निवडंति अहो गइं ॥ १६ ॥
गइंदा इव वज्झंति, जोणिलक्खेसु णेगसो । किं किं दुक्खं न पेक्खंति, ते तिक्खमवियक्खणा? ॥ १७ ॥
तम्हा एवं नाउं जइधम्मं सब्बहा समायरह । एसो खु तिवदुहजलणसमणघणवरिसणसमो जं ॥ १८ ॥
सग्गापवग्गमंदिररोहणनिस्सेणिदंडसारिच्छो । कम्ममुब्भडविडविविहाडणेक्कधारुक्कडकुहाडो ॥ १९ ॥
अचिरेण दिन्ननिस्सेससारनिस्सेयसो सुहत्थीहिं । अणुसरियवो सम्मं सुसत्तिजुत्तेहिं सत्तेहिं ॥ २० ॥
रत्ता भणियं भयवं! जं तुब्भे वयह तं पवज्जामि । जाव नियरज्जभारप्पणेण सुत्थं करेमि जणं ॥ २१ ॥
गुरुणा भणियं जुत्तं एयं तुम्हं भवेक्कभीयाणं । निविग्गं कुणह लहुं चयह पमार्यं पयत्तेण ॥ २२ ॥
अह गुरुं षणमिऊण गओ राया सभवणं कयमणंतरकरणिज्जं आहूया मंतिणो कहिओ निययाभिप्पाओ अवगओ

सुरेरागमनं
देशना च.

॥ १०७ ॥

मंतीहिं, एत्थंतरे समांगया कुमारचारोवलंभनिमित्तं पुषपेसिया गूढपुरिसा, पणमिओ तेहिं राया, निवेइओ नयरनि-
गमाओ आरब्भ जयवद्धणपुररज्जलाभपजंतो सघो कुमारवुत्तंतो, तुट्टो राया, दिन्नं च चित्तियाइरित्तं तेसिं वित्तं, पेसिया
य कुमाराणयणनिमित्तं बुद्धिसागरपमुहा मंतिणो, अणवरयप्पयाणएहिं पत्ता य ते जयवद्धणपुरं, नरविक्रमोवि नाऊण
तेसिमांगमणं सपरियणो निग्गओ अभिमुहो, पवेसिया वडुविच्छडेणं, कया जणगनिव्विसेसा पडिवत्ती, पुट्टा य उचि-
यसमए आगमणप्पओजणं, निवेइयं तेहिं जहा-पव्वज्जापडिवज्जणाभिलासो राया, तुमंमि नियरज्जभरारोवणमणोरहो
य देवस्स, अओ तुम्हाणयणनिमित्तं पेसियम्हि, इमं सोचा तक्खणमेव तत्थ रज्जे जेट्टपुत्तं ठविऊण समग्गनियखंधा-
वारसमेओ चलिओ नरविक्रमो समं मंतीहिं, कालकमेण पत्तो जयंतिनयरिपरिसरं, विन्नायतदागमणो दूरं संमुहमागओ
नरसिंहनरवई समं चंपगमालाए देवीए, तओ दूराओ चेव नरविक्रमो जणगमागच्छंतं पेच्छिऊण हरिसुप्फुल्लोयणो
उयरिऊण करिवराओ मंतिजणसमेओ गंतूण निवडिओ चलणेषु जणयस्स जणणीए य, तेहिवि चिरदंसणुप्पन्नाणं-
दसंदिरच्छेहिं गाढमालिंणिऊण निवेसिओ नियउच्छंगे, पुट्टो य सरीरारोग्गयं, खणंतरे य पविट्टाइं नियमंदिरं,
पत्थावे पुट्टो नरवइणा नरविक्रमो पुरीगमणकालाओ आरब्भ पुव्ववइयरं, साहिओ नरविक्रमेण समत्थोऽवि, एवं
च चिरकालदंसणसमुब्भवसुहसंदोहमणुहवंताण गया कइवि वासरा, अन्नदियहे य भणिओ राइणा नरविक्रमो-पुत्तं !
पुव्वपुरिसंपवित्तियवत्तिणीपरिपालणेण उस्सिखलजणताडणेण य एत्तियं कालं जाव मए पालियं रज्जं, इयाणिं पुण

श्रीगुणचंद्र
महावीरच०
४ प्रस्तावः

॥ १०८ ॥

ममाहितो सरीरवलेण य पुन्नपगारसेण य विक्रमेण य समत्थो तुमं ता अंगीकरेसु रज्जमहाभरं, परिवालेसु पुव्वप-
वाहेण जणवयं, अहं पुण पुव्वपुरिसायरियं धम्ममग्गं अणुचरिस्सामि, कुमारेण भणियं-ताय ! विरमह इमाओ
अज्झवसायाओ, तुम्ह दंसणुस्सुओ चिरकालेण अहमिहमागओ, नवि य अज्जवि एस पत्थावो पत्थुयवत्थुस्स, निव-
सह ताव सगेहे चिय कइवय वरिसाइं, राइणा भणियं-वच्छ ! किं न पेच्छसि जायविमलपलियसंगमुत्तिमंगं ?, न
वा निरूवेसि विसंदुलसयलट्ठिं सरीरलट्ठिं ?, न निरिक्खसि थेवपयासेवि चलंतिं दंतपंतिं ?, न विभावेसि वत्थुवि-
लोयणावलियं लोयणजुयलं ?, न कलयसि वलिपडलसंतयं सरीरत्तयं ?, न वा सुणसि समत्थकज्जासाहणजायसंदेहं
देहं ?, एवं च पच्छिमदिसावलंबि विंबं व रविणो रयणीविराममलिणं मंडलं व ससिणो गाढजरत्तणपत्तं पत्तं व तरुणो
जायसूरत्थमणसंभावनं वणं व कमलाण पम्भट्टलट्ठपुव्वसोहं अप्पाणप्पाणमवलोइऊण कहां खणमवि गेहे वसामि ?,
ता मुयसु पडिवंधं पडिवज्जसु मम वयणं भवसु धम्मसहाओ, तओ तायनिच्छयमुवलम्भ नरविक्रमो अणणुभूयपुव्व-
दुक्खकंतो वज्जताडिओ इव लेप्पघडिओ इव पत्थरुक्कीरिओ इव चित्तलिहिओ इव खणं ठाऊण वाढं रोविउं पवत्तो,
समासासिओ य रत्ता कोमलवयणोहिं, पडिवन्नो य तेण महाकट्टेण रज्जाभिसेओ, समागए य पसत्थवासरे सव्वसा-
मग्गीए मंतिसामंतमित्तयप्पमुहमहाजणसमक्खं निवेसिओ नरविक्रमो निययसीहासणंमि, कओ अट्टोत्तरकलस-
सएणं महाविभूर्इए रायाभिसेओ, पणमिओ य रत्ता मंडलाहिवपुरपहाणलोयपरियरिएण, भणिओ य सव्वायरेण

नरसिंह-
वैराग्यं नर-
विक्रमा-
भिषेकः।

॥ १०८ ॥

वञ्छ ! जइवि नयविणयसच्चाइगुणगणमणिमहोयही तुमं तहवि किंपि भणेज्जसि, एसा हि रायलच्छी अपडमंध-
 त्त णं अमज्जपाणं मयजणणं सूरससहरकरप्पसरासज्जमंधयारं, ता तहाकहंपि वट्टिज्जासि जहा न महलिज्जइ ससहर-
 धवलं नियकुलं, जहा न खंडिज्जइ दूरप्परूढो पयावपायवो, जहा न पमिलायइ नीइकमलिणी, जहा न उस्सिखली-
 हवंति खला, जहा न विरचंति पयइणो, जहा करभरोहिं न पीडिज्जइ जणवउत्ति, एवं च वट्टमाणस्स पुत्त ! इहलोए
 इच्छिया होहिंति सयलवंछियत्थसिद्धीओ, किमंग पुण परलोएत्ति ?, एवं सिक्खविऊण नरसिंघनरवई पट्टिओ समंत-
 भइसूरिसमीवंमि, तओ पउणाविया नरविक्रमनरवइणा सहस्सवाहिणी सिविगा से निक्खमणनिमित्तं, कयमज्जणो-
 वयारो सन्वालंकारविभूसिओ समारूढो तत्थ नरसिंहनरवई, उक्खित्ता पवराभरणविभूसियसरीरोहिं सुइनेवत्थेहिं
 पवरपुरिसेहिं सिविगा, तओ दिज्जंतेहिं महादाणेहिं वज्जंतेहिं चउव्विहांउज्जेहिं पढंतेहिं मागहसत्थेहिं गायंतेहिं
 गायणेहिं मंगलमुहरमुहीहिं नयरनारीहिं पणचिराहिं वारविलियाहिं महाविभूईए निग्गओ नयरीओ, पत्तो सूरि-
 सगासं, ओयरिऊण सिविगाओ तिपयाहिणपुव्वं पडिओ गुरुचलणेसु—

भालयलघडियकरसंपुडेण भणिओ गुरु तओ रण्णा । भयवं ! तायसु इण्ह जिणिंददिक्खापयाणेण ॥ १ ॥

पडिवन्नंमि य गुरुणा पुव्वुत्तरदिसिसमुज्झियाहरणो । एगनियंसियवत्थो पसंतवड्ढंतसुहलेसो ॥ २ ॥

सिद्धंतभणियजुत्तीए तत्थ सूरीहिं गाहिओ सम्मं । पव्वज्जं निरवज्जं कम्ममहासेलवज्जसमं ॥ ३ ॥

श्रीगुणचंद्र
महावीरच०
४ प्रस्तावः

॥ १०९ ॥

भणिओ य जहा भद्वय ! एसा संसारसिंधुनावव । तुमए गहिया दिक्खा ता सम्मं उज्जमिज्जासु ॥ ४ ॥
 मा काहिसि खणमेकंपि पावमित्तेहिं दुहनिमित्तेहिं । संसग्गिं दुक्खेहिं विसयकसाएहिं सह भद् ! ॥ ५ ॥
 एवं चंक्रमियव्वं भोत्तव्वं एवमेव सइयव्वं । एवं भासेयव्वं इचाइ निवेइयं गुरुणा ॥ ६ ॥
 संमं संपडिवज्जिय छट्टट्टमखमणकरणखीणंगो । अप्पडिवद्धविहारं विहरिय गामागराईसु ॥ ७ ॥
 अहिगयजइधम्मविही विहियाणुट्टाणनिच्चतल्लिच्छो । लच्छिच्च संजमं रक्खिऊण निम्महियकम्मंसो ॥ ८ ॥
 सो मोक्खपयं पत्तो नरविक्रमनरवईवि तस्स सुओ । उवभुंजिय रज्जदुगं निययपए ठविय पुत्तं च ॥ ९ ॥
 पावियसम्मत्तगुणो पज्जंते पालिऊण पव्वज्जं । कयदुक्करतवचरणो महिंदकप्पे सुरो जाओ ॥ १० ॥
 इय नंदण ! नरपुंगव ! चरियं एएसिं पुरिससीहाण । तुज्झ मए परिकहियं जं तुमए पुच्छिअं आसि ॥ ११ ॥
 सोऊण इमं तुममवि नरिंद ! धम्मे तहुज्जमं कुणसु । जह उत्तिमपुरिसाणं अचिरेण निदंसणं होसि ॥ १२ ॥
 इमं च सोच्चा राया जायपव्वज्जापरिणामो गुरुं विन्नविउं पवत्तो-भयव्वं ! तुमं महातावतवियस्स व अमयधारा-
 वरिसो छुहाभिभूयस्स व सुन्नखज्जगावणो दोगच्चककंतस्स व चिंतामणी दुरालोयंधयारगिरिगुहागयस्स व पयास-
 दीवो नीरनिहिनिहित्तस्स व समासासदीवो वियडाडवीपडियस्स व पसत्थसत्थनाहो मह कहकहवि चक्खुगोयरं
 गओ, ता इयाणिं परमपहु ! करुणाकुलभवण ! एयं पवाहओ अणाइयं अणवदग्गं अपरिच्छेयमिच्छाजलुप्पीलपडि-

हृत्यं मोहमहावत्तदुत्तरिष्ठं निरंतरुभवंतजम्मणमरणकल्लोलमालाउलं कसायकलुसंपंकसंकुलं वियरंतविचिहायंकनक-
 चक्काउलं वियारगोअरुत्तिण्णऽण्णाणतिमिरभरगुविलं पयइदुग्गेज्झमज्झं पयइभीसणं पयइचिवागदारुणं पयइ-
 निग्गुणं पयइकिलेसायासाइदुक्खसंखोहकारणं रणं व कायराणं सव्वहा चिंतिज्जमाणमवि परमरोमुद्धोसजणगं भव-
 समुहं निरवज्जपव्वजाजाणवत्तेण सुवद्वेण नाणदंसणविहिसंछाइयच्छिद्वेणं संवरवज्जलेवेणं संममाविद्वेण तवपवणज-
 वेणं अणुलग्गेणं वेरभमग्गंमि अक्खोभेण विसुत्तियावीईहिं पडिपुण्णेण अणेगंसीलंगरयणसहस्सेहिं तुम्हेहिं कन्न-
 धारेहिं इत्ति समुत्तरिउं समीहाभित्ति, सूरिणा भणियं—महाराय ! मा पडिवंधं करेहि, तओ नंदणनरिंदो पुत्तारो-
 वियरज्जभारो वार्हिं व मोत्तूण रायलच्छिं विहगोव्व पंजराओ घरवासाओ निक्खंतो, जाओ य तिगुत्तिगुत्तो पंचसमि-
 इजुत्तो जियपरीसहो निहयपंचिंदियपसरो समणो समियपावोत्ति । तओ कमेण अहिगयंएकारसंगो कडाणं कम्माणं
 पुर्व्वि दुप्पडिक्कंताणं खवणत्थं मासंमासेण अणिकिखत्तेणं कायरदुरणुचरेणं घोरेणं तवोकंममेणं अप्पाणं सोसित्तो
 अप्पडिचद्वविहारेणं विहरइ । तित्थयरत्तलाभवीयभूयाइं वीसइ ठाणाइं सम्मं फासेइ य, कहं ?—

सव्वजगजीववंधुरवंधवभूए जिणे जियकसाए । सिवपंथसत्थवाहे तत्थार्हिं गिरार्हिं थुणमाणो ॥ १ ॥

ववगयजरमरणभए सिवमयलमणंतमक्खयं पत्ते । परमेसरे य सिद्धे समिद्धसोक्खे नमंसंतो ॥ २ ॥

सन्नाणचरणदंसणमहाभरुद्धरणपचलसहावं । चाउव्वन्नं संघं एक्कं सरणंति मन्नंतो ॥ ३ ॥

श्रीगुणचंद्र,
महावीरच०
४ प्रस्तावः
॥ ११० ॥

करुणोयहिणो गुरुणो पंचविहायारधरणधीरस्स । अणुवकयजणाणुग्गहभावं सम्मं पसंसंतो ॥ ४ ॥
सद्धम्मसिद्धिलचित्ते सत्ते धम्मे थिरीकरेमाणे । परिणायपमुहथेरे उववूहंतो य भयवंते ॥ ५ ॥
ससमयपरसमयपरूढगाढसंसयसहस्सनिम्महणे । सुस्सूसंतो निच्चं बहुस्सुए साहुणो पवरे ॥ ६ ॥
मासदुमासतिमासाइविविहतवकम्मकरणपडिवद्धे । विस्सामणाइणा तह तवस्सिणो पडिचरेमाणो ॥ ७ ॥
अंगाणंगसरूवे सुयंमि सव्वन्ननिच्छियत्थंमि । अणवरयं गयचित्तो तयत्थपरिभावणुज्जुत्तो ॥ ८ ॥
तत्तत्थसद्दहाणप्पहाणसम्मत्तपवरवत्थुंमि । संकाइदोसजालं परिहरमाणो पयत्तेण ॥ ९ ॥
नाणार्इणं उवयारपमुहविणयंमि बहुविगप्पंमि । अइयारपरंपरयं वज्जंतो निउणवुद्धीए ॥ १० ॥
पडिलेहणापमज्जणपमुहावस्सयविहीसु विविहासु । सद्धम्मवद्धलक्खो खलियं निच्चंपि रक्खंतो ॥ ११ ॥
सीले पिंडुग्गमपभिइदोसविरहा वएसु पंचसुवि । पाणवहाइएसु य विसोहयंतो य मालिन्नं ॥ १२ ॥
पइसमयं संवेगाइभावणाजालभावणुज्जुत्तो । ससरीरेऽविहु निच्चं ममत्तवुद्धिं अकुणमाणो ॥ १३ ॥
वज्जव्भंतररूवं वारसभेयंपि घोरतवकम्मं । अनिगूहियनियसत्ती आयरमाणो य पइदिवसं ॥ १४ ॥
धम्मोवगारिसाहूण वत्थकंवलपमोक्खमुवगरणं । देंतो कोहाइणं निच्चं चायं कुणंतो य ॥ १५ ॥
आयरिओज्झायतवस्सिथेरसाहम्मियाण सेहाणं । कुलगणगिलाणसंघे वेयावच्चंमि वट्टंतो ॥ १६ ॥

विंशतिस्था-
नकाराधनं.

॥ ११० ॥

एषिंपि तद्वाविहवावयवसजायदुत्यचित्ताणं । ओसहदाणाईहिं समाहिभावं च जणमाणो ॥ १७ ॥

अक्खरपयगाहसिलोगमेत्तयं सबया अपुवसुयं । अहिगयसुत्तयोऽविहु सुयाणुरागेण पढमाणो ॥ १८ ॥

भत्तिं तद् बहुमाणं तद्दिट्ठत्थाण सम्मभावणयं । विहिगहणं चिय निच्चं सुयस्स सम्मं पयासिंतो ॥ १९ ॥

भद्वाण घम्मकहणेण पइदिणं पवयणुत्तइं परमं । सियवायसाहणेण य कुणमाणो सुद्धचित्तेणं ॥ २० ॥

सो नंदणमुणिवसहो इय वीसइठाणगाइं फासित्ता । तित्थयरनामगोत्तं कम्मं वंधेइ परमप्पा ॥ २१ ॥

अह पमायपरिहारपरायणो एगं वाससयसहस्सं समणपरियागं पाउणित्ता पज्जंतसमए य सम्मभालोइयनिय-
दुवरियवग्गो समुच्चारियपंचमहवओ खामियसवसत्तसंताणो मासियसंलेहणासंलिहियसरीरो पंचनमोक्कारपरायणो
मरिऊण समाहीए समुप्पन्नो पाणयकप्पे पुप्फुत्तरवडिंसए विमाणे देवोत्ति ॥

ताहे सो सरभसभाविरेण नियपरियणेण परियरिओ । विलसइ तत्थ विमाणे अयराइं वीसइं जाव ॥ १ ॥

आउयकम्मविगमे य तत्तो चविऊण इहेव जंबुदीवे दीवे भारहे खेत्ते माहणकुंडग्गामे सन्निवेसे सयलवेयविज्जावियक्ख-
णस्स उसभदत्तस्स माहणस्स देवाणंदाए भारियाए गम्भे सो नंदणदेवजीवो मिरियभवकयकुलप्पसंसणदोससमुवज्जि-
यनीयगोयकम्मसामत्थेणं आसाढसुद्धच्छट्ठीए हत्थुत्तरे नक्खत्ते पाउब्भूओ पुत्तत्तणेणंति, दिट्ठा य तीए रयणीए सुहप-
सु चाए गयवसहाइणो चउहस महासुमिणा, तओ अदिट्ठपुव्वतहाविहसुविणोवलंभजायहरिसा गया उसहदत्तस्स

माहणस्स सगासे, सिट्ठा चउदसवि सुमिणा, उसहदत्तेणवि ते सम्ममणुचिंतिऊण भणियं—

तुज्झ पिए! धणलाभो पंचविहविसिट्ठभोगलाभो य । होही नीरोगत्तं नूणं एयाणुभावेण ॥ १ ॥

रिउजउसामाथव्वणचउवेयवियक्खणं जणपसिद्धं । जणिहिसि पुत्तं च तुमं समहिगनवमासपज्जंते ॥ २ ॥

इय सा निसामिऊणं पहिट्ठचित्ता विमुक्ककुविगप्पा । निययावाससुवगया सम्मं गब्भं समुव्वहइ ॥ ३ ॥

जह्विसं चिय चिंतामणिव्व गब्भे जिणो समोइन्नो । करितुरगरयणनिवहो तह्विसं चिय न माइ गिहे ॥ ४ ॥

अणवरयहोमकरणुच्छलंतधूमोलिसामलं गयणं । उन्नयमेहासंकं कुणइ अकालेऽवि हंसाणं ॥ ५ ॥

अह भयवओ गब्भगयस्स विइकंतेसु वायासीदिवसेसु वट्टंते य तिथासीतमदिणंमि सोहम्मकप्पवासी देविंदो सोहम्माए सभाए निसन्नो वत्तीसाए विमाणसयसहस्साणं चउरासीए सामाणियसाहस्सीणं तायत्तीसाए तायत्तीसाणं चउण्हं लोगपालाणं अट्टण्हं अग्गमहिसीणं तिण्हं परिसाणं सत्तण्हं अणियाणं सत्तण्हं अणियाहिवईणं चउण्हं चउरासीणं आयरक्खदेवसाहस्सीणं अन्नेसिंपि देवाणं देवीण य सामित्तमणुपालेमाणो इमं च जंबुद्दीवं दीवं विउलेणं अक्खलिय-पसरेण ओहिनाणेण करकमलनिलीणमुत्ताहलं व अवलोएमाणो भयवंतं चरिमतित्थयरं माहणपणइणीकुच्छीगयं पेच्छइ, तओ आणंदवियसियनयणकमलो हरिसवससमुच्छलियरोमंचंचियसरीरो संभमसट्टाणचलियकडगतुडियके-ऊरकिरीडकुंडलाइभूसणो तक्खणविमुक्कसीहासणो पायपीठाओ पच्चोरुहइ, वेरुलियवरिट्ठरिट्ठरत्तरयणखंडमंडियाओ

पाउयाओ विमुंचइ, एगसाडियं उत्तरासंगं करेइ, निडालतड घडियकरसंपुडो संतट्ट पयाइं तित्थयराभिमुंहं अणुगच्छइ,
तओ वामजाणुं अंचित्ता दाहिणजाणुं धरणियले निहट्टु तिक्खुत्तो सुद्धाणं धरणियले निवाडेइ, तहा मत्थए अंजलिं
काऊण सुचिरं पराए भत्तीए संथुणइ, कहं ?—

तुम्ह नमो जिण ! निहयारिवग्ग ! भयवंत णाह ! आइगर ॥ तित्थयर सयं चिय जायवोध ! पुरिसोत्तम ! पसिद्ध ! ॥ १ ॥
भवभीममहाडविपडियपाणिगणसत्थवाह गयवाह । सिव मयलमणंतसुहं संपावियकाम गयकाम ! ॥ २ ॥
परमेसर तत्थ गओवि ताव अक्खलियनाणनयणेण । एत्थ गयंपिहु पणयं मं पेच्छसु किंकरसरिच्छं ॥ ३ ॥
एवं च थुणिऊण पुढाभिमुहसीहासणनिसन्नस्स देविंदस्स एवरूवो संकप्पो समुप्पन्नो—अहो तित्थयरा भयवंतो न
कयाइ तुच्छकुलेसु दरिद्वकुलेसु किवणकुलेसु भिक्खागकुलेसु उप्पज्जिंसु वा उप्पज्जंति वा उप्पज्जिस्संति वा, किं तु उग्ग-
भोगराइन्नखत्तियइक्खागहरिवंसाइएसु सयलभुवणसलाहणिज्जेसु, केवलं कहवि कम्मवसेण हीणकुलेसु अवयरियाविय
भयवंतो अजोणीनिक्खंता चेव सक्केहिं उत्तमकुलेसु संहरिज्जंति, जओ तीयपच्चुप्पन्नाणागयाणं सुरिंदाणं जीयमेयं,
एवं च जुत्तं ममावि इमं चरिमतित्थयरं इमाउ माहणकुलाओ कासंवगोत्तस्स सिद्धत्थनरिंदस्स वसिट्ठगोत्ताए तिस-
लाए कुच्छिसि संकामिउं, तिसलागब्भंपि देवाणंदाए कुच्छिसित्ति, एवं संपेहित्ता पायत्ताणीयाहिवइं हरिणेगमेसिं
तिसलाकुच्छिसि गब्भोवसंहरणत्थं निरूवेइ, सो य हरिणेगमेसी सक्काएसेणं उत्तरवेउवियरूवधरो मणपवणजइणीए

श्रीगुणचंद्र
महावीरच०
४ प्रस्तावः

॥ ११२ ॥

गईए संपत्तो देवाणंदाए माहणीए समीवं, ओसोयणीदाणपुवगं च तीसे अवहरइ भयवं गब्भाओ, माहणीवि
तक्खणं चिय वयणकमलेण ते चउइसवि महासुमिणे पडिनियत्तमाणे पेच्छिऊण ववगयनिद्दा निद्वयताडियउरपंजरा
जरावेगविहुरियव नित्थामसरीरा अवहरिओ मम गब्भोत्ति सुचिरं अप्पाणं निंदंती करयलनिवेशियकवोला परमसो-
गसंभारं काउमारद्धा ॥ १ ॥

इओ य इहेव जंबुद्वीवे भारहवासतिलयभूयं समुत्तुंगपायारपडिहयविपक्खपक्खुक्खेवं विचित्तपासायसहस्ससिहर-
रुद्धदिसावगासं खत्तियकुंडग्गामं नाम नगरं, तत्थ य कसिणत्तणं कलयंठिकंठेसु सवावहारलोवो सहसत्थेसु कंटगु-
प्पत्ती कमलनालेसुं कुडिलत्तं कोदंडदंडेसु निट्ठुरत्तं तरुणीपओहरेसु मित्तविरोहो रयणियरस्स वंधो य सारणिसलि-
लेसु । जहिं च पढमाभासी पियंवओ करुणापरो वेसमणोव्व अणवरयदाणरसिओ महातरुव्व सउणजणकयपक्ख-
वाओ पारद्धिलुद्धव्व कयसारमेयसंगहो गेवेज्जयसुरजणोव्व अणिंदो सारयसलिलं व अकलुसो निवसइ लोओ । जत्थ
य चउदिसिंपि अणवरयवहंतऽरहट्टघडिमुहमुक्कसलिलसिचमाणाइं सव्वोउयफुल्लफलमणहराइं जंबूजंवीरखज्जरता-
लतमालपमुहतरुसंडमंडियाइं परिभूयनंदणवणाइं सोहंति काणणाइं, जं च संकेयठाणं व तिहुयणलच्छीए समुप्पत्तिभू-
मिन्व विविहच्छेरयाणं लीलाभवणं व सिंगारस्स आवासोव्व धम्मस्स मुहमंडणं व वसुंधरारमणीए । तत्थ य पुरंदरोव्व
छिन्नभूधरपक्खो मुणिन्व समरसोवओगो सुरवारणोव्व दाणसिच्चकरो जलनिहिन्व समज्जायाणुवत्ती अणेगनरिंदमउ-

शक्रस्तुतिः
गर्भपरा-
वर्तः॥

॥ ११२ ॥

लिमालानमंसियकमकमलो भुवणपसिद्धो सिद्धतथो नाम नरिंदो ।

हरिपीलुपरिक्खित्तं भमंतविहंगमहिसिपरिकलियं । सुन्नंपि वसंतंपिव नज्जइ जस्सारिजणभयणं ॥ १ ॥

एगेषु पलाणेषुं जयतूरवेण सत्तुसु परेषुं । पणमंतेसुं जेणं समरसुहं नेव संपत्तं ॥ २ ॥

तस्स य वम्महस्स व रई महुमहणस्सेव लच्छी संव्वंतेउरपहाणा रूवाइगुणगणाभिरामा तिसला नाम देवी,
जहत्याभिहाणो य नंदिवद्धणो नाम पुत्तो सुदंसणा य धूया, अह आसोयवहुलेतरसीए अद्धरत्तसमए हत्युत्तर-
नक्खत्ते सुकुमालहंसतूलीपडलसुंदरंमि दहिंपिंडपंडुरपडपच्छाइयंमि गंगापुलिणविसाले सयणिजे सुहपसुत्ताए तिस-
लादेवीए पुव्वगम्भं देवाणंदाकुच्छिमि संकामिऊण दिव्वसत्तीए सो पुव्वभणिओ हरिणेगमेसिदेवो असुभपोग्गलाव-
णयणपुव्वयं जिणं कुच्छीए मोत्तूण पणमिऊण य जहागयं पडिगओ, गम्भाणुभावेण य सा तिसलादेवी पच्छिमरय-
णीसमयंमि चउइस सुमिणाणि पासइ, कहं चियं ?—

करडतडगलियमयसलिलगंधुद्धुरं, गुलुगुलंतं सुदंतं महासिंधुरं ।

वसहमुल्लासिसुइलंवपुच्छच्छडं, चारुसिगं सुतुगं रवेणुब्भडं ॥ १ ॥

धुसिणरसरागकेसरसडाडंवरं, केसरिं कंठरवभरियगयणंतरं ।

कुंभिकरकलियकलसेहि कयमज्जणं, लच्छिसुहामकामत्थियुयसासणं ॥ २ ॥

मालईमल्लियाकमलरेहंतयं, मालममिलाणमलिवलयलीढंतयं ।

किरणजालं मुयंतं ससिं सुंदरं, निहयतमपसरमइरुग्गयं दिणयरं ॥ ३ ॥

फलिहडंडग्गलोलंतसियधयवडं, पुन्नकलसं च सुहकमलगंधुब्भडं ।

कुमुयकलहाररम्मं महंतं सरं, बहुलकल्लोलमालाउरं सायरं ॥ ४ ॥

विविहमणिथंभसालं विमाणं वरं, कंतिकच्चुरियगयणं च रयणुकरं ।

धूमरहियं तथा हुयवहं सुमिणए, देवि वयणंमि पविसंतयं पेच्छए ॥ ५ ॥

पेच्छिऊण य इमे सुमिणे हरिसुद्धुसियरोमकूवा परमाणंदमुवहंती गया सिद्धत्थपत्थिवसमीवं, कहिओ चउद्दस-
महासुमिणोवलंभवइयरो, तेणावि नियमइविभवाणुसारेण संमं चिंतिऊण भणियं—सुंदरि ! सयलनरिंदसंदोहवंदणिज्जो
निरुवक्कमविक्रमकंतसत्तुचक्को निप्पडिमपयावपरिभूयरविमंडलो निरुवमसत्तो पुत्तो ते भविस्सइ, सायरं पडिच्छिऊण
य इमं अणाइक्खणिज्जभूरिहरिसपब्भारमंथरगई गया नियमवणं, ताहिं च देवगुरुसंवद्धाहिं मंगल्लाहिं असिवोवघाय-
दक्खाहिं सुहावहाहिं कहाहिं रयणिसेसमइवाहिउं पउत्तत्ति, राइणावि जाए पभायसमए समाहूया अट्टंगनिमित्तस-
त्थपरमत्थवियवखणा नेमित्तिगा, आसणदाणपुव्वयं सकारिऊण पवरवत्थाइणा निवेइओ देवीदिट्ठचउद्दससुमिणवुत्तंतो,
तओ ते सम्मं निच्छिऊण परोप्परं जहावट्ठियमत्थं भणिउमारद्धा—देव ! एयारिससुमिणाणुभावेण नूणसुप्पज्जिही

धम्मपरचक्रवट्टी तिहुयणपूयणिज्जपायवीढो नियकुलनहयलमियंको अणुवमचरिओ तित्थयरो तुम्ह पुत्तोत्ति, एवमाय-
 न्निऊण परमहरिसमुधहंतेण राइणा द्वावियं तेसिं आसत्तपुरिससंतइदालिद्विद्वकरं मणोरहपहाइकंतं दविणजायं,
 विसज्जिया य नियनियठाणेसु, निवेइओ य एस वइयरो देवीए, जाओ य परमो पमोओ तीसे। एवं च पइदिणपुज्जं-
 तमणोरहाए जिणाणुभावेण दूरपलीणरोगाए सुररमणीसरिच्छवट्टंतविलासाए वड्डिउमारद्धो गम्भो; तयणुभावेण य
 एवं सा सोहिउं पउत्ता—

अंतरनिहित्तरयणसंचया फलिहमयधरित्तिव । संकंतफारदिणनाहमंडला मेरुभित्तिव ॥ १ ॥

अंतद्वियमुत्ताहलरेहंतुद्वामजलहिवेलध । पढसुग्गमंतससहरपसाहिया गयणलच्छिध ॥ २ ॥

अंतोविफुरणसमुल्लसंतसोयामणीनिवहकिन्ना । उम्भडघणंत घणपडलपुन्नवपाउससिरिव ॥ ३ ॥

इय गम्भगयजिणिंदाणुभावसोहंतकंतसधंगा । नवकप्पहुमलइयव मणहरा रेहए देवी ॥ ४ ॥

जद्विसं च भयवं भुवणमहासरेकरायहंसो तिसलादेवीए उदरकमलमइगओ तद्विसाओवि सुरवइवयणेण तिरियजं-
 मगा देवा विविहाइं महानिहाणाइं सिद्धत्थनरिंदभुवणंमि भुज्जो भुज्जो परिक्खवंति, तंपि नायकुलं धणेणं धन्नेणं रज्जेणं
 रट्ठेणं वलेणं वाहणेणं कोट्टागारेणं पीइसकारेणं वाढमभिवड्डइ, सिद्धत्थनराहिवस्सवि अचंतवाहुवलदप्पिणो तहाविह-
 विसमपएसु संठिया अपणयपुब्बावि वसमुवगया पच्चंतद्वियावि नराहिया । अन्नवासरे भगवओ अम्मापिऊणं एया-

रूवो वियप्पो समुप्पणो, जहा-जप्पभिई एस गब्भो संभूओ तप्पभिई धणकणगाइरज्जविभवेणं अम्हे बहामो, ता जइया एस जाओ भविस्सइ तइया एयस्स इमं गुणनिप्फणं वद्धमाणोत्ति नामधेयं वयं करिस्सामोत्ति, एयरूवाइं मणोरहसयाइं परिकप्पयंति ॥

अह भगवं भुवणपहू नाणत्तयपरिगओ महाभागो । करुणापरेक्कचित्तो समुहविरत्तो महासत्तो ॥ १ ॥
 चलणप्फंदणरूवं संहरिउं सव्वमंगवावारं । सेलेसिपवन्नो इव अणुकंपट्टा सजणणीए ॥ २ ॥
 तह कहवि वसइ गब्भे जह नियजणणीवि नो सुणइ सम्मं । तइलोकविम्हयकरो गरुयाणं कोऽवि वावारो ॥ ३ ॥
 नवरं तिसलादेवी तहट्टिए जिणवरे विचिंतेइ । किं गलिओ मम गब्भो ? उयाहु देवेहिं अवहरिओ ? ॥ ४ ॥
 किं मज्झेवि विणट्टो ? किं वा केणावि थंभिओ होज्जा ? । अहवा निप्पुन्नाणं रयणं किं करयले वसइ ? ॥ ५ ॥
 जइ सच्चं चिय विगओ एसो ता निच्छयं निए पाणे । नीसेसदुक्खलक्खेक्कभायणेऽविहु परिचयामि ॥ ६ ॥
 अट्टज्झाणोवगया करयलपल्हत्थिएण वयणेण । अचंतदुक्खवसया दुरुज्झियमंडणाभरणा ॥ ७ ॥
 परिचत्तसमुल्लावा महियलकयरुक्खचक्खुविकखेवा । दीहुस्सासनिवारियमुहसोरभमिलियभसलकुला ॥ ८ ॥
 इय भूरिसोगसंभारतरलिया गलियकेसपासा य । हिययंतो रोवंती देवी जावऽच्छए ताव ॥ ९ ॥
 सिद्धत्थरायभवंणंपि तक्खणं विमणदुम्मणं जायं । उवसंतमुइंगरवं उवरयवरगीयनिग्घोसं ॥ १० ॥

श्रीगुणचंद्र
महावीरच०
४ प्रस्तावः

॥ ११४ ॥

अह भयवं एवंविहवइयरसुवलक्खिऊण नाणेण । अंगं अंगावयवं चालइ जणणीसुहंढाए ॥ ११ ॥

ताहे तुट्ठा देवी हरिसवसुल्लसिरलोयणकवोला । जायं झडत्ति भवणंपि राइणो पमुइयजणोहं ॥ १२ ॥

तत्तो भयवं चिंतइ गम्भुच्चभवमेत्तओऽवि कह जाओ । जणणीजणगाणमहो पडिवंधो कोऽवि अइगरुओ ? ॥ १३ ॥

जं गम्भनिप्पकंपमेत्तेणवि एरिसा विसमरूवा । नियसंवेयणगम्मा एएसि दसा समावडिया ॥ १४ ॥

जइ पुण जीवंतेसुवि समणत्तणमहमहो पवज्जिस्सं । तो मम चिरहेण धुवं एए जीयं चइस्संति ॥ १५ ॥

इय चिंतिऊण भयवं संतोसंठं सजणणिजणगाणं । इयरजणाणवि एवं ठिइं व लंठं पइंठंतो ॥ १६ ॥

जीवंतेसुं अम्मापिईसु नाहं मुणी भविस्सामि । इय गम्भगओऽवि जिणो पडिवज्जइ नियममइगरुयं ॥ १७ ॥

अह सा तिसलादेवी गम्भफुरणसंपत्तपरमपमोया ण्हाया नियंसियमहग्घचीणंसुया सरसचंदणकयंगराया आवि-
द्धपवररयणा तं गम्भं नाइउण्हेहिं नाइसीएहिं नाइत्तिहेहिं नाइकडुएहिं नाइकसाएहिं नाइअंबिलेहिं नाइमडुरेहिं
सवोउयसुहावहेहिं भोयणोहिं परिवालयंती पूरियडोहला निम्भया पसंता सुहेण भवणतलसमारूढा कयाइ पवर-
नाडयपेच्छणेण कयाइ पुराणपुरिसचरियायन्नणेण कयाइ विचित्तकोऊहलावलोयणेण कयाइ सहीजणपरिहासकर-
णेण कयाइ उज्जाणविहारविणोएण कयाइ दुक्खियजणतवणिज्जपुंजवियरणेण कयाइ नयरसोहानिरिक्खणेण कयाइ
वंधुजणसम्माणणेण कयाइ धम्मसंबद्धकहावियारणेण दिणाइं गमेइत्ति ।

श्रीगुणचंद्र
महावीरच०
४ प्रस्तावः

॥ ११५ ॥

अत्रया य निष्फणसस्सोवसोहिण पणडुरोगमारिपमुहाणिट्टे जणवण नियनियधम्मकरणुज्जएसु समणलोएसु उवसंतपयंडुडुमरेसु परोप्परं नराहिवेसु पमुक्कचाडभडचोरभयासु विलसंतीसु पयासु रेणुपडलविगमरमणिज्जासु जणमणाणंददाइणीसु सयलदिसासु उज्जाणतरुकुसुमसंबंधगंधुदुरेसु पयाहिणावत्तपरिभमणरमणिजेसु मंदं मंदं वायंतेसु समीरणेसु परमविजयसाहगेसु सबसउणेसु गंभीरघोसासु सयं चियवजंतीसु विजयडुंडुभीसु चेतसुद्धतेरसीए सुरभव-
चवणकालाओ आरब्भ नवणहं मासाणं अद्धट्टमाण य राइंदियाणं विइक्कंताणं उच्चट्टाणं गएसु महागहेसु अडूरत्त-
समए हत्थुत्तराजोगमुवागए चंदे तिसलादेवी पुवदिसिब पयासियसयलजीवलयं भयवंतं दिणयरं व भवियजणरहं-
गमिडुणकयपरमसंतोसं पसूयत्ति ।

तयणंतरं च पवरपंचवण्णरयणविणिम्मियविविहविमाणमालारूढेहिं पहयपडुपडहपमुहजयतूरेहिं उक्कुट्टिसीहना-
यकलयलमुहलेहिं पवराभरणमणिविच्छुरियगयणंगणेहिं पहरिससमुल्लसंतसरीरेहिं अणेगेहिं देवेहिं देवीहिं य इत्तेहिं
पडिनियत्तमाणेहिं य देवलयपुरिंपिव रमणिज्जं अमंदाणंदसंदोहजणगं च कुंडग्गामनयरं जायंति । सिद्धत्थरायभवणे
य वेसमणवयणाणुवत्तिणो जंभगा सुरा रयणकणगवत्थाहरणवासं वरिसंति, पत्तपुप्फफलगंधचुण्णवासं च सुयंति ।

अह जाए सूइकम्मपत्थावे अहोलोगवत्थवा चउसामाणियसहस्सपरिवुडा सत्तहिं अणिएहिं सत्तहिं अणियाहि-
वईहिं परियारिया-भोगंकरा भोगवई, सुभोगा भोगमालिणी । तोयधारा विचित्ता य, पुप्फमाला अणिंदिया ॥ १ ॥

गर्भस्य दशा
जन्म च,

॥ ११५ ॥

एजाओ अट्ट दिसाकुमारीओ जिणाणुभावचलियासणाओ ओहिन्नाणेण जिणजम्मवइयरं नाऊण दिव्विमाणा-
ढाओ सविट्ठीए जिणजणणिसमीवमागच्छंति, तिपयाहिणीकाऊण य जिणमायरं पराए भन्तीए थुणंति, कहं चिय ?-

तुम्ह महायसि ! रामाजणेकसिररयणविब्भमे नमिमो । पयकमलं निम्मलकोमलगुलीपवरदलंकलियं ॥ १ ॥

इत्थीणं मज्झे चंगिमाए लद्धा तए पढमरेहा । तुमए चिय निम्महिओ महिलालहुयत्तणकलंको ॥ २ ॥

पुत्तवईणं मज्झे तुमए चिय पावियं विजयपत्तं । मिच्छत्तंधजणस्सालं वणहेऊ तुमं जाया ॥ ३ ॥

सरयनिसायरकरनियरहारगोरो जसो तुमाहितो । आसंसारं परिभमउ निब्भरं दससुवि दिसासु ॥ ४ ॥

मूढोचिय सुयपसवे परमाणंदं जणो समुवहइ । तुज्झ सरित्था धूयावि पुत्तकोडिंपि परिभवइ ॥ ५ ॥

तिहुयणपणमियचलणो जीए कुच्छिमि वाढमुवूढो । कलणाइकंतवलो चरिमजिणिंदो जयाणंदो ॥ ६ ॥

इय सुइरं जिणजणणिं पणमिय परमायरेण जंपंति । देवि ! नहु भाइयवं अम्हे जं दिसिकुमारीओ ॥ ७ ॥

परमेसरस्स भुवणेकचक्खुणो जिणवरस्स एयस्स । निययहिगारऽणुरूवं जम्मणमहिमं करिस्सामो ॥ ८ ॥

एवं भणिऊण तित्थयरजम्मणभवणस्स समंतओ जोयणपरिमंडलं भूभागं ववगयतणकट्टपत्तकयवरं दुरुस्सारिया-
सुइदुरभिगंधपोगगलं तक्खणं विउव्विएणं मणहरेणं सवोउयकुसुमगंधाणुवासिएणं संवट्टगपवणेणं काऊण भगवओ
तित्थयरस्स तिसलादेवीए य अदूरे गायंतीओ चिट्ठंति ।

श्रीगुणचंद्र,
महावीरच०
४ प्रस्तावः

॥ ११६ ॥

एवं चिय चलियासणपउत्तदिबोहिसुणियपरमत्था । उड्ढदिसावासाओ देवीओ इमा तओ इंति ॥ १ ॥
मेहंकरा मेहवई, सुमेहा मेहमालिणी । सुवच्छा वच्छमित्ता य, वारिसेणा वलाहगा ॥ २ ॥
तो निहयरयं वेउघिएण मेहेण महियलं काउं । गंधंधलुद्धफुलंधवाउलं पुप्फवरिसं च ॥ ३ ॥
जिणवरगुणगणमइकोमलेण सुइसोकखकरणदक्खेण । अइदूरंमि ठियाओ गायंति सरेण महुरेण ॥ ४ ॥
अह पोरत्थिमरुयगट्टिईओ अट्टवि दिसाकुमारीओ । बहुपरियणपरियरियाओ एयाओ आगया झत्ति ॥ ५ ॥
नंदुत्तरा य नंदा, आणंदा नंदिवद्धणा । विजया य वेजयंती, जयंती अपराजिया ॥ ६ ॥
रविमंडलसारिच्छं हत्थे धरिऊण दप्पणं ताहे । पुव्वदिसिंमि ठियाओ कित्तिंति गुणे जिणवरस्स ॥ ७ ॥
अह दाहिणरुयगनिवासिणीओ अट्टवि दिसाकुमारीओ । नायजिणजम्मणाओ इंति विमाणेहिं एयाओ ॥ ८ ॥
समाहारा पइन्ना य, सुप्पवुद्धा जसोहरा । लच्छिमई सेसवई, चित्तगुत्ता वसुंधरा ॥ ९ ॥
करपल्लवेण कलि(गहि)उं भिगारं सुरहिवारिपरिपुन्नं । दक्खिणपासे पहुणो गुणथवणपरा परिवसंति ॥ १० ॥
अह पच्छिमरुयगगया अट्टेव पुणो दिसाकुमारीओ । भत्तिभरनिम्भराओ इमाओ पविसंति जिणगेहे ॥ ११ ॥
इलादेवी सुरादेवी, पुहवी पउमावई । एगनासा नवमिया, भद्दा सीया य अट्टमी ॥ १२ ॥
करकलियतालियंटा विसट्टकंदोद्वदीहरच्छीओ । पच्छिमदिसिम्मि ठाउं थुणंति जिणनाहगुणनिवहं ॥ १३ ॥

दिशाकु-
मारीकृतो
महोत्सवः

॥ ११६ ॥

अह उत्तरिखरुयगाभिहाणगिरिवासिणीओ अट्टेव । आगच्छंति इमाओ देवीओ दिसाकुमारीओ ॥ १४ ॥
 अलंबुसा मिस्सकेसी, पुंडरीकी य वारुणी । हासा सबप्पभा चेव, हिरिदेवी सिरी तथा ॥ १५ ॥
 वंदित्ता जिणजणणीं घेत्तुं सियचामरं करग्गेण । उत्तरदिसिम्भि गुरुणो पुव्वकमेणं परिवसंति ॥ १६ ॥
 अह विदिसिरुयगपव्वयवत्थवा चउ दिसाकुमारीओ । चित्ता य चित्तकणगा सतेय सोयामणीनाम ॥ १७ ॥
 नमिउं तिसलादेवीं जिणं च विदिसासु चउसुवि निलीणा । सुंदरपईवहत्था जिणगुणनिवहं पगायंति ॥ १८ ॥
 मज्झिमरुयगट्टिइओ पुणोवि चत्तारि दिसिकुमारीओ । देवी रुया रुयंसा सुरुया रुयगावई नामा ॥ १९ ॥
 आगंतूणं पुव्वकमेण नाभिं जिणस्स कप्पेंति । चउरंगुलपरिवज्जं ताहे वियरं परिखणिंति ॥ २० ॥
 तं नाभिनालमह तत्थ ठाविउं पंचवण्णरयणेहिं । पूरिंति तं समग्गं तदुवरि पीढं च वंधंति ॥ २१ ॥
 पीढस्सोवरि हरियालिगं च वियरंति नीलमणिरम्मं । लोयणआणंदयरिं दिव्वाए देवसत्तीए ॥ २२ ॥
 तेयणंतरं तिन्नि कयलीहराइं विउवंति, तेसिं च मज्झभागे पवरपंचप्पयारमणिविणिम्मियकोट्टिमतलाइं विच्छि-
 त्तिचित्तरंगावलीमणहराइं दुवारदेसठवियपुण्णकणयकलसाइं दिव्वरुवरेहंतसालभंजियाभिरामाइं दाहिणपुव्वुत्तरदिसासु
 तिण्णि चउसालभवणाइं विसालाइं विरयंति, तेसिं च मज्झभागे महग्घमणिखंडमंडियाइं नियकिरणजालसुत्तिय-
 सुरिंदकोदंडाइं कणगसेलसिलाविच्छिन्नाइं तिण्णि सीहासणाइं ठविंति, तओ तित्थयरं करयलपुडेणं तित्थयरज-

दिशाकु-
मारीकृतो
महोत्सवः.

॥ ११७ ॥

णणिं च बाहाहिं घेत्तूण परमायरेण दाहिणदिसिचाउसालसीहांसणे निसियावेंति, तओ सयपागसहस्सपागतेल्लेहिं
पहाणगंधुद्धुरोहिं तेसिं सरीरमब्भंगिंति, गंधुवट्टणेणं उवट्टेंति, तओ पुवट्टिइए जिणं जणणिं च पुवदिसिचाउसाल-
सिंहासणंमि आरोविऊण गंधोदएण पुप्फोदएण सुद्धोदएण मज्जिऊण पवरमणिरयणाभरणसंभारेण विभूसियसरीराइं
काऊण परमायरेण पुवविहीए उत्तरदिसिचाउसालसिंहासणे निवेसिंति, नवरं नियकिंकरेहिं चोल्लहिमवंताओ
गोसीसचंदणदारुगाणि आणाविऊण अरणिनिम्महणुट्टिएण जलणेण संतिनिमित्तं होमं च करेंति, नियपभावपरिर-
विखयस्सवि भगवओ जीयंतिकाऊण रक्खापोट्टलियं वंधिऊण रयणपाहाणगे सवणमूले ताडिंति, एवं भणंति य-

सत्तकुलपवयाऊ अप्पडिहयसासणो हवसु देव ! । गयरोगसोगदुक्खो पणईयणपूरियासो य ॥ १ ॥

इय भणिऊण पहिट्ठा जम्मणगेहे ठवित्तु जिणजणणिं । गायंति जिणिंदगुणे तिसलापासे समल्लीणा ॥ २ ॥

इय जम्मस्स य कायवचित्थरो तित्थनाहभत्तीए । वेगेण समत्थिज्जइ छप्पन्नदिसाकुमारीहिं ॥ ३ ॥

एत्थंतरे सोहम्मकप्पाहिवइस्स सकस्स सीहासणं चलइ, तच्चलणेण ओहिनाणेण भगवओ तित्थयरस्स जम्मं मुणिऊण
ससंभमं सको सीहासणाओ उट्टेइ, सत्तट्टपयाणुगमणपुवयं परमाए भत्तीए तत्थट्टिओऽवि जिणं थुणिऊण पाइत्ताणी-
याहिवइं हरिणेगमेसिं देवं आणवेइ-अहो भइ ! गच्छसु सोहम्माए सभाए मेघोघघोरघोसं जोयणपरिमंडलं सुघो-
सघंटं तिक्खुत्तो ताडिंतो महया सद्देणं एवमुग्घोसेहि-सको जंबुदीवभारहखेत्तसमुब्भवस्स जिणस्स जम्मणमहिमं

श्रीगुणचंद्र
महावीरच०
४ प्रस्तावः
॥ ११७ ॥

काउं पट्टिओ, ता भो देवा ! तुम्हे सबबलेणं सबविभूर्इए, सबनाडएहिं सवालंकारविभूसाए दिवच्छरागणेणं परिवुडा पवरविमाणाइं आरूढा मम सयासं पाउब्भवहत्ति, एवं भणिए हरिणेगमेसी देवे देवरण्णो वयणं विणएण पडिसु-
 णित्ता तुरियगईए सोहम्मसभाए गंतूण सुघोसं घंटं तिकखुत्तो ताडेइ, तीसे य पयंडनिग्घोसवसुच्छलंतपडिसइयप-
 डिफलणवसेण अन्नाइं एगूणाइं वत्तीसं घंटासयसहस्साइं समकालं रणञ्जणारवं काउमारद्धाइं, एवं च दिसि दिसि
 समुम्भवंतपडिनिग्घोसवहिरियदियंतरो सोहमकप्पो समुप्पन्नोत्ति । एत्थंतरे—

पंचविहविसयसेवापमत्तचित्ता समंतओ देवा । तं एगकालवज्जिरघंटागणगुरुसरं सोउं ॥ १ ॥

चित्तंति सबओ किंचि (च) फुट्टवंभंडरवसमो घोरो । फालिहविमाणमालापडिफलणचउग्गुणीभूओ ? ॥ २ ॥

आपूरित्तोव दिसावगासमखिलं चराचरं लोणं । सहेगसरूवंपिव कुणमाणो निययमहिमाए ॥ ३ ॥

संसुद्धमुद्धतियसंगणाहिं भयवेगतरलियच्छीहिं । हा नाह ! रक्ख रक्खत्ति जंपिरीहिं सुणिज्जंतो ॥ ४ ॥

दणुघइरणसुमरणतुट्टतियसवंठोहकंठरवभीमो । अणिवारियं वियंभइ जयघंटारणरणारावो ॥ ५ ॥

इय चिंतावससिडिलियदइयादढकंठवाहुपासंमि । सबत्तो सुरनिवहे जायम्मि विमूढहिययंमि ॥ ६ ॥

खणमेत्तस्सऽवसाणे समत्थघंटारवंमि उवसंते । हरिणेगमेसिदेवो भणइ सुरे अवहिए जाए ॥ ७ ॥

भो भो तियसा ! सफो तुम्हे आणवइ जह लहुं एह । जेण जिणजम्ममज्जणमहूसवो कीरए इण्हिं ॥ ८ ॥

इय आणत्तियमायन्निऊण परिमुक्कसेसवावारा । सुणियजिणनाहमज्जणमहूसवा हरिसिया तियसा ॥ ९ ॥

तो मज्जणपोक्खरिणीए जंति, बहुविहजलेण मज्जणु करेति । कप्पूरमिस्सचंदणरसेण, आलिंपहि देहु सुबंधुरेण ॥ १॥

अइकोमलनिम्मलदूसजुअल, परिहंति वियंभियकंतिपडल । अह कंठपइट्टियलडुहार, दूरुज्झियकामुयजणवियार ॥ २ ॥

अइसुरहिक्कुसुमनिम्मवियदाम, नवपारियायमंजरिसणाम । वंधंति सुगंधसमिद्ध सीसि, तक्खणकयकुंचिरचारुकेसि ३

मणिमउडकिरणविच्छुरियगयण, नियरूवमडप्परहसियमयण ।

वरकडयतुडियभूसियसरीर, तणुकंतिपसरपरिभूयसूर ॥ ४ ॥

किवि मगरमरालयसन्निसन्न, किवि हरिणवसहसिहिप्पवन्न ।

आरुहवि केवि कुंजरि महंति, केवि तुंगतुरए वेगे वयंति ॥ ५ ॥

चीणंसुयचिंधसहस्सरम्म, अवलोयणिमेत्तह दिन्नसम्म ।

आरुहवि चलिय किवि वरविमाणि, किंकिणिरवमुहरि महप्पमाणि ॥ ६ ॥

सहुलसरहहरिपट्टि चडिय, किवि पट्टियवेगेऽन्नोन्न घडिय ।

इय सुरसमूहह सव्वे वलेण, सुरवइ समीवमागय जवेण ॥ ७ ॥

एत्थंतरे खंभसहस्ससंनिविट्ठं फलिहमणिघडियसालभंजियाभिरामदारदेसं अणेगलंबंतमुत्ताहलमालं पवरवइरवे-

इगापरिक्खत्तपेरंतविभागं रणंतघंटावलीमहुरसरसुहयं पवणकंपमाणनिविडजयंपडागापयडं सिहरं व तिरियलो-
यमहामंदिरस्स फलं व पुवकयपुन्नमहापायवस्स तिहुयणसारपरमाणुविणिम्मियं व सयलविभूइविच्छिडाखंडभंडा-
गारं सोलसभेयरयणरासिघडियं व सुरवइचयणसंभंतपालकामरविउवियं जोयणसयसहस्सविच्छिण्णं पंचजोयण-
सयसमुवेहं वरविमाणमारूढो अणेगदेवदेविकोडिपरिवुडो पत्थिओ पुरंदरो, तओ पवणविजइणीए गईए तिरियम-
संखेज्जाणं दीचसमुद्दाणं मज्झंमज्झेणं नंदीसराभिहाणदीवस्स दाहिणपुरत्थिमिल्ले रइकरपवए आगंतूण तं दिवं
देविहिं विमाणवित्थारं व पडिसंहरिऊण जेणेव जंबुदीवो जेणेव दाहिणडुभरहं जेणेव भगवओ जम्मणभवणं तेणेव
उवागच्छइ, तयणंतरं च तेण दिव्वेण विमाणेण तिक्खुत्तो आयाहिणपयाहिणं भगवओ जम्मणभवणस्स काऊण विमाणं
उत्तरपुरच्छिमे दिसिभागे ठवेइ, तओ अट्टहिं अग्गमहिसीहिं चुलसीइए सामाणियसाहस्सीहिं समेओ जत्थ भयवं
तित्थयरो तित्थयरजणणी य ताहिं आलोएइ, पणासं करेमाणो पविसइ, सामिं समायरं तिपयाहिणपुव्वयं वंदइ,
वंदिता सविसेसं तिसलादेविं धुणइ, कहं?—

जयसि तुमं देवि ! सगोत्तगयणपडिपुन्नचंदनवजुण्हे ! । सुविसुद्धसीलसालीणयाइ गुणरयणवरधरणि ! ॥ १ ॥
तिहुयणचिंतामणिकुच्छिधारिए ! तं धुवं जगे धन्ना । तुज्झं चिय सुहफलओ पसंसणिज्जो मणुयजम्मो ॥ २ ॥
एत्तियमेत्तेणं चिय तुमए उल्लंघिउव्व भवजलही । परमासीसट्ठाणं जायासि मुणीसराणंपि ॥ ३ ॥

एवं च शुणिकुण ओसोयणिदाणपुव्वगं तक्खणविउच्चियजिणपडिरूवं च ठविऊण तिसलादेवीसमीवे सयं पंच सरीरे
विउव्वइ, तओ एगेण परमसुइभूओ सरससुरभिगोसीसचंदणपंकपंडुरोयरे करकमले कयप्पणामो सवहुमाणं तित्थयरं
संठवेइ, एगेण य तस्सेव य पिट्टिदेसट्टिओ हरट्टहासकुसुमप्पगासं चामीयरचारुदंडं पुंडरीयं धरेइ, दोहि य रूवेहिं
भगवओ उभयपासेसु सुरसरिवारिप्पवाहविब्भमे चामरे मंदं मंदं चालेइ, एगेण पुरओ ठिओ धारासहस्सभीसणं
समुच्छलंतकिरणपडलं सरयसूरमंडलं व दिसिवलयमुज्जोवितं पयंडपडिवक्खविकखेवदारुणं कुलिसमुव्वहइ । एवं च
पंचरूवेहिं समायरियनियनियकायवो अणेगदेवदेवीहिं परियरिओ-

संपत्तपावणिज्जं समत्थतित्थोहदंसणपचित्तं । अप्पाणं मन्नंतो हरिसेणंगे अमायंतो ॥ १ ॥

मंदरसेलाभिमुहं कंठपलंबंतरयणवणमालो । पयलंतदिवकुंडजुयलो आखंडलो चलिओ ॥ २ ॥

सिग्घाए दिवाए देवगईए कमेण गच्छंतो । जोयणलक्खुच्चत्तं संपत्तो मंदरगिरिंदं ॥ ३ ॥

जस्सावट्टियरूवा पडिविंविद्यसिहरकाणणाभोगा । विमलपरिमंडला दप्पणव्व रेहंति ससिसूरा ॥ ४ ॥

जस्स रमणीययारंजियाइं गंधव्वदेवमिहुणाइं । उज्झियनियठाणाइं सिहरेसु सुहं परिवसंति ॥ ५ ॥

नाणाविहफलभरभंगुरग्गसाहाइं जत्थ रेहंति । सवोउयकुसुमसमिद्धिसुंदराइं तरुवणाइं ॥ ६ ॥

किविणो व्व कणगपरिहाणिवज्जिओ सज्जणोव्व अइतुंगो । सुमुणिव्व एगरूवो जो निच्चं सिद्धिखेत्तं व ॥ ७ ॥

एगत्थुन्नयनवमेघगज्जिपरितुट्टनीलकंडो जो । अन्नत्थ किन्नरारद्धगेयसुइनिचलकुरंगो ॥ ८ ॥

एगत्तो मरगयनिस्सरंतकिरणोलिसामलियगयणो । अन्नत्तो रवितावियफलिहोचलगलियजलणकणो ॥ ९ ॥

तत्थ एवंविहे मंदरगिरिंमि नीहारगोकखीरहारुज्जलाए अइपंडुकंवलसिलाए विचित्तरयणप्पभापडलजलपक्खा-
लियंमि अभिसेयसिंहासणे पुवाभिमुहो सुरिंदो उच्छंगनिवेसियजिणो उवविसइ, एत्थंतरे जिणपुन्नमाहप्पचलियासणा
ओहिनाणविन्नायजहट्टियपरमट्ठां नियनियसेणाहिवइताडियघंटारवपडिवोहियंसुरयपमत्ततियसगणा तक्कालविउच्चि-
यपवरविमाणारूढा सवालंकाररेहतसरीरा ईसाणप्पमुहा चंदसूरपज्जंता एगत्तीसंपि समागया सुरिंदा, कयपणामा
य द्विया सट्ठाणेषु, एत्थ य पत्थावे अचुयतियसाहिवेण भणिया नियदेवा-अहो सिग्घमुवणमेह महरिहं पसत्थं
तित्थयराभिसेयं, तओ ते पहिट्ठचित्ता अट्ठोत्तरसहस्सं सुवन्नकलसाण अट्ठोत्तरसहस्सं कलहोयमयाणं एवं मणिमयाणं
सुवन्नरूपमयाणं रूपमणिमयाणं सुवन्नरूपमणिमयाणं भोमेयगाणं अट्ठसहस्सं रयणकलसाणं, एवं भिंगाराणं
पत्तेयं पत्तेयमट्ठसहस्सं विउच्चित्ता गया खीरोयसमुदं भरिया खीरसलिलेण सयलकलसा, गहियाइं उप्पलकुमुयसय-
पत्तसहस्सपत्ताइं,

एवं पसत्थतित्थाण मागहाईण वरनईणं च । सलिलं महोसहीओ सुकुमारा मट्टिया जा य ॥ १ ॥

वक्खारसेल्लकुलपवएसु सोमणसनंदणवणेषु । अंतरनइहरएसु य जाणि य कुसुमोसहिफलाइं ॥ २ ॥

आदाय ताइं खीरोयसलिलपडिपुन्नपुन्नकलसा य । अच्युयसुराहिवइणो विणयप्पणया समप्पेंति ॥ ३ ॥
अह सो अच्युयदेविंदो दहूण अभिसेयसमग्गसामग्गिं जायहरिसो सिग्घमासणाओ उट्टित्ता दसाहिं सामाणिय-
सहस्सेहिं तायत्तीसाए तायत्तीसेहिं चउहिं लोगपालेहिं तिहिं परिसाहिं सत्तहिं अणिएहिं सत्तहिं अणियावईहिं
चत्तालीसाए आयरक्खदेवसहस्सेहिं संपरिवुडो तेहिं विमलतित्थुत्थखीरनीरपरिपुन्नेहिं विमलकमलपिहाणेहिं
गोसीसचंद्रणपसुहपहाणवत्थुगन्धिणेहिं सव्वोसहीरससणाहेहिं बहुसहस्ससंखेहिं महप्पमाणेहिं कलसेहिं विउच्चि-
एहिं साभाविएहि य परेणं पमोएणं भगवओ भुवणिक्कबंधवस्स चरमतित्थयरस्स जंममज्जणमहूसवं काउं समुवट्ठि-
ओत्ति । एत्थंतरे चिंतियं सुरिंदेण, जहा—

लहुयसरीरत्तणओ कहेस तित्थेसरो जलुप्पीलं । सहिही सुरसत्थेणं समकालमहो खिविज्जंतं ? ॥ १ ॥

एत्तियकुंभजलुप्पीलपेल्लिओ गरुयगंडसेलोऽवि । पलहत्थिज्जइ नूणं किमेत्थ जुत्तं न याणेमो ? ॥ २ ॥

इय एवं कयसंकं सक्कं ओहीएँ जिणवरो नाउं । चालइ मेरुं चलणंगुलीए वलदंसणट्टाए ॥ ३ ॥

तच्चालणे य—चंगतुंगिमरुद्धगयणग्गपरिकंपिय, सिहरसयकडयडंततडवियडविहडिय ।

टलटलियटोलोवलविच्छिन्नटंकदोत्तडविनिवडिय ॥ १ ॥

कंदरगयकेसरिविहियगलगज्जियरवभीम । पवियंभियचाउदिसिहिं पडिसदय निस्सीम ॥ २ ॥

तथा—चलिरमंदरमारसंभगसिरनमिरभुयगाहिबइ दूरमुक्क दुद्धरु धरायलु, विडुलंतकुलसेलगणु सुट्टबंधु डोलिओ विसंडुल।

उत्सिखलमयभरविदुर उद्धयसुंडादंड अनिवारण दिसिवारणवि गमणि पयट्ट पयंड ॥ ४ ॥

सुभियदारुणमच्छकच्छवयपुच्छच्छडताडणेण उच्छलंतकल्लोल—संकुलगयणंगणविगयसिहमुक्कमेरवियरंतमहिजल ।

जइवेगप्पवणप्पहय हल्लियसयलसमुद्द । नज्जइ जगबोलणं भणिय चाउदिसिहिं रउद्दु ॥ ५ ॥

सूरससहरतारयाणंपि विवरंमुहपट्टियइं तक्खणेण सबइं विमाणइं, भयभीएण सुरगणेण अइजवेण उज्झियसगणइं ।

विमणंमणुसुरवहुनिवहु जाउ विसंडुलचेट्टु, मरणासंकिउ खयरजणु गिरिकंदरिहिं पइट्टु ॥ ६ ॥

एवं वियंभमाणे तिहुयणसंखोहे पंचनमोकारसुमरणपरायणे चारणमुणिगणे विविहाउहनिवहमणुसरंते अंगरक्ख-
सुरसमूहे पयंडकोवुद्धमरभीमो घडियनिडालभिउडिमासुरो करकल्लियकुलिसो सुराहिवो भणिउमाढत्तो—अहो सो
एस संतिकम्मसमारंभेऽपि वेयालसमुल्लासो भोयणपढमकवलकवलणेऽपि मच्छिवासन्निवाओ पुन्निमाचंदपढमुग्गभेवि
दाढाकडप्पदुप्पिच्छो विडप्पागमो जं सयलमंगलालयस्स अणप्पमाहप्पवलणिहाणस्स तित्थेसरस्सपि जम्मणमहूसव-
समए एरिसो विग्घो समुवट्टिओ, केण पुण अकालकुबियकयंतसंगमूसुएण देवेण दाणवेण य जक्खेण रक्खसेण
नियमुयसामत्थवित्थारदंसणट्टयाए वा जिणमहिमावलोयणमच्छरेण वा भुवणसंखोहदंसणकोऊहलेण वा कओ हवेज्जत्ति
जायसंसओ ओहिन्नाणं पउंजइ । तओ दिव्वनाणमुणियजिणचलणचंपणुकंपियमेरुवइयरो तक्खेणसंहरियकोवुग्गमो

श्रीगुणचंद्र
महावीरच०
४ प्रस्तावः
॥ १२१ ॥

निंदियनियकुवियप्पो स्वामिऊण बहुप्पयारं भगवंतं जिणेसरं पाणिपरिगहियकलसे तियसे भणिउमाढत्तो-
भो भो विबुहा!—

जह सिरिसहजिणिंदो ण्हविओ पुविं इहेव तियसेहिं । तह चरिमतित्थनाहंपि न्हवह मोत्तूण कुवियप्पं ॥ १ ॥
एगसरूववलच्चिय निब्भंतं जेण सव्वजिणनाहा । तणुगुरुलहुयत्तं पुण न कारणं वीरिउल्लासे ॥ २ ॥

एवं च सुरवइवयणाणंतरमेव समकालं निवडियं सयलकलसेहितो सारयससिमऊहजालं व गयणसुरसरिजलपडलं
व तुसारहारधवलं जिणोवरि खीरोयहिजलं, एवं च पवट्टे जिणाभिसेगे—

दुंदुहीपडहभंभाडुडुक्काउलं, वेणुवीणारवुम्मिस्सहयमहलं । झल्लरीकरडकंसालरववंधुरं, घोरगंभीरभेरीनिनायुद्धुरं ॥ १ ॥
काहलारावसंवद्धखरमुहिसरं पूरियासंखसंरवुत्थरवनिब्भरं ।

पलयकाले व गज्जंतघणवंदयं, ताडियं सुरेहिं चाउविहाउज्जयं ॥ २ ॥

हरिसभरनिब्भरुब्भिन्नरोमंचया, केवि संथुणाहिं जिणु तियस नचंतया ।

अवरि वरसुरहिं मंदारकुसुमुकरं, मुयाहिं गंधवभसलावलीकच्चुरं ॥ ३ ॥

केवि फोडित्ति मल्लव तिवइं सुरा, सिंहनायं च मुंचंति हरिसुद्धुरा ।

कुणहिं गलगज्जियं अवरि हयहेसियं, केवि य किर रासयं दिंति करणांचियं ॥ ४ ॥

मेरुचालन-
मभिषेकश्च.

॥ १२१ ॥

अत्रि हरिसेण विरइति गलदहरं, केवि मुट्टीहिं ताडिति विस्संभरं ।
केइ कलसे य खीरोयजलपूरिए, तक्खणं निति तियसाण हत्थंतिणं ॥ ५ ॥ ॥
इय जहिं सुरसंघेण निहणियविग्घेण वट्टिज्जइ सवांयरेण ।
तहिं जिणवरमज्जणि भवभयतज्जणि किं वट्टिज्जइ मारिसिण ? ॥ ६ ॥

जिणाभिसेगे य वट्टमाणे सघे सुरिंदा छत्तचामरधूयकडुच्छूयपुप्फगंधहत्था पुरओ पमोयपुलइयंगं आणंदवियसि-
यच्छा ठियां । अहं अञ्चुयसुरेसरे जिणं ण्हविज्जणं विरए पाणयाइणो देविंदा नियनियपरिवारपरियरिया महाविम-
येणं सोहम्माहिवइं मोत्तूण तीसंपि कमेण जिणं अभिसिंचंति । तयणंतरं च ईसाणिंदो भयवंतं उच्छंगे धरिंतो सिंहा-
सणे निसीयइ, सोहम्माहिवइंवि चउदिसिं तित्थयरस्स चत्तारि धवलवसहे संखदलुज्जले रमणिज्जसरीरे विउवइ,
तेसिं च अट्टसिं गगेहिंतो अट्टखीरोयसलिलधाराओ उड्डं गयणंगणगामिणीओ पुणो अहोनिवडणेण एगीभूयाओ
काज्जण जिणुत्तमंगे संठवेइ, अत्रेहि य बहुएहिं खीरोयकलससहस्सेहिं अभिसिंचइ, एवं कमेण निवत्तिए मज्जण मह-
सवे परमपमोयभरपुलइयंगो सोहम्मसुरनाहो सुकुमालगंधकासाईए जिणदेहं लूहिज्जण गोसीसचंदणुम्मीसघुसिणेणं
अंगमालिंपइ, सियसुरभिकुसुमेहिं पूयावित्थरं विरएइ, सवालंकारविभूसियं च करेइ, पुरओ य ससिकलाधवलेहिं
अक्खेहिं दप्पणमहासणवद्धमाणकलसमच्छसिरिवच्छसत्थियनंदावत्तलक्खणे अट्टमंगलके समालिहइ, वउलतिलयकण-

श्रीगुणचंद्र
महावीरच०
४ प्रस्तावः

॥ १२२ ॥

वीरकुंदमल्लियासोयचूयमंजरिपारियायपसुहं पंचवणकुसुमनियरमाजाणुमेत्तं मुयइ, नाणाविहमणिभत्तिविचित्तदंडेणं
वइरामयकडुच्छुएणं पवरगंधाभिरामं धूवसुक्खिवइ, पज्जलंतदीवियाचक्कवालमणहरं आरत्तियमंगलपईवं च समुत्तारेइ,
एवं च कयंमि सवकायवे हरिसुकरिसनभिरसिरनिवडियकुसुमचियमहीयलं कोमलभुयसुणालअंदोलणमणिकंकरणवा-
उलं उब्भडकरणवेगारिखोलिरमुत्तावलिकलावयं तयणु सुरासुरोहिं सवायरेण जिणपुरओ पणचियं, नच्चिऊण भत्तिभर-
निब्भरा भयवंतं थोळं एवमारद्धा—

जय भुवणत्तयवंदिय ! लीलाचलणग्गघालियगिरिंद ! । भवकूवमज्झनिवडंतजंतुनित्यारणसमत्थ ॥ १ ॥

परमेसर सरणागयपरूढदढवज्जपंजर जिणिंद । वम्महकुरंगकेसरि मच्छरतमपसरदिवसयर ! ॥ २ ॥

सच्चं चिय सिद्धत्थो कहं न सामिय ! जहत्थनामत्थो ? । चिंतामणिसारिच्छो जस्स सुओ तं विसालच्छो ॥ ३ ॥

अच्चंतमविरइपरायणंपि अइपुन्नवंतमप्पाणं । मण्णेमो जिण ! जं तुज्झ मज्जणे एवमुवयरिया ॥ ४ ॥

भइं भारहखेत्तस्स नाह ! तं जत्थ पाविओ जम्मं । धरणीवि वंदणिज्जा जा बहिही तुज्झ कमकमलं ॥ ५ ॥

जइ तुह पयसेवाए जिणिंद ! फलमत्थि ता सया कालं । एवंविहपरममहं अह्हे पेच्छंतया होमो ॥ ६ ॥

इय चउविहदेवनिकायसामिणो जिणवरं थुणेऊण नियनियठाणेसु गया मोत्तुं सोहम्मसुरनाहं, गए य सट्ठाणं
देविंदे सोहम्माहिचई कयसव्वकायव्वो जिणिंदं करसंपुडेण गहिऊण अणेगदेवकोडाकोडिपरिवुडो गंतूण जिण-

देवकृतो
जन्मा-
भिपेकः

॥ १२२ ॥

जम्मघरंमि पडिरूवं ओसोवर्णिं च अवणित्ता तिसलादेविसमीवे निसियावेइ, एगं च पवरं देवदूसजुयलं कुंडलजुयलं च
ऊसीसंगमूलंमि ठवेइ, एगं च पंचवन्नियरणविच्छित्तिमणहरं जच्चकंचणविणिम्मियं लंबंतमुत्ताहलावचूलयं लंबूसयं
भगवओ अमिरमणनिमित्तं अवलोयंमि ओलंबेइ, जं अवलोयंतो जिणो सुहेण चक्खुक्खेवं करेइ, तओ सको वेसमणं
आणवेइ—जहा भो! सिग्घमेव वत्तीसं हिरन्नकोडीओ वत्तीसं सुवन्नकोडीओ वत्तीसं नंदाइं वत्तीसं भदाइं अन्नाणि य
विसिद्धवत्थूणि भगवओ जम्मणभवणे उवणमेहि, सोऽवि जंभगदेवेहिं सव्वं तहत्ति निव्वत्तेइ, पुणरवि देविंदो निय-
तियसेहिंतो सव्वत्थ एवं उग्घोसावेइ—भो भो भवणवइवाणमंतरजोइसियवेमाणिया देवा देवीओ य! सुणंतु
भवंतो—जो किर तित्थयरस्स तित्थयरजणणीए वा असिवमणिद्धं काउं संपहारेही तस्स अवस्सं अज्जगमंजरिच्च
उत्तिमंगं सहस्सहा तडित्ति फुट्टिहित्ति, एवं च सव्वं काऊण विहिं भगवंतं पणमिऊण उप्पइओ नीलुप्पलसामलं
गवणं पुरंदरो ॥

अह उग्गयंमि दिणयरे पगासीभूयासु सयलदिसासु वज्जिएसु गंभीरघोसेसु जयतूरेसु सुहपडिबुद्धा तिसला
पेच्छइ सच्चालंकारविभूसियं पवरसुरहिपारियायमंजरीपरिमलमिलंतालिवलयसामलियसरीरं सुरहिगोसीसचंदणरस-
कयंगरागं जिणेसरं, इओ य सिद्धत्थनरिंदो सहरिसपधाविण्ण चेडीजणेण साहियतिहुयणच्छेरयरूवसुयजम्ममहसवो
चेडीजणस्स अवणियदासत्तभावो आसत्तवेणिवंछियत्थसमत्थरयणरासिदाणजणियाणंदो भणइ, जह—भो पुरिसा!

भीगुणचंद्र
महावीरच०
४ प्रस्तावः

॥ १२३ ॥

गच्छह तुम्हे सव्वत्थ नयरे तियचउक्कचचरेसु कयवरावणयणपुव्वयं वारिवरिसपसमियरयमणहरेसु कुंकुमपिंजरियधर-
णियलेसु कुणह पंचप्पयारपुप्फपुंजोवयारं, अगुरुतुरुक्ककुंदुरुक्कधूवधूमंधयारियदिसिमुहाओ पइट्टह ठाणे ठाणे कणग-
धूवघडियाओ, पवरमणिमुत्ताजालरेहंतमज्झभागे नचंततरुणीचरणकिंकिणीकलरवाऊरियदिसिमुहे गांयंतगायण-
जणे ऊसियविविहवेजयंतीसहस्सोवसोहिए समंतओ समुत्तुंगथोरथंभावलीसुसिलिट्टलट्टाववद्धे मंचाइमंचे संचएह,
पडिभवणदुवारं च विसिट्टपइट्टाणगपइट्टिए सहस्सपत्तपउमपिहियाणणे कुसुममालुम्मालिए सरसचंदणपंकपंडुरि-
ओदरे विमलसलिलपुत्रे पुत्रकुंभे निवेसह, सयलपएसेसु य कहगतालायरनडपेच्छणयाइ पयट्टावेह, नयरदुवारेसु य
नवचंदणमालाउ बंधेह, जूयसहस्सं चक्कसहस्सं च उव्वभवेह, उस्सुकं उकरं अचाडभडपवेसं ववगयधरणिज्जं माणवु-
ट्टिजुत्तं विमुक्कचारगागारनिरुद्धावराहकारिनरनियरं पुरं च कारवेहत्ति, जं देवो आणवेइत्ति सविणयं पडिसुणि-
ऊण वयणं गया पुरिसा, सविसेसो य साहिओ नरिंदाएसो, तओ—

हरिसपणच्चिरतरुणीकरंगुलीगलियमुहियाजालं । जालुव्वभडघयमहुसित्तसंतिहोमानलाउलियं ॥ १ ॥

आउलियचित्तमग्गणधणलाभनिमित्तविहियहलवोलं । हलवोलसवणधात्रियनरवइजणदिज्जमाणधणं ॥ २ ॥

धणवियरणसुण्णीकयनिहाणपक्खित्ततियसतवणिज्जं । तवणिज्जपुंजपिंजरचीणंसुयचिंधसयरम्मं ॥ ३ ॥

रम्ममहीयलविलिहियपसत्थंसत्थियसहस्ससोहंतं । सोहंतकंतपुरवरनरजणकीरंतमंगलं ॥ ४ ॥

श्रीसिद्धा-
र्थकृतो-
जन्मोत्सवः

॥ १२३ ॥

मंगलकरणवाउलपुरोहियारद्धदेव्यांपूयं । पूयाबलिविक्खेवणपीणियनिस्सेसपक्खिगणं ॥ ५ ॥

गणणाइकंतसमुच्छलंतमहिदूररूढनिहिनिवहं । वहबंधविरत्तपसंतलोयपारंभियविलासं ॥ ६ ॥

ठासुलासिरकुलयेरिनारिपारद्धचचरीगीयं । गीयवियक्खणगायणसुस्सरसरपूरियदियंतं ॥ ७ ॥

इय कुंडगगामपुरं सबाहिरम्भंतरं समत्तेणं । तित्थाहिवजम्ममहूसवमि जायं सुरपुरं व ॥ ८ ॥

एवं च पुरमहूसवे पयट्टे समाणे सिद्धत्थनरिंदो ण्हाओ कयालंकारपरिग्गहो नियंसियमहग्घपहाणवत्थो निसण्णो अ-
त्थाणमंडवे, एत्थंतरे समांगया मंतिसामंतसेट्ठिपमुहा विसिट्ठलोया, निवडियां चलणेसु, भणिउमाढत्ता य-देव ! विजएणं
घणागमेणं रज्जवित्थारेणं सरीरारोगत्तणेणं वद्धाविज्जह तुब्भे, जेसिं तिहुयणेक्कचूडामणी नियकुलनहयलमियंको एसो
पुत्तो पसूओत्ति जंपिऊण समप्पियाओ तेहिं पवरकरित्तरयरणरासीओ, राइणावि ते सम्माणिऊण पुप्फवत्थगंधालं-
काराइदाणेण विसज्जिया नियनियट्ठाणेसु, खणंतरेसु य दंसणूसुओ पत्थावमुवलब्भ पत्थिवो उट्ठिओ अत्थाणाओ, गओ
य मणिकुट्टिमलिहिज्जमाणसुरंगरंगावलीसत्थियं दुवारदेसनिवेशियलोहरक्खं उब्भवियमहंतमुसलजूसरं विविहरक्खा-
परिक्खेवसस्सिसीयं जिणजम्मणभवंणं, दिट्ठो य तत्थ रयणरासिच्च सरयदिणयरोच्च एगट्ठियसच्चतेयपुंजोच्च समुज्जोइय-
मंदिरम्भंतरो जिणवरो, तं च दट्ठूण चिंतिउमाढत्तो-अहो पढमदिवसजायस्सवि अपुवा सरीरकंती अनण्णसरिसरु-
वसंपया अविभावणिज्जं लायण्णं निम्मेरसुंदरं अभग्गं सोहग्गं, ता सब्बहा पुण्णपगरिसागरं मम कुलं जत्थ पसूयमेवं-

श्रीगुणचंद्र
महावीरच०
४ प्रस्तावः

॥ १२४ ॥

विहं पुत्तरयणंति विभाविऊण भणिया तिसलादेवी—

पेच्छसु नियसुयपसरंतकंतिपञ्चभारविजियपहपडले । कज्जलसिहापदीवे परिगोर्वितोव अत्ताणं ॥ १ ॥

पुवं बहुसोवि मए दिट्ठमिमं मंदिरं विसालच्छि ! । किं तु पमोयमियाणिं किंपि असरिच्छमावहइ ॥ २ ॥

संचुण्णिणयचामीयरचुण्णयसरिसेण कंतिनिवहेण । एगसरूवा कीरंति उभयगिहचित्तभित्तीओ ॥ ३ ॥

इय एवमाइकहाहिं नरिंदो देवी य विगमिऊण भगवओ पढमदेवसियं ठित्तिवडियं करिंति, तइयदिवसे य तरुणतरणिताराहिवविंवाइं दंसेंति, कमेण य जाए छट्ठवासरे रायकुलसंवड्डियाहिं अविणट्टलट्टपंचिंदियाहिं नीरोग-सरीराहिं जीवंतपाणनाहाहिं कुंकुमपंकालितवयणकमलाहिं कंठकंदलावलंबियसुरहिमालइमालाहिं कुलविलयाहिं अचं-तजायचित्तसंतोसाहिं जागरमहूसवं पयट्टेइ, आगए य एकारसदिवसे जहाभणियविहाणेण सुइजायकम्ममवणोति, वारसदिवसंमि नाणाविहवंजणसमेयं बहुप्पगारखंडखज्जपरिपुन्नं विविहपाणयपरियरियं सुगंधगंधट्टोयणसूयसंपन्नं रसवइं निवत्तावेति, तयणंतरं कारियणहाणविलेवणालंकाराणं नायखत्तिघाणं पणयजणपुरप्पहाणलोगाणं परमायरेण भोयणं पणामेति, खणंतरेण य आयन्ताणं सूइभूयाणं वीसत्थाणं सुहासणगयाणं तत्थ गंधमल्लालंकारेहिं सम्माणियाणं तेसिं पुरओ सिद्धत्थनराहिवो एवं वयासी—भो भो पहाणलोया ! पुवंपि मम एस संकप्पो समुप्पज्जित्था जहा—जहि-वसं एस कुमारो देवीए गब्भं संकंतो तद्विसाओवि करितुरयकोसकोट्टागाररज्जेहिं सुहिसयणपरियणेहिं परमं

कुलमर्यादा
नामस्था-
पना च०

॥ १२४ ॥

बुद्धिमहमुवागओ, अओ मए एयस्स वद्धमाणोत्ति नामधेयं कायवन्ति, तम्हा इयाणिंपि तुम्ह समक्खं एयमेव नामं
 हवउत्ति, तेहिं भणियं-देव ! जुत्तमेयं, गुणनिप्फन्ननामधेजे विज्जमाणंमि कीस न जहट्टियमभिहाणं कीरइत्ति?,
 एवं तेहिं जंपिए पइट्टियं जयगुरुणो वद्धमाणोत्ति नामं, जाओ परमप्पमोओ, पुरंदरेणावि अयलो भयभेरवोवसग्गेहिं
 खंतिस्स मो य इतिकऊण वरं महावीरोत्ति नामधेयं से कयंति, इय निवत्तियाभिहाणो सुरसंकामियकामियपवर-
 रसाए निययंगुलीए पाणेण कयभोयणकायवो जयगुरु पंचहिं धावीहिं परियरिओ अंतेउरीजणेण सायरं चेव ला-
 लिज्जमाणो अम्मापियरोहिं बहुप्पयारं चरणचंकमणं काराविज्जमाणो चेडचडयरेणं पइक्खणमुल्लाविज्जमाणो सायरं
 देवदेवीविंदेण पज्जुवासिज्जमाणो निरंतरं गीएहिं गिज्जमाणो पाढेहिं पढिज्जमाणो चित्तेहिं उत्रलिहिज्जमाणो दंसणू-
 सुएहि लोएहिं अहमहमिगाए पलोएज्जमाणो गिरिकंदरगउव कप्पपायवो वट्टिउमारद्धोत्ति कमेण य पडिपुन्न-
 सरीरावयवो ताविच्छगुच्छसच्छहपरूढसिणिद्धमुद्धरुहसिहंडो विसुद्धपवुद्धवुद्धिपगरिसागिट्टलट्टभासाविसेसविसारओ
 पडिपुन्नसुयसायरपारगामी ओहिन्नाणमुणियचक्खुगोयराइकंतवत्थुवित्थारो अतुच्छसुइनेवत्थधरो सयललयलयणाणं-
 दज्जणणं देसूणट्टवरिसपज्जायं कुमारत्तणमणुपत्तो समाणो भयवं बालभावसुलहत्तणओ कीडारईए अणेगेहिं समव-
 एहिं मंतिसामंतसेट्टिसेणावइसुएहिं खेइविहिवियक्खणेहिं समं पारद्धो रुक्खखेइणेण अभिरमिउं, तत्थ य एसा
 ववत्था-जो रुक्खेसु सिग्घं आरुहइ उच्चरइ य सो सेसाइं डिंभाइं पट्टीए आरुहिंऊण वाहेइ, इओ य सोहम्मे

भीगुणचंद्र
महावीरच०
४ प्रस्तावः
॥ १२५ ॥

देवलोए सोहम्माए सभाए अणेगदेवकोडिपरिवुडस्स सहस्सनयणस्स पुरओ जायंतेसु तियसेहिं समं विविहसमुल्लावेसु
धीरत्तणगुणवन्नणपत्थावे भणियं पुरंदरेण—भो भो सुरा ! अपुव्वं किंपि भयवओ वद्धमाणसामिस्स बालत्तणमणुपत्तस्सवि
धीरत्तणं सरीरपरक्कमो य, जं न तीरइ केणावि बलपगरिस्सकलिएण देवेण दाणवेण वा सयमेव पुरंदरेण वा भेसिउं,
परक्कमेण वा पराजिणिउंति । एवं च निसामिऊण एगो सुरो अच्चंतकिलिद्धचित्तत्तणओ अतुच्छमिच्छत्तुच्छाइय-
विवेयत्तणओ य चिंतिउमारद्धो, कहं ?—

जह तह जंपियरम्मं सच्छंदुहामचिट्ठियसणाहं । मुक्काववायसंकं धन्ना पावंति सामित्तं ॥ १ ॥

किं संभविज्ज एयं जं बालंपिहु न खोभिउं सक्का । अविचिंतणिज्जमाहप्पसालिणो देवदणुवइणो ? ॥ २ ॥

अहवा हत्थट्ठियकंकणस्स किं दप्पणेण परिमिणणं ? । गंतूण सयं चिय तस्स धीरिमं लहु परिक्खामि ॥ ३ ॥

एवं संकप्पिऊण जत्थ सामी अभिरमइ तत्थ आगंतूण तरुवरस्स हिट्ठओ खोभणत्थं एगं महापमाणसरीरं अंज-
णपुंजगवलगुलियापडलकसिणप्पभोलिसामलियवणनिगुंजं तंबचूडचूडाइरेगरत्तलोयणं विज्जुदंडचंचललंतलोलजी-
हाजुयलं उक्कडकुडिलवट्टुलकक्खडफडाडोवकरणदच्छं जुगक्खयखुभियसमीरघोरघोसं अणाकलियपयंडरोसवेगं
तुरियगमणं संसुहमित्तं दिव्वमहाविसं सप्परूवं विउवइ, सामीवि तं तहारूवं लीलाए अवलोइऊण जुन्नरज्जुखंडं व
वामहत्थेण उहं दूरे निच्छुभइ, ताहे देवो विचिंतेइ—एसो एत्थ न ताव छलिओ । अह पुणोऽवि सामी तिंदूसएण

शक्तिप्रशंसा
सुरसर्पपरा-
करणं.

॥ १२५ ॥

अभिरमइ, सो य देवो धिट्टिमंमवलंविऊण आंगांमियंमवांयंमविभाऊणं य वालयखूं विउविऊणं सामिणां सद्धि
 रमिउमांरद्वो, अह जिणेण वियंक्खणत्तणओ पराजिया सधेऽवि वालगा पट्टिए समारुहिऊणं समाढत्ता वाहिउं,
 जह वाहिप्पसुं सयलेसु तेसु समांगओ सुरकुमारस्सवि चारओ, पणांमिया तेण सहरिसं पट्टी, आरूढो य तत्थ वद्ध-
 माणंसामी, तओ सो देवो सामिभेसणद्वं तं पिसायखूं विउवित्ता पवद्धिउमाढत्तो, केरिसं पुण तस्स खूं ?—खरफ-
 रुसा सुयरवालसन्निभा से केसा घडीसंठाणसंठियं उत्तिमंगं उट्टियाकभल्लखल्लयमज्झं निडालवद्वं कविलजडिललोमाओ
 भंमुहाओ, मरुकूवयंगंभीरं फुरंतपिंगलपंभाजालं लोयणजुयलं, जमलच्चुल्लिमहल्लं चिचिडं च नासापुडं, रुंदगिरिकंदरा-
 गारं कवोलमंडलं, घोडगपुच्छसच्छहाओ दाढियाओ, करहस्स व दूरपलंविं ओट्टजुयलं, कुंजरस्स व वाहिं निग्गया
 कुडिलभीसणां दसणा, अनिलंदोलियपडायध चंचला निसियकरवालदीहा जीहा, सुक्खाणुसरिसा कंधरा, कोट्टिगा-
 णुरूवाओ दोवि वाहाओ, सुप्पचप्पडं पाणिसंपुडं, सिलापुत्तगोवमाओ करंगुलीओ, पुराणसिप्पिपुडरुक्खा अंगुलीणं
 नहा, पयडनसाजालजडिलं पंसुयंतराले पसुत्तघोरंतविसहरं उरट्टिपुंजरं, अलिंजरागारं उयरं, मुट्टिगेज्झा ठाणट्टाणभग्गा
 कडी, वालुंकीफलपलंविंरा वसणा, करिवरंगप्परूढं मेढं, दीहवीभच्छाविवन्नरोमावलीपरिखित्तं तालतरुदीहरं जंघा-
 जुगं, नीसाहंपत्यंरविच्छिन्ना चलणा, कुंहालदारुणां चरणंगुलीणं नहा । अवि य—

विगरालविडंविषयवयणकंदरुगिरियजलणजालोहं । चलणतलपहयभूयलचालियपासायसिहरगं ॥ १ ॥

श्रीगुणचंद्र
महावीरच०
४ प्रस्तावः

॥ १२६ ॥

उद्धपसारियदीहतरभुयग्गलाखलियसूररहपसरं । परिमुक्कमहंतट्टट्टहासपायडियदढदाढं ॥ २ ॥
कंठपलंवरिपयतलविलग्गवीमच्छसरडवणमालं । नउलकयकण्णपूरं जन्नोइयकयमहासप्पं ॥ ३ ॥
उक्कत्तियचित्तयचम्मनिवसणं रुहिरमंसलित्ततणुं । अइघोरजराजज्जरअयगरपरिवद्धखंधतलं ॥ ४ ॥
पइसमयमुल्ललंतं नच्चंतं कहकहंति प्हसंतं । उक्कट्टिं च करित्तं भीसणसद्देण भासंतं ॥ ५ ॥
इय तस्स भीसणं जिणवरेण दिट्ठं महापिसायस्स । पइखणविवट्टमाणं रूवमसिमेहतमसामं ॥ ६ ॥
तओ मुणियकइयवविद्यारेण जिणेण सव्वहा असंभंतेण सो प्हओ हेलाए पट्टिवट्टंमि सुट्टीए, करयलकुलिसजणि-
यसरीराभिघाओव विरसमारसंतो झडत्ति पत्तो मडहत्तणं, निरुवक्कमकायत्तणओ चेव न सयसिक्करमुवगओ, नवरं
निच्छियसुराहिवइवयणो जायपच्छायावो नियदुच्चरियचुन्नियंगो सव्वायरं पणमिऊण जिणं पढिउमाढत्तो—
हा दुट्टु दुट्टु तइलोयनाह ! एयं मए समायरियं । सच्चंपि न सहहियं सहस्सनयणस्स जं वयणं ॥ १ ॥
तस्सऽणुरूवं संपइ संपत्तोऽहं फलं इमं भीमं । अवगन्नियगुरुवयणाण अहव किर केत्तियं एयं ? ॥ २ ॥
संसारमहाभयमवि जो तं विद्वसि देव ! लीलाए । अम्हारिसे भयकरे तुह तस्स हव्वेज्ज का गणणा ? ॥ ३ ॥
तथा—चलणंगुलिचालियकणयसेल डोल्लियमहल्लमहिगोल । जस्स किर बाललीलाइयंपि चित्तं चमक्केइ ॥ १ ॥
तस्सविय तुज्झ तइलोकनाह ! जो विक्रमं न याणामि । सो नाममेत्तओ चिय विवुहोऽहं न उण किरियाए ॥ २ ॥

सुरपिशाच-
रूपं
मुष्टिघातः०

॥ १२६ ॥

एवंविहस्त दुबिणयविलसियं खमसु एकवारं मे । पयईएऽवि हु जं पणयवच्छला हुंति सप्पुरिसा ॥ ३ ॥
 इय खामित्ता भुवणेकबंधवं पणमिऊण सो तियसो । गयणयलं उप्पइओ चलंतमणिकुंडलाभरणो ॥ ४ ॥
 भयवंपि खणं एकं कीलित्ता ताहिं ताहिं कीलाहिं । चेडसुहडंगरक्खेहिं परिवुडो नियगिहंमि गओ ॥ ५ ॥
 अह समहिगऽट्टवच्छरपज्जाए जयगुरुंमि जायंमि । हरिसियमणो नरिंदो तिसलाए पुरो इमं भणइ ॥ ६ ॥
 देवि ! कुमारो संपइ गहणसमत्थो कलाकलावस्स । वट्टइ ता उवणिज्जउ लेहायरियस्स पढणत्थं ॥ ७ ॥
 इय भणिए देवीए जएकनाहो महाविभूर्इए । ण्हविओ पसत्थतित्थुत्थसलिलभरिएहिं कलसेहिं ॥ ८ ॥
 नासानीसासोज्झं चक्खुहरं हरिणलंछणच्छायं । परिहाविओ य पवरं सुकुमारं देवदूसजुयं ॥ ९ ॥
 मणिमउडकडयकुंडलतुडियपमोक्खेहिं भूसणेहिं च । सुरवरसमप्पिएहिं अलंकिओ तक्खणं चेव ॥ १० ॥
 सिद्धत्थनरिंदेणवि नीसेसकलाकलावकुसलमई । अज्झावगो महप्पा वाहरिओ निययभवणंमि ॥ ११ ॥
 एगं महप्पमाणं ठवियं सिंहासणं च तस्स कए । अन्नं च थेववित्थरमुवणीयं जयगुरुनिमित्तं ॥ १२ ॥
 अह जाव नोवणिज्जइ सामी अज्झावगस्स पढणत्थं । सक्कस्स ताव चलयं सिंघासणममलमणिरुइरं ॥ १३ ॥
 ता ओहिज्जाणेणं मुणिउं जयनाहपढणवुत्तंतं । चित्तेइ अहह मोहो कह विलसइ जणणिजणगाणं ? ॥ १४ ॥
 जं सयलसत्थपरमत्थजाणगं जयगुरुंपि पढणत्थं । अज्झावगस्स संपइ समप्पिउं अभिलसंतित्ति ॥ १५ ॥

श्रीगुणचंद्र
महावीरच०
४ प्रस्तावः

॥ १२७ ॥

सको इय चिंततो आगंतूणं महप्पमाणंमि । सिंहासणंमि ठविउं नाहं परमाएँ भत्तीए ॥ १६ ॥
वंदित्ता जोडियपाणिसंपुडो सदसत्थपरमत्थं । आपुच्छिउं पवत्तो सामीऽविय वोत्तुमारद्धो ॥ १७ ॥
सोऽवि उवज्झाओ परमं विम्हियमुवहंतो तं कहितं एगग्गचित्तो निसामेइ, जणणिजणगाइणो य विम्हियमणा
जाया । अह सदसत्थपयत्थे कहिऊण ठिओ, ताहे सक्केण साहियं तेसिं—जह जाइसरणाणुगओ आगन्भवासाओऽवि
नाणत्तयपरिग्गहिओ एस भयवं, पाणिपइट्टियं लट्टमणिं व सवं वत्थुं नियमईए सुणइ, ता किमेवं अणत्थओ संरंभो
कओ?, एवमायन्निऊण विम्हियमणा परं पमोयमुवगया जणणिजणगा, पुरंदरोऽवि जिणं नमिउं दिवं गओ, तेण पुण
उवज्झाएण जे केऽवि पयत्था भयवओ वागरेंतस्स सम्ममवधारिया तयणुसारेण सुसिलिट्ठं विरइयं इंदवागरणंति । भय-
वंपि निरुवसग्गं कमेण पत्तो तरुणत्तणं, तयणुभावेण य तस्स सुसिणिद्धसुहुमकसिणकुंचिरकेसपासेण विराइयं छत्ता-
गारमुत्तिमंगं, सवणमूलावलंविणा नलिणेणं व नयणजुयलेणोवसोहियं वयणं, अचंतसस्सिरीएण रयणेणं व सिरिवच्छेण
पसाहियं कणयसेलसिलापिडुलं वच्छत्थलं, गंभीरदक्खिणावत्ताए सप्पुरिसचित्तचित्तीएव नाभीए अलंकियं झसाणु-
रुवमुयरं, हंसतणुरुहकोमलेहिं लोमेहिं करिकराणुरुवं मंडियं जंघाजुयलं, अंगुलीदलग्गविप्फुरंतनहावलीए चिंताम-
णिपरंपराएव सोहियं जयपडागामगरमच्छाइलक्खणलंछियं चरणकमलं ।
अन्नं च—भाविरमपायमासंकिऊण मन्ने जिणस्स पढमंपि । हिययाओ नीहरिउं ठियं व केसेसु कुडिलत्तं ॥ १ ॥

लेखशाला
यौवनं च

॥ १२७ ॥

रागोविहु धेवुप्पन्नपणयभावोऽवि भाविभयभीओ । वाढं कुणइ व वासं करचरणतलाधरतलेसु ॥ २ ॥
 एवं च भयवंतं तरुणत्तणमुवगयं रूवविणिज्जियदेवदाणविंदसंदोहं नाऊण सेसमहीवईहिं नियनियधूयापाणि-
 ग्गहत्थं पेसिया वरगपुरिसा सिद्धत्थनरिंदसमीवे, विन्नत्तो य तेहिं राया, जहा-देव ! अग्हे वद्धमाणकुमाररूवाइरेगरं-
 जियमणेहिं नरिंदेहिं अप्पणप्पणधूयावरणत्थं तुम्ह सगासे पेसिया ता साहेह किमिह पच्चुत्तरं?, रत्ता जंपियं-सम्म-
 मालोचिऊण कहिस्सं, वचह ताव तुम्हे निययावासेसु, एवं भणिए अवकंता ते पुरिसा, नरिंदेणवि साहिओ एस
 वइयरो तिसलादेवीए, एवं च आयन्निऊण हरिसभरनिम्भराए जंपियं तीए-देव ! तुम्ह पुत्तपसाएण पावियाइं
 मए पावणिज्जाइं, अणुभूयाइं अणुभूयपुव्वसुहाइं, जइ पुण इण्हिं तस्स वीवाहमहूसवं पेच्छामि ता कयकिचा
 होमि, रत्ता चुत्तं-जइ एवं ता देवि ! वचसु कुमारसमीवं, पन्नवेसु य तं विवाहनिमित्तं, देवीए भणियं-महाराय !
 न जुज्जइ पढमं चिय तत्थ मह गंतुं, लज्जापहाणो हि कुमारजणो होइ, ता सिक्खविऊण पेसिज्जंतु तप्पणइणो, एवं
 वुत्ते रत्ता पेसिया कुमारसमीवे पाणिग्गहणपडिवज्जावणत्थं पणइणो, तेहि य गंतूण सविणयं जयगुरूणो साहिओ
 तदादेसो, तं सोचा भगवया भणियं-भो महाणुभाव ! किं न मुणह मम चित्तवित्तिं? नोवलक्खह विसयविरागं?
 न जाणह गिहवासपरिहरणाभिलासं? जेणेवमुल्लवह पाणिग्गहणविसए, तेहिं भणियं-कुमार ! मुणेमो सवं, किंतु
 अणुवत्तणिज्जं अम्मतायाण वयणं अलंघणिज्जा नियपणइणो, न खलुदुल्लहो पच्छिमकाले गिहपरिचायभावो, न यावि

श्रीगुणचंद्र
महावीरच०
४ प्रस्तावः

॥ १२८ ॥

पुण्यमणोरहा पडिकूलिस्संति पुणो तुम्हाभिप्पेयं अम्मापिउणो, भगवया भणियं-पाणिग्गहणमंतरेणावि पुवं चिय
अच्चुवगयं मए इमं-जं न जणणीजणगेसु जीवंतेसु सवविरइं पडिवज्जिस्सामि, ता जइ एवं ठिए मइ संतोसमुव-
हंति जणणिजणगा किमकल्लाणं हवेज्जा?, का वा पाणिग्गहस्स लट्ठया?, जेण पेच्छह पयडच्चिय विवाहसमए कलस-
परंपराठवणमिसेण दंसिज्जइ उत्तरोत्तरदुहाण पावपवंधो, पज्जलंतजलणच्छलेण पयडिज्जइ महामोहवियंभणं, गयणय-
लविलसंतधूमपडलनिभेण कहिज्जइ अत्तणो लहुयत्तणं, चउमंडलगावत्तणववएसेण परुविज्जइ चउगइयं संसारभमणं,
घयमहुपसुहवत्थुहुणणकवडेण दाविज्जइ सयलगुणगणदहणं, तरुणीजणभणिज्जमाणमंगलछउ मेणरियंउग्गिरियंभाविज्जइ
चाउहिसमजसो, कंठावलंबियकुसुममालामायाए परुविज्जइ समीववत्तिणी दुक्खदंदोली, चंदणरसंगरागमिसेण सूइज्जइ
तक्खणं चिय कम्ममलावलेवो, कन्नगापाणिग्गहणकइयवेण दाविज्जइ अट्टकम्ममहामोलभंडकिणणत्थं हत्थसन्नंति ।

किं बहुणा?-जं जं विवाहसमए विहिं पलोएमि सुहुमबुद्धीए । सो सो चिंतिज्जंतो रोमुद्धोसं जणइ मज्झं ॥ १ ॥

ता सुयह मोहपसरं अणुजाणह मं विणा विवाहेण । एवं चिय निवसंतं अम्मापिउनिबुइकएण ॥ २ ॥

एवं भणिए पडुणा तो ते जंपंति विणयपणयंगा । तुम्हारिसाण काउं एयं नो जुज्जइ कुमार! ॥ ३ ॥

पणइयणपत्थणाभंगभीरुणो जं सयावि सप्पुरिसा । नियकज्जपवित्तिपरंमुहा य पयईए जायंति ॥ ४ ॥

तहा-किं उसभजिणवरेणं पाणिग्गहणाइ नो कयं पुबिं? । किं वा न चक्किलच्छी परिभुत्ता संतिपसुहेहिं? ॥५॥

विवाहार
मित्र-
प्रार्थना.

॥ १२८ ॥

इव एव जंपंतेसु तेसु कंचुइजणेण परियरिया । तिसलादेवी समयेव आगया भगवओ मूले ॥ ६ ॥

अहं सत्तट्ट पयाइं अणुगंतुं संमुहं जिणो तीसे । आसणदाणप्पमुहं पडिवत्तिं कारवइ सबं ॥ ७ ॥

अण्णोण्णघडियकरसंपुडं च देविं पडुच्च भगवंतो । जंपइ अम्मो ! साहह आगमणं किंनिमित्तंति ॥ ८ ॥

देवीए जंपियं-पुत्त ! तुह दंसणाओऽवि किमन्नं निमित्तं ? जओ एत्तिएण वसइ जीवलोगो भरियं दिसावल्यं सुहावहा रायलच्छी संतोसमावहइ गेहं निवुइं उवजणइ पणइजणो विगयंधयारं तिहुयणं, ता किमवरं वरं साहेभि निमित्तंति, एवमाइन्निउण भगवया चित्तियं-अहो अणाइक्खणिज्जो कोऽवि जणणीजणस्सावचे सिणेहो, अतुलं किंपि वच्छलं, असरिसा कावि अवलोयणाभिरई, जं सया चक्खुगोयरगएवि मए अम्वा ईसिअइंसणेऽवि संपइ एवं संतप्पइत्ति विगप्पिऊण पुणो मणिया देवी-अम्मो ! तहावि साहेसु किंपि पओयणं ? तिसलाए भणियं-पुत्त ! जइ एवं ता पडिवज्जसु विवाहमहसवं, जओ एयनिमित्तं एसो पणइजणो अम्हेहिं तुज्झ पासे पेसिओ, तुह विवाहुकंठिओ खु नराहिवो नयरजणो य, समावि एत्तियमेव संपयं अपत्तपुबं सुहं, पडिपुत्ता सुहाणुभावेण सेसमणोरहत्ति, भगवयावि आगम्भकालाओऽवि मम एस पइन्नाविसेसो-जं अम्मापिऊणं अप्पत्तियकारिणी पवज्जावि न कायवत्ति चित्तिऊण निरभिलासेणवि अञ्जुवगयं तयाइट्टं, परितुट्ठा य देवी समं परिजणेण, निवेइओ एस वदयरो नरिंदस्स ।

एत्थंतरे सिद्धरथरायमुवट्ठिओ पडिहारो निवडिऊण चलणेसु विन्नविउमाढत्तो य-देव ! समरवीरामिहाणराइणो हूओ

श्रीगुणचंद्र
महावीरच०
४ प्रस्तावः

॥ १२९ ॥

दुवारदेसे तुम्ह दंसणसुओ चिट्ठइ, तत्थ को आएसो?, राइणा भणियं—लहुं पवेसेहि, जं देवो आणवेइत्ति भणिकुण
पवेसिओ पडिहारेण, पणमिओ य तेण राया, उवविट्ठो य दिन्नासणो, पत्थावे य पुट्ठो नरिंदेण, जहा—भइ! किं आग-
मणकारणं?, दूएण भणियं—देव! निसामेसु, अत्थि नियसोभापराजियकुवेरपुरे वसंतपुरनयरे समरंगणपरितोसिय-
सुरऽच्छरासत्थो जहत्थाभिहाणो समरवीरो नाम राया, तस्स य नियपाणनिविसेसा पउमावईए पणइणीए कुच्छि-
संभूया जसोयानाम कन्नगा, सा य कहं जसोयत्ति नाममणुपत्तत्ति निसामेह कारणं, किर इमीए जस्मसमए देवो
समरवीरो रयणीए सुहपसुत्तो पभायसमए सुमिणं पासइ—जहाऽहं अंगरक्खिगापरिक्खित्तगत्तेहिं विविहपहरणकरेहिं
सुहडेहिं परिकरिएहिं तरलतुरंगमेहिं गुडियाहिं गयघडाहिं नाणाविहपहरणजोहजुत्तेहिं पहाणरहवरेहिं परिवेडिओ
सयंपि मत्तकुंजराधिरूढो उज्जाणमइगओ, तत्थ य ठियस्स सहसच्चिय पाउब्भूओ हलवोलो, अंतरंतरा नचंति
केऽवि सुहडा केऽवि पलायंति केऽवि य महीयले धूलीधूसरा रुलंति पडंति विजयचिंधाईं विहडंति जयतूराईं,
एवं च असमंजसं दट्टूण मए इओ तओ डोलंतं गहियं नियच्छत्तं हत्थेण, पत्तो एगो महाविजयद्धओ, सोऽवि संठ-
विओ सारिओ य, एवंविहं च सुविणं पासित्ता पडिबुद्धो संभंतचित्तो पभायसमए सुमिणपाठगे सदावेत्ता तेसिं
सुमिणं परिकहेइ, तेहिं य सिट्ठं—देव! पंचहिं कारणेहिं सुमिणोवलंभो हवइ, तंजहा—अणुभूएण दिट्ठेण चिंतिएण
पयइवियारेण देवयावसेण वा, तत्थ न सुणिज्जइ तुम्हाणं एएहिंतो केणावि कारणेण सुमिणोवलंभो जाओत्ति, राइणा

त्रिशलांग-
मनं यशो-
दाभिधान-
हेतुः.

॥ १२९ ॥

मणियं-एवमेयं, न सम्मं उवलम्भेमि कारणं, तेहिं वुत्तं-जइ एवं ता करेह सच्चं सुविणगं, जहा दिट्ठट्ठिईए सवसा-
मरिग काऊण गच्छह उज्जाणं, को दोसो?, न मुणिज्जइ कोऽवि परमत्थो, एवंपि कीरमाणे कयावि गुणो होज्जा,
साभिप्पाओ य किंपि एस डोलंतच्छतधरणविजयचिंधलाभोत्ति वुत्ते राइणा पडिवज्जिऊण तेसिं वयणं ताडाविया
सन्नाहमेरी, तीए सहायन्नणेण तक्खणादेव कयसव्वसंनाहो नरवइसमीवसुवगओ सामंतवग्गो परिचत्तसेसवाचारो
पुरो ठिओ जोहसमूहो, पासमलीणा करितुरयाइणो, तओ चाउरंगवलकलिओ पहाणहत्थिकंधराधिरूढो नयरदूरव-
त्तिणं गओ नंदणुज्जाणं, तत्थ य रयणिदिट्ठसुमिणभीसणत्तणं चित्तंतस्स तक्खणफुरियवामनयणपिसुणियानिट्ठवड-
णस्स किंपि अरइविगारमणुसालीणस्स वज्झचित्तीए काणणमणुपेच्छंतस्स नरिंदस्स सचिय पुव्वदिणपेसियचारपुरिससू-
इयपत्थाओ चिरपरूढवेरसाहणगाढामरिसो अमुणियतद्विवसनरवइवइयरो जुज्झसज्जो पच्चंतसामंतो दुज्जोहणाभि-
हाणो पहुत्तो उज्जाणसमीवं, दिन्नो परिवेढो, जाओ हलवोलो, लक्खियतदागमणो य निग्गओ उज्जाणवाहिं नरिंदो,
दिट्ठो य पडिरिउणा संगामसज्जो राया, तओ किं वियाणियं ममागमणमणेणंति खुभियचित्तेणवि दुज्जोहणेण पारद्धं
रत्ता सह पहरिउं । अह-

निसियखग्गकप्पियपयंडं नरमुंडमंडियाभोगं । दट्ठोद्ववद्धमोग्गरनिप्पिट्ठुक्किट्ठरहनिवहं ॥ १ ॥

कुंतग्गभिन्नकुंजरकुंभत्थलगलियमोत्तियसमूहं । तक्कालमिलियवेयालकिलिकिलारावभयजणगं ॥ २ ॥

श्रीगुणचंद्र
महावीरच०
४ प्रस्तावः

॥ १३० ॥

निवडंतच्छतधयचिंधनिचयसंछन्नमेइणीवट्टं । उत्तट्टसहत्थिविहम्ममाणनियपवरपरिवारं ॥ ३ ॥

करितुरयघायनिस्सरियरुहिरपूरिज्जमाणमहिगत्तं । रणतूररखुन्नच्चिरकबंधपेच्छणयभीसणयं ॥ ४ ॥

इय घोरसमरवावारमेक्कहेलाए काउमचिरेण । सिरिसमरवीररणा वट्टो सो नागपासेण ॥ ५ ॥

भणिओ य सुमर रे इट्टदेवयं एस वट्टसि जमस्स । संपइ पाहुणगो तं दुच्चरियरहंमि आरूढो ॥ ६ ॥

दुज्जोहणेण भणियं भो नरवर ! कीस वाहरसि एवं ? । पारंभे च्चिय समरस्स सुमरणिज्जं मए सरियं ॥ ७ ॥

नियकुलकमाणुरुवं अणुचेट्टसु संपयं विगयसंको । देहेण कयं देहोऽवि सहउ को एत्थ अणुतावो ? ॥ ८ ॥

एवं च आयन्निऊण पडिवन्नकरुणाभावेण समरवीररत्ना नीओ नीयमंदिरं, उच्छोडिया बंधा, काराविओ ण्हाणभो-
यणाइयं, समप्पियाइं समरगहियाणि करितुरयाईणि, तेणावि अंगीकया सेवावित्ती, तओ जाओ राइणो परमसं-
तोसो, पसरिओ चाउदिसिं जसोत्ति, भणियं च रत्ना--अहो मम इमीए कन्नगाए पसवकालेऽवि एरिसो जसो दिण्णो,
तम्हा होउ एयाए जसोयत्ति जहत्थभिहाणंति वुत्ते महया रिद्धिसमुदणं कयं एवमेव से नामं ।

अह सा चंदलेहव्व वड्ढंती पत्ता कमेण जोव्वणं, अन्नया पुट्टो राइणा नेमित्तिओ--को इमीए पाणिग्गाहो भविस्सइत्ति ?,
तेणावि साहियं--देव ! सिरियच्छलंछियवच्छयलो सयलसुरासुरनमियकरकमलो अट्टसहस्सलक्खणधरो पुरिसप्पवरो नि-
च्छियं एयाए पई होइत्ति, एवं निसुणिए ठिओ नरिंदस्स हियए तुम्ह कुमारो, तओ आहूओ मेघनाओ नाम सेणावई

समरवीर-
दुर्योधनयुद्धं

॥ १३० ॥

समप्पिया तस्स जसोयकन्नगा, दिन्नो सयंवरविवाहजोग्गो महंतो हयगयकणंगाइविच्छडो, भणिओ य जहा-भइ !
 गच्छसुं तुरियं, कार्नेसु पाणिग्गहणमहिमंति, तओ नरवइवयणाणंतरमेव चलिओ अक्खलियपयाणगेहिं एसो; अहं
 पुण एयकज्जनिवेयणत्थमेव पढमं चिय तुम्ह पासे पेसिओत्ति, ता देव ! एयं तं आगमणकारणं । रत्ता भणियं-भइ !
 सम्मं कयं, अणुरूवमेयं, पयट्टिज्जउ अकालपरिहीणं वंछियत्थो, दूएण जंपियं-देव ! कहं न पयट्टिज्जइ जेण विवाह-
 लग्गंपि आसन्नं वट्टइत्ति बुत्ते रत्ता सेसनरवइवरगपुरिसा सम्माणिकुण विसज्जिया नियनियंटाणेषु, अन्नदिवसे य
 समागया सा रायकन्नगा वद्धाविओ नरिंदो दवाविओ तीसे निवासनिमित्तं समुत्तुंगसत्तभूमिगो पासाओ पेसिया
 रसवई कारावियं अन्नावि तक्कालोचिया पडिवत्ती, पसत्थमुहुत्ते य कयपवरसिंगारो अणेगसामंतसुहडपरिवुडो आगओ
 मेहनाओ सेणावई, पणमिओ अणेण राया, पुच्छिओ य कुसलोदंतं, राइणाऽवि तस्स दवावियं आसणं तंवोलाइदाण-
 पुबयं च पुट्ठो समरवीरनरेसरसरीरकुसलवत्तं, सविणयं साहिया य तेण, अह विविहसंकहाहिं गमिऊण खणमेकं रत्ता
 अब्भणुत्ताओ समाणो उट्ठिओ मेहनाओ, गओ य निययावासे, समारद्धो विवाहोवक्कमो, वंधाविया मंचा, जहोचियं
 विरइयाइं आसणाइं, निरुविया विविहकम्मेसु किंकरा, परिकप्पियं वेइगाविमाणं । तं च केरिसं ?-

मरगयमणिचच्चिकिय सुवण्णवरकलसविरयणारम्मं । अइनिम्मलरंभागब्भखंभउद्धयविजयपडं ॥ १ ॥

परिमुक्ककुसुमपुंजोवयारपरिभमिरभमररवमुहरं । निम्मलमुत्ताहलमरियचारुमणिकोट्टिमचउक्कं ॥ २ ॥

श्रीगुणचंद्र
महावीरच०
४ प्रस्तावः
॥ १३१ ॥

चउदिसिविमुक्कदप्पणपडिबिंविचयकामिणीवयणकमलं । ठाणट्टाणनिवेसियवरमणिपडिहणियसंतमसं ॥ ३ ॥
गरुडमणिपसरियकिरणपडलविच्छुरियमहियलाभोयं । नवगोमयरसलित्तं व रेहए वेइयाभवणं ॥ ४ ॥
एवं च निवत्तिऊणं तक्कालोचियकायवं मेहनाहेण कहावियं सिद्धत्थरत्तो, जहा-समीवमागयं वट्टइ पसत्थं हत्थ-
ग्गहणमुहुत्तं, ता कुमारं घेत्तूण सिग्घमागच्छहत्ति । राइणावि एवमायन्निऊण भणिया तिसला-देवि ! सिग्घं करेहि
कुमारस्स पुंखगाई कायवं, आसत्तो वहइ समओत्ति, एवं सोचा देवीए परमायरेण विविहप्पयारेहिं मंगलसद्दपुरस्सरं
पुंखिऊण सवोसहीहिं णहविओ कुमारो, नियंसाविओ महामोळं धवलदुगुल्लजुयलं, काराविओ सबं कायवविहिं,
अविय-गोसीससुरभिचंदणविलेवणापंडुरो जिणो सहइ । सरयनिसायरजोण्हाए धवल्लिओ कंचणगिरिव ॥ १ ॥
कसिणघणकेसपासो रेहइ सो कुसुमगुच्छसंछत्तो । पप्फुरियतारतारोवसोहिओ गयणभागोव ॥ २ ॥
सट्टाणपिणद्धविचित्तरयणनवभूसणभहियसोहो । जंगमभावमुवगओ रोहणसेलोव पडिहाइ ॥ ३ ॥
साभावियावि सोहा न तीरए जिणवरस्स साहेउं । किं पुण विसेसमंडणमंडियदेहस्स तत्थ खणे ? ॥ ४ ॥
एवं च कयउचियकायवे कुमारे निवेइयं राइणो, तेणावि निउत्ता नियपुरिसा-अरे पयट्टेह नगरमहसवं मेलेह
नायखत्तियवग्गं समप्पेह कुमारस्स पसाहियसरीरं जयकुंजरं जेण गम्मइ विवाहट्टाणंमि, जं देवो आणवेइत्ति भणि-
ऊण गया पुरिसा, निवत्तिओ नरिंदाएसो, तओ धवलपसाहियकरिवरारूढो पवणपणचंतधयवडुग्घायसुंदररहवरा-

मेघनाद-
सेनानी-
विवाहः.

॥ १३१ ॥

रुद्राय लोयपरियरिओ मणहरनट्टोवयारकुसलनचंतावरोहसुंदरीवंदनिरुद्धरायमग्गो वज्जंतमंगलतूररवाजरियसयलदि-
सामुहो सिद्धत्यनराहिवेण जेट्टभाउगनंदिवद्धणजुवराएण य अणुगम्ममाणो सिरिवद्धमाणकुमारो सायरसंवल्लोयण-
विस्वत्तचित्तेण भवणमालातलसंठिएण पुरजणेण दंसिज्जंतो अंगुलिसहस्सेहिं पुज्जमाणो आसीसंसएहिं अग्घविज्ज-
माणो अक्खयसम्मिस्सकुसुमवुट्टिवरिसेहिं संपत्तो कमेण विवाहमंडवंति, अह मंडवदुवारेचिय पडिरुद्धो पडिहार-
जणेण सामन्नलोओ, पविट्टो पहाणलोएण समं अर्द्धिभतरंमि, विलयाजणेण ओमिलणपुव्वगं झत्ति विविहं पसाहिया
सा जसोयवररायकन्नावि, तथाहि—

रमणफलंगंमि तीसे आवद्धा पंचरायमणिकंची । अइविच्छिन्ने गयणंगणंमि हरिधणुहलेहव ॥ १ ॥
नयणेहिं कज्जलुम्मिस्सिरोहिं सइदीहरेहिं निद्धेहिं । पचक्खा सरयसरिध्व सहइ सा नीलनलिणेहिं ॥ २ ॥
कंठतलंमि य तीसे लोलंतो नवसरो वरो हारो । वयणिंदुविब्भमागयतारावलिलीलमुव्वहइ ॥ ३ ॥
तीसे जावयरसंपंकपाडलं कोमलं चलणजुयलं । पल्लवजुयं व नज्जइ वम्महकंकिल्लसाहिस्स ॥ ४ ॥
भालतलंमि य तीसे लिहिओ गोरोयणाए वरतिलओ । तह दससु अंगुलीसु आविद्धं मुद्धियाजालं ॥ ५ ॥
इय सविसेसपसाहणपसरंतसरीरकंतिरमणिज्जं । मंजुमणिनेउरारवसवणागयहंसखलियगई ॥ ६ ॥
मणिकुट्टिमपडिविंविियमुहकमला मत्तकुंजरगईए । चलिया चेडीचकेण परिवुडा सा नरिंदसुया ॥ ७ ॥

श्रीगुणचंद्र
महावीरच०
४ प्रस्तावः

॥ १३२ ॥

पत्ता य तक्खणागयपुरोहियारद्धजलणकम्मंमि । नवचंद्रणमालामणहरंमि वरवेइगाभवणे ॥ ८ ॥

तत्तो पाणिग्गहणं पारद्धं गीयमंगलसणाहं । सयलतइलोकदावियपरमाणंदं महिहीए ॥ ९ ॥

एत्थंतरे उभयपक्खेहि वि काराविओ जणाणमुवयारो दावियाइं मिगनाभिपसुहसुरहिगंधविलेवणाइं सरभसरुंदंत-
च्छप्यपयनिवेसभञ्जिराइं कुसुमदामाइं सुरहिगंधवंधुरा पडिवासा भूरिकप्पूरपारीपहाणाइं पूगीफलसणाहाइं नागवल्ली-
दलाइं देवंगचीणद्धचीणदोगुल्लपट्टपमुहाइं पवरवत्थाइं केयूरकुंडलकिरीडतुडियकडयाइणो आभरणविसेसा सिंधुतुरु-
क्खवल्लीयवज्जरकंबोजाइसुखेत्तजायाओ तुरयवंदुराओ मंदभहाइविसिद्धवंसप्पसूया महागयविसेसा, एत्थंतरे जलणे हुणि-
ज्जमाणंमि महुघयाइंहिं कन्नावराण वित्तं चउत्थमंडलगपरिभमणं, ताहे सेणावइणा आणंदुच्छलियवहलपुलएण कोडी-
वत्तीसं पवररूवस्स कणगस्स कुंडलकडिसुत्तयमणिकिरीडपमुहं तमाभरणं कचोलसिप्पिथालाइयं च कलहोयमयभंडं
अइदूरदेससंभूयचित्तचेलाइं भूरिभेयाइं कन्नाए पाणिविमोयणंमि दिन्नाइं कुमरस्स, सिद्धत्थनरिंदेणवि बहुगाए
कणगवत्थलंकारा परितोसमुवहंतेण वियरिया भुवणदुलंभा ।

एवं च सुरासुरनरपरितोसकारए वित्ते विवाहमहूसवे कए भोयणाइसक्कारंमि सट्ठाणेसु पडिनियत्तंमि रायलोए
नियनयरमुवगयंमि मेहनायसेणावइंमि ससहरकरगोरपासायसिहरसंठियस्स उचियसमए दिवविसयमणुभुंजमाणस्स
पुन्नपगरिसुप्पज्जंतचित्तियत्थस्स देवगणोवणिज्जमाणपवरवत्थगंधमल्लविलेवणालंकारस्स ववगयरोगायंकस्स कयाइ

श्रीवीरस्य
यशोदया
विवाहः.

॥ १३२ ॥

सेवागतुंवरुसमारद्धकलरवपंचमुग्गारसवणेण कयाइवि सायरपणचिरसुरवहूपेच्छणयावलोयणेण कयाइ गंभीरंजण-
विवायनिन्नयकरणेण कयाइ जणणिजणगसमीवगमणेण भगवओ वोळिंति वासरा ।

अहं गएसु कित्तिएसुवि संवच्छरेसुवि आवन्नसत्ता जाया जसोया, कालकमेण य पसूया सुकुमारचरणकरयलं चारु-
खुवोवसोहंतसरीरावववं तेयसिरिं व पचक्खं दारियं, कयं च समुचियसमए पियदंसणत्ति से नामं, सा य सायरसुव-
लालिज्जमाणा पवड्ढिउमारद्धत्ति । अहं भगवओवि वट्टमाणंमि अट्टावीसइमे वरिसे पालियनिककलंकपासजिणपणीय-
धम्मा अम्मापियरो कुससंथारयमारुहिता कयभत्तपचक्खाणा अपच्छिमसंलेहणाञ्जुसियसरीरा तइयभवे अवरवि-
देहंमि अवस्सपावियवनिवुइणो कालं काऊण अञ्चुयकप्पे देवत्तेण उववन्ना, ततो सोगाउरेण नंदिवद्धणपमुहेण
रायलोएण कओ तेसिं सरीरसक्कारो, कयतक्कालोचियकायवे य सट्टाणट्टियंमि तंमि अणिट्ठं दट्ठुं अपारंतोव पत्थिओ
अत्यमणगिरिं दिणयरो, सउणिकोलाहलरवेण रोविउमारद्धव संज्ञा, निस्सरंतभमररिंछोलिच्छलेण अंसुजालं व सुकं
कमलायरोहिं, सदुक्खमहिलाजणमणुसासिउं व पयट्टा रयणी, विरहानलसंतत्तगतं रायलोयं निव्वविउकामोव
समुग्गओ ताराहिवो, अहापभायाए रयणीए समुग्गयंमि दिणयरे अचंतदुस्सहसोगावेगविवससरीरं पिव विरह-
विहुरंतैउरीपरिगयं नीसेससयणवग्गपरिवुडं नंदिवद्धणजुवरायं पेच्छिऊण भणियं भगवया-भो परिचयहं सोयं,
अणुचितहं परमत्थं, निरत्थओ खु सोगो, जओ-अणिवारियसच्छंदसंचरणदुल्ललिओ पंचाणणोव कयंतो सुमिणगं व

श्रीगुणचंद्र
महावीरच०
४ प्रस्तावः

॥ १३३ ॥

खणदिट्टनट्टं संजोगविलसियं माइंदजालरमियं पिव सुहुत्तमेत्तसुंदरं पेम्मं कोदंडलट्टिव गुणाणुगयावि कुडिला कज्ज-
परिणई संझ्भरागोव अचिरावत्थाणं धणं महाभुयंगा इव दुन्निवारा विविहरोगायंका, ता सवहा नत्थि किंपि
एत्थ संसारे सोयणिज्जं पडिवंधट्टाणं वा पवलं, एकं चिय अणुसरह विवेयं परिचयह भोगपिसायं कुणह कायवं,
सवसाहारणो हि एस वइयरोत्ति । एयं ते निसामिऊण पयणुपेमाणुवंधा सिढिलियसोयावेया जायत्ति ।

अन्नदिवसे य जोइससत्थपरमत्थवियक्खणनिमित्तिगोवइट्टपसत्थसुहुत्तंमि पहाणलोगेण अणेगपयारेहिं भणिओऽवि
जयगुरू जाव न पडिवज्जइ रज्जं ताव नंदिवद्धणो अभिसित्तो सिद्धत्थराइणो पए, पणमिओ नायस्वत्तियवग्गेणं
वहु मन्निओ नयरकारणिएहिं परियरिओ सामंतेहिं पडिवण्णो सेवगजणेणं पूइओ पच्चंतराईहिं, एवं जाओ
सो महाराओत्ति ।

अन्नया य तं सयणवग्गाणुगयं भयवं भणिउमाढत्तो—भो पडिपुन्ना मम संपयं पुवपडिवन्ना पइन्ना, कयं च सवं
करणिज्जं, ता सिढिलेह नेहगंठिं, होह धम्मसहाइणो, अणुमन्नेह मम सवविरइगहणत्थंति, अह वज्जासणिनिवडणदु-
व्विसहं निसामिऊण वयणमेयं भणियं तेहिं—कुमारवर ! अज्जवि महारायसोगो तहट्टिओ चेव अम्हाणं नट्टसल्लं व
विहवइ हिययं, किं पुण अकाले चिय तुम्हेहिं सह विओगो खयक्खारावसेगोव दुस्सहो?, अहो मंदभग्गसिर-
सेहरा अम्हे जेसिं उत्तरोत्तरा निवडइ दुक्खदंदोलित्ति भणिऊण रोविउं पवत्ता, बहुप्पयारं च सासिया महुरवय-

श्रीसिद्धार्थ-
त्रिशलयो-
देवत्तम्.

॥ १३३ ॥

णेहिं भगवया, कहकहवि निरुद्धवाहप्पवाहा य तक्कालचउग्गुणीभूयं संताववेगं निरुंभिऊण भणिउमाढत्ता—अहो परमे-
 सर! करुणापरो हवसु अम्ह जीवियवे, परिहरसु संपयं सवविरइंवलं, एयंपि काऊण तुमए पाणिणो रक्खणिज्जा, ते
 य जइ पढमंपि दुस्सहविओगकरवत्तभिज्जमाणहियया रक्खिज्जिस्संति ता किमजुत्तं होज्जा?, तुम्हेहिं रहिया नूणं
 अवगयलोयणव्व अमुणियगम्मागम्मविभागा वइदेसिगा इव अणाहा खणमेत्तंपि न संधीरेमो अप्पाणंति, भगवया
 भणियं—जइ एवं ता सम्ममालोचिऊण भणह—केत्तियकालेण तुब्भे ममं दिक्खागहणत्थमणुमन्निस्सह?, तेहिं
 भणियं—संवच्छरदुगेणं अइगएणंति, भगवया जंपियं—एवं होउ, परं मम भोयणाइसु न तुम्हेहिं विसेसचिंता कायवा,
 तेहिं भणियं—एवं करिस्सामो, तओ तद्धिणाओ आरब्भ परिचत्तसवसावज्जवांवारो सीओदगपरिवज्जणपरायणो
 फासुयाहारभोई दुक्करवंभचेरपरिपालणपरो परिमुक्कण्हाणविलेवणपमुहसरीरसक्कारो फासुओदगेण कयहत्थपायपक्खा-
 लणाइकायवो जिणिंदो ठिओ वरिसमेगं ॥ तहिं च—

परिमुक्काभरणोऽविहु ण्हाणविलेवणविवज्जिओऽवि जिणो । जुगवुग्गयवारसस्सरतेयलच्छिं समुवहइ ॥ १ ॥

सयणोवरोहणेहेण धरियगिहसरिसवज्जवेसोऽवि । लक्खिज्जइ जयनाहो संजमरासिव पचक्खो ॥ २ ॥

सा कावि गिहगयस्सवि जिणस्स मज्झत्थया पवित्थरिया । जा निग्गहियमणाणवि मुणीण चित्तं चमक्केइ ॥ ३ ॥

अह वच्छरपज्जंते तिलोयचूडामणी महावीरो । वारिसियमहादाणं दाउं परिचिंतए जाव ॥ ४ ॥

श्रीगुणचंद्र
महावीरच०
४ प्रस्तावः

॥ १३४ ॥

सोहम्मदेवलोए सुहासणत्थस्स ताव सक्कस्स । रयणपहपसरपयडं झडत्ति सिंहासणं चलयं ॥ ६ ॥
तच्चलणे ओहीए सो नाउं नाहमाणसविकप्पं । अइरभसभरवियंभियपुलउप्पीलंचियसरीरो ॥ ६ ॥
सिंहासणाओ उट्टिय सत्तट्ट पयाइं संसुहं गंतुं । थोउं जएक्कनाहं चित्तेउमिमं समाठत्तो ॥ ७ ॥
भयवं जिणवरवीरो आवरिसं दाणमीहए दाउं । तस्स य धणप्पयाणं जुज्जइ मह संपयं काउं ॥ ८ ॥
इय चित्तिऊण जक्खं वेसमणं आणवेइ वज्जहरो । निक्खमणदाणजोग्गं खिव कणगं जिणगिहंमिच्छि ॥ ९ ॥
इमं च सोच्चा धरणिवट्टुचुंविणा मत्थएण पडिच्छिऊण सुरिंदसासणं कयकिच्चमप्पाणं मन्नंतो वेसमणो त्तिरि-
यजंभगे देवे आणवेइ, तेऽवि तहत्ति विणएण पडिसुणित्ता जिणिंदमंदिरे तरुणतरणिसप्पगासं चामीयररासिं वरि-
संति । तथो भयवं पइदियहं तियचउक्कचच्चरचउम्मुहमहापहपहेसु अन्नेसु य तहाविहट्टाणेसु बहूणं सणाहाण य
अणाहाण य पंथियाण य करोडियाण य कप्पडियाण य वाहियाण य वइदेसियाण य रिणपीडियाण य दोगच्चसं-
तावियाण य अन्नेसिंपि धणाभिलासीण अणिवारियप्पसरं वरवरियाओसणापुत्रयं कणगं सययं दवावेइ, तं च महया
पवंधेण दिज्जमाणं अट्टलक्खाहिगएगहिरन्नकोडीमेत्तं एगदिणेणं निट्टविज्जइत्ति ।

अह मगहमसूरकलिंगवंगसोरट्टुपमुहदेसेसु । अच्छिन्नसुवन्नमहापयाणओ पसरिया कित्ती ॥ १ ॥
ताहे जंपंति जणा परोप्परं तेसु तेसु ठाणेसु । चल्लह लहु भयवंतं पेच्छामो तत्थ गंतूणं ॥ २ ॥

प्रतिज्ञा-
पूर्तिः वार्षि-
कदानम्०

॥ १३४ ॥

तवणिज्जपुंजलाभेण इह भवे विगयदुक्खमप्पाणं । कुणिमो परलोयंमि य तहंसणजणियपुत्तेण ॥ ३ ॥
 परभवपरूढखरदुक्खनिवहसंतत्तसव्वगत्ताणं । अत्तो नत्थि उवाओत्ति अम्ह एसो हवउ सरणं ॥ ४ ॥
 इय णेगेसुं मग्गणगणेसु इत्तेसु दूरदेसाओ । पूरियमणोरहेसुं अत्तेसु नियत्तमाणेसु ॥ ५ ॥
 कुंडग्गामंमि पुरे रुंदासुवि तासु तासु रत्थासु । निहयनिदलियउरो दुक्खेण जणो परिब्भमइ ॥ ६ ॥
 जत्थ निहाणे दिट्ठिं पम्हलघवलं परिक्खिचइ वीरो । दइइ तत्थ हिरत्तं करुणारसमच्छरेणं व ॥ ७ ॥
 अत्थिजणपरिबुडे जिणवरंमि गेहंगणे भमंतंमि । परिसक्किरकप्पमहादुमव लक्खिज्जए पुहई ॥ ८ ॥
 दाणे य जायणंमि य दायगतकुयजणेण सवत्थ । सरिसच्चिय उल्लावा वियंभिया देहि देहित्ति ॥ ९ ॥
 एत्थ रयणुकर एसु ठवेह एत्थ य पवित्थरे वत्थे । पूरेह एत्थ तवणिज्जपुंजए मग्गणनिमित्तं ॥ १० ॥
 इय दाणनिउत्तजणस्स पइदिणं किंकरे भणंतस्स । पुणरुत्तो वाचारो जाओ संवच्छरं जाव ॥ ११ ॥
 अखलियपसरं सिरिजिणवरेण दित्तेण दुत्थियाण धणं । सेसाणवि पयडिज्जइ सिवपुरपंथो धुवं एस ॥ १२ ॥
 सव्वावायनिबंधण धणेवि जो कुणइ मोहिओ सुच्छं । सो दुक्करतवचरणे अत्ताणं कह व संठविही ? ॥ १३ ॥
 ता जिणवराणुमाणेण सव्वविरइं समीहमाणेण । अत्तेणवि एवं चिय पयट्ठियच्चं सइ धणंमि ॥ १४ ॥
 एवं च दाणे अणुदियहं पयट्ठमाणे नंदिवद्धणनरिंदो निययुरिसे सदावेत्ता एवं आणवेइ-भो भद्दा ! एयस्स नय-

रस्स तेसु तेसु पएसेसु वहुओ महाणससालाओ काराविऊण विउलं असणपाणखाइमसाइमरूवं आहारं उवक्ख-
डेह, तयणंतरं च जे जहागच्छंति खुहाभिभूया तण्हापरिसुसियकंठा पासंडत्था गिहत्था वा अन्ने वा तहारूवा
तेसिं तहा आसत्थाणं सुहासणगयाणं हरिसुप्फुल्लोयणाणं तं चउच्चिहंपि आहारं सत्वायरेण दवावेह, तहा ठाणे
ठाणे मुंचह मंदभद्दाइजाइणो करिणो चउद्धिसं संठवेह सूररहतुरयविन्भमे पवरतुरंगमे सवत्थ पयडह रहनिवहे
पएसे पएसे मेल्लह पवरपट्टणुग्गए वत्थसमुदए दंसेह गामागराइणो संनिवेसे, एएहिंतो जो जं समीहेइ तस्स तं
वियरहत्ति, जं देवो आणवेइत्ति भणिऊण निग्गया पुरिसा, समारद्धो सवत्थ नरिंदाएसाणुरूवो उवक्कमो । अह
अनिवारियवेरिए समगणियरायरोरे अमंदाणंदसंदोहजणणे भगवओ पयट्टे संवच्छरियमहादाणे एत्तियं अत्थो
सव्वसंखाए गओ—

तिन्नेव य कोडिसया अट्टासीयं च होंति कोडीओ । असियं च सयसहस्सा सव्वग्गेणं दविणसंखा ॥ १ ॥

इय मग्गणलयं तप्पिऊण आवरिस कणगवरिसेण । पवज्जापडिवत्तिं कुणइ मणे जिणवरो वीरो ॥ २ ॥

अह वंभलोयकप्पे रिट्ठंमि विमाणपत्थडे विउले । दिवविमाणोवगया एए देवा महासोक्खा ॥ ३ ॥

सारस्सयमाइच्चा वण्ही वरुणा य गहत्तोया य । तुसिया अवावाहा अग्गिच्चा चेव रिट्ठा य ॥ ४ ॥

तक्खणविचलियसीहासणा य ओहीए नायनियकिच्चा । नियनियपरियणसद्धिया झडत्ति जिणपासमल्लीणा ॥ ५ ॥

विणयपणमंतमत्ययगलंतमंदारसुरदिकुसुमभरा । तत्थाहिं गिराहिं जिणं थोउं एवं समारद्धा ॥ ६ ॥
 जयसि तुमं मयरद्वयसिंधुरखरनहरदारुणमइंद ! । चलणग्गचालियाचलसंखोभियसधरधरणियल ! ॥ ७ ॥
 नियकजपरंमुहभुवणरक्खणक्खणिय ! परमकारुणिय । नायकुलकमलयणसंडचंडमार्यंड ! तुज्झ नमो ॥ ८ ॥
 जह लोयालोयगयंपि नाह ! तं मुणसि वत्थुपरमत्थं । तह किं कयाइ जाणइ मंदमई मारिसो लोओ ? ॥ ९ ॥
 अहया हेलुल्लासियकरपसरनिरुद्धतिमिरनियरस्स । सूरस्स पुरो खज्जोयगाण का होइ देहपहा ? ॥ १० ॥
 तहवि य निययाहिगारं नाह ! कलिऊण नूणमम्हेहिं । सुमरणमेत्तनिमित्तेण तुह इमं सीसए किंपि (सामी) ॥ ११ ॥
 पपजं पडिवज्जसु भवरुयसंतत्तगत्तसत्ताणं । तित्थंकर ! तित्थमणत्थमंथणं लहु पयट्ठेसु ॥ १२ ॥
 अइमूढकुतित्थियदुट्ठदेसणात्तिमिरनियरअंतरियं । पयडेसु मोक्खमग्गं निरुवमनाणप्पईवेण ॥ १३ ॥
 अइभूरिविचित्ताइसयरयणकारुन्नवारिभरियाओ । वयणामयं पगिण्हउ लोओ तुह सायराउव ॥ १४ ॥
 निस्सामन्नं सामन्नभावमायन्निऊण सयलजणो । रोमंचकंचुइल्लो आकप्पं तुह कहं कहउ ॥ १५ ॥
 इय सविणयदेवगणोवइट्ठकायवहुगुणिल्लोसो । जाओ जएक्कचक्खू सविसेसं मोक्खसोक्खमई ॥ १६ ॥
 एवं च विन्नविऊण सट्ठाणं गएसु लोगतियतियसेसु उट्ठिऊण भयवं सीहासणाओ पासवत्तिणा परियणेण अणु-
 गम्ममाणो गओ नंदिवद्धणपमुहाणं नायखत्तियाणं समीवे, तेऽवि जिणमितं दट्ठूण सत्तट्ठ पयाइं गया सम्मुहं, कया

श्रीगुणचंद्र
महावीरच०
४ प्रस्तावः

॥ १३६ ॥

उचियपडिवत्ती, दवावियं महप्पमाणं सिंहासणं, निसन्नो जिणो, अणुरूवासणोसु य जहकमं उवविट्ठा नंदिवद्वणाइणो ।
तओ ते भगवया अमयविंदुसंदोहसुंदरीए सभावमहुराए अपुणरुत्ताए गंभीराए भारईए भणिया, जहा-भो देवाणु-
प्पिया ! पडिपुत्तो तुम्हाणमवही, जाओ पत्थावो मम सवचिरइपडिवत्तीए, ता सहरिसं अणुमन्नह इयाणिं, सुयह
पेमाणुबंधं, निट्ठुरं कुणह विओगकायरं नियमणंति, ते य एवमायन्निउण गाढमणुपरिपूरिज्जमाणगलसरणिणो कह-
कहवि निरुद्धसोगावेगा अणवरयनिस्सरंतनयणंसुविंदुजालच्छलेण पणयप्पभारं व चिरं उग्गिरिऊण भणिउमाढत्ता
-भयवं ! तुम्ह एवं भणंता वज्जमया धुवं अम्ह सवणा जं न संपत्ता बहिरत्तणं, वइरसारप्परमाणुविणिम्मियं हिययं
जं न वच्चइ तडत्ति सयसिक्करत्तणं, निहक्खिन्नत्तणपरमसंदिरं व सरीरमिमं जमज्जवि न पवज्जइ रसायलगमणं, एवं
ठिए य कहं पत्थुयत्थाणुमन्नणनिमित्तं पयट्टउ वराइणी वाणी, जाओ-को होही विसमकज्जोयहिनिवडिराण अम्ह
हत्थावलंवो ? कहं वा ससुरासुरनरनरिंदसंदोहवंदणिज्जपायपंकेरुहेण तुमए विरहियं भुवणत्तयपयंडं सोहिस्सइ
नायखत्तियकुलं ? अहो महामंदभागिणो अम्हे जेसिं करयलाओऽवि अवकमइ रयणंति, एवमाईणि कलुणवयणाणि
भासिऊण निरभिलासा चेव निवडिऊण चलणेसु भगवओ विव्रत्तिं काउं पवत्ता—

जइवि जिणनाह ! तुम्हे पवज्जं काउमुज्जमह इण्हि । तहविहु अम्ह सुहट्ठा पडिवज्जह निक्खमणमहिमं ॥ १ ॥

तेसिं उवरोहेणं तओ जिणिंदो इमंपि पडिसुणइ । अब्भत्थणभंगपरंसुहाइं हिययाइं गरुयाणं ॥ २ ॥

गुरूणाम-
नुज्ञा.

॥ १३६ ॥

अह नंदिवद्वणनरिदेण भणिया नियपुरिसा-अरे सिग्घं महरिहं भगवओ अणुरूवं अभिसेओवंगरणं उवाह-
 रेह, जं देवो भणइत्ति सम्मं पंडिसुणिऊण निग्गया पुंरिसा, पउणीकया अट्टोत्तरसहस्ससंखा अणेगे सुवन्नाइ-
 कलसा, उवाहरियाइं समत्थपसत्थतित्थसमुत्थाइं सलिलाइं, उवणीयाओ परमोसहीओ, पणांमिया गोसीसचंद-
 णाइविलेवणविसेसा, एत्थंतरे चलियासणा वत्तीसंपि पुंरंदरा विम्बिहयमणा ओहिणाणसामत्थमुणियपरमत्था
 तक्खणं महप्पमाणविमाणा रूढा वियसियसयवत्तविसाललोयणा अहचंदणाणुलित्तगत्ता नियंसियंसिलंधपुप्फसुह-
 फरिसपवरदूसरयणा कुंदसंखदलदगरयधवलदंतपंतिरेहंतवयणा अंजणपुंजघणमसिणरुयगरमणिज्जेसपासा भइजो-
 वणे वट्टमाणा मऊहपडलपल्लविचूडामणिपसाहियमत्थया अणेगरूवाभरणभूसियसरीरा सोमचारूवा छत्तचिंघाइ-
 विविहककुहधारिणो असंखदेवकोडिचडगरपरियरिया पडहसुंइंगकाहलतिलिमहुडक्काइतूररवभरियंवरा जिणिंदस्स
 अंतियं समागया, तिपयाहिणादाणपुव्वगं च पणमिऊण पराए भत्तीए पट्टणो पायपंकयं कयत्थमप्पाणं मन्नंता
 जिणचरणमुद्दाविन्नाससुंदरे निसन्ना भवणंगणे ।

अह अचुयामरिदेण हरिसुल्लसंतदेहेण भणिया नियनियदेवा-भो सिग्घमेव निवत्तह जिणस्स महावीरस्स जोग्गं
 महंतं निक्खमणाभिसेयं, ते य एयमायन्निऊण कयपणामा अणेगकणयाइकलसे खीरोयसलिलपडिपुत्ते असंखपुप्फप-
 डलाइं च अन्नं च तहप्पगारमभिसेयपाओग्गं पहाणवत्थुनिवहं अचुयसुराहिवस्स पणामेत्ति, तओ अचुयतियसाहिवो

सयलनियदेवपरियरिओ तेहिं दिवेहिं कणयाइकुंभेहिं अट्टसहस्ससंखेहिं दिवोसहिसुगंधगंधुम्मिस्सेहिं मंदिरट्टियं
 भयवंतं हरिसवियसियवयणो अभिसिंचइ, एवं कमेण सेसावि सुराहिवइणो चंदसूरपज्जंता ण्हवंति जयगुरुं, अह तेसु
 मज्जणं काऊण सट्टाणट्टिएसु नंदिवद्धणो राया कयमुहकोसविन्नासो परेणं विणएणं अचंतमप्पमत्तचित्तो तेहिं पुवो-
 वणीएहिं चामीयराइकलससहस्सेहिं गंधुद्धुरपवरतित्थजलभरिएहिं मज्जेइ जिणवरं, तथा वट्टमाणे य भगवओ मज्ज-
 णमहूसवे केइ सुरिंदा चालिंति मंदं मंदं चामीयरदंडुडामराओ चामराओ केवि धारिंति नियधवलिमाविजियसिय-
 सयवत्ताइं आयवत्ताइं केवि संमुहमभिट्टाविंति पणट्टखंपणं पवरदप्पणं केवि करयलेणुवहंति सुगंधखीरोयसलिलपुत्र-
 पिहाणपउमगंधुकुडे कुडे केवि उप्पाडेति उज्जंतागुरुघणसारसुरहिधूवधूमंधयारलंछियं पंचवन्नरयणधूवकडुच्छुयं केवि
 समुवहंति परिमलमिलंतालिसामलाओ दसद्धवन्नकुसुममालाओ, अन्ने देवा य देवीओ य भगवंतं अभिसुहट्टियाओ पज्जु-
 वासिंति । अह निवत्तियम्मि मज्जणे नंदिवद्धणो राया दोचंपि उत्तरावक्कमणं सीहासणं विरयावेइ, तत्थट्टियं च भयवंतं
 सेयापीयकलसेहिं ण्हवेइ, तयणंतरं च णं अलंकारियस्स पुवाभिसुहसीहासणसन्निसन्नस्स सामिणो सुरभिसुकुमालगंध-
 कासाइल्लहियसरीरस्स गोसीससरसचंदणचच्चियंगस्स परिहियनिरुवहयफलिहुज्जलदिवदेवदूसजुयलस्स निवद्धपंचराय-
 रयणकडिसुत्तयस्स कणगसेलसिलाविच्छिन्नवच्छत्थलघोलंतविमलमुत्ताहलकलावस्स विचित्तमणिखंडमंडियकुंडलुज्जो-
 वियगंडयलस्स रयणुकडकिरीडविभूसियसिरस्स पंचवन्नपुप्फमालालंकियस्स पाक्खित्तसुगंधवरवासस्स भगवओ वद्धमा-

पस्स बंदिऊण चलणजुयलं सुरासुरिंदा पुणो पुणो धरणियलनामिउत्तिमंगा आसीसासएहिं थुणिउं पवत्ता, कहं ?—

विजयसु जएक्कवंधव । ससुरासुरतिहुयणेणवि अजेयं । अचंतमहळं मोहमल्लमचिरेण लीलाए ॥ १ ॥

मिच्छत्तिमिरमुच्छिदिऊण सन्नाणसूरकिरणेहिं । पयडेसु मुत्तिमग्गं विमग्गलग्गाण भवाण ॥ २ ॥

पालेसु समणधम्मं चिरकालं जाव निग्गयपयावो । अजियं जिणेसु मज्झे जियस्स निवससु तुमं नाह । ॥ ३ ॥

तुह अणवरयं गुणनिवहकित्तणारावओ विबुहलोगो । सबत्तो दिसिवलयं पकुणउ कोऊहलाउलियं ॥ ४ ॥

तुज्झ जसो कुमुओयरगोरो भुवणत्तएवि हिंडंतो । सबत्तो उग्गयचंदविंवसोहं समुव्वहउ ॥ ५ ॥

सिंहस्स व तुह अचंतविक्रमं पेच्छिऊण तरलच्छा । भीया कुत्तित्थियमिगा एत्तो दूरे पलायंतु ॥ ६ ॥

इय आसीवायपुरस्सराहिं थुणिउं गिराहिं भुवणगुरुं । नट्टविहिं च पयट्ठिय विरयंमि सुरिंदविंदमि ॥ ७ ॥

भावियजयगुरुविरहग्गिदूमिओ नंदिवद्धणो राया । वाहरिउं नियपुरिसे पयंपिउं एवमाढत्तो ॥ ८ ॥

भो भो देवाणुपिया ! जगपहुणो निमित्तं विसिद्धवेइगापरिक्खत्तपरिसरं सरसचंदणुम्मिस्सघुसिणरसालिहिय-
विपिहसत्थियं थिरनिवेशियसपायपीढनानामणिमयसीहासणं रणंतकणयकिंकिणीमडुरनिनायमुहलियदियंतरं रंगंत-
विपिहचिंधसयसंपुन्नं पन्नासधणुहायामं पणुवीसधणुविच्छिन्नं छत्तीसधणुमुविद्धं चंदप्पभनामधेयं सीयं उवट्टवेहत्ति ।
तओ ते सामिवयणं निसामिऊण पहिट्टहियया तहत्ति सव्वं निवत्तंति ।

एतथंतरे तियसाहिवेण हरिसुल्लसंतहियएण । पवरमणिखंडमंडियमहंतखंभावलीकलिया ॥ १ ॥

पंचविहरयणकिरणोहविहियदिसिदिसिसुरिंदकोदंडा । चंदप्पभाए तुल्ला कारविया नियसुरेहिंतो ॥ २ ॥

भुवणच्छेरयभूया सिविगा लवंतमोत्तिओजला । नवरं इमावि तं चिय पढमं सिविगं अणुपविट्ठा ॥ ३ ॥ त्रिभिर्विशेषकम् ॥

अह भयवं केसालंकारेण वत्थालंकारेण आभरणांकारेण मल्लालंकारेणालंकिओ कयल्लट्टतवोकम्मो उट्टिऊण आस-
णाओ अणुप्पयाहिणीकुणंतो चंदप्पहं सीयमारुहित्ता पुट्ठाभिमुहंमि सीहासणे निसीयइ, तओ भयवओ कुलमहरिया
णहाया सूइभूया गहियपवरनेवत्था हंसलक्खणं साडयं आदाय सामिस्स दाहिणे पासे भद्दासणंमि निसन्ना, एवं
अम्मधाईवि वामपासे संठिया, तथा सामिस्स पिट्ठओ एगा वरतरुणी विचित्तसिंगारागारभूयं महंतं विमल-
मुत्ताजाललवंतावचूलयं पुंडरीयदंडं छत्तं धरेमाणी ठिया, उभयपासेसु य दुवे वरविलासिणीओ धोयरुप्पपट्टधवलं
चामरजुयलं गहाय संठियाओ, उत्तरपुरत्थिमंमि य भागे एगा अच्चंतदरिसणिज्जा विलया निम्मलसलिलपडिपुत्रं
सुरकरिकररेहंतनालागारं रययभिंंगारमुव्वहंती निसन्ना, एवं दाहिणपुरत्थिमेणं एगा वरसुंदरी विचित्तमणिकिरण-
जालं सुयंतं कणयदंडं तालवंटं करयलेण कलयंती दूरूढा, पिट्ठओ य भुवणनाहस्स भगवओ देविंदा हिमरययकुंदे-
दुप्पगासाइं वेरुलियमयदंडाइं अट्टसहस्सकंचणसलागाइं सव्वरयणामयाइं कुसुमदामदंतुराइं आयवत्ताइं धरिंति,
उभयपासेसु चंदप्पहसीयाइ सोहम्माहिवो ईसाणो य अमयहिमफेणुपुंजसन्निगासेहिं चामरेहिं भयवंतं वीयंति ।

एत्यंतरे नंदिवद्धणनरवइणो वयणेण पवररूवा निरुवहयंगा णहाया कयविलेवणा परिहियपवरवत्या सवालंकार-
मणहरसरीरा विसिद्धवलसालिणो समवया पुरिसा समूससियरोमंचकंचुया कयसवकायवा नीसेसपुत्रपगरिसमप्पाणं
मन्नमाणा सहस्ससंखा झडत्ति आगंतूण तं सीयमुक्खिवंति, अह वचंतीए तीए सोहम्माहिवई सुराहिवो दाहिणिल्ल-
मुवरिल्लवाहं गिणहइ, ईसाणोऽवि देविंदो उत्तरिल्लवाहं, चमरवल्लिणो य असुरिंदा दाहिणुत्तरसिविगाहेट्टिल्लवाहाओ
समुवहंति, अवसेसा भवणवइवाणमंतरजोइसवेमाणिया यं जहारिहं सीयमुक्खिवंति । किं बहुणा ?—

पुधिं उक्खित्ता माणुसेहिं साहट्टरोमकूवेहिं । पच्छा वहंति सीयं असुरिंदसुरिंदनागिंदा ॥ १ ॥

गेहांओ नीहरंते जिणंमि चाउघिहेहिं देवेहिं । इंतेहि य जंतेहि य कहमिव उब्भासियं गयणं ? ॥ २ ॥

वणसंडोव कुसुमिओ पउमसरो वा जहा सरयकाले । सोहइ कुसुमभरेणं इय गयणयलं सुरगणेहिं ॥ ३ ॥

सिद्धत्थवणं व जहा असणवणं सणवणं असोगवणं । चूयवणं व कुसुमियं इय गयणयलं सुरगणेहिं ॥ ४ ॥

अयसिवणं व कुसुमियं कणियारवणं व चंपगवणं वा । तिलयवणं व कुसुमियं इय गयणयलं सुरगणेहिं ॥ ५ ॥

वरपडहभेरिल्लरिदुंदुभिसंखाइतूरनिग्घोसो । धरणियले गयणयले पयट्टिओ देवमणुएहिं ॥ ६ ॥

एवं च भुवणबंधवस्स वचमाणस्स तप्पढमयाए सवयरणविणिम्मविया पुरओ अहाणुपुवीए सोत्थियाइणो
अट्टमंगलगा संपट्टिया, तयणंतरं च पुन्नकलसभिंगारा दिवा सच्छत्तपडागा गयणतलचुंविणीओ पवणकंपमाणं-

चलाओ महावेजयंतियाओ संपट्टियाओ, तयणंतरं वेरुलियविमलदिप्पंतदंडं पलंवकोरिंटमालोवसोहियं चंदमंड-
लाणुरूवं समूसियं दिवमायवत्तं, पवरसिंहासणं च समणिरयणपायवीढं मणिमयपाउयाजोगसंपजुत्तं बहुकिंकरनरपरि-
ग्गहियं संपट्टियं, तयणंतरं च ललियपुलियलंघणजवणगईणं लोलंतलासगललामंवरभूसणाणं कणयमयमुहनिजोगजु-
त्ताणं उज्जलगथासगमंडियकडीणं तरुणपुरिसपरिक्खित्ताणं अट्टसयं जच्चतुरगाणं अहाणुपुवीए संपट्टियं, तयणंतरं
च सत्तंगपइट्टियाणं भइजाइसमुब्भवाणं सवलक्खणोववेयाणं कंचणकोसीपविट्ठकलहोयधवलदंताणं कंचणमणि-
तारगाभूसियाणं कुसलारोहसंपउत्ताणं अट्टसयं उत्तमकुंजराणं संपट्टियं, तयणंतरं च सलत्ताणं सज्झयाणं सघंटाणं
सपडागाणं सतोरणवराणं सनंदिघोसाणं हिमवंतुग्गयतिणिसदारुनिम्मियाणं सुसिलिट्टचक्रमंडलधुराणं जोत्तियपव-
रतुरंगाणं रणज्झणंतकिंकिणीजालाणं वत्तीसतोणपरिमंडियाणं चावपमुहपहरणनिवहभरियाणं अट्टसयं रहाणं अहा-
णुपुव्विए संपट्टियं, तयणंतरं निविडपरियराणं करयलकलियविविहाउहाणं निययविक्कमोवहसियसेसभडाणं पुरिसा-
णमट्टसयं संपट्टियं, तयणंतरं च अपरिगणियसंखं हयाणीयं गयाणीयं रहाणीयं पायत्ताणीयं च पहावियं, तयणंतरं
च पंचवन्नकुडभीसहस्सकलिओ वइरमयवट्टलट्टजट्टिपइट्टिओ विचित्तलत्ताइच्छत्तपरिक्खित्तो रंतंतभमरकुसुममाला-
मंडिओ अनिलदोलिज्जमाणघंटियापडलमणहरारावपूरियनहविवरो जसपुंजोव सुत्तिमंतो सुत्तिमग्गोव पयडो नियगु-
रुयत्तणेण गयणं व परिमिणंतो सायरसुरविसरसंपरिग्गहिओ जोयणसहस्सूसिओ महिंदज्झओ संपत्थिओ, तयणंतरं

च अत्रे य वहवे दंडिणो गुंडिणो सिंहंडिणो हासकरा खेडकरा चाडुकरा गायंता य वायंता य नचंता य रमंता य
 हसंता य जयजवसहं पउंजमाणा मंगलसहस्ताइं कुणमाणा गुणगणं थुणमाणा संपत्थिया, तयणंतरं उग्गा भोगा
 रायन्ना सत्थिया सेट्ठिणो सत्यवाहा पुरिसनियरपरियरिया केइ पायविहारेणं केइ रहगया केइ तुरगाधिरूढा केइ कुंज-
 रपट्टिसन्निसन्ना केइ जाणजंपाणाइंगया सामिस्स पुरओ मग्गओ य संपट्ठिया, तयणंतरं अत्रे य वहवे देवा य
 देवीओ य सएहिं सएहिं विमाणोहिं सएहिं सएहिं चिंधेहिं सएहिं सएहिं परिवारोहिं समंतओ संपट्ठिया, नंदिवद्ध-
 णमहानरिंदोऽवि कयमज्जणो विहियसिंगारो गंधसिंधुरखंधगओ समूसियसियायवत्तो धुवंतधवलचामरो हयगयर-
 हओहसेणापरिकिन्नो पिट्ठओ भयवंतं अणुगंतुमारद्धो ।

एवं च नियनियट्ठाणगयसुरासुरनरनियराणुगम्ममाणो वद्धमाणो सत्तरयणिप्पमाणसरीरो समचउरंससंठाणसं-
 ठिओ वज्जरिसहनारायसंधयणो कमलुप्पलसुरहिनीसासो जल्लमलकलंकसेयरयदोसवज्जियतणू देहप्पभापभारभा-
 सुरियदिसिचफवालो भिं गनीलकज्जलभसलसामलपसत्थसुहुमनिवद्धनिउरंवनिचियकुंचियपयाहिणावत्तकेसो अद्धयं-
 दम्मनिडालवट्ठो पमाणजुत्तसुंदरसवणो चावदंडकुडिलभमुहो धवलपत्तलवियसियपुंडरियनयणो गरुडाययउज्जुतुं-
 गनासो विपक्खविंवाफलसंनिभाधरोट्ठो संखगोखीरमुत्तामणिधवलसुसिलिद्धसमदंतपंती पीणमंसलकवोलजुयलो सज-
 लघणत्थणियदुंदुभिनिग्घोसगंभीरसरो दाहिणावत्तरेहावलयालंकियसुप्पमाणकंठकंदलो वणमहिससीहसहूलपडि-

पुन्नवदृखंधो सुहुमलोमरेहंतमंसलपलंववाहुदंडो संजमलच्छिनिवाससुभगविसालवच्छत्थलो पवररोमराइरेहिरगंभी-
रनाहिसोहियमज्झभागो वट्टाणुपुवोवचियचारुजंधो सुसिलिड्डुगूढगुंफो नगनगरमगरसागरचक्कंसुसमच्छाइलक्खण-
लंछियचलणतलो परिचत्तपाणभोयणेषु पासायसिहरमारूढेषु चेलुक्खेवं करेत्तेसु पुरजणेषु कुसुमनियरं मुंचमाणेषु
गयणट्टियतियसेसु सप्पणयपणचमाणासु विज्जाहरीसु मंगलमुहलेसु वारविलयासत्थेषु दिज्जमाणेषु सबकासुयदा-
णेषु गोत्तमुक्कित्तमाणेषु देवचारणेषु कमेण संपत्तो नायसंडाभिहाणंसुववणंमि । तं च केरिसं?—

पढमुम्मिल्लिरपल्लवसोहिल्लमहल्लपायवसमूहं । सवोउयकुसुमसमिद्धगंधवायंतमिउपवणं ॥ १ ॥

तरुणतरुसंडपत्तलसाहापडिरुद्धसूरकरपसरं । अच्चंतरम्मयागुणरंजियपरिभमियसुरखयरं ॥ २ ॥

दिसिमुहपवियंभियकुसुमपरिमलायट्टिया भमरनियरा । उज्जाणंतरविहरणपरंसुहा जत्थ कीलंति ॥ ३ ॥

जं जिणमितं नाऊण पवणडोल्लंतपल्लवकरोहिं । चिरकालदिट्टपियमाणुसं व तं वाहरइ तुरियं ॥ ४ ॥

मयभरपरवससिहिकलरवेण जं सागयं व वागरइ । निवडंतकुसुमनियरुक्करेण अग्धं व दावेइ ॥ ५ ॥

इय निययचंगिमाविजियनंदणुज्जाणरम्मयगुणस्स । जयनाहचलणपूयस्स तस्स का वण्णणा होउ ? ॥ ६ ॥

एवंविहंमि तत्थ आगंतूण सिवियाओ ओयरिऊण सामी असोगवरपायवस्स मूले सयमेव अलंकारकुसुमनिवहं
ओसुयइ, सा य कुलमयहरिया हंसलक्खणेणं पवरसाडएणं तं पेच्छमाणी छिन्नमुत्ताकलावगलंतमुत्ताहलविच्चममाइं

अंसुयाइं विणिम्भुयंमाणी सदुक्खं रोयमाणी मन्नुभरखलंतक्खराए गिराए भयवंतं मणिउं पवत्ता—

कासवगोत्तुम्भूओऽसि पुत्त ! सिद्धत्थपत्थिवसुओऽसि । नायकुलनहयलामलसांरयरयणीमयंकोऽसि ॥ १ ॥

वासिद्वसगोत्तुम्भवतिसलादेवीए कुच्छिजाओऽसि । खत्तियजणतिलओऽसि य नवजोवणदिघदेहोऽसि ॥ २ ॥

गन्भावत्थाओचिय अइसुकुमालोऽसि सुंदरंगोऽसि । अप्पडिमरूवलायन्नकंतिपम्भारकलिओऽसि ॥ ३ ॥

तिहुयणविक्खायजसोऽसि सयलविन्नाणनीइनिउणोऽसि । ता कहमिममइदुक्करतवकम्मं संपवज्जिहिसि ? ॥ ४ ॥

इह असिघारसरिच्छं महघयं वच्छ ! अणुचरेयघं । घोरोवसग्गवेयणनिवहाओ न भाइयघं च ॥ ५ ॥

सुदुंल्लतुच्छभोयणवित्ती निचंपि एत्थ कायघा । गामागराइसु तहा पडिवंधमई विमोत्तवा ॥ ६ ॥

इय वच्छ ! तुज्झ साहेमि केत्तियं मुणियसयलभावस्स । तह कहवि पयट्टेज्जसु जह सिवसोक्खं लहुं लहसि ॥ ७ ॥

एत्थंतरंमि नीसेससयणवग्गेण परिगओ राया । आणंदांमंदगलंतनयणवाहप्पवाहेण ॥ ८ ॥

अभियंदिऊण चरणे जिणिंदसिरिवद्धमाणसामिस्स । एगंतमवकंतो दुस्सहविरहग्गिसंततो ॥ ९ ॥

कुलमयहरियावयणं तहत्ति पडिसुणिय जिणवरो वीरो । सयमेव पंचमुट्टियलोयं काउं समारद्धो ॥ १० ॥

ते य केसे सामिकरयलपल्हत्थिए सुरिंदो नियदेवदूसंचलेण ईसिविणमियसरीरो सम्मं पडिच्छइ, कमेण य निघत्ति-
यंमि लोयकम्मे जिणं अणुन्नविऊण तं कुंतलकलावं मेहपडलं व सामलं दुज्जणहिययं व कुडिलं खीरोयसलिले पक्खिवइ,

दिवतूरनिनायं मणुस्समंगलुग्गारहलवोलं च निवारेइ, अह मग्गसिरकिण्हदसमीए पच्छिमण्हसमए हत्थुत्तरनक्खत्ते वट्ट-
माणे सयमेव संबुद्धो भयवं नमोत्थु णं सिद्धाणंतिकट्टु करेमि सामाइयंसवं सावजं तिविहं तिविहेणं वोसिरामित्ति चारित्तं
पडिवज्जए, एत्थ य पत्थावे अंवरत्तलट्टिण्ण भूमितलगणय देवदेविविज्जाहरनरविसरेण विमुक्को भगवओ चाउद्दिसिंपि
झंकारमुहलभसलविलुप्पमाणो सुगंधियसयलजीवलोओ पिंगलियगयणमंडलो पवरवासचुत्तो, वहलधूमसिहाजालुच्छा-
इयदिसामुहो ठाणठाणेसु ठविओ उज्झंतागुरुकुरंगमयमीणुग्गारकप्पूरधूवघडियनिवहो, पहयाओ असंखसंखघोसु-
म्मिस्सभंभामुइंगमदलकाहलातिलिमहुडुकढकाओ, कओ य निब्भरभरियभुवणंतरालो जयजयारवोत्ति ॥

अह चत्तवसणभूसणमल्लस्स पुरंदरेण जयगुरुणो । वामंसतले नसियं अदूसियं देववरदूसं ॥ १ ॥

नीसामुत्ते सामन्नगुरुभरे तह जिणेण उक्खित्ते । काउं साहिज्जंपिव मणपज्जवणाणमुप्पणं ॥ २ ॥

ओलंघियभुयपरिहो वाढं निकसियमोहमाहप्पो । मेरुव निप्पकंपो काउस्सग्गे ठिओ भयवं ॥ ३ ॥

चउविहदेवनिकाओ नगरजणो नरवई य नमिऊण । जयनाहं भत्तीए नियनियठाणे पडिनियत्तो ॥ ४ ॥

इय उत्तमगुणगणवद्धमाणसिरिवद्धमाणचरियंमि । सग्गापवग्गसंगमलच्छीण निवासभवणंमि ॥ ५ ॥

गव्भावयारजम्मणदिक्खाकल्लाणकहणपडिवद्धो । संपत्तो पज्जंतं चउत्थओ एस पत्थावो ॥ ६ ॥

इइं सिरिगुणचंद्रसूरिरइए सिरिमहावीरचरिए गव्भावयारजम्मदिक्खाकल्लाणगमओ चउत्थो पत्थावो

भाविमणत्त्यसत्त्यं पेहंताविडु सवुद्धिविहवेण । धीरा सहसिमणिसं पत्थुयवंत्थुं समत्थंति ॥ १ ॥

इति विभाविऊणं व भविस्सोवसंगवग्गसंसग्गासंखुद्धमाणसो महावीरजिणवरो गंभीरिमाइगुणरयणागरो
दुरुज्झियनीसेसवसणोवि वासवोवरोहधरिएक्कचारुवसणो मग्गणगणपूरिआसोऽवि निघाणकरो सुक्कतुरयचारोवि दूर-
दमियदुट्ठिदियासो सकलत्तोऽवि परिचत्तपरिग्गहो परिहरियकरिवरोवि मत्तकुंजरगमणो भयवं आपुच्छिऊण अहास-
त्तिहियं नायवग्गं नायसंडवणाओ निग्गओ, कमेण य अतुरियं जुगमित्तनिहितचक्खुपसरो सुहुत्तावसेसंमि वासरे
कुम्मारगामं नाम संनिवेशं पाविओ, ठिओ य एगंते काउसग्गेणंति ।

इओ च सिद्धत्थरायवालवयस्सो कुंडगामपुरवत्थवो महाजूयवसणविणासियासेसतहाविहदवनिचओ भोगोव-
भोगलालसो असंपज्जंतवंछियत्थो सोमो नाम वंभणो झीणविहवत्तणेण अचयंतो परिचियजणमज्झे निवसिऊण
गिहे मोत्तूण वंभणिं गओ वइरागराइसु दवोवज्जणनिमित्तं, तत्थ य अइनिविडत्तणओ अंतराइयकम्मस्स अचंतपव-
लत्तणओ असायवेयणिज्जस्स निप्फलत्तणओ पुरिसयारस्स अवस्सं भवियद्वयाए तहाविहभावस्स सुचिरं कालं परि-
भमियस्सवि तेसु तेसु ठाणेषु न तस्स काणकवड्डयमेत्तावि संपत्ती जाया, समइक्कंताणि य आसापिसायनडियस्स
वहइं वच्छराइं, अण्णया य—

धवलवलायादीहरवयणो अह तरलियविज्जुलियनयणो । कलियसुररायचावो अंजणगिरिसिंगसारिच्छो ॥ १ ॥

परिमुक्कगजिघोरट्टहासहयविरहियहिययवावारो । वरिसायालो वेयालदारुणो ज्ञत्ति संपत्तो ॥ २ ॥
तं च दद्वूण सो सुमरियनियकलत्तो तक्कालवियंभमाणनीलकंठरवसवणचउग्गुणीकयउकंठो दीहं नीससिऊण चलिओ
अविलंबियपयाणगेहिं सनयराभिसुहं, अइदूरत्तणेणं मग्गस्स दुव्वलत्तणओ सरीरस्स असमत्थत्तणेणं सिग्घगमणस्स
मासपंचमपज्जंते संपत्तो कुंडग्गामे नगरे, पविट्ठो नियगिहे, संभावियविठत्तदवाए अब्भुट्ठिओ पणइणीए, दिण्णं
आसणं, पक्खालिया चरणा, पुच्छिओ सरीरकोसलं, वाहियं सरीरं, दंसिओ पणयभावो, भोयणकाले य उवट्टा-
विया य कंठिगाइ हट्टे विणियट्टिऊण विचित्ता रसवई, काराविओ भोयणं, तदुत्तरकालं ठिओ सयणिज्जे, वंभणीवि
पहिट्टहियया समीवमागया तस्स, आरद्धा य पुच्छिउं, जहा-अज्जपुत्त! केसु केसु देसंतरेसु परिभमिओ एत्तियं
कालं? केत्तियं वा दविणजायमज्जियंति?, तेण भणियं-पिए! केत्तिए साहेमि देसे?, किं वा कहेमि दविण-
ज्जणं? तहाहि—

सिरिपवयवइरागरसमुइपरतीररोहणगिरीसु । रसकूविगासु विवरेसु भुयंगभीमेसु विविहेसु ॥ १ ॥

भमिओ एत्तियकालं दवपिवासाए णेगठाणेसुं । विहिओ य खन्नवाओ धमिया य सुवण्णपाहाणा ॥ २ ॥

अंजणसिद्धिनिमित्तं दिव्वोसहिणो निरूविया बहुसो । विहिया नरिंदसेवा वियाणिया मंततंताई ॥ ३ ॥

असिचावकुंतचक्काइएसु सत्थेसु जणपसिद्धेसु । पकओ परिस्समोविहु किं किं अहवा मए न कयं? ॥ ४ ॥

तहविहु पिए ! न जाया भोयणमेत्तावि मज्झ सामग्गी । तुह दंसणतण्हाए नियत्तिओ केवलं इण्हि ॥ ५ ॥

इमं च आयण्णिऊण वज्जताडियव सुसियव सा माहणी कसिणवयणा कोवफुरंताहरा रत्तनयणा भण्डिमाढत्ता-आ पाविट्ट ! अवलक्खणसिरसेहर ! वाहणसरिच्छ ! निब्भग्गनिडाल ! जइ एवं ता कीस एत्तियं कालं कडुघोसेडीफलाइं बुक्कमाणो ठिओऽसि !, किं निरास ! तत्थ वसंतेण तुमए इमावि वत्ता न निसामिया ? जहा पोक्खलावट्टगमेहोव अणवरयकणगधाराहिं सिद्धत्थनरिंदनंदणो संवच्छरं जाव वरवरियापुवगं वरिसिओत्ति, किन्न पेच्छसि पुरओ आज-म्मदारिहियावि रहत्तुरयवाहणा परिहियदिवाभरणा कारियउत्तुंगभवणा नियपणइणीपरिगया जिणप्पसाएण विल-संति ?, किं वा न दिट्ठा पडिपुण्णमणोरहा उवलद्धकणयरासिणो सगिहेसु पडिनियत्तंता देसंतरागयजणा ?, वंभ-णेण भणियं-पिए ! दूरदेसंतरनिवासत्तणेण नो सुणियमेयं मए, किं करेमि विपरंसुहो हयविही दीहकालमणुभ-वियवा विसमदसा, वंभणीए भणियं-अज्जवि लहुं गच्छसु तस्स सगासे, करुणापरो खु सो भयवं निच्छियं तुमए मग्गिज्जमाणो किंपि दाविस्सइत्ति, एवं निसामिऊण धाविओ महावेगेण जिणाभिमुहो वंभणो, आपुच्छंतो पत्तो कुमारगामं, दिट्ठो काउस्सग्गठिओ सुरवइनिहित्तसुगंधचुण्णपरिमलुम्मिलंतच्छप्पयच्छण्णदेहो भयवं जिणवरो, तिपया-हिणिकाऊण पणमिओ परमायरेणं, विण्णत्तो य जहा-देव ! निसामेसु मम वत्तं-

कंठभंतरपक्खलियजीहमफुडक्खराए वाणीए । को को न पत्थिओ नाह ! दाणविपरंसुहोवि जणो ? ॥ १ ॥

श्रीगुणचंद्र
महावीरच०
५ प्रस्तावः
॥ १४३ ॥

कथं न वसिओ पहधूलिधूसरो देव ! पहियगेहेसुं । हयउयरपूरणट्टा किं वा न कयं कुकम्ममवि ? ॥ २ ॥
दविणोवज्जणहेउं लहुं पविट्टो कयंतवयणेवि । नेवत्थंपि नडेण व तं नत्थि मए न जं धरियं ॥ ३ ॥
इय दूरदेसविहरणपरिससुप्पन्नविहरोगस्स । विगओ एत्तियमेत्तो कालो मम मंदपुन्नस्स ॥ ४ ॥
संपइ पुण धरिणीए आगयमेत्तस्स साहियं एयं । जह संवच्छरसीमं दिन्नं तुमए महादाणं ॥ ५ ॥
केसिंपि नगरपट्टणगामागरपवरदवभंडारा । अन्नेसिं मयजलगंधवंधुरा उद्धुरा करिणो ॥ ६ ॥
अन्नेसिं पारसव्वरउलवल्हीयसंभवा तुरया । केसिंपि जचकंचणजडिया वरभूसणुग्घाया ॥ ७ ॥
इय संकप्पियभूरिप्पभेयदाणेण कप्पतरुणव । निम्महिया नाह ! तए तण्हा मेहेण व जणाणं ॥ ८ ॥
एकोच्चिय दुग्गयलोयतिलोयभूओ ठिओ अहं विहलो । पुवभवजणियदुविसहदुट्टकम्माणुभावेणं ॥ ९ ॥
करुणारसवरिसणसित्तदुक्खसंतत्तसव्वभुवणवण ! । ता पसिय पणयवच्छल ! पूरेसु मणोरहं मज्झ ॥ १० ॥
तुज्झ पयकमलसेवावियंभियं सग्गमचपायाले । जं कीलंति जहिच्छं सुरवइनरनाहदणुवइणो ॥ ११ ॥
सिद्धत्थरायनंदण ! तुमएऽविहु जइ कहंपि चत्तोऽहं । पायालनिवडियस्स वि नत्थि धुवं ता मम परित्ता (धरिती) १२
एमाइ दीणयावसगलंतनयणंसुधोयवयणेणं । तह तेण विन्नविज्जइ जह भिज्जइ वीयरगोऽवि ॥ १३ ॥
भगवयावि एवमायणिकुण समुच्छलियापरिकलियकारुन्नपुण्णचित्तेण भणियं—भो भो देवाणुप्पिय ! परिचत्ता-

सोम-
विज्ञप्तिः

॥ १४३ ॥

सेतसंगोऽहं संपयं, तुमं च अचंतदोगचभरविहुरियसरीरो, अओ जइवि असारिच्छमेयं तहावि गिण्हसु इमस्स देव-
दूसस्स अद्धंति, जं सामि ! आणवेइत्ति भणिऊण हरिसवसुग्गयवहलपुलओ वंभणो वत्थस्स अद्धं गहिऊण कयप्प-
णामो अणुचिंतंतो पुणो पुणो सामिस्स अपुव्वमु दारत्तणं गओ नियगेहं, दिट्ठो य वंभणीए, पुच्छिओ परमायरेणं,
साहिओ तेण देवदूसद्धलाभो, जाओ वंभणीए परमसंतोसो ।

अन्नदिवसे य तेणवि समप्पियं तं दूसद्धं दसिगावंधणत्थं तुन्नागस्स, तेणवि तारिसमदिट्ठपुवं पेच्छिऊण
पुच्छिओ सो वंभणो-भद् ! तुमए कहिं लद्धमेयं ? , न जेण एरिसदूसाइं महीयले दीसंति, वंभणेण भणियं-मुद्ध !
भगवया दिण्णंति, तुण्णागेण भणियं-वीयंपि खंडमाणेहि, जेण उभयखंडमीलणेण तुण्णेमि एयं, पडिपुण्णं व दीणा-
रलक्खमुलं पावेइ, अद्धद्धेण य तुज्झ ममंपि दवं भविस्सइत्ति, वंभणेण भणियं-कहं पुण दुइज्जयं वत्थद्धं लभि-
स्सामि ? , जिणसमायारवियक्खणेण भणियं तुन्नागेण-जया खाणुगाइफरिसेण सामिखंधदेसाओ निवडइ
तया गिण्हिज्जासि, एवं सोचा सो तल्लोभेण लग्गो भगवओ पिट्ठीए, जहा य तस्स तल्लाभो भविस्सइ
तहा पुरओ भणिस्सामि ।

अह कुम्मरगामवहिया पडिवन्नपडिमस्स पलंविबभुयस्स भगवओ महावीरस्स समीवे सयलदिणवाहपरिस्संतंते छुहा-
भिहए चरमाणे वसहे भलाविऊण एगो अचंतपावसंगयसरीरो विणयणयविण्णाणजा(ना)णविवज्जिओ गोवालो गावी-

श्रीगुणचंद्र
महावीरच०
५ प्रस्तावः

॥ १४४ ॥

दुहणनिमित्तं गओ गाममज्झे, तत्थ ट्टियस्स वाचारांतरवावडणेण लग्गा महती वेला, ते य वइल्लगा खणमेकं भगवओ समीवे चरिऊण खुहाभिहयसरीरा सणियं सणियं तिणभक्खणं कुणमाणा पविट्ठा अडविं, सो य गोवालो खणंतरेण आगओ भगवओ समीवे, वसहे अपेच्छंतो पुच्छिउमारद्धो-भो देवज्जया! जे तुह मए भलाविया पुवं वसहा ते साहेसु कत्थ गयत्ति?, सामीवि असुणितोव तुण्हिको ठिओ, तेणावि नायं-नूणमेसो महाणुभावो न जाणइत्ति, तओ गिरिकंदरेसु य नईसु य निज्जरेसु य महातरुगहणेसु य गामंतरालेसु य अन्नेसु य विविहप्पएसेसु य गोसामि-यभयभीओ विमणहुम्मणो तं मग्गणं काउमारद्धो, ते य वसहा सुचिरं सच्छंदप्पयारेण उवसंतल्लुहावेयणा पुणोवि समागया तत्थेव पएसे, भयवंतं दट्ठुण रोमंथता य ठियत्ति, सो य गोवालो अणुवलद्धुणोणपउत्तिविसेसो चउपहर-रयणिजागरपरिमिलाणनयणो रेणुभरधूसरियसरीरो खाणुकंटगाइपरिव्वहिओ सुचिरं परिभमिऊण वलिओ तेणेव पएसेण, दिट्ठा य ते सामिणो समीवे सुहनिसन्ना नियवसहा, अह रोसारुणियच्छो फरुसगिराए भयवंतं तज्जिउमा-ढत्तो, कहां चिय?—

देवज्ज! दुज्जणो इव दावेसि पसंतवत्यनेवत्थं । अत्थिभतरओ पुण चित्तकुडिलया एरिसी तुज्ज ॥ १ ॥
जं गोविऊण हरणट्ठया तुमं मज्झ संतिए वसहे । नूणमियाणिं गच्छंतओऽसि जइ मं न पेच्छंतो ॥ २ ॥
तावित्थ चंगिमा तुह वयस्स! अरि भल्लिमा विवेयस्स । गोमट्टत्तणमण्णं किंपिय दक्खिन्नभावस्स ॥ ३ ॥

वत्तार्धदानं
गोपोपसर्गः

॥ १४४ ॥

मन्त्रे पलं वियमुओ निरुद्धनीसेसवज्ज्ञवावारो । तं जणमुसणनिमित्तं उवांयजाळं विचित्तेसि ॥ ४ ॥

इय दुवयणेहिं तज्जिऊण सो दावणेण हणिउमणो गोवालो वेयालोव धाविओ भयवओऽभिमुहं, एत्थंतरे सोह-
म्मसभासीहासणनिसण्णो सहस्सनयणो सामिस्स सुहविहारोवलंभनिमित्तं ओहिं पउंजइ पेच्छइ य भयवंतं पडुच
वेणेण धावमाणं तं गोवयं, तओ तत्थट्ठिओऽवि तं थंभिऊण सको दिवाए देवगईए उइण्णो जिणसमीवे, तज्जि-
उमारद्धो य तं गोवालयं, जहा-रे दुरायार! पुरिसाहम! पसुनिविसेस! नूणं एयाण वसभाण चव पुण्णेहिं न
भक्खेसि तूमं तिणाइं, जो एयं सिद्धत्थनरिंदनंदणं परिचत्तकरितुरयपाइक्कसंदणं संपयमेव गहियपच्चजं नियधम्मक-
ज्जसज्जं सममुणियतणमणिं वद्धमाणमहामुणिंपि न मुणेसित्ति, एवं निब्भच्छिऊण तं सको तिपयाहिणीकाऊण भय-
वंतं वंदेइ, सिरनभियकरकमलो य विन्नवेइ-भयवं! तुम्ह दुवालस वरिसाणि जाव समणभेत्तेणवि दुक्खजणगा इयर-
जणजीवियंतकरणखमा पवरसूराणवि लोमुद्धोसजणगा उग्गा उवसग्गवग्गा भविस्संति, ता कुणह पसायं, अणु-
मन्नइ एत्तियं फालं मम, जेण समीवट्ठिओ वेयावचं भे करेमित्ति, एयं च आयत्तिऊणुस्सारियकाउसरणेण भणियं
भयवया, जहा-भो भो देविंद!

तुह असरिसभत्तिमहाभरस्स जुज्जइ इमं न संदेहो । किं तु न भूयं एयं नो भवइ न भावि कइयावि ॥ १ ॥

जं तित्थयरा तुम्हारिसस्स निस्साए पुवकयकम्मं । खवइंसु खविस्संति य खवेत्ति वा निच्छियं सक्कं ॥ २ ॥

श्रीगुणचंद्र
महावीरच०
५ प्रस्तावः

॥ १४५ ॥

अह परसामत्येणवि जइ कम्मकखउ घडेज्ज ता विहलो । सिरलोचवंभचेराइविविहतवचरणवावारो ॥ ३ ॥
अइसंकिलिट्ठचित्तत्तणेण दढवद्धरसविवागाणं । सयमणुभवनं मोत्तुं कम्माणं ण णिज्जरणमत्थि ॥ ४ ॥
एगोच्चिय सुहमसुहं एस जिओ सहइ कम्मवसवत्ती । अवयारुवयारकरा तस्सेव पभावओ हुंति ॥ ५ ॥
ता जे पुवं सिद्धा जे सिज्जिस्संति जे य सिज्जंति । ते नियवीरियकम्मकखएण अन्नोऽत्थि नोवाओ ॥ ६ ॥
एवंविह विविहमहोवसग्गवग्गं वियाणिउं पुवं । पडिवन्नोऽहं संजममेत्तो का तेसु मम गणणा ? ॥ ७ ॥
इय सुरनाहं विविहोवउत्तिजुत्तीहिं बोहिउं भयवं । काउस्सग्गंमि ठिओ नूणं मियभासिणो गरुया ॥ ८ ॥

एत्थ य पत्थावे भयवओ चेव जणणिभगिणीए पुत्तो कयतहाविहघोरवालतवविसेससामत्थोवलद्ववंतरसुरभवो सिद्धत्थो नाम देवो समागओ तं पएसं, सो य भणिओ सुरिंदेण जहा-भो सिद्धत्थय ! एस भयवं तुह आसन्नसयणोत्ति एगं कारणं, वीयं पुण ममाएसो, ता सब्बहा पासट्ठिओ सामिस्स मारणंतियमुवसग्गं पडिक्खलेज्जासित्ति, सोऽवि एयमायन्निऊण देविंदसंभासणजायपरमतोसो तहत्ति पडिसुणइ, पुरंदरोऽवि सट्ठाणं गओ । अह जायंमि पभायसमए भयवं चलिओ तओ ठाणाओ, कमेण य पत्तो कोल्लागसंनिवेशे, तत्थ य बहुलो नाम माहणो परिवसइ, तस्स य गिहे महुसवो समारद्धो, निप्फाइया रसवई, जेमेइ सयलजणो, एत्थंतरे भयवं सुणियभिकखासमओ अतुरियं असंभंतो छट्टुपारणगे पविट्ठो भिक्खानिमित्तं गाममज्जे, उच्चनीयगिहेसु य परिभमंतो संपत्तो बहुलस्स मंदिरं, दिट्ठो

गोपोसर्ग-
निवारणं
इन्द्र-
विज्ञप्तिः

॥ १४५ ॥

य जणेण अप्पडिमरूवो भयवं भयणंगणगओ, तं च दद्वूण चिंतिउमारद्धो-अहो इमस्स महामुणिणो सरীরलाव-
 ण्णया अहो निरूवमरूवया अहो सयललक्खणपडिपुण्णया अहो पसंतायारत्तणं अहो सस्सिरीयत्तणं, निच्छियं न
 होइ एसो सामन्नगुणो, ता धन्नोऽहं जस्स मम गिहमंणुपत्तोत्ति परिभाविंती उच्छलियवहलपुलयजालो मुत्ताहलालं-
 किजोव उट्टिऊण परमायरेण घयमहुमिस्सं पायसं भगवओ पणामेइ, भयवंपि निच्छिइं चकंकुसलंछणलंछियं
 पसारेइ करकमलं ।

अह पाणिसंपुडे वंभणेण खित्तंमि पायसे पवरे । गयणयले सुरनिवहा ओयरिउं भत्तिभरभरिया ॥ १ ॥
 वायंति केवि जयदुंदुहीओ अत्रे सुयंति कुसुमाइं । चेलुक्खेवं केवि य करंति अत्रे थुणंति जिणं ॥ २ ॥
 गंभीरगुरुगिराए अहो सुदाणंति केइ घोसंति । अच्छिन्नकणयधारहिं हरिसिया केइ वरिसंति ॥ ३ ॥
 सेसोऽवि गामलोओ तहाविहं पेच्छिऊण अच्छरियं । विस्सियहिययो सहसा जिणस्सगासं समल्लीणो ॥ ४ ॥
 किं बहुणा ?—भयवं पायसलाभेण निव्वुओ माहणोऽवि कणगेण । विस्सियरसेण लोगो एवं जाओ महाणंदो ॥ ५ ॥
 अह चम्मचक्खुहिं अपेहिज्जंतो पारिऊण भयवं अन्नत्थ विहरिओ । गामाणुगामेण परिभमंतस्स य सामिणो
 पयजासमयसुरक्खित्तकुसुमवासचुन्नगंधवासियंमि सरिरे कयज्झंकाररवा निरंतरं परिमुक्कवणकुसुममयरंदा भमर-
 नियरा पीडं उप्पायंति, चिरनिच्चूसेण य किंचि अपावमाणा रोसेण नहोहिं विंधंति मुहोहिं खाइंति, वसंतसमए

श्रीगुणचंद्र
महावीरच०
५ प्रस्तावः

॥ १४६ ॥

रोमकूवनिग्गयं सिणेहमापिवंति, सरीरमारूढा य समं विहरंति, गामतरुणाथवि तेण गंधेण आयरसियचित्ता भणंति—भयवं! अम्हंपि देहि इमं गंधजुत्तिं, सुरभो तुज्झ सरीरगंधो, तहां नवनीलुप्पलपलाससरिच्छमच्छिजुयलं सुरभिनीसाससुभगं मुहकमलं रूवसंपयं च दट्टूण मयरद्वयसरपहारजज्जरियहियभाओ गामतरुणीओ गामाणुगामं परियट्टमाणस्स भगवओ निवासट्टाणं पुच्छंति, बहुप्पयारं उवसग्गेति यत्ति । एवं पव्वजादिणाओ आरब्भ चत्तारि मासा समहिया जाव सुरनिहित्त्वासपच्चइया दुट्टभमराइणो उवसग्गा जायत्ति ।

अन्नया तेलोक्कतिलओ सयलगुणनिलओ सामी परियडंतो गओ मोरागसंनिवेशे, तत्थ दूइज्जंता नाम तावसरूवधारिणो पासंडिणो परिवसंति, तेसिं च अहिवई जलणसम्मो नाम, सो य मित्तो सिद्धत्थरण्णोत्ति पुव्वनेहेण सामिं दट्टूण सागयंति भणिऊण संमुहमुवट्टिओ, भयवयावि पुव्वपओगेण चैव बाहा पसारिया, तओ कुलवइणा ससंभमं आपुच्छिऊण पुव्ववत्तं भणिओ भयवं—कुमारवर! एत्थेव निवसह किंचिकालं, निप्पच्चवाओ एस आसमो, न य कोइ ज्ञाणविग्घकारी, वासारत्तस्सवि समुचिओत्ति, ता सब्बहा जइ संपयं न ठाउकामो तहांवि वासासु इहावसेज्जासित्ति बुत्ते सामी तव्वयणं पडिसुणिय तत्थेव एगराई बोलेइ । तयणंतरं च—

पणट्टपेमबंधणो असंखदुक्खनासणो । पसंतचित्तसुंदरो सथेज्जजित्तमंदरो ॥ १ ॥

वहूवसग्गसंगओ गओ व्व मंदगामिओ । मिओव्व सुन्नसेवओ व(पि)उव्व रक्खणुज्जुओ ॥ २ ॥

पारणं
तापसाश्रमे
गमनं.

॥ १४६ ॥

मङ्गलसेडकम्बडे अणेगलोगसंकडे । सुरिंदविंदवंदिओ परिन्भमेइ सामिओ ॥ ३ ॥

एवं च हिंदमाणस्स जयगुरुणो पजंतमणुपत्तो गिम्हसमओ, उवागओ वासारत्तो, तओ थणियसहं कुणमाणेसु राजलजलहरेसु मंदं मंदं निवडंतीसु वारिधारासु नियनियगेहमणुवचंतेसु पहियजणेसु माणससरं सरंतेसु रायहंसेसु नाभी पडिनियत्तिऊण समागओ तत्थेव मोरागसंनिवेशे, दिट्ठो कुलवई, समप्पिओ तेण पेससवस्समुवहंतेण संछन्नो गडो, गुत्थो तत्थ पलंथियभुओ काउस्सग्गेण भयवं, एवं वचंति वासरा ।

अहं वट्टमाणंमि पढमपाउसारंभे निट्ठिएसु चिरं संचियवुसतणपलालपमुहचारिविसेसेसु अणुग्गमंतेसु अभिणवत-
णार्इसु कत्थवि किंपि भक्खणिज्जं अपावमाणाइं गोरूवाइं छुहापरिगयाइं आगंतूण तेसु तावसगिहेसु छांयणतण-
भस्सणत्थमळियंति, तावसावि निट्ठुरलट्ठिप्पहारेण ताणि कुट्ठिऊण निट्ठाडिंति, दुवारट्ठिया य निचंपि सव्वायरेण
रक्खंति नियउडवए, गोरूवाणि तेहिं ताडियाणि इओ तओ परिन्भमिऊण अविज्जमाणरक्खणं भगवओ मढं
उवइंति, तावसावि नियगिहट्ठिया तं विलुप्पमाणं पेच्छिऊण भयवओ उवरि परिओसमुवहंति-अहो अम्हे निय-
उडवए रक्खेमो, एस पुण समणो मणागंपि न रक्खेइ, तां किं करेमो?, कुलवइणा धरिओत्ति न किंपि पारिज्जइ
पयपसं फरुसमुल्लविउंति, एवं च पइदिणं जायमाणे परूढगाढमच्छराणुवंधा एगया गया ते कुलवइसगासे, सोवा-
लंभं च भणिउमाढत्ता, जहा-सामि ।

श्रीगुणचंद
महावीरच०
५ प्रस्तावः
॥ १४७ ॥

तापसो-
पालम्भः

अह गिहे तुम्हेहिं कोऽविहु मुक्को उ जो इमो समणो । सो अचंतं नियकज्जकरणपडिवद्धवावारो ॥ १ ॥

एयंपि नो वियाणइ गोरुवेहिं जहागिहं एयं । पइदिणमुवहविज्जइ रक्खइ न खणंतरं एगं ॥ २ ॥

किं आलस्सं अहवाऽणुकंपणं अहव होज्ज व उवेहा । निदक्खिण्णत्तं वा न याणिमो तस्सऽभिप्पायं ॥ ३ ॥

अहवा मुणित्ति गोरुववारणं नो करेति स महप्पा । गुरुदेवपूयणपरा अम्हे समणा न किं होमो? ॥ ४ ॥

हे कुलवइ ! जइ रुट्ठोसि अम्ह तं उडवयं हणिज्जंतं । एण्णावि पओगेण वंछसे ता लहुं कहसु ॥ ५ ॥

जेण विसुंचामो तस्स संकहं को मए सह विरोहो? । रुट्ठोवि तोसणिज्जो जो किर को तेण सह माणो? ॥ ६ ॥

तुह चित्तवित्तिमवियाणिऊण णूणं मुहा कओ रोसो । तस्सोवरि अम्हेहिं का वा मूढाण होइ मई? ॥ ७ ॥

इय ईसाभरसम्मिस्सकोवदरफुरियअहरमुल्लविउं । दूइज्जंतगमुणिणो कुलवइपासाउ निक्खंता ॥ ८ ॥

ते य तहा गच्छमाणे दट्टूण कुलवई सद्वायरेण वाहराविऊण भणिउमाढत्तो, जहा-भो महाणुभावा ! किमेवं परिकप्पह?, को मज्झ दोसो?, मए वयंससिद्धत्थरायपुत्तोत्ति कलिऊण एयस्स मुणिणो गउरवं कयं, किं मए एयं वियाणियं? जं एसो एवं नियगेहमुवेहिस्सइ, एवं ठिएवि तहा करिस्सं जहा न विणस्सइ तुम्ह आसमो, एत्तो मा वहिस्सह संतावं, मा चित्तिज्जह कुविगप्पजालं, तुम्हाणं अवरो को मम पिओत्ति?, एवमायन्निऊण जायसं-तोसा गया ते जहागयंति, कुलवईवि गओ जिणसगासे, दिट्ठो उडवओ निलुत्तपुंखपुडविडओव नाममेत्तावसेसो,

॥ १४७ ॥

तं च पेच्छिऊण चित्तियं कुलवइणा-अहो सम्ममुवइट्ठं तेहिं वरागेहिं, मए पुवं वियाणियं-मच्छरेण एए जंपत्ति,
इयाणि पुण एवदंसणे जहावट्ठियं नायंति, एवं संकप्पिऊण भयवंतं भणिउमाढत्तो—

चउरासमगुरुणो तं मुजोऽसि सिद्धत्थभूवइस्स जओ । तइलोकपिहियकित्ती ता तं पइ किंपि जंपेमि ॥ १ ॥
तुज्झ पिउणावि एयं आसमपयमायरेण निचंपि । रक्खियमिणिह पुत्तय ! पालेयवं हवइ तुमए ॥ २ ॥
दुट्ठाण ताडणं चियं तुम्ह वयं तेण मुक्कपरिसंको । कीस न गोरूवाइं तणभक्खणओ निवारेसि ? ॥ ३ ॥
सउणीवि वच्छ ! नियनीडरक्खणं कुणइ सव्वजत्तेणं । भूभारधरणधीरो किं पुण तुम्हारिसो पुरिसो ? ॥ ४ ॥
जम्हारिसजइजणरक्खणट्ठया निच्छियं पयावइणा । तुम्हारिसा महायस ! निप्फाइज्जंति सप्पुरिसा ॥ ५ ॥
अत्तह गोरूवेहि व दुट्ठेहिं धम्मपचणीएहिं । उवहम्मंता अम्हे कं सरणं किर पवज्जंता ? ॥ ६ ॥
ता गिहनाहोष कुमार ! वससु तुह संतियं इमं सवं । पइं दिट्ठे पियमित्तं सिद्धत्थनिवं सरेमि अहं ॥ ७ ॥
इय संघवणोवालंभपणयसिक्खवणगम्भवयणोहिं । भणिऊण जिणं सो तावसाहिवो पडिगओ सगिहं ॥ ८ ॥
अह तेसिं भयवं तो गुणिउं अप्पत्तियं महासत्तो । जयजीवहिएक्करओ चित्तेउमिमं समाढत्तो ॥ ९ ॥
गज्झ निमित्तेण इमे पाविंति अवोहिवीयमइभीमं । ता सव्वहा न जुत्तं एत्तोऽवत्थाणमिह काउं ॥ १० ॥
इय भुवणगुरू संचित्तिऊण जाएऽवि वरिसवालंमि । ठाणाओ तओ चलिओ परपीडावज्जिणो गरूया ॥ ११ ॥

श्रीगुणचंद्र
महावीरच०
५ प्रस्तावः

॥ १४८ ॥

वर्षाकाले
विहारः
अभिग्रहाः

॥ १४८ ॥

एतो चिय अन्नेहिंवि परपीडावज्जणंमि जइयवं । जहसंतीए एयं जम्हा सद्धम्मसारोत्ति ॥ १२ ॥
एयं चेव भगवया वेरग्गकारणमुच्चहंतेण तिच्चा पंच अभिग्गहा गहिया, तंजहा-अचियत्तकारण उग्गहंमि न
वसियवं, निच्चं उस्सग्गं करेयवं, एगदुवयणवज्जं सोणेण ठाइयवं, पाणिपत्ते भोत्तवं, एगे किर सूरिणो एवं भणंति,
तं च किर कहं?—सपत्तो धम्मो पन्नवेयवोत्ति भगवया पढमपारणगे परपत्तंमि भुत्तं, तेण परं पाणिपत्तंमि जाव
छउमत्थोत्ति, गिहत्थो य न अब्भुट्टेयवोत्ति पंचमो, एवं च गहियपंचाभिग्गहो अद्धमासावसाणे तत्तो नीह-
रित्ता अट्टियग्गामंमि वच्चइ, तस्स पुण अट्टियगामस्स पढमं वद्धमाणनाममासि, तं च किर कहं ववगयंति?
निसामेह कारणं—

कोसंबीए नयरीए असंखदविणसंचओ धणो नाम सेट्ठी परिवसइ, तस्स अणेगोवजाइयसएहिं पसूओ धणदेवो
नाम पुत्तो, अचंतं पाणप्पिओ वीसासट्ठाणं च, सो य अन्नया अणेगकुवियप्पदुट्ठसत्तभीसणं समुल्लसंतमयणकुसुमसरं
रंगंततण्हामिगवण्हियापडलं दुवारपसरेंदियचोरभयावहं दुरुत्तारमूढयामहानिन्नगाविसमं अरन्नं व रउहं संपत्तो
तारुणं, तवसेण य वसइ वेसागिहेसु रमइ जूयं पइदियहं विद्वइ अत्थसंचयं, कुणइ विविहे विलासे, उवचरेइ दुल्ल-
लियगोट्टिं, पोसेइ नडनाडइज्जगायणंपमुहं अनिवद्धं जणं, नाऽवेक्खइ कुलमेरं न परिचितेइ सयणाववायंति, एवं
च वचंतेसु य वासरेसु खीणेषु दवपडिपुण्णमहानिहाणेषु, सुन्नीभूएसु कोट्टागारेसु चिंतियं धणसेट्ठिणा-अहो

अज्जपज्जयाइपुरिसपरंपरागयंपि अपरिकलियसंखंपि खयं व पत्तमियाणिं मम धणं, ता न जुत्तं एत्तो पुत्तस्स उवेहणंति
निच्छिऊण एंगंते भणिओ धणदेवो-पुत्त! तुम्हारिसाणं उवभोगाइनिमित्तमेव अंत्योवज्जणमम्हाणं, न एत्तो
विसिट्ठं ठाणमत्थि, केवलं जराज्जरियसरीरोऽहमियाणिं असमत्थो चंकमणमेत्तेऽवि अखमो समहिगभासियवेवि
अपरिहत्यो कलाकोसल्लेवि, ता वच्छ! तुमए एस सवो कुडुंवभारो धम्मववहारोय अणुचिंतणिज्जो, सो य अत्थं
विणा न तीरण सुहुत्तमवि सोढुं, अत्थोत्ति नाम पवरो पुरिसत्थो, तहाहि—

अत्थेण सुगुणमुणिजणंखेत्तनिहित्तेण सुहफलोणमियं । निष्फाइज्जइ संद्धम्मसस्सयं विणु पयासेण ॥ १ ॥
किं पुत्त! तए न सुयं जिणाण दिन्नाउ जेहिं भिक्खाओ । पढमाउ ते य तम्मिवि केऽवि जणा सिवपयं पत्ता ॥ २ ॥
केई तइयभवेणं सुरवरसोकखाइं भुंजिउं धीरा । सट्ठाणनिहित्ततहविहऽत्थसामत्थओ सिद्धा ॥ ३ ॥
अत्थेणं चिय कोमुइमयंकतुल्लाणणाउ तरुणीओ । आवद्धपाणिसंपुडमाणाए लहुं पयट्ठंति ॥ ४ ॥
निंदियकुलुम्भवोविहु सयलकलावज्जिओविहु धणेणं । पुरिसो गुरुव देवोव पुच्छणिज्जो हवइ लोए ॥ ५ ॥
जे सूरा समरसिरे जे माणेणं गिरिंदसारिच्छा । जे भवकववंधेण जंति किंत्तिं परं भुवणे ॥ ६ ॥
जे रूवमरट्ठेणं मयरद्धयमवि हसंति किर पुरिसा । अत्थट्ठाण जणाणं तेवि हु सेवं पवजंति ॥ ७ ॥
अच्छउ दूरे जन्नो नियगिहिणीऽविहु न जेण धणहीणं । आयरइ नरं पुत्तय! सयलोऽविहु लज्जए तेण ॥ ८ ॥

चिरसंथुयावि चिर(सह)कीलियावि निचं कओवयारावि । गोहचकारगंपिव मित्तावि सुयंति धणरहियं ॥ ९ ॥
किं बहुणा दढदालिदूमि(स)यं माणुसं विणासंतो । सवंकसो कयंतोवि पुत्त ! आलस्समुच्चहइ ॥ १० ॥
इय सवगुणाहाणं सधणत्तं तदियरं च दोगच्चं । नियवुद्धीए नाउं पुत्तय ! उचियं समायरसु ॥ ११ ॥
जइ ववसायं वंछसि काउं दविणज्जणत्थमिह भइ ! । ता एसो पत्थावो जावऽज्जवि अत्थि किंपि धणं ॥ १२ ॥
सव विणासे जाए अग्गिपि समप्पिही न ते कोऽवि । किं पुण ववहारकए भंडोल्लं जीविगाजोग्गं ? ॥ १३ ॥
एवं निसुणिऊण भणियं धणदेवेण-ताय ! जइ एवं ता किं तुमए उवेहिओऽहमेत्तियं कालं ? किं मए
अवगणियं कयाइ तुमह वयणं ? दंसिया अणुचिया पडिवत्ती ? सुरुद्धताडणेणवि पासिओ विख्वो मुहरागो ?
जं विणस्समाणेऽवि घरमारे ण सिक्खविथोऽम्हि, अहवा अलं पुव्वगयवइयरसोयणेण, पसीयह मे, देह
आएसं, दुद्धमहिलं व आकरिसेमि दूरगयंपि लच्छि, नंदह तुव्भे वहुं कालं केत्तिमेत्तमेयंति, सेट्ठिणा भणियं-
पुत्त ! किं न सुणेमि तुह कलाकोसल्लं, न जाणामि साभावियं भुयवलं ?, न लक्खेमि अंगीकयभरधुरधव-
यस्सवि पुत्त ! किमसज्जं तुह परकमस्स ?, ता इयाणिंपि कुणसु समुज्जमं पूरेसु पणइज्जणमणोरहे दलेसु दुज्जणदुद्ध-
चित्तियं अब्भुद्धरेसु विहलियं जणं पयडेसु मयंकनिम्मलं नियकुलंति, धणदेवेण भणियं-ताय ! किं पुणरुत्तवयणवित्थ-

रेणं ? पगुणीकरेसु सपडि सत्थं सव(मग्ग)संवाहगं च, इय भणिए सेट्टिणा नाऊण से निच्छयं वाहंराविया नियपुरिसा,
 भणिया य-अरे! करेह संवलगाइसमेयं समग्गं मग्गसंवाहगं, संजत्तेह विविहमहामोल्लभंउपडिपुण्णं सगडसमूहं
 उवणेह वलिट्ठं लडरांधगोणगणं पपत्तेह कम्मकरजणं वाहरह पहरणत्थं गोहसत्थंति, जं सामी आणयेइत्ति पडिसु-
 णिऊण गया पुरिसा, अकालविलंबं समायरियं सपं, निवेश्यं च सेट्टिणो, सो य धणदेवो ण्णाओ कयविलेवणो केस-
 पत्तसियकुसुमो परिद्धियपंडुरवत्थो पणयदेवगुरुचरणो आपुच्छियजणणिजणगसयणवग्गो गणिमधरिममेयपारिच्छे-
 ज्जपडिपुत्तपंचसयसगडीसत्थसमेओ सुगुडुत्ते पट्टिओ पुरदेसंतरं, ताहे पेच्छंतो अपुपापुपसंनिवेशे किणंतो अत्तोत्त-
 भंडां, आपुच्छंतो देसंतरसमायारं, विण्णासंतो विचित्तभासायिसेसे, देतो दीणतुत्थियाण दाणं अण्णओ दीहग-
 ताणं, कमेण रणज्जणिरवसहकंठपलंबन्तघंटिगारापनिरुद्धावरसहवायारो अणेगसदाइजणवयद्विगंशियागणो पडुत्तो
 पत्तमाणगमासमीगं, तस्स य अन्तरायि समनिजुत्तगंभीरखडुपिसमप्पवेसा आनाभिगेत्तमुत्तुमपेलुगापडहत्थपिसा-
 ल्पुलिणां महल्लचिक्खणाणुजित्तुच्छसलिला वेगपई नाग नई, तद्धिं च पपिद्धाओ सगडीओ, ताओ पुण उभयपा-
 सावलंमिणा जणेण सुसमणेणेण परिणपणणेण (परिणपणणेण) सारद्धिणा निगिण्णत्तेण पसहनिवहं फोहालाइणा पगु-
 पिच्छंतेण चक्कमग्गेण कइकइयि कट्टेण पापियाओ अत्तमग्गं, अह विसमत्तणओ नदीए पुरपहशीणसागतत्तणओ
 वत्तभाणं अइभारिणत्तणओ संगडीणं चाडमासासिया सारद्धिणो अविगणिगकससं(णं)पाइपाया निवडिया गधीयले

श्रीगुणचंद्र
महावीरच०
५ प्रस्तावः

॥ १५० ॥

वलीवद्वा, वाढमुविग्गो धणदेवो, वाडलीहूओ परियणो, तत्थ य सत्थे एगो वसभो सयलगोमंडलप्पहाणो सप्पुरिसो
इव लीलाए चिय समुद्धरियमहाभारो विसमप्पएसनित्थारणसमत्थो य अत्थि, सो य तहाविहविसमनिवडिएण
सुमरिओ धणदेवेण पप्फुक्कारपुवयं च सक्कारिऊण जोत्तिओ सो सगडीए, तक्खणं अखेवेण य गओ सो निक्खवडसा-
मत्थेण गहिऊण लीलाए भारियंपि तं नईए परकूलं, जहा सा एगा, एवं पंचसयाणिवि सगडीणं निवाहियाणि
तेण विसमप्पएसउत्ति । अविय—

एगत्तो सो वसहो अन्नत्तो सयलगोणसंघाओ । उत्तारइ सगडीओ सव्भावस्सत्थि किमसज्झं ! ॥ १ ॥

अइदुद्धरभरपरिकहुणेण तुट्टं तडत्ति से हिययं । वयणुग्गीरियरुहिरो धसत्ति धरणीयले पडिओ ॥ २ ॥

तं च तारिसमवत्थंतरं पत्तमवलोइऊण धणदेवो परिसुक्कसेसकायवो सोयभरमुवहंतो वाहरावेइ विज्जे, कारवेइ
चिगिच्छं, सयमेव समीवट्ठिओ बंधवं व मित्तं व पडिजागरेइ, अन्नदिवसेय भणिओ सो परियरेण जहा—सत्थवाह ! किमे-
गगोणनिमित्तं उवेहिज्जांति नियकज्जाइं ? किं न सुणह तुब्भे सीयंति वणियपुत्ता ? विणस्संति कियाणगाइं ? वोलंति
बहवे वासरा, समीवमणुसरइ वासारत्तोत्ति, धणदेवेण भणियं—एवमेयं, किं तु न सक्केमि एयं वरागं परममित्तं व
सव्भावसारं मोत्तुं, परियरेण भणियं—तुब्भे जाणह जमेत्थोचियंति, तओ तप्परिहारकायरमणेणवि धणदेवेण सदा-
विया वद्धमाणगगामप्पहाणा पुरिसा, सुहासणत्था तंवालाइदाणेण सम्माणिऊण सप्पणयं वसहस्स समक्खं

भणियं जहा-एसो मम पवरवसभो एरिसदुठ्ठ्याममवत्थंतरं पत्तो ता तुम्हेहिं एयस्स इमिणा रुवगसएण ओसह-
चरणाइचिंताए संमं वट्टियवं, एसो तुम्ह नासगो इव समप्पिओ मए, न सबहा अन्नहा कायवंति निरुविऊण सो
मयहत्तरजणे मोयाविऊण वसहस्स पुरओ बहुं चारिं पाणियं च ससिणेहं खामिऊण य तं जहाभिमयं गओ धणदे-
वसत्थंवाहो । सो य वसभो गाढवेयणाभिभूओ जेट्टमासदिणयरनिदुरकरोलिकरालिओत्ति गिम्हुणहतत्तमहियलडज्झमा-
णदेहो विरसमारसंतो दिणं गमेइ, तंपि से तिणाइयं अवरगोरुवेहिं भक्खिज्झइ, सोऽवि चारिवारिरहियत्तणेण गाढ-
वाहिपीडियत्तणेण य सदीणं दिसाओ अवलोएमाणो तणसलिलहत्थे तं पएसं वोलंते जणे दट्टूण चित्तेइ-नूणं मम
निमित्तं एए इममुवाहरंत्ति, लोगोऽवि तं अइकमित्ता नियनियकज्जेसु पयट्टइ, एवं च सो वसभो पइदिणं तहा-
दंसणविहलियासो, चम्मट्टिपंजरावसेसो एवं सो परिकप्पेइ-अहो महापाविट्ठो वज्जगंठिनिदुरमाणसो निग्घिणो
चंडालविसेसो असच्चसंधो कलिकालकलिलकलुसिओ एस गामजणो जेण मम एवं दुहियस्स अच्छउ दूरे करुणाए
तण्णपूलगाइदाणं जं तइया धणदेवसत्थवाहेण मम समक्खं जवसाइ जीवणमप्पियं तंपि गसिऊण ठिओत्ति । एवं
च पइदिणं पओसमुवहंतो अकामतण्हाए अकामच्छुहाए अकामतिववेयणाए आउलीकयसरीरो महानगरदाहंमज्झ-
पडिओ इव देहदाहाभिभूओ मरिऊण तंमि चेव गामे अग्गुज्जाणे सूळपाणिनामो वाणमंतरो समुप्पन्नो, तहिं च उव-
वण्णो समाणो तहाविहं देवरिद्धिं पेच्छिऊण विमरिसिउमारद्धो-अहो मए पुवभवे किं दाणं दिज्जं ? किं वा तवं

तवियं? कस्स वा उवयारे ठियं? को वा धम्मो सम्ममाराहिओ? कत्थ वा सुत्तित्थे सरीरच्चाओ कओत्ति?, इइ
विमंसिऊण पउत्तो ओही, दिट्ठं च तं तहाविगरालरूवं वलीवद्दसरीरं, ताहे समुच्छलिओ से महाकोवानलो वियं-
भिओ अविवेओ समुल्लसिओ अकज्जकरणपरिणामो, तयणंतरं पेच्छंतु दुरायारा नियपावपायवस्स फलंति विभाविं-
तेणं तेण विउविया सयलगामवासिजणाण मारी, तप्पभावेण य अणवरयं मरिउमारद्धा उत्तिममज्झिमजहन्ना
बहवे जणा, जायंति य पइदिणं अकंदियरवा । कहं चिय?—

हा नाह! पाणवल्लह! कत्थ गओ मज्झ देसु उल्लावं । हा हा कयंत! निक्खि व! कह सहसा चवसिओ एवं? ॥१॥
हा वच्छ! किमुच्छंगेऽवि तं गओ अइगओ सि पंचत्तं । मम मंदभाइणीए अहो किलेसो मुहा जाओ ॥ २ ॥
हा जणणि! तहा कट्ठेण पालिउं मं निलक्खणमियाणिं । कह निरवराहएचिय न देसि तं मज्झ पडिवयणं? ॥३॥
हा भाय! बंधुवच्छल! हा हा तं भइणि! निक्खवडपेम्मे । एकपए चिय चलियाइं कीस मुत्तूण मं दुहियं? ॥४॥
हा वच्छे! बहुदविणव्वएण परिणाविया पयत्तेण । तहविहु इमं अवत्थं संपत्ता हा हयासोऽम्हि ॥ ५ ॥
हा जक्खबंभहरिसूरबुद्धजिणखंदरुद्दपमुहसुरा । तह पूइयावि संपइ किमुवेक्खह तो कुणह रक्खं ॥ ६ ॥
इय अणवरयं तियचचरेसु लोयस्स रोयमाणस्स । परिमुक्कावरकज्जस्स जंति दुक्खेण दिवसाइं ॥ ७ ॥
एवं च जुगंतसमएव रोगेहि य छिद्दपवेसेहि य पियजणविरहदुक्खेहि य हिययसंघट्टेहि य मरमाणंमि अणेगलोगे-

गुन्नीभवन्तेसु पवरमंदिरेसु बुच्छिज्जमाणेसु य अइगरुयकुलेसु मड्यकोडिसंकुलासु गामरत्यासु भयभीओ अवसेसो
 जणो जीवियरक्खणनिमित्तं लिहावेइ रक्खावलयं पाणिपल्लवेसु बंधेइ दिवोसहीओ कुणइ महागहपूयं समायरइ
 पियरपिंडप्पयाणं परावत्तेइ विविहमंते समीवट्ठियं धरइ दिवमणिगणं पयट्टावेइ होमविहिं आपुच्छइ जाणयजोइ-
 सिए समारंमइ गिहदेवयाणं ण्हवणवल्लिपूयामहसवं, अन्नंपि जं कोइ समाइसइ तं सवं तंहट्ठियं निवत्तेइ, तहवि
 ओइणमहाजरोव पढमच्छुहाभिभूयपंचाणणोव निकाइयकम्मनिवहोव न मणागंपि सो सुलपाणिवंतरो उवसमं
 गच्छइत्ति । अह गामजणो अणिवत्तगं दट्ठण मारिं धणकणगसमिद्धां गोमहिसितुरगाइपरिकिन्नाइं गिहाइं मोत्तूण
 जीवियट्ठयाइं नियनियकुडुंवाइं घेत्तूण अन्नन्नगामेसु गओ, तत्थवि गयं महावेरिओव उवइवइं सो तंगामेवासिलोयं,
 एगया य तेसिं चिंता जाया-न नज्जइ तत्थ अहेहिं देवो वा दाणवो वा खेत्तवालो वा जक्खो वा रक्खसो वा
 विराहिओ होज्जा, तम्हा ताहिं चेव गंतूण पसाएमोत्ति संपधारिऊण समागंयां तत्थेव गामे, उवट्टाविया वलिकुसुम-
 धूवाइसामग्गी, तयणंतरं ण्हाया पंडुरवत्थकयउत्तरासंगा लवंतविमुक्ककेसा सवसमुंदाएणं तियचउक्कचचरेसु
 पडिसडियभूयगिहेसु रुहखंदावसहेसु उज्जाणेसु य वलिं च कुसुमंपयरं च सुंचमाणा उहसुहा जोडियकरंजलिणो
 एवं जंपिउं पउत्ता—

भो अंतरिक्खनिलया देवासुरजक्खरक्खकिंपुरिसा । दिवाइसयसमेया निसुणह विन्नत्तियं एयं ॥ १ ॥

इस्सरियमएणं वा अन्नाणेणं व अविणएणं वा । जं अवरद्धं तुम्हं तं सच्चं खमह अम्हाणं ॥ २ ॥
 पणएसु सदुच्चरिओहखामणाउज्जएसु सत्तेसु । जं तुम्हारिस देवा खमंति गरुयावराहंपि ॥ ३ ॥
 कोवस्स फलं दिट्ठं पेच्छामो संपयं पसायस्स । इति भणिए सो देवो गयणठिओ वुत्तुमारद्धो ॥ ४ ॥
 रे रे विणट्ठसीला ! धट्ठा निप्पिट्ठसिट्ठजणचिट्ठा । लोहमहागहनडिआ एत्तो मे खामणं कुणह ॥ ५ ॥
 तइया न सरह पावा वसहस्स लुहाइणा किलंतस्स । तणजलसमप्पणेणवि अणुकंपा जं न विहियत्ति ॥ ६ ॥
 नियसयणवग्गमरणे जाए संतावमुग्गमुव्वहह । वसहे तहा मयंभिवि न थेवमेत्तोऽवि भे सोगो ॥ ७ ॥
 अलमहुणा भणिएणं वच्चह दूरेवि नत्थि भे मोक्खो । खलविसवेह्लिं आमूलओवि छिंदेमि दुहहेउं ॥ ८ ॥
 इय तच्चयणमायन्निऊण भयवसकंपंतसरीरा धूवकडुच्छुयहत्था सुरभिपुप्फपुंजोवयारं कुणमाणा जय जीव नंदाइ-
 कोमलवयणेहिं थुणंता अट्ठंगं निवडिया महीए, भणिउमाढत्ता य-देव ! सच्चमेव अवरद्धमम्हेहिं, नत्थि तुम्ह एत्था-
 वराहो, तहावि पसीयह इयाणिं, आइसह इमस्स दोसस्स निग्घायणनिमित्तं पायच्छित्तं, 'अइकंतत्थमुमरणं विह-
 लं चिय विणट्ठकज्जंमि' किं बहुणा ?, खित्तं नियसिरं तुह चरणपुरओ, कुणसु जं किंपि कीरइ सरणागयाणंति भणि-
 ऊण अग्घदाणपुरस्सरं पुणो पडिया चरणेसु, एवं च निसामिऊण सूलपाणिवंतरो मणागं उवसंतचित्तो भणइ-जइ
 एवं ता एयाणि माणुसट्ठियाणि एगत्य पुंजीकाऊण उवरि पवरं कणंतकिंकिणीधयवडाडोवमणहरं देवहरयं विर-

श्रीगुणचंद
महावीरच०
५ प्रस्तावः
॥ १५२ ॥

एह, अब्मंतरे वलीवहाणुगयं जक्खपडिमं पइट्टवेह, निचं वलिकुंसुमचणियं पयट्टेह, एवं कुणमाणानं तुम्हांणं जीवियं देमि, न अन्नहत्ति, तओ जं देवो आणवेइत्ति तं तहत्ति विणएण सासणं सिरेण पडिच्छिऊण तेहिं गामस्स अदूरदेसे जहोवइट्टं तहेव कारवियं तस्स मंदिरं, इंदसम्माभिहाणो य निरुविओ तत्थ देवचओ, आयेण तिसंझं कीरइ पेच्छणयंति । एवं च अणेगमाणुसट्ठिनिचयपूरियत्तणेण इंतजंतेहिं पहिएहिं अन्नगामजणपुच्छिऊणमाणेहिं तस्स अट्ठिगामोत्ति नामं कयं, पसिद्धिं च सब्बत्थ संपत्तं । एएण कारणेण अट्ठियग्गामं जायंति । तत्थ पुणवाणमंतरघरे जे तडियकप्पडियाइणो भग्गपरिस्समपीडिया परिवसंति रयणीए ते सूलपाणी पुट्टीए आरुहिऊण चिरं तावं वाहेइ जाव न सक्केति पयमवि दाउं, पच्छा किलिकिलारावं कुणमाणो केइ तिंदूसगं व गयणे उल्लालिऊण अहो निवडंतेसु तिक्ख-खग्गेण छिंदइ केइ चरणेसु गहिऊण चत्थं व सिलायलंमि पच्छाडेइ केइ घंटं व दुवारतोरणे पलंवेइ केइ खंडाखंडिं काऊण वलिं व सब्बदिसासु पक्खिवइ, एवंविहजायणाहिं पहियजणं विणासेइ, तब्भएण य गामलोगो दिवसे अ-च्छिऊण वियाले सगिहेसु वचइ, इंदसम्मदेवचगोऽवि ध्रुवं पईवं पूयं च से काऊण दिवसओ चेव निक्खमइत्ति ।

एवं वचंतेसु वासरेसु भयवं महावीरसामी तावसासमाओ समागओ समाणो तं वंतरसुरं वोहिउकामो देवचगं भणइ-अहो एत्थ जक्खगिहे अम्हे निवसामो?, तेण भणियं-गामो जाणइ, तओ भग्गवया तत्थेव मिलिओ सयलो गामजणो अवत्थाणनिमित्तेणमापुच्छिओ, लोणेणवि अचंतसोभसस्सिरीयरूवं भयवंतं दट्टूण भणियं-देवज्जग! न सका

श्रीगुणचंद्र
महावीरच०
५ प्रस्तावः

॥ १५३ ॥

एत्थ वसिउं, एहि गाममज्जे, गिण्हाहि जहाभिरुइयं अम्ह गिहेसु वसहिं, भयवंपि अणिच्छमाणो भणइ-इत्येव
अणुजाणह, लोणेण भणियं-जइ एवं ता ठाहत्ति, ताहे गंतूण एगंमि कोणे पडिमं ठिओ सामी, सो य इंदसम्मो
पच्छिमसेलसिहरं संपत्ते दिवसयरमंडले घूववेलं निम्मविऊण कप्पडियाइतडियवग्गं निस्सारित्ता भयवंतंपि
भणइ-देवज्जगा ! तुब्भेवि नीहरह, मा इमिणा जक्खेण मारिज्जिहिह, सामीवि असुणमाणोव तुसिणीए य गमेइ,
पुणो पुणो इय भणंते य देवचगे सो वंतरसुरो चिंतेइ-अहो कोऽवि एस देवचएणं गामजणेण य भणिज्जमाणोवि
न गओ एत्तो ठाणाओ, ता पेच्छिही जमज्ज करिस्सामि, वहूणं दिवसाणं दिट्ठियाखेलणगमुवागयंति । एत्थंतरे अत्य-
मिओ दिणयरो समागया संज्ञा, सट्ठाणं गओ देवचगो, काउस्सग्गे ठिओ भुवणबंधवो ।

ताहे काउस्सग्गे ठियस्स सो भेसणट्ठया गुरुणो । जुगविगमघोरघणघोसविब्भमं भेसियजणोहं ॥ १ ॥

अट्ठट्ठहासमसमं चाउदिसिपसरियं महाभीमं । उच्छलियवहलपडिसइनायविप्फारियं कुणइ ॥ २ ॥

गामलोओऽवि तं सहं सोऊण भयसंभंतो परोप्परं भणइ-अहो एसो देवज्जगो महाणुभावो जक्खेण मारिज्जइत्ति,
तत्थ य उप्पलो नाम परिघायगो पासजिणतित्थपुव्वपडिवन्नसामन्नो भोसुप्पायसुमिणंतलिकखअंगसरलक्खणवंजणरूव-
अट्ठंगमहानिमित्तसत्थपरमत्थवियाणगो लोगाओ एरिसो तारिसो देवज्जगो जक्खेण मारिज्जिहित्ति निसुणिऊण मा
तित्थं करो महावीरो पडिवन्नदिकखो होज्जत्ति संकियमणो वंतरगिहे य तब्भएण गंतुमचाइंतो अद्विइं काउमारद्धो ।

भगवदा-
गमनं.

॥ १५३ ॥

सो य सूलपाणी जाहे अदृष्टहाससंदेण भयवं न भीओ ताहे पिसायरुवं विउवइ, तं च केरिसं ?—

अइकविलयूलं विरफेसोहच्छन्नगयणयलमज्झं । अविपकसुकंतुं वयसरिच्छवीभच्छवयणिल्लं ॥ १ ॥

दिसिकुंजरकुंसागारदूरनिकसियकलुसदसणंगं । चिविडग्गघोरघोणानिलकंपियकविलमुहलोमं ॥ २ ॥

लं विरवलिचम्मोणद्धमडहवंच्छत्यलट्टिसंधायं । पिट्ठावलग्गालिंजरकंपरसमजरढंजठरतलं ॥ ३ ॥

तालतरुजुयलदीहरनिम्मंसणहारुनद्धजंघजुयं । ठाणट्ठाणोलं वियपलंवतंडवियंफणसप्पं ॥ ४ ॥

अइवेगमुक्ककमभरयरहरियससेलमेइणीवट्टं । कक्खंतरालनिग्गहियमडयपिसायासणाभिरयं ॥ ५ ॥

अइकुडिलकत्तिउकत्तियंगिनिस्सरियरुहिरपाणपरं । उच्चवियपयंडभुयं पावसमूहं व पच्चक्खं ॥ ६ ॥

इय एयंविहरुवं पिसायमवि पासिऊण जयनाहो । मसगं व अंवगणितो धम्मज्झाणं विचितेइ ॥ ७ ॥

ताहे स सूलपाणी उवउत्तो पेहए जिणवरिंदं । मेरुव निप्पकंपं निच्चयचित्तं पवरसत्तं ॥ ८ ॥

तयणंतरं च पुणरवि भेसणकज्जेण सो महापावो । निसियग्गकुंतभीसणउग्गविसुग्गाढदाढालं ॥ ९ ॥

अविकलियरोसवसनिस्सरंतविसमिस्सजलणजालोहं । पप्फुरियफारफुंकारवायभजंततरुनियरं ॥ १० ॥

पियडुम्मडचडुलफणाकडप्पपडिरुद्धदिसिमुहाभोगं । सिरियणकिरणसंचयदावियगुरुवणदवासकं ॥ ११ ॥

कलिकालपढमभित्तं व तिवदुरिओहभूरिरासिं व । जमपासंपि व सक्खा महिमहिलावेणिदंडं व ॥ १२ ॥

श्रीगुणचंद्र
महावीरच०
५ प्रस्तावः

॥ १५४ ॥

संपं विउवइ महं तो सो सामिं निएण देहेण । आगंतूणावेढइ वाढं थंभं व रज्जूए ॥ १३ ॥ पंचहिं कुलयं ।
पुच्छच्छडाए ताडइ सच्छंदं दसइ तिकखदसणेहिं । कंठस्स पीडणेणं कुणइ निरुस्सासयं सहसा ॥ १४ ॥
अह अट्टहासभीसणपिसायनागोवसग्गकरणेवि । अविचलचित्तं मुणिरुण जयगुरुं गाढकुवियमणो ॥ १५ ॥
सो सवं सघरिं जाव अचंतरउइं दुरहियासं सत्तविहं वेयणं भगवओ करेइ, तंजहा—सीसवेयणं सवणवेयणं नयणवेयणं
दसणवेयणं नहवेयणं नासावेयणं पिट्ठिवंसवेयणं, एयाणं वेयणाणं एक्केक्कावि समत्था पागयनरस्स जीवियं ववकमिउं, किं
पुण सत्त एयाओ एगकालपाउब्भूयाओ अणाइक्खणिज्जरूवाओत्ति?, भयवं पुण ताओ सम्ममहियासेइ, सो य वाणमंतरो
जाहे न पारेइ भयवंतं भेसिउं वा खोभिउं वा ताहे वाढपरिस्सममुवगओ अहो निष्फलो मम वाचारोत्ति कयचित्तसं-
तावो धीरिमारंजियहियओ य भयवंतं पायवडिओ सवायरेण भणइ—भयवं! खमह मम अवरहं, अयाणमाणेण तुम्ह
सामत्थं सुचिरं मए अवरद्धंति, एत्थंतरे नियकज्जकरणवावडचित्तो तक्खणसुमरियसुरवइजिणभलावणावयणो सो सि-
द्धत्थदेवो दट्ठूण भयवओ तिवोवसग्गं धाविओ वेगेणं, पत्तो तं पएसं, भणित्तमारद्धो य—अरे रे सूलपाणिवंतराहमा!
अचंतदुट्ठलक्खणा दोगच्चमच्चुपत्थगा विसुद्धबुद्धिवज्जिया न जाणसि खलियारंतो इमं सिद्धत्थरायपुत्तं भयवंतं चरि-
मतित्थयरंति?, जइ रे दुरायार! एयं वइयरं सको कहवि जाणंतो ता को जाणइ तं किंपि पावित्तोत्ति?, सो य एव-
मायन्निरुण वाढं भयभीओ चउग्गुणं पुणो पुणो जिणं खामेइ, सिद्धत्थो य तस्स धम्मदेसणं काउमाढत्तो जहा-

शूलपाण्यु-
पसर्गाः.

॥ १५४ ॥

वीररागो देवबुद्धीए गहियवो, साहुणो य गुरुबुद्धीए परिभावियवा, तत्तत्थसद्वहणं कायवं, सबपाणीणं पीडा परि-
 वज्जियवा, पुषदुचरियाइं भुज्जो भुज्जो गरहणिज्जाइं, जओ एकसिं कयाणंपि तिषपओसेण पावाणं कोडाकोडाइरूवो
 दुहविवागो हवइत्ति, सूलपाणीवि एवमायन्निऊण अणेगलोगक्खयसुमरणउप्पन्नातुच्छपच्छायावो जायसंमत्तो अचंत-
 भवविरत्तचित्तो असेसदोसपसमणट्ठा तिहुयणपहुणो पुरओ गीयनट्टमहिमं काउं पयत्तो, गामवासिलोगोऽवि गीया-
 इसहं सोचा चित्तेइ-अहो तं देवज्जयं जक्खो मारित्ता इयाणिं परितुट्ठो सच्छंदमेवं कीलइत्ति, भयवंपि चत्तारिं रयणि-
 जामे देसूणे परिताविओ समाणो पभायकाले सुहुत्तमेत्तं निहापमायसुवगओ संतो इमाइं दस महासुमिणाइं पस्सइ,
 कहं १, जहा फिर मए तालपिसाओ उह्वं बहुमाणो निहओ १ पंडुरो(सउणो)चित्तकोइलगो य दुवे पज्जुवासमाणा
 दिट्ठा २-३ सुरहिकुसुमगंधुद्धुरं दामदुगं ४ गोवग्गो य पज्जुवासणापरो ५ पउमसरो विबुद्धपंकओ अवलोइओ ६
 कलोलमालाउलो सायरो समुत्तिण्णो भुयाहिं ७ पइण्णरस्सिमंडलं चक्खुगोयरसुवगयं दिणयरविंवं ८ नियंतेहिं
 माणुसुत्तरगिरी परिवेढिओ ९ मंदरसिहरं चारूढोत्ति १०, एवं एए दस सुमिणे पासित्ता पडिबुद्धो सामी । एत्थंतरे
 समुग्गओ सूरुओ, समागओ धूवकुसुमक्खयहत्यो सयलगामजणो उप्पलनेमित्तिगो य, ते य दिवगंधच्चुण्णपुप्फवासेहिं
 समच्चियं अक्खयसरीरं सामिं पेच्छिऊण उक्कुट्टिसीहनायं करेमाणा चरणेसु पडिया, परोप्परं भणिउमेवं पवत्ता
 य-अहो देवज्जगेणं जक्खो उवसामिओ, तेणेसा पूया कयत्ति, उप्पलोवि परियाणिऊण भयवंतं पहिट्ठो, वंदिऊण

श्रीगुणचंद्र
महावीरच०
५ प्रस्तावः

॥ १५५ ॥

चलणजुयलंतिं निसन्नो, अहं भगवतो काउस्सग्गावसाणंमिं पुणरवि नमंसिऊण अट्टंगनिमित्तसामत्थओ मुणियसु-
मिणाइवइयरो भणिउमारद्धो-सामि! तुब्भेहिं अंतिमराईए दस सुमिणा दिट्ठा, तेसिं इमं फलं-जो किर तालपि-
साओ महादेहो निहओ तमचिरेण मोहणियकम्मं उम्मूलेहिसि, जो य सियसउणो तं सुक्कज्झाणं झियाइहिसि, जो
विचित्तो कोइल्लो तं दुवालसंगं पण्णवेहिसि, गोवग्गेण य जं तुमं परियरिओ तं ते चउविहसमणसमणीपमुहो चउ-
विहो संघो भविस्सइत्ति, पउमसरा य चउविहो य देवनिकाओ तुमं पज्जुवासेही, जं च सायरमुत्तिण्णो तं संसारमुत्त-
रिहिसि, जो य सूरुओ अवलोइओ तमचिरेण केवलनाणं उप्पज्जिही, जं च उदराउ निस्सरिऊण अन्तेहिं माणुसुत्तरगिरी
वेढिओ तं ते निम्मलजसकित्तिपयावा सयलतिहुयणे अनिवारियपसरा परिभमिस्संति, जं च मंदरसिरमारूढो तं
सीहासणत्थो सदेवमणुयासुराए परिसाए धम्मं पन्नविहिसि, जं च दामदुगं तस्स फलं न याणामि, सामिणा
भणियं-हे उप्पल! जं तुमं न याणेसि तमहं कहेमि, जं इमं दामदुगं तमहं दुविहं सागारमनागारियं धम्मं पन्नवेहा-
मित्ति, एवं निसामिऊण हरिसुल्लसियपुलयजालो उप्पलो नमंसिऊण जयगुरुं जहागयं पडिनियत्तोत्ति । भयवंपि धम्म-
ज्झाणपरायणो कालं गमेइ ।

अहं अद्धमासखमणेहिं जयगुरुवि गमिऊण चउमासं । विविहाभिग्गहनिरओ अट्टियगामाओ निक्खंतो ॥ १ ॥
ताहे स सुलपाणी जक्खो अणुगच्छिऊण भयवंतं । पयकमलनिलीणसिरो भत्तीए भणिउमाढत्तो ॥ २ ॥

भगव-
त्स्वमाः

॥ १५५ ॥

नाह ! तुह तिषउवसग्गकरणओ नत्थि मम समो पावो । जं एत्थ तुमं बुच्छो तेण कयत्थोऽवि नेवत्थि ॥ ३ ॥
 जाणामि सामि ! मम बोहणट्टया तं समोसढो एत्थ । न हु सूणासालाए कोवि निवासं जओ कुणइ ॥ ४ ॥
 बहुजीवविणासणजणियपावपडलेण पीडिओ संतो । नो पेच्छंतो दुक्खं किमहं जइ तं न इंतोऽसि ? ॥ ५ ॥
 ता तुमए विय भवकूवयाओ हत्थावलंवादाणेणं । उत्तारियस्मिह जयगुरु ! नियसोक्खपरंमुहमणेण ॥ ६ ॥
 इय सुलपाणिजक्खो संयविउं जिणवरं पयत्तेणं । दुस्सहविओगभल्लीएँ सल्लिओ पडिनियत्तोत्ति ॥ ७ ॥
 पव्वजागहणाओ पढमं संवच्छरं जहावित्तं । सिद्धं जइकगुरुणो इण्हि वीयं निसामेह ॥ ८ ॥

अह शुणिकुण वलियंमि जक्खे भयवं गामाणुगामं विहरमाणो गओ भोरागसन्निवेशे, तत्थ य वाहिरुज्जाणे थीप-
 सुपंडगाइदोसरहिए पएसे ठिओ पडिमाए, तर्हि च गामे अच्छंदगा नाम पासंडत्था परिवसंति, तेसिं च एगो
 अच्छंदगो लोगाणं मंततंतभूइकरणेहिं जीवइ, सो य सिद्धत्थवंतरो भयवंतंमि पडिमापडिवन्नंमि कलहकेलिपियत्त-
 णेण विणोयमपावमाणो नाहस्स पूयमपेच्छमाणो य अधिइं करेइ, अन्नदिवसे य सो भयवओ सरीरे संकंतो तेण-
 तेणं वोरुत्तं एगं गामगोहं सदित्ता कीलानिमित्तं, एवं जंपइ-भो भइ ! तुमं कंगुकूरं सोवीरेण सह अज्ज पजिमिओ,
 संपयं च वसहरक्खणट्टयां चलिओ, इंतेण य मग्गे सुयंगमो दिट्ठो, सुमिणगंमि परुत्तो य ता रे संभवइ सव्वमेयं ?,
 गामगोहेण भणियं-भयवं ! अवित्तहमेयंति भणिए सिद्धत्थेण अन्नंपि से वहुं समाइट्ठं, सो परितुट्ठो परमच्छेरयंति

श्रीगुणचंद्र
महावीरच०
५ प्रस्तावः

॥ १५६ ॥

मण्णमाणो गंतूण गाममज्झे नियसयणवग्गस्स पुरओ एवं परिकहेइ, अह कोऽवि देवज्जओ गामवाहिं ठिओ तीया-
णागयवट्टमाणाइं जाणइ, पूरिया मम तेण बहवे पच्चया, एवं च आयत्रिऊण गाढकोऊहलाउलिज्जमाणमाणसो
गामजणो कुसुमक्खयहत्यो गओ भयवओ समीवं, संभासिओ तेण जिणतणुसंकंतेण सिद्धत्थेण, जहा भो तुब्भे मम
अइसयपेच्छणत्थं एत्थ संपत्ता, गामजणेण भणियं—सामि ! एवंति । तदणंतरं—

जं पुव्वकालवित्तं जं च सुयं जं च दिट्ठमित्तेहिं । जं भासियं परोप्परमह जं रयणीए अणुभूयं ॥ १ ॥

जं इट्ठाणिट्ठविओगजोगसुहदुक्खलाभलोभाइं । अज्जवि भविस्सविसयं तंपि हु सो साहए तेसिं ॥ २ ॥

ते य तहाविहं कोउगं दट्ठूण सवायरेण वंदंति पूयंति महिमं च करंति, एवं च प्रइदिणं इंतजंतेसु गामिल्लएसु
पवित्थरिओ सिद्धत्थस्स परमो आणंदो । अन्नया य लोगो भणइ—भयवं !, एत्थं अन्नोवि अच्छंदओ नाम जाणओ
परिवसइ, सिद्धत्थो भणइ—सो वराओ न किंचि जाणइ, ताहे लोगो गंतूण तस्स पुरओ साहेइ, जहा देवज्जगो
भणइ—तुमं न किंपि जाणसि, सो य तं सोचा अहंकारसुव्वहंतो अप्पाणं ठाविउकामो भणइ—एह तुम्ह समक्खं अव-
णेमि जेण तस्स परित्राणाभिमाणं, दुक्करं खलु अम्हारिसस्स पुरओ अत्तणो पयासणं, सुकरा तुम्हारिसस्स पुरओ
गामिल्लयाण मज्झे विविहसमुल्लावत्ति, एवं च नियवियक्खणत्तं पयडंतो ईसामहल्लसल्लखिल्लियहिययो सकोउहल्लेण
लोगेण परियरिओ गओ सो तत्थ जत्थ जणसमूहोवासिज्जमाणपायपंकओ भयवं काउस्सगे चिट्ठइत्ति । तयणंतरं च

अच्छन्द-
कवृत्तं.

॥ १५६ ॥

करंगुलीहि उभयपञ्जंतेसु तणयं घेत्तूण भयवओ संमुहं ठिओ पुच्छिउमारद्धो-भो देवज्जयं ! इमं तणं किं छिज्जिही नयत्ति ?, तस्स एस अभिप्पाओ-जइ किर देवज्जो भणिही-छिज्जिही तो न छिंदिस्सं, अह अन्नहा तो छिंदिस्सामि । एवं च विगप्पमाणंमि तंमि सिद्धत्थेण भणियं-न छिज्जिही, सो एवं सोचा समारद्धो छिंदिउं ।

एत्थंतरंमि सफो सुहासणत्थो इमं विचिंतेइ । गामागरेसु भयवं ! कह विहरइ संपयं वीरो ? ॥ १ ॥

दिघोवओगविभवेण वइयरं तं तओ मुणइ सव्वं । पेच्छइ य तं पुरत्थं तणभंगसमुज्जयं समणं ॥ २ ॥

अहह महापाओ कह जिणंपि मिच्छं समीहए काउं ? । इय चिंतिऊण मेहइ महल्ल धारुक्कडं कुलिसं ॥ ३ ॥

तं मणसमाणवेगं आगंतुं करजुगंगुलीवलयं । छिंदेइ तस्स सहसा अछिज्जमाणंमि तंमि तिणे ॥ ४ ॥

अह सो अच्छंदगो कुलिसघायनिवडियासु दससुवि करंगुलीसु जायवेलक्खभावो सयलगामजणेण धिक्कारिज्जमाणो गओ तप्पएसाओ, ताहे सिद्धत्थो तस्सोवरि वाढं पओसंमावन्नो तं गामजणं भणइ-अरे रे दुरायारो महाचोरो एसो, लोएण वुत्तं-भयवं ! कस्स एएण चोरियं ?, सिद्धत्थेण भणियं-निसामेह, अत्थि एत्थ वीरघोसो नाम कम्ममारओ, सोऽविय निसामिऊण नियनामं लोयमज्झयाराओ आगंतूण निवडिओ चलणेसु, भणिउं पवत्तो यं भयवं ! तुम्हेहिं जो समुक्कित्तिओ सो अहं, साहेह किं कीरउत्ति, सिद्धत्थेण भणियं-भइ ! तुह अमुगंमि काले दसपलियं वट्टगं नट्टपुवं ?, तेण भणियं-आमं, सिद्धत्थेण वुत्तं-तं एएण पासंडियाहमेण हरियं, वीरघोसेण भणियं-कत्थ

तं पुण पाविस्सं?, सिद्धत्थेण भणियं-एयस्स चैव पुरोहडे महिसिंदुनामस्स पायवस्स पुरत्थिमेणं हत्थमेत्तं गंतूण
भूमिनिहित्तं उक्खणिऊण गिण्हसुत्ति वुत्ते सो कम्मरओ लोणेण समं गओ जहोवइट्टपएसे, आगरिसिऊण गहियं
वट्ठयं, हलवोलं कुणंतो य जणो पडिनियत्तो जिणस्स अंतिए । तयणंतरं च पुणो सिद्धत्थेण भणियं-अन्नंपि सुणेह,
अत्थि किमिह इंदसम्मो नाम गाहावई?, जणेण भणियं-अत्थि, एत्थंतरे सो इंदसम्मो निययनामसुक्कित्तिज्जमाणं
सोऊण सयमेव उवट्ठिओ भणइ-आणवेह सो अहंति, सिद्धत्थेण भणियं-अत्थि भद्द! तुज्झ पुवकाले ऊरणगो
पणट्ठो?, तेण भणियं-अत्थि, सिद्धत्थेण भणियं-अरे एएण अच्छंदएण सो हणिऊण खाइओ, अट्ठियाणि से उक्कु-
रुडियाए वदरीए दाहिणे पासे उज्झियाणि अज्जवि चिट्ठंति, जइ कोऊहलं ता अज्जवि गंतूण पेच्छहत्ति वुत्ते वेगेण
धाविया तदभिमुहं, अट्ठियाणि पलोइयाणि, कलकलं करेता आगया जिणसगासे, पुणरवि सिद्धत्थेण भणियं-एयं
दुइज्जं दुच्चरियं, अन्नंपि तइज्जं अत्थि, परं नाहं कहिस्सं, ते य एयमायन्निऊण गाढं निब्बंधं काऊण पुच्छिउ-
मारद्धा, कहं?—

देव! पसीय महापहु पुणोवि अण्णं न पसिणइस्सामो । अट्ठोवइट्टमेकं एयं अम्महं निवेएसु ॥ १ ॥

जह जह न साहइ सुरो तह तह पुच्छंति आउला धणियं । सच्चं जायं एयं जमद्धकहियं हरइ हिययं ॥ २ ॥

एवं निब्बंधपरेसु तेसु सिद्धत्थेण भणियं-अरे मा तरलायह, अम्मह अभासणिज्जमेयं, जइ अवस्सं सोयधं ता

गंतूणं पुच्छह एयस्स चेव भजं, सा तुम्ह साहिस्सइत्ति, एयमायन्निऊण पधाविया तग्गिहाभिमुहं, इओ य-सा अच्छं-
 दयस्स भज्जा तदिवसं तेण पिट्टिया, वाढं पओसमावन्ना चित्तेइ-सोहणं जायं जं तस्स अंगुलीओ छिन्नाओ जणेण
 धिक्कारिओ य, तथा इयानिं जइ गामो एइ ता सवं दुस्सीलयं पयडेमिच्छि विगप्पंतीए संपत्तो गेहंगणे गामजणो,
 पुच्छिउं पवत्तो य, सा भणइ-मा इमस्स कम्मचंडालस्स नामंपि गिण्हह, जओ एस नियभगिणीए सहोयराए
 सद्धिं विसए अणुभुंजइ, ममं निच्छइत्ति, एवमायण्णिऊण ते उक्किट्टीसिहनायं कुणंता नियनियगिहेसु गया पण्णवेंति-
 जहा एरिसो तारिसो सो महापावोत्ति, एवं सो अच्छंदओ जणेण अवमाणिज्जमाणो कयवंभणहचो इव अपेच्छिज्ज-
 माणो लुक्खभिक्खाकवलंपि अपावमाणो एगया गंतूण जिणनाहं सकरुणं जोडिय करसंपुडं च भणिउमाढत्तो—

देवज्जय ! वज्जेसुं निवासमिह तं महाणुभावोऽसि । ठाणंतरेवि तुज्झं पूयामहिमं जणो काही ॥ १ ॥

अन्नत्थ गओऽहं पुण कित्तिमकणगं व नेव अग्घामि । सदरीए चिय गोमाउयस्स सूरत्तणं सहई ॥ २ ॥

तुह पुरओ जो विहिओ दुव्विणओ देव ! मूढहियएणं । सो मं दढकुवियकयंतदंडघाओव दुक्खवइ ॥ ३ ॥

एवं भणमाणे अच्छंदगे अचियत्तोग्गहोत्तिकलिऊण सबस्सापत्ति(पीत्ति)परिहारपरायणो भयवं नीहरिऊण मोराग-
 सन्निवेशओ उत्तरवाचालाभिमुहं पत्थिओ, अह मग्गे वच्चमाणस्स दक्खिणवाचालसन्निवेशं समइकंतस्स उत्तरवाचा-
 लसंनिवेशं च अपावमाणस्स अंतरा सुवण्णकूलाभिहाणाए महानईए पुलिणं वोळित्तस्स भगवओ महावीरस्स खंधान-

श्रीगुणचंद्र
महावीरच०
५ प्रस्तावः

॥ १५८ ॥

लंवि वत्थखंडं कंहंपि पवणकंपिज्जमाणं कंटए विलगिऊण निवडियं, सामीवि थेवं भूमिभागं गंतूण अत्थंडिले पडियं
होज्जत्ति मणागमेत्तं वलियकंधरो तमवलोइऊण जहाभिमयं गंतुं पवत्तो । सो य पिउवयंसो पुवभणियवंभणो चिर-
कालेण तं निवडियं वत्थखंडं पहिट्ठचित्तो गिण्हिऊण भयवंतं च वंदित्ता कुंडग्गामनयरमुवगंतूण पुवभणियतुन्ना-
गस्स समप्पेइ । तुन्नागोऽवि अइनिउणं तुन्निऊण एगरूवं विरएइ । तओ सो वंभणो देवदूसं आदाय गओ नंदिवद्धण-
नराहिवस्स समीचे, पणामियं तं वत्थं, राइणावि कोऊहलमुवहंतेण सुचिरं पलोइऊण भणियं—भइ ! एवंविहं पवर-
वत्थं कत्थ तए पावियं?, वंभणेण भणियं—देव ! महइ एयस्स कहा, राइणावि भणियं—वीसत्थो सम्मं साहसु, तओ

जह दालिहोवहओ सुचिरं देसंतरेसु भमिऊण । नियमंदिरमणुपत्तो गिहिणीए तज्जिओ पुवं ॥ १ ॥

जह जिणनाहो करुणक्खरोहिं गंतूण भूरि विन्नविओ । अणुकंपाए तेणं जह दिन्नं देवदूसद्धं ॥ २ ॥

जह तुन्नाएण पुणो दूइज्जवत्थद्धलाभकजेण । जयगुरुणोच्चिय पासे सिक्खविउं पेसिओ सहसा ॥ ३ ॥

जह संवच्छरमेगं पुट्टिमि ठिओ पुरागराईसु । सिस्सो इव परिभमिओ जयपहुणो विहरमाणस्स ॥ ४ ॥

जह वा सुवण्णकूलानईए कंटग्गलगवत्थद्धं । चइऊण गए नाहे तयं च गहिऊण चलिओ य ॥ ५ ॥

जह तुन्नागेण तयं दुखंडसंसीवणेण मेलवियं । तह सयलं नरवइणो निवेइयं तेण सविसेसं ॥ ६ ॥

एवं च निसामिऊण तुट्ठो नंदिवद्धणनरिंदो दीणारलक्खमेगं वत्थस्स मुल्लं दाविऊण सवहुमाणं सक्कारिऊण

भणइ-अहो भइ ! कंहं भयवं विहरइत्ति, वंभणेण भणियं-देव ! सुणेह, सो जएकनाहो कयाइ फुट्टहासजणियसं-
तासेसु भूयभवणेसु गोदुहियाए दुद्धरं नियमविसेसमालंविऊण नासग्गसंगिचक्खुविकंखेवो मंदरोव थिमिओं झाणं
झियाइ, कयाइ करालवेयालमालाउलासु पयंडपडियनरमुंडमंडलीसु सुसाणभूमीसु वीरासणं संठिओ निरुद्धउ-
स्साससमीरपसरो सूरविंविनिहियनयणो मज्झंदिणंमि आयावेइ, कयाइ गुरुभारकंतनरोव ईसिअवणयकाएण पलं-
वियभुयदंडो गामवहिया काउस्सग्गेण चिट्ठइ, कयाइ निकारणकुवियपिसायविहियतिवोवसग्गं सोक्खपरंपरं पिव
सम्ममहियासेइ, कयाइ छट्ठममद्धमासाइतवविसेससुसियसरीरो पंतकुलपरिभमणलुंछतुच्छासाराहार गहेण
पाणवित्तिं निवत्तेइ ।

कइयावि हीणरूवेहिं दुट्टसीलेहिं कीडमेत्तेहिं । पागयनरेहिं विहियं विसहइ सो तिच्चमुवसग्गं ॥ १ ॥
सा आवयावि मण्णे निसुणिज्जइ जा जएकदेवस्स । दइयव्व दुन्निवारा नेव्व समीवं समल्लियइ ॥ २ ॥
एवं किर तस्स महायसस्स उत्थरइ दुत्थिमा भीमा । कइयावि तियसनिवहा पूयामहिमं पकुव्वंति ॥ ३ ॥
इय नरवर ! तच्चरियं न मारिसो किंपि साहिउं तरइ । तारिसजणचरियाइं मुणंति जइ तारिसा चेवं ॥ ४ ॥
एवं निसामिऊण राया सपरिसाजणो दीहरमुक्कनिस्सासो अच्छिन्ननिवडंतवाहापवाहाउलवयणकमलो सोगं
काउमारद्धो । वंभणोऽवि गओ सगिहं । समप्पियं तुन्नागस्स मोल्लऽद्धं, सेसदवेण विविहं विलसंतो कालं वोलेइत्ति ।

इओ य-वद्धमाणसामी उत्तरवाचालसन्निवेशे गंतुकामो कुडिलपहपरिहारेण उज्जुयमग्गाणुलग्गकणगखलाभि-
हाणासममज्जेण पट्टिओ संतो निवारिओ गोवालेहिं, जहा-भयवं! एत्थ आसमे दिट्ठीविसो सप्पो अभिह्वेइ ता
सा एएण पहेण वच्चह, सामीवि जाणइ, जहा-सो भविओ संवुज्झिहित्ति निवारिज्जमाणोऽवि गोवेहिं परकज्जकरणर-
सियत्तणेण गओ कणगखलं नाम आसमपयं, जं च केरिसं?—

कप्पूरतमाललवंगतिणिससाहारपमुहतुरुच्छन्नं । अइसुत्तयवासंतियकयलीहरनिवहरमणिज्जं ॥ १ ॥

सावसजणनिम्मियहोमहुयवहुच्छलियधूममलिणाओ । तेल्लोला इव रेहंति जत्थ साहीण साहाओ ॥ २ ॥

पवणपकंपियपलवकरोहिं जं वारइव्व जिणमितं । दिट्ठीविससप्पभयं कहइ व सउणाण सहेणं ॥ ३ ॥

एवंविहंमि तत्थ आसमपए आगंतूण ठिओ जकखभवणमंडवियाए सामी काउस्सग्गेण चंडकोसियसप्पं पडि-
बोहणत्थंति । को पुण एस सप्पो पुवभवे आसित्ति?, निसामेह—

अत्थि अणेगधणधण्णकणगससिद्धजणपरिच्छन्नो अदिट्ठपरचक्रोवह्वो समुदोव बहुवाणिओववेओ महासरोव वि-
चित्तचित्तषत्तपउमाहिट्ठिओ रासिसमुदओव मेसविसमिहुणकन्नासमेओ गयणाओगोव सुरसोमगुरुवुहलोगाहिट्ठिओ
कोसिज्जो नाम सन्निवेशो । तत्थ असेसदेसभासाविसेसवियकखणो नाणविन्नाणकोऊहलविहिविहण्णू छंदलवखणजो-
इससत्थपरमत्थकुसलो छकम्मकरणनिरयचित्तो गोभदो णाम माहणो परिवसइ,

नियतुद्धिविणयविहोवयारओ जेण सथलगामजणो । विहो पविहियओ एगं लच्छिं विमोत्तूणं ॥ १ ॥
अहवा न सो कोऽवि गुणो जो तस्स न विज्जए दियवरस्स । तं नत्थि किंतु जं भुंजिएहिं दिवसं स वोलेइ ॥२॥
एवं च धणविरहेवि सो अविचलचित्तत्तणेण मणागंपि दीणत्तमदंसितो नियनियपरिग्गहत्तणेण चेव संतोसमुच्च-
हंतो चित्तेइ-अहो महाणुभावा ! इमे धणिणो जे इमीए सिरीए परिग्गहिया पीडिज्जंति दाइएहिं विलुप्पिज्जंति
नराहिवेहिं अभिभविज्जंति तक्करनियरोहिं मग्गिज्जंति मग्गणगणेहिं अणुहवंति विविहावयाओ, पयमेत्तंपि न परि-
भमंति सच्छंदयाए, तुच्छऽपत्थभोइणोवि अभिलसिज्जंति वाहीए, अहं पुण एत्तो एगस्सवि अणत्थस्स न गीयरमु-
वगओत्ति, एवं तस्स परिभावंतस्स वचंति वासरा । अन्नया य सो सिवभद्दाभिहाणाए निययपणइणीए भणिओ,
जहा-अज्जउत्त ! आवन्नसत्ता वहामि अहमियाणिं, पसवसमए विसेसेण मह ओसहाइणा कज्जं भविस्सइ, तो कीस
तुमं न किंपि पुरिसयारमवलंवेसि ? न वा दवोवज्जणोवायं विगप्पेसि ?, न हि अणागयत्थचिंतापरंमुहा सलहि-
ज्जंति पुरिसत्ति, सो एवमायन्निज्जण तक्खणविमुमरियपुव्वविवेओ जलहिच्च मेहोदएणं कुवियंप्पकल्लोलमालाउलो परि-
भाविउमारद्धो-किं एत्तो ववसायं करेमि ? कं वा जणं अणुसरामि ? को वा इमस्स कज्जस्स होज्ज साहेज्जदायगो ?
कत्थ व गयस्स एयं सिज्जोज्ज ? को इमस्स हेउत्ति, इय किंकायव्ववाउलत्तजलहिंमि सो बुडो, ताहे सिवभद्दाए
भणिओ सो-कीस वाउलो होसि ?, केत्तियमेत्तं एयं तुह विमलकलाकलावस्स ?, जइ कमविहु धणवंतं गंतुं मग्गेसि

श्रीगुणचंद्र
महावीरच०
५ प्रस्तावः

॥ १६० ॥

सोऽवि ध्रुवमेयं कज्जं पसाहइस्सइ, दुलहो तुम्हारिसो अतिही, गोभदेण भणियं-पिए! साहेसु परपत्थणं सोत्तूण
अन्नमुवायं, पत्थणा हि नाम नरस्स जणेइ मरणसमयनिव्विसेसत्तणं, तहाहि-जायणापयट्टस्स सन्निवायाभिभूयच्च
पक्खलइ वाणी विगलंति विच्छायत्तायाओ अच्छीओ विगयसोहं हवइ वयणकमलं कंपंति अंगाइं पयट्टंति दीह-
दीहा उस्सासा संखुब्भइ हिययंति । अविय—

तावच्चिय कुमुयभयंकनिम्मला विप्फुरंति गुणनिवहा । जाव परपत्थणाकलुसपंकलेवं न पावेंति ॥ १ ॥
तावच्चिय पूइज्जइ गुरुत्तबुद्धीए परमभत्तीए । जावऽत्थित्तं सत्तुत्तणं व पयडेइ न पुरिसो ॥ २ ॥
तावच्चिय सुहिसयणत्तणाइं दंसंति निच्छियं लोया । देहित्ति दुट्टमक्खरजुयलं जा नेव जंपेइ ॥ ३ ॥
देहित्ति जंपिरेणं माणविमुक्केण विणयहीणेणं । धम्मत्थवज्जिएण य जाएणवि को गुणो तेण ? ॥ ४ ॥
ता अन्नमुवायंतरमहुणा मम दुक्करंपि किंपि पिए ! । साहेसु पत्थणंपिहु मरमाणोवि हु न काहामि ॥ ५ ॥
इय सा तन्निच्छियमुवलब्भ खणमेगं चिंतिऊण भणिउमारद्धा-अज्जउत्त ! जइ एवं ता अत्थि अन्नो उवाओ,

परं बहुसरीरायाससज्जो अचिरकालसाहणिज्जो य, जइ भणह ता निवेएमि, गोभदेण भणियं-पिए! को दोसो?, निवे-
एहि, तीए भणियं-सुणेसु, अत्थि पुवदेसे असंखदेवउलमालालंकिया वाणारसी नाम नयरी, तीसे समीवे फुरंतफा-
रभंगुरतरंगाविद्धविसुद्धसलिला हंसचक्कवायमिहुणोवसोहिया अणवरयवहंतमहासलिलप्पवाहपूरियरयणागरा गंगा नाम

॥ १६० ॥

अर्थार्जनाय
गोभद्रस्य
प्रवासः

महानई, तीसे तडंमि व्हवे दूरदेसंतरागयराईसरसेट्टिसेणावइदंडनाहप्पमुहा जणां केइ परलोगत्थिणो केइ
फित्तिजसत्थिणो केइ अणत्थपडिघायत्थिणो केइ पियरतप्पणत्थिणो अणवरयं कारावित्ति महाहोमं पाडित्ति
पिंडं दित्ति सुवन्नदाणं सकारित्ति उद्धूलियचलणे माहणेत्ति, अओ अज्जउत्त! जइ तुमंपि तत्थ वचसि ता उवत्थाण-
मेत्तेण पत्थणाविरहेऽवि पावेसि कणगदक्खिणं, थेवमेत्तकालेण य पडिनियत्तिहिसि, इमं निसामिऊण भणियं गोभदे-
ण-पिए! मुद्धाऽसि तुमं, सवणरमणीया खलु दूरदेसवत्ता, सिवभहाए भणियं-अज्जउत्त! तहावि भवणनिविट्ठस्स का
तुज्झ फज्जनिप्फत्ती?, गोभदेण भणियं-किमजुत्तं?, एवंपि होउ, कुणसु संवलं जेण वच्चाभि, तओ तीए कयं से नि-
मित्तं पाहेज्जं, अन्नदिवसे संवलगहत्थो पयट्ठो सो वाणारसीसंमुहो, कमेण वचंतेण दिट्ठो निट्ठुरसरीरसंठाणो नियंसि-
यवत्थजुयलो निराभरणोवि अहिगं सरीरप्पभाए उवसोहंतो वज्झागारेणविलक्खिज्जमाणातिसओ पंवरपाउगाधिरूढो
रतिविरहिओ वम्महोघ पचक्खो सलीलं असंभंतो पहे वचंतो एगो सिद्धपुरिसो, तं च संभमभरियाहिं अच्छीहिं जाव
पेच्छइ ताव संभासिओ अणेण-भो गोभद! समागओऽसि?, किं संपयं तुमं वाणारसिं गंतुमिच्छसित्ति वुत्ते सवि-
म्हयं गोभदो चित्तिउमारद्धो-अहो कहं अदिट्ठं असुयं मं पचभिजाणइ?, कह वा मम गिहिणीए य एगंतजायं इमं
गमणवइयरं उवलक्खेइ?, सव्वहा न एस सामन्नो हवइत्ति, तहा जो एत्तियं मुणइ सो अन्नंपि मुणिस्सइ, ता देवयं
व उवचरेमि एयं, जइ पुण एत्तोच्चिय निप्फत्ती होज्जत्ति विभाविंतो जोडिय करसंपुडं तं भणिउमाढत्तो-अज्ज!

एवमेयं, सस्मं तुब्भोहिं वियाणियं, तेण भणियं—भद्द! एहि समं चिय, जेण तहिं वच्चासो, पडिवन्नं गोभद्देण, गंतुं पयट्ठा, खणंतरे जाए भोयणसमए गोभद्देण भणियं—अज्ज! पविसह गाममज्जे, करेमि भोयणोवक्कमं, अइकालो वट्टइत्ति, विज्जासिद्धेण भणियं—सोम! किमत्थं पविट्ठेहिं कायवं?, एहि अज्जवि जाममेत्तो वासरो कोमला सूरकि- रणा थेवमग्गं अइक्कंता य, गोभद्देण भणियं—जं तुब्भे वियाणह, तओ पुणो पयट्ठा गंतुं, मज्झंदिणसमए य संपत्ता वहलतरुसंडसंछणं उज्जाणं, दिट्ठा य तत्थ अच्चसलिलपडिहत्था कमलकेरवकल्हारपरागपिंजरहंसोवसोहियतीर- देसा एगा महासरसी, पविट्ठा तत्थ, कयं मज्जणं, विहिया मुहसुद्धी, पयट्ठो य गोभद्दो देवयाणुसरणं काउं, इय- रोऽवि ठिओ समाहीए ।

एत्थंतरंमि बहुभक्खभोयणा रसवई गुणसमिद्धा । बहुवंजणपडिपुण्णा संतपभावेण अवचरिया ॥ १ ॥

कच्चोलथालदवीसिप्पिसणाहो उवक्खरो सव्वो । सुविणीयपरियणेणप्पिओव्व पुरओ ठिओ तस्स ॥ २ ॥

एरिसं च परमब्भुयभूयं वइयरमवलोइऊण विस्मिहओ गोभद्दो, भणिओ य विज्जासिद्धेण—गोभद्द! पगुणो भव, कुणसु भोयणंति, जमज्जो आणवेइत्ति पडिवज्जिऊण तव्वयणं उवविट्ठो सो भोयणकरणत्थं, विज्जासिद्धोऽवि परिवे- सिउमारद्धो, कमेण य निवत्तियभोयणंमि गोभद्दे सयमुवविट्ठो विज्जासिद्धो, गोभद्देणवि कओ से परिवेसणाइवा- वारो । एवं च निवत्तियंमि भोयणे विज्जासिद्धविमुक्केकहुंकाराणंतरमेव अहंसणमुवगया थालाइसमेया रसवई, खण-

मेतं च वीसमिऊण माहवीलयाहरे निरुद्धिग्गहियया विविहकहाओ कहेमाणा संपट्टिया गंतुं, गच्छंताण य
जाए स्यणिसमए गोभदेण भणियं—अज्ज ! कलयंठकंठसच्छहा समुच्छलइ तिमिररिंछोली न लक्खिजंति
संपयं निण्णुण्णया महिमग्गा निहावसविसंतुलाइं घुम्मंति लोयणाइं पयत्तसंचालियावि न चलंति चलणा,
ता गच्छह गामे, कुणह वीसामंति, विज्जासिद्धेण भणियं—सोम ! सिग्घगईए एहि मुहुत्तमेत्तं, किं गामपवे-
सणकज्जं, गोभदेण भणियं—एवं हवउत्ति । ताहे जाममेत्तं अद्धाणमइलंघिऊण ठिया एगत्य पएसे । तयणंतरं च
विज्जासिद्धो आवद्धपउमासणो निरुद्धसमीरप्पयारो ज्ञाणं काउमारद्धो, अह—

कणगकलसकलियं रणंतमणिकिंकिणीनिवहरम्मं । सुसिलिट्टलट्टुथिरथोरथंभसोहंतवरसालं ॥ १ ॥

सुविभत्तचित्तेरहंतवेइगावलयलीढपेरंतं । वज्झपएसनिवेशियमहल्लपल्लंकसोहिल्लं ॥ २ ॥

गयणाओ अहापवरं विमाणमेगं समोयरेऊणं । विज्जासिद्धस्स पुरो लहुं निविट्ठं धरणिवट्ठे ॥ ३ ॥

अह तत्तो नीहरिऊण दिप्पंतमणिमउडलंकियसिरा विमलकुंडलकंतिविच्छुरियगंडयला पवरमुत्तासरिविराइय-
सिरोहरा हारलयाच्छाइयथणकलसा पंचरायमणिकंकणमंडियकोमलवाहुलया रोमावलीसणाहमुट्टिगेज्झमज्झभाग-
देसा रसणादामसंगयनियंवफलया नियंसियपंचवन्नदिवदूसा झंकारमणहरमणिनेउराणुगयचलणा हरियंदणरसवि-
च्छुरियसरीरा अप्पडिमरूवा एगाए समाणरूवजोवणाइगुणालंकियाए विलयाए अणुगम्ममाणा समागया विला-

श्रीगुणचंद्र
महावीरच०
५ प्रस्तावः

॥ १६२ ॥

सिणी, जोडियकरसंपुडा य विजासिद्धं भणिउमारद्धा, जहा-भो महायस ! उवसंहरेसु संपयं संतसुमरणं अलंकरेसु
विमाणमेयंति निसामिऊण उट्टिओ विजासिद्धो, पविट्टो विमाणभंतरे निसन्नो सेजाए, उवणीयाणि य तस्स
तंबोलवीडगाणि, ताहे वाहरिओ विजासिद्धेण गोभदो, तंबोलदाणपुव्वगं च विसज्जिओ निहाकरणाय, दूरे ठाऊण
य तदीयमाहप्पविम्हियमणो पसुत्तो एसो, विजासिद्धोवि ताहिं रमणीहिं समं विविहसंकहाहिं गमिऊण खणमेकं
जेट्टाए अणुचरिं जुवइं अणइ-भदे ! तुमं इमस्स गोभदस्स माहणस्स भजाभावदंसणेण अत्ताणं पवित्तं करेसु, तीए
वुत्तं-एवं करेमि, अह जायंमि विजणे विजासिद्धो पारद्धो इयरीए समं भोगे उवभुंजिउं, सावि तदुवरोहेण गया
गोभदसमीवे, पवोहिऊण सिट्टो विजासिद्धाएसो, तेण य कुसलमइत्तणेण नाऊण कज्जपरमत्थं भणिया सा,
जहा-मयच्छि ! भणिणी तुमं मे होसि, ता अलं एत्थ पत्थुयत्थवित्थरेणं, जहाभिप्पेयं समायरसु, अकज्जपवित्तीएवि
जओ न एयस्स हयजीविथस्स कोऽवि समुप्पज्जइ गुणो, अविय—

अइघोरमारुयाहयनलिणीदललग्गसलिललवचवलं । जीयं सुपालियंपिहु न चिरावत्थाणमणुहवइ ॥ १ ॥
विविहोवभोगविसयाणुकूलयालालियंपि बहुकालं । परिसडियविंटफलमिव विगलइ गत्तंपि अचिरेण ॥ २ ॥
सुव्वंति य नरएसुं धम्मविरुद्धत्थकरणसत्ताणं । सत्ताणं तिक्खदुक्खाइं तेण कुणिमो कहमकज्जं ? ३ ॥
सकलत्तसंगईविहु उउकालाओ परेण पडिसिद्धा । किं पुण पररमणीजणविसयपसंगो समयसत्थे ॥ ४ ॥

युवतियु-
ग्मागमः
गोभद्रस्य
शीलं.

॥ १६२ ॥

नियजीवस्सवि उम्मग्गामिणो जइ करेमि न निरोहं । तां कह अत्ते अणयारचारिणो त्थु निरुंभिस्सं? ॥ ५ ॥
 इय गोभहेण तहा कहंपि संभासिया सवेरग्गं । नियभायनिधिसेसो जह जाओ तीए पडिवंधो ॥ ६ ॥
 खणमेत्तं च विगमिऊण भणियं तीए—अहो महाणुभाव! सुंदरो तुहाभिप्पाओ, एयं चिय सप्पुरिसलक्खणं,
 एयं चिय धम्मसवस्सं, एत्तो सयलकल्लाणोवलंभो, इमाओ असेसदुस्सज्झविजासिद्धीओ हवंति, एयं खु सुरासुरा-
 णवि दुरणुचरं, एयाणुगओ य नरो न रोगसोगदुक्खेहिं वाहिज्जइ, ता पत्तं तुमए जम्मजीवियफलं जस्सेरिसो
 दुक्करपरिथीसेवापरिहरणपरिणामो, एयं च कुणमाणेण तए अहंपि निओइया सवकामुयसिद्धिलाभेणंति, गोभहेण
 भणियं—कहं चिय मए निओइया सवकामुयसिद्धीए?, तीए भणियं—महायस! भायनिधिसेसोत्तिकाऊण साहि-
 ज्जइ तुज्झ एस वइयरो, निसामेहि, गोभहेण भणियं—एसो निसामेमि, तीए कहियं—

अत्थि सयलतइलोयविकखायं अणेगअच्चभुयभूयाइसयजणियजणविहयं आगरो विज्जारयणाणं कुलभवणं तं-
 तप्पओगाणं ठाणं खुडसिद्धीणं जालंधरं नाम पुरवरं, जत्थ—

आगट्ठिवसीकरणप्पओगअहिस्सकरणकुसलाओ । नहगमणदूरदंसणपमोक्खलद्धीसमिद्धाओ ॥ १ ॥

हुंकारमेत्तपडिभिन्नसत्तुसंदोहंतुट्ठहिययाओ । निरुवमरूवनिरक्खियवंमहमहिलाभिमाणाओ ॥ २ ॥

अट्ठप्पयारअणिमाइसिद्धिसंबंधसस्सिरीयाओ । निवसंति जोगिणीओ देवाणवि वंदणिजाओ ॥ ३ ॥

श्रीगुणचंद्र
महावीरच०
५ प्रस्तावः।

॥ १६३ ॥

इयरजणा दुविणयं जं नो दंसंति तं किमच्छरियं? । तासिं महावलाणं संकइ कुविओ कयंतोऽवि ॥ ४ ॥

सुरखयरजक्खरक्खसमडप्परप्फंसणावि नूण जरा । निच्चावट्टियजोवणगुणाण जासिं न संकमइ ॥ ५ ॥

चिरदूरकालवोलीणभूवईणं समग्गचरियाइं । अज्जवि जाओ पयडंति सेललिहियप्पसत्थिव्व ॥ ६ ॥

इय तारिसपयडपभावजोगिणीचक्कवालकलियस्स । नयरस्स तस्स भण केण वन्नणा तीरेण काउं? ॥ ७ ॥

तत्थ य अहं चंदलेहाभिहाणा जोगिणी परिवसामि, एसावि विज्जासिद्धसमीववत्तिणी मम जेट्ठा भइणी पसा-
हियपवरविज्जा अचंतदरिसणिज्जा जोगिणीपीठस्स चउत्थट्ठाणपूयणिज्जा चंदकंतानाम्हा, गोभइेण भणियं-भइणि!
को एस विज्जासिद्धो?, किंनामो?, कहं वा एरिसमाहप्पो?, किं वा एस तुह जेट्ठभइणीए एयं उवचरइत्ति, कहेसु
वाढं कोऊहलाऊलं मे हिययं, चंदलेहाए भणियं-कहेमि, एसो हि कामरूपाभिहाणजोगिणीपरिवेठियस्स डमरसी-
हस्स पुत्तो ईसाणचंदो नाम, एएण थ पुरा अणेगप्पयाराओ साहिऊण विज्जाओ अखलियपसरं सयलकामियसिद्धिं
समीहमाणेण कच्चाइणीए भगवईए पुरओ कओ अट्टोत्तरविल्लक्खेण होमो, तित्थियमित्तेणवि जाव न परितुट्ठा
भगवई ताव आकट्ठिऊण खग्गधेणुं समारद्धो नियकंधरं छिंदिउं,

नियजीवियनिरवेक्खो, कंठद्धं जा न छिंदए एसो । ताव सहसत्ति कत्तोवि आगया देवि रुइाणी ॥ १ ॥

अहह महाकट्टमिमं कीस तुमं पुत्त! ववसिओ भीमं? । इय जंपिरीए तीए कराओ लुरिया लहुं हरिया ॥ २ ॥

तादे इमेण भणियं देवि । पसीयसु ममेत्तिएणाचि । पडिवज्जसु सिरकमलेण पूयणं होउ सीसेण ॥ ३ ॥
 देवीएँ तओ भणियं पुत्तय ! तुह साहसेण तुट्ठमिह । वरसु वरं एत्ताहे पज्जत्तं देहपीडाए ॥ ४ ॥
 तजो एएण भणियं-सामिणि ! जइ सच्चं चिय तुट्ठासि ता जं तुमए पुत्तत्ति अहं वागरिओ एसो चिय मम वरो,
 एत्तो य पुत्तपुद्धीए मम पेच्छेज्जासित्ति भणियावसाणे दाऊण सच्चसमीहियत्थकरं रक्खावलयं पडिवज्जिऊण तच्चयणं
 अरुंगणमुत्तगया कथायणी, एसोऽचि पावियतिलोयरज्जं पिव अत्ताणं मन्नमाणो रक्खावलयमुच्चहंतो सगघं अक्खलि-
 यगमणो समत्थ वियंभिउमाढत्तो । अविय—

न गणइ नरवइवरगं नय भीमभएवि उच्चहइ कंपं । सच्छंदलीलगमणो जमंपि उवहसइ सवलेणं ॥ १ ॥
 अंतोउरेसु निवसइ उवभुंजइ कुलगयावि विलयाओ । आगरिसइ दूरगयंपि वत्थु वरमन्तसत्तीए ॥ २ ॥
 जप्पभिइं चिय कथाइणीए एयस्स वाहुमूलंमि । वद्धं रक्खावलयं तत्तो चिय चिंतियं लहइ ॥ ३ ॥
 अह अन्नया कयाई हिंडंतो एस महियलं सयलं । संपत्तो जालंधरपुरंमि रामाभिरामंमि ॥ ४ ॥
 दिट्ठा य जोगिणीजणमज्झगया विहियपवरसिंगारा । अह तत्थ चंदकंता एसा मम जेट्ठिया भयणी ॥ ५ ॥
 ताहे हठेण वररुवजोघणाइसयरंजिओ एसो । कुणइ पसंगमिमीए सद्धिं सद्धम्मनिरवेक्खो ॥ ६ ॥
 डाऊण कइवय दिणे सच्छंदं विविहदिवकीलार्हिं । अणवट्ठियमणपसरो अमुणिजंतो विणिक्खंतो ॥ ७ ॥

श्रीगुणचंद्र
महावीरच०
५ प्रस्तावः

॥ १६८ ॥

कहं पुण चिंतियमेत्तसमत्थवत्थुलाभेऽवि संपयं तुह एरिसं अचिंतणिज्जं विसममावडियं?, विज्जासिद्धेण भणियं-देवया-
दिन्नरक्खावलयविरहो एत्थ कारणं, परं भद्! तुमए नित्थारिओऽहं इमाओ आवयाओ, साहु साहु तुह वियक्खणत्त-
णस्स, एरिसमवत्थंतरनिवडियस्स न तथा जाया मह देहपीडा जहा तुह अदंसणेणं, मत्ते इह भवे चिय पसन्ना भा-
गिरही देवी जीए तुमं अणुवचरियपरूढपणओ मित्तो पणामिओ, ता वाढं पसन्नं मे मणो, वरेसु जहा पियंति भणिए
गोभद्देण भणियं-अज्ज! देवो वऽण्णो जाणइ कोवि अणुवचरियपरूढपणओ कस्सवि मित्तो पणामिओ, विज्जासिद्धेण
भणियं-अलं इमीए संकहाए, वरेहि जहिच्छियं वरं, गोभद्देण भणियं-महापसाओ, पत्थावे वरिस्सामि, एत्थंतरे डम-
डमिरडमरुयनिनायभरियभुयणंतराला वराभरणकिरणविच्छुरियंनहंगणा दिवविमाणारूढा पविट्ठा चंदलेहा य चंद-
कंता य, तओ गोभद्देण भणियं-विज्जासिद्ध! कहमिण्हं तुमं एयासु वट्ठिस्ससि?, विज्जासिद्धेण भणियं-जहा सत्तुसु
वट्ठिज्जइ, गोभद्देण भणियं-अज्ज! मामेवं जंपसु, जओ विसवलिव वट्ठंती वेरपरंपरा न कोसल्लमावहइ, विज्जासिद्धेण
भणियं-ता किं कीरइ?, विवक्खाभिभवेणेव अत्तणो अवत्थाणंति, नहि निसासंतमसमखंडिऊण पभवइ मायंडमंडलं,
नेव य पंकत्तणमपावेऊण धूलिपडलं चिरावत्थाणं वंधेइ सलिलं, गोभद्देण भणियं-अत्थि चिय एस ववहारो, परं सम
वयणोवरोहेण ताव उदासीणेण होयवं तुमए, विज्जासिद्धेण भणियं-जं तुमं जाणासि, एवं बुत्ते जणेण अमुणिज्जंतो
तत्तो सो नीहरिऊण पट्ठिओ तंमंदिराभिसुहं, इंतो य दिट्ठो चंदलेहाए, रयणियरप्पगासदिट्ठरूवाणुमाणेण य

विद्या-
सिद्धस्य
स्वास्थ्यं
मेलय.

॥ १६८ ॥

जायपद्मभिन्नाणाए तीए गाढमालिंगिऊण सुहासणत्थो हरिसुल्लसियंलोयणाए पुच्छिओ-अज्ज ! कत्तो कहं वा समा-
 गओऽसित्ति?, तेणावि से साहिओ सामन्नेण वुत्तंतो, चंदलेहाए भणियं-सुट्ठु कयं तुमए जमेत्थ पत्थावे समाग-
 ओऽसि, जओ अरुह पडिपुत्ता इयाणिं सर्वे मणोरहा, गोभदेण भणियं-कहं चिय?, तीए भणियं-जं तइया तुमए
 मम वंभचेरखंडणा रक्खिया तेण सत्तरत्तपज्जंते सम्ममाराहिज्जमाणां सिद्धा भगवई सयंपभाभिहाणा विज्जा, सो य
 दुट्ठविज्जासिद्धो ईसाणचंदो सधकामुयरक्खावलयविहूणो जणहुकन्नाजलमंज्जंगओ झसोव विवसो पाविओ, गोभ-
 देण भणियं-कहमियाणिं सो संठविओ?, तीए भणियं-जहा दुट्ठकरिवरो, तेण भणियं-किमित्थं पुण तहा धरि-
 ज्जइ?, तीए भणियं-कसिणचउहसीए चंडिगाए वलिविहाणत्थं, गोभदेण भणियं-जइ एवं ता दंसेसु तं येवदिणपरि-
 चियत्तणेण तेण समं मे किंपि वत्तवमत्थि, तीए भणियं-को दोसो?, एहि जेण दंसेमि, तओ पट्टियाइं गंतुं, जाव
 य केत्तियमेत्तमंतरमुवगया चंदलेहा ताव दिट्ठो विज्जासिद्धो वाहुवद्धरक्खावलओ वियलियनियलवंधणो महाकोव-
 फुरंताहरो पायडियनिडालभिउडिभासुरोत्ति, तं च द्दट्ठुण चित्तियमेयाए-अहो कहं रक्खावलयलाभो इमस्स रक्ख-
 सस्स?, कहं वा नियडच्छेओ संपत्तो?, अहो अचित्तकियं केरेसमावडियंति?, जायभयावि आगारसंवरणं काऊण तेण
 समेया समीवमुवगया एयस्स, तेणवि इतिं द्दट्ठुण ईसि पच्छाइयकोवविरागेण संभासिया, जहा महे! उवविस,
 तओ आसणनिसन्नाए चंदलेहाए पुणो कइयवेण उह्मवलोइऊण भणियमणेण-अहो कहं पुवपरिचिओ गोभहो

दीसइ?, इओ एहि भइ!, किं तुमां पि अहमिव एयाए छलपगोयरमुवगओत्ति जेण वाणारसीविमुक्कोवि एत्थ पेच्छि-
जसि?, गोभहेण चिंतियं—अहो गाढो अमरिसो, ता तहा करेमि जहा अवरोप्परं पणयभावो हवइ एसिं, अणु-
चिया हिओवेहा विसिट्टपुरिसाणंति, इइ संचिंतिऊण आवद्धकरंजली सो भणिउमाढत्तो—

हे भइणि चंदलेहे! हे विज्जासिद्ध! गुणगणसमिद्ध! जइविहु कुसलत्तणओ तुम्हाण न किंपि वत्तवं ॥ १ ॥

तहविहु असरिसपेमप्पबंधसंबंधतरलियमणोऽहं । दियभावभूरिजंपिरसभावओ किंपि साहेमि ॥ २ ॥

जो तुम्ह परोप्परमेस रोसलेसो कहं पि संभूओ । सो मोत्तवो होइत्ति परमवेरिच्च दुहदायी ॥ ३ ॥

जेणानलुच्च पढमं नियठाणं दहइ एअ वट्टंतो । ता अवगासोऽवि कहं दायवो होइ एयस्स? ॥ ४ ॥

अह वेरिसु दोसकरणत्तणेण कोवो समुल्लसइ तुम्ह । कोवेच्चिय किं कोवं न कुणह दुक्खेक्कहेउंमि? ॥ ५ ॥

न चलइ गरुयाण मणो अवराहपए अइव गरुएवि । जह जलहरेण खुब्भुइ गिरिसरिया तह न नइनाहो ॥ ६ ॥

तथा—अवयारे अवयारो जं कीरइ एस नीयववहारो । उवयारकारगच्चिय गरुया अवयारिणि जणेऽवि ॥ ७ ॥

इहरा विसेसलंभो उत्तमनीयाण कह णु जाएज्जा! । न हि एगरुववत्थुंमि होइ विविहाभिहाणाइं ॥ ८ ॥

अलमेत्तो भणिणं तुम्हं जइ मम गिरंमि पडिवंधो । जइ उत्तमगुणमग्गेण विहरिउं विज्जए विच्छा ॥ ९ ॥

जइ ससहरजोणहासत्थहं च किंत्तिं सया समभिलसह । पुवाणुसयं मोत्तुं परोप्परं कुणह ता पणयं ॥ १० ॥ जुम्मं ।

अणं च-हे विज्ञासिद्ध ! पओसमुवहंतो कहं न लज्जिहिसि ? । इत्थीसु तिहुयणंमिवि अवज्झसन्भावसिद्धासु ॥ ११

इतिहासपुराणपमोक्खसत्यविकखायमवि इमं तुज्झ । पम्हुट्टंकीस ? महाणुभाव ! कुसलावि मुज्झंति ? ॥ १२ ॥

जायन्निऊण . एवं विज्ञासिद्धेण जायलज्जेण । भणियं आएसं मे देहि लहुं जमिह कायवं ॥ १३ ॥

उप्पहपवन्नमारिसजणवोहणकारणेण निम्मविया । वेयत्थमहानिहिणो तुब्भे नूणं पयावइणा ॥ १४ ॥

एवं सोऊण गोभदेण भणियं-साहु साहु विज्ञासिद्ध ! को अत्तो एवं वियाणेइ वोत्तुं ? , अहवा-को सिसिरइ नि-
सिनाहमंडलं ? , को वा चित्तेइ सिहिसिहंडाइं ? । देहसहसमुग्गओ चेव विणओ तुम्हारिसजणाणं ॥ १ ॥ उट्टेसु
संपयं कुणसु चंदलेहाए पणांमं, चंदलेहे ! तुमंपि विमुक्कमच्छरं परिचत्तपुच्चाणुसयं नियसु इमं सयणनिधिसेसं,
विहेसु इमेण समं पणयभावं, इय भणियावसाणे निवडिओ चंदलेहाए . चलणेसु विज्ञासिद्धो, भणिउमारद्धो
य-सुयणु ! तारुन्नमएण वा विज्ञावलावलेवेण वा अविवेयसुलभदुविणएण वा मए जमवरद्धं तं तुमए मरिसियवंति,
चंदलेहाए भणियं-विज्ञासिद्ध ! अलं खामणेणं, सब्बहा मंदभागिणी अहं जा थेवमेत्तावराहेवि एवंविहमणत्थं
काउं ववसिया ।

एत्थंतरंमि कइवयचेडीचक्रेण परिवुडा झत्ति । विम्हयनिम्भरहियया समागया चंदकंतावि ॥ १ ॥

ताहे गोभदेणं विज्ञासिद्धो . पयंपिओ एवं । जीएँ कए वइरमिमं तहि(तुह)ट्टिया सा इमा सुयणु ॥ २ ॥

ता परिमुक्तामरिसं सविसेसं कुणसु खामणमिमीए । रोसावेसो थेवोऽवि होइ अग्गिब्व दुहहेऊ ॥ ३ ॥

इयं भणिए भइणीसिद्धसंधिसंघडणतुट्टहिययाए । तीए विज्जासिद्धेण खामणा सायरं विहिया ॥ ४ ॥

एवं च पणट्टकोवाणुबंधाणं एगजणणीजणियाणं च जायदढपेमाणं तेसिं परोप्परं जंपिराणं महाणसिणीए आगं-
तूण विन्नत्ता चंदकंता-देवि ! कुणह पसायं, एहं गेहम्मि, निप्फन्ना रसवई, मज्झंदिणमणुपत्तो य भयवं भुवणचक्खु
दिणयरोत्ति, एवं च निसामिऊण चंदकंताए भणियं-हे चंदलेहे ! भोयणत्थमुवनिमंतेसु पाहुणगे अइकालो वट्टइत्ति,
तथो चंदलेहाए उट्टविओ विज्जासिद्धो गोभदो य, गया भोयणमंडवं, कयं समगं चिय विविहविच्छित्तिप्पहाणं
भोयणं, तदुत्तरं च द्वावियाइं कप्पूरधूलिधूसरपूगीफलदलसणाहाइं तंबोलवीडयाइं, एत्थंतरे विज्जासिद्धेण सिरंमि
करकमलं कट्टु भणियो गोभदो, जहा-पुव्वपडिवन्नं गिणहसु वरं, नियत्तिउकामोऽहमियाणिं, गोभद्रेण भणियं—

जइं सच्चं चिय तुट्टो वियरेसु तुमं वरं महाभाग ! । ता तं एयाहिं समं (पे)म्मं सययं वहेज्जासि ॥ १ ॥

एवं कयंमि तुमए विहियं चिय मज्झ चिंतियमसेसं । परचित्ततोसदाणाओ दाणमन्नंपि किं अत्थि ? ॥ २ ॥

किर सिविवलिहरिचंदप्पमोक्खविस्संभराहिवा पुवं । नियजीवियदाणेणवि अकरेसु जणाणमुवयारं ॥ ३ ॥

खणनस्सरस्स दुहनिवहभाइणो जीवियस्स फलमेयं । जं उवयारो कीरइ दुहसंतत्ताण सत्ताणं ॥ ४ ॥

विज्जासिद्धेण तथो भणियं भो कीस वाहरसि एयं ? । तुम्हारिसाणवि पुरो किमन्नहा हुंति उल्लावा ? ॥ ५ ॥

निहाधुम्भिरनयणावि सज्जणा जं वयंति किर वयणं । नियजीवियवणवि तं तह अहियं समत्थंति ॥ ६ ॥

मिच्छाकारिं मिच्छा व भासिणं मं धुवं सुणेऊण । कच्चाइणीवि देवी लज्जइ किं पुण परो लोगो ? ॥ ७ ॥

ता-गोभइ ! परिचयसुं एत्थ मम संतियं अविस्सासं । अन्नं मग्गेषु वरं मा कीरउ मे पणयभंगो ॥ ८ ॥

एयमायन्निऊण गोभहेण भणियं-जइ एवं ता परिहरेसु परमहिलापसंगं, एसो हि कारणं वेरपरंपराए कुलभ-
वणं अणत्थसत्थाणं वत्तणी नरयनगरस्स वंधवो दुव्विणयस्स ठाणं परिभवस्स आगरो अकित्तीए मसिकुच्चओ निय-
कुलस्स निलओ पावपडलस्स मूलंकसो गुणकलावस्स जणगो उत्तरोत्तराधम्मपरिणईए, एत्तोच्चिय भुयणपयडावि
वेरिभुयदंडकंडचंडिभखंडणेक्कसुंडावि असेसविज्जाइसयसांलिणोऽवि पाविया लंकाहिवइपभिइणो विणासं, एत्तो चिय
अविगणियत्तणनिविसेसनियजीवियवा अमुणियजुत्ताजुत्तकायवा तिक्खदुक्खलक्खंपि अभिकंखंति पाणिणोत्ति, ता
मूसगोघ मज्जारस्स घयकुंभोव हुयवहस्स पयंगोघ पईवस्स सारंगो इव पंचाणणस्स सुहाभिलासी दूरमवक्कमइ कुसलो
परदारस्सत्ति निसामिऊण समुप्पणगाढपच्छायावो वेरग्गमग्गाणुलग्गचित्तो विज्जासिद्धो भणिउमाढत्तो-गोभइ !
साहु समुवइट्ठं साहु समुवइट्ठं समुद्धरिओऽहं तुमए अपारपावपारावाराओ, होउ संपयं सदारपरिभोगं मोत्तूणाऽऽमर-
णंतं निचिती मम सेसमहिलापसंगस्सत्ति, गोभहेण भणियं-अज्ज ! जाओ इयाणिं मम वंछियत्थलाभो, एत्तो सुम-
रिज्जासि मं सुहिसयणाइकहंतरेसुत्ति । एवं वुत्ते विज्जासिद्धो जोडियपाणिपल्लवो पणामं काऊण संवेसिं सिणेहवस-

श्रीगुणचंद्र
महावीरच०
५ प्रस्तावः

॥ १७१ ॥

संदंतवाहफुरंतनयणो सायरमवलोइज्जमाणो चंदकंतापमुहेहिं अदंसणमुवगओत्ति । चक्खुपहमइकंतेऽवि तंमि खणं
विरहवेयणासुन्नत्तणमणुभविऊण भणियं गोभदेण-अहो से वयणविन्नासो अहो पावपरिहारो अहो भीरुत्तणं अहो
विणीयया अहो सुगुणज्जणसमुज्जमो अहो असरिसदक्खिणत्तणंति, चंदलेहाए भणियं-तुहाणुभावो खलु एसो,
न हि नरिंदसामत्थमंतरेण भुयगफणाफलमइकमिउमभिसकइ साल्लो, न तिक्खंकुसकरारोहं विणा पहे पयट्टइ
मत्तदोघट्टोत्ति, एवं च विविहसंकहाहिं ठाऊण कइवय दिणे अन्नदियहे य भणियं गोभदेण, जहा-वहूइं दिणाइं
मम गिहनिग्गयस्स ता अणुजाणहं मं गमणत्थं, न जाणिज्जइ कंहंपितुह भाउजाया संपयमावण्णसत्ता निवसइत्ति,
एवमायण्णिऊण चंदलेहाए पुणोवि कइवय वासराणि धरिऊण अन्नसमए य पभूयरवणदाणपुव्वं सम्माणिऊण
विसज्जिओ गोभदो सट्ठाणं पत्तो कहाणगविसेसेणं निययगामं ।

अह जाव पिययमादंसणूसुओ निययगेहाभिमुहं वचइ ताव दूराओ चिय दिट्ठं भग्गहुवारदेसं रेणुपडलसंछन्नं
दरीपसुत्तसाणधुरधुरियघोरघोसभीसणं अणेगकोलविलाउलं सुसाणं व भयावहं तं गिहं, तारिसं च दट्ठूण खुभिय-
हियएण पुच्छिया सहेज्जिया, तीएवि चिरकालागयं दट्ठूण तं जायपण्याए आहूओ सगिहे, दावियं आसणं, कयं
चरणसोयणं, भणियं च-गोभद ! करेसु ताव भोयणंति, तेणावि तहाविहगेहदंसणजायसरीरदाहेण आपुट्ठा पुणोवि
एसा सघरवुत्तंतं, तीएऽवि अणिट्ठं भोयणावसाणे सीसइत्ति लोयवायं परिभाविंतीए भणियं-पियहरं गया तुह

प्रतिज्ञा.
विद्यासिद्ध

॥ १७१ ॥

परिणी, सेसं पुणो कहिस्सामि विहेसु ताव भोयणं, तओ आउलहिययएणावि तदणुवित्तीए कयमणेणाहारग्गहणं,
तयणंतरं आयंतस्स सुहासणगयस्स निवेइयमणाए-गोभइ ! तुह गयस्स कइवयदिवसावसाणे विओगदुक्खेण वा
तहाविहवाहिवसेण वा परिकिसियसरीराए सिवभहाए अयंडेचिय समुप्पन्ना गाढं सूलवेयणा, आउलियं सरौरं,
ओसहेहिवि न जाओ विसेसो, गया य मुहुत्तमेत्तेण पंचत्तंति, एयं च सो आयन्निऊण विओगवज्जज्जरियहियओ
खणंतरमुच्छिओ इव विगमिऊण मुक्कपोक्कारकरुणसहं रोइउं पवत्तो, समासासिओ पासवत्तिणा जणेण, कयाइं मय-
लोइयकिचाइं, कालेण य जाओ अप्पसोगो । अन्नया य भणिओ लोगेहिं, जहा-गोभइ ! कीरउ कलत्तसंगहो, विमु-
चउ सोगो, एसच्चिय गई संसारविलसियाणं, तेण भणियं-भो दूरमसरिसमेयं, तहाहि—

पढमं दवोवज्जणकएण देसंतरं गओऽहमहो । चिरकालकिलेसवसा तद्धाभे नियगिहं पत्तो ॥ १ ॥

किर भुंजिस्सामि अहं इण्हि नियपणइणीए परियरिओ । पंचविहविसयसोक्खं निरवेक्खो सेसकज्जेसु ॥ २ ॥

भवियघयावसेणं अक्काले चिय दिवं गया सावि । एवं ठियंमि अन्ना परिणिज्जइ केण कज्जेण ? ॥ ३ ॥

जह सा मरणं पत्ता अहुणुवूढावि तह जइ मरेज्जा । ता होज्ज निप्फलचिय पुणोऽवि सव्वेऽवि आरंभा ॥ ४ ॥

नियजीवियस्सवि कहं विस्सासो बुज्झए सयन्नेण ? । आगयगयाइं जं किर कुणइ व मुहमारुयमिसेण ॥ ५ ॥

संघडणविहडणापडुपरकमे निक्खि वे कयंतंमि । सच्छंदं वियरंते कत्थ व जाएज्ज थिरबुद्धी ? ॥ ६ ॥

श्रीगुणचंद्र
महावीरच०
५ प्रस्तावः
॥ १७२ ॥

दइयाधणपरियणसंगमेषु जइ सरिसवोवमं सोक्खं । पाविज्ज विण्णओगे नियमा मेख्वमं दुक्खं ॥ ७ ॥
इय पज्जत्तं मह घरणिविसयतण्हाए बहुकिलेसाए । एत्तियमेत्तंमि वाए विसयासा हीलणाठाणं ॥ ८ ॥
एवं तन्निच्छयं मुणिऊण तुसिणीए ठिओ जणो, सो य धम्मकज्जेसु उज्जओ जाओ, अन्नदियहे समोसरिओ
तत्थ पंचसयमुणिपरिवुडो छत्तीसगुणरयणरयणायरो नीसेसपाणिगणरक्खणपरो सुगहियनामो धम्मघोससूरी, गया
तस्स वंदणत्थं बहुवे जणा, गोभदोऽवि भवविरत्तमणो जाणिऊण तदागमणं पत्तो सूरिसमीवे, पहिट्ठचित्तो य पण-
मिऊण से पायपंकयं गुरुणा दिन्नासीसो उवविट्ठो भूमिवट्ठे, सूरिणावि पारद्धा धम्मदेसणा, जहा—

जीववहालियवज्जणमदत्तधणगहणमेहुणनिवित्ती । जो य परिग्गहचाओ एयं धम्मस्स सघस्सं ॥ १ ॥
जीववहे आसत्ता सत्ता अट्ठप्पयारमवि कम्मं । वंधंति जंति नरए पावंति य तिकखदुक्खाइं ॥ २ ॥
तत्तो उवट्ठित्ता तिरिक्खजोणीसु लक्खमेयासु । उववज्जंति वराया नियदुचरिएण बहुकालं ॥ ३ ॥
जे उ नियजीवियसमं सम्मं रक्खंति सघपाणिगणं । ते सयल्लोयलोयणससहरतुल्ला हवंति जणा ॥ ४ ॥
दीहाऊउववेया वरख्खा दिघदेवसोक्खाइं । अणुभुंजिऊण नूणं कमेण मोक्खंमि वचंति ॥ ५ ॥
भूयत्थनिण्हयकरं पाणिविणासेककारणं घोरं । जं वयणं तं सघंपि वज्जणिज्जं सुवुद्धीहिं ॥ ६ ॥
इह लोए चिय जीहानिकंतणं निंदणं च लोयाओ । पावंति वितहभासणपरायणा परमवे य दुहं ॥ ७ ॥

गोभद्रस्य
प्रियामरणं
वैराग्यं.

॥ १७२ ॥

एत्तो विरत्तचित्ता कुडिलत्तणवज्जिया मियाभासी । जे ते अवजसपंकेण नेव छिप्पंति कइयावि ॥ ८ ॥
 पडिवुद्धकमलपरिमलसममुहनिस्साससुरहियदियंता । पूइज्जंति जणेण य आएज्जगिरा य जायंति ॥ ९ ॥
 जो परधणं विलुंपइ सो झंपइ सुगइगिहकवाडाइं । निविडाइं कम्मनिगडाइं कुणइ तुच्छेहियसुहत्थं ॥ १० ॥
 एत्तो चिय दोगच्चं पइजम्मं उवचिणेइ मूढप्पा । सुयदइयाविरहुब्भवदुहं च पावेइ दुविसहं ॥ ११ ॥
 जे पुण संतोसपरा तणंपि गिण्हंति नेव य अदिन्नं । ते देवाणवि पुज्जा हवंति किं पुण मणुस्साणं ? ॥ १२ ॥
 वट्टंति धणविलासा निवडंति न आवयाउ कइयावि । पुज्जंति य निधिग्घं मणोरहा तेसि नीसेसा ॥ १३ ॥
 जे अणिगिहियप्पाणो इहभवसुहलेसमेत्तपडिवद्धा । दासव्व कामलुद्धा मुद्धा जुवईण वट्टंति ॥ १४ ॥
 नरवइसेवणसंगामकरणपमुहाइं विविहवसणाइं । मेहुणसन्नाभिरया असइंपि लहंति ते पुरिसा ॥ १५ ॥
 कामविवरंसुहा पुणं नरसुरजणपूयणिज्जकमकमला । देहुब्भवमविणस्सरपरमाणंदं सइ चरंति ॥ १६ ॥
 पडिपुण्णवंभपालणपवित्तगत्ताण पुरिससीहाण । सुमरणमेत्तेणं चिय विज्जा मंता य सिज्जंति ॥ १७ ॥
 जे न परिग्गहविरइं कुणंति पावेसु संपयट्टंति । वंधंति कोसियारोव्व अप्पयं ते सकिरियाए ॥ १८ ॥
 पइदियहलाभवसवहुमाणगुरुलोभदूमियसरीरा । सवत्थ ममत्तपरिग्गहेण सुचिरं किलिस्संति ॥ १९ ॥
 अपरिग्गहा उण नरा ससरीरेऽविहु ममत्तपडिवंधं । न कुणंति वत्थपत्ताइएसु सेसेसु का गणणा ? ॥ २० ॥

श्रीगुणचंद्र
महावीरच०
५ प्रस्तावः
॥ १७३ ॥

एतो चिय तिवयरोवसग्गवग्गेऽवि ते ण ज्ञाणाओ । मंदरगिरिव विचलंति मोक्खसोक्खं च साहंति ॥ २१ ॥
इय भो देवाणुपिया ! अविरयविरयाण दोसगुणसहियं । कहियं तुम्हाण मए सुद्धं सद्धम्मसवस्सं ॥ २२ ॥
चिंतामणिव दुलहं संसारमहोयहिंमि भमिराणं । जीवाण नूणमेयं सकम्मगुरुभारपिहियाणं ॥ २३ ॥
एयंमि उ संपत्ते तं न जए जं न पावियं होइ । ता एयंमि पयत्तो कायवो कुसलबुद्धीहिं ॥ २४ ॥
एयं च निरइयारं न साहुदिकखं विणा घडइ जम्हा । पडिवज्जह पवज्जं तम्हा दुहसेलवज्जसमं ॥ २५ ॥
एवं च गुरुणा उवइट्ठे सद्धम्ममग्गे पडिबुद्धा वहवे पाणिणो पलीणा मिच्छत्तवासणा जाओ केसिंचि सवविरइ-
परिणामो अन्नेसिं समुप्पन्ना देसविरइबुद्धित्ति, एत्थंतरे संसारासारयं परिभावेत्तो तक्कालतिववेरग्गसमुग्गयपवज्जाप-
रिणामो गोभदो गुरुसमीवं गंतूणं विन्नविउमारद्धो-भयवं ! अमयं व परिणयं मम तुम्ह वयणं समुल्लसिओ विवेओ
तुट्ठा गेहवासणा, ता तुम्हेहिं निज्जामगेहिं पवज्जाजाणवत्तमारुहिऊण भवोदहिं लंघिउमिच्छामि, गुरुणा भणियं-
भद ! जुत्तमेयं तुम्हारिसाणं, तओ सूरिं पणमिऊण गओ गेहे, रयणविक्कओवलद्धदवेण दिन्नं दीणाणाहाईणं महा-
दाणं, अह पसत्थे तिहिमुहुत्ते सूरिसमीवे गहिया पवज्जा, जाओ महातवस्सी, पालेइ निरयारं समणधम्मं अहि-
यासेइ सम्मं परीसहे पउंजइ वालगिलाणाईणं विणयं भावेइ भावणाजालं पढेइ समयसत्थं परिचिंतेइ तम्भावत्थं
कुणइ अपुवापुवत्तवचरणं, एवं च विसुज्जमाणस्स तस्स वोळिंति वासरा, अन्नया य गुरुमापुच्छित्ता समारद्धाईं तेण

धर्मवीर-
देशना
गोभद्र-
दीक्षा च.

॥ १७३ ॥

मासक्खमणाइं,परिसुसियं च से सरीरं, तहावि वालाईण कज्जेसु अणिगूहियसामत्थो सवत्थ पंयट्टइत्ति । अन्नसमए य
 सो खमगो गओ खुड्डगेण समं वासियभत्तस्स, तेण य पहे गच्छमाणेण जुगमेत्तनिहित्तचक्खुपसरेणवि कहवि दिव्वजो-
 गवसा चंपिया चलणेसु मंडुकिया, विवन्ना य सा, पट्टिड्डिएण य भणिओ सो खुड्डएण-जहा खमग ! तुमए एसा विरा-
 हिया, ता सम्मं निरूवेहि, सोऽवि एवमायन्निऊण ईसिसमुप्पन्नरोसावेसो असूयाए इयरजणचरणचंपणपणट्टजीवाओ
 मंडुकलियाओ दांसित्तो भणइ-अरे दुट्टसिक्ख ! इमावि मए मारिया ? इमावि मए मारिया ? इमावि मए मारियंत्ति,
 खुड्डगेण नायं-होउ ताव, वियाले सयमेव गुरुपुरओ आलोइस्सइत्ति, एवं च पत्थुयकज्जं काऊण पडिनियत्ता दोवि
 निययासमं, कमेण य जाओ संझासमओ, आरद्धं आवस्सयं, गुरुपुरओ य खमयरिसी आलोइत्ता देवसियं उवविट्ठो,
 नवरं मा विस्सुमरियं होहिति चिंतयंतेण खुड्डएण कहिओ मंडुकियावइयरो खमगस्स, एत्थंतरे निट्ठुरविगिट्टवचरण-
 संतत्तणेणं सरीरस्स माहणजम्मसुलभत्तणेणं तहाविहतिवकोवुब्भवस्स पणट्ठो से विवेओ, समुद्धाइओ महंया
 वेणेणं खुड्डगताडणनिमित्तं, अंतरा य आगच्छमाणो निट्ठुरथंभसिरावडणघाइयमम्मपएसो तहाविहकलुसाभिप्पाय-
 विराहियसामन्नो कालं काऊण उववन्नो जोइसियदेवेसु, कोहदूसियस्स एवंविहा विडंवणा, जेण—

छट्टमाइदुकरविगिट्टवभेयसेवणुब्भूयं । गुरुवालसिक्खगेलणपंडियविणओवणीयंपि ॥ १ ॥

दसविहजइजणकिरियापरिपालणपोसियंपि सुहपुन्नं । खणमेत्तेणवि तेणं तणं च कोहग्गिणा दहं ॥ २ ॥ जुम्मं ।

श्रीगुणचंद्र
महावीरच०
५ प्रस्तावः
॥ १७४ ॥

एतोच्चिय पसमविवज्जियाण सद्वा निरत्थिया किरिया । उक्किट्टतवोऽविहु होइ केवलं भुक्खमारो सो ॥ ३ ॥
जह पव्वयाण मेरु नईण गंगा मियाण पंचमुहो । पक्खीण जहा गरुडो सेसाही सयलभुयगाण ॥ ४ ॥
जह साहूण जिणिंदो मणीण चिंतामणी तथा पसमो । सारो समत्थधम्मस्स तेण एत्थेव जइयवं ॥५॥ जुम्मं ।
अलं पसंगेणं । सो खमगज्जिओ जोइसदेवेसु अहाउयं पालिऊण चुओ समाणो कणगखले आसमए पंचतावस-
सयाहिवइस्स कुलवइणो गिहिणीए उववन्नो दारगत्तणेणं, जाओ य उच्चियसमए, कयं से कोसिओत्ति नामं, सो य
सभावेणं चंडरोसो, थेवावराहेऽवि सेसतावसकुमारे कुट्टेति, ते य तेण ताडिज्जमाणा नियनियपिऊणं साहेति, तेहि
य केण कुट्टियत्ति पुच्छिज्जमाणा निवेइंति कोसिएणं, तत्थ अन्नेऽवि तावसकुमारगा कोसियाभिहाणा अत्थि अओ
न सुणिज्जइ केणावित्ति तव्विसेसोवलंभनिमित्तं तप्पभिइं ठावियं चंडकोसिओत्ति नामं, तद्धिणाओ आरब्भ पावियं
च पसिद्धिं, एवं सो चंडकोसिओ जाओत्ति । अन्नया य कुलवई पंचत्तमुवगओ, पच्छा सो सेसतावसेहिं कुलवइपए
निवेसिओ समाणो तत्थ वणसंडे अचंतं अज्झोववणो, अणवरयं अपुव्वापुव्वपायवसेयणपालणपरो कालं गमेइ, सेस-
तावसे य पुप्फफलाइं तहिं गेणहंते पयत्तेण निवारेइ, ते य तत्थ कुसुममेत्तंपि अपावमाणा गुरुम्मि व गुरुपुत्तगंमि
पवट्टियवंति सुमरिऊण तव्वयणमविकूलंता दिसोदिसिं गया, जोऽवि गोवालगाई तत्थ फलाइनिमित्तमेइ तंपि
हंतूण सो निद्धाडेइ, जाया य समीवगामनगरेसु पसिद्धी जहा चंडकोसिओ उववणं अवलोइउंपि न देइ । अन्नया य

मण्डूकी-
विराधना
ज्योतिष्क-
ता तापसः

॥ १७४ ॥

सो निसियधारं परंमुं घेत्तूण वइकरणनिमित्तं कंठिगाणयणाय गओ दूरवणसंडे, इओ य आसमपयासन्नं सेयविया-
 पुरिवत्थवेहिं रायपुत्तेहिं फलगहणनिवारणाकुविएहिं मुणियतग्गमणवुत्तंतेहिं पुवामरिसेण आगंतूण ओक्खया तरु-
 पोयगा छिंदिया सरलतरुणतरुवरा पाडियाइं फलाइं हयमहिओ कओ से उडवओ भग्गा कलसगा फोडिया कमं-
 डलू खंडिया दक्खामंडवा पणासियाइं कयलीहराइं, अन्नंपि जहासत्तीए उवइविउमारद्धत्ति, एत्थंतरे दिट्ठतहाविहा-
 समभंगवइयरेहिं गोवालगेहिं गंतूण सिट्ठं चंडकोसियस्स, जहा-तुह उववणं कुमारेहिं हणिज्जइत्ति, सो एवमायन्नि-
 ऊण कोवेण जलणोघ धगधगन्तो परसुमुग्गीरिऊण धाविओ पवणवेगेण तदभिमुहं, दिट्ठो य एंतो कुमारेहिं, ते य
 मुणी अवज्झोत्ति चिंतिऊण पलाणा नियनयराभिमुहं, चंडकोसिओऽवि तयणुमग्गलग्गो वाहरइ—

रे खत्तियाहमा ! मज्झ उववणं छिंदिऊणवि परोक्खं । इण्हं नियजणीए किं पुण उयरंमि पविसिहिह ? ॥ १ ॥

मा वेगेण पलायह वट्ठह सवडंमुहा खणं एकं । तालफलाणिव सीसे जेण कुहाडेण पाडेमि ॥ २ ॥

एमाइ असब्भे गालिगवभवयणे समुल्लवेंतो सो । तह कहवि कोववसवियल्लोयणो धाविओ तुरियं ॥ ३ ॥

जह खाणुखलणनिवडणअड्ढट्ठियपरसुच्छिन्नसीसस्स । अवमाणदंसणाउव तस्स लहु अइगयं जीयं ॥ ४ ॥

जह अट्ठज्झाणगओ मरिउं सो तम्मि चेव वणसंडे । मुच्छावसेण जाओ भीमो दिट्ठीविसो सप्पो ॥ ५ ॥

ते य तावसा तम्मरणवइयर निसामिऊण समागया तंमि वणसंडे ठाउमारद्धा य, अन्नया य पुवसिणेहाणुवन्धस-

श्रीगुणचंद्र
महावीरच०
५ प्रस्तावः
॥ १७५ ॥

मुपपन्नवणरक्खणपरिणामेण इओ तओ परिब्भमंतेण दिट्ठा ते दिट्ठीविससप्पेण, तओ सरोससूरविंवावलोयणुग्गि-
रियजलणजालाकलावेण निद्वुद्धा अभिमुहट्टिया अणेण, अदहंंगा य पलाणा दिसोदिसिं, एवं च तिसंझं सो वणसंडं
तिपयाहिणीकाऊण जं सउणगमवि पासइ तंपि दहेइ, अन्नेऽवि तम्मग्गेण वोलेमाणे तडियकप्पडियपमुहे पंथिगे
विद्वेइ, अह तब्भएण अवहो जा जाओ सो मग्गो, एसा चंडकोसियसप्पस्स उप्पत्ती ।

अह तेण सप्पेण उववणंतरे परिब्भमंतेण दिट्ठो जक्खसंडविद्याए पडिमं ठिओ वद्धमाणजिणवरो, तं च दट्टूण
समुच्छलियकोवानलो अहो मम सामत्थं एस न मुणइत्ति विगप्पिऊण तरणिमंडलावलोयणचउगुणीभूयविणिस्सरंत-
विसुम्मिस्सदुस्सहसिहिसिहाभासुरच्छिच्छोहो निद्वहिउकामो भयवन्तं पेच्छिउमारद्धो—

अह जयगुरुणो देहे दिट्ठी दिट्ठीविसस्स पडिफलिया । पिऊससीयले साऽणुभावओ इत्ति विज्झाया ॥ १ ॥

असमत्था निद्वहिउं जाया जिणनाहलोममित्तंपि । ताहे पडिहयसत्ती तंडवियपयंडफणभित्ती ॥ २ ॥

गरलकणुकरसम्मिस्सगरुयपम्मुक्कफारफुंकारो । वेगेणं डसिउमणो पहाविओ जिणवराभिसुहं ॥ ३ ॥

तओ तिव्वविसुब्भडाहिं दाढाहिं जिणं डसिऊण पच्छाहुत्तं अवक्कमेइ, मा उग्गविसविहयजीवियवो ममोवरि
एस निवडिहित्ति, भयवंतं च तहट्टियं चेव दट्टूण पुणो पुणो तित्ति वारे जाव डसित्ता अमरिसेणं पलोयंतो अच्छइ,
तहावत्थाणे य जिणसोमविंवावलोयणोवसंतदुट्टुदिट्ठिविसविगारो सो करुणाए भणिओ भयवया—उवसम भो

तापसमरणं
चण्डको-
शिकसर्प-
दंशः

॥ १७५ ॥

चंडकोसिया!, उवसम महाणुभाव!, किन्न सरसि सयं चिय अणुभूयं तं वइयरं? ।

पुढभवे जं समणो कोवविराहियसमग्गसामन्नो । कुच्छियजोइसदेवत्तलच्छिमणुपाविओ मरिउं ॥ १ ॥

तत्तो इह वणसंडे तावसपुत्तो य जं तुमं जाओ । तत्तोऽविय तिघविसो इण्हिं सप्पत्तणं पत्तो ॥ २ ॥

ता भइ! एत्तोऽवि मुंच कोवं, एसो हि विग्घभूओ परमसुहसंपयाणं पडिखलणमल्लो कल्लाणवल्लीणं महापडिवक्खो पवरविवेयस्स जलणो कुसलाणुट्ठाणवणसंडस्स जणओ दुग्गदुग्गइपडणस्सत्ति, सवहा अलमेत्तो कोवाणुबंधेणंति, इमं च सोचा भुयगस्स पुद्धानुभूयसरणवसेण ईहाचूहमग्गणगवेसणं करेमाणस्स जायं जाइसरणं, दिट्ठं च पुद्धानु-
ट्ठियं तवचरणं सामण्णपरिपालणं तद्विराहणोवलद्धजोइसियसुरजम्मं च, अह उम्मीलियविवेओ समुल्लसियधम्मपरि-
णामो जायपावदुगुंछो आयाहिणपयाहिणापुद्गं परमभत्तीए भयवंतं भुवणगुरुं वंदिऊण अणसणं पडिवज्जइ, भय-
वंपि मुणइ जहा एस पडिबुद्धो कयाणसणो य, तहावि तअणुकंपाए तत्थेव काउस्सग्गओ परिवालेइत्ति, चंडको-
सिजोऽवि मा कहवि रोसवसेण नयणग्गिणा पाणविणासो होज्जत्ति परिभाविऊण विलनिहित्तुंडो पयडियसेससरीरो
परमवेरग्गावडियमई चित्तेइ—

कह गुणरयणोयहिणा गुरुणा सह संगमो पुरा जाओ? । कह पव्वज्जारयणं अपत्तपुवं मए पत्तं? ॥ १ ॥

कह वा पीऊसंपिव असेसदोसग्गिविज्झवणदक्खं? । सम्ममहीयं सुत्तं विचित्तनयभंगदुविगमं? ॥ २ ॥

कह वा मासकखमणाइ दुकरं तह चिरं तवो चरियं? । कह दुद्धरंपि चरियं अकलंकं वंभचेरंपि? ॥ ३ ॥

खणमेत्ततिवकोवप्पभावओ कह इमं समग्गंपि । विफलत्तणमणुपत्तं? हा मुद्धो मंदभागोऽहं ॥ ४ ॥

इण्हिं तु पयइभीसणभुयंगभावं गओ हयासोऽहं । मुणिधम्मस्स अजोग्गो कमुवायं संपवज्जामि? ॥ ५ ॥

हा पाव जीव! तइया जह सिरलोयाइ विविहदुक्खाइं । सहियाइं तहा खुड्ढगवयणंपि य कीस नो सहियं? ॥ ६ ॥

किं मूढ! नियसिरंमी एवं पज्जालिओ तए जलणो? । सुहकामिणा हणिज्जइ अप्पा किं अप्पणो चेव? ॥ ७ ॥

इय उत्तरोत्तरपवड्ढमाणवेरग्गमग्गमणुलग्गो । सप्पो झंपियदप्पो संलीणंगो मओच्च ठिओ ॥ ८ ॥

अह भयवंतं समीवमुवगयं पेच्छिऊण गोवालादयो तरुवरतिरोहियसरीरा तहा निचलस्सवि भुयंगमस्स उवरिं
अविस्ससेमाणा चेयणापरिक्खणनिमित्तं पाहाणखंडे खिवंति, तेहिं ताडिज्जमाणोऽवि जाव न मणागंपि विचलइ
एसो ताव समीवमागच्छन्ति, कट्टेण य घट्टेति, तहावि अप्फंदमाणे तंमि सेसलोयस्स साहेति, जहा—दिट्ठीवि-
ससप्पो देवज्जएणं उवसामिओ, न संपयं उहइत्ति, ताहे लोगो आगंतुं सामिं वंदित्ता तंपि वंदइ महिमं च करेइ,
अन्नाओवि गोउलियविलयाओ घयमहियाविक्किणणत्थं तेणंतेण वचमाणीओ तं सप्पं तुप्पेण मक्खंति, घयगंधेण य
(अहि)सरंततिकखतुंडपिवीलिगापडलखज्जमाणदेहुप्पणणतिव्वेयणं सम्ममहियासमाणो अद्धमासियाए संलेहणाए
कालं काऊण सहस्सारे देवलोए देवो अट्टारससागरोवमो उववण्णोत्ति ।

इय सुहपरंपराए निजुंजिऊण चंडकोसियं परमेसरो तिहुयणेकदिणयरो वीरो तत्तो निक्खमिऊण उत्तरचावा-
लसन्निवेशं गओ, तत्थ पक्खक्खमणपारणए पविट्ठो गोयरचरियाए, कमेण पत्तो नागसेणगाहावइस्स मंदिरं,
तहिं च तद्दिणे दुवालसवरिसाओ पुत्तो समांगओत्तिकाऊण पयट्ठो महुसवो, जेमियो नियगजणो, सो य निय-
गजणो सामिणो रुवसंपयाए आणंदमुवहंतो परमण्णेणं भयवंतं पडिलाभेइ, एत्थंतरे अहो दाणं अहो दाणंति
वाहरमाणेहिं चेलुक्खेवं करेतेहिं कणगवुट्ठिं मुयमाणेहिं चउविहत्तूरनियरं वायंतेहिं गंधोदयं चरिसंतेहिं दसद्धवन्नं
कुसुमपयरं कीरंतेहिं नचमाणेहिं गायमाणेहिं तिवइं अप्फालेतेहिं सहरिसं थुणंतेहिं असुरसुरखयरनिवहेहिं भरिय-
मम्बरविवरंति, जयगुरुवि पारिऊण सेयवियं नयरिं गओ, तत्थ य नमंतसामंतमउलिमंडलीमंडियपायपीढो सम्महं-
सणमुणियजहट्टियजिणोवइट्टीजीवाइतत्तप्पवंचो पएसी नाम नराहिवो परमसमणोवासओ, सो य भयवंतं आगयं
मुणिऊण चाउरंगसेणापरिवारिओ सयलनयरजणसमेओ निग्गओ चंदणवडियाए, दिट्ठो सामी, तिपयाहिणीकाऊण
य वंदिओ परमायरेणं, थोउं पयत्तो, कहं?—

जय भुवणेकनिसायरं ! सायरसुररायनमियकमकमल ! । मलविरहिय ! हियकारय ! रयतमभरहरणदिवसयर ! ॥ १ ॥
करुणारसनिवावियभवगिम्हुत्तत्तत्तत्तरुनिवह ! । जिणनाह ! तुमं पुव्वज्जिएहिं पुण्णेहिं दिट्ठोऽसि ॥ २ ॥
तं चिय दिणं पसत्थं सोचिय समओ समत्थसुहहेऊ । जत्थ भुवणेकबंधव ! तुह सुहकमलं पलोएमो ॥ ३ ॥

श्रीगुणचंद्र
महावीरच०
५ प्रस्तावः

॥ १७७ ॥

प्रदेशिकृतो
महिमा.

अइनिस्सारस्तवि जीवियस्स पत्तं मए फलं अज्ज । जं तुम्ह चरणफरिसणपवित्तिं उत्तमंगं मे ॥ ४ ॥
इय जिणनाहं थोउं बहुप्पयारं पराएँ भत्तीए । रायां पुरजणसहिओ जहागयं पडिनियत्तोत्ति ॥ ५ ॥
भयवंपि सुरहिपुरनयराभिमुहं वच्चइ, तत्थ य अंतरा पएसिनरवइसमीवमागच्छमाणा पंचहिं रहेहिं निज्जगा
रायाणो भयवंतं दट्ठण पूयं सक्कारं सवायरेण कुणंति, सामीऽवि नियप्पभावप्पवोहियसत्तसंघाओ बहुविहउग्गतव-
विसेसपणस्समाणासेसनिविडकम्मंसो विसुद्धसीलसुरभिसरीरो सुरभिपुरं अइकमिऊण संपत्तो जलहिपवाहाणुकारि-
वारिपसरं सयलसरियापवरं गंगामहानइं, अविद्य—

पवणुच्छालियजलकणसेयवससिणिद्धतीरतरुसंडं । अन्नोन्नप्फिडणविफुट्टलोलकल्लोरवमुहलं ॥ १ ॥

पप्फुरियफारडिंडीरपिंडपंडुरियतारतीरंतं । जिणदंसणतोसवसा तक्खणविहियट्टहासं च ॥ २ ॥

वणकुंजरकुलमज्जणविदलियसिप्पिउडमोत्तियसमिद्धं । वियरंतहंससारसरहंगरवमणहरदियंतं ॥ ३ ॥

मज्जिरविलयाजणथोरथणहराघायभंगुरतरंगं । रंगंतमच्छकच्छवमयरोरगभीसणावत्तं ॥ ४ ॥

इय एरिसं सुरसरिं सरणागयवच्छलो जिणो जाव पेच्छइ कमलदलच्छो परतीरगमाभिलासेण ताव सुसिलिद्धनिट्टुर-
विसिट्टतरुकट्टफलगनिम्मविया परतीरगमणत्थं नाविण्ण पगुणीकया नावा, तहिं च समारूढो परतीरगामी
जणो, भयवंपि आरुहिऊणं ठिओ तीसे एगदेसे, एवं च निलीणंमि जणे पयाहिया नावा, ऊसिओ सियवडा

॥ १७७ ॥

चालियाइं अवलगाइं पयट्टा महावेगेण गंतुं नावा, एत्यंतरे तडट्टिएण वासियं कोसिएणं, तं च निसामिऊण भणियं
 खेमिटाभिहाणनेमित्तिएणं—अहो इमो महासउणो इमं वाहरइ, जहा—तुब्भे इह मारणंतियं आवइं पाउणिस्सह,
 केवलमेयस्स महारिसिस्स पभावेण अक्खयसरीरा नित्थरिस्सहत्ति, एवं निसुणिऊण विम्भिया नावाजणा जाव
 अवरोप्परं विविहं संलवंति ताव पत्ता अगाहसलिलमज्झयारदेसं नावा,

एत्यावसरंमि जिणं नावारूढं पलोइउं पावो । संभरियपुववेरो नागसुदाढो विचित्तेइ ॥ १ ॥

एसो सो जेण पुरा तिविट्ठुचक्कित्तणमुवगएणं । गिरिकंदरमल्लीणो सीहत्ते वट्टमाणोऽहं ॥ २ ॥

सच्छंदविविहकीलाविणोयलीलाविलासदुल्ललिओ । परिजुन्नपडोघ दुहा विफालिओ पाणिणा घेत्तुं ॥ ३ ॥

एयस्स किमवरद्धं तइया विजणे वणे वसंतेणं ? । जेण तहा निहओऽहं अनिमित्तियसत्तुणा इमिणा ? ॥ ४ ॥

ता मज्झ पुन्नपगरिसवसेण जायं समीहियं अज्ज । जं एस वेरिओ चक्खुगोयरं सयमिहावडिओ ॥ ५ ॥

जीयस्स एत्तियं चिय पसंसणिज्जं जए सुपुरिसाणं । उवयारे उवयारो जं किज्जइ वेरिए वेरं ॥ ६ ॥

आसन्नमुवगयंपि हु भरणं मम चित्तनिघुइं जणइ । जं पुववइरसाहणमुवट्टियं एत्थ पत्थावे ॥ ७ ॥

इय असरिसनिचामरिसपगरिसायंवअच्छिच्छोहो । सो चित्तिउं सुदाढो वेगेण जिणंतियं पत्तो ॥ ८ ॥

अह अंतलिक्खमुवागएण किलकिलारावं कुणमाणेणं तेण अरे रे कत्थ वच्चिहत्ति भणिऊण विउच्चिओ संवत्तगम-

श्रीगुणचंद्र
महावीरच०
५ प्रस्तावः

॥ १७८ ॥

हापवणो, तेण पहणिज्जमाणे उम्मूलिया तरुणो टलटलिया कुलसेला थरहरियं धरणिवट्टं दूरमुच्छलियं गंगासलिलं
विसंतुला डोलिया नावा भग्गो तडत्ति कूवयखंभो जज्जरिओ सियवडो वामूढो कन्नधारो मरणभयभीओ इट्टदेव-
ए सुमरिउं लग्गो नावाजणो, अवि य—

संचलियमच्छकच्छवजलकरिकरघायज्जरतरंगे । तारापहमोगाढे सलिलुप्पीले महापवले ॥ १ ॥

पवयमहोल्लकल्लोलपेळणुवेळिरी सफरिगव । बोलेउं आढत्ता ताहे नावा सुदाढेण ॥ २ ॥

एत्थंतरे कंवलसंबलाभिहाणा दो नागकुमारदेवा तक्खणचलियासणा परमत्थजाणणट्टा जाव ओहिं पउंजंति ताव
पासंति भयवंतं नावारूढं सुदाढेण जले वोलिउमाढत्तंति, तं च पासित्ता अलाहि सेसकज्जेहिं, सार्मिं ताव मोथा-
वेमोत्ति चिंतिऊण वेगेण समागया तंपएसं, आवडिओ य एगो नागकुमारो सुदाढेण सह जुज्झिउं, वीएणवि वियड-
पाणिसंपुडेणुप्पाडिऊण नावा नइपरिसरंमि पमुक्का ।

अह सो सुदाढनागो महिड्ढिओ जइवि तहवि खीणवलो । आसन्नमरणनिभररणरणगुच्छायउच्छाहो ॥ १ ॥

अप्पड्ढिएहिवि तथा कंवलसंबलभिहाणदेवेहिं । अहिणवदेवत्तणदिवसत्तिणा निज्जिओ झत्ति ॥ २ ॥

उद्धियदाढे नागेव निविसे निम्मिए सुदाढंमि । नागकुमारा ताहे वंदित्तु जिणं विणयपणया ॥ ३ ॥

सुंचंति पुप्फपयरं सुरहिं गंधोदयं च वरिसंति । गायंति भत्तिभरनिस्सरंतरोमंचकंचुइया ॥ ४ ॥

॥ १७८ ॥

एवं च अवलोइऊण जायपरमविम्हओ नावाजणो चित्तेइ-अहो कोइ एस महापुरिसो माणुसवेसोवि अमाणु-
साणुरूपभाओ, जओ एयप्पभाओ अम्हे समुत्तिन्ना आवयामहन्नवाओ, ता जुज्जइ एस महप्पा पणमिउंति
विभाविऊण निवडिओ तिहुयणगुरुणो चलणकमलंमि, कंवलसंवलावि जिणं पणमिऊण गया जहागयं ।

अह के पुण कंवलसंवला पुवभवे इंतत्ति सुणेह मूलुप्पत्तिं-अत्थि सयलमहियलविकखाया समुत्तुंगपसत्थसुपास-
तित्थयरथुभसोहिया मडुरा नाम नयरी, तत्थ य अहिगयजीवाजीववियारो नियसुद्धबुद्धिपगरिसोवलद्धपुन्नपाओ
आसवसंवरपमोक्खतत्तवियारवियक्खणो पंचाणुव्याइसावगधम्मपरिपालणवद्धलक्खो जिणिंदसमयाणुरागरंजिय-
हियओ आगरो पसमाइगुणरयणाणं निवासट्टाणं गंभीरिमाए संकेयभूमी करुणाए वल्लहो धम्मियजणाणं बहुमओ
नरवइस्स सबत्थ पावियसाहुवाओ जिणदासो नाम सावओ, साहुदासी नामेण से भारिया, ताणि य दोन्निवि अचंत-
धम्मकरणलालसाइं अणवरयगुरूवएसपालणपरायणाइं फासुयएसणिएहिं असणपाणखाइमसाइमेहिं सुणिजणं
पडिलाभेमाणाइं कालं वोळंति । अन्नं च—

संसारावत्तविचिन्तणत्थ(प्प)भीयाइं जइवि अचत्थं । जइवि य गिहवाससमुत्थदोसपरिसंकिमणाइं ॥ १ ॥

तहविहु गिहंमि अन्नोन्नगाढपेमाणुबंधभावेणं । समणत्तणं पवज्जिउकामांइंवि ताइं निवसंति ॥ २ ॥

तेहि य अन्नया सुगुरुपायमूले सुणिऊण तिरियाइअसंजयपाणिपरिगंहतिवपावोवलेवासंमंजस्सं गहियं गोमहि-

सिचउप्पयाण पच्चक्खाणं, अन्ने य अंगी कया बहवे अभिग्गहविसेसा, अह धेणूणमभावे साहुदासी साविगा दिवसे दिवसे गोरसं आभीरिहत्थाओ गिण्हइ, अन्नदियहे य तीए आभीरी भणिया, जहा-भहे! तुमं पइदियहं मम घरे महियं घेतूण आगच्छेज्जाहि, अहं जेतियं तुमं आणेसि तेत्तियं गिण्हस्सामि, अन्नत्थ मा वच्चिहिसि, पडिवन्नं च इमं तीए, एवं च पइदिणदंसणेणं निक्कवडकयविक्रयकरणेण य समुप्पन्नो तासिं परोप्परं सिणेहाणुबंधो, अंतरंतरा य साविगा से गंधपुडिगाइदाणेण उवयारं करेइ, इयरीवि सविसेसं दुद्धं दहिं पणामेइ, अन्नया य आभीरीए कन्नगा- विवाहो पारद्वो, तओ सा जिणदासं साहुदासिं च सपणयं भणिउमारद्धा—

जइवि न आसणदाणेऽवि तुम्ह सामत्थमत्थि मे किंपि । तहवि सिणेहवसेणं किमवि अहं विन्नविउकामा ॥ १ ॥

किर गुरुमणोरहेहिं सुहिसयणविसिट्ठगोट्टिकज्जेण । अम्हारिसेण जायइ सुचिरेण महुसवारंभो ॥ २ ॥

तुम्हारिसाण पुण पुव्वजम्मसुविठत्तपुन्नविभवाणं । पइदियहमूसवच्चिय लीलाए संपयट्ठंति ॥ ३ ॥

एयं च उल्लवंती सा भणिया सेट्टिणा—भहे! फुडक्खरेहिं भणसु जमिह पओयणं?, तीए भणियं—अम्ह घरे विवाहो पारद्वो, अओ तुम्हेहिं तत्थ भोयणं कायवं, सेट्टिणा भणियं—को दोसो?, कीरइ, केवलं बहुगेहवावारवा- वडत्तणेणं न पारेमो सुहुत्तमेत्तपिं गिहं परिचइउं, अओ न कायवो तुमए चित्तसंतावो न वोढवो अब्भत्थणाभंग- समुब्भवो अवमाणो न गणियवं निहक्खिन्नत्तणं न मोत्तवो मणागंपि पुव्वपणओ, न हि निक्कवडसिणेहाणुबंधो सम-

वेकसइ वज्झोवयारं, ता गच्छ नियगेहे कुणसु समीहियपओयणंति पन्नविज्जणं समप्पियाइं धूयणं वसणाइं पणांमि-
 याइं तदुचियाइं वत्थाभरणाइं दिन्नाइं कुंकुमाइविलेवणाइंति, सावि ताणि गहिज्जण परमहरिसमुवहंतीं गया
 सगिहं, कओ विवाहो, मिलिया सुहिसयणवंधवा, जाया महई सोहा, पसंसियाइं ताइं इयरजणेणं, जहा-सुंदरो
 विवाहमहसवो एएहिं कओत्ति, ताणि य पसंसं निसामिज्जण चिन्तंति-अहो परमोवयारकारी महाणुभावो सेट्ठी
 जेणं अम्ह विवाहे पवरोवगरणदानेणं एवं सोभा निवत्तिया, ता कहमैयस्स पच्चुवयारे वट्टिस्सामोत्ति संपेहिज्जण
 उवचियसरीरे अतुच्छपुच्छोवसोहिंए सुप्पमाणकुडिलचारुसिंगे सरयससहरकिरणसरिसवण्णे समाणदेहपरिमंडले
 अचंतसुंदरगोरे कंचलसंचलाभिहाणे तिवारिसिंए गोवग्गपहाणे जुवाणवसहपोयगे गहिज्जण गयाइं ताइं सेट्ठीभवणे,
 पणामिया य ते सेट्ठीणो, चउप्पयपरिग्गहकयपच्चक्खणेण निवारिया ते सेट्ठीणा, तहावि अमुणियपरमत्थाणि भव-
 गंगणे ते वंधिज्जण गयाइं ताइं नियगेहे, तेण सावएण चिंतियं-अहो संकडमेवमावडियं, जओ-जइ मुचंति एए
 वराया ता लोगो हलाइसु वाहेइ तहाविहहीणसमायारो वा कोइ विहवेइ, अह एत्थेव धरिज्जंति ता निरुवयारि-
 त्तणेण दुरणुपालणिज्जा हवंतिंति खणं विगप्पिज्जण जिणवरवयणायन्नणसमुप्पन्नकरुणापूरपूरियहियएणं संगोविया
 सेट्ठीणा, पइदिणं दावेइ किंणिज्जण य तेसिं फासुगचारिं, पणामेइ वंथगलियं सलिलं, एवं पइदिणं उदंते वट्टइ,
 सो य सावगो अट्टमिचाउदसीसु आहारपोसहं सरीरसक्कारपोसहं वंभचेरेपोसहं अवावारपोसहं च पडिपुन्नं काज्जणं

सामाङ्ग्यपडिवन्नो समणसमो अङ्गारपंकपरिरक्खणपरो धम्मसत्थपोत्थयं वाएइ, नियपरियणो य पंजलिउडो चित्त-
लिहिओव निसामेइ, तेऽवि कंबलसंबला अहाभद्दयाए तहाविहमोहणिज्जकम्मलाघवेण य थिरीकयसवणउडा
अव्वक्खित्तचित्ता सन्नित्तणेण सुणियजुत्ताजुत्ता सम्मं सुणंति, जायभवभवभया य जद्विसं सावगो उववासं कुणइ
तद्विसं तेऽवि चारिं पाणियं च परिचयंति, पुणो पुणो दिज्जमाणंपि न गिण्हंतित्ति ।

अह तेसु तिरियजोणीसमुब्भवेसुवि तवं करंतेसु । सगुणत्ति पक्खवायं वहमाणो चिंतए सेट्ठी ॥ १ ॥

एत्तियकालं अणुकंपणट्टया दिन्नमेसिमसणाई । साहम्मिगबुद्धीए एत्तो सव्वं करिस्सामि ॥ २ ॥

साहम्मियवच्छलं जेण जिणिंदेहिं भुवणपणएहिं । सम्मत्तसुद्धिहेउं निद्विट्ठं धम्मियजणस्स ॥ ३ ॥

अप्पुव्वो कोइ धुवं अहो पभावो जिणिंदवयणस्स । जं निसुणिरुण तिरियावि जंति वेरग्गमग्गंमि ॥ ४ ॥

इय चिंतिरुण सविसेसमायरं तेसिं दंसए सेट्ठी । भवेसु पक्खवायं वहंति जं वीयरगाऽवि ॥ ५ ॥

एवं च उच्चिकायवपरायणस्स सम्मसुवसंतचित्तस्स सरंति वासरा, अन्नया य तीए नयरीए भंडीरजक्खस्स
जणेण जत्ता पत्थुया, तत्थ य विविहतुरगाइवाहणाधिरूढो निग्गंतूण सयलपुरलोओ तस्स पुरओ वाहं करेइ ।

इओ य-जिणदाससेट्ठिणो पियमित्तो अचंतकोऊहलिओ जक्खजत्ताए वाहियालिं काउमणो सेट्ठिं अणापुच्छि-
रुण पणयभावेण कंबलसंबले गंतीए जोत्तिरुण गओ जक्खपुरओ, वाहिथा महतीवेलं, ते य अचंतदरिसणिज्जायारत्तणेण

अन्नपणयिणा जणेण वाहिज्जमाणा आरावेहनिस्सरंतरुहिरधारापरिगया कोमलदेहा अदिट्टतहाविहवेयणा तुट्ट-
हियया नित्यामा जाया, तहाविहे य ते सेट्ठीगेहे वंधित्ता मित्तो पडिगओ, सेट्ठीवि भोयणसमए जाव जवसाइ
घेत्तूणं एइ ताव पेच्छइ एए कंपंतदेहे निस्सहगलंतनयणे वणमुहनीहरंतसोणिए दोवि गोणए, एवंविहे य दड्डूण रुट्ठो
पुच्छइ—अहो केण दुरायारेण इमे वराया इमं अवत्थसुवणीया?, निवेइयं च से जहावित्तं परियणेणं, तदायन्नणेण
य समुप्पन्नो महंतो चित्तसंतावो, कंबलसंबलावि दढघायजजरियसरीरा अणसणं काउमणा सायरं पुरओ उवणी-
यंपि चारिपाणियं न गेण्हंति, जाव य पुणो पुणो गवत्ताइयं दिज्जमाणं नेच्छंति ताव सेट्ठिणा मुणिऊण तदभिप्पायं
दिन्नमेतेसिं भत्तपच्चक्खाणं, पडिवन्नं च साभिलासं एएहिं,

ताहे कारुन्नेणं विमुक्कनीसेसगेहवावारो । सुसिणिद्धबंधवाण च तेसिं पासे ठिओ सेट्ठी ॥ १ ॥
भणइ जहा रोसमहो मणागमेत्तंपि मा वहेज्जाह । जं निहएण तेणं दुत्थावत्थं इमं नीया ॥ २ ॥
संसारपवत्ताणं जंतूणं जेण कित्तियं एयं? । न हु नामेगंतसुहो जणंमि जाओ जणो कोई ॥ ३ ॥
दढवज्जपंजरोदरगयंपि सेलाइदुग्गलीणंपि । पुव्वकयमसुभकम्मं जीवं संकमइ कुवियं व ॥ ४ ॥
विह्वइ तयणु चिवसं सुवहुं अइविरसमारसंतं च । कूडपडियं व चडयं बहुप्पयारं तडफडंतं ॥ ५ ॥
ता भो महाणुभावा! सम्मं अहियासणं विमोत्तूण । अन्नो निज्जरणविही न विज्जए पुव्वपावस्स ॥ ६ ॥

श्रीगुणचंद्र
महावीरच०
५ प्रस्तावः
॥ १८१ ॥

उवचियपुत्रा तुभे सफलत्तणमुवगयं च भे जीर्यं । जं दुक्खविमोक्खखमा पत्ता जिणधम्मसामग्गी ॥ ७ ॥

इय एवमाइवयणेहि पसमसारेहिं अमयसरिसेहिं । संठविया सुहमग्गे ते वसहा सेट्टिणा सम्मं ॥ ८ ॥

एवं च विसुज्झमाणज्झवसाणा सरीरवेयणं सहमाणा सेट्टिभणिज्जमाणं पंचनमोक्कारं पडियच्छमाणा कालं काऊण

नागकुमारेसु देवेषु उववणणा, ते इमे कंबलसंबलत्ति ॥

इओ य-भयवं महावीरो नावुत्तिन्नो संतो जलतीरंभि इरियावहियं पडिक्कमिय सुरसरियापरिसरे ईसिजलोलसु-
हुमवालुगोवरि मंदं मंदं पयाइं निसिंतो थूणागसंनिवेशे गंतुं पयत्तो, नवरि सामिणो पडिफलंतचक्ककमलकुलिसं-
कुसकलसपासायपमुहपहाणलक्खणं कियं पयपंतिं नइपुलिणे पलोइऊण पूसो नाम सामुद्दलक्खणवियक्खणो
चिंतिउमारद्धो-अहो आजम्मकालाओऽवि अदिट्टुपुवा अचंतमच्छरियभूया कस्सइ महाणुभावस्स छक्खंडमहिमंड-
लोवभोगिणो चक्किणोव पवरलंछणा पयपद्धई एत्थ दीसइ, जइ पुण कहंपि कोइ अपत्तरज्जो वा देसदंसणकोऊहली
वा तहाविहविसमदसावडिओ वा चक्कवट्टी एवं भमेज्जा, पेच्छामि तं महापुरिसं, जइ पुण एयावत्थंमि इमंमि
सेविज्जमाणंमि मम समीहियत्थसिद्धी जाएज्जत्ति परिभाविऊण तुरियगइए जाव कइवयपयंतरमुवगओ ताव दिट्टो
अणेण थूणागसन्निवेशस्स वहिया बहलपलवालं कियकंकेलितरुणो हेट्टुओ पडिभासंठिओ जिणो, दट्टूण य परमे-
सरस्स सिरिवच्छलंछियं वच्छयलं दाहिणावत्तगंभीरं नाभिमंडलं वालप्पवालपाडलं व करकमलं चिंतियमणेणं-न

कंबलशम्ब-
लयोर्देवत्वं
पुष्यसमा-
धानं च.

॥ १८१ ॥

केवलं एयस्स चरणजुयले लक्खणं, सरीरंपि नियनियविभागाणुरुवलक्खणाणुगयं उवलक्खिज्जइ, ता कंह एवं-
 विहा समत्यपसत्थलक्खणसंपया?, कंह परिजुन्नवत्थमेत्तंपि से न संपज्जइ? कंह वा समग्गभरहरज्जसिरिसूयण-
 परा तारिसा सामुद्दसत्थवयणविन्नासा?, कंह असंपज्जंतलुक्खभिक्खाहारकिसमेयस्सं सरीरं?, अहो दूरं पच्चक्खेण
 विरुद्धं लक्खणसत्थं ।

चिरकालं सेसकलाकलावमवि उज्झिऊण जत्तेणं । सामुद्दसत्थमेयं अच्चभिचारंति पढिओऽहं ॥ १ ॥

इण्हि तु एत्थ समणे निच्चसणे चक्खुगोयरं पत्ते । लक्खणसत्थमसेसं नूणं दूरं विसंवइयं ॥ २ ॥

हा हा धिरत्थु मज्झं परिस्समो जेण हरिणयोयव । माइणियासमेणं लक्खणसत्थेण नढिओऽहं ॥ ३ ॥

मुट्ठीहिं हयं गयणं नवणीयत्थं विरोलियं सलिलं । अघडंतत्थनिवद्धं जं एयं अहिगयं सत्थं ॥ ४ ॥

केलिप्पिण्ण नञ्जे संघडियमिमं पयारणपरेण । धुत्तकयं पिव कवं कालेणं होइ सिद्धंतो ॥ ५ ॥

अलमेत्तो एएणं पलालक्कप्पेण दुद्धसत्थेणं । इय तक्किऊण पूसो परमविसायं गओ सहसा ॥ ६ ॥

एत्थंतरंमि सक्को सुहासणत्थो पउंजए ओहिं । कह भयवं भवमहणो विहरइ परमेसरो वीरो?, ॥ ७ ॥

थूणागसन्निवेशे पेच्छइ पडिमट्ठियं जिणवरिंदं । नेमित्थियं च पूसं दूसंतं अत्तणो सत्थं ॥ ८ ॥

तो सिग्घं वियडकिरीडकोडिमणिफिरणविच्छुरियगयणो तियसेसो जिणकमकमलवंदणत्थं लहुं एइ, जहा-

भणियविहिणा य नमंसिऊण सामिं महुरवयणेणं पूसं भणइ-भइ ! किमेवं दूसेसि लक्खणसत्थं, नहु मिच्छा-
भासिणो महाणुभावा सत्थयारा, किं तुमए न सुओ एस ससुरासुरखयरनरनरेसरसिरपणयचलणो सिद्धत्थनरिंदनं-
दणो तिहुयणविक्खायकित्ती धम्मवरचाउरंतचक्कवट्टी खलमहिलंव रायलच्छिं छड्डिऊण एवं विहरइ । अन्नं च—

एसो सो जस्सेसरियकोडिलेसंपि न घडइ समग्गो । पायालसग्गनरखेत्तजायलोगो सुतुंगोऽवि ॥ १ ॥

एसो चिय भवभयभीमकूवमज्जंतसत्तउद्धरणो । वद्धंतुम्भडकलिकालदलणदक्खो इमो चेव ॥ २ ॥

एसो चिय सिवमंदिरकवाडपुडविहडणेक्कतल्लिच्छो । संजमलच्छिनिवेशियविसालवच्छत्थलो एस ॥ ३ ॥

एसो चिय करुणाजलनिवावियमच्छरग्गितत्तजणो । अप्पडिमनाणदंसणपमोक्खगुणगणनिही एस ॥ ४ ॥

पच्चाइऊण एवं पूसं तिविहेण वयणनिवहेण । पणमियजिणवरचरणो सहस्सनयणो गओ सग्गं ॥ ५ ॥

इय घोरपरीसहवेरिसमरविद्धंसणेक्कवीरस्स । वीरस्स भुवणपहुणो चरियंमि सुहोहभरियंमि ॥ ६ ॥

सुरसूलपाणिकोसियमहाहिपडिबोहणत्थसंबद्धो । पंचमओ पत्थावो समत्थिओ वित्थरेणेसो ॥ ७ ॥

इइ सिरिगुणचंद्रसूरिरइए महावीरचरिए सूलपाणिचंडकोसिअपबोहणो नाम पंचमो पत्थावो ।

अथ षष्ठः प्रस्तावः

पुत्रज्जियावज्जचिणासणत्थं, एगागिणा वीरजिणेसरेण । तित्तिक्खिया जे उवसग्गवग्गा, निदंसिया ते सयला कमेण ॥१॥
एत्तो य गोसालयदुव्धिणेयजुत्तस्स तस्सेव महापडुस्स । होहिंति जे ते उ निदंसइस्सं, एग्गचित्ता निसुणेह तुब्भे ॥२॥

अह पुट्ठोवइट्ठथूणागसन्निवेसाओ निक्खमिऊण गामाणुगामेण परिभमंतो ठाणे ठाणे सुरविसरेण
पूइज्जमाणो अभणमाणोवि नियमाहप्पेण पाणिगणं पडिवोहिंतो पत्तो काणणुज्जाणदीहियारमणिज्जं रायगिहं
नयरं, तस्स य अदूरदेसे समुत्तुंगपासायसहस्ससमद्धासिओ नालंदो नाम संनिवेसो, तत्थ धणकणगसमिद्धो
अज्जुणो नाम तंतुवाओ परिवसइ, तस्स य अणेगे कम्मकरा विसालसालासु संठिया विसिट्ठपट्टदूसाइं वुणंति, भय-
यंपि वासारत्तं काउकामो अज्जुणं अणुजाणाविऊण एगंतभूयाए तसपाणविरहियाए सुन्नसालाए मासखमणं पढम-
गुवसंपज्जित्ता विहरइ । इओ य गोसालो नाम मंखलिमंखस्स पुत्तो चित्तफलगोवजीवी एगागी परिभमंतो तत्थेव
सालाए ठिओ जत्थ भयवं पलंविभुओ चिट्ठइत्ति । जहिं च एयस्स उप्पत्ती तं पच्छा भण्णिही, पढमं ताव जस्स
सगासाओ मंखलीमंखो जाओ तहा कहिज्जइ ।

उत्तरावहविसए अत्थि सिलिंधो नाम संनिवेसो, तत्थ केसवो नाम गामरक्खगो, तस्स पाणप्पियाए विणीयाए

श्रीगुणचंद्र
महावीरच०
६ प्रस्तावः

॥ १८३ ॥

सिवाभिहाणाए भारियाए कुञ्चिसि संभूओ मंखो नाम पुत्तो, सो य कमेण जोवणमुवगओ, अन्नया सो पिउणा सह सरोवरं गओ, जलमज्जणं च काऊण तडे निवन्नो पेच्छइ चक्कायमिहुणं अन्नोन्ननिभरपेसाणुरागरंजियहिययं विविहकीलाविसेसे कुणमाणं, कहं चिय?—

चंचपुडच्छिन्नवनलिणिनाललवसंविभागफुडपणयं । सूरत्थमणासंकाकयनिविडपरोप्परसिलेसं ॥ १ ॥

जलपडिविंविनियरुवपेक्खणुप्पन्नविरहपरिसंकं । अन्नोन्नविहियनिक्खवडचाडुवक्खित्तमणपसरं ॥ २ ॥

एरिसं च तं नाऊणं मंदं मंदं परिसप्पिणा कयंतेणेव अमुणियागमणेण पारद्धिएण आयन्नंतमाकट्टिऊण खित्तो तदभिमुहो सिलीमुहो, अह दिव्वसंजोगेण लग्गो चक्कायस्स, मम्मिओ य सो तेण घाएणं, जावडज्जवि न वावज्जइ ताव तं तहाविहं पेच्छिऊण खणं रुणुञ्जुणिऊण य सकरुणं विवन्ना चक्काई, इयरोऽवि मुहुत्तमेत्तं जीविऊण पंचत्त-मुवगओत्ति । एवं च तच्चइयरभवलोइऊण मंखो मुच्छानिमीलियच्छो निवडिओ धरणिमंडले, दिट्ठो य केसवेण अहो किमेवमतक्खियमावडियंति विम्मियमणेण, समासासिओ सिसिरोवयारेहिं, खणंतरेण उवलद्धचेयणो पुच्छिओ य— पुत्त ! किं समीरखोभो ? उय पवलपित्तदोसो ? अहवा नित्यामत्तणं ? अन्नो वा कोइ हेऊ ? जेणेवं निस्सहंगो चिरं मो-हमुवगओऽसि ?, साहेसु परमत्थं, तेणावि पिउवयणमायन्निऊण विमुक्कदीडुस्सासेण भणियं—ताय ! एवंविहं चक्काय-मिहुणं नियच्छिऊण मए पुवजाई सरिया, किर अहं पुव्वभवे माणससरोवरे एवं चिय चक्कायमिहुणत्तणेण वट्ठंतो पुलि-

मंखोत्पत्तिः

॥ १८३ ॥

दमुकमग्गणाभिहओ तक्खणविरहफुट्टहिययांए चक्काईए अणुगओ मओऽम्हि, मरिऊण संपयं तुह पुत्तत्तणेण उववन्नो,
इण्हि च चिरपणइणीए तीसे चक्काईए विरहं सोढुं न पारेमि, केसवेण भणियं—वच्छ ! अलं समइकंतदुक्खसुमरणेणं,
एसो चिय सहावो एयस्स दढकयंतस्स जं न सहइ दट्टुं चिरकालं पियसंपओगसुहियं कमवि जणं, अवि य—

देवाविय नियपणइणीविरहुंभवदुक्खदहणरंतत्ता । मत्तव मुच्छिया इव कहकहवि गमंति नियजीयं ॥ १ ॥

तुम्हारिसाण पुत्तय ! केत्तियमेत्तं इमं अओ दुक्खं । जेसिं चम्मोणद्धं देहं सद्वावयासज्जं ॥ २ ॥

ता विरम पुब्बभवसुमरणाउ वट्टेसु वट्टमाणेणं । तीयाणागयचिंतणवसेण सीयइ सरीरंपि ॥ ३ ॥

तेणं चिय संसारो नूणमसारो इमो दढं जाओ । जं जम्ममरणजररोगसोगपमुहाइं दुक्खाइं ॥ ४ ॥

इय पन्नविउं विविहप्पयारहेऊहिं केसवेणं सो । नीओ कहमवि गेहे विरहमहावेयणाभिहओ ॥ ५ ॥

तत्थ गओऽवि सो पमुक्कपाणभोयणो सुन्नमणो धरणिनिसियलोयणो महाजोगिच्च निरुद्धवाचारंतरपरिचिंतणो
तणंपि व नियजीवियंपि गणेमाणो अच्छइ, एयावत्थं च तं पासिऊण जायचित्तपरितावेण सयणवग्गेण मा छलणा-
विगारो कोऽवि होज्जत्ति संकियमणेण सद्वायरेण वाहराविया तंतमंतवाइणो, दंसिओ तेसिं, कया य उवयारा, न
जाओ मणागंपि विसेसो, अन्नया य देसंतराओ आगओ एगो थेरपुरिसो, ठिओ एयस्स चेव गिहे, दिट्ठो अणेण मंखो,
पुट्ठो य पासवत्ती केसवो, जहा—भइ ! किं कारणं जं एसो जुवावि रोगाइणा निरुवहओवि ससल्लो इव लक्खिज्जइ ?

श्रीगुणचंद्र
महावीरच०
६ प्रस्तावः

॥ १८४ ॥

केसवेणवि साहिओ दोसुब्भवो, तेण भणियं—कयं किंपि तुमए एवंविहदोसस्स पडिविहाणं ?, केसवेण भणियं—दंसिओ
एसो पवरमंततंताइजाणगाणं, थेरेण जंपियं—निरत्थओ सच्चोवक्कमो, पेमगहस्स किं करिंति ते वरागा ?, तथाहि—
उग्गविससप्पसंभूयवेयणोवसमकरणदक्खावि । पंचाणणहुट्टकरिंदरक्खसीधंभणपरावि ॥ १ ॥
भूयससुत्थोवहवविणासकुसलावि परमविज्जावि । पेमपरव्वसहिययं पगुणं काउं न पारिंति ॥ २ ॥
केसवेण भणियं—किं पुण एत्तो कायधं ?, तेण भणियं—जइ मं पुच्छसि ता जावज्जवि दसमिदसं न पावइ एस
ताव आलिहावेसु चित्तफलहगे पुव्ववइयरं, जहा—पुलिंदेण चक्खाओ सरेण पहओ, जहा तंमि जीवंते चेव तप्पणइणी
मयत्ति, एवं च काराविऊण चित्तफलगहत्थं एयं परिब्भमावेसु गामनगराइसु, मा एवं कए कहवि विहिव-
सेण पुव्वभवभज्जावि पावियमहिलाभावा फलगलिहियचक्खायमिहुणवइयरावलोयणजायजाईसरणा इमिणा सद्धिं
संघडेज्जा, सुवंति य पुराणागमेसु एरिसवुत्तंता, एवं च कए एसोऽवि आसाभुयग्गलाखलियजीओ कइवय-
दिणाणि जीवेज्जा, एवमायन्निऊण केसवेण साहु साहु तुह बुद्धीए, को जाणइ परिणयमइणो पुरिसे मोत्तूण एवं-
विहविसमत्थनिन्नयं ? ति अभिणंदिऊण तवयणं निवेइयं मंखस्स, तेणावि भणियं—ताय ! किमजुत्तं ?, सिग्घमुवट्ट-
वेह चित्तफलं, एसो चेव हवउ कुवियप्पकल्लोलमालाउलस्स चित्तस्सुवक्खेवो, तओ केसवेण सुणिऊण तदभिप्पायं
आलिहावियं जहावट्ठियचक्खायमिहुणरूवाणुगयं चित्तफलं, समप्पियं च मंखस्स, दिन्नं संवलं, तयणंतरं च सो

चित्रपट्ट-
कार्पणं.

॥ १८४ ॥

चित्तफलगत्यो सहाइणा एगेण अणुगम्ममाणो नयरपुरखेडकच्चडमडं वपमुहेसु सन्नियेसेसु आसापिसायनडिओ
निविस्सामं परिब्भमइ ।

दंसेइ पइगिहं चिय समूसियं तं च तियचउकेसु । चउसुहमहापहेसु य पवासभादेउलेसुं पि ॥ १ ॥

ताहे रहंगमिहुणं तहासरुवं निरुविऊण जणो । कोऊहलेण पुच्छइ साहेइ य सो जहावित्तं ॥ २ ॥

अणवरयंपि सवित्थरमसमत्थो नियकहं च सो कहिउं । संखेवत्थनिचद्धं साहइ दुवईए नियवत्तं ॥ ३ ॥

जहा-माणससरोवरंमि अवरोप्परपोठपेभाणुरंजियं, नयणनिमेसमेत्तविरहदूमिज्जंतदेहयं । लुद्धयमुक्कनिसियसर-
विदुरियमह पंचत्तमुवगयं, संपइ संपओगमभिवंचइ एयं चक्कमिहुणयं ॥ ४ ॥ इमं च निसामिऊण केई पहसंति
केई अवहीरंति केइ अणुकंपंति, सोऽवि अविलक्खचित्तो सकज्जपसाहणेकनिरओ परियडंतो चंपं नयरिं गओ, तत्थ
य निट्ठियं पुष्पाणियं संवलं, तओ अन्नं जीवणोवायमपेच्छंतो तं चेव चित्तफलं पासंडं ओड्ढिऊण गायणाइं गाय-
माणो भिक्खं भमिउं पवत्तो, अविय—

अइतिक्खच्छुहाभिहयस्स पिययमाजोगऊसुयमणस्स । एक्काविय से किरिया उभयत्थपसाहिया जाया ॥ १ ॥

इओ य-तत्थेव पुरे वत्थवो मंखली नाम गिहवई, सुभदा य से भज्जा, सो य अपरिहत्थो वाणिज्जकलासु अकु-
सलो नरिंदसेवाए असमत्थो करिसणसमए अलसो कट्टकिरियाए अवियक्खणो वावारंतरेसु, केवलं भोयणमेत्त-
पडिवद्धो कहं सुहेण निवाहो होज्जत्ति अणवरयं उवायंतरं विचिंतंतो पेच्छइ मंखं चित्तपट्टपयडणपडियकणभिक्खा-

श्रीगुणचंद
महावीरच०
६ प्रस्तावः

॥ १८५ ॥

वित्तीए पइदिणं सुहेण निव्वहंतं, तं च दट्टुण चिंतियमणेण—अहो एयस्स इमा अणुवरोहिणी वित्ती अचोरहरणिज्जं
भंडोलं निचंदुहा कामधेणू असलिला सस्सनिप्फत्ती अपरिक्किलेसो महानिही, ता जीविओऽस्मि चिरकालाओ जं
पाविओ एस परमोवाओत्ति विगप्पिऊण गओ मंखस्स समीवं, पडिवन्ना तस्स सेवा, सिक्खियाइं गायणाइं, अह
तंमि पुव्वभवभज्जाविरहवज्जज्जरियहिययंमि पंचत्तमुवगए सुणियतत्तं व अप्पाणं मन्नंतो महया वित्थरेण चित्तफल-
गमवरमालिहाविऊण समागओ निययमंदिरं, भणिया नियगेहिणी—पिए ! पाडेसु संपयं छुहासिरे वज्जासणिं पगुणा
भवाहि य विहारजत्ताए, तीए वुत्तं एसा पगुणाऽहं, वच्चसु जत्थ भे रोयइ, तओ चित्तफलं घेत्तुं तीए समेओ
नीहरिओ सो नयरीओ, तव्वित्तीए परिब्भमिउमारद्धो य देसंतरेसु, तवासिलोगोऽवि पुव्वदिट्टुनाएण तमागयं
पेच्छिऊण मंखो आगओत्ति वाहरइ, एवं मंखली मंखोवइट्टुपासंडसंबद्धेण मंखो जाओत्ति । अन्नया य सो परिब्भ-
मंतो पत्तो सरवणसन्निवेशे, ठिओ गोवहुलमाहणस्स गोसालाए, तत्थ निवसमाणस्स पसूया सुभदा, जाओ से
दारगो, कयं उचियसमए गुणनिप्फन्नं गोसालोत्ति नामं, संबद्धिओ कमेणं, अइक्कंतो वालत्तणं, सो य दुट्टसीलो
सभावेणं, कुणइ विविहाणत्थे सभावेण, न वट्टइ आणानिद्देसे, सिक्खविज्जमाणो पवहइ पओसं । अवि य—

सम्माणदाणपगुणीकओवि उज्जुत्तणं खणं धरइ । सुणपुच्छंपिव पच्छा कुडिलत्तं झत्ति दंसेइ ॥ १ ॥

अत्थक्कजंपिरं मम्मवेहणं कूडकवडपडिवद्धं । वेयालं पिव तं पेच्छिऊण को को न संकेइ ? ॥ २ ॥

मंखलिनो
मंखत्वं
गोशालो-
त्पत्तिश्च.

॥ १८५ ॥

पाय ! नवमासमेत्तं गन्धे वूढोवि पालिओवि वहुं । सयवारंपि य भणिओ वट्टसि नो वयणमेत्तेऽवि ॥ ३ ॥

इय जणणीए एसो वुत्तो पचुत्तरं इमं भणइ । अम्मो ! ममोदरे विससु जेण दुगुणं तुमं धरिमो ॥ ४ ॥

जत्थ दिवसंमि कलहं पिउणावि समं पउंजइ न एसो । भोयणरुईवि पावस्स तस्स जायइ न तत्थ फुडं ॥ ५ ॥

नीसेसदोसनिवहेण निम्मिओ निच्छियं पयावइणा । जं तारिसो न दीसइ अन्नो सवमिवि जयंमि ॥ ६ ॥

तह कहवि तेण नियदुट्टिमाइ लोगो परंमुहो विहिओ । जह दुस्सीलजणाणं सो पढमनिदंसणं पत्तो ॥ ७ ॥

इय विसतरुव दिट्ठीविसोव पढमुग्गमेवि वट्टंतो । दंसणमेत्तेणं चिय भयावहो सो जणे जाओ ॥ ८ ॥

अन्नया य सो पिउणा समं वाढं कलहिज्जण तारिसयं चिय चित्तफल्यं आलिहावेत्ता एकल्लो भमंतो उवागओ

तत्थेव सालाए जत्थ भयवं ठिओत्ति । एसा गोसालगस्स उप्पत्ती ॥

अह सामी पढमं मासक्खमणं काज्जण पारणगदिणे पविट्ठो भिक्खट्ठा, गोयरचरियाए पत्तो विजयाभिहाणस्स
सेट्ठिस्स मंदिरं, दिट्ठो य तेण भयवं, तओ परमहरिसवसविसप्पमाणसमुच्चरोमंचमुवहंतेण पाराविओ भूरिभक्खवं-
जणसनिद्धाए भोयणविहीए, पाउब्भूयाणि नहयले गंभीरभेरीभंकारुम्मिस्सचउविहत्तूरसणाहाइं सिंदूरपूरारुणचा-
मीयरधारापज्जवसाणाइं पंच दिवाइं, वियंभिओ तियचउक्कचचरपहेसु विविहो साहुवाओ, निसामिओ गोसालेण
एस वुत्तंतो, तओ चिंतियमणेण-अहो न सामन्नमाहप्पो एस देवज्जो, ता परिचइज्जण चित्तपट्टिगापासंडं पडिव-

श्रीगुणचंद्र
महावीरचं
६ प्रस्तावः

॥ १८६ ॥

जामि एयस्स सीसत्तणं, न कयाइ निप्फला हवइ रथणायरसेवा, एवं विगप्पमाणस्स भयवं पारिऊण पत्तो तमेव
तंतुवायसालं, ठिओ काउस्सग्गेणं, गोसालोऽवि सामिणो अट्टुंगं निवडिऊण चलणेसु विन्नवेइ—

एरिसमाहणं तुह देवज्जय ! नो भए पुरा नायं । कुसलोऽवि सुणइ नग्घं गहवा थवियाण रथणाणं ॥ १ ॥

नियजणगच्चाओऽविहु वंछियसुहअत्थसाहगो जाओ । अणुकूले वा दइवे अनओऽवि नयत्तणसुवेइ ॥ २ ॥

हवउ बहुजंपिएणं पडिवज्जिस्सामि तुह सीसत्तं । अब्भुवगमेसु सामिय ! पत्तो एको तुमं सरणं ॥ ३ ॥

सामीवि इमं सुणित्तावि विहिपडिसेहे अकुणमाणो तुसिणिको ठिओ, इयरोऽवि निययाभिप्पाएण पडिवन्न-
सिस्सभावो भिक्खाए पाणवित्तिं काऊण भगवओ समीवं न सुयइ, अह वीयमासखमणपारणए आणंदनामस्स
गिहवइस्स घरे गोयरचरियाए पविट्ठो भयवं, पडिलाभिओ य खज्जगविहीए, तइए थ मासखमणपारणए सुनंदस्स
मंदिरे सच्चकामगुणिएणंति । एत्तो चउत्थमासखमणसुवसंपज्जित्ताणं विहरइ, गोसालोऽवि बहुदिवससेवासंभाविय-
पणयभावो कत्तियपुन्निमादिवसे संपत्ते पुच्छइ—भयवं ! एरिसियंमि वारिसियमहूसवे किमहमज्ज भत्तं लभिस्सामि ?,
एत्थंतरे जिणवरतणुसंलीणेण भणियं सिद्धत्थवंतरेण—भइ ! अज्ज तुमं पाविहिसि अंत्रिलेण समं कोद्वकूरं, कूड-
रूवगं च दक्खिणाएत्ति, सो एवं निसामिऊण सूरुग्गमाए आरब्भ सच्चायरेण उच्चावएसु गिहेसु परिभमिउमा-
रद्धो, जत्थ जत्थ वच्चइ तत्थ तत्थ आरनालकलवियं कोद्वकूरमेव लब्भइ, अह जायंमि अवरणहसमए छुहा-

गोशाल-
कस्य
प्रव्रज्या.

॥ १८६ ॥

पियासाभिहो जाहे अन्नं किंपि न पावेइ ताहे एगेण कम्मारण गेहे णेऊण जेमाविओ अंवलोल्लियं कोद्वकूरं,
उवणीओ य से भोयणावसाणे रूवगो, गहिओ य तेण, नवरं वीहीए दंसिओ, कूडगो य जाओ, तओ सो 'जेण
जहा भवियवं, न तं हवइ अन्नह'त्ति नियइवायं गिणहइ, भयवंपि तंमि चिय कत्तियपुणिमादिणे निक्खमिऊण नालं-
दाओ गओ कोलागसन्निवेसं, तत्थ य बहुलो नाम माहणो तद्धिणं दियवरे परमायरेणं भुंजावेइ, तस्स य गिहे
चउत्थमासखमणपारणगं काउकामो सामी पविट्ठो भिक्खं, दिट्ठो अणेण, तओ परमन्नेण घयमहुसणाहेण पडिला-
भिओ, वियंभियाइं पंच दिवाइं । इओ य—

कूडगरूवयहत्यो लज्जाए मंदमंदसंचरणो । जाए वियालसमए गोसालो एइ सालाए ॥ १ ॥

जिणनाहमपेच्छंतो संभंतो पुच्छई समीवगयं । लोयं जिणप्पउत्तिं पुणरुत्तं सवजत्तेणं ॥ २ ॥

जाव न कोइ निवेयइ सवाहिरब्भंतरं समंतेणं । नालंदं तावेसो हिंडइ सामिं निहालंतो ॥ ३ ॥

न य कत्थवि उवलद्धो तग्गमणविही तओ स चित्तेइ । पडिकूलो मज्झ विही पुणोवि विहिउऽहि एगागी ॥ ४ ॥

एवं च सुचिरं परिश्रुरिऊण परिचत्तचित्तफलपमुहोवगरणो विमुक्कनियंसणो सउत्तरोट्ठं सिरं खउराविऊण नीह-
रिओ तंतुवायसालाओ, तुरियं वचंतो य पत्तो कोलागे, तत्थ य वहिया जणो अणमणं एवं जंपेइ-अहो धणो
कयउणो उवलद्धजम्मजीवियफलो माहणो जस्स घरंमि तहाविहमहामुणिदाणवसेण निवडिया कणगवुट्ठी, तिय-

श्रीगुणचंद्र
महावीरच०
६ प्रस्तावः

॥ १८७ ॥

सेहिं उग्घुट्टं अहो दाणं, जाओ जयंमि निम्मलो साहुवाओ, गोसालोऽवि एयभट्टं जणंतियाओ सोचा हट्टतुट्टो
एवं विचिंतेइ—जारिसं महासुणिं एए वयंति तारिसप्पभावो सोच्चिय मम धम्मायरिओ महावीरो, जेण नखलु अत्थि
अन्नस्स कस्सइ तहारूवस्स समणस्स वा माहणस्स वा एवंविहा इट्ठीसकारपरक्कमत्ति निच्छिऊण कोल्लागसंनि-
वेसंमि स वाहिरब्भंतरं सुनिउणदिट्ठीए जाव पलोएइ ताव दिट्ठो भयवं काउस्सग्गमुवगओ, तं च पेच्छिऊण हरिस-
वसूससियरोमकूवो वियसियवयणो पावियचिंतारयणं व अप्पाणं मन्नंतो तिकखुत्तो आयाहिणपयाहिणं काऊण
निवडिओ भयवओ चरणेसु, भालतले घडियपाणिसंपुडो य एवं भणिउं पवत्तो—

असरिसगुणगणरयणायरो तुमं तिहुयणस्स पुज्जो य । विहलियजणसाहारो य जेण ता विण्णवेमि इमं ॥ १ ॥
पुव्वं वत्थाइपरिग्गहेण जोग्गो न आसि दिक्खाए । संपइ पुण परिचत्तंमि तंमि जाओ अहं जोगो ॥ २ ॥
ता तेलोक्कदिवायर ! पडिवज्जसु जेण संपइ भवामि । तुह सिस्सो जा जीवं एत्तो तं चेव धम्मगुरू ॥ ३ ॥
तुह थेवभेत्तविरहेवि नाह ! हिययं कंहंपि फुट्टंतं । पुणरुत्तसंगमसमीहणेण कट्टेण संधरियं ॥ ४ ॥
जाणामि वीयरगे कीरंतो नेव निव्वहइ नेहो । पेमगहिलं सचित्तं किंतु न पारेमि पडिखलिउं ॥ ५ ॥
अन्नं च—अच्छउ दूरे सेसं वियसियनवनलिणमणहरच्छीए । जं पेच्छसि तं तेणवि मुणेवि अब्भुवगओऽहंति ॥ ६ ॥
इय सविणयं सपणयं अणमाणे तंमि तिहुयणेक्कपहू । उज्झियपेमवियारोवि तस्स वयणं पडिस्सुणइ ॥ ७ ॥

कोल्लाके
गोशालक-
मीलनं.

॥ १८७ ॥

जाणंताविहु अइदुट्टसीलयं भाविरं अणंत्यं च । गरुया पणएसु तहावि हुंति न परंसुहा कहवि ॥ ८ ॥
 एवं च सामी तेण पडिवण्णसिस्सभावेण समेओ सुवन्नखले सन्निवेसे वचइ, तस्संतरे गोवाले बहुखीरं गहाय
 गहतीए थालीए अखंडफुडिएहिं नवएहिं सालितंदुलेहिं पायसमुवक्खडेंते पेच्छिऊण गोसालो भणइ-भयवं ! दढं
 लुहाभिभूओऽम्हि, ता एहं एत्थ पायसं परिभुंजामो, अह सिद्धत्थेण चिरकाललद्धावगासेण भणियं-भइ ! मा
 तम्मसु, एसा थाली अद्धसिद्धा चेव विहडीहि, ताहे सो नियदुट्टसीलयाए तं वयणं वितहं काउमणो गंतूण ते गोवे
 भणइ-अरे एस देवज्जगो तीयाणागयजाणओ एवं कहेइ, जहा-एस पायसथाली अद्धसिद्धा चेव विवज्जिही, ता
 पयत्तेण संठवेह, एवं च निसामिऊण ते भयभीया वंसदलेहिं तं पिठरं गाढं वेढिऊण रंधिउमारद्धा, अह पउरतं-
 दुलपक्खेवविहसिया निमेसमेत्तेण फुट्टा थाली, पच्छा गोवेहिं जं जहा पावियं तीसे पायसालिद्धं कप्परं तं तहा
 घेत्तूण परिभुत्तं, गोसालोऽवि कंदुकविरालोव पेच्छमाणो विलक्खो चेव ठिओ सुट्टुयरं च नियइवायं पडिवन्नो,
 अह सामी वंभणगामं गओ, तत्थ य गामे दोन्नि पाडगा, तेसु दो भायरो नंदउवणंदनामाणो सामित्तं कुणंति,
 भुवणगुरुवि छट्टपारणगंमि पविट्ठो नंदपाडयंमि, दिट्ठो नंदेण, पडिलाभिओ दहिमिस्सेण वासियकूरेण, गोसा-
 लोऽवि गओ इयरपाडयं, उच्चुंगपासायमवलोइऊण पविट्ठो उवनंदस्स मंदिरे, भणिया उवनंदेण कम्मयरी, जहा-
 देहि एयस्स भिक्खंति, उवणीओ अणाए वासियकूरो गोसालयस्स, सो य तं अणिच्छंतो उवणंदं एवं निब्भच्छेइ-

श्रीगुणचंद्र
महावीरच०
६ प्रस्तावः

॥ १८८ ॥

गासुकोडं गिणहह नरनाहस्स व न देह किंपि करं । विविहे कुणह विलासे अक्खलियं पावमायरह ॥ १ ॥
अम्हारिसाण सुणिपुंगवाण गेहंगणसुवगयाणं । वासियभत्तं दाविंतया कहं नेव लजेह ? ॥ २ ॥
एवं च आयन्निऊण रुद्धेण उवणंदेण भणिया दासी-भदे ! एयस्स चेव समणस्स सीसंमि पक्खिवसु भत्तमेयंति,
खित्तं च तीए, तओ गोसालो वाढसुवूढाभिमाणो दट्ठोड्ढिउडिभासुरो अन्नं किंपि तस्स अणत्थं काउमसमत्थो
गेहदुवारे ठाऊण भणइ-जइ मम धम्मायरियस्स अत्थि तवो वा तेओ वा ता एयस्स मणुयाहमस्स भवणं उज्झ-
उत्ति, अह अहासन्निहिएहिं वाणमंतरेहिं भगवओ पक्खवायसुवहंतोहिं विउव्विओ हुयवहो, दहं से मंदिरं ।
तयणंतरं च भयवं चंपानयरिं गओ, तत्थ य तइयं वासारत्तं ठाइ, दोमासिएण य खमणेण तवोकम्मसुवसंपज्जइ,
विविहाणि य उक्कुडुयासणाईणि करेइ, चरिमदुमासियपज्जवसाणे य वाहिं पारेत्ता गोसालेण समेओ कालायं नाम
सन्निवेसं वचइ, तहिं च एगंतभूए तसपाणरहिए सुन्नागारे निसासमयंमि पडिमं पडिवज्जइ, गोसालोऽवि चवल-
त्तणेण निरोहमसहमाणो गेहदुवारदेसे निलुक्को अच्छइ, एत्थंतरे सीहो नाम गामाहिवपुत्तो विज्जुमईनामाए दासीए
समेओ भोगत्थी तं चेव सुन्नघरं पविट्ठो, तेण य महया सद्देण भन्नइ-अहो जइ कोइ एत्थ समणो वा वंभणो वा
पहिओ वा वसिओ ता सो साहेउ जेण अम्हे अन्नत्थ वचामो, इमं च सुणिऊण सामी ताव पडिमापडिवन्नत्तणेण
तुण्हक्को जावेइ, इयरो पुण कवडेण न देइ पडिवयणं, ताणि य अणुवलद्धपडिवयणाणि निस्संकं सुरयविणोएण

सुवर्णखल-
मार्गः उप-
नन्दगृह-
दाहः का-
लाकगमः.

॥ १८८ ॥

श्यणं अञ्छिता नीहरिउमारद्वाणि, एत्थंतरे दुवारदेसंतरट्टिएण गोसालेण गच्छंती छित्ता विज्जुमई, तओ तीए
 भणियं-अज्जउत्त ! अहं पुट्ठा केणावि, एयं च निसामिऊण सीहेण वलित्ता गहिओ वाहाए गोसालगो, भणियो
 य-अरे कइयवेण अम्हे अणायारमायरमाणानि पाससि, पुच्छिओऽवि न साहेसि जहा अहमिह निवसामित्ति निब्भ-
 च्छिऊण जहिच्छं पिट्टिओ लट्ठीए, गओ य सट्ठाणं, तओ-गोसालो भणइ जिणं-तुम्ह समक्खंपि एक्कओ अहयं ।
 एयं निट्ठुरघाएहिं कुट्टिओ कारणेण विणा ॥ १ ॥ न मणागंपि हु तुम्हे निवारणं कुणह तस्स पावस्स । मम घाय-
 गुज्जुयस्सवि जुज्जइ गरुयाण किमुवेहां ? ॥ २ ॥

अह जिणत्तणुमलीणो सिद्धत्थो वागरेइ गोसालं । रे दुट्ठसील ! जइ तं सचं चिय सुहसमायारो ॥ ३ ॥
 ता किं अनिमित्तं चिय तं महिलं छिवसि पाव ! गच्छंतिं । जह अम्हे संलीणा तह ठासि न गेहमज्झगओ ॥ ४ ॥
 तुह पक्खं कुणमाणा अम्हेवि तुमं व नणु हणिज्जामो । दुट्ठोवट्ठंभपरा होंति सदोसा अदोसावि ॥ ५ ॥
 एत्थंतरंमि सामी निक्खमिउं यत्तकालगामंमि । पुवविहाणेणं चिय सुन्नघरे संठिओ पडिमं ॥ ६ ॥
 अह तत्थवि रयणीए गामउडसुओ उ खंदओ नाम । नियभज्जालज्जाए एइ समेओ सदासीए ॥ ७ ॥
 दंतलियानामाए ताहे पुवं व पुच्छइ इमोऽवि । गोसालोऽवि निलुक्को भएण गेहेक्कदेसंमि ॥ ८ ॥
 विजणंति मन्नमाणो तत्तो तीए समं जहिच्छाए । उवभुंजिऊण भोगे सो निस्सरिउं समारद्धो ॥ ९ ॥

श्रीगुणचंद्र
महावीरच०
६ प्रस्तावः

॥ १८९ ॥

तेसिं मिहो कहुल्लावसवणसंवड्ढमाणपरितोसो । कहकहकहत्ति पहसइ गोसालो अह पिसाओव ॥ १० ॥
सोचा पहसियसइं खंदो कोवेण जट्टिसुट्ठीहिं । हणिऊण तं विमुंचइ ताहे सो एइ जिणमूले ॥ ११ ॥
भणइ य सोवालंभं नायगधम्मो किमेस संभवइ? । पेच्छंताणवि तुम्हं जं एवमहं हणिज्जामि ॥ १२ ॥
रक्खाकएण तुब्भे ओलग्गिज्जइ सया पयत्तेणं । जइ पुण सावि न विज्जइ निरत्थिया ता थुवं सेवा ॥ १३ ॥
अज्जवि सहोसाणवि पडुणो नियसेवगाण परिताणं । सवायरेण कुवंति किं पुणो नीइनिरयाणं? ॥ १४ ॥
सिद्धत्थेणं भणियं केत्तियमित्तो इमो विणिग्घाओ? । अज्जवि सुहस्स दोसेण नत्थि तं जं न पाविहिसि ॥ १५ ॥
तओ सामी कुमारसंनिवेशं गओ, तत्थ य चंपगरमणिज्जाभिहाणे उज्जाणे पलंविभुओ ठिओ काउस्सग्गेण, तहिं
च सन्निवेशे अपरिमियधणधन्नसमिद्धो अचंतसुरापाणप्पिओ कुवणयनाम कुंभकारो परिवसइ, तस्स आवणंमि पास-
जिणसिस्सा संसमयपरसमयत्थपरिन्नाणनिउणा भवोयहिनिवडंतपाणिगणसमुद्धरणसमत्था लुत्तीसगुणरयणनिहिणो
जहोवइट्टपगिट्टजइकिरियापरूवणापरायणा अणेगदेसंतरागयविणेयभमरलिहिज्जमाणसुयमयरंदा सुणिचंदा नाम
सूरिणो निवसंति, ते य वाढं बुद्धभावमुवगया एवं विचिंतंति—
सवणणुजिणपणीओ धम्मो सवत्थं वित्थरं नीओ । मिच्छत्तवसपसुत्ता सत्ता पडिवोहिया बहुसो ॥ १ ॥
सुत्तत्थेहिं सिस्सा संपइ निप्फाइया जहासत्तिं । परिवाल्लिओ चिरं तह सवाल्लुव्हाउलो गच्छो ॥ २ ॥

पत्रालक
गमः कुमा-
रसंनिवेशे-
मुनिचन्द्राः

॥ १८९ ॥

ता एतो जुत्तं मे विसेसपरिकम्मणं सरीरस्स । काउं जहसत्तीए सवत्थवि उज्जमेयवं ॥ ३ ॥

इय चिंतिऊण सपए निवेसिओ तेण वद्धणो नाम । सिस्सो पडिखवगुणो विहियां से तह गणाणुत्तां ॥ ४ ॥

मणिओ य वच्छ । गच्छो जहा मए पालिओ पयत्तेण । तुमएवि तहा एसो पालेयवो सयांकालं ॥ ५ ॥

सिद्धंतदेसणावि यं अविगणियपरिस्समेण कायवा । सिस्साणं एवं चियं रिणभोक्खो कम्मविगमो य ॥ ६ ॥

एतोऽवि भद्द ! भद्दं नूणं भुवणत्तएवि नो अत्थि । तो सुहसीलो होउं मुहाएँ मा हारिसिं एयं ॥ ७ ॥

नो मुणिणो ! तुम्हेहिं पयट्टियवं इमस्स वक्कमि । निब्भच्छिहिवि वहुं कमकमलं नेवं मोत्तवं ॥ ८ ॥

जं किंपि मए पुवं तुम्हे सम्मं गुणेषु नो ठवियां । अपए वा सिक्खविया तं सवं मरिसणिज्जं मे ॥ ९ ॥

इय मुणिचंदमुणिंदा तफालोचियविहिं विहेऊण । पारंभंति सुधीरा दुक्करजिणकप्पपरिकम्मं ॥

अज्ञया य ते महाणुभावा भावियदुवालसविहभावणा पंचणहं तुलणाणं तवसत्तसुत्तएगत्तवलसरूवाणं मज्झया-
राओ वीयाए सत्ततुलणाए अप्पाणं भावेमाणा विहरंति । इओ य-गोसालो मज्झंदिणसमए भगवंतं भणइ-एहि
पत्थावो वट्टइ, पविसामो गाममज्झे भिक्खानिमित्तं, सिद्धत्थेण भणियं-पज्जत्तं अम्ह अड्डणेणं, तओ गोसालो
पविट्ठो भोयणत्थं गामे, दिट्ठा य अणेण इओ तओ परिभमंतेण ते पासनाहसिस्सा विचित्तपडपाउरणा पत्तगमुहो-
यगरणकलिया यत्ति, ते य पेच्छिऊण गोसालेण पुच्छिया-के तुम्भे?, तेहिं भणियं-समणां निग्गंथा, सढकमढवि-

श्रीगुणचंद्र
महावीरच०
६ प्रस्तावः

॥ १९० ॥

णिम्मियमहामेहवारिधारोवसग्गावलोयणाउलफणिरायफणाफलगविरइयातुच्छत्तस्स पासनाहस्स सिस्सा, इति
सोचा सो सिरं धुणंतो भणइ-अहो अहो निग्गंथा दुक्करकारया तुम्हे जे एत्तियमेत्तंपि मंथमुव्वहंता
अत्तणो निग्गंथत्तणं ठावेह, अहो पच्चक्खमुसावाइत्तणं अहो निन्निमित्तमत्तुकोसो तुम्हाणं, सवहा निग्गंथाणं मज्झे
न केवि तुम्हे, मम धम्मायरिओ चेव दूरुज्झियवत्थाइपरिग्गहो दुक्करतवचरणनिरओ महप्पा जहत्यनिग्गंथो भन्नइ,
तेहि य जिणनाहं अयाणमाणेहिं उल्लुंठयाए भासंतं पेच्छिऊण भणियं-भइ! जारिसओ तुमं तं मन्ने धम्मायरि-
ओऽवि तारिसो चेव, जओ-जाणिज्जइ पुत्तविसरिसचेट्ठाए जणणीए सीलसंपया, कंतिगुणेणवि मुणिज्जइ रयणस्स
आगरस्स सुद्धी, ता अलं वन्नणाएत्ति वुत्ते रुट्ठो गोसालो भणइ-जइ मम धम्मगुरुणो तवो वा तेओ वा अत्थि ता
एएसिं धम्मायरियदूसगाणं पडिस्सओ डज्झइत्ति, तो तेहिं भणियं-न अम्हे तुम्ह वयणेणं डज्झामो, तो विलक्खो
सो गंतूण सामिं भणइ-भयवं! अज्ज मए सारंभा सपरिग्गहा निग्गंथा दिट्ठा एवमाइ जाव पडिस्सओ न दहोत्ति
किमिह कारणं?, सिद्धत्थेण भणियं-ते पासावच्चेज्जा थेरा साहुणो, न तेसिं पडिस्सओ तुह वयणेण डज्झइत्ति । एत्थं-
तरे जाया रयणी, कज्जलभसलसामलाइं पसरियाइं दिसिमुहेसु तिमिरपडलाइं, इओ य ते मुणिचंद्रसूरिणो चउकंमि
तहिणे रयणीए एगागिणो उस्सग्गेण ठिया, सोऽवि कूवणयकुंभकारो सेणिभत्तंमि निब्भरमइरापाणपरव्वसो विसंठु-
लघुलंतचलणो सभवणाभिमुहमइंतो पेच्छइ वाहिंमि काउस्सग्गपडिवन्ने ते सूरिणो, तओ चोरो एसोत्ति जायकुवि-

मुनिचन्द्रा-
चार्यशिष्यै-
रुत्थापः.

॥ १९० ॥

यप्पेण तेण निविडकरसंपुडेण पीडियं तेसिं गलयं, निरुद्धो उरसासंपसरो, तहवि अविचलियचित्ता सुभज्झाणे वट्टंता
 तक्खणमेव कम्मलाघवयाए समुप्पन्नोहिनाणा कालं काऊण देवलयं गया, तेसिं च अहासन्निहियसुरेहिं कुसुमवरि-
 सपुव्वयं कया महिमा । इओ य गोसालो ते देवे विज्जुपुंजभासुरसरीरे उप्पयंते निवयंते य साहुनिवाससमीवे पेच्छिऊण
 सामिस्स साहेइ-भयवं ! तेसिं तुम्ह पडिणीयाण पडिस्सओ डज्झइ, सिद्धत्थो भणइ-भइ ! मा एवमासंकेहि, तेसिं
 आयरिया देवलोगमुवगया, अओ देवा महिमं करंति, ताहे सो कोऊहलेण गओ तं पएसं, देवावि पूयं काऊण सट्ठाणं
 पडिनियत्ता, अह तत्थ गंधोदकं पुप्फवासं च दट्ठूण दुगुणजायहरिसो पडिस्सए गंतूण सज्झायझाणविणयकरणपरिस्संते
 निम्भरं पसुत्ते तेसिं सिस्से उट्टविऊण वागरेइ-अरे दुट्टसिस्सा ! तुम्हे मुंडियसिरा चेव हिंडह, जहिच्छं भिक्खं
 परिभुंजिऊण सव्वं रत्तिं सुयह, एत्तियंपि न मुणह-जहा सूरिणो महाणुभावा पंचत्तमुवगया, अहो तुम्हं गुरुसु
 पडिवंधो, एवमाइ कलकलं करंतंमि उट्टिया साहुणो, णवरं तव्वयणासंकिया सहसा गया ते सूरिसमीवे जाव
 पेच्छंति कालगयमायरियं, तओ सुचिरं अद्धिइं काउमारद्धा । कहां ?-

तह पालियावि तह प्राठियावि तह गुणगणेषु ठवियावि । तह सिक्खवियावि दढं हा हा अकयन्नुया अम्हे ॥ १ ॥
 किं दुक्करतवचरणेण अम्ह किं वावि कुसलवोहेणं । किं चिर गुरुकुलसंवाससेवणाएवि विहलाए ॥ २ ॥
 जं असरिससंजमरयणरोहणं नियगुरुंपि कालगयं । पच्चक्खधम्मरासिंपि नेव मुणिमो पमाएणं ॥ ३ ॥

श्रीगुणचंद्र
महावीरच०
६ प्रस्तावः

॥ १९१ ॥

इय ते नियदुच्चरियं पुणो पुणो चैव जंपिरे समणे । गोसालो निच्चञ्चिय बहुसो सामिं समल्लीणो ॥ ४ ॥
तओ सामी चोरागसन्निवेसं गओ, तत्थ य तद्विसं परचकभयमुवट्टियं, तच्चएण य खंडरक्खा तियचउकसुन्न-
मढसभादेउलकाणणुज्जाणेषु अन्नेसु य तहाविहठाणेषु अपुवपुरिसं चारियसंकाए निभालेमाणा पेच्छंति भयवंतं
एगंमि वणनिगुंजे फासुगविजणरूवे गोसालएण परिवुडं काउस्सग्गेण संठियंति, तं च पिच्छिऊण 'भीओ भयाइं
पासइ' ति जायसंका चिंतिउमारद्धा-अहो एरिसंमि एगंतदेसे एएसिं अवत्थाणं न कोसल्लमावहइ, तहाहि-जइ
इमे निहोसां ता किं पयडे चिय नो गाममज्झे वुत्था?, अओ निच्चयं चारोवलंभत्थं परचकसंतिया केइ आगयत्ति
निच्चिऊण पुट्टो तेहिं सामी गोसालगो य, अहो के तुच्चे? किं निमित्तं वा एत्थावत्थाणंतिवुत्ते भयवं मोणेण
चिट्ठइ, गोसालोऽवि तयणुवित्तीए तहेव जावेइ, जाव य पुणो पुणो वागरिज्जमाणाऽवि न देति पयुत्तरं ताव निच्चंतं
चारगा एएत्ति कलिऊण तेहिं नीया कूवतडे, पारद्धा य वरत्ताए वंधिऊण तत्थ पक्खिविडं, नवरं पढमं गोसालं पक्खि-
वंति, पच्छा तं उत्तारिऊण भयवंतं वोळित्ति, एवं च उच्चोलणनिवोलणे कुणमाणाण सोमाजवंतीनामाओ पासजिणति-
त्थपडिवन्नसामनुप्पन्नपरीसहपराइयाओ जीविगानिमित्तधरियपरिवायगनेवत्थाओ पुवभणियस्स उप्पलनेमित्तियस्स
भगिणीओ निसुणियएवंविहवइयराउ मा भयवं चरिमत्तियरो गहियदिकखो एस होज्जत्ति जायसंसयाउ जाव
तत्थ पएसे आगच्छंति ताव पेच्छंति भयवंतं तहा वाहिज्जमाणंति, तओ ताहिं भणियं-अरे रे दुरायारा! नूणं विण-

आचार्य-
स्यावधिः
कालश्च
चोराके
सोमाज-
यन्त्यौ

॥ १९१ ॥

स्तिउकामा तुम्हे जे इमस्स सिद्धत्थनरवइसुयस्स सुरविसरपणयचलणस्स एवं उवसंगं करेहं, एयं च निंसाभि-
 ऊण भयभीएहिं सवहुमाणं खामिऊण मुक्को खंडरक्खेहिं जयगुरु, तं च ताओ वंदिऊण भावसारं गयाओ सट्टा-
 णंमि । सामीवि तत्थेव कइवय दिणाइं परिपालिऊण गोसालेण समेओ नीसेसनयरमंडलमंडणाए पिट्टिचंपापुरीए
 गंतूण चउत्थं वासारत्तं उवसंपज्जइ, वीरासणलगंडासणाइनिसेजाहिं निरंतरं जावेइ चाउम्मासियं च महाखमणं
 करेइ, तस्स पज्जंतदिणंमि य अन्नत्थपारणयं काऊण कयंगलसन्निवेसंमि वच्चइ, तत्थ य दरिइथेरां नाम पासंडत्था
 सारंभा समहिला सपरिग्गहा सपुत्तनत्तुगाइसयणा परिवसंति, तेसिं च गेहपाडगस्स मज्झे सकुलंक्कमागयदेवया-
 समद्धासियन्भंतरं विउलपट्टसालपरिक्खेवमणहरं समुत्तुंगसिहरोवसोहिअं देवउलमत्थि, तस्स एगंतकोणे समा-
 गंतूण सामी ठिओ थडिमाए, तद्विसं च मंदमंदनिवडंतजलतुसारवायं निरारियंतसिसिरमारुयं निवडइ महंतं
 सीयं, तेसिं च पासंडत्थाणं तंमि दिणे जाओ महूसवो, तंमि दिणे देवउले मिलिऊण सडिंभा सदारा भत्तीए गायंति
 यं नच्चंति य, तेऽवि तहारूवे दट्टूण अविगणियभाविभओ गोसालो सोवहासं भणिउमाढत्तो—

जत्थ गिहिणीसु पेमं ज्ञाणज्जयणेहिं सह महाचेरं । सुरयपवंचपरूवणपरायणाइं च सत्थाइं ॥ १ ॥

जीवदयानांमंपिवि न मुणिज्जइ जत्थ नूण सुमिणेऽवि । निम्भरमइरापाणंमि निच्चसो उज्जमो जत्थ ॥ २ ॥

गाइज्जइ नच्चिज्जइ सविलासं नियकुडुंवसहिएहिं । को होज्ज नाम एसोऽवि कोऽवि पासंडपरमत्थो ? ॥ ३ ॥

श्रीगुणचंद्र
महावीरच०
६ प्रस्तावः

॥ १९२ ॥

ते एवं फरुसकखरं तं जंपमाणं पेच्छिऊण समुप्पन्नरोसा भणंति-अरे वाहिं निच्छुभह एयं दुट्टमुहं, न कज्जमेएण इहट्टिएणं, एवं कहिए कंठे घेत्तूण इयरोहिं निस्सारिओ देवउलस्स वाहिंमि गोसालो, तहिं च हिमतुसारसंवलियानिलेण अब्भाहओ समाणो निविडवाहुवल्लरीसंछाइयवच्छत्थलो कंपंतकाओ दंतवीणावायणं कुणमाणो समुद्धसियरोमकूवो अच्छिउं पवत्तो, तारिसं च तं दट्टूण जायाणुकंपेहिं अइनीओ सो अन्नोहिं देवउलमज्झे, खणमेत्तं च जायसीयावगमो नियदुट्टसीलयं पडिक्खलिउमपारयंतो पुणोऽवि वागरेइ-‘जत्थ गिहिणीसु पेम’मिचाइ, तओ पुणोऽवि नीणिओ पवेसिओ य जाव तिन्नि वारे, चउत्थवाराए भवणमज्झपविट्ठो गोसालो भणइ—

दूरे अच्छउ नियमयविगप्पियं जं न लब्भए वोत्तुं । सव्भूयंपि न पावेमि भासिउं किं करेमि अहं ? ॥ १ ॥

नमिमो तिसंझमेयं ठाणं न जहिं सदुच्चरीयस्स । रूसिज्जइ थेवंपिहु जइ पर फुडवाइणो चेव ॥ २ ॥

एवं च निसामिऊण परिणयबुद्धीहिं भणिया-एस इमस्स देवज्जगस्स कोऽवि पीठियावाहगो वा छत्तधारगो वा पडिचारगो वा होही, ता किं अरे एएण ?, तुण्हक्का अच्छह, नियनियकज्जाइं करेह, जइ सोढुं न तरेह ता सवत्तूराइं वाएह, जहा से सदो न सुणिज्जइ, तहेव विहियं तेहिं, अह जायंमि पभायसमए समुग्गए दिणयरे पच्चक्खी-भूयंमि जीवनियरे तओ ठाणाओ पडिमं उवसंहरिऊण सामी सावत्थिं नयरिं गओ, ठिओ तीसे वाहिं पडिमाए, इओ य भोयणसमए गोसालो पुच्छइ-भयवं ! तुब्भे भिक्खट्ठं अईयह ?, सिद्धत्थो भणइ-अज्ज अम्ह उववासो, सो पुच्छइ-

कृतांगले
दरिद्रस्थ-
विराः

॥ १९२ ॥

भयवं ! अज्ज किमाहारं भुंजिस्सामि ?; सिद्धत्थो भणइ-अज्ज तुमए माणुसमंसं खाइयवं, सो भणइ-अज्ज मए तं भोत्तवं जत्थ इयरमंससंभवोऽवि नत्थि, किमंग पुण माणुसमंसस्स ?; एवं निच्छयं काऊण सवत्थ हिंडिउमारद्धो ।

इओ य-तत्थेव नयरीए पियदत्तो नाम गाहावई, तस्स सिरिभद्दा नाम भारिया, सा य मरंतविधायणी, पुत्तभंड-जीवणनिमित्तं उवयरेइ मंतवाइणो पुच्छेइ संवच्छरिए सविसेसं पूएइ देवयाओ तहवि न जाओ कोइ विसेसो, तंमि य समए वेलामासे वट्टमाणे देसंतरागयं पसिद्धं सिवदत्तनामधेयं नेमित्थियं पुच्छइ-कह मम पया जीविस्सइत्ति ?; तेण भणियं-जइ जायमेत्तं मयल्लयं वालं ससोणियमंसं पीसिऊण दुद्धपक्खेवपुव्वयं पायसविहाणेण रंधिऊण घयम-ह्महिं सुसंभियं काऊण सुतवस्सिणो उद्धूलियचरणस्स सवहुमाणं भोयणत्थं पणामसि ताधे पया थिरा होइत्ति, केवलं तंमि कयभोयणे सट्टाणमुवगए गेहस्स अन्नओमुहं दारं करेज्जासि, मा सो कहंपि मुणित्ता भोयणसरूवं गेहं देहेज्जत्ति, पडिबन्नं च सयलं तीए, तम्मि य दिणे पसूया सा मएल्लयदारयं, तओ जहाभणियविहाणेण पायसं काऊण दुवारदेसे ठिया अत्तिहिं निहालेइ ।

एत्थंतरे गोसालो अणेगमंदिरपरिचागं कुणमाणो समागओ तं पएसं, दिट्ठो अणाए, सायरं उवणिमंतिओ य समाणो पविट्ठो तंमि गेहे, दिन्नमासणमिमीए, उवविट्ठो एसो, ठावियं से पुरओ भायणं, परिवेसियं च घयमहुस-णाहं पुव्वसंसिद्धं पायसभत्तं, कहं एत्थ मंससंभवोत्ति सबुद्धीए निच्छिऊण संतोसमुवहंतेण भुत्तमणेणं, भुंजिऊण

श्रीगुणचंद्र
महावीरच०
६ प्रस्तावः

॥ १९३ ॥

गओ भगवओ मूलं, ईसिं विहसियं काऊण भणिउं पवत्तो-भयवं ! तुमए चिरं नेमित्तिगतणं कयं, नवरि अज्ज विह-
डियं, सिद्धत्थेण भणियं-भइ ! मा ऊसुगो होसु, अवितहमह वयणं, जइ पुण न सहहेसि ता उव्वमेसु जेण
पच्चक्खं हवइ, तओ अंगुलिं गलए दाऊण वमियमणेण, दिट्ठा कुवियंमि पायसे मंसकेसाइसुहुमावयवा, तहंसणे य
रुद्धो सो तं घरं मग्गिउमारद्धो तं पुण तेहिं घरं तव्वएण चेव अन्नओमुहं कयं, सो य तंमि पएसे पुणो पुणो
हिंडमाणो जाव न लहइ ताव भणइ-जइ मम धम्मगुरुणो तवतेयप्पभावो अत्थि ता उज्झउ इमो पएसो, जिण-
माहप्पमवितहं कुणमाणेहिं अहासन्निहियवाणमंतरेहिं निहइहो सव्वो सो पएसो, भयवंपि कइवय दिणाइं विगमि-
ऊण गंतुं पयट्ठो, संपत्तो हलहुयाभिहाणंमि गामे ।

तस्स वहिया अणेगसाहप्पसाहाभिरामो वहलपत्तपडलपडिखलियतरणिमंडलपभापसरो महाखंधो हलिहगो नाम
तरुवरो, तस्स हेट्ठओ ठिओ भयवं काउस्सग्गेणं, इओ य सावत्थिं नयरिं गंतुकामो रयणिंमि आवासिओ तत्थेव
सत्थो, सो य सीयपीडिओ संतो पज्जालिऊण जलणं सुचिरं तप्पिऊण य पभायसमए उट्ठित्ता गओ, जलणोऽवि
जणेण अविज्झविओ निहहंतो कमेण पत्तो जिणंतियं, गोसालेण भणियं-भयवं ! नासह एस हुयवहो एइ,
इय निसुणिएऽवि सामी अविचलचित्तो तहेव जावेइ । अह पसरिएण सहसा पयकमलं भ्रामियं सिहिणा ॥ १ ॥
गोसीसचंदणंपिव तुसारवरिसं व सिसिरसलिलं व । परिभाविंतो तिब्बं सिहिदाहं सहइ जिणनाहो ॥ २ ॥

गोशाल-
कस्य मांस-
भक्षणं
हरिद्रे
पाददाहः

॥ १९३ ॥

गोसालोऽवि तहाविहमसमंजसमिक्खिऊण भयभीओ । अइदूरमवकंतो नियजीवियरक्खणट्टाए ॥ ३ ॥
 अह उवसंतंमि जलणंमि सामी मंगलाभिहाणे गामे गओ, तहिं च वासुदेवमंदिरे ठिओ पडिमाए, गोसालोवि
 निलुको एगत्य पएसे, केवलं केलिकलहाइविणोयाभावेण वाढं दुक्खमणुहवंतो फालचुकोष मक्कडो दिसीओ अवलो-
 एइ, एत्यंतरे कीलानिमित्तमागयाइं तं पएसं गामचेडरूवाइं, तओ ताइं पेच्छिऊण उवलदूरयणनिहाणं व पच्चुजी-
 वियं व मण्णमाणो विडंविचयवयणकंदरो दूरं निलालियलोलजीहो पसारियवीभच्छच्छिजुयलो धाविओ वेगेण भय-
 जणणनिमित्तं तेसिमभिमुहं ॥

अह तं भीसणरूवं दट्टणमतक्कियं समुहमित्तं । गामाभिमुहं भयओ चेडाइं लहु पधावंति ॥ १ ॥
 धावंताणं ताणं पक्खलणवसेण केसिमवि जंघा । भज्जइ अत्तेसिं पुण फुट्टइ सीसं टलइ चलणो ॥ २ ॥
 इयरेसिं पुण वियलंति देहनद्धाइं भूसणाइंपि । केसिं चिय वत्थाइं निवडंति तदा भयवसेण ॥ ३ ॥
 अह तारिसमसमंजसमम्मापियरो पलोइऊणेसिं । रोसेण दोसमूलं गोसालं संपवज्जंति ॥ ४ ॥
 रे पाव पिसाय किमम्हं चेडरूवाइं तमिह भाएसि । इय तज्जिऊण तेहिं कुट्टिज्जइ सो दढं विवसो ॥ ५ ॥
 ताहे तं हम्मंतं दट्टुं वारिंति गामजणवुट्ठा । देवज्जगस्स एसो खु नूणं सिस्सो अओ मुयहा ॥ ६ ॥
 कहमवि तेहि विमुको गोसालो वागेरइ जिणनाहं । किं मइ हणिज्जमाणे तुम्हाणं जुज्जइ उवेहा ? ॥ ७ ॥

श्रीगुणचंद्र
महावीरचं
६ प्रस्तावः
॥ १९४ ॥

एत्तियदिणाइं समसोक्खदोक्खसहणेवि नेव पडिवंधो । किं उप्पन्नो तुम्हं ? अहो सिलानिद्धुरं हिययं ॥ ८ ॥
सिद्धत्थेणं भणियं-किं रूससि निन्निमित्तमम्हाणं ? । अप्पाणमप्पणच्चिय दोसकरं भो निरुंभेसु ॥ ९ ॥
अह उस्सगं पाराविऊण सामी तओऽवि निक्खमिउं । आवत्तनामगामे वलदेवगिहे ठिओ पडिमं ॥ १० ॥
तत्थवि कलहिकरुई गोसालो दारिएक्कवयणेण । पुद्वाणत्थं विसमरिऊण डिंभाइं भेसेइ ॥ ११ ॥
रुयमाणाइं ताइं गंतुं मायापिऊण साहिंति । तेहि पुणोवि हणिज्जइ गोसालो पुद्बनाएणं ॥ १२ ॥
गामपहाणजणेणं भणियं किं हम्मए मुहा एसो ? । एयमनिवारयंतस्स होइ दोसो गुरुस्स इमो ॥ १३ ॥
इय कहिए झत्ति जएक्कचक्खुणो सम्मुहं च ते लोया । उग्गीरियदढदंडा उवट्टिया ताडणट्टाए ॥ १४ ॥
एत्थंतरंमि जिणपक्खवाइणा वंतरेण सा पडिमा । लोआण भेसणत्थं नंगलहत्था समुट्टविया ॥ १५ ॥
ताहे अदिट्टपुद्बं पडिमाचलणं पलोइउं झत्ति । भयभीया ते सामिं भूरिपयारेहिं खामिंति ॥ १६ ॥
खामिऊण विमुक्को जयगुरू चोरायसन्निवेशं गओ, तत्थ पच्छन्नपएसे पडिमं पडिवन्नो, गोसालोऽवि खुहाए
परिकिलंतो पुच्छइ-भयवं ! अज्ज चरियवं न वा ?, सिद्धत्थो वागरेइ-अंतरं अम्हं, तओ गोसालो पविट्टो गाममज्जे
तहिं च गोट्टीभोयणकएण बहुभक्खभोयणजायं उवक्खडिज्जइ, सो य अत्थिरत्तणेणं केवलं देसकालो भविस्सइत्ति
जाणणट्टा निहुओ होऊण पुणो पुणो तयभिमुहमवलोयइ, तत्थ य गामे तद्वियहं महंतं चोरभयं, ताहे गामवासिणो

मंगलावर्त्त-
ग्रामयोः
गोशाल-
कीयं डिंभ-
भापनं

॥ १९४ ॥

जणा जाणंति—एस पुणो पुणो पलोएइ, मन्ने चारो चारिओ वा हवेजा, ता जइ पुण कहंपि एत्तो पुवमोसोवलद्धी
जाइज्जत्ति विगप्पिऊण गहिओ तेहिं निस्सटं हणिउमारद्धो, य, पुच्छिंज्जमाणो जाव न किंपि जंपेइ ताव मुक्को
कुट्टिऊण, तओ सो विलक्खो चित्तेइ-अच्छउ दूरे भोयणसंपत्ती, सरीरस्सवि जं न चुक्को तमच्छरियं वट्टइ, अहो
निकारणदुज्जणाण मील्लो, अहवा किमेएण?, जइ अत्थि मम पहुणो पभावो ता उज्झउ एएसिं पावाणं मंडवोत्ति
भणिए निइट्ठो जिणाणुरागिणा वाणमंतरेण, जिणिंदो पहाविओ कलंबुयाभिहाणसन्निवेसाभिमुहं, तत्थ य दो पच-
न्तिया भायरो मेहो कालहत्थी य, सामित्तं कुणंति य, तम्मि पत्थावे कालहत्थी भडचडयरपरियरिओ करयलकलि-
यविविहपहरणो चोराणुमग्गल्लगो जाव केत्तियंपि भूभागं गच्छइ ताव पेच्छइ समुहमित्तं जिणं गोसालयं च, ते
य दट्टूण भणइ—के तुब्भे?, सामी तुसिणीए जावेइ, गोसालोऽवि केलिपियत्तणेण मोणमवलंविऊण ठिओ, तओ
सो रुट्ठो निस्सट्टं हणिऊण भयवंतं गोसालगं च वंधिऊण महल्लगस्स भाउणो मेहस्स पेसेइ, सो य भयवंतं तहा-
रुवं दट्टूण समुट्ठिओ वंधणावणयणपुवयं पूएइ खामेइ-थ, तेण किर सामी कुंडग्गामे नयरे सिद्धत्थनरवइणो
समीवमुवगएण दिट्ठो आसि, अह तेण मुक्को समाणो भयवं ओहीए इमं आभोएइ-अज्जवि वहुं कम्मं निज्जरियवं,
तं च सहायविरहेण निज्जरिउं न सक्किज्जइ, तां अत्थारियादिट्ठंतो एत्थ जुत्तो, सो य एवं—

जह फलभरविणमंतग्गसंस्ससभारपूरियं छेत्तं । दट्टूण तस्स सामी सिग्घं गहणं समीहंतो ॥ १ ॥

श्रीगुणचंद्र
महावीरच०
६ प्रस्तावः

॥ १९५ ॥

एगागि चिय लुणितं अपारयंतो परंपि बहुलोगं । समुच्चियमुल्लपयाणेण सस्सलुणणे पयट्टेइ ॥ २ ॥
तह मज्झवि चिरभवसंभवस्स कम्मस्स निज्जरणिमित्तं । जुज्जइ अणज्जणसंगएसु देसेसु विहरेउं ॥ ३ ॥
जं तत्थ अणज्जणो निक्कारणकोवसंगओ धणियं । उवसग्गणेण काही साहेज्जं कम्मनिज्जरणे ॥ ४ ॥
इय चिंतिऊण नाहो लाढाविसए मिलेच्छजणकिन्ने । गोसालेण समेओ अह निज्जाओ विजियमोहो ॥ ५ ॥
अह तत्थ गयं नाहं हेरियबुद्धीए केइ पाविट्ठा । निट्टुरमुट्ठिपहारेहिं विह्वंति निरणुकंपा ॥ ६ ॥
अन्ने असंभवयणेहिं तज्जणं हीलणं च कुवंति । अइचंडतुंडसाणेहि पेसणेणं वहंति परे ॥ ७ ॥
वंतरसुरऽसुरवइजक्खरक्खसपमुहंमि देवसंघाए । बहुमाणपरेऽवि जिणो एगागी सहइ उवसग्गे ॥ ८ ॥
धम्मायरिओ एसोत्ति मज्झ हिययंमि निहियपडिवंधो । पट्ठि ठिउ गोसालोऽवि सामिणो दुक्खमणुहवइ ॥ ९ ॥
अह तत्थ भूरितरकम्मनिज्जरं पाविऊण जिणनाहो । आरियखेत्ताभिमुहं आगच्छइ पुन्नवंछोव ॥ १० ॥
आरियखेत्ताभिमुहंमि तस्स भयवओ पुन्नकलसाभिहाणगामसन्निहिंमि वट्टमाणस्स दोन्नि चोरा लाढाविसयमुस-
णट्ठा नीहरंता अवसउणोत्तिकाऊण जमजीहासन्निहं खग्गं उग्गिरिऊण धाविया संमुहं, एत्थंतरे पुरंदरो कहिं
जिणो वसइत्ति जाणणट्ठं जाव ओहिं पउंजेइ ताव पेच्छइ थेवेणासंपत्ते आयड्ढियकरवाले चोरे वहनिमित्तं
जिणस्स उवट्टिए, अह जायतिवकोवावेगेण तेण तहट्टिएणेव समुत्तुंगगिरिसिहरदलणदुल्ललिएण निहया कुलिसेणं,

चौराके
गोशालः
कालमेघ-
मीलनं
अनार्येषु
विहारः.

॥ १९५ ॥

सामीवि गामाणुगामं विहरमाणो गओ भदिलनयरिं, तत्थ य वासारत्तो पंचमो समुवागओ, तो भयवं विचित्तास-
 णाहं कुणमाणो चाउम्मासियं खमणमुवसंपज्जइ, कमेण समइकंते वासारत्ते वाहिं पारित्ता विहरमाणो पत्तो कय-
 लिसमागमे गामे, तत्थ य तद्विसमत्थारियाभत्तं जहिच्छं भोयणं पहियकप्पडियाईण विपणामिज्जइ, गोसालोऽवि तं
 दद्वूण पविट्ठो, सामिं भणइ-एह एत्थ जामो, सिद्धत्थो भणइ-अज्ज अंतरं अम्हाणं, एवं निसामिय गओ गोसालो
 अत्थारियाभत्तट्ठाणे, उवविट्ठो भोयणत्थं, परिवेसिउमारद्धं जणेण, सो य बहुयासित्तणेण न पावइ कहिंपि तित्तिं,
 ततो गामजणेण महल्लं भायणं दहिकल्लवियकूरस्स भरिऊण समप्पियं एयस्स, सोऽवि समग्गमवि तं भोत्तुमपारयंतो
 भणइ-एत्तियं न नित्थरिही, तओ पाव! दुक्कालकवल्लिओव नियभोयणमाणंपि न याणसित्तिं भणिऊण रोसेण
 खित्तं तं भायणं से मत्थयंमि जणेण, पच्छा उयरं परामुसंतो गओ सो जहागयं ।

पुणोवि जंबूसंडं गाममुवागयस्स जयपहुणो तहेव सो अत्थारियाभत्तमल्लीणो खीरं कूरं च जेमिओ तहेव पज्जंते
 जणेण धरिसिओ य, अह सामी अहाणुपुवीए विहरमाणो तंवायनामसन्निवेसं गओ, तस्स बहिया ठिओ पडिमाए,
 तत्थ य गामे बहुस्सुया बहुपरिवारा पासजिणसंताणवत्तिणो नंदिसेणा नाम थेरा गच्छचित्तं मोत्तूण मुणिचंद-
 सूरिणोघ जिणकप्पपरिकम्मं करंति, गोसालो य पविट्ठो गाममज्झे, ते समणे सवत्थकंवल्लोवगरणे दद्वूण पुव-
 साहूणं पिव खिसं काऊण सामिस्स सयासमेइ, ते य नंदिसेणा थेरा तीए चेव रयणीए चउक्के काउस्सग्गेण निच्चला

श्रीगुणचंद्र
महावीरच०
६ प्रस्तावः

॥ १९६ ॥

संठिया, पच्छा आरक्खियपुत्तेण इओ तओ परिभमंतेण चोरोत्ति कलिऊण महल्लभल्लएण आहया, तव्वेलं चिय
समुप्पण्णोहिनाणा मरिउं दिवमुवगया, अहा सन्निहियदेवनिवहेहि य तेसिं महिमं कीरमाणिं पासित्ता तं पएसं
गओ गोसालो, दिट्ठा य कालगया थेरा, तओ सुहपसुत्ता पडिस्सए गंतूण पडिवोहिया तेसिं सिस्सा, निब्भच्छि-
ऊण साहिओ थेरमरणवइयरो, गओ य सट्ठाणं, जयगुरुवि कुवियसन्निवेसमेइ, तत्थवि चारियत्तिकाऊण गहिओ
दंडवासिएहिं, बंधणताडणपसुहकयत्थणाहिं पीडिउमारद्धो य ।

अह जिणनाहे तेहिं वहिज्जमाणे जणे समुल्लावो । जाओ जह देवज्जो अप्पडिमो रूवलच्छीए ॥ १ ॥

कह चारिओत्ति गहिओ किं सोऽवि करेज्ज एरिसं कम्मं । अहवा विचित्तरूवा कम्मगई किं न संभवइ ? ॥ २ ॥

तहविहु इमं सुणिज्जइ जत्थागिति तत्थ निवसइ गुणोहो । ता नूण मूढयाए एए एयं कयत्थंति ॥ ३ ॥

भोगोवभोगहेउं साहूवि विरूवमत्थमायरइ । जो वत्थंपि न वंछइ स चारियत्तं कहं काही ? ॥ ४ ॥

इय लोयपवायं निसुणिऊण विजया तहा पगब्भा य । पासजिणसिस्सिणीओ तक्कालविमुक्कदिव्खाओ ॥ ५ ॥

निवाहत्थं परिवाइयाए वेसं समुवहंतीओ । मा वीरजिणो होहित्ति संसएणाउलमणाउ ॥ ६ ॥

गच्छंति तहिं दट्ठूण जिणवरं आयरेण वंदंति । पच्छाऽऽरक्खियगपुरिसे तज्जंति सुनिट्ठुरगिराए ॥ ७ ॥

रे रे किं न हयासा ! सिद्धत्थनरिंदनंदणं एयं । धम्मवरचक्कवट्ठिं मुंचह ? सिग्घं च स्वामेह ॥ ८ ॥

वधोद्यत-
चौरघातः
जंबूखंडे
नन्दिपेणाः
कूपिकासं-
निवेशे ग्रहः

॥ १९६ ॥

जइ रे वइयरमेयं सुणइ सुरिंदो कहंपि ता नूणं । तुम्हे सरजरट्टे किणासगेहंमि पेसेइ ॥ ९ ॥
इय भणिए भयभीया भयवंतं ते णमंति विणयनया । खामेंति सदुचरियं निडालतलघडियकरकमला ॥ १० ॥
अह तेहिं परिमुक्को भयवं वेसालिनयरिमणुसरिउं । चलिओ गच्छंतस्स थ जाया विचे दुवे मग्गा ॥ ११ ॥
अह लाढाइसु देसेसु विविहतिघोवसग्गवग्गेणं । पडिभग्गो गोसालो सामिं विन्नविउमाढत्तो ॥ १२ ॥
एकं पेच्छंतोऽविहु हणिज्जमाणं ममं न रक्खेसि । अन्नं तुहोवसग्गेण एइ मज्झंपि उवसग्गो ॥ १३ ॥
अवरं पढमं लोगो मं चेव हणइ पच्छओ तुम्हे । भोयणवित्तीवि महाकिलेसओ पइदिणं होइ ॥ १४ ॥
माणवमाणसमचित्तवित्तिणो सुण्णसेवणपरस्स । नायगधम्मोऽवि न तुज्झ कोऽवि पेच्छिज्जइ समीवे ॥ १५ ॥
जेण-जो सेवगंमि सुहिए नो सुहिओ दुक्खिए थ नो दुहिओ । सोक्खाभिकंखिणा नणु सेविज्जइ सोऽवि किं सामी? ॥ १६ ॥
तम्हा अज्जवि चिरजीवियत्थिणो सोक्खकंखिरमणस्स । एत्तो तुह सेवाए देवज्जय ! मज्झ पज्जत्तं ॥ १७ ॥
इय कहिए सिद्धत्थो वागरइ करेसु जं तुहावडइ । अम्हाण एरिसच्चिय ववहरणा किमिह तुह भणिमो ? ॥ १८ ॥
एवं जाए परोप्परुल्लावे सामी वेसालीमग्गेण लग्गो, इयरोऽवि भगवओ निवट्टिऊण रायगिहमग्गेण पड्डिओ,
अंतरा थ करिहरिहरिणविरुयवग्घपमुहसत्तसंकुले गयणतलावलंविदीहरतरुभीसणे निवडिओ महारण्णे, तत्थ थ
चोरवइणा एगंमि महातरुसिहरे पहियजणावलोयणनिमित्तं आरोहिओ नियपुरिसो, तेण थ दिट्ठो सो सच्छं-

श्रीगुणचंद्र
महावीरच०
६ प्रस्तावः
॥ १९७ ॥

दलीलाए आगच्छमाणो, दडूण य साहियं चोरवइणो, जहा-एगो नग्गसमणो एइ, तेण भणियं-न हरियवमत्थित्ति
एस न भाइ, अन्नहा कंहं एत्थ अमाणुसाए अडवीए पविसेज्जा?, अहवा एस कोइ दुरायारो अम्हाणं एवंविह-
रूवपडिवण्णो मण्णे परिभवं उप्पाएइ, ता एउ अक्खलियगईए जेण अवणेमो से दुव्विणयं, एवं च जंपंताणं
समीवमागओ गोसालो, तओ तेहिं दूराओ चिय साहिलासं-एहि माउलग! सागयं तुहत्ति भणिकुण गहिओ
करेण, उड्ढाविओ पट्ठिं, मरणभयविहुरेण य उड्ढिया अणेणं, तओ चोराहिवइणा पंचसयचोरसमेएण आरुहिकुण
जहकमं वाहिओ सुचिरवेलं, छुहातणहापरिस्समभिहंओ जया कट्टगयजीओ जाओ ताहे मोत्तूण जहाभिमयं
गया तकरा, गोसालोऽवि वाढं सुट्टियसरीरो मोग्गरपहारजज्जरिउव्व कुलिसताडिउव्व विगयचेयण्णो तरुसंडछायाए
मुहुत्तमेत्तं विगमिकुण सिसिरमारुएण उवलद्धचेयणो सोगं करेउमारद्धो, कंहं?—

हा दुडु दुडु विहियं हियत्थिणा नट्टबुद्धिणा उ मए । जं सो सामी मुक्को अचिंतमाहप्पपडिहत्थो ॥ १ ॥

निहोसंमिवि नाहे कुवियप्पेहिं मए हयासेण । जा किर कया अवण्णा सा संपइ निवडिया सीसे ॥ २ ॥

तस्स पभावेण पुरा अणेगठाणेसु दुडुसीलोऽवि । निघूढोऽहं संपइ तव्विरहे नत्थि मे जीयं ॥ ३ ॥

अहवा-सहसच्चिय सम्ममच्चिंतिऊण कीरंति जाइं कज्जाइं । अप्पत्थभोयणं पिव ताइं विरामे दुहावेत्ति ॥ ४ ॥

मण्णे इमिणच्चिय कइयवेण मं छलिउमिच्छइ कयंतो । कहमन्नहा कुबुद्धी हवेज्ज एयारिसी मज्झ ॥ ५ ॥

गोशालस्य
पृथग्भवनं
चौरोप-
सर्गश्च.

॥ १९७ ॥

ता किं एत्तो सरणं सरेमि? किं वा गइं पवज्जामि? । कस्स व पुरओ दुक्खं निवेइउं होमि निचिंतो? ॥ ६ ॥

अहवा कयं विगप्पेहिं नत्थि मम तिहुयणेऽवि साहारो । तं चेव धम्मसूरिं मोचुं ता तं निहालेमि ॥ ७ ॥

इय निच्छिऊण कहमवि संसारं पिव सुभीसणमरणं । लंघित्ता गामाइसु हिंडइ सामिं निरूविंतो ॥ ८ ॥

इओ य-भयवं महावीरो अहाणुपुष्पीए परियडंतो पत्तो विसालसालवलयपरिवेढियाए मयणुम्मत्तरामाभिरामाए वेसालीए नयरीए, तत्थ य वहुणं कम्माराणं साहारणाए सालाए अहासन्निहियजणं अणुजाणावित्ता ठिओ पडि-
माए, अन्नया य एगो कम्मरगो रोगपीडिओ संतो छट्ठमि मासे पगुणसरीरो जाओ समाणो पसत्थे तिहिसुहुत्ते मंगलत्तरपुरस्सरं चंदणुकिन्नदेहो हरहासकासकुसुमपंडुरदुकूलनिवसणो सिरे निसियदोवक्खयसरिसवो सयणजणेण अणुगम्ममाणो तमेव कम्मरसालमागओ, पेच्छइ पुरट्ठियं उद्धट्ठाणं पडिवन्नं विगयवत्थं जिणवरं, तं च दट्ठूण चियं-
भियपलयकोवानलो पढमं चिय अमंगलरूवो नग्गओ दिट्ठो, ता अमंगलं एयस्स चेव उवणेमिति चिंतिऊण लोह-
घणं घेत्तुं धाविओ सामिवहणत्थं, एत्थंतरे सुराहिवइणा कहं नाहो विहरइत्ति जाणणनिमित्तं पउत्तो ओही, दिट्ठो एयरूवो वइयरो, तओ नयणनिमेसमेत्तेण आगओ चलंतमणिकुंडलो आखंडलो तं पएसं, नियसत्तीए य निवाडिओ घायगस्स चेव सिरंमि सो घणो, तग्घायाभिहओ य पत्तो पंचत्तमेसो, तओ हरी तिपयाहिणादाणपुच्चयं पणमि-
ऊण जयगुरुं भणिउमाढत्तो—

श्रीगुणचंद्र
महावीरच०
६ प्रस्तावः

॥ १९८ ॥

निरुवमकलाणकलावकारणं लोयलोयणाणंदं । तं पेच्छिऊण सामिय! कहमिव पावा पउस्संति? ॥ १ ॥
तिकरणसुद्धीएविहु जणरक्खं जो समीहए काउं । तस्स तुहोवरि दुट्ठा कह वा बुद्धी पयट्टेज्जा? ॥ २ ॥
किं अमयंपिव विसनिव्विसेसबुद्धीए कोऽवि बोहेज्जा । अहवा विमूढहिययाण होइ एसेव नूण मई ॥ ३ ॥
धुवमम्हाणं देवत्तदिव्वमाहप्पसंपया विहला । जा तुम्हावइविणिवारणेण नो होइ सकयत्था ॥ ४ ॥
निच्छउ सा पडुभत्तीवि कह व लक्खिज्जए सयण्णेहिं । जाव न निच्चं पासट्टिएहिं सेविज्जसे तंसि ॥ ५ ॥
इय सुरनाहो सुचिरं उवसग्गकरं जणं सभत्तिं च । दूसित्ता सुदुहत्तो नमिउं अहंसणं पत्तो ॥ ६ ॥
सामीवि विहरमाणो गामागरसन्निवेशमागओ, तम्मि य विभेलगो नाम जक्खो, सो य पुवभवफासियसम्मत्त-
वसेण समुप्पणपरमपमोओ भयवओ पडिमापवणस्स अहिणवपारियायमंजरीपरिमलुम्मिलंतफुलंधयधुसराहिं
हरियंदणरसुम्मिस्सद्युसिणघणसारविलेवणेण य पूयं परमायरेणं निवत्तेइ, अह पुण को एस विभेलगजक्खो पुवभवे
आसि?, भण्णइ—

मगहाविसए सिरिपुरे नयरे महासेणो नाम नरवई, तस्स सिरी नाम भज्जा, तीसे य असेसविन्नाणकलाकलाव-
कुसलो सुरसेणो नाम पुत्तो, सो य संपत्तजोवणोऽवि न खिवइ चक्खुं पवररूवासुवि रमणीसु, वहुं भणिज्जमा-
णोऽवि न पडिवज्जइ पाणिग्गहणं, किं तु सुणिवरोव संहरियवियारो चित्तपत्तच्छेयाइविणोदेहिं कालं वोलेइ, रायावि

वैशाल्यां
कर्मकारोप-
सर्गः विभे-
लकपूर्व-
भवः

॥ १९८ ॥

एरिसं तं पेच्छिऊणमचंतमाउलमाणसो अणेगेसिं मंततंताइजाणगाणं एयवइयरं परिकहेइ, ते थ करंति विविहे उवाए,
न यं जायइ कहिंपि कुमारस्स भावपरावत्ती ।

अह अवरवासरंमी वाहिं नगरस्स करिवरारूढो । सह परियणेण राया नीहरिओ रायवाडीए ॥ १ ॥

विविहपएसेसु खणं परिभमिउं वाहिउं च करितुरगे । पच्छाहुत्तं इंतो पेच्छइ नयरीजणं सयलं ॥ २ ॥

रहतुरगजाणसिविगापयप्पयारेण सिरघवेगेण । कयसुंदरनेवत्थं वचंतं काणणाभिमुहं ॥ ३ ॥

तं पेच्छिऊण रण्णा पयंपियं रे किमेस.पउरजणो । परिमुक्कावरकज्जो वचइ एगेण मग्गेण ? ॥ ४ ॥

नो अज्ज जेण कस्सवि महुसवो देवयाविसेसस्स । नडपेच्छणयाईयं कोउगमवि दीसइ न किंपि ॥ ५ ॥

अह परियणेण भणियं तुब्भे नो मुणह देव । किं एयं । जं एत्थ समोसरिओ सूरी सूरप्पहो नाम ? ॥ ६ ॥

जो तीयाणागयवत्थुविसयसंदेहतिमिरहरणेणं । पुहईए पत्तकित्ती जहत्थनाभेण परमप्पा ॥ ७ ॥

जस्स पयपउमधूलीफासेणविवि विहरोगकलियावि । जायंति तक्खणं चिय मयरद्धयसन्निभा पुरिसा ॥ ८ ॥

जस्सेस दंसणेणवि समत्थतित्थोहपूयसलिलं व । विद्धंसियपावरयं पाणिगणो गणइ अप्पाणं ॥ ९ ॥

जे पिउणोऽवि पणामं कुवंति न दुवहेण गवेण । जस्संहिनक्खकिरणा ताणवि सिरसेहरीभूया ॥ १० ॥

सूरिस्स तस्स पयवंदणत्थमेसो पुरीजणो जाइ । तुम्हंपि देव ! जुत्तं पयपंकयदंसणमिमस्स ॥ ११ ॥

श्रीगुणचंद्र
महावीरच०
६ प्रस्तावः

॥ १९९ ॥

एवं सोचा विम्हवियमाणसो तक्खणेण नरनाहो । उज्जाणस्साभिमुहं वचइ कोऊहलाउलिओ ॥ १२ ॥
ता दूराओच्चिय करिवराउ ओयरिय परमभत्तीए । वंदित्ता सुणिनाहं निसीयए धरणिवट्टंमि ॥ १३ ॥
सूरीवि जोग्गयं से पलोइउं दिवनाणनयणेण । गंभीराएँ गिराए एवं भणिउं समाढत्तो ॥ १४ ॥
भो नरवर ! संसारे पढमं चिय दुल्लहो मणुयलंभो । तत्थवि य निरुवयरिया कुलरुवारोग्गसामग्गी ॥ १५ ॥
तीएवि पवरकरितुरयजोहरहनिवहभूरिभंडारं । भयवसनमंतसामंतमंडलं नरवइत्तंपि ॥ १६ ॥
तत्थवि सत्थत्थवियक्खणेहिं अचंतभवविरत्तेहिं । कुसलेहिं समं गोट्टी दुल्लंभा थेवमेत्तंपि ॥ १७ ॥
एयं च तए सयलं संपत्तं पुन्नपगरिसवसेणं । ता एत्तो सविसेसं पाणवहाईण वेरमणे ॥ १८ ॥
नयसेवणंमि सुगुणज्जणंमि करुणाय दुत्थियज्जणाणं । धम्मत्थविरुद्धविवज्जणे य परलोयचिंताए ॥ १९ ॥
भंगुरभवभावविभावणंमि वेसइयसुहविरागंमि । तुम्हारिसेण नरवर ! पयट्टियवं मणो निचं ॥ २० ॥
इय गुरुणा उवइट्ठे नरनाहो पुरजणो य हिट्ठमणो । सबं तहत्ति पडिसुणिय पट्टिओ नियगिहाभिमुहं ॥ २१ ॥
नवरं भूमीनाहो गंतुं थोवंतरं पडिनियत्तो । पुवभणियस्स पुत्तस्स वइयरं पुच्छिउं सहसा ॥ २२ ॥
ता एगंते ठाउं वंदिय सूरिं पयंपए एवं । भयवं ! अगोयरं नत्थि किंपि तुह नाणपसरस्स ॥ २३ ॥
ता कहसु मज्झ पुत्तो भणिज्जमाणोवि विविहहेऊहिं । किं कारणं न वंछइ सोउं परिणयणनामंपि ? ॥ २४ ॥

वीभेलक-
पूर्वभवाः
सूरसेन-
चरित्रं,

॥ १९९ ॥

किं भवभण अहवा भूयपिसायाइछलणदोसेण । घाउविवज्जासेण व कूरग्गहपीडणेणं वा ? ॥ २५ ॥
 गुरुणा भणियं नरवर ! मा संकसु कारणाइं एयाइं । दढपुवभवावज्जियभेगं कम्मं विमोत्तूण ॥ २६ ॥
 संजोगविओगुप्पायपलयसुहदुक्खपमुहकिरियासु । सद्वावत्थासुंपिय पभवइ कम्मं चिय जणस्स ॥ २७ ॥
 रणणा भणियं भयवं ! किं पुण एएण पुवजम्मंमि । पकयं कम्मं ? साहह महंतमिह कोउगं मज्झ ॥ २८ ॥
 सरिणा पयंपियं-महाराय ! एस तुज्झ पुत्तो पुवभवे संखपुरंमि नयरे रूवलायन्नसोहग्गाइगुणसंगओ चारुदत्तो नाम
 वणियसुओ आसि, तेणवि एगया निकारणकुवियाए भज्जाए दुव्वयणेहिं तज्जिएण सरोसं पयंपियं-आ पावे ! तहा काहं
 जहा सदुक्खं जीवसि, तीए बुत्तं-जं तुह पिउणो पडिहाइ तं करेज्जासि, तओ सो एगेण नम्मसच्चिवेण सद्धिं कन्नगंतर-
 परिणयणत्थं पयट्ठो गंतुं दक्खिणदिसाए, अविलंबियपयाणएहिं वचंतो पवररामारयणनिहाणभूयाए पत्तो कंची-
 पुरीए, तहिं च पविसमाणेण दिट्ठाइं परोप्परं कीलंताइं डिंभाइं, तेसिं च एगेण डिंभेण सुरहिमालइमाला अन्नस्स
 डिंमस्स कंठे पक्खिविउमारद्धा अन्नस्स निवडिया, तं च दट्ठूण चिंतियं चारुदत्तेण-अहो सोहणो सउणो, परं दूर-
 यगमो, जओ एसा कुसुममाला अन्नत्थ पक्खिविउमारद्धा अन्नत्थ निवडिया, अहवा किमणेण ?, चिंतियत्थसं-
 पत्तीए सयं चेव होही एयावगमोत्ति विभाविऊण पविट्ठो सयणवग्गगेहंमि, कओ तेण पहाणविलेवणभोयणप्पया-
 णप्पमुहो से य वाचारो, ठिओ य कइवय वासराइं, पत्थावे य सयणवग्गस्स सिट्ठमणेण निययप्पओयणं, पडि-

श्रीगुणचंद्र
महावीरच०
६ प्रस्तावः

॥ २०० ॥

सिद्धो य बहुप्पयारं तेण एसो । इओ य तत्थेव पुरे गंगदत्तसेट्ठिणो कन्नगा अप्पडिमरूवजोवणाइगुणकलावकलिया
कणगवइसहीजणपरिवुडा उज्जाणंमि कुसुमावचयं कुणंती सिरिदत्ताभिहाणं वणियजुवाणमवलोइऊण मयणुम्मु-
कसरविसरपहारजजरियसरीरा कहकहवि पडिनियत्तिऊण सगेहे निसट्टं निवडिया सुहसेज्जाए, वाउलत्तं च से मुणि-
ऊण भेलिओ गेहजणो, पुट्टा सरीरवत्ता, अलद्धपडिवयणेण य तेण कओ तक्कालोचिओ विही, सो य जुयाणो तहं-
सणमेत्तेणवि हरियहियओ तक्कालवियंभमाणमयणजलणजालाकलावकवलियसरीरो कहिंपि रइं अपावमाणो तमेव
कुवलयदलदीहरच्छिं चिंतंतो अच्छिउं पवत्तो, नवरं पुच्छिओ एसो एगाए पवाइगाए-वच्छ ! किमेवं सुन्नचक्खुक्खेवो
लक्खिज्जसित्ति, तेण भणियं-भयवइ ! किं कहेमि ?, अवलाएवि हुंतीए विसट्टकंदोद्वदीहरच्छीए । हरियहिययस्स वट्टइ
विहलं चिय मज्झ पुरिसत्तं ॥१॥ एत्तियमेत्तेणं चिय न ठिया सा छणमयंकविंविमुही । अवहरिउमिच्छइ धुवं संपइ मह
जीवियवंपि ॥२॥ ता एव ठिए भयवइ ! तमुवायं किंपि लहु विचिंतेसु । पसभियमणपरितावो जेणेस जणो सुहं वसइ ॥३॥
पवाइगाए जंपियं-पुत्त ! फुडक्खरं साहेसु, तओ तेण कहिओ कणगवईदंसणवुत्तंतो, तीए भणियं-पुत्त ! वीसत्थो
होहि, तहा करेमि जहा तीए सह निरंतरं संपओगसुहमणुहवसि, तेण वुत्तं-जइ परं तुह पसाएणंति, भणियावसाणे
गया सा गंगदत्तसिट्ठिणो गिहे, दिट्ठा य सदुक्खेण परियणेण संवाहिज्जमाणसरीरा कणगवई, भणियं चऽणाए—
भो ! किं कारणं सरीरे विहुयत्तणमिमीए ?, परियणेण भणियं-भयवइ ! न सुणेमो, तीए वुत्तं-जइ एवं ता अवसरह,

सूरसेन-
चारुदत्त-
कनकवती-
भवः.

॥ २०० ॥

खणमेकं कुणह विजणं, न होइ सामन्नो एस दोसो, उवेहिजंतो जीवियंपि हरेजा, एवमायन्निऊण दिन्नं से परि-
 यणेण आसणं, विजणं च कयं, तओ तीए सुचिरं अडुवियडाइं पल्लविऊण महया वित्थरेण कओ सुद्धाविन्नासो,
 पारद्धं मंतसुमरणं, कुसुमक्खयखेवेण य पूइयं जोगिणीचकं, मुक्को हुंकारो, अचंतसमीवे य ठाऊण महामंतोव सिद्धो
 तस्स वणियस्स वुत्तंतो, कणगवईवि झत्ति तं निसामिऊण पच्चुजीवियंघ हरिसभरमुच्चहंती भणिउं पवत्ता-भयवइ!
 एत्तो तुमं चेव पमाणं, तो तहा कहंपि कुणसु जह निरंतरो तेण सह संजोगो जायइ, तीए वुत्तं-एवं करेमि, अह
 दिन्नतंवाला उट्टिया एसा, सिद्धो य एस वइयरो तस्स जुवाणस्स, तेणावि पवरवत्थाईहिं उवचरिया एसा, अवर-
 वासेर य तेसिं सिद्धमेयाए, जहा-अज्ज रयणीए जामदुगंमि अइकंतंमि सोहणो मुहुत्तो ता तुभेहिवि भगवओ कुसु-
 माउहस्स भवणे गंतवं, विवाहो कायवोत्ति, पडिवन्नं च तेहिं । इओ य सो चारुदत्तो सयणजणेण दारपरिग्गहाओ
 पडिसिद्धो समाणो असिद्धकज्जोत्ति सोगमुच्चहंतो तेण सहाइणा समं नीहरिऊण रयणीए सयणघराओ पसुत्तो तंमि
 चेव कुसुमाउहमंदिरंमि, खणं च समागयनिहो पडिवुद्धो समाणो जाव कुसुममालानिमित्तनिष्फलत्तणपमुहं पुवव-
 इयरं विचिंतंतो अच्छइ ताव गिहजणेण अविद्याणिज्जंती अविमुणियरयणिविभागा अपत्तेऽवि मज्झरत्ते परिणयणाणु-
 रूवोवगरणहत्थाए पघाइगाए अणुगया मंदमंदमुक्कचलणा समागया कणगवई, विरइया कुसुमाउहस्स पूया, पघा-
 इगाएवि भवणभंतरं करेण परामुसंतीए पत्तो चारुदत्तो, पुवभणियवणियसंकियाए सवणमूले ठाऊण भणिओ-अहो

श्रीगुणचंद्र
महावीरच०
६ प्रस्तावः

॥ २०१ ॥

किमेवं विलंबेसि?, अवक्रमइ एस पसत्थहत्थलग्गमुहुत्तो, एयं च सोचा चारुदत्तेण चिंतियं-मन्ने एसा वराई
पुवदिन्नसंकेयपुरिसवुद्धीए मं समुलवइ, ता जावऽज्जवि सो न आगच्छइ ताव करेमि कुसुममालासउणं जहत्थयंति
चिंतिऊण झडत्ति उट्ठिओ एसो, नीओ तीए कुसुमाउहस्स पुरओ, पाडिओ तचरणेषु, गहाविओ कणगव-
ईए सभावपाडलं पाणिपल्लवं, कओ संखेवेण सेसोऽवि तक्कालोचियविही, इय वित्ते विवाहे पणमिऊण कणगवईए
विसज्जिया सट्ठाणं पवाइगा, भणिओ य चारुत्तो-अज्जउत्त! उत्तमाणं एसो नो सम्मओ वचहारो, ता कइवय
वासराइं जुज्जइ अन्नत्थ निवसिउं, पडिवन्नं चारुदत्तेण, निहरियाइं कुसुमाउहस्स मंदिराओ, नवरं चारुदत्तेण मयण-
पायपडणकइयवेण पडिनियत्तिऊण तं नम्मसचिवं निम्भरपसुत्तं पवोहिऊण सिट्ठो परिणयणवुत्तंतो, तेण भणियं-
चारुदत्त! जइ एवं ता वच्चसु अलक्खियसरूवो चिय तीए सह तुमं, अहं पुण खणंतरं एत्थेव पडियालिऊण आगमि-
स्सामि, एवं भणिए चारुदत्तो तवयणं पडिवज्जिय तीए समं सभयं नयरहुत्तं गंतुं पवत्तो । इओ य समइकंते रयणीए
जामदुगे पत्थावं मुणिऊण सो वणियजुवाणो विवाहसामग्गिं घेत्तूण समागओ तंमि कुसुमाउहमंदिरे, मंदगिराए
भणिउं पवत्तो य-भो कणगवइ! एहि संपयं आगओऽहं वट्ठामित्ति, सो य नम्मसचिवो केलीकिलत्तणेण इत्थी-
भासाए निहुयं पडिवयणं दाऊण ठिओ तदभिमुहो, तेणावि रभसभरवक्खित्तचित्तत्तणेण अविभाविऊण परमत्थं खित्ता
से कंठंमि कुसुममाला, कंकणबंधपुरस्सरं च कओ पाणिग्गहो, एत्थंतरे य कहकहत्ति पहसंतेण भणियं तेण-भो

सूरसेन-
चारुदत्त-
कनकवती-
भवः।

॥ २०१ ॥

भो महाणुभाव ! किं अत्थि एस ववहारो तुह नयरीए जं पुरिसो पुरिसेण परिणिज्जइ, सबहा असुयमदिट्ठं च चो-
ज्जमिणंति जंपिऊण पलाणो वेगेणं, इयरोऽवि विलक्खमाणो एवं परिभाविउमाढत्तो—

हे हियय ! हयास तुमं एवंविहवंचणाएँ जोग्गंसि । जं कूडकवडभरियासु पावग ! रमणीसु पत्तियसि ॥ १ ॥
किं एत्तियंपि न मुणसि जं एयाओ विचित्तसीलाओ । नियकुसलयाए सहसा सुरगुरुमवि विप्पयारेंति ॥ २ ॥
तया-एगेण समं पणयप्पहाणवयणेहिं बहुप्पयंपंति । साणंदचक्खुविक्खेवमेत्तओ अक्खिवंति परं ॥ ३ ॥
अत्रेण समं कीलंति निब्भरं हरियहिययमविरामं । अवरस्स य संकेयं लीलाए चिय पयच्छंति ॥ ४ ॥
इय मूढ ! हियय ! मा तम्म निप्फलं मुणिय वत्थुपरमत्थं । अभिरमसु जहादिट्ठेसु संपयं निययकज्जेसु ॥ ५ ॥

एवं अत्ताणं संठविऊणागओ जहागयं । सो य नम्मसचिवो समुग्गच्छंतंमि तरणिमंडले मिलिओ चारुदत्तस्स,
तेणावि से वाहुंमि कंकणं वद्धमवलोइऊण जंपियं-अरे णवपरिणीओघ लक्खिज्जसि, ता दंसेहि निययभज्जं, ईसिं
पहसिऊण भणियं तेण-पियमित्त ! तुह पसाएण अहं सयं चिय भज्जा वट्टामि, चारुदत्तेण कहियं-कहं चिय ?, तओ
तेण सिट्ठो सवो पुघयुत्तंतो, इमं च सोच्चा मुणियजहट्ठियवइयरा परिचत्तलज्जं हसिउं पवत्ता कणगवई, दिट्ठरूवाइ-
सया य अणुरत्ता चारुदत्तंमि ।

अह परोप्पररूढगाढपेम्माणि ताणि पत्ताणि संखपुरं, पविट्ठाणि य निययगिहं, सुहसागरावगाढाणि य वोलेत्ति

श्रीगुणचंद्र
महावीरच०
६ प्रस्तावः

॥ २०२ ॥

कालं, सा य पुत्रभज्जा असमंजसाइं पलवंती निद्राडाविया कणगवईए, तप्पच्चइयं च वद्धं भोगंतराइयं कम्ममणाए । काल-
क्रमेण य मरिऊण उववन्ना सा तिरिएसु, चारुदत्तोऽवि तप्परिणयणोवट्टियवणियविसंवायणपरिणामज्जियनिविडभोगं-
तरायपाहिज्जो कालं काऊण पत्तो तिरियत्तणं । एवं च सुचिरं तीए विप्पउत्तो संसारं परियट्टिऊण सुचरियसुहकम्म-
वसेण भो महाराय! तुह मंदिरंमि जाओ पुत्तत्तणेणं, सावसेसभोगंतरायकम्मवसओ य पुत्रभवभज्जमपेच्छंतो न वंछइ
अन्नं परिणेउं, एवं सूरिणा कहिए सूरसेणकुमारवुत्तंते राया विस्सियमणो गओ नयरिं । सूरीवि अन्नत्थ विहरिओ ।

सा य कणगवई चिरभवभमणेण जायकम्मलाघवा कुसुमत्थलनयरे जियसत्तुरन्नो उववन्ना धूयत्तणेणं, उचिय-
समए कयं रयणावलित्ति नामं, सा य संपन्नजोवणावि तेण पुत्रभवपिययरूढपणयवसेण सुरूवंपि रायसुयनिवहमण-
भिलसंती कालं बोलेइ । अन्नया य तं सूरसेणकुमारं रामापरंमुहं सोचा नियधूयं च पुरिसपउत्तिणिं सुणिऊण चिंतियं
रन्ना—जइ पुण एयाणं परोप्परं विहिणा संजोगो काउं वंछिओ वट्टइ ता दंसावेमि एयाण परोप्परं पडिरूवाइं, एवंपि
कयाइ समीहियसिद्धी जाएज्जत्ति विभाविऊण लिहाविया रयणावलीरूवाणुगा चित्तपट्टिया, समप्पिया य दूतस्स,
भणिओ य एसो—अरे वच्चसु तुमं महासेणरण्णो समीवे, कहेसु य जहा—अहं जियसत्तुरण्णा तुह सुयस्स निय-
धूयादाणत्थं पेसिओऽस्सि, पत्थावे य चित्तवट्टियं दंसिऊण कुमारपडिरूवं च गहाय एज्जाहित्ति, गओ य एसो,
दिट्ठो राया, पत्थावे य कहियं पओयणं, राइणावि भणियं—भो सुणियं मए एयं, केवलं दूरट्टियाए रायसुयाए रूव-

सूरसेन-
रत्नावली
जन्मादि.

॥ २०२ ॥

मपेच्छमाणो कहमिहद्विओ कुमारो तीए पणयमुव्वहेज्जा ?, सा वा अविण्णायकुमारसरूवा सहसच्चिय परिणाविया पच्छा कहं न संतप्पेज्जा ?, ता न जुत्तमेयं । जेण—

सुनिरुविऊण कीरंति जाइं कज्जाइं निउणवुद्धीए । दिवाओ विहडियाणिवि न ताइं लोए हसिज्जंति ॥ १ ॥

एवं भणिए रत्ता तेण उवणीया चित्तफलहिगा, राइणावि समप्पाविया सा कुमारस्स, सो य पुव्वभवपेम्मवसेण तदवलोयणे समुप्पण्हरिसो चिरलद्धावसरकुसुमसररोसनिस्सट्ठाकुंठदुस्सहविसिहकीलिओव निचलसरीरो परिचत्तवावारंतरो थुलमुत्ताहलविब्भमसेयविंदुजालभासुरियभालवट्ठो जाओत्ति, तं च तहाविहं दट्ठूण मुणियमणोगयभावेण पासद्वियजणेण सिट्ठं नरनाहस्स, समुप्पण्हो से परिओसो, कहियं चउणेण दूयस्स—अरे जाओ तीसे उवरि कुमारस्स पडिवंधो, नवरं रायसुया एयंमि केरिसित्ति मुणियघमियाणिं । जओ—

एगंमि नेहनिब्भरमणंमि अन्नंमि नेहरहियंमि । थीपुरिसाणं भोगा विडंवणामेत्तया होंति ॥ १ ॥

अणुवक्खरियं अकुडिलं परोप्परं छिद्धपेच्छणविमुक्कं । उभओ चिय जं तुल्लं पेम्मं सलहिज्जइ जयंमि ॥ २ ॥

दूएण भणियं—देव ! सच्चमेयं, ता समप्पेह मम कुमारस्स पडिरुव्वयं रायसुयाए उवदंसणत्थं, राइणा कहियं—जुत्तमेयं, तओ चित्तफलगे आलिहाविऊण कुमाररूवं गओ दूओ, पत्तो कालकमेण जियसत्तुनरिंदसमीवं, पणमियपायवीढो उवविट्ठो सन्निहियधरणिवट्ठे, पुट्ठो राइणा, जहावुत्तं सिट्ठं च अणेण, तदवसाणे य आकड्ढिऊण दंसिया

श्रीगुणचंद्र
महावीरच०
६ प्रस्तावः

॥ २०३ ॥

चित्तपट्टिगा, अवलोइया य सायरं रत्ना, चिरं निवन्निऊण पेसिया रथणावलीए, सावि तेण पुत्रभवपरूढपेम्मवसेण
तं पलोइऊण मयणभल्लिसल्लियहियया समुच्छलियसेयविंदुपिसुणियविधारावि कुमारीजणोचियं लज्जं पमोत्तुमपार-
यंती नियगविगारगोवणत्थं आवद्धकवडभिउडिभीसणं वयणं काऊण भणिउमारद्धा-अहो केणोवणीया एसा चित्त-
पट्टिगा?, चेडीहिं भणियं-सामिणि! ताएण, (तीए भणियं-किमट्टं?, चेडीहिं) भणियं-तुम्ह दंसणनिमित्तं, तीए
भणियं-किं ममं दंसियाए?, काऽहमेत्थ?, गुरुजणायत्तो कण्णगालोगो हवइ, सच्छंदचारित्तणं तु परमं कुलदूसणं,
ता अलमेयाए इति भणिऊण पविट्ठा भवणम्भंतरे, निसण्णा सुहसेज्जाए, तग्गया य चिरकाललद्धावसरेणं व सवंगं
गहिया रणरणणं, धाईएव्व अणुसरिया उकंठाए, चित्तालिहियकुमारावलोयणविरामपरिकोविणं व वाढमालीढा
परितावेण, तथो तत्थट्ठाउमपारयंती कइवयपहाणचेडीपरिवुडा गया पमयवणं, तहिं च अणवरयवहंतजलजंतगंभीरघो-
सघणविम्भसुम्भंतपहिट्ठनीलकंठमणहरारावाडंवरसे सु रहिमालइकमलपरिमलसुंदरदियंतरेसु वुच्छा खणमेकं कयलील-
याहरेसु, भणिया य चेडीओ-हलाओ! वाहरेह सरसनलिणनालाइं विरएह सेज्जं, वाढं दुस्सहा अज्ज मज्झंदिणदिणयरते-
यत्तच्छी, जं भट्टिदारिया आणवेइत्ति भणिऊण समासण्णसरसीओ आणीयाइं नलिणीनालाइं कया सेज्जा निवन्ना रथणा-
वली, समारद्धो अत्तेहिं विमलयरसघणसारपमुहेहिं वत्थूहिं सिसिरोवयारो, न य मणागंपि जाया से संतावहाणी। अवि य-
ज्जह जह कीरइ तीसे सीयलवत्थूहिं तणुपडीयारो। तह तह मयणहुयासो हवइ हयासो सहस्सगुणो ॥ १ ॥

किं च—उवत्तइ परियत्तइ दीहं नीससइ जंपइ न किंपि । थोयजलमज्झलीणां मीणव नरेसरस्सं सुया ॥ २ ॥

एवंविहं च उद्वितं देहदाहं पलोइऊण पुच्छिया चेडीहिं—सामिणि ! किं कारणं जमेवं अज्ज वाढं वाउलसरीरा उवलक्खिजसि ? किमपत्थभोयणवियारो उयाहु पित्तदोसो अन्नं वा कारणंतरं ? सवहा कहेउ भगवती, जेण सा-
द्विज्जइ पेज्जस्स, कीरइ समुचियभेसहाइसामग्गी, अणुवेहणिज्जा खलु रोगा सत्तुणो य, रयणावलीए भणियं—न मुणेमि
किंपि संपइ विसेसकारणं, चेडीहिं भणियं—सामिणि ! जप्पभिइं तुमए सा चित्तपट्टिगा पलोइया तवेलंचिय जाओ
कित्तियओवि सरीरस्स अन्नहा भावो इइ अम्हे वितक्केमो, निच्छियं पुण सरीरधारणं तुमं जाणेसि । तओ लक्खिय-
मेयाहिंति विगप्पिऊण भणियमणाए—हला ! तुम्हे जाणह, तओ ताहिं चित्तियं—जाव अज्जवि विरहेण न वाढं
वाहिज्जइ इमा ताव निवेएमो रत्तो, जेण विसमा कज्जगई निट्टुरा सरा कुसुमाउहस्स सिरीसकुसुमकोमला सरीर-
सिरी इमीए, न जाणिज्जइ किंपि हवइत्ति निच्छिऊण कहाविओ एस वइयरो राइणो, तेणावि आहूया रयणावली,
सपणयं भणिया य—पुत्ति ! सूरसेणकुमारेण तुमं परिणाविउमम्हे वंछामो, जुत्तमेयं ? तीए भणियं—ताओ जाणइ,
तओ लक्खिऊण तदभिप्पायं राइणा भणिया नियपहाणपुरिसा—अरे गच्छह महासेणनरवइणो सयासे, आणेह
सुरसेणकुमारं, जेण विवाहो लहुं कीरइ, जं देवो आणवेइत्ति भणिऊण निग्गया पहाणपुरिसा, गंतुमारद्धा, कमेण
य पत्ता सिरिपुरं, दिट्ठो राया, निवेइयं पओयणं, नरिंदेणवि पवरमंतिसामंतचाउरंगसेणाणुगओ रयणावलीविवाहनि-

श्रीगुणचंद्र
महावीरच०
६ प्रस्तावः

॥ २०४ ॥

मित्तं पेसिओ सूरसेणकुमारो, अविलं वियपयाणगेहिं पत्तो सिरिथलनयरसमीवं, निवेइयं जियसत्तुनरिंदस्स कुमारागमणं,
परितुट्ठो एसो, दावियं पियनिवेयगाण पारिओसियं, समाइट्ठा य अणेण नियपुरिसा—अरे मोयावेह बंधणवद्धं जणं
दवावेह अविसेसेण महादाणं सोहावेह रायमग्गे कारावेह हट्टसोहाओ पयट्टेह महुसवं सज्जेह मंगलतूरं वायावेह
हरिसुक्करिसकारेण जमलसंखे, ठोवेह करणुगं जेण निगच्छामो कुमाराभिमुहं, संपाडियं इमं रायसासणं पुरिसेहिं,
निग्गओ राया, दिट्ठो यऽणेण लच्छीसमागमसमूसुओ चेव महुमहणो कुमारो सुरसेणो, दूराच्चिय पणमिओ कुमारेणं,
गाढमालिंगिऊण अभिनंदिओ राइणा, पवेसिओ महाविभूर्इए पुरं, दिट्ठो उच्चियठाणे जन्नावासओ, अन्नंपि संपा-
डियं तक्कालोचियं कायवं, कमेण समागओ विवाहदिवसो, तओ कयमज्जणो गहियसुंदराभरणो पवरचारुवारणाधिरूढो
संखकाहलागम्भगंभीरतूरनिग्घोसपूरियदिसामंडलो गहियकणयदंडधयवडुग्घायनरनिवहाणुगओ मंगलपहाणगायं-
तगायणसणाहपेच्छणयसंकुलो पइन्नवरवासधूलिधूसरियमणहरुत्तालनचंतवेसविलओ कुमारो सूरसेणोवि विवाहसं-
डवमागओ, कयं से सासुयाए उच्चियकरणिज्जं, पेसिओ कोउयहरयं, दिट्ठा अणेण पसाहिया विविहवन्नएहिं विभू-
सियंगमंगा पवररयणांकारेहिं नियंसिया निम्मलखोमज्जुयलयंति चच्चिया हरिचंदणेणं पडिनद्धा सुरहिसियकुसुमदा-
मेहिं, तं च दट्टूण पुवभवदढपेम्मदोसेण सहसा विग्रंभिओ कुमारस्स अणोरपारो पेमपसरो, चिंतियं चऽणेण-अहो नि-
रुवमा रूवसंपया अहो अखंडियपसरं सरीरलावण्णं, असारेवि संसारे एरिसाइं कण्णगारयणाइं दीसंतित्ति पमोयमुव-

हंतो काराविओ पुंखणगाइकिचं, सविसेसं, च पूइया देवगुरुणो, पारद्धो परमविभूइए हत्यग्गहो, जाओ राइणो परि-
 तोसो, सम्माणिया सामंता, कयथीकया तक्कुयजणा, अभिनंदिया नायरया, भमियाइं चत्तारिवि मंडलाइं, वित्तो
 विवाहमहसवो, अनन्नसरिसं च रयणावलीए सह विसयसुहमणुहवंतस्सं समइकंता कइवि वासरा । अन्नदियहे य
 नरवइमापुच्छिऊण तीए समेओ निययनयराभिमुहं गंतुं पयट्ठो कुमारो, वचंतस्स य अंतरा समागओ वसंतसमओ ।
 सो य पुण केरिसो?—उहामरामाजणमणवियंभंतपंचवाणो महुपरहुयरववित्तासियपहियहियओ कुसुममयरंदविंदु-
 पाणपरवससिलीमुहझंकारमुहरो पप्फुलसहयाररेणुधूलीधूसरियसयलदिसामंडलो कुरवयकुसुमामोयहरियमहुयरिय-
 गणो सेवणसुहपसुरिहम्मंतपामरो जणचच्चरीतूरमहुरनिग्घोसो तरुसंडमंडवावद्धहिंडोलयाउलो वीयरगोव अइमुत्त-
 याणुगओ लच्छीनाहोव छप्परिंछोलिसामलच्छाओ माणससरोव पाडलापसूयसुंदरो तरुणीजणोव ससिणिद्धलोद्ध-
 तिलयपसाहिओ सुमुणिगणुव असोगाणुगओ, अवि य—

गिम्हुणहत्तावियाइं पल्लपंकुल्लियंगमंगाइं । गिरिकूडा इव नज्जंति जत्थ वणमहिसजूहाइं ॥ १ ॥

कुडयसिलिंधसिरीसाइविविहतरुकुसुमगंधरमणिज्जो । छज्जइ गंधियहट्ठो व जत्थ वरकाणणाभोगो ॥ २ ॥

रेहंति कुसुमसंचयसमोत्थया जत्थ किंसुयसमूहा । तक्कालपहियपप्फुट्टहिययरुहिरोवलित्तव ॥ ३ ॥

जत्थ य परहूयकलरवगीयनिनायं रणंतअलित्तरं । पवणेरियतरुपलववाहुलयं नचइव वणं ॥ ४ ॥

जन्मि य पियंति तरुणा दइयामुहकमललद्धसुहवासं । मइरं मयरद्वयजीवणेकपरमोसहिरसं व ॥ ५ ॥
वेइल्लमउलदसणा कुवलयनयणा मरालरवसदा । उग्गायइव्व जहियं उउलच्छी कमलवयणेण ॥ ६ ॥
सुमरियपणइणिवग्गं पहियसमूहं विलुत्तचेयन्नं । वउलाण कुणइ गंधो विसपुप्फाणं व पसरंतो ॥ ७ ॥
जन्मि य उच्चा तरुणो वियसियसियकुसुमगुच्छसंछन्नो । तारानियराउललयणदेसलच्छिं विडंबंति ॥ ८ ॥
एवं गुणाभिरामे य पत्ते वसंतसमए सो सूरसेणकुमारो तक्कालदेसंतरागयवणियजणोवणीयपवरतुरंगमाभिरूढो
विसेसुज्जलनेवत्थेण परिगओ जणेण पयट्ठो काणणसिरिं पेच्छिउं; गच्छंतस्स य विवसीभूओ तुरंगमो विवरीयसिक्ख-
त्तणेण य जहा जहा वेगपडिखलणत्थं रज्जुमायड्ढइ कुमारो तथा तथा अपत्थसेवाए उइन्नरोगोव्व वेगेण सो गंतुमा-
रद्धो; दूरपरिसुक्कपरियणो य दुक्कयकम्मुणव्व निवाडिओ कुमारो एगागी महाडवीए घोडएण; परिस्समकिलंतो य
मओ एसो, कुमारोवि तण्हाभिभूयो इओ तओ सलिलमन्नेसिउं पवत्तो, अइगंभीरयाए अडवीए कहिंवि तमपाव-
माणो निसन्नो सिसिरतरुच्छायाए, चिंतिउमारद्धो य-अहो कुडिला कज्जपरिणई अहो सच्छंदाभिरई दुल्लिओ दइवो,
जं सब्बहा अपरिचिंतियंपि कज्जं एवमुवदंसेइ, अहवा किमणेण? सत्तधणो चेव सप्पुरिसजणो होहिति, एवं च
विगप्पमाणो जाव खणंतरं विगमेइ ताव समागओ एगो पुलिंदगो गहियकोदंडो करकलियवाणो तं पएसं; सपणयं
पुच्छिओ य अणेणं; जहा-भइ! को एसप्पएसो? कत्थ वा सलिललाभोत्ति? तेण भणियं-कायंवरीए महाडवीए

मज्जदेसो एस, सलिलं पुण एत्तो वणसंडाओ केत्तिएणवि भूभागेणं वट्टइ, केवलं दुट्ठसत्ताउलत्तणेणं न सुहगेज्झं, भो
महाणुभाव ! जइ पिवासिओ ता एहि जेण सयमेव दंसेमि; एवमायत्तिकुण पडिवन्नं कुमारेणं; पयट्ठो य तयभिमुहं,
तओ पुलिंदगेण चडावियचावगुणारोवियारोवेण देसिज्जमाणमग्गो पत्तो सरोवरं, कयं जलावगाहणं, अवणीया
तणहा, अहो णिक्कारणोवयारी एसोत्ति चित्तिं कुमारेण दिन्नं से नामंकिंयं मुहारयणं, परिहियं च अणेण अंगु-
लीए, नीओ य तेण नियगुहाए, काराविओ कयलीफलाइणा पाणंवित्तिं, अह परिणयंमि वासरे कुमारेणं भणिओ
पुलिंदगो-अहो वाढं कोऊहलं मे बहुअच्छरियनिलयभूयां य एसा संभाविज्जइ महाडवी, अहो दंसेसुं किंपि अछ-
रियनिलयंभूयं इमीए पएसंतरं, पुलिंदगेण भणियं-जइ एवं तां एहि दंसेमि, तओ गया एगं वणगहणंतरं, तं च
केरिसं ?-एगत्य रत्तचंदणालिहियमंडलगं निहित्तरत्तकणवीरकुसुमदामदंतुरं अन्नत्थ मंतवाइजणहुणिज्जमाणगुग्गुलु-
लिकागंधुदुयाभिरामं एगत्य मिलियघाउवाइनिवहधमिज्जंतधाउपाहाणं अन्नत्थ विविहोसहीरससाहिज्जमाणभूइयं
एगत्य पउमासणनिविट्ठजोगिज्जणपारद्धमणपरिकम्मणं, एवंविहं च तं दट्ठुण जायपरमविम्हएण पुच्छिओ सो कुमा-
रेण-भइ ! किं नाम एयस्स पएसस्स ? , तेण भणियं-सिद्धिखेतंति, कुमारेणं चित्तियं-अहो नामेणवि सुणिज्जइ एयस्स
महिमासारो, ता निच्छियं तं नत्थि अच्छरियं जमिह न होही; अहो एयं सट्ठाणे पेसिऊण असंभंतो पलोएमि
निदुयदिट्ठीएत्ति विगप्पिऊण भणिओ अणेण पुलिंदो; जहा-भइ ! गच्छसु तुमं गुहाए, अहंपि खणमेकं परिभमिऊण

विगयकोऊहलो पडिनियत्तिस्सामि, तेण भणियं-अज्ज ! न जुज्जइ निसाए एत्थ निमेसंपि वसिउं, जओ इह पाउब्भ-
वंति पिसाया मिलंति वेयालवंदाइं समुच्छलंति घोरफेक्कारसहा जायंति छिद्दपवेसा, अओ अलमत्थावत्थाणणे, कुमा-
रेण भणियं-जइ एवं ता तुमं इहेव निलुक्को पडिवाडेसु खणंतरं जाव अहं संखेवेण पेक्खिउमागच्छामि, तेण भणियं-जं
भे रोयइत्ति, परं सिग्घं एज्जाहि जेण समइकंता जाममेत्ता रयणी, एवंति पडिवज्जिऊण कुमारो अइगओ वणगहणब्भं-
तरं, पज्जलंतदिवोसहीपहापसारेण य इओ तओ पलोयंतो पत्तो दूरविभागं, अह एगत्थ माहवीलयाहरे जालाउलं
पज्जलंतं जलणकुंडं पेच्छिऊण सकारणमेयंति जायबुद्धी पहाविओ वेगेण तयभिमुहं, जाव केत्तियंपि भूभागं वचइ
ताव निसुणइ साहगविहिवुक्कमंतसाहगं पडुच्च सकोवं चेडयसुरं समुल्लवंतं, कहं तं?—

रे सुद्ध ! मरिउकामोऽसि नूण जं मंतसाहणं कुणसि । अविगप्पिऊण पुवं सबुद्धिविभवस्स माहप्पं ॥ १ ॥

किं कोऽवि तए दिट्ठो निसुओ वा साहगो महियलंमि । जो साहणंमि चुक्को मुक्को हि मए जमेणं व ॥ २ ॥

जह इयरदेवमंताण सुमरणं कुणसि तं जहिच्छाए । तह मज्झवि कुणमाणो न भवसि तं निच्छियं एत्तो ॥ ३ ॥

कयमणपरिकम्मेहिं सुणिनाहेहिवि दुसाहणिज्जोऽहं । पायडियकूडकवडो न चेडओ किं सुओ तुमए ? ॥ ४ ॥

इमं च भणिज्जमाणं कुमारेण निसुणिऊण चिंतियं-नूणं कोइ महाणुभावो साहणविहिपरिभट्ठो एस चेडएण
निब्भच्छिऊण हणिज्जइ [लग्गो], ता जुत्तं मम एयपरित्ताणंति विगप्पिऊण दाहिणकरेण नीलमणिच्छायं छुरियं

धरंतो धाविओ तम्मग्गेण, दिट्ठो यऽणेण तव्वेलं चिय भो भो सुरासुरा परित्तायह परित्तायहत्ति भणमाणो
 चलणेसु घेत्तूण चेडगेण उप्पाडिओ सिलायले पच्छाडणनिमित्तं विज्जासाहंगो, तओ देवेषु सत्थं न कमइत्ति चिं-
 तिऊण मुक्कपहरणो निवडिओ कुमारो चेडयसुरस्स चलणेसु, विण्णविउमाठत्तो-देव ! पसीयह पसीयह, परिचयह
 कोवं, मम जीविण रक्खह एयं, को तुम्ह इमिणा सह कोवो ?, न हि सुकुद्धोऽवि पंचाणणो पहरइ गोमाउयंमि,
 किं तुम्हेवि अहमजणोचियं कम्मं काउमरिहह ?, इमं च सोचा ईसिं जायपसमो चेडगो समुल्लविउमारद्धो-भो
 कुमार ! अविलंघणिज्जोऽसि तुमं, तहावि निसुणेसु एयावराहं, इमिणा हि मम मंताराहणपरेणावि न संमं वट्टिज्जइ,
 कुमारेण भणियं-महावराहकारीवि ममं जीवियमोल्लेण मोत्तवो, मा कुणसु विहलं देवदंसणप्पवायं, चेडगेण भणियं-
 सुयणु ! किं तुमए निरवराहेण विणासिएण ?, एसो चेव विणासणिज्जो आसि, परं तुह महाणुभावयाहयहियएण
 पसाउत्तिकाऊण एस परिचत्तोत्ति भणिऊण अक्खयसरीरं चेव मंतसाहगं मोत्तूण अहंसणमुवगओ चेडओ, सोऽवि
 मरणभयागयमुच्छाभिभूयचेयणणो अहसन्निहियमंतसाहणत्थोवणीयहरिचंदणरसेण समासासिओ कुमारेण, मुहुत्त-
 मेत्तेणं य उवलद्धचेयणो पच्चुजीवियं व अप्पाणं परिकप्पितो मंदमंदमवलोइउं पयत्तो, खणंतरे य समुल्लविओ कुमा-
 रेण-भइ ! निव्वभओ निरुद्धिग्गो अच्छसु, दूरमवक्कंतो तुह कयंतो, कहेसु परमत्थं, को तुमं ? किं नामधेओ ? कुओ
 वा आगओ ? किमियं सुहपसुत्तकेसरिकंठूयणं विणासपज्जवंसाणं मंतसाहणं समारद्धं ? कहां वा विहडियं ?, जीव-

दाइत्ति पेममुव्वहंतेण भणियमणेण—

सुंदर! विज्जाहरो कणयचूडयनामोऽहं गयणवल्लहपुराओ चेडगसाहणं काउमिहागहो म्हि, मंतं च परावत्तयंतस्स मे कहवि भवियवयावसेण सुप्पणिहियस्सवि विसंखुलियमेक्कमक्खरं, एत्तियमेत्तावराहसंभवेऽवि परिकुविण्ण उप्पाडिओ सिलायले निवाडणत्थमणेणं, तक्कालं भयविहुरेण य न सरियाणि तणुरक्खामंतक्खराणि, तयणंतरं च न मुणेमि किंपि जायं, एत्तियमेत्तं ईसिं जाणामि जं तुमए भणियं-मम जीवियमोह्णेणऽवि मोत्तवो एसत्ति, कुमारेण भणियं-भइ! के अम्हे?, नियसुकियदुक्कियाणि चेव सवत्थ सुहदुक्खेसु पभवन्ति जीवाण, कणयचूडेण भणियं-को सहहेज्ज अहिसमाणरूवाइं सुकयदुक्कयाइं । तुमए सजीयदाणेण रक्खमाणेण मह जीयं ॥ १ ॥

कहमिव बहुरयणा नो वसुंधरा? जत्थं तुम्ह सारिच्छा । परहियकरणेक्कपरा अज्जवि दीसन्ति सप्पुरिसा ॥ २ ॥

जाय चिय नीसेसावि मज्झ नूणं समीहिया सिद्धी । दुल्लंभदंसणो दिट्ठिगोयरं जं गओ तंसि ॥ ३ ॥

अन्नं च-तुह सच्चरिणवि नामगोत्तमुक्कित्थियं जइवि भुवणे । तहवि सविसेसजाणणकएण तम्मइ महं हिययं ॥४॥

तओ कुमारेण मुणिऊण तदभिप्पायं साहिओ दुट्टतुरगावहरणपज्जवसाणो सवो नियवइयरो, विज्जाहरेण भणियं-कुमार! किमिह मे जीवियप्पयाणत्थमेव तुम्ह आगमणं?, किं वा कारणंपि आसि?, कुमारेण भणियं-कोऊहलेण, न पुण अन्नं कारणंतरं, विज्जाहरेण भणियं-जइ एवं ता कुणह ममाणुग्गहंति एह वेयहूपवयं, पेच्छइ तत्थ अणे-

गच्छरियाई, अणुगिण्हह नियदंसणदाणेण मम कुडुंवयंति, अचंतकोजहलावलोयणसयण्हेण पडिवत्रं च कुमारेण ।
 तयणंतरं सो कुमारं धेत्तूण उप्पइओ तिमिरुप्पीलसामलं गयणयलं, निमेसमेत्तेण पत्तो वेय्हगिरिं, पविट्ठो सभवणं,
 कया कुमारस्स महई भोयणाइपडिवत्ती ॥ सो य पुल्लिंदगो तत्थ जाममेत्तं पडिवालिकुण जाव कुमारो नागओ
 ताव वणनिगुंजेसु सुचिरं पलोइऊण दुहत्तो सगुहाए गओ ॥ कुमारोऽवि कणगचूडेण समेओ वेय्हगिरिपरिसरेसु
 सुरहिपारियायतरुमंजरीगंधुदुरेसु विसमगिरितडनिवडंतनिज्झरशंकारमणहरेसु सविलासकिन्नरभिडुणसंगीयसदसुंदरे-
 सु निकुंजदेसोवसोहिएसु विहरिउमारद्धो, अह परिब्भमंतेण कोजहलवियसियच्छिणा कुमारेण दिट्ठो एगत्य
 सिलायले एकचलणावट्टंभनियमियसयलंगभारो उट्ठसमुक्खित्तोभयभुयाजुयलो ज्ञाणवसनिसियनिचलपयंडमायंडमं-
 डलुस्सुहलोयणप्पसरो निप्पकंपत्तणतुलियकुलाचलो पडिमासंठिओ एगो चारणसमणो, तं च दट्ठूण अंतो वियंभि-
 यउद्दामहरिसवसपयट्टंतपुलयपडलेण कुमारेण भणियो कणगचूडो-भइ! एहि एयस्स महामुणिसस्स वंदणेण पक्ख-
 लियकलिमलं अत्ताणं करेमोत्ति, विजाहरेण संलत्तं-एवं होउ, तओ गया मुणिसमीवे, पणमिओ सविणयं, मुणिणावि
 जोग्गयं नाऊण पारियं काउस्सग्गं, उवविट्ठो समुचियट्ठाणे, अज्जवि मूलगुणट्ठाणवत्तिणो एए इति परिभाविऊण
 भणिया साहुणा-भो महाणुभावा! एयस्स निस्सारसंसारस्स सारमेत्तियं जं वीयरगेहिं करुणापरियरियंतकरणेहिं
 देसिओ सबजत्तेण कीरइ धम्मो, तस्स पुण मूलं अहिंसा, सा य मज्जमंसनिसिभत्तपरिहारेण जहुत्ता संभवइ, तत्थ

मज्जं ताव विसिद्धजणपेयवज्झं, अमेज्झरसंपि व परिहरणिज्जं दूरओ, न मणसावि तप्पिवासा कायवा, एयं हि
पिज्जमाणं निट्ठावेइ दविणं अवणेइ विसिद्धत्तणं जणेइ उम्मायं संपाडेइ विहलत्तणं दावेइ कज्जहाणिं पयडेइ अत्त-
मम्माणि लज्जावेइ मित्ताइं कलुसेइ बुद्धिपसरं विनडेइ कुलजाइओ भंजावेइ निम्मलं सीलं उप्पाएइ वेरपरंपराओ
भंसेइ धम्मकम्माओ संजोएइ अकुलीणजणमेत्तीए अभिगमावेइ अगम्माणि भक्खावेइ अभक्खाणि उवहसा-
वेइ गुरुजणं मइलावेइ सयणवग्गं बोल्लावेइ अबोल्लणिज्जाणि, तथा इमं हि मज्जपाणं मूलं असुइत्तणस्स अवगासो
वेरियाणं पडिवोहो कोहाईणं संकेयट्ठाणं पराभवाणं अट्ठाणीमंडवो अणत्थाणं । अविद्य-

पचक्खंपि य दावेइ कलुसभावं जमेत्थ जंतूणं । मज्जस्स तस्स का होज्ज चंगिमा पावमूलस्स ? ॥ १ ॥

वरमुग्गतालपुडभक्खणेण अत्ता विणासमुवणीओ । मा मज्जपाणवत्थाए थेवमित्तंपि संठविओ ॥ २ ॥

एत्तो च्चिय लोइयसाहुणोऽवि मइरं मुयंति दूरेण । वेयपुराणेसुंपिवि विसिद्धमेअं जओ भणियं ॥ ३ ॥

गौडी पैथी तथा माध्वी, विज्ञेया त्रिविधा सुरा । यथैवैका तथा सर्वा, न पातव्या द्विजोत्तमैः ॥ ४ ॥

नारीपुरुषयोर्हन्ता, कन्यादूषकमद्यपौ । एते पातकिनस्तूक्ताः, पञ्चमस्तैः सहाचरन् ॥ ५ ॥

तथा-सुरां पीत्वा तु यो मोहादग्निवर्णां सुरां पिबेत् । तथा सकाये निर्दग्धे, मुच्यते किल्बिषात्ततः ॥ ६ ॥

यस्य कायगतं ब्रह्म, मद्येन प्लाव्यते सकृत् । तस्य व्यपैति ब्राह्मण्यं, शूद्रत्वं च नियच्छति ॥ ७ ॥

इय भो देवाणुपिया ! मज्जं पाउं न जुज्झइ कयाचि । सग्गापवग्गसंगमसुहत्थिणो सब्बकालंपि ॥ ८ ॥

जहा य किर विसिद्धाणं मज्जमपेज्जं एवं मंसमवि अभक्खणिज्जं । एयं हि—

अवचओ सुहज्जाणस्स पयरिसो अट्टरुदाणं उवसंहारो संपाइमसत्ताणं उप्पत्तिपयं किमियाणं आयंतियजीवा-
(ववा)ओ सत्तावत्थासु हेऊ विसेसरसगिद्धीए कारणं पारद्विकम्मस्स निमित्तं महारोगायंकाणं वीभच्छं पेच्छगच्छीणं
पउणपयवी दुग्गईए जलंजलिदाणं सुहाणुबंधसुहाणुभावस्स, ता को नाम सयन्नो एवंविहदोसनिहाणमिणं मणसावि
समभिलसेजा ?, अचि य—

धम्मे सत्ताहणिज्जं परपीडावज्जणं पयत्तेणं । तं पुण मंसासीणं न घडइ गयणारविंदव ॥ १ ॥

मंसमसारयस्स सरीरयस्स परियोसणत्थिणो मणुया । भुंजंति परभवेसुं तिक्खदुक्खाइं अगणिंता ॥ २ ॥

को नाम किर सयन्नो मोहोत्तियतुच्छसोक्खकज्जेण । अस्संखभवपरंपरदुहरिंछोलिं पवट्टेजा ॥ ३ ॥

लोइयसत्थेवि इमं बहुप्पयारेण भणिइनिवहेण । पयउं चिय पडिसिद्धं अविरुद्धं जेण भणियमिणं ॥ ४ ॥

हिंसाप्रवर्धकं मांसं, अधर्मस्य च वर्धनम् । दुःखस्योत्पादकं मांसं, तस्मान्मांसं न भक्षयेत् ॥ ५ ॥

स्वमांसं परमांसेन, यो वर्धयितुमिच्छति । उद्विशं लभते वासं, यत्र तत्रोपजायते ॥ ६ ॥

दीक्षितो ब्रह्मचारी वा, यो हि मांसं प्रभक्षयेत् । व्यक्तं स नरकं गच्छेदधर्मः पापपौरुषः ॥ ७ ॥

श्रीगुणचंद्र
महावीरचं
६ प्रस्तावः

॥ २०९ ॥

आकाशगामिनो विप्राः, पतिता मांसभक्षणात् । विप्राणां पतनं दृष्ट्वा, तस्मान्मांसं न भक्षयेत् ॥ ८ ॥
शुक्रशोणितसंभूतं, यो मांसं खादते नरः । जलेन कुरुते शौचं, हसंते तं हि देवताः ॥ ९ ॥
श्रूयन्ते यानि तीर्थानि, त्रिषु लोकेषु भारत ! । तेषु प्राप्नोति स स्नानं, यो मांसं नैव भक्षयेत् ॥ १० ॥
नाग्निना न च सूर्येण, न जलेनापि मानव ! । मांसस्य भक्षणे शुद्धिः, एष धर्मो युधिष्ठिर ! ॥ ११ ॥
किं लिङ्गवेषग्रहणैः ? , किं शिरस्तुंडमुण्डनैः ? । यदि खादन्ति मासानि, सर्वमेव निरर्थकम् ॥ १२ ॥
यथा वनगजः स्नातो, निर्मले सलिलार्णवे । रजसा गुण्डते गात्रं, तद्वन्मांसस्य भक्षणम् ॥ १३ ॥
प्रभासं पुष्करं गङ्गा, कुरुक्षेत्रं सरस्वती । देविका चन्द्रभागा च, सिन्धुश्चैव महानदी ॥ १४ ॥
मलया यमुना चैव, नैमिषं च गया तथा । सरयू कौशिकं चैव, लौहित्यं च महानदम् ॥ १५ ॥
एतैस्तीर्थैर्महर्द्धिक्यैः, कुर्याच्चैवामिषेचनम् । अभक्षणं च मांसस्य, न च तुल्यं युधिष्ठिर ! ॥ १६ ॥
यो दद्यात्काञ्चनं मेरुं, कृत्स्नां चैव वसुन्धराम् । अभक्षणं च मांसस्य, न च तुल्यं युधिष्ठिर ! ॥ १७ ॥
हिरण्यदानं गोदानं भूमिदानं तथैव च अभ० ॥ १८ ॥ कपिलानां सहस्रं तु मासे मांसं गवां ददे । अभ० ॥ १९ ॥
इय लोइयसत्येसुवि परिहरणिज्जत्तणेण निद्धिं । मंसं महाविसंपिव किं पुण लोउत्तरे समए ? ॥ २० ॥
जह मज्जमंसविरई बहुदोसत्तेण होइ कायवा । तह रयणिभोयणंपिवि परिहरणिज्जं सयन्नेहिं ॥ २१ ॥

मद्यमांस-
निशाभो-
जनदोषाः

॥ २०९ ॥

जइविदु फासुगमजं कुंथूपणगा तहावि दुप्पस्सा । पच्चक्खनाणिणोवि इ राईभत्तं परिहरंति ॥ २२ ॥

जइविदु पीयीलिगाई दीसंति पईयजोइउज्जोए । तहवि खलु अणाइन्नं मूलवयविराहणा जेण ॥ २३ ॥

इय भो देवाणुपिया ! संसारतरुस्स रुंदकंदसमं । मज्जं मंसं निसिभोयणं च नाउं परिच्चयह ॥ २४ ॥

किं वा मूढा अच्छह नो पेच्छह छिडुपाणिपुडपडियं । सलिलंपिव विगलंतं पइसमयं चेव नियजीयं ॥ २५ ॥

केत्तियमेत्तं एयं ? अज्जवि संसारचारगविरत्ता । रज्जंपि विवज्जित्ता पव्वज्जं संपव्वज्जंत्ति ॥ २६ ॥

एयं च मुणिणा कहिए कणगचूडो समुट्टिऊण परमं भवविरागमुव्वहंतो निवडिओ मुणिचलणेसु, भणिउमाढत्तो य-
भययं । जाय कुमारं संठायेमि ताव तुम्ह समीवे पव्वजापडिवत्तीए करेमि सफलं नियजीवियं, मुणिणा भणियं-एसो
पिय परिच्छेओ भवपासस्स, अओ जुज्जइ तुम्हारिसाण काउमेयं । एत्थंतरे कुमारोऽवि जायसंवेगो पणामं काऊण
मणइ-भययं । ममंपि मज्जमंसनिसिभत्ताणं आमरणंतं देह पच्चक्खाणं, साहुणावि नाऊण जोग्गयं दिन्नं से पच्च-
क्खाणं, तओ गुरुं वंदिऊण गया सगिहं, पवराभरणाइदाणेण सम्माणिऊण भणिओ कुमारो कणयचूडेण, जहा-
कुमार ! भवविरत्तोऽमिह, संपयं दिक्खागहणेण विगयपावं अत्ताणं करिस्सामि, अओ तुमं साहेसु जं मए कायवं,
कुमारेण भणियं-किमहं साहेमि?, दुप्परिहारो तुमं, केवलं चिरकालविमुक्को गुरुजणो मम दंसणूसुओ कहंपि वट्ट-

श्रीगुणचंद
महावीरच०
६ प्रस्तावः

॥ २१० ॥

इत्ति वाढं परितप्पइ मणो, कणयचूडेण भणियं-जइ एवं ता वचामो तत्थ, पडिवन्नं कुमारेण, तओ विमाणमारु-
हिऊण दोवि गंतुं पयट्टा ।

इओ य तं सेन्नं दुद्धतुरगावहरियं कुमारं सुचिरं अरन्ने पलोइऊण कहवि अपत्तवत्तं निराणंदं निरुच्छाहं गयं
सिरिपुरं नयरं, निवेइया नरवइस्स कुमारवत्ता, तओ राया अवहरियसवस्सो इव संतावमुव्वहंतो परिचत्तपाणभो-
यणो चाउरंगिणीए सेणाए अणुगम्ममाणो अंतउरेण दुस्सहदुक्खकंतहिययाए रयणावलीए य समेओ निग्गओ
नयराओ कुमारन्नेसणनिमित्तं, पत्तो य कमेण तं चेव कायंवरिण मज्झदेसं, पेसिया कुमारावलयणत्थं सवत्थ
पुरिसा, समारद्धा य निरुविउं, अन्नया इओ तओ परिममंतेहिं दिट्ठो सो पुलिंदगो, पलोइयं च से अंगुलीए कुमा-
रनामंकियं सुदारयणं, तं च दट्ठूण जइ पुण अणेण विणासिओ होज्ज कुमारोत्ति कुविकप्पकलुसियहियएहिं उव-
णीओ सो नराहिवस्स, तेणावि अणाउलहियएण पुच्छिओ एसो-अहो सुद्ध! मह अवितहं साहेसु कत्तो एस सुदा-
रयणलाभो? कत्थ वा कुमारोत्ति भणिए सो पुलिंदगो अदिट्ठपुवं हरिकरिहभडुब्भडं रायलच्छिं पेच्छिऊण जाय-
संखोभो अट्ठविअडं खलंतक्खरं कुमारवत्तं कहिउमारद्धो, तओ राइणा भणियं-अरे अवरोप्परविरोहिणा वयणसं-
दब्भेण सुणिज्जइ जहा कुमारो अणेण विणासिओत्ति, कहमन्नहा सुदारयणलाभो हवेज्जा?, न हि जीवंतस्स भुय-
गाहिवस्स फणारयणं केणावि घेत्तुं पारिज्जइ?, एवं ठिएवि पंचरत्तं जाव सुसंगोवियं करेह एयं, ण सुणिज्जइ कोऽवि

वैराग्यं
कुमारा-
न्वेषणा च

॥ २१० ॥

परमत्वो, गंभीराइं विहिचिलसियाइंति भणिए पुरिसेहिं निगडिओ पुलिंदो, राया हि संदेहदोलाहिरूढो अंसुजल-
 पुन्नलोयणो मन्नुभरं रोविउं पवत्तो, अह पसरिया कुमारपंचत्तगमणवत्ता खंधावारे, दूमिया सामंता, विच्छायत्तं
 पत्तो पायकजणो, विमणदुम्मणीभूया संतिणो, हाहारवगम्भं रोविउमारद्धमंतेउरं, चिरं अकंदिऊण सोगभरभारियंगी
 निस्सट्ठं निवडिया धरणिवट्ठे रयणावली, समासासिया कहकहवि चेडीचक्कवालेण, एत्थंतरे जाया रयणी, अंजण-
 गिरिविन्भमाइं वियंभियाइं तिमिरपडलाइं, एवं च कमेण पत्ते मज्झरत्तसमए रयणावलीए भणिया निययधावी-
 अम्मो! किं एत्तिएवि गए धरियघं नियजीवियं मए सहिअवा हीणजणप्फेसणा दट्ठवाइं पियगेहे सामलाइं सयणाण
 वयणाइं सुणियवाइं अकारणकुचियखलदुव्वयणाइं, ता सावियासि तं मए नियजीविण, मा अन्नहा काहिसि, होसु
 संपयं सहायणी, पज्जत्तं पेमुन्भवसुहेण जस्स एरिसा गई ॥ अविद्य—

किं पागत रुस्स फलं उवभुंजंतं जणेइ पज्जंते । दुक्खं पियजोगो पुण पढमारंभेऽवि विद्वइ ॥ १ ॥

फरिक्कन्नविज्जुसुरचावचावलेणं विणिम्मियं मत्ते । पियजणसंगमसोक्खं नूणं विहिणा हयासेण ॥ २ ॥

तेणेव पंडिया परिहरंति पेम्मं अहिं विलगयं व । जाणंति जेण पियविप्पओगविसवेगमाहप्पं ॥ ३ ॥

अंधाईए भणियं—पुत्ति! कस्स कज्जस्स ममं सहायणीं पत्थेसि?, तीए भणियं—अम्मो! दुस्सहविरहहुयासण-
 परितावियस्स नियजीवियस्स परिचागकएणं, धावीए भणियं—वच्छे! मा ऊसुगा होसु, अज्जवि न सुणिज्जइ

कोऽवि निच्छओ, पच्छावि सुलभो चैव मरणाभिलासो, तओ रयणावलीए सुणिऊण तीसे निसेहपरं वयणं कंयं
मोणं, खणंतरेण य दिट्ठिं से वंचिऊण परियणेण असुणिज्जमाणा निग्गया आवासाओ, पविट्ठा दूरदेसपरिसंठियंमि
वणनिगुंजे, जोडियपाणिसंपुडा य भणिउं पवत्ता—

भो काणणदेवीओ ! वयणं मे सुणह मंदपुत्राए । को अन्नो इह ठाणे ? साहिज्जइ जस्स नियकज्जं ॥ १ ॥

एसाऽहं दुहहेउं विरुवलक्खणचएण निम्मविया । परिणयणुत्तरकालंपि जीए जाओ इमो विरहो ॥ २ ॥

एत्तो तुज्झ समक्खं अत्ताणं तरुवरंमि लंवित्ता । मोएमि अजसकालुस्सकलुसिएणं किमेएण ! ॥ ३ ॥

सिरिपुररायतणुभव ! तुमंपि दूरट्ठिओऽवि लक्खिज्जा । जह तीए वराईए मम विरहे उज्झिओ अप्पा ॥ ४ ॥

इय भणिऊण संजमिओ केसपासो निविडमापीडिया नियंसणगंठी उत्तरिल्लवत्थेण रइओ तरुसाहाए पासओ
आवद्धो नियकंधराए, सुक्को अप्पा, एत्थंतरे सेज्जाए तमपेच्छमाणी अणुमग्गेण धाविया अंवधाई, पत्ता कम्मधम्म-
संजोएण तं पएसं, चंदजोणहाए य लंवमाणा दिट्ठा रयणावली, तओ हाहारवं कुणमाणी तक्कालिययं पडियारं काउमस-
मत्था लग्गा वाहरिउं—भो भो सुरवित्तरखयरा ! परित्तायह परित्तायह, इमंमि इत्थीरयणंमि देह पाणभिक्खं, छिन्नह
पासगं, मा अंगीकरेह उवेहाजणियं पावपंकंति । इओ य कणगचूडो सुरसेणकुमारो य पत्ता तं पएसं, सुणिया
एसा उग्घोसणा, तओ गयणाओ ओयरिऊण छिन्नो से पासओ संवाहियं अंगं, पुच्छिया य अणेहिं-सुयणु ! को

एरिसदुरज्जवसायस्स कारणं जाओ?, रयणावलीए चिरं निस्ससिऊण भणियं-दुक्कियकम्माइं, कुमारेण भणियं-त-
 हावि विसेसेण साहेसु, जइ एवं ता सुरसेणकुमारस्स महासेणतणयस्स विरहोत्ति, तओ पचभिन्नाया कुमारेण,
 भणिया य-जइ एवं ता पज्जत्तं एत्तो दुरज्जवसाणेणंति बुत्ते जायपचभिन्नाणा लज्जावसनिमिलंतलोयणा तुण्हिक्का
 ठिया रयणावली, मुणियपरमत्थाए 'सागयं सागयं चिरागयकुमारस्स'त्ति जंपियं धावीए, निवेइओ नरिंदस्सागमण-
 युत्तंतो य । एत्थंतरे विन्नत्तं विज्जाहरेण-कुमार! पडिपुन्नमणोरहा तुब्भे, ता अणुजाणह ममं संट्टाणगमणाय संपयं,
 अह तच्चिओगकायरमणेण कहकहवि विसज्जिओ सो कुमारेण, गयमेत्तेण य तेण पडिवन्ना भावसारं चारणमुणिस-
 मीये पच्चजा । कुमारोऽवि रयणावलीए समेओ गओ खंधावारं, मिलिओ राइणो, सिट्ठो नियवुत्तंतो, जायं वद्धावणयं,
 मुक्को सम्माणिऊण सो पुलिंदगो, पडिनियत्तो य राया सनयराभिमुहं, पत्तो य कालक्कमेणं, समप्पिओ कुमारस्स
 सुंदरो पासाओ, तत्थ ठिओ य गमेइ वासरे विविहकीलाहिं । अन्नया य सो पंचत्तमुवागओ महसेणराया, कयाइं
 कुमारेण मयगकिचाइं, पडिवण्णं च रज्जं, परिवालेइ रायनीतीए पुहइं । अन्नया य सो कणयचूडो सुमुणियमुणिधम्मो
 अहिगयसुत्तत्थो विहरमाणो समागओ वाहिरुज्जाणे, विन्नायत्तदागमणो वंदणत्थमागओ सुरसेणनरिंदो, वंदिओ
 अणेण परमभत्तीए, दिन्नासीसो य निविट्ठो गुरुपायमूले, कहिओ साहुणा जिणप्पणीयधम्मो, पडिवुद्धा वहवे
 पाणिणो, धम्मकहावसाणे य मुणिणा पुच्छिओ राया-सम्मं निवहंति चिरगहिया मज्जमंसनिसिभोयणवेरमणरूवा

श्रीगुणचंद्र
महावीरच०
६ प्रस्तावः

॥ २१२ ॥

अभिग्गहन्ति, रायणा भणियं-वाढं निव्वहंति, तओ पुणो समणेण भणियो राया, जहा-पडिवज्जसु असेत्तदोसरहियं
जिणनाहं देवबुद्धीए, अंगीकरेसु सम्मत्तं, परिचयसु कुत्रासणासमुत्थं मिच्छत्तं, एत्तियमेत्तेणचि कएण परमत्थेण कयं
चिय परभवहियं, रायणा भणियं-एवमेवं, पडिवन्नो मए एत्तो जिणधम्मो, जाया तुम्हाणुभावेण मम मिच्छत्तचा-
यबुद्धी, सबहा कयत्थीकओ तुम्भेहिंति अभिनंदिऊण य गओ जहागयं, सुणीचि कप्पसमत्तीए विहरिओ अन्नत्थ ।
अन्नया राया तहाविहसमुप्पन्नसरीरवेयणो अविमुद्धज्जवसाणवसदूसियसम्मत्तो कालं काऊण उववन्नो जक्खत्तणेण ।
एसा विभेलगजक्खस्स मूलुप्पत्ती ॥

अह महावीरजिणवरो तस्स विभेलगजक्खस्स उज्जागाओ निक्खमित्ता सालिसीसयनामस्स गामस्स वाहिरु-
ज्जाणे संठिओ पडिमाए, तम्मि य समए माहमासो वट्टइ, तत्थ कडपूयणा नाम वाणमंतरी, सा य सामिस्स तिवि-
ट्टुभवे वट्टमाणस्स विजयवई नाम अंतेउरिया आसि, तथा य न सम्मं पडियरियत्ति परं पओसमुव्वहंती मया समाणी
संसारपरिभमणवससमासाइयमाणुसत्ता वालतवायारेण पावियवंतरीभवा पडिमोवगयस्स जिणस्स पुव्ववेरेण तेयम-
सहमाणा तावसीरुवं विउव्वइ, तओ वक्कलनियंसणा लवंतगुरुजडाभारहिमसीयलसलिलेण सबं सरीरं उल्लिऊण
सामिस्स उवरिं ठिया, अंगाणि धुणिउं पयत्ता, तयणंतरं च—

हिमकणनिवहुम्मिस्सा अइसिसिरसमीरणेण परिगहिया । लग्गंति जिणंगे सलिलविंदुणो वाणनिवहव ॥ १ ॥

कटपूतनी-
पसर्गः

॥ २१२ ॥

पइसमयं विहडियजडंकडप्पवकलगलंतजलकणिया । अंतो विसंति तणुणो जयगुरुणो दुस्सहा धणियं ॥ २ ॥

पयईए धिय माहुवभवस्स सीयस्स दुस्सहं रूवं । किं पुण परोट्टदुचेट्टवंतरीसत्तिपग्गहियं ॥ ३ ॥

पागयनरस्स तारिससीउवभववेयणाविणिहयस्स । फुट्टइ देहं निरुवकमाउयत्ता ण उण पहुणो ॥ ४ ॥

इय चउजामं रयणिं जिणस्स सीओवसग्गसहिरस्स । सविसेसं संलग्गं धम्मज्झाणं भवुम्महणं ॥ ५ ॥

तथो तदहियासणेण जायंमि विसेसकम्मक्खए वियंभियं ओहिनाणं, सबं च लोगं पासिउमारद्धो, पुवं पुण गव्वसंभवाओ आरव्वभ सुरभवकालमित्तो ओही आसि, एकारसय अंगाणि सुयसंपयं होत्था, अह कडपूयणा निप्पकंपं भयवंतं वियाणिऊण रयणिविरामंमि पराजिया समाणा उवसंता कयपच्छावाया य भत्तीए पूयं काऊण गया सट्टाणं । सामीवि तत्तो निक्खमित्ता भदियं नाम नयरिं छट्टं वासावासं काउमुवागओ, गोसालगोऽवि मिलिओ छट्टमासाओ, सामिं दट्टूण जायहरिसो नमिऊण पायपंकयं पमोयमुवगओ समाणो पुव्वपवाहेण पज्जुवासिउं पवत्तो, सामीवि तत्थ विचित्ताभिग्गहसणाहं चाउम्मासखमणं काऊण वासारत्तपज्जंते वाहिं पारेत्ता गोसालेण समेओ गगहाविसए अट्ट मासे उउवद्धे निरुवसग्गं विहरइ ।

सत्तमं च वासारत्तं काउकामो आलहियं नाम नयरिं एइ । तत्थवि चाउम्मासखमणाणंतरं वाहिं पारेत्ता कंडागनामसन्निवेसमुवागच्छइ, तहिं च उचुंगसिहरस्स महुमहणभवणस्स समुचिए एगदेसे ठिओ काउस्सग्गेण सामी,

गोसालोऽवि जीयरक्खं व जिणनाहमाहणमुव्वहंतो चिरकालं संलीणयापीडिओ अविगणियपडिभओ दूरपरिचत्तल-
ज्जावलोवो भंडोव महुमहपडिमासुहे अहिट्टाणं दाऊण ठिओ । एत्थंतरे पुप्फपडलगहत्यो धूवकडुच्छुयसमेओ
समागओ देवच्चगो, दूराउ चिय तहट्टियं दट्टूण गोसालयं सविम्हयं चिंतियमणेण—

वोलिणो बहुकालो देवमिगं मज्झ पूयमाणस्स । न य दिट्ठो कोइ मए कुणमाणो एरिसं भत्तिं ॥ १ ॥
ता किं होज्ज पिसाओ कोऽवि इमो अहव गहपरिग्गहिओ । धाउविवज्जासवसेण किं नु एवं ठिओ कोऽवि ? ॥ २ ॥
इय भावेंतो जाहे भवणब्भंतरमुवेइ ताहे सो । समणोत्ति नग्गभावेण लक्खिओ तेण छेएण ॥ ३ ॥
परिचिंतियं चऽणेणं जइ दंडमहं इमस्स काहामि । तो जाणिस्सइ लोगो जह दुट्ठो धम्मिओ एस ॥ ४ ॥
तम्हा गामस्स परिकहेमि सोऽविय सयंपि दट्टूण । एयस्सुचियं काही किं मम इमिणा अणत्थेण ? ॥ ५ ॥
इय चिंतिऊण सिट्ठं जणस्स तेणावि तत्थ गंतूण । तह चेव ठिओ दिट्ठो गोसालो वासुदेवपुरो ॥ ६ ॥
कुविएण जट्टिसुट्ठीहिं कुट्टिओ गहिलओत्ति काऊण । सुक्को चिरेण कहवि हु जणेण सो जजरसरीरो ॥ ७ ॥
सुक्कमि तंमि सामी महणनामंमि सन्निवेसंमि । गंतुं बलदेवगिहे फासुयदेसे ठिओ पडिमं ॥ ८ ॥
दुस्सिक्खियत्तणेणं गोसालो पुण सुगुंदपडिमाए । लिंगं दाऊण मुहे अपमत्तो अच्छइ मुणिव्व ॥ ९ ॥
तत्थवि पुव्वपवाहेण गामलोगेण जायकोवेणं । सुचिरं निस्सट्ठं ताडिऊण तो तंमि परिचत्ते ॥ १० ॥

पदु सालगाभिहाणे गामे तत्तो विणिकक्षमेऊणं । सालिवणंमि जिणिंदो धम्मज्झाणं समारुहइ ॥ ११ ॥
 सालवानामेणं वंतरदेवी अकारणं कुविया । कुणइ विविहोवसग्गे तत्थेव ठियस्स जयगुरुणो ॥ १२ ॥
 सयमेव परिस्संता जाहे उवसग्गणेण सा पावा । ताहे पूयं काउं जहागयं पडिनियत्तत्ति ॥ १३ ॥
 उवसग्गकारगचिय परिस्सममुघहंति चोजमिणं । कीरंति जस्स सो पुण कत्थवि नो गणइ जयनाहो ॥ १४ ॥
 अह भुवणतिलयभूए सुविभत्तचउक्कचचरावसहे । लोहग्गलंमि नयरे सामी पत्तो विहरमाणो ॥ १५ ॥
 तत्थ य राया दरियारिसूरनिह्लणदंतिरासिसिहो । जियसत्तू नामेणं भुवणपसिद्धो समिद्धो य ॥ १६ ॥
 तइया तस्स विरोहो जाओ पचंतराइणा सद्धिं । ताहे अपुघपुरिसो पेहिज्जइ चारपुरिसेहिं ॥ १७ ॥
 दिट्ठो य तेहिं सामिय पुट्ठोऽवि न देइ जाव पडिवयणं । रिउहेरिउत्ति कलिऊण ताव गहिओ विमूढेहिं ॥ १८ ॥
 अत्याणमंडवत्थस्स राइणो तक्खणं समुवणीओ । अह पुघविणिदिट्ठो उप्पलगो पेच्छिउं सामीं ॥ १९ ॥
 हरिसुफरिससमुट्ठियरोमंचो वंदिऊण भत्तीए । भणइ नरिंदं एसो न होइ भो चारिओ किं तु ॥ २० ॥
 सो एस जेण तइया आवरिसं कणगवारिधाराहिं । निववियमत्थि जायगकुटुं वमिच्छाइरित्ताहिं ॥ २१ ॥
 सिरिधम्मचक्कवट्ठी सिद्धत्थमहानरिंदकुलकेऊ । पवज्जं पडिवन्नो सयमेव जिणो महावीरो ॥ २२ ॥
 किं वा सुरस्खयरनरिंदविंदवंदिज्जमाणचरणस्स । एयस्स पुरा तुमए निसामिया नेव कित्तीवि ? ॥ २३ ॥

जइ मम वकं नो सहहेह ता उयह निउणदिट्ठीए । एयस्स चक्कगयकुलिसकलसकमलंकिए पाणी ॥ २४ ॥
 इय लद्धनिच्छएणं जियसत्तुनराहिवेण सविसेसं । सक्कारिऊण सुक्को गोसालेणं सह जिणिंदो ॥ २५ ॥
 तओ पुरिमतालंमि नयरे गओ भयवं, ठिओ काउस्सग्गेणं, तत्थ य नयरे धणउच्च समिद्धिसंगओ तोणीरुव
 मग्गणगणसाहारो मुणिव उभयलोगहियपवित्तिपरो पयइसरलो पयइपियंवओ पयइदक्खिन्नो निम्मलगुणहरिण-
 वग्गुरासमो वग्गुरो नाम सेट्ठी, निरुवचरियपेमभायणं भद्दा नाम से भारिया, सा य वंझा, बहूण देवयाणं उवाइय-
 सयाणि विविहोसहसयपाणाणि य पुत्तयनिमित्तेण काऊण परिस्संतत्ति । अन्नया सेट्ठिणा सह सिविगासमारूढा
 सयणजणेण परियरिया विविहभक्खभोयणसमिद्धरसवइसणाहसूयारसमेया महया विच्छडेणं निग्गया उज्जाणजत्ताए,
 पत्ता नाणाविहविहगकुलकलरवमणहरं विचित्ततरुवरसुरहिकुसुमपरिमलसुंदरं सगडमुहाभिहाणं उज्जाणं, तहिं च
 सुचिरं सरोवरे जलकीलं काऊण पुप्फावचयं कुणमाणो वग्गुरो भद्दा य पेच्छंति जुणं खडहडियसिहरदेसं विह-
 डियनिविडसिलासंचयं विणट्टनट्टलट्टयंभसालानिवेसं देवकुलं, तं च पेच्छिऊणं पविट्ठाइं कोऊहलेण अब्भंतरे,
 दिट्ठा य तत्थ सरयससिमुत्तिव्व अचंतपसंतसरीरा निराभरणावि भुवणमहग्घरयणभूसियव्व सस्सिरीया चिंतामणिव्व
 दंसणमेत्तमुणिज्जंतपरममाहप्पाइसया फलिणीदलसामलच्छाया सिरिमल्लिजिणनाहपडिमा, तं च दट्ठूण वियंभिओ
 तेसिं भावाइसओ, जाओ य एस अभिप्पाओ-जहा नूणं इमीए पडिमाए जारिसा कलाणुगया रूवलच्छी तारि-

सीए ण हवइ एसा सामन्ना, ता फलियवभियाणिं अम्ह मणोरहपायवेणंति चिंतिऊण एवं थोउमारद्धाई-

अज्जं विहडियनिविडदुहनिगड पविहाडिय [अज्ज परपवरसुगइ] मंदिरदुवाराइं ।

अज्जं चिय करकमलि लीण, सुहाइं संसारसाराइं ॥ १ ॥

अज्जं चिय तिहुयणसिरीहिं, अम्हि पलोइय नाह ! । जं तुह लोयणपहि गयउ, नासियदोसपवाह ॥ २ ॥

अहह अम्हेहिं तिक्खदुक्खोहसिहित्तगत्तिहिं, कह नाह ! तुम्ह पयमंडवंतरि ।

नहनिवहनिम्मलरयणकिरणजालसंछाइयंवरि ॥ ३ ॥

संपइ लडु निवासु फुडुमरुपहिएहिं व देव ! । जं तुह दिट्ठं सुहकमलु, खालियकम्मवलेव ॥ ४ ॥

एवं च भत्तिसाराहिं सुसिलिठ्ठाहिं मणाणंददायिणीहिं गिराहिं हरिसुप्फुल्ललोयणाहिं थोऊण पुणो पुणो नि-
डालतडताडियधरणिवट्ठाइं भणिउमाढत्ताइं-देव ! जइ एत्तो अम्ह दारगो वा दारिगा वा तुम्ह पसाएण होज्जा
ता इमं तुह भवणं कणधकलसकलियसिहरं थूरथंभाभिरामविसालसालापरिक्खित्तं कविसीसयसओवसोहियं पवर-
पागारसंपरिग्गहियं सुसिलिठ्ठावियसालभंजियासुंदरगोयराणुगयं कारवेमो, सयावि तुम्ह भत्तिपरायणाणि य
होमो, अणवरयं पूयामहिमं च विरएमोत्ति भणिऊण उज्जाणकीलं काऊण गथाणि सगिहं । अह तेसिं भत्तिपगरि-
सागरिसियहिययाए अहासन्निहियवाणमंतरीए देवयाए अणुभावेण आहूओ भद्दाए सेट्ठिणीए गब्भो, समुप्पन्नो

श्रीगुणचंद्र
महावीरच०
६ प्रस्तावः

॥ २१५ ॥

सेट्टिस्स पच्चओ, तओ तद्धिणाओ आरब्भ समारंभियं जिणमंदिरे कम्मंतरं, कओ अकालखेवेण जिन्नुद्वारो, तिसंझं च सुरहिंपंचवन्नकुसुमेहिं निम्मवेइ पूयं, पयट्टावेइ वरविलासिणीनट्टविहिं, वायावेइ मंजुगुंजंतसुरयसणाहं चउच्चिहा-
उज्जं, एवं च कुणमाणस्स वच्चंति वासरा ।

अन्नया य जिणवंदणवडियाए अणिययविहारेण परियडमाणा समागया सूरसेणा नाम सूरिणो, ठिया य सूरि-
समुचियपएसे, सुत्तपोरिसीपज्जंते य गया मल्लिजिणाययणं, वंदिया देवा, उवविट्टा उचियट्टाणे, काउमारद्धा य
भवसत्ताण धम्मदेसणा । एत्थंतरे पूयासामग्गिसणाहो समागओ वग्गुरसेट्टी, जिणपूयं वंदणं च काऊण अल्लीणो
सूरिसयासे, पणमियं चऽणेण से पायपंकयं, दिन्नासीसो य आसीणो महीयले, गुरुणावि तज्जोग्गयाणुसारेण पारद्धा
धम्मदेसणा । कहां चिय?—

जिणनाहभुवणकरणं तप्पडिमापूयणं तिसंझं च । दाणंमि य पडिवंधो तिन्निवि पुत्तेहिं लब्भंति ॥ १ ॥

नीसेससोक्खतरुवीयमूलमुद्दामदुग्गइकवाडं । कारिंति मंदिरं जिणवरस्स धन्ना सविभवेणं ॥ २ ॥

तुहिणगिरिसिंगसिंगारहारि जे निम्मवंचंति जिणभवणं । ते कह न लीलाएच्चिय चिंतियमत्थं पसाहितिं? ॥ ३ ॥

सामन्नेणवि जिणगेहकारणे को मिणिज्ज पुन्नभरं? । को पुण तम्मिं विहिणा जिन्नंमि समुद्धरिज्जंते ॥ ४ ॥

ता भो महायस! तए नियमा सम्मं समायरियमेयं । सभुयज्जियदव्वेणं जिन्नुद्वारो जमेस कओ ॥ ५ ॥

एयंमि अकीरंते तित्थुच्छेओ जिणे अभत्ती य । साहूणमणागमणं भवाणमवोहिलाभो य ॥ ६ ॥

काराविण्ण इमंमी भवजलनिहितरणजाणवत्तंमि । अचंतसंतकंता कारेअद्या जिणप्पडिमा ॥ ७ ॥

तीसे तिसंझमपमत्तमाणसेहिं परेण जत्तेणं । पूया य विरइयद्या सा पुण अट्टपयारेवं ॥ ८ ॥

वासकुसुमक्खणं धूवपईवेहिं वारिपत्तेहिं । फलभोयणभेएहि य जणनयणाणंदजणगेहिं ॥ ९ ॥

इय अट्टविहा पूया कीरंती भत्तीए जिणिंदाणं । तं नत्थि नूण कल्लाणमेत्थ जं नो पणामेइ ॥ १० ॥

तयाहि-हरियंदणघणसारुब्भवेहिं गंधेहिं सुरहिगंधेहिं । सबण्णुसिरे निहिण्णहिं होंति भवा सुरहिदेहा ॥ ११ ॥

नवमालइकमलकयंवमल्लियापमुहकुसुमदामाहिं । विरयंता जिणपूय धरंति भवा सिवसुहं च ॥ १२ ॥

नहरुइजलपडिहत्थे जिणपयच्छेत्ते जमक्खया खित्ता । पसवंति दिवसुहसस्ससंपयं तं किमच्छरियं ? ॥ १३ ॥

घणसारागुरुधूवो जयगुरुपुरओ जणेण डज्झंतो । उच्छलियधूमपडलच्छलेण अवणेइ पावं च ॥ १४ ॥

जे दीवं देति जिणिंदमंदिरे सुंदराय भत्तीए । ते तिहुयणभुवणंभंतरेक्कदीवत्तणमुविंति ॥ १५ ॥

तिहुअणपहुणो पुरओ ठवेंति जं वारिपुत्तपत्ताइं । तं नूणं पुव्वज्जियदुहाण सलिलं पयच्छंति ॥ १६ ॥

परिपागवससमुग्गयविसिट्ठगंधेहिं तरुवरफलेहिं । जिणपूयं कुणमाणा लहंति मणवंछियफलाइं ॥ १७ ॥

वहुभक्खयंजणाउलओयणचरुपागपमुहवत्थूहिं । धन्ना विरइंति वल्लिं सुहनिहिउक्खणणहेउत्ति ॥ १८ ॥

श्रीगुणचंद्र
महावीरच०
६ प्रस्तावः

॥ २१६ ॥

अहवा किमितिणं? जं किंचिवि अत्थि वत्थु सुपसत्थं । तित्थेसराण तं तं विणिओगे निति कयपुत्रा ॥ १९ ॥
दाणमवि सुगइसंगमनियाणमनियाणमेव दिज्जंतं । पुत्राणुवंधिरुवं कल्लाणपरंपरं जणइ ॥ २० ॥
तं पुण तिविहं भणियं अभयपयाणं च नाणदाणं च । धम्मपवत्ताणं पुण तइयमुवट्टंभदाणं च ॥ २१ ॥
तत्थाभयप्पयाणं लोइयलोगुत्तरेसुवि पसिद्धं । सवावत्थासुंपिवि अनिसिद्धं सिद्धिरसियाणं ॥ २२ ॥
करिसणमिव कणरहियं नरनाहंपिव विवेयपरिहीणं । एयविउत्तं धम्मं न कयाइ बुहा पसंसंति ॥ २३ ॥
जं पुण नाणपयाणं दीवोव पयासयं तमत्थाणं । भवजलहिपडियजंतूण तारणे षडतरंडसमं ॥ २४ ॥
उम्मग्गपयट्टाणं व विसममिच्छत्तभीमरत्तंमि । सम्मग्गदेसयं सिवपुरीए वरसत्थवाहोव ॥ २५ ॥
तइयं पुण भेसहवत्थपत्तकंवलगपमुहदवेहिं । साहूण धम्मनिरयाण होइ उवट्टंभकरणेण ॥ २६ ॥
जं ते महाणुभावा कह दूरविमुक्कसवसावज्जा । सकंति तवं काउं आहारार्इण विरहंमि? ॥ २७ ॥
एत्तियमेत्तेणं चिय गिहिणो लंघंति गुरुभवसमुहं । उवयारे जं असणाइएहिं वट्टंति साहूणं ॥ २८ ॥
धणसत्थाहिवसेयंसमूलदेवाइणो य जयपयडा । दिट्टंता निदिट्ठा इत्थं सिद्धंतसुपसिद्धा ॥ २९ ॥
इय भो देवाणुपिया! तिन्नि पयत्था मए तुह पसत्था । परिकहिया एएसिं पढमो तुमए सयं विहिओ ॥ ३० ॥
अन्ने पुण सावगधम्मकुसलबुद्धीहिं जंति काउं जे । सद्दाणनाणसारं ता गिहिधम्मं पवजेसु ॥ ३१ ॥

वग्गुर-
श्रेष्ठित्तं.

॥ २१६ ॥

इय गुरुणा निदंसिए वत्थुपरमत्थे जायपवरविवेगो पणमिऊण गुरुणो पयपंकयं सेठी वागरिउं पवत्तो-भयवं !
सुहु वोहिओऽहं तुम्हेहिं, उवदंसेह मे सावगधम्मं, सिक्खवेह जुत्ताजुत्तं, तओ सूरिणा भेयप्पभेयसाहासहस्ससं-
कुलो सुहफलोहकलिओ कहिओ वित्थरेण गिहिधम्मकप्पहुमो, पडिवन्नो य भावसारमणेण । तप्पभिइं च अट्ठप्प-
यारजिणपूयारओ मुणिदाणसमुज्जयचित्तो सावगत्तं पालेइ । पसूए पुत्ते सविसेसं धम्मपरिवत्तो जाओत्ति ।

अन्नया सो पंडुरपरिहियपडो कुसुमाइसमग्गसामग्गीसणाहो सयलपरियणसमेओ पयट्ठो मल्लिजिणपडिमापूय-
णत्थं, इओ य तघेलं भयवंतं महावीरं नगरस्स सगडमुहुज्जाणस्स य अंतरा पडिमं पडिवन्नं ओहीए आभोइत्ता ईसाण-
सुरनाहो अणेगसुरकोडिपरिवुडो पंचरायरयणविणिम्मियविमाणारूढो आगंतूण तिकखुत्तो आयाहिणपयाहिणपुरस्सरं
सहरिसं वंदिऊण अन्नोन्नघडियपाणिसंपुडो भयवओ चरियं गायमाणो सामिणो वयणंमि दिन्नदिट्ठी पज्जुवासमाणो
चिट्ठइ, वग्गुरसेट्ठीवि भयवंतमइक्कमित्ता चलिओ मल्लिजिणाययणाभिमुहं, तं च वचंतं ईसाणिंदो पासित्ता भणइ-
भो वग्गुर! दूरयरदेवा सचोवाया हवंति(त्ति) सचो कओ तुमए लोयप्पवाओ, जं पच्चक्खं तित्थगरं मोत्तूण पडिमं
अचिउं वच्चसि, किं न मुणसि जं एस विसमभवावत्तनिवडंतभुवणत्तयसमुद्धरणधीरो सिरिमहावीरो सयमेव इह चिट्ठ-
इत्ति!, तओ सेट्ठी एवं निसामिऊण जायअतुच्छपच्छायाओ मिच्छामिदुक्कडंति भणिऊण तिपयाहिणादाणपुवं जिणं
वंदइ महिमं च करेइ, सुचिरं च पज्जुवासिऊण जहागयं पडिनियत्ते सुरिंदे मल्लिजिणभुवणंमि वच्चइ ।

जयगुरुवि तत्तो निक्खमित्ता पट्टिओ तुन्नागसन्निवेशाभिमुहं तस्स य अंतरा तक्कालपरिणियाणि वहुवराणि स-
पडिजुत्तमिति, ताणि पुण दोणिवि टप्परकन्नपुडाणि मज्जराणुरूचनयणाणि अइलं वमोट्टपोट्टाणि दीहरकंधराणि
कसिणकुसंठाणसरीराणि अहरसीमासमइकंतदीहरदंताणि, गोसालो पेच्छिऊण जायपरितोसो सहासं भणइ-अहो
भमिओऽहि पउरजणवएसु नियधम्मगुरुपसाएण, एत्तियकालं परियडंतेण एरिसो संजोगो न कत्थवि पलोइओ ।
ता नूणं—

तत्तिलो विहिराया जणेऽइदूरेवि जो जहिं वसइ । जं जस्स होइ सरिसं तं तस्स दुइजयं देइ ॥ १ ॥

एवं च पुणो पुणो पुरा ठाऊण समुल्लविंतो जाव न कंहंपि विरमइ ताव तेहिं वाढं पिट्टिऊण वद्धो पक्खित्तो
य वंसीकुडंगे, तत्थ य उत्ताणो निवडिओ अच्छइ, महया सहेण य वाहरइ, जहा-सामि! कीस मं उवेक्खह?,
एसोऽहं एत्थ वंसकुडंगे निवडिओ वट्टामि, सबहा मोअह इमाओ वसणाओत्ति पुणो पुणो उल्लवंतं तं सो सि-
द्धत्थो पडिभणइ-भइ! सयं कडं सयं चेव भुंजाहि, किं मुहा परितप्पसि?, सामीवि अदूरदेसं गंतूण करुणाए चिर-
समसुहदुक्खसहणपक्खवाएण तं पडिवालिउमारद्धो, एत्थंतरे तेहिं नायं, जहा-एस कोइ दुट्टसीलो एयस्स देवज्ज-
गस्स पीढियावाहगो छत्तधारगो वा होही, तेण एस एयं पडिवालेमाणो निचलो अच्छइ, ता न जुत्तं एयस्स
धरणंति चिंतिऊण मुक्को गोसालो, मिलिए य तंमि गंतुं पवत्तो जयगुरु । कमेण य पत्तो गोभूमिमि, तत्थ य

सुलभचरणपाणियत्तणेण गावीओ चरंति, तेण सा गोभूमी वुचइ । तत्थ य कलहपियत्तणेण गोसालो गोवालए
मणइ-अरे मिलिच्छा ! जुगुच्छणिज्जरूवा ! एस मग्गो कहिं वचइ ?, गोवेहिं भणियं-अरे पासंडिया ! कीस अम्हे
निकारणं अफोसेसि ?, सो भणइ-दासीपुत्ता ! पसुयपुत्ता ! जइ न मरिसिहिह ता सुट्टुअरं अक्कोसिस्सामि, किं
अलियमेयं ?, मिच्छजाइया एरिसगा चेव तुम्हे, किं जहट्टियंपि न भणिस्सामि ?, को मे तुम्ह पडिभओत्ति,
तओ तेहिं समुप्पन्नगाढकोवेहिं मिलित्ता पणिहसुट्टिलेट्टुहिं विद्वित्ता वद्धो वंसीगहणे य पक्खित्तो, तत्थवि पुव्वनाएण
करुणाए पहियजणेण विमोइयंमि गोसाले तिहुअणगुरू रायगिहे नयरे अट्टमवासारत्तं काउमुवसंपज्जइ, विचित्ताभि-
ग्गहसणाहं च चाउम्मासखमणं आरंभेइ । तस्स पज्जंते वहिया आहारग्गहणं कुणइ ।

तओ अणिज्जरियं अज्जवि वहुं कम्मं अच्छइत्ति चिंतिऊण पुणोऽवि सामी अत्थारियादिट्ठंतं परिभाविंतो कम्मनिज्ज-
रणनिमित्तं अचंतपावजणसंगएसु लाढावज्जभूमिसुद्धभूमिनामेसु मिलिच्छदेसेसु गोसालेण समेओ विहरिओ । तत्थ य
ते अणारिया कयाइ असुणियधम्मक्खरा निरणुकंपा लोहियपाणिणो परमाहम्मियासुरसरूवा भयवंतं विहरमाणं
पासित्ता हीलंति निंदंति तहाविहप्पयारेहिं विद्विंति, साणादओ य दुट्टसत्ते सामिस्स अभिमुहं मुयंति । अवि य-
जह पविरेयणतणुतयतच्छणखारोवलेवपामोक्खं । किच्छविगिच्छं विज्जं कुणंतमभिणंदए रोगी ॥ १ ॥
तह जयनाहोवि समग्गमुग्गउवसग्गकारयं लोयं । उवयारिवंधुवुद्धीए वंधुरं पेहइ पहिट्ठो ॥ २ ॥

जेण दरंगुट्टविकिट्टमेरुविस्संडुलं धरावट्टं । हलहलियसत्तकुलसेलसायरं विरइयं सिंसुणा ॥ ३ ॥
सोवि कह अतुलबलसारविक्रमो निक्खिणेण कम्मणेण । कीडप्पायकयावयमहह सहाविज्जइ जिणिंदो ? ॥ ४ ॥ जुम्मं ।
किंच-जो हरिणा सिद्धत्थो आवयविणिवारणट्टया मुक्को । गोसालगपच्चुत्तरवेलाए वियंभई सोवि ॥ ५ ॥
अन्नं च-जइ किर तिलोयरंगे अतुल्लमल्लोऽवि जिणवरो वीरो । एवंविहावयाओ विसहइ सुपसंतचित्तेण ॥ ६ ॥
ता कीस थेवमित्तावयारकरणुज्जएऽवि लोयंमि । सुणियजहट्टियभावा वहंति रोसं महामुणिणो ? ॥ ७ ॥ जुम्मं ।
अहवा चुन्निज्जइ थेवघायमेत्तेवि सक्करालेहू । निट्टुरकालायसघडियदुघणघाएहिं नवि वइरं ॥ ८ ॥
अह तिहुयणेक्कनाहो अणज्जभूमीसु तासु हिंडंतो । पत्ते वासारत्ते नवमेऽनवमासयविहाणे ॥ ९ ॥
वसहिं च अलभमाणो सुन्नागारेसु रुक्खमूलेसु । धम्मज्झाणाभिरओ वरिसायालं अइक्कमइ ॥ १० ॥ जुम्मं ।
वित्ते य तम्मि सामी सिद्धत्थपुरमागओ, तत्तोऽवि कुम्मारगामं संपट्टिओ, तस्स य अंतरा तिलछित्तसमीवेण
वोलेमाणो पुच्छिओ गोसालगेण सामी-एस तिलत्थंवो किं निप्फज्जिही नवत्ति?, तओ तहाभवियवयावसेण
सयमेव भणियं जिणेण-भइ! निप्फज्जिही, परं सत्तवि पुप्फजीवा उद्दाएत्ता एयस्स चेव तिलत्थंवस्स एगाए तिल-
संगलिगाए सत्त तिला समुवज्जिस्संति, एयं च असइहमाणेण अणज्जेण तेण अवक्कमित्ता मूलावणद्धभूमिलेट्टुसणाहो
समुप्पाडिओ सो तिलत्थंभो, एगंते उज्झिओ य, एत्थंतरे अहासंनिहियदेवेहिं भयवओ वयणमवितहं कुणमाणोहिं

विउधिया घणावली, जायं सलिलवरिसं, समासासिओ तिलथंवओ, तेण पएसेण वेगेण आगच्छमाणीए गावीए खुरेण
चंपिय मूलविभागो पविट्टो जलसेयसुकुमारे धरणिवट्टे, जाओ दढपइट्टाणो, कमेण परूढाईं मूलाईं, उम्मीलियाईं
कंदलाईं, पयट्टो फुल्लिउंति । भयवं पुण कुम्मारगामनगरं संपत्तो, तस्स वाहिं सूरमंडलस्सुवरिं निहियदिट्ठी उद्धी-
कयभुयपरिहो दीहरजडाकडप्पो पयइविणीओ पयइपसमपरो पयइदयादक्खिण्णाणुगओ समारद्धसद्धम्मज्झाणवि-
हाणो वेसियायणो नाम लोइयतवस्सी मज्झंदिणंसमयंसि आयावेइ । तस्स य उप्पत्ती भन्नइ—

मगहाविसए धणधन्नसमिद्धलोकलिए गोव्वरगामे आभीरलोयाणं अहिवई गोसंखीनाम कुडुंविओ, वंधुमई
नाम से भज्जा, सा य अवियाउरी, ताणि य परोप्परं दढसिणेहाणुरायाणि विसयसुहमणुहवंताणि कालं वोलेति, इओ
य तस्स गामस्स अट्टेरे खेडयं नाम संनिवेशो, तत्थ य अविगप्पिया सन्नद्धवद्धकवया पउरपहरणसणाहा मिलेच्छाण
धाडी पडिया, तीए य सो गामो निवाडियारक्खिगजणो लुंदिअधणधन्नकंसदूसो विणिहयपहरणहत्यसुहडसत्थो
फओ, तओ वंदिग्गहेण लोगं गहिऊण पट्टिया सट्टाणं, एगा य गामइत्थिया तवेलं पसूया पइंमि मारिए करक-
लियवाल्या सुखवत्तिकाऊण चालिया चोरोहिं, सा य चेडवावडकरत्तणेण न पारेइ सिग्घगईए समागंतुं, तओ तेहिं
सरोसं भणिया—भदे! परिचयसु सुयं जइ चिरजीवियत्थिणी, इमं च सुणिऊण अइगरुययाए मरणभयस्स परिचत्तो
तीए सुओ तरुच्छागाए, गया य चोरोहिं समं, सो य गोसंखिओ गोरूवाइं घेत्तूण पहायसमए समागओ तं पएसं,

श्रीगुणचंद
महावीरच०
६ प्रस्तावः

॥ २१९ ॥

दिट्टो य सो रुक्खच्छायाए पडिपुन्नसवंगोवंगो सस्सिरीओ अक्खयसरीरो बालओ, गहिओ य तेणं, पणामिओ
नियभज्जाए, भणिया य एसा-पिए! एस तुह अपुत्ताए पुत्तो होही, सम्मं रक्खिज्जाहि, गोसे य पगासियं जहा मम
महिला गूढगम्भा आसि, सा य संपयं पसूया, दारगो से जाओ, एयस्स चेव अत्थस्स निच्छयनिमित्तं छगलकं वा-
वाइत्ता लोहियगंधो कओ, सा य सूइयनेवत्थेण ठाविया, वद्धावणयं च विहियं, सम्माणिओ सयणवग्गो, पसारिया
लोयम्मि वत्ता, निवत्तियाइं छट्टीजागरणचंदसूरदंसणियमुहाइं किच्चाइं, समुचियसमए ठवियं वेसियायणोत्ति नामं,
कालकमेण य पत्तो जुवणं, सावि से जणणी चंपाए नयरीए नेऊण चोरोहिं विक्रयनिमित्तं ओड्डिया रायमग्गे, सुरू-
वत्तिकाऊण गहिया थेरीए वेसाए, सिक्खाविया गणियाण वेज्जं । अविद्य—
सुरविलयन्भहियविसिट्ठरूवसोहग्गपवरलायत्ता । सुरयण्पवंचकुसला वियक्खणा गेयनट्टेसु ॥ १ ॥
उवयारभणियपरिचत्तबोहसमयाणुरूवचेट्टासु । पत्तट्टा सा जाया लद्धपसिद्धी य नयरीए ॥ २ ॥
दंसणमेत्तेणं चिय जणस्स पुवं जणेइ विक्खेवं । किं पुण उब्भडसिंंगारसारनेवत्थरुइरा सा ? ॥ ३ ॥
इओ य सो वेसियायणो अत्थोवज्जणनिमित्तं करेइ विविहवाणिज्जाइं, अन्नया य घयस्स सगडिं भरिऊण वयं-
सएहिं समेओ गओ चंपानयरिं, तम्मि य समए समारद्धो पुरे महुसवो, पवराभरणरुइरदेहा नियंसियपहाणपट्टणु-
ग्गयचीरंसुयाइवत्था जहिच्छं तियचउक्कचचरेसु रामाजणेण परिगया विलसंति नायरा, ते य दट्टूण चिंतियमणेण-

तिलस्तम्बः
वैश्यायना-
धिकारः

॥ २१९ ॥

अहो एए एवं विटसंति, अहंपि न कीस रमेमि ? , ममावि अत्थि केत्तियगेत्तावि अत्थसंपया, किं वा हमीए रक्खि-
नाए ? , धम्मट्ठाणदाणभोगोवभोगफलं हि पसंसिज्जइ धणं । जेण भणियं—

दानं भोगो नाशस्त्रो गतयो भवन्ति वित्तस्य । यो न ददाति न मुक्ते तस्य तृतीया गतिर्भवति ॥ १ ॥

देवात्कृपमपि जाते सति विभवे यस्य नैव भोगेच्छा । दाने च न प्रवृत्तिः स भवति धनपालको मूर्खः ॥ २ ॥

इति परिभाविऊण कओ अणेण सिंगारो, परिहियाइं पहाणवत्थाइं, गओ पेच्छणगे, दिट्ठा य वेसाजणमज्झ-
गया सयिय पुपमाया, जाओ तीए उवरिमणुरागो, वियंभिओ से पंचवाणोऽवि सहस्सवाणोव मयरद्धओ, सम-
णियं तंघोलदाणपुपगं से गहणगं, रयणिसमए घणसारुम्मिस्सचंदणरसविलित्तगतो केसपासविणिम्मियकुसुमदामो
गहियतंघोलवीडओ पयट्ठो तीसे गिहाभिमुहं, एत्थंतरे तत्स कुलदेवया चिंतेइ—अहो अमुणमाणो परमत्थं अकज्जमा-
परिउं लग्गो एस वरागो, ता संवोहेमिच्चि विभाविऊण अंतरा सवच्छगाविरुवं विउच्चित्ता ठिया, वेसियायणस्सवि-
सिग्गं गच्छमाणस्स लित्तो अमेज्जेण चलणो, जाया से आसंका जहा असुइत्ति, तओ अन्नं विसोहगं किंपि अपाव-
माणेण तेण तीसे चेव गावीए सन्निहंमि निविट्ठस्स वच्छस्स पट्टीए पारद्धं चलणलूहणं,

तयणंतरं स वच्छो माणुसभासाएँ पडिभणइ गाविं । अम्मो ! पेच्छसु एयं विगयासंकं ममंगंमि ॥ १ ॥

मिज्झविलित्तं चलणं लूहन्तं चत्तधम्मववहारं । किं कोइ कुणइ कइयावि सुरहिसुए एरिसं हीलं ? ॥ २ ॥ जुम्मं ।

गावी वागरइ तओ पुत्तय ! मा वहसु अद्धिइं किंपि । अइधम्मववहारा वाहिरो वट्टए एसो ॥ ३ ॥
वच्छेण भणियम्ममे ! कहमेवं ? , पुत्त ! कित्तियं कहिमो ? । नियजणणीएवि समं जो वासं वंछइ अणज्जो ॥ ४ ॥
ता वच्छ ! सहसु सवं तं धन्नो एत्तिएण जं मुक्को । उज्झियनियमज्जाया किमकज्जं जं न कुवंति ? ॥ ५ ॥
तावच्चिय तत्तरुई तावच्चिय धम्मकम्मपडिवंधो । लोयाववायभीरुत्तणं च तावेव विप्फुरइ ॥ ६ ॥
तावज्जवि न विणस्सइ लज्जा जणणी गुणाण सयलाणं । अह सावि कहवि नट्टा ता नट्टा कुसलचेट्टावि ॥ ७ ॥ जुम्मं ।
इय सुरहिं साभिप्पायवयणसंदोहमुल्लवेमाणिं वच्छस्स पुरो दट्टुं सो सहसा संकिओ हियए, चित्तिउमारद्धो य-
अहो पढमं ताव इमंपि महअच्छरियं जं तिरिच्छजोणिया होऊण माणुसियाए भासाए संलवइ, तत्थवि नियमाया-
भिगमलक्खणं दूसणं मे दंसेइ, कहमेवं संभवइ ? , कत्थमम माया ? कत्थ अहं ? कहं संवासो ? , सवं अच्चंतमघडंत-
मेयं, अहवा होयवमेत्थ कारणेणं, चित्तरुवाइं विहिणो विलसियाइं, संभवइ सवं, अओ पुच्छिस्सामि तं चेव
वेसाविलयं उट्टाणवडियंतिभाविऊण गओ तीसे घरं, अन्भुट्ठिओ अणाए दावियं आसणं पक्खालिया चरणा ठियाइं
खणंतरं अवरोप्परुल्लावेण, अह पत्थावमुवल्लभ पुच्छिया सा अणेण-भइ ! साहेसु कत्थ तुम्ह उप्पत्ती ? , तीए
सहासं भणियं-जत्थ एत्तियजणस्स, तेण भणियं-अलाहि परिहासेण, अहं सकज्जं पुच्छामि, तीए भणियं-मुद्धो-
ऽसि तुमं, जेण-

नरह नरिंदह रिसिकुलह वरकामिणिकमलाहिं । अत्तुग्गमणु न पुच्छियइ कओ कुसलत्तणु ताह ? ॥ १ ॥

पंकात्तामरसं शशाङ्कमुदधेरिन्दीवरं गोमयात्, काष्ठादग्निरहेः फणादपि मणिर्गोपित्ततो रोचना ।

कौशेयं कृमितः सुवर्णमुपलाद्दूर्वापि गोलोमतः, प्राकाश्यं खगुणोदयेन गुणिनो गच्छन्ति किं जन्मना ? ॥ २ ॥

अओ किं तुह एएणंति भणिऊण हावभावरूवं महिलाविब्भमं दंसिउमारद्धा, ताहे तेण भणियं-अन्नंपि एत्तियं मोहं दलयिस्सामि साहेहि मे सब्भावं, अइगरुयसवहसावियाऽसि तं, मा अलियमुल्लविस्ससित्ति भणिए जहा-
वित्तं मूलाओ आरब्भ सव्वं सिट्ठमेयाए, तहावित्तंतनिसामणेण य जाया से आसंका, जइ पुण एयाए जो तरुच्छा-
याए छट्ठिओ सो अहं चेव होज्जा, एवं च सुरहिवयणंपि घडेज्जा, इमं च परिभाविऊण दुगुणमत्थपयाणं काऊण
पडिनियत्तो जाव तत्थप्पएसे सवच्छं सुरभिं निज्झाएइ ताव न किंपि पेच्छइ, तओ नायमणेणं-नूणं अहं केणइ
देवयाविसेसेण इयवइयरेण अकज्जमायरंतो नियत्तिओऽम्हि । अह सगडिं घेतूण गओ नियगामं, उच्चियपत्थावे
अम्मापियरो उट्ठाणपारियावणियं अत्तणो पुच्छिउमारद्धो, ताणि य कहंति-पुत्त ! अह कुच्छिसंभूओऽसि तुमं,
मा अन्नहा विकप्पेसु, को परडिंभरूवाइं परिपालेइ ?, तओ सो गाढनिव्वंधेण ताव अणसिओ ठिओ जाव से तेहिं
कहियं, जाओ तस्स जणणित्ति निच्छओ, गयो य चंपानयरिं, साहिओ तीसे गणियाए वुत्तंतो, जहाऽहं
सो तुह पुत्तो जो तरुमूले उज्झिओत्ति । तओ सा एवमायन्निऊण सुमरियपुव्वइयरा विरहदुक्खेण अकज्जपवित्ति-

पारंभसमुल्लवियसवियारवयणविलिण्ण वाढमन्भाहया समाणा उत्तरिजेण वयणकमलमवगुंठिऊण दीहरुम्मुकपो-
कारं रोइऊण विलविउं पवत्ता । कहं चिय ?—

हा पाव दइव निग्घिण निल्लजाणज्ज ! मुक्कमजाय ! । किं अन्नो तुह नाही विडंवणाडंवरपवंचे ? ॥ १ ॥

जं कुलविलयामलिणत्तकारिणा उभयलोगदुट्टेण । वेसाभावे विणिम्मियऽम्हि सुकुलप्पसूयावि ॥ २ ॥

तत्थवि न ठिओ तं एत्तिण्ण घडिअम्हि नियसुएणावि । हा हा गरुयमकज्जं सत्थेसुवि सुम्मइ न एवं ॥ ३ ॥

जइ पुवं चिय पावेहिं तेहिं चोरोहिं विणिहया हुंता । ता किं असच्चमविगोवणिज्जमिममज्ज पेच्छेजा ? ॥ ४ ॥

किं कूवयपक्खेवेण अहव उल्लंवणेण साहेमि । सासनरोहेणं वा लहुं समुज्झामि अत्ताणं ॥ ५ ॥

एवं चिय मेरुगिरिंदविन्भमाओ इमाओ दुक्खाओ । पावाए मज्झ नूणं होही संपइ परित्ताणं ॥ ६ ॥

इय दुस्सहदुहकरवत्तगाढफालिज्जमाणहियया सा । अइसुचिरं विलवित्ता निमीलियच्छी गया मुच्छं ॥ ७ ॥

तारिसं च दट्टूण वेसियायणेण सित्ता सीयलसल्लिणेण वीजिया दुगुलंचलेण संवाहिया पासवत्तिणा चेडीजणेण,
कह कहवि लद्धचेयणा संभासिया अणेण—अम्मो ! कीस तावसंभारमुव्वहसि ?, को एत्थ तुज्झावराहो ?, एसो
चिय सच्छंदाणिवद्धघडणविहडणरसिगो दइवो एत्थावरज्झइ जो विविहसंविहाणगनेवत्थेहिं नडं व विवसं माणुसं
विनडेइ, अचंतविरुद्धमवि वत्थुं कारवेइ, अगम्मेणवि सह संगमं संपाडेइ, ता उज्झसु संतावं पडिवज्जसु धीरत्तणं

दोगुं निवडियसहा, तीए मणियं-पुत्त! वाढं असहणिज्जमगोवणिज्जं च इममावडियं, इमं च संभरंती वज्जगंठिनि-
 दुरहियत्तणेण चेव जीवामि, न पुण अन्नं किंपि दुज्जम्मजायाए मज्झ जीवियकारणं, संपयं पुण वच्छ! वंछामि
 अतुच्छवच्छसाहासमुल्लंघणाइणा सकुलकलंकभूयं जीवियं परिचइउं, अओ अणुमत्तेसु मं, तुमं चेव इयाणिं पुच्छणिज्जो,
 तेण मणियं-अम्मो! अलं दूरज्जवसाएण, इओ मए वेसाहत्थाओ मोइया समाणी तवनियमेहिं अत्ताणं अत्ताणं
 साहेजासि, अपत्तकालजीवियववरोवणं हि दूसियं समयसत्थेसुत्ति संठविऊण बहुदवदाणपुव्वगं मोइया सा वेसासया-
 साओ, नीया सग्गामे दावियं जीवणं ठाविया धम्ममग्गंमि, अन्नया इममेव वेरग्गमुव्वहंतो सो चिंतिउं पवत्तो, जहा-

तिघाववायजलवाहदुलंघणिज्जं, दोगच्चमच्चुमयरज्जसभीममज्झं ।

संसारसायरमिमं परियाणइत्ता, सत्ता सुहेण निवसंति कहं व गेहे? ॥ १ ॥

जे इत्तियंपि न मुणंति किमज्ज होही, सोक्खं व दुक्खमुचियं व तहेयरं वा ।

संसेवणिज्जमिममन्नयरं च मोहमाहप्पझंपियपहाणविवेयनेत्ता ॥ २ ॥ जुम्मं ।

किंच-कालंमि. तंमि बहुला जइ नो कहेजा, संभोगदुव्विलसियं जणणीगयं मे ।

ता तारिसं दढमकज्जमहं करेत्ता, तिघानलेणवि लभिज्ज न नूण सुद्धिं ॥ ३ ॥

एवंविहाण विविहाण विडंवणाणं, भोगाभिलासमहमेकमवेमि मूलं ।

श्रीगुणचंद्र
महावीरच०
६ प्रस्तावः

॥ २२२ ॥

ता होउ संपइ इमेण दुगुंछिएणं, सच्चोवहाविरहियं पकरेमि धम्मं ॥ ४ ॥

इति निच्छिऊण बहुप्पयारेहिं गोसंखियं जणणिं च पडिवजाविऊण पाणामाए पवज्जाए पवइओ एसो, करेइ चिविहे तवोविसेसे, अब्भसेइ निययधम्मसत्थाइं, रक्खेइ पाणिणो, पज्जुवासेइ गुरुणो, लद्धट्ठो य जाओ निययध-
म्ममग्गंमि । अन्नया सो विहरंतो कुम्मारागामवाहिं ठिओ आयावेइ, एसा वेसियायणस्स उप्पत्ती ॥

तस्स य जडाजूडाओ दिणद्धदिणमणिकिरणपरितत्ता निवडंति धरणीअले जूयानियरा, सो य जीवाणुकंपयाए निवडियमेत्ताओ करेण गिण्हिऊण खिवइ जडामउडे, इओ य तेणंतेणं भगवया समं गच्छंतो गोसालो तं दइण अणत्थसीलयाए ओसरित्ता महया सद्देण वागरेइ—भो भो किं भवं सुणी सुणिओ उयाहु जूयासेजायरो ?, इत्थी पुरिसो वा ?, न सुणिज्जसि सम्मं, अहो ते गंभीररूवत्तणं, एवं च भणिए खमासीलयाए जाव वेसियायणो न किंपि जंपेइ ताव दुव्विणयरसिगत्तणेण तिन्नि वाराओ पुणो पुणो पुच्छिओ गोसालगेण ।

अह तस्स पसमसीलत्तणुणोऽविहु दुट्ठवयणमहियस्स । अइघट्टचंदणस्सव वियंभिओ तिक्कोहग्गी ॥ १ ॥

तो तेणुब्भडजालाकलावपसरप्परुद्धगयणयला । गोसालगदहणत्थं तेउल्लेसा विणिस्सिट्ठा ॥ २ ॥

एत्थंतरे जिणेणं तीसे विज्झवणपचला झत्ति । गोसालगरक्खक्खा सीयल्लेसा पडिविमुक्का ॥ ३ ॥

श्यायनस्य
प्रव्रज्या
गोसाल-
हास्यं तेजो-
निवारणं.

॥ २२२ ॥

अह तीपे तेउलेसा वाहिरओ वेढिया समंतेण । सिग्घं चिय विज्झाया हिमवुट्ठीएव जलणकणा ॥ ४ ॥

ताहे तिलोफपहुणो अण्णणुरूवं वियाणित्तं रिद्धिं । सो खामित्तं पवत्तो इमाहि वग्गुहिं विणयणओ ॥ ५ ॥

भयवं । न नायमेवं जह सिस्तो तुमह एस दुस्सीलो । इण्हिं चिय मुणियमिमं ता इण्हिं खमह अचराहं ॥ ६ ॥

इमं च जंपमाणं वेसियायणं दद्वूण गोसालगेण भणियं-भयवं । किमेस जूयासेजायरो उम्मत्तोव पलवइ?, भय-
यया भणियं-भइ । जया तुमए मम पासाओ ओसरित्ता एसो एवं भणियो, जहान्किं तुमं मुणिमुणियो इचाइं,
तया पढमवेलाए सहित्ता ठिओ, पुणो पुणो तुमए भणियो समाणो तुज्झ दहणट्टयाए उग्गं महापमाणं सलिला-
इसिसिरवत्थुणावि अप्पडिहयसामत्थं तेउल्लेसं निसिरइ, सा य जावज्जवि तुह देहदेसं ईसि न पावइ ताव मए तप्प-
डिघायनिमित्तमंतरा ताराहिवहिमसिसिरा सीयलेसा पक्खित्ता, तप्पभावेण य तुह सरीरं तहट्टियं दद्वूण उवसंह-
यकोवचियारो ममं पडुच एवं भणित्तं पवत्तो-भयवं । न मुणियो तुज्झ एस सिस्तो, ता मरसियवो मम दुव्विण-
उत्ति । इमं च आयन्निऊण गोसालगो भयसंभंतो भयवंतं भत्तीए पणमिऊण भणइ-कहं नं भंते ! तेउल्लेसालद्धी
हवेजा?, भयवया वुत्तं-जे णं गोसालया ! छट्ठंछट्टेणं निरंतरेणं तवोकम्मणेणं आयावेइ, पारणगदिवसे य सनहाए
खुवत्तकुम्मासमुट्ठीए एगेण य सलिलचुलुगेणं जावेइ जाव छम्मासां, तस्स विउला तेउल्लेसा संपज्जइत्ति । इमं च
तपिहाणं सम्मभवधारियं गोसालगेणं ।

अन्नया य सामी कुमारगामनयराओ सिद्धत्थपुरंमि संपट्टिओ, संपत्तो य पुव्वभणियतिलथंवपएसं, तओ पुच्छिओ गोसालगेण भयवं-सो तिलथंवो मन्ने न निप्फन्नो होजा?, भगवया भणियं-भद्! मा एवं उल्लवेसु, निप्फन्नो चेव सो अमुगप्पएसे वट्टइत्ति वुत्ते गोसालो भयवओ वयणमसद्दहंतो गंतूण तस्स एगंते निहितस्स तिलथंवस्स तिलसंगलियं हत्थेण फोडित्ता तिले पत्तेयं गणमाणो भणइ-नूणं सव्वजीवा एवं परियट्टिऊण भुज्जो भुज्जो तत्थेव नियसरीरगे उववज्जंत्तित्ति वाढं पउट्टपरिहारं नियइवायं च सम्ममवलंवेइ । अन्नया य सो तेउलेसासाहणत्थं भयवंतं विमुत्तूण गओ सावत्थिं नयरिं, ठिओ कुंभकारसालाए, कयं छम्मासियमुग्गं तवकम्मं, सिद्धा तेउलेसा, विन्नासिया कूवतडट्टियाए दासीए सरीरदहणेणं, तओ जायनिच्छओ पमुइयमाणसो अणवरयकोऊहलावलोयणस-यणहो गामागराईसु परिभमिउमारद्धो ।

अह अन्नया कयाई अट्टुंगनिमित्तसत्थपत्तट्टा । पासजिणनाहसिस्सा सिढिलियसद्धम्मवावारा ॥ १ ॥
कोऊहलेण गामागरेसु उस्सिखलं परिभमंता । गोसालगस्स मिलिया जाओ य परोप्परुल्लावो ॥ २ ॥
सिद्धं च तेहिं गोसालगस्स सनिमित्तसत्थलवमेत्तं । तेणावि सो वियंभइ जणस्स तीयाति सार्हितो ॥ ३ ॥
पयइइ च्चिय उट्टुमरसीलयं तस्स को तरइ कहिउं? । पाउब्भूयाइसयस्स किं पुणो पावनिरयस्स? ॥ ४ ॥
भयवंपि तेण रहिओ हरिणंको इव विडप्पपम्मुक्को । अब्भहियसस्सिसरीओ विहरइ वसुहं विगयमोहो ॥ ५ ॥

इय निरुपमसंजगभूरिभारधरणेफधीरधवलस्त । वीरस्त भुवणगुरुणो चरिए तइलोकवित्थरिए ॥ ६ ॥
यदुऽणत्थसत्थसालयगोसालयदुघिणेयपडिचद्धो । वित्थरओ पत्थावो समत्थिओ छट्ठओ एस ॥ ७ ॥ जुम्मं ।
इति गोसालदुघिणयपडिचद्धो छट्ठो पत्थावो सम्मत्तो ॥

॥ इति पष्ठः प्रस्तावः ॥

अथ सप्तमः प्रस्तावः

गोसालएण सहियस्त सामिणो संसिया उ उवसग्गा । एगागिणो उ एत्तो जह जाया ते तह कहेमि ॥ १ ॥
अह पलयपयंडानलाणुरुवधम्मज्झाणनिज्झोसियासुहमलोवलेवो दाहोत्तिण्णजच्चकंचणच्छाएण पभापसरेण समु-
ग्गमंतदिणयरनियराउलं दिसियक्कवालं कुणंतो सो महावीरजिणवरो कमेण विहरमाणो वेसालिं नयरिं संपत्तो,
तत्थ य अहिगयजिणभणियजीवाजीवाइनचपयत्थो विविहाभिग्गहग्गहणनिग्गहियाविरइभावो भवभयारद्धसुविसु-
द्धाणुपवाइसावगधम्मो सिद्धत्थनरवइवालमित्तो संखो नाम गणराया, सो य भयवंतं पच्चभिजाणिऊण पराए
मत्तीए महया रिद्धिसमुदएण सक्कारेइ, अह कइवयदिणावसाणे सामी वाणियगामे पट्ठिओ, तस्त य अंतरा रंगं-
तभंगुरतरंगा महाजलुप्पीलपूरियपुलिणा महिलाहिययं व दुग्गेज्झमज्झा रणभूमिच्च कच्छवयमयरहिया गंडईया नाम

महानई, तं च सामी नावाए समुत्तिन्नो समाणो वेलुयापुलिणंसि सुल्लनिमित्तं वरिओ नाविगेहिं, एत्थ य पत्थावे दिणद्धसमओ वट्टइ, खरं तावंति वेलुयं सूरस्स करपहकरा, तीए य संतप्पइ कमलकोमलं चलणतलं जिणस्स । इओ य तस्सेव संखस्स गणराइणो भाइणिज्जो चित्तो नाम द्वयकज्जेण पच्चंतराइणो समीवे गंतूण नावाकडएण पडिनियत्तो पेच्छइ य तहट्टियं सामिं, तओ ते दुव्वयणेहिं बहु तज्जित्ता सोयावेइ, महिमं च से करेइ । अह—

सुसमाहियमणपसरो संरक्खंतो चराचरं लोयं । विविहपडिमाविसेसे पइदियहं चेव फासंतो ॥ १ ॥

कत्थइ निंदिज्जंतो उस्सिंखलखलजणेण कुविएणं । कत्थइ थुणिज्जमाणो नमंतसामंततियसेहिं ॥ २ ॥

कत्थइ पागयजीवियविणासखमतिकखआवयकंतो । कत्थइ अणुकूलजणोह्विहियपूयामहामहिमो ॥ ३ ॥

उभयत्थवि धम्मतुलं व चित्तवित्तिं समं चिय धरंतो । विविहाउ भावणाओ भावित्तो भमइ वसुहाए ॥ ४ ॥

तस्स य भगवओ अणेगतवोविहाणनिरयस्स न मणागंपि कंपिज्जइ मणो पढमुम्मिल्लमाणसारसहयारमंजरी-
पुंजपरिमलमित्तंभमिरभमरभमरोलिरोलरमणीएण पल्लविल्लकंकिल्लिसरलसल्लईपमुहदुमसंडेण कन्नाडचेडीनिडाल-
विलुलंतोलयवल्लरीचलणलंपडदाहिणानिलाडंवरिल्लेण पवरनेवत्थकुरंगनिज्जिज्जंतचचरीरवुहीरिउद्दाममयरद्धएण महु-
समएण १ न य पयंडमायंडमंडलुल्लसियपवलकिरणजालकरालियभुवणंतरालेण तण्हभिभूयवप्पीहगनिवहघोरसर-
संछाइयावरसदंतरेण खरसमीरसमुद्धुयदुहफरिससकरुकरुवक्कमणदुग्गमेण निदाहकालेण २ न य घोरघोसघणाघण-

गयघडाडोवडरियपथियसत्थेण विप्फुरंतविज्जुपुंजुप्पिच्छपउत्थकामिणीहिययदारिणा पहिड्ढनीलकंठकोलाहलिल्लेण
 पाउसकालेणं ३ न य विसट्टकंदोट्टकमलकल्हारपरागधूसरियरायहंसेण परिपक्कसस्ससंपयाभिरामधरणीमंडलेण गइंद-
 दाणगंधसरिच्छातुच्छसत्तच्छयपुप्फगुच्छुच्छलंतामोयवासियदियंतरालेण सरयकालेण ४ न य फुल्लंतफलिणीमंजरीपुंज-
 पिंजरियवणविभागेण पहिड्ढपामरारद्धवणमलणुत्तालकंकेल्लिकलकललक्खिज्जमाणगामसंनिविसेण हेमंतागमेण ५ न य
 हिमनुसारसंमिलियसिसिरसमीरपकंपंतपहियमुक्कसिक्कारकेउणा ठाणठाणपज्जालियग्गिट्टियपासपासुत्तपावासुयनिवहेण
 परिफुट्टकुसुमट्टहासहसिरुज्जाणाभोगेण सिसिरसमएणंति ६ ।

इय धम्मज्झाणनिवेसगाढवक्खित्तचित्तपसरस्स । छप्पिवि उउणो पडुणो भीयव्व कुणंति न वियारं ॥ १ ॥

एवं च विहरमाणो वाणियगामं नगरमुवागओ, ठिओ य तस्स वहियाविभागे काउसग्गेणं । तत्थ य नयेरे
 आणंदो नाम सावओ, सो य छट्ठंछट्ठेणं निरंतरेणं तवोविसेसेण आयावेइ, तस्स य तवप्पभावेणं ओहिन्नाणं
 समुप्पन्नं, तयणुभावेण य सो पडिमापडिवन्नं जयगुरुं दट्टूण अच्चंतभत्तिभरनिच्चरंगो गओ सामिसमीवं, जहा-
 विहिं वंदित्ता भणिउमाढत्तो य-भयवं ! चिरमहियासिया दुस्सहपरीसहा तुमए, अहो तुम्ह वज्जसारसरीरत्तणं अहो
 निप्पकंपत्तणं, पत्तं च इमस्स किलेसस्स तुम्हेहिं फलं, जओ कइवयवरिसेहिं केवलणाणमुप्पज्जिहित्ति भणिऊण गओ
 सगिहं । सामीवि तत्तो निक्खमित्ता सावत्थीनयरीए विचित्ततवकम्मसणाहं दसमवासारत्तं अइवाहिऊण नयरीय

श्रीगुणचंद्र
महावीरच०
७ प्रस्तावः

॥ २२५ ॥

वाहिंमि कयपारणगो साणुलद्वियनामंमि य गामे वच्चइ । तत्थ य भदं पडिमं ठाइ, तहिं च अणसिओ पढमं पुवा-
भिमुहो एगपोग्गलणिसियदिट्ठी दिवसमसेसमच्छिऊण रयणिंमि दाहिणाभिमुहो ठाइ, तओ अचरेण दिवसं उत्तरेण
रत्तिं, एवं छट्टुतवोकम्मेण इमं भदपडिमं सम्ममणुपालिऊण सामी अपारिउं चैव महाभदं ठाइ, तीए य पुवाए दिसाए
अहोरत्तं, एवं चउसुवि दिसासु चत्तारि अहोरत्ताइं, पलंविद्यभुयपरिहो उस्सग्गेण ठाऊण दसमेण इमं समत्थेइ ।
पुणो अकयपारणगो सवओभदं पडिमसुवसंपज्जइ, एईएवि पुवाइयासु तमापज्जवसाणासु दससुवि दिसासु उस्सग्गेण
अच्छइ, नवरं उट्टुदिसाए जाइं उट्टुलोइयाणि दवाणि ताणि ज्ञायइ, अहोदिसाएवि हिट्टिल्लाणित्ति । एवं एयं वावीस-
इमेण पज्जंतमुवाणेइ । समत्थियासु य इमासु तिसुवि पडिमासु दढं परिसंतो भयवं, जाए य पारणगसमए पविट्ठी
आणंदगाहावइस्स गेहे, तवेलं च बहुलियाभिहाणाए दासीए भंडयाणि खणीकरंतीए दिट्ठी जयगुरू, अह तप्प-
एसं संपत्तस्स तइलोकदिवायरस्स वासियभत्तं पणामियमणाए, सामिणाऽवि असंभंतेण जोग्गंति कलिऊण पसा-
रियं सभावसोणिमासुभगं पाणिसंपुडं, परमसद्धाविसेसमुवहंतीए दिन्नमेयाए, एत्थंतरे दुक्करतवचरणपज्जवसाणजाय-
जिणपारणयपहिट्टुहयहियएहिं सुरासुरकिन्नरनिवहेहिं पूरियमंवरतलं, सुक्का य पंचरायकुसुमसमूहसणाहा अद्धतेरस-
कोडिमेत्ता कणयवुट्ठी, ताडियाइं चउविहत्तूराइं, जाओ य जणाण परितोसो, सा य बहुलिया दासी ण्हाविया
नरवइलत्तच्छायाए, अवणीयं से दासित्तणं ।

ऋतुपट्टेना-
नभिभवः
भद्रादिप्र-
तिमाः.

॥ २२५ ॥

इय एत्येव भवंमिवि विसिद्धभक्तीं पत्तदाणेणं । पाविज्जइ घणरिद्धी समुद्धुरा किं पुणऽण्णभवे? ॥ १ ॥

एत्तोयिय रुंदोविहु भवन्नवो गोपयं व लीलाए । दुक्करतवविरहेणवि लंघिज्जइ पुन्नवंतेहिं ॥ २ ॥

लब्भइ तिलोयलच्छी लब्भइ सधंपि कामियं सोक्खं । एकं चिय नवि लब्भइ सुपत्तदाणं जयपहाणं ॥ ३ ॥

नाणंपि तवोवि हवेज्ज निप्फलं कहवि दिव्वजोएणं । दिंनं सुपत्तदाणं वभिचरइ न नूण कइयावि ॥ ४ ॥

इय जाणिऊण कलाणकोसकलणेक्कपचले दाणे । न करेज्जा नणु जत्तं को अत्तसुहं समीहंतो? ॥ ५ ॥

अह जयगुरु तत्थ पारिण्ण वहिया विहरिउमारद्धो । अन्नया य गामाणुगामेण गओ बहुमेच्छजणसंकुलाए
दडभूमीए, तत्थ य पेढालाभिहाणस्स गामस्स वहिया पेढालुज्जाणे पोलासचेइए अट्टमेणं तवोकम्मेणं अपाणएणं
ईसिं ओणयकाओ अचित्तलुक्खपोग्गलनिवेशियानिमेसनयणो गुत्तसविंदियगामो सुप्पनिहियगतो अहोपलंविद्य-
मुयदंडो सुसिलिट्ठसंठवियनिचलचलणो दुरणुचरं कायरनरुद्धोसकरं एगराइयं महापडिममारभेइ । एत्थंतरे
सोहम्माए सभाए नाणामणिरयणभासुरकिरणपज्जलंतमहंतसिंहासणसुहासीणो अणेगसुरसुरंगणाकोडाकोडिसंबुडो
किरीडाइवराभरणपहाविच्छुरियदेहो पुरंदरो तद्दा पडिमापडिवन्नं जयनाहमोहिए पलोइऊण तक्खणविमुक्का-
सणो अयंतभत्तिभरनिंभरंगो पुणरुत्तनिडालताडियमहीवट्टो पणमिऊण आणंदसंदोहसंदिरीए सब्भूयत्थगुणगणु-
न्भासणसमत्थाए परमपक्खवायसुंदराए गिराए सुचिरं संथुणिऊण य निस्सामन्नं सामिणो अस्सामन्नगुणपब्भारं हि-

ययंमि धरिउमपारयंतोव थुणिउं पवत्तो-भो मो तियसा ! एस भगवं महावीरो पंचसमिओ तिगुत्तो अकोहो अमाणो
अमाओ अलोभो अणासवो अममो अकिंचणो संखोव निरंगणो जच्चकंचणं व जायखुवो जीवोव अप्पडिहयगमणो
गयणंपिव निरालंबणो समीरणोव अप्पडिवद्धो सायरसलिलं व सुद्धहियओ पुक्खरपत्तं व निरुवलेवो कुम्भुव
सुगुत्तिदिओ खग्गविसाणं व एगो विहगोव विप्पसुक्को भारुंडपक्खिव अप्पमत्तो मंदरो इव निप्पकंपो सागरो
इव गंभीरो चंदो इव सोमलेसो दिवायरोव दित्ततेओ कुंजरो इव सोडिरो पंचाणणोव दुद्धरिसो वसभोव
जायथामो वसुंधरव सव्वासाविसहो घयमहुसित्तो हुयासणोव तेयसा जलंतोत्ति, तहा एयस्स भगवओ न कत्थइ
पडिवंधो समुप्पज्जइ, सो य चउव्विहो, तंजहा-द्वओ खेत्तओ कालओ भावओ य, तत्थ दव्वओ माया मे पिया मे
भाया मे सुहिसयणसंगंथसंथुया मे सच्चित्ताचित्तमीसाणि य दव्वाणि मे, एवं न ममीकारो जाएज्जा, खेत्तओ य-
गामे वा नगरे वा रत्ते वा खेत्ते वा खले वा घरे वा अन्नत्थ वा तहप्पगारे पडिवंधो न हविज्जा, कालओ य-
समए वा आवलियाए वा आणपाणए वा खणे वा सुहुत्ते वा दिवसाइए वा न ममत्तं जाएज्जा, भावओ य-कोहे
वा माणे वा मायाए वा लोभे वा पेजे वा दोसे वा कलहे वा अब्भक्खाणे वा पेसुत्ते वा परपरिवाए वा अरइ-
रइए वा मायामोसे वा मिच्छादंसणसले वा न ममत्तं उप्पजेज्जत्ति । तहा एसो भगवं वासारत्तवज्जं अट्टगिम्हहे-
मंतियमासेसु गामे एगराइए नगरे पंचराइए ववगयहाससोगभओ निरहंकारो निग्गंथो वासीचंदणकप्पो समत-

णमणिलेट्टुकंचणो समसुहदुक्खो इहलोयपरलोयअप्पडिवद्धो जीवियमरणेसु निरवकंखी पुव्वज्जियकम्मसंघनिग्घाय-
णट्टाए अब्भुट्ठिओ विहरइ । किं च—

एयं महाणुभावं नियधीरिमतुलियतिहुयणजणोहं । नो धम्मज्झाणाओ खमंति संखोहिउं केई ॥ १ ॥

देविंदा तियसा वा जक्खा रक्खा व खयरवग्गा वा । भूया महोरगा वा अणप्पमाहप्पजुत्तावि ॥ २ ॥

अवि चालिज्जइ मेरू पल्हत्थिज्जइ महीवि पायाले । ससिसूरविमाणाणिवि वलिणा केणवि दलिज्जंति ॥ ३ ॥

अवि सोसिज्जंति महण्णवावि बहुमीणमगरभीमावि । न य भगवं चालिज्जइ ज्ञाणाओ तिहुयणेणावि ॥ ४ ॥

इय सोचा जायपयंडकोवदट्टोट्टभीमभिउडिमुहो । दोसाण संगमो इव संगमओ नाम गिघाणो ॥ ५ ॥

सुरवइसमाणविभवो तक्कालविमुक्कलज्जमज्जाओ । ववगयविवेयभावो सया अभवो भणइ सकं ॥ ६ ॥

सामि ! किमेवं भण्णह निग्गुणमवि समणयं सुरसहाए । अहवा सच्छंदाविय सोहंति पहूण उल्लावा ॥ ७ ॥

सचं चिय सुविसुद्धा जइ होज्ज इमस्स कावि चंगिमया । गिहपालणं विमोचुं ता किं पासंड मंडेज्जा ? ॥ ८ ॥

गिहवासाओवि न धम्मकम्ममन्नं वयंति किर कुसला । कीवत्तणेण चत्ते य तंमि किं संसणिज्जमिह ? ॥ ९ ॥

वागरियं जं च तए ज्ञाणाओ एस सुरवरोहिंषि । नो तीरइ चालेउं तंपि न वोचुं खमं तुज्झ ॥ १० ॥

जे लीलाए चिय पाणिपल्लवे संठवंति भूवीढं । गुरुसिहरभरकंतं गोलं व तुलंति मेरुंषि ॥ ११ ॥

श्रीगुणचंद्र
महावीरच०
७ प्रस्तावः

॥ २२७ ॥

वायामेत्तेणवि तिहुयणंपि कुविया खिवंति जमवयणे । निवडियगुणाण सुराण ताण को वहउ समसीसिं ? ॥१२॥
जइ सहहेसि एयं ता अच्छउ खोभिएण किं इमिणा ? । अह नो ता पेच्छ जहा भग्गपइण्णं नियत्तेमि ॥ १३ ॥
इय भणिए पुरंदरो विचिंतेइ-अहो महापावपडलविलुत्तविवेओ सवहा एस, अओ जइ एत्थ पत्थावे निवा-
रिज्जइ ता निच्छियं इमं परिकप्पेज्जा-सुरवइसामत्थेण एस भगवं तवोकम्ममविचलचित्तो कुणइ, न उण सत्ति-
एत्ति परिभाविऊण ठिओ मोणेणं । संगमयसुरोऽवि अतुच्छमच्छरमुव्वहंतो निवारिज्जमाणोऽवि नियपहाणपरियणेण
केत्तियमेत्तो एस ? अज्जेव खोभेमि इमंति पइण्णं काऊण नीहरिओ अत्थाणीमंडवाओ, गओ भगवओ समीवं, तओ
दंसणवसुप्पन्नगाढकोवेण विउंविओ पलयकालोव पवलो धूलिनिवहो, तेण य चलणजुयलाओ आरब्भ जाव अ-
च्छीणि सवणा य ताव पच्छाइओ, सामी जाओ निरुस्सासो, नवरि तिलतुसत्तिभागमेत्तंपि न चलिओ ज्ञाणाओ,
अचलियचित्तं च नाऊण कओ अणेण कुलिसकटिणचंडतुंडभीमो पिवीलियासमूहो, सो य लद्धावयासो दुज्जणोव
जिणं विइविउं पवत्तो, किंतु निब्भग्गजणमणोरहोव जाओ निप्फलो, तओ दुन्निवारे सूइतिक्खसुहे उहंसे पेसेइ,
तेहिवि अखोभिज्जमाणे भुयणवंधवे वइलाओ चंडसुहमंडलाओ निवत्तेइ, ताहिवि खज्जमाणसरीरे निप्पकंपे जयनाहे
निम्मिया पिंगलसरीररुइणो अतुच्छपुच्छविसालिद्धकटिणकंटया विच्छुया, तेसुवि जहासत्ति कयप्पहारपडिहयसामत्थेसु
पसरंतमच्छरेणं विउंविआ दाढाकडप्पकराला नउला, तेहिंपि अभिभवियं भयवओ सरीरं, न उण ईसिंपि सत्तं,

शक्रप्रशंसा
संगम-
प्रतिज्ञा.

॥ २२७ ॥

अह सविसेसवियंभियकोवप्पसरेण तेण तियसेण । मुक्का फुरंतफणरयणभासुरा दुस्सहा भुयगा ॥ १ ॥
 चंदणतरुणोष तणू जिणस्स आवेढियं दढं तेहिं । अइतिकखदीहदंतग्गदसणतंडवियतुंडेहिं ॥ २ ॥
 न मणागंपि विचलियं तिलोयनाहं पलोइउं तियसो । ताहे मूसगनिवहं निवत्तइ दिवसत्तीए ॥ ३ ॥
 पुणरवि पयंडदोघट्टघट्टयं तक्खणं पयट्टेइ । उल्लालियसुंडादंडभीसणं सेलतुंगतणुं ॥ ४ ॥
 तेणवि विविहकयत्थणविसेससंपीडिएवि देहंमि । धम्मज्झाणाउ जिणो न चालिओ वालमेत्तंपि ॥ ५ ॥
 एवं चिय करणीहिवि पिसायनिवहेहिं एवमेव जिणो । खोभेउं पारद्धो तेणं सुरकुलकलंकेणं ॥ ६ ॥
 अचलंतंमि जिणिंदे करालदंतग्गविसिहभीममुहो । सज्जिज्जइ सहूलो तेण लहुं जिणवरस्सुवरिं ॥ ७ ॥
 अइतिकखनक्खदाढाहिं पीडिउं सोवि जयगुरुं वाढं । विज्झाओ झत्ति पउससमयदुग्गयपईवोच्च ॥ ८ ॥
 इय खलियारणनिवहे पागयजणजीवियंतकरणखमे । पकएवि जिणं दट्टुं सुनिचलं दूमिओ देवो ॥ ९ ॥
 तओ जहावट्टियखुवं सिद्धत्थरायं तिसलादेविं च विउवइ, ताणि य कलुणाइं विलवंति, भणंति य-पुत्त ! किं
 तए दुक्करमिममारद्धं ?, उज्झाहि पवज्जं आगंतूण परिपालेह अम्हे, तुह विरहे वच्छ ! असरणाणि अत्ताणाणि य
 जायाणित्ति, एएणवि जा न सक्को खोभिउं ताव खंधावारं विउवइ, सो य पेरंतेसु आवासिओ जिणस्स, तत्थ
 सूयारो पत्थरे अलभमाणो जिणचलणोवरि पिढरं ठविऊण हेट्टा वज्जानलजालणेण रंधिउं पयत्तो, अह तक्कालसवि-

सेससमुच्छलियधम्मज्झाणजलुप्पीलकलोलविज्झाविएव निष्फलत्तणं पाविए तंमि पक्कणं निम्मवेइ, सो य अणेगाइं
सउणिपंजरगाणि जयगुरुणो सवणे भुयदंडेसु खंधतलंमि जंघाजुयले य ओलंवेइ, तेहिंतो य नीहरिऊण पक्खिणो
नहसिहाहिं तिक्खग्गचंचुप्पहारेहि य विद्वंति जिणसरीरं, तथावि अखुभिए जयनाहे पइसमयवट्टंतकोवेणं उप्पा-
इओ जुगखयसमएव सकरुकरकलुसो खरानिलो, तेणावि समहियं सामिस्स पज्जालिओ कम्मतणगहणम्मि झा-
णानलो, न उण चित्तसंखोभोत्ति, पच्छा कलंकलियावायं विरएइ, तेणवि चक्काविद्धोव सलिलावत्तनिवडिओव भा-
मिओ जिणो देहमेत्तेण, न उण चित्तासएणं ।

इय एवंविहतिवोवसग्गकरणेऽवि निच्चलं नाहं । आभोगिऊण चिंतइ संगमओ जायगुरुकोवो ॥ १ ॥

वज्जसरीरो एसो खलीकओऽविहु बहुप्पयारेहिं । नो तीरइ खोभेउं किं काउं जुज्जइ इयाणिं ? ॥ २ ॥

जइ एयमुज्झिऊणं सुरालयं जामि भग्गसपइन्नो । ता सुरवइपमुहेहिं आजीवमहं हसिज्जामि ॥ ३ ॥

किंच-निययस्सवि हिययस्सा नत्थि एवं कयंमि परितोसो । पारद्धवत्थुनिच्चाहणंमि पुरिसाण पुरिसवयं ॥ ४ ॥

अहवा होउ विगोवण निहणं एयं नएमि कूडमुणिं । एयस्स विणासंमी ज्ञाणंपि विणस्सिही नूणं ॥ ५ ॥

एवंपि य निच्चाहियगरुयपइण्णाभरो भविस्सामि । सुरवइपमुहाणमहं अहीलणिज्जो य तियसाणं ॥ ६ ॥

इय निच्छिऊणं पज्जलियजलणजालाकलावसंचलियं । विज्जुलयाउलयसमयमेहचंदं व दुप्पेच्छं ॥ ७ ॥

कालायसभारसहस्सकोडिघडणुभडं महाचक्रं । जंबुद्वीपसमुगयवयणंपिहाणं व धेत्तुण ॥ ८ ॥
 उम्पइओ संगमओ दूरं गयणंगणं गुणविमुक्तो । थालकरो तइलोकं भोत्तुं लुहिओ कयंतोव ॥ ९ ॥
 तो तं सुमेरुचुन्नणयंयडमाहप्पपायडं चक्रं । मुक्कं सव्वससत्तीए तेण जयधंधुणो उवरिं ॥ १० ॥
 तेणावि जिणिंदतणू तडत्ति संताडिया गुरुभरेणं । आकरनहं निमग्गा महीए दढवज्जसंकुव ॥ ११ ॥
 तत्थवि छजीवहियं श्रायंतं जिणवरं मुणेऊणं । वेळक्खमुवगओ सो चिंतइ तियसाहमो एवं ॥ १२ ॥
 लडक्कचक्कपहओवि नेव पंचत्तमेइ जो एस । सो सत्थस्साविसओ ता संपइ किं करेमि अहं ? ॥ १३ ॥
 एवंविहोवसग्गा दिट्ठावि हरंति जीयमियराणं । किं पुण सररीरगोयरमुवागया दुस्सहा नूणं ? ॥ १४ ॥

इइ विगण्णिकुण एगूणवीसइमोवसग्गपज्जंते जइ पुण अणुकूलयाए खोभिज्जइत्ति जायविग्गमेण संगमएण
 विणिम्मियं नाणामणिकिरणचिचइयं पवरं विमाणं, तंमि समारूढो दिट्ठाभरणपहाविच्छुरियसरीरो नियंसिय-
 विमलदुगुलो दिव्वं सामाणियदेविहिं दंसेमाणो महुरेहिं वयणेहिं भयवंतं भणित्तं पवत्तो—भो महरिसि ! तुट्ठोस्सि
 तुइ सत्तेण तवेण खमाए चलेणं पारद्धवत्थुनिवहणेणं जीवियनिस्वेक्खत्तणेणं पाणिगणरक्खणुज्जयमणेण य, ता अलाहि
 एत्तो तयकिलेसाणुभावणेणं, जइ भणसि, ता पवरसुररमणीजणाभिरामं अणवरयपयट्टविसट्टनट्टं विचित्तसत्तिजुत्ता-
 मरकीरमाणच्छरियं इमिणचिय सररीरेणं तुमं नएमि तियंसालयं, अहवा उत्तरोत्तरभयपरंपरापरूढजुराइदोस-

श्रीगुणचंद्र
महावीरच०
७ प्रस्तावः

॥ २२९ ॥

निवहरहियं एंगतियसुहसणाहं पणामेमि सिद्धिनिवासं, अहवा इहेव धरामंडले मंडलाहिवसहस्ससविणयाणुस-
रिज्जमाणसासणं पउरकरितुरयरहजोहकोससंभियमेगच्छत्तं संपाडेमि नरिंदत्तणं, वरेसु एएहिं किंपि जं भे रोयइ,
उज्झसु संखोहं परिचयसु कुवियप्पंति भणिएवि जाव भयवं पलंविद्यभुओ एगग्गचित्तो धम्मज्झाणपडिवत्तो न
किंचि जंपइ ताव संगमएण अलद्धपडिवयणेण चिंतियं, जहा-दुविलंघं मयरद्धयरायसासणं, महामुणीणवि कुणइ
चित्तसंखोहं, ता तस्स सवस्सभूयाओ पेसेमि दिवकामिणीओ, जइ पुण ताहिं हीरिज्जा एयस्स मणंति कलिऊण
कओ समकालं सवेसिं उऊण समवाओ, तप्पभाविण य फुल्लिया सहयारा पल्लविया कंकिल्लिणो जायं दुद्धिणं
पयट्टो मलयमारुओ उच्छलिओ परहूयारावो मउरिया नीवा पणचिया वरहिणो वियंभिओ य कमलपरिमलो
जायाइं कासकुसुमपंडुराइं दिसिसुहाइं, मुक्का भगवओ पेरंतेसु दसद्धवत्ता कुसुमवट्टी, तयणंतरं च विसज्जि-
याओ विविहसरमंडलपहाणगेयकुसलाओ करणप्पवंचमणहरनट्टविहिवियक्खणाओ वीणावेणुप्पमुहाउज्जसंजुयाओ
पवरालंकारधारिणीओ तियसविलासिणीओ, संपत्ताओ य जयगुरुसमीवं, सविलासं वियंभिउं पवत्ताओ य,
कहं चिय ?—

उब्भडसिंगारसनादेहलायन्नजलपवाहेण । सरियव वणाभोगं लीलाए पूरयंतीओ ॥ १ ॥

पम्हलविसालदीहरतरलच्छिच्छोहचक्कवालेणं । दिसिदिसिविसट्टकंदोदट्टपयरसंकं कुणंतीओ ॥ २ ॥

चक्रमोचनं
अनुकूलो-
पसर्गः,

॥ २२९ ॥

काभोवि कुणंति नमंतसीसनिवडंतकुसुमदामाभो । जिणसंगमसोकखुकंखिरीउ बाढं पयावणइं ॥ ३ ॥
 काओऽविदु गलियंसुयसंजमणमिसेण पायडिंति पुरो । जयगुरुणो पीवरकणयकलसपरिरेहिणं सिहिणं ॥ ४ ॥
 मिच्छबियं कारुणियत्तणं तुमं उघहेसि हे सुहय ! । मयणसरजज्जरंगंपि जं न रक्खेसि जुवइजणं ॥ ५ ॥
 मुंच कढिणत्तणं देहि नाह ! पडिवयणमम्ह दुहियाणं । पेम्मपरायत्तमणं सप्पुरिसा नावहीरंति ॥ ६ ॥
 तुइ दंसणमेत्तेणवि दसमदसं पाविउव एस जणो । एत्तोऽवि मा उवेहसु एवं तज्जंति काओऽवि ॥ ७ ॥
 इय सविलासं सुरकामिणीहिं पायडियवहुवियाराहिं । न मणागंपि विचलियं चित्तं ज्ञाणाओ जगगुरुणो ॥ ८ ॥
 जह उग्गयंमि सूर अखुभियहिययं पलोइउं नाहं । संगमओ हयसत्ती चिंतिउमेवं समाढत्तो ॥ ९ ॥
 अणुकूलवसग्गेहिवि न चलइ एसो मुणी महासत्तो । ता किं एत्तो मोत्तुं एयं वच्चामि सुरलोए ? ॥ १० ॥
 अहवा न जुज्जइ इमं काउं मे दीहरेण कालेण । उवसग्गियस्स जइ पुण इमस्स चित्तं पकंपेज्जा ॥ ११ ॥
 इय कलुसासयगोयरगएण तइलोककबंधुणो धणियं । उवसग्गं गामेविदु विहरं परिचत्तभत्तस्स ॥ १२ ॥
 वालुयपंध सुभूमे सुछेत्त मलयंमि हत्थिसीसंमि । ओसलिमोसलितोसलिपमुहेसुं संनिवेसेसुं ॥ १३ ॥
 ते केवि तेण तियसाहमेण विहरंतयस्स उवसग्गा । विहिया अइदुविसहा जे कहिउंपि इ न तीरंति ॥ १४ ॥
 एएणं चिय ते कारणेण चरिए न एत्थ वित्थरिया । सिद्धंताओ कुसलेहिं किंतु सयमेव नायवा ॥ १५ ॥

श्रीगुणचंद्र
सहावीरच०
७ प्रस्तावः

॥ २३० ॥

एवं तदुवसग्गवग्गावि अविचलचित्तो गामाईणं वहिया बहुकालं गमिऊण सामी छम्मासियं पारणयं काउकामो
समागओ वयगामे गोउलंभि, तत्थ य तद्विसं ऊसवविसेसो, सवत्थ पायसं उवक्खडिज्जइ, तिहुयणेकनाहोऽवि अण-
वरयमुवसग्गवग्गं कुणमाणस्स संगमयामरस्स जाया छम्मासा नेव उवसग्गेइ संपयं, जइ पुण परिस्संतो सट्ठाणं
गओ होज्जा, इय विगप्पिऊण पविट्ठो भिक्खानिमित्तं, संगमएणवि तत्थ पत्थावे जहिं जहिं गिहे भयवं वच्चइ
तहिं तहिं समारंभिया अणेसणा, सामिणाऽवि पउत्तो ओही, सुणिओ य एसो, तयणंतरमद्धहिंडिओ चेव
नियत्तिऊण ठिओ पडिमाए, संगमएणावि आभोइओ भयवं,—किं भग्गपरिणामो नवत्ति?, जाव पेच्छइ ताव छल्लीव-
हियमेव परिचितियंतं जिणवरं, ताहे संखुद्धो चिंतेइ—जो छहिं मासेहिं भूरिप्पयारोवसग्गेहिं अणवरयं कीरमाणे-
हिवि न चलिओ सो दीहेणावि कालेण न सक्को चालिउं, निरत्थओ मज्झ उवक्कमो, दीहकालं चुक्कोऽम्हि सुर-
विलासाणं, अहो नियसामत्थमचिंतिऊण कहं मए अप्पा विनडिओ? । इय बहुप्पयारोहिं नियचिद्धियं दूसिऊण
निवडिओ भगवओ चलणेसु, भणिउमाढत्तो य—भयवं! भग्गपइन्नोऽहं, तुव्भे पुण समत्तपइन्ना, अवितहं भणियं
महाणुभावेण सभागएण सुरवइणा, केवलं दुट्ठु कयं मए जं न तइया सहहियं ।

अलमेत्तो भणिएणं खमेसु मे पुव्वदुक्कडं कम्मं । उवसंतोऽहं संपइ तुह उवसग्गं न काहामि ॥ १ ॥
ता वच्चसु निस्संकं गामागरपमुहविविहठाणेसु । पविससु भिक्खनिमित्तं किलिस्ससे किं छुहाभिहओ? ॥ २ ॥

अप्सरउप-
सर्गः व्रज-
ग्रामेऽप्य-
शुद्धिः ।

॥ २३० ॥

एतन्तरंमि भणियं जिणेण संगगय ! मुंच मम तत्ति । पत्थावे चिय अम्हे सकज्जकिरियासु वट्टेमो ॥ ३ ॥

इय सोउं जिणनाहं पणमिय परमायरेण संगमओ । अइपावभरकंतोवि पट्टिओ सुरपुराभिमुहं ॥ ४ ॥

इओ य-सोहम्मे देवलोए तंकाळं सवे देवा देवीओ य उच्चिग्गा निराणंदा निरुच्छाहा अच्छंति, सकोऽविय मुक्खिलेवणालंकारो समुच्चियपेच्छणयाइविलासो परिचितेइ—अहो एत्तियमेत्तस्स भगवओ अणत्थसत्थस्स अहं मूलकारणं जाओ, जओ मम पसंसाकुविएण इमिणा सुराहमेण इमं महापावं ववसियंति, एतन्तरे सयलंतइलोयजी-परासिविणासजणियपावपंकविलित्तोव नीसेसावजसंपंसुपडलविलुत्तगतोव अकल्लाणावलीकलिओव पणट्टपुवकंति-पभारो पडिभग्गपइन्नाविसेसुम्मिलंतलज्जाभरसंकुचियलोयणो संपत्तो सोहम्मसभाए संगमयाहमो । तं च दट्टण पुरंदरो ठिओ परंमुहो, भणिउमारद्वो य—

भो भो सुरा ! निसामह मम वयणं एस संगमयदेवो । चंडालो इव तुम्हं दट्टंपि न जुज्जइ कयावि ॥ १ ॥

एएण पावमइणा चिरमवरद्धं निराणुकंपेण । जं अम्ह पूयणिज्जो कयत्थिओ तिहुयणेक्कपहू ॥ २ ॥

जइ ताव इमस्स नत्थि पडिभयं भीमगुरुभवार्हितो । ता किं ममवि न भीओ ववसंतो दढमकज्जमिमं ? ॥ ३ ॥

जह जयगुरुणा निचलसामाइयगुरुभरो समुक्खित्तो । तह किं मएवि जं एस मज्झ संकंपि नो कुणइ ? ॥ ४ ॥

एएण जिणिंदऽवमाणणेण जणिओ पयंडपावभरो । तुम्हे पुण इत्थ ठिया पाविहिह इमस्स संगेण ॥ ५ ॥

किमहमिमं निग्गहिउं सक्को नेवोवसग्गकालंमि ? । किंतु मुणिस्सइ एसो हरिस्स निस्साएँ तवइ जिणो ॥ ६ ॥
पज्जत्तं एत्तो जंपिण्ण निव्विसयमाणवेह इमं । वरि सुन्न चिय साला मा भरिया चोरवग्गेण ॥ ७ ॥
इय सुरनाहेण सरोसभासिणा चलणकोडिणा विवसो । निच्छूढो संगमओ एगागी सुरपुरीहिंतो ॥ ८ ॥

एवंविहं च माणमलणं पेच्छिऊण चिंतियं संगमएण—अहो एयाइं ताइं असमिक्खियकयाइं पायडीहवंति संपइ
दुव्विलसियाइं, इय झूरिऊण सो जाणएण विमाणेण पट्टिओ मंदिराभिमुहं, तओ अक्कोसिज्जमाणो सुरविलयाहिं
हीलिज्जमाणो नियपरिवारेण पेच्छिज्जमाणो सक्कसुहडेहिं उवेहिज्जमाणो सामाणियदेवेहिं नीहरिऊण सुरपुरीओ
ठिओ मंदरचूलियाए, तस्स य सागरोवमं सेसमाउयंति । इओ य—से अग्गमहिसीहिं विन्नविओ पुरंदरो—जइ सामि !
तुम्ह आएसो हवइ ता अम्हे पियमणुसरामो, तओ विसज्जियाओ य इंदेण, सेसो पुण परिवारो पडिसिद्धोत्ति ।

इओ य—भयवं वद्धमाणसामी जायंमि निरुवसग्गे तत्थेव गामे वीयदिवसे पविट्टो गोयरचरियाए, हिंडंतो य
समागओ वच्छंवालयेरीगिहे, तओ तीए भत्तिभरनिस्सरंतपयडपुलयपडलाए वासियपायसभत्तेण पडिलाभिओ
छमासस्स निरसणो भयवं । एत्थंतरे चिरकालजायजिणपारणगदंसणपरितुट्टेहिं अहासन्निहियसुरनिवहेहिं पहयाइं
तूराइं मुक्का कणगवुट्टी परिखित्तो कुसुमनियरो वरिसियं गंधोदयं अहो दाणमहो दाणंति उग्घोसणा कया, तत्थेव
ताव जाया अदरिहा थेरी । अह सामी निव्ववियसरीरो गओ आलभियाभिहाणं नयरिं, तत्थवि पडिमापडिवन्नस्स

भक्तिनिम्बरो हरीनाम विज्जुकुमारिंदो तिपयाहिणापुव्वगं निवडिऊण चलणेसु संथवं काउं पवत्तो । कहां?—

जय निज्जियदुज्जयकुसुमवाण !, अविणस्सरपावियसुहनिहाण ! ।

उवसग्गवेरसमरेक्कधीर !, तुह सच्चं नाउँ जिणिंद वीर ! ॥ १ ॥

संसारजलहिनिवडंतसत्त !, पइं एक्किं रक्खियवहुदुहत्त ।

तुह सुमरणमित्तेवि पावरासि, नासइं तिमिरं पिव रविपयासि ॥ २ ॥

तुह दंसणमेत्तेऽवि जे न बुद्ध, ते तिव्वदुक्खलक्खेहिं रुद्ध ।

तुह चलणकमलमुइंकियस्स, भइइं होंति धरणीयलस्स ॥ ३ ॥

स कयत्थ जाय हरिहरिणपमुह, भुवणेसर ! ते तेरिच्छनिवह ।

गिरिकंदरपडिमासंपवन्नु, तुहं दिहु जेहिं जिण ! कणयवन्नु ॥ ४ ॥

तावच्चिय घोरभवाडवीए, निवडंति जीवा दुहसंकडाए । जावऽज्जवि तुम्ह पयारविंद—सेवं कुणंति नो जिणवरिंद ! ॥ ५ ॥

हिमवंतपमुहकुलपवएसु, खीरोयहिचेइरसायलेसु । गायंति कित्तिं तुह भुवणनाह !, किन्नरसमूह दइयासणाह ॥ ६ ॥

तुह एकह कह वित्तारु पत्त, नीसेसकहंतर जणिहिं चत्त । उइयंमि अहव रविमंडलंमि, खज्जोय न सोहइं नहयलंमि ॥ ७ ॥

इय विज्जुकुमारिंदो थोउं कहिउं च केवलुप्पत्ती । पच्चासन्नं पच्छा नियभवणं अइगओ नमिउं ॥ ८ ॥

सामीवि सेयवियानयरिमुवगओ, तत्थवि हरिस्सहो नाम भवणाहिवई देवो एइ वंदइ य पियं च पुच्छइ, जहा-
भयवं ! नित्थिन्ना वहुवसग्गा, थेवमियाणि सोढव्वं, केवलनाणं च लहुं उप्पज्जिहित्ति भणिऊण जहागयं पडिनियत्तो ।
तिहुयणपह्ववि तत्तो विहरिऊण सावत्थीए नयरीए परिसरे पलंविभुयदंडो ठिओ काउस्सग्गेणं, तम्मि य दिणे
लोगो सिंगारिघसरीरो गहियसुरहिकुसुमदामो विविहविलेवणभरियकचोलयसणाहो खंदपडिमाए पूयणत्थं भयवंतं
अइक्कमिऊण गंतुं पयट्ठो । सा य खंदपडिमा तवेलं ण्हविया विलित्ता य जावऽज्जवि न समारोविज्जइ रहवरे ताव
कहं महावीरो विहरइत्ति परिन्नाणनिमित्तं पउत्तो ओही सुराहिवेण, दिट्ठो सो पुरजणो भयवंतं मोत्तूण खंदप-
डिमाए पूयामहिमं कुणमाणो, तयणंतरं ओयरिओ सुरलोयाओ, अणुपविट्ठो य खंदपडिमं, ताहे पुरंदराहिट्ठिया
चलिया भयवओऽभिमुहं खंदपडिमा, तं च सयमेव चलंतिं दट्ठूण तुट्ठो लोगो-अहो देवो ! सयमेव रहं आरुहइत्ति,
खंदपडिमावि रहं मोत्तूण गया भगवओ समीवं, तिपयाहिणदाणपुव्वयं च पडिया पाएसु, भूमितलनिविट्ठा य
पज्जुवासिउमारद्धा, लोगाऽवि तहाविहमच्छरियं पेच्छिऊण विम्हिया चिंतंति-अहो वंदियवंदणिज्जो एस कोइ
महप्पा निप्पडिमप्पभावसंगओ य ता सव्वहा न जुत्तमायरियमहेहिं जं इममइक्कमिऊण गयत्ति अत्ताणं निंदंतेहिं
सामिणो कया सव्वायरेण महिमा, अह जाए पत्थावे जयगुरू तओ पएसओ निक्खमिऊण गओ कोसंविं नयरिं,
तत्थ य उस्सग्गमुवगयस्स जयगुरूणो जोइसचक्काहिवइणो सूरससहरा सविमाणां वंदणत्थं ओयरिया वसुंधरापीठं,

विद्युत्कुमा-
रेन्द्रस्तुतिः
स्कन्दप्रति-
माकृता
उपासना.

गाढविम्हयक्खित्तनरनियरपलोइज्जमाणा यत्तिपयाहिणापुव्वयं पणमिऊण तइलोकेकल्लमल्लं जयवंधवं, निसन्ना जहो-
 इयद्वाणेषु, पुच्छिया सुहविहारवत्ता, खणमेकं च ते जिणरूवंदंसणसुहमणुहविऊण जहागयं पडिनियत्ता ।
 अह जयनाहो गामाणुगामयं विहरिऊण भूवीढं । वाणारसीएँ पत्तो तत्थ य महिओ सुरिंदेण ॥ १ ॥
 पुणरवि रायगिहंमि य फुरंतमणिरयणमंडियसिरेण । ईसाणतियसवइणा थुयमहिओ पुच्छिओ य पियं ॥ २ ॥
 महिलानयरीएवि हु पत्थिवजणगेण परमभत्तीए । धरणिंदेण य नागाहिवेण हिट्ठेण पणिवइओ ॥ ३ ॥
 गामागराइसु चिरं विहरिय पत्तंमि वरिसयालंमि । एकारसमे सामी वेसालीएँ पुरीएँ गओ ॥ ४ ॥
 तसपाणवीयरहिए थीपसुपंडगविव्रज्जिए ठाणे । चाउम्मासियखमणं पडिवज्जित्ता ठिओ पडिमं ॥ ५ ॥
 भूयाणंदो य तहिं भुयगवई भगवओ भवभएण । भत्तिभरनिब्भरंगो पूयामहिमं पयंटेइ ॥ ६ ॥
 अह तत्थेव पुरीए सावगधम्मंमि वद्धपडिवंधो । दक्खिन्नदयापसमाइपवरगुणरयणरयणनिही ॥ ७ ॥
 नामेण जुन्नसेट्ठी सुसावगो वसइ विस्सुयजसोहो । अन्नो मिच्छादिट्ठी अहिणवसेट्ठित्ति नामेण ॥ ८ ॥
 एगम्मि वासरंमी कज्जवसा नयरि वाहि नीहरिओ । सो जुन्नसेट्ठी सहो परमवियहो गुणहो य ॥ ९ ॥
 पेच्छइ कंचणसच्छहसरीरकरपसरभरियनहविवरं । नीसेसलक्खणधरं उस्सग्गठियं महावीरं ॥ १० ॥
 तं पेच्छिऊण निच्छउमजायसवण्णुनिच्छओ सहसा । हरिसुच्छलंतरोमंचकंचुओ वंदिउं सामिं ॥ ११ ॥

श्रीगुणचंद्र
महावीरच०
७ प्रस्तावः
॥ २३२ ॥

सामीवि सेयवियानयरिमुवगओ, तत्थवि हरिस्सहो नाम भवणाहिवई देवो एइ वंदइ य पियं च पुच्छइ, जहा-
भयवं ! नित्थिन्ना बह्वसग्गा, थेवसियाणि सोढवं, केवलनाणं च लहुं उप्पज्जिहित्ति भणिऊण जहागयं पडिनियत्तो ।
तिहुयणपह्ववि तत्तो विहरिऊण सावत्थीए नयरीए परिसरे पलंविअभुयदंडो ठिओ काउस्सग्गेणं, तम्मि य दिणे
लोगो सिंगारियसरीरो गहियसुरहिकुसुमदामो विविहविलेवणभरियकचोलयसणाहो खंदपडिमाए पूयणत्थं भयवंतं
अइक्कमिऊण गंतुं पयट्ठो । सा य खंदपडिमा तवेळं ण्हविया विलित्ता य जावऽज्जवि न समारोविज्जइ रहवरे ताव
कहं महावीरो विहरइत्ति परिन्नाणनिमित्तं पउत्तो ओही सुराहिवेण, दिट्ठो सो पुरजणो भयवंतं मोत्तूण खंदप-
डिमाए पूयामहिमं कुणमाणो, तयणंतरं ओयरिओ सुरलोयाओ, अणुपविट्ठो य खंदपडिमं, ताहे पुंदराहिट्ठिया
चलिया भयवओऽभिमुहं खंदपडिमा, तं च सयमेव चलंतिं दट्ठूण तुट्ठो लोगो-अहो देवो ! सयमेव रहं आरुहइत्ति,
खंदपडिमावि रहं मोत्तूण गया भगवओ समीवं, तिपयाहिणदाणपुच्चयं च पडिया पाएसु, भूमितलनिविट्ठा य
पज्जुवासिउमारद्धा, लोगोऽवि तहाविहमच्छरियं पेच्छिऊण विम्हिया चिंतंति-अहो वंदियवंदणिज्जो एस कोइ
महप्पा निप्पडिमप्पभावसंगओ य ता सवहा न जुत्तमायरियमहेहिं जं इममइक्कमिऊण गयत्ति अत्ताणं निंदंतेहिं
सामिणो कया सवायरेण महिमा, अह जाए पत्थावे जयगुरू तओ पएसओ निक्खमिऊण गओ कोसंविं नयरिं,
तत्थ य उस्सग्गसुवगयस्स जयगुरूणो जोइसचक्काहिवइणो सूरससहरा सविमाणां वंदणत्थं ओयरिया वसुंधरापीठं,

विद्युत्कुमा-
रेन्द्रस्तुतिः
स्कन्दप्रति-
माकृता
उपासना.

॥ २३२ ॥

गाढविम्हयक्खित्तनरनियरपलोइज्जमाणा य त्तिपयाहिणापुव्वयं पणमिऊण तइलोक्केकलमलं जयवंधवं, निसन्ना जहो-
इयट्ठाणेसु, पुच्छिया सुहविहारवत्ता, खणमेकं च ते जिणरूवदंसणसुहमणुहविऊण जहागयं पडिनियत्ता ।

अह जयनाहो गामाणुगामयं विहरिऊण भूवीढं । वाणारसीएँ पत्तो तत्थ य महिओ सुरिंदेण ॥ १ ॥

पुणरवि रायगिहंमि य फुरंतमणिरयणमंडियसिरेण । ईसाणतियसवइणा थुयमहिओ पुच्छिओ य पियं ॥ २ ॥

महिलानथरीएवि हु पत्थिवजणगेण परमभत्तीए । धरणिंदेण य नागाहिवेण हिट्ठेण पणिवइओ ॥ ३ ॥

गामागराइसु चिरं विहरिय पत्तंमि वरिसयालंमि । एकारसमे सामी वेसालीएँ पुरीएँ गओ ॥ ४ ॥

तत्तपाणवीयरहिए धीपसुपंडगविव्रज्जिए ठाणे । चाउम्मासियखमणं पडिवज्जित्ता ठिओ पडिमं ॥ ५ ॥

भूयाणंदो य तहिं भुयगवई भगवओ भवभएण । भत्तिभरनिच्चरंगो पूयामहिमं पयट्ठेइ ॥ ६ ॥

अह तत्थेव पुरीए सावगधम्मंमि वद्धपडिवंधो । दक्खिन्नदयापसमाइपवरगुणरयणरयणनिही ॥ ७ ॥

नामेण जुन्नसेट्ठी सुसावगो वसइ विस्सुयजसोहो । अन्नो मिच्छादिट्ठी अहिणवसेट्ठित्ति नामेण ॥ ८ ॥

एगम्मि वासरंमी कज्जवसा नयरि वाहि नीहरिओ । सो जुन्नसेट्ठी सट्ठो परमवियट्ठो गुणट्ठो य ॥ ९ ॥

पेच्छइ कंचणसच्छहसरीरकरपसरभरियनहविवरं । नीसेसलक्खणधरं उस्सग्गठियं महावीरं ॥ १० ॥

तं पेच्छिऊण निच्छउमजायसवण्णुनिच्छओ सहसा । हरिसुच्छलंतरोमंचकंचुओ वंदिउं सामिं ॥ ११ ॥

श्रीगुणचंद्र
महावीरचंद्र
७ प्रस्तावः

॥ २३३ ॥

सो चिंतितं पवतो भिक्षाकालेऽवि नीइ जन्न पहू । पडिमोवगओ चिड्डइ तं अज्जुववासिओ मन्ने ॥ १२ ॥
जइ कलंमि य कल्लाणवल्लिकंदो करिज्ज पारणयं । एसो भयवं मह मंदिरंमि ता सुंदरं होइ ॥ १३ ॥
इय चिंतंतो पइवासरंमि सो पज्जुवासए सामिं । ता जाव चउम्मासक्खमणं पज्जंतमणुपत्तं ॥ १४ ॥
तो वीयवासरे आगयंमि सुणिऊण पारणगसमयं । सामिं निमंतइत्ता तुरियं गेहं गओ सेट्ठी ॥ १५ ॥
पगुणीकयाइं तेण य सनिमित्तं पुवकालसिद्धाइं । फासुयएसणियाइं भत्तीए पवरभोज्जाइं ॥ १६ ॥
एयाइं अज्ज जयबंधवस्स दाहामऽहंति कयबुद्धी । अणिमिसवियसियनयणो जयगुरुमग्गं पलोयंतो ॥ १७ ॥
धन्नो कयपुन्नोऽहं सुलद्धनरजम्मजीवियफलो य । होहामि अज्ज नूणं तिहुअणपहुणो पयाणेण ॥ १८ ॥
चिरभवपरंपरज्जियनिविडासुहकम्मनिगडजडिअस्स । संपज्जइ जइ परमज्जमेव मोक्खो धुवं मज्झ ॥ १९ ॥
इय चिंतंतो सुविसुज्झमाणलेसो स जायए जाव । ताव पविट्ठो सामिय अहिणवसेट्ठिस्स गेहंमि ॥ २० ॥
अच्चंतविभववित्थरदप्पगव्वेण सेट्ठिणा तेण । भणिया दासी भइे ! समणं दाउं विसज्जेहि ॥ २१ ॥
तीएविहु तवयणाणुरोहओ चट्टुएण कुम्मासा । उवणीया दाणत्थं पहुणावि पसारिओ पाणी ॥ २२ ॥
खित्ता य तीए तयणंतरं च देवेहिं दुंदुही पहया । परिमुक्का वसुहारा चेलुक्खेवो कओ ज्जत्ति ॥ २३ ॥
घुट्टं च अहोदाणं महया सहेण पंचवन्नाणं । बुद्धी विहिया कुसुमाण सुरहिगंधुद्धुराणं च ॥ २४ ॥

जीर्णश्रेष्ठि-
भावना
नवश्रेष्ठिगृहे
पारणं.

॥ २३३ ॥

भित्तिओ य नयरलोगो रायाविय विम्हिओ गिहं पत्तो । वित्तंतमिमं पुट्टो य तेहिं सेट्टी पहिद्वेहिं ॥ २५ ॥
 तेणावि कयडसीलत्तणेण काउं वहुं फडाडोवं । सिट्ठं जहा महप्पा एसो परमन्नपाणेहिं ॥ २६ ॥
 सयमेव मए पाराविओत्ति अचंतभत्तिजुत्तेण । एत्तो चिय तियसेहिं घुट्टमहो दाणमेयंति ॥ २७ ॥
 सोचा एवं लोको रायाविय गाढहरिसपडिहत्थो । तग्गुणगहणं काउं जहागयं पडिनियत्तोत्ति ॥ २८ ॥
 सो पुण पुराणसेट्टी अचंतविसुज्झमाणसुहभावो । दुंदुहिसहं सोचा झडत्ति सोगाउलसरीरो ॥ २९ ॥
 पडिचित्तिउं पवत्तो हाहाऽहं मंदभग्गजणजणगो । जणिओ विहिणा नूणं जस्स घरं लंघिउं नाहो ॥ ३० ॥
 अन्नत्य पारिओ अज्ज सायरं उवनिमंतिओऽवि मए । अहवा निप्पुन्नाणं न घरे चिंतामणी एइ ॥ ३१ ॥ जुम्मं ।
 अह भयवं पारित्ता गामागरसुंदरं धरावीढं । विहरइ हरियंतमभरो सूरु इव भवकमलाण ॥ ३२ ॥
 जन्नमि य पत्थावे समोसढो तत्थ पासजिणसिस्सो । सूरु केवलनाणप्पईवपायडियपरमत्थो ॥ ३३ ॥
 नाउं समोसढं तं नयरिजणो नरवई य हिट्टमणो । वंदणवडियाएँ लहुं समागओ तस्स पासंमि ॥ ३४ ॥
 वंदित्ता भत्तीए उचियट्ठाणंमि सन्निसन्नो य । सुचिरं धम्मं सोउं पुच्छिउमेवं समाढत्तो ॥ ३५ ॥
 भयवं ! एत्थ पुरीए अणेगजणसंकुलाए को धन्नो ? । लहुईकयसंसारो य ? कहसु अइकोउगं मज्झ ॥ ३६ ॥
 तो केवलिणा भणियं अइधन्नो एत्थ जुन्नसेट्ठित्ति । रत्ता वुत्तं किं नणु सामी पाराविओ तेण ? ॥ ३७ ॥

किं वा अद्धत्तेरसुवन्नकोडिप्पमाणवसुहारा । तम्मंदिरंमि पडिया ? अइधन्नो जेण सो जाओ ॥ ३८ ॥

तो केवल्लिणा भणियं भावेणं तेण तिहुयणेक्कपहू । पाराविओ चिय तहा दाणत्थं कयपयत्तेण ॥ ३९ ॥

वसुहाराविहु परमत्थओ परं तस्स मंदिरे पडिया । जं सग्गमोक्खसोक्खाण भायणं सो इहं जाओ ॥ ४० ॥

किंच—जइ खणमेत्तं नो दुंदुहीएँ सइं तथा सुणित्तो सो । खवगस्सेणिं आरुहिय केवलं ता लहु लहंतो ॥ ४१ ॥

पत्तपहाणत्तणओ कणगं मोत्तण तेण उ न अन्नं । भाववियलत्तणेण फलमहिणवसेट्ठिणा लद्धं ॥ ४२ ॥

इय भो देवाणुपिया ! चरणं दाणं च देवपूया य । कासकुसुमं व विहलं सवं चिय भावपरिहीणं ॥ ४३ ॥

एवं केवल्लिणा पन्नत्ते जहाणयं गओ सभाजणोत्ति । अलं वित्थरेणं, पत्थुयं भन्नइ—सो महावीरजिणो कमेण विहरमाणो गओ सुसुमारपुरं, तत्थ य असोगसंडंमि उज्जाणे असोगपावयस्स हेट्ठओ पुढविसिलापट्टए कयअट्टम- भत्तस्स एगराइयं पडिमं पडिवन्नस्स एणपुग्गलनिवेशियानिमेसनयणस्स ईसिपभारगयदेहस्स भयवओ चमरो नाम असुरिंदो पुरंदरभयविहुरो संखमीणुप्पलोवसोहियं महागउव कमजुयलसरोवरतरुमल्लीणो, अह को एस च- मरो ? कइं पुरंदराहितो भयं ? को वा पुवभवे आसित्ति ? , निसामेह

अत्थि गइंदकुलकवल्लिज्जंतमहल्लसल्लइपल्लवो नियसिहरतुंगिमाखलियरविरहपयारो पवरकाणणाभोगभूसियदिसि- निवहो विज्झो नाम गिरिवरो, तस्स पायमूले विभेलो नाम संनिवेशो, तंमि य दयादक्खिन्नसवसोयाइगुणोववेओ

अपरिमियदवसंचओ पूरणो नाम गाहावई परिवसइ, सो य सम्मओ सयणवग्गस्सं वल्लहो नरिंदस्स चक्खुभूओ
पयइवग्गस्स हिययनिविसेसो धम्मियलोयस्स उभयलोयाविरुद्धेणं ववहारेणं कालं बोलेइ । अत्रया य पच्छिमरयणी-
समयंमि सुहसिज्जागयस्स निहाविगमुम्मिल्लमाणनयणनलिणस्स जाया से चिंता, जहा—

- पुवमवे नूण मए दाणं दिन्नं तवं च आयरियं । तस्स पभावेणेसा मणवंछियकज्जनिप्फत्ती ॥ १ ॥
तहाहि—नरवइसम्माणेणं धणेण धन्नेण कोसविभवेण । पुत्ताइपरियणेण य पइदियहमहं पवहामि ॥ २ ॥
पडिकूलोवि हु लोगो दंसणमेत्तेऽवि होइ अणुकूलो । अनिवारियपसराविहु निवडंति न आवया मज्झ ॥ ३ ॥
ता जावऽज्जवि पुवज्जियस्स कम्मस्स कुसलरूवस्स । विज्जइ थेवोऽवि लवो जावऽज्जवि उज्जमो अत्थि ॥ ४ ॥
जाव जणे सम्माणो जाव य रोगादओ न दूमिति । जाव न विहडइ सरयन्भविन्भमा निच्छियं लच्छी ॥ ५ ॥
जाव न जज्जरइ जरा जाव न जायइ पिण्ण सह विरहो । आणानिहेसम्मि य जावज्जवि वट्टइ कुडुवं ॥ ६ ॥
ताव पुणोवि हु धम्मं परभवसुहसाहगं उवचिणेमि । नहु कारणविरहेणं कज्जं उप्पज्जति कयावि ॥ ७ ॥
धम्मपभावो एसो जं किर साहारणेऽवि मणुयत्ते । एगे करंति रज्जं अत्रे ते चेव सेवंति ॥ ८ ॥
तस्स सूरम्मि समुग्गयंमि भुंजाविउं सयणवग्गं । ठविउं च गिहे पुत्तं तावसदिक्खं पवज्जामि ॥ ९ ॥
इयं चिंतियंतस्स उग्गओ दिवायरो, तओ निमंतिओ सयणवग्गो काराविओ परमविच्छेणं भोयणं संमाणिओ

श्रीगुणचंद
महावीरच०
७ प्रस्तावः
॥ २३५ ॥

तंबोलाइदाणेण, जोडियकरसंपुडेण भणियमणेण-भो भो सयणा ! निसुणह मह वयणं, एसोऽहं विरत्तो विसयाणं
पडिनियत्तो गेहवावाराणं पणट्टसिणेहो पियपणइणीपुत्तमित्तपमुहपरियणे, अओ अणुमन्नेह सं दाणिं दाणामाए पवज्जाए
पज्जमणुगिणिहउं, चिरं एत्थ वुत्थेण य मए जन्न भे सम्मं वट्ठियं तमियाणिं खमणिज्जं, जहा य समोवरि पुवं पक्ख-
वायमुवहंता एवं मम पुत्तस्स संपयं वहेज्जह, इइ सप्पणयं भणिऊण ठविओ नियपए पुत्तो, समप्पिओ से गेहपरियरो,
साहियाइं निहाणाइं भलाविओ सयणजणो, अन्नंपि कयं तक्कालोचियं कायवं । अह सोहणतिहिमुहुत्ते विसं व गेहवासं
परिचइऊण चउप्पुडं दारुमयं भायणं गहाय दाणामाए पवज्जाए पवइओ पूरणो । तं चेव दिवसमारब्भ छट्ठंछट्ठेणं अणि-
क्खित्तणं तवोविसेसेणं आयावणाभूमीगओ अत्ताणं सोसेइ । पारणगदिवसे य तं चउप्पुडगं भायणं गहाय उच्चावएसु
गेहेसु मज्झंदिणसमए भिक्खं परिभमित्ता जं पढमपुडए पडइ तं पहियाणं अणाहाणं च देइ, जं दोच्चे तं कागसुणग-
पमुहाणं, जं च तच्चे तं मच्छमगराईणं जलचरजीवाणं पणामेइ, जं च चउत्थपुडए पडइ तं अप्पणा अरत्तदुट्ठो आहारेइ ।

एवंविहदुक्करतवविहाणनिरथस्स निच्चमवि तस्स । न तहा पावविणासो जायइ सन्नाणहीणस्स ॥ १ ॥

जह थेवतवेऽवि जिणिंदमग्गमणुलग्गयस्स साहुस्स । कालायसंपि अहवा रसाणुविद्धं हवइ हेमं ॥ २ ॥

अह तेण दुरणुचरेण चालतवेण अब्भाहओ सो पूरणो लुक्खो अट्ठिचम्ममेत्तगतो चिंतेइ-खीणोऽहमियाणिं, ता-
जावऽज्जवि अत्थि किंपि पुरिसक्कारपरक्कमविसेसो ताव सयमेव तहाविहभूविभागे गंतूण अणसणं करेमित्ति विभा-

विक्रण चउप्पुडयपमुहउवगरणमेगंते परिचइऊण विभेलगसन्निसेसस्स ईसाणदिसिविभागे गंतूण भत्तं पचक्खाइ ॥
एत्तंतरे चमरचंचा रायहाणी अणिंदा याचि होत्था, सोऽवि पूरणो वालतवस्सी बहुपडिपुत्ताइं दुवालस वासाइं
परियायं पाउणित्ता मासियाए संलेहणाए अप्पाणं झोसिऊणं मओ समाणो तीए चमरचंचाए रायहाणीए चमरिंद-
त्ताए उववन्नो, तयणंतरं पंचविहाए पज्जत्तीए पज्जत्तिभावं गओ समाणो विविहमणिरयणनियरकिरणविच्छुरियाइं विय-
सियसरसकुसुमपयरपरिरेहिराइं सविलासधावंतसुरकामिणीललियकरयलुत्तालचालियचामराइं नियभवणंतराइं इओ
तओ आमोएमाणो वीससाए जाव उहुं पलोयइ ताव पेच्छइ सोहम्मदेवलोए सयलदेवरिद्धिसंभारसुंदरिह्ले महमहंतव-
णसारसंवलियज्जालागरुवहलधूमपडलिह्ले दुवारदेसनियेसियवियसियसहसपत्तपिहाणपुत्तकलसे निम्मलमणिभित्तिजो-
ण्हापणासियसंतमसे रणिरकणयकिंकिणीजालाउलउप्पंतधयवडाडोए ठाण्ठाणपलवंतमुक्कमुत्ताहलकलावे विवि-
हमणिरयणविणिम्मवियवरवेइयावेठियपेरंतविभागे सोहम्मवडिंसयविमाणे सोहम्माए सभाए सकंसि सीहासणंसि
निसन्नं चउरासीए सामाणियसहस्सेहिं अन्नाहि य अणेगाहिं देवकोडाकोडीहिं पंजलिउडाहिं पज्जुवासिज्जमाणं
पहयपडुपडहमुखपमुहतूरनिनायसंवलियतंतीतलतालाणुगयसंगीयपमोयभरनचमाणविलासिणीपलोयणपरं असंभा-
वणिज्जसुहसंभारमणुभवमाणं सयमेव वज्जपाणिं पुरंदरं, तं च दट्टूण सामरिसं चिंतियमणेणं—अहो को एस अप-
त्थियपत्थओ दुरंतपन्तलक्खणो लज्जामज्जायपरिवज्जिओ सुरकुलकलंकभूओ अपत्तकाले चिय कालवयणं पविसिउ-

श्रीगुणचंद्र
महावीरच०
७ प्रस्तावः
॥ २३६ ॥

कामो? जो ममावि असुरराइणो सीसोवरि वट्टमाणो दिवाइं भोगाइं भुंजमाणो अणाउलं विलसइत्ति, एवं संपे-
हित्ता सामाणियपरिसोववन्नए देवे संसयसएसु आपुच्छणोचिए सहावित्ता भणित्तं पवत्तो—भो भो देवाणुपिया !
को एस दुरप्पा मम सिरोवरि वट्टइत्ति?, ते य सिरसावत्तं करयलपरिग्गहियं मत्थए अंजलिं कट्टु विजएणं वद्धा-
विऊण य सविणयं जंपिउमारद्धा—भो भो देवाणुपिया! एस सुरिंदो सोहम्माहिवई महप्पा महाजुई अपरिभविय-
सासणो सयमेव विहरइ । तओ तवयणसवणानंतरसमुप्पन्नामरिसवियंभंतभिउडिविकरालवयणो भणित्तं पवत्तो—
भो भो बुहा! किमेवं अदिट्टपरक्कमा मम पुरोवि । कइवयसुरपरियरियं एयं तुम्हे पसंसेह? ॥ १ ॥
जइ उच्चट्टाणठिओ किमेत्तिएणवि गुरुत्तणभिमस्स? । न हु वरइ तरुसिरत्थो कवोडओ नीलकंठसिरिं ॥ २ ॥
अहवा तोलिज्जंते तुलाए वत्थुंमि जं हवइ सारं । तं हेट्टच्चिय ठायइ इयरं पुण वट्टई उवरिं ॥ ३ ॥
एत्तो य लहू एसो अरिट्ठवसएण पाविओ सग्गं । जह कोइ लहइ रज्जं मायंगकुलप्पसूओऽवि ॥ ४ ॥
भो भो सुचिरं इमिणा सूरविहीणे रणेव सुरलोए । काउरिसेण व सुरसुंदरीहिं सद्धिं सुहं वुत्थं ॥ ५ ॥
संपइ पुण अवणिज्जइ इमस्स चिररूढदप्पमाहप्पं । दुट्टा उवेहियवा न हुंति रोगव कुसलाणं ॥ ६ ॥
तत्थ—जो ववसायं न कुणइ सकमागयसामिभावपरितुट्टो । स सिरीएवि हु सुच्चइ सो काउरिसोत्ति कलिऊणं ॥ ७ ॥
इय होउ अज्ज सुरलोयसामिणो माणदलणमलिणत्तं । सहसच्चिय कीरंतं पयडं बलसालिणावि मए ॥ ८ ॥

चमरेन्द्र-
तत्रोत्पत्तिः
सौधर्मेन्द्रं
प्रति कोपः।

॥ २३६ ॥

एवं च चमरासुरदस्स अपरिभावियनियभुयवलमाहप्पदप्पजंपियं परिभाविऊण पयंपियं सामाणियसुरेहिं-देव ! एसो हि परभवोवज्जियविसिद्धपुत्रपगरिससमासाइयपवरलोयरायलच्छिच्छिच्छो पुरंदरो, तुमं पुण उज्जमववसायवलाइ-गुणगणपरिगओऽवि भवणवासीण अम्हारिसाणं सामी, ता नाह ! भुयसु मच्छरं, उवभुंजेसु तुमं सकमावज्जियं सामि-त्तणं, एसो पुण सुरपुरसंपयं, निरत्थओ एत्थ परोप्परं विरोहो, किं कज्जं संसयतुलावलंविण्ण नियमाहप्पेणं ? निउण-बुद्धीए परिचित्तउ सामी । अपरिभावियकयाणं कज्जाणं उवभुज्जंतविसतरुफलाणं व पज्जंतविरसत्तणं, नहु एकसिंपि माणखंडणासमुब्भूओ अवजसंपंसू सुकयसहस्सवारिधारावरिसणेणवि पसमिउं तीरइ, ता सामी ! सयमेव मुणइ जमेत्थ जुत्तं, को अम्ह तुमाहितो विवेयभावो ? ॥

इमं च निसामिऊण गरुयामरिसवसविसप्पंतभिउडिभीमभालयलो चमरासुरिंदो समुल्लविउमारद्धो-भो भो सामाणिया ! सुरा निरत्थयं समुवहह परिधायपरिणयविवेयविरहियं थविरत्तणं, जेण एवंविहसपहुपराभवपिसुण-वयणनिवहसुल्लवंताण दूरमवकंतं तुम्ह गरुयत्तणं, गुणा हु गोरवमुवजणित्ति, एत्तो चिय लहुओऽवि परिधाएणं गुणा-हियत्तेण गुरुव घेप्पइ जणेणं, कहमण्णहा अणुमेत्तोऽवि सुचित्तसुंदरयामहग्घाविओ सिरम्मि निहिप्पइ सरिसवो ?, अहवा किमेएण ?, अदिद्धमहपरक्कमणं तुम्हाणं को दोसो ?, ता साहेह किं हेलाकरयलतालणुद्धुप्पयंतनिवडंतोहिं गंदुएहिं व कीलेमि कुलाचलेहिं उयाहु गयणंगणविसप्पमाणकल्लोलपेल्लणुल्लूरियतारयविमाणमालं निरुंभेमि पत्रल-पवणपक्खुभियजलहिजलवेलं ?, अहवा पयंडभुयदंडचंडिमावसपरियत्तियं एगत्तीकरेमि भुवणत्तयं, इइ बहुप्पयांरा-

मरिसभरचित्तवयणाडंवराऊरियभयणभंतुरुच्छलंतपडिसहयच्छलेण अणुमन्निउव निग्गओ सक्केण सह जुञ्जिउं
सो भयभीयाए सामाणियसभाए, अह ईसिजायविवेगेण पुणो चिंतियं चमरेण—एए मम सामाणियसभावत्तिणो
असुरा वाढं भायंति पुरंदरस्स, ता सम्मं न मुणिज्जइ कज्जगई, जइ पुण तत्तो हवेज्ज गंजणा अओ तदभिहम्ममा-
णेण को मए सरणं पवज्जणिज्जोत्ति परिभाविऊण पउत्तो ओही, दिट्ठो य भयवं महावीरो सुसुमारपुरपरिसरतरुसंडे
पडिमापडिवन्नो, तं च दट्ठूण समुट्ठिओ सयणिज्जाओ, नियंसियं देवदूसं, गओ नाणाविहवयरमयपहरणपडिहत्थाए
चोप्पालगनामाए पहरणसालाए, कयंतभुयदंडविब्भमं गहियं महप्पमाणं परिहरयणं, तयणंतरं साहिलासं नयणंजलीहिं
पिज्जमाणो असुरतरुणीहिं किंकायवयावामूढेहिं निरिक्खिज्जमाणो अंगरक्खेहिं दुव्विणीओत्ति उवेहिज्जमाणो
सामाणियासुरेहिं किंपि भविस्सइ इह इति संसइज्जमाणो भूवणवइवग्गेण निग्गओ चंमरचंचारायहाणीओ, वेगेण
य गच्छंतो संपत्तो भयवओ महावीरस्स समीवं, तिपयाहिणीकाऊण वंदिओ परमभत्तीए, पवत्तो विन्नवेउं, जहा-
नाह ! तुह पायपंकयाणुभावेण दुल्लहावि पुज्जंति मणोरहा, अओ इच्छामि तुह निस्साए पुरंदरं हयपरक्कमं परिमुक्कप-
हुत्तणाभिराममियाणिं काउंति भणिऊण अवकंतो उत्तरपुरच्छिमंमि दिसिविभागे, समारद्धो वेउद्वियसमुग्घाओ,
विउद्वियं चेगं महंतं घोरायारं जोयणलक्खप्पमाणमेत्तं सरीरं । तं च केरिसं ?—

उत्तुंगघोरसीसग्गभागघोलंतकुंतलकलावं । अंजणगिरिसिहरं पिव नवमेहसमूहपरियरियं ॥ १ ॥

सामानिक-
देवोपदेशः
गमनाय
वैक्रियं.

अशपोरयणकंदरफुरंतदाडाकडप्पदुप्पेच्छं । वयणुच्छलंतपज्जलियजलणजालाकलाविल्लं ॥ २ ॥

रिसिचकमुकउम्मडमुयदंडकंततारयाचकं । उरपंजरुंदत्तणपच्छाइयसूरकरपसरं ॥ ३ ॥

गंभीरनाभिमंडलपमुत्तफणिमुक्कफारफुकारं । उद्दामदीहजंधाभरभज्जिरचलणतलदेसं ॥ ४ ॥

कयलिउमणं व ससुरासुरंपि तेलोकमेक्कहेलाए । भीमाणवि भयजणगं गयणयले पसरियं झत्ति ॥ ५ ॥

एवंविहेण य सरीरेण पहाविओ तुरियतुरियं सुराहिवइसंमुहं, तओ वेगवसवियम्भमाणमुहसमीरपवलत्तणपलट्ठित्थि-
यसयडंमुहावडंतसुरविमाणो लीलासमुल्लासियचलणकोडिताडियसमुत्तुंगसेलटालियगंडपाहाणपहयभूमिवट्ठो अंजणपुं-
जमेहसंदोहकलयंठभमरनियरसरिसेण देहपहापसरेण लवणजलहिवेलाजलुप्पीलेणेव पूरयंतो गयणंतरं सरीरग्रहयत्तणेण
भरित्तोप तिरियलोयं अणवरयगलगज्जिरवकरणेण फोडयंतोव वंभंडभंडोदरं कत्थइ जलवुट्ठिं सुयमाणो कत्थइ रेणुकेरं
किरंतो कत्थइ तिमिरनियरं निसिरंतो कत्थइ विज्जुपुंजमुग्गिरंतो वाणमंतरदेवे भएण छिन्नधन्नं व कंपयंतो जोइसिय-
तियसे वित्तासित्तो फलिहरयणमंवरतले वियट्ठमाणो निमेसमेत्तेण विलंधियसूरसत्तिनक्खत्तमंडलो पत्तो सुरपुरं ।

अह तारिसविगरालरूवावलोयणेण विम्हिया सुरसमूहा, हा किमेयंति समुल्लवंतीउ भयवसविसंडुलगलियनीची-
बंधणाओ(जाया)धंभियव विहाविया सुहडसत्था जीवियनिरवेक्खावि संखुद्धा अंगरक्खा वालव विचलत्तणमुवगया
लोयपाला, किंकायवयाविमूढा जाया सामाणियदेवा, अचंतं चमकिया तायत्तीसा विसरसमारसंतो य नट्ठो एरावणो,

श्रीगुणचंद्र
महावीरच०
७ प्रस्तावः
॥ २३८ ॥

चमरिंदो पुण एगं चरणं पउमवरवेइयाए अवरं च सुहम्माए सभाए ठविऊण फलिहरयणेणं महया संरंभेण तिकखुत्तो
इंदकीलं ताडिऊण सरोसं एवं भणिउं पउत्तो-भो भो तियसाहम! कहिं सो संगिहसच्छंदलीलाविलासलालसो
असमिक्खियवत्थुसमत्थणवियक्खणो नियसोंडीरिमावगन्नियसेससुहडलोगो अदिट्टुकुसलमेत्तसंभावियसमग्गवेरिव-
ग्गविजओ पुरंदरो? कहिं वा अलियवियद्धिमावगणियजुत्ताजुत्तसमायारो सकज्जपसाहणामेत्तपयासियसामिसेवा-
पराओ ताओ चउरासीइं सामाणियसाहस्सीओ? कत्थ वा निप्फलकलियविविहपयंडपहरणाडंवरओ चत्तारि ताओ
चउरासीओ आयरक्खदेवसाहस्सीओ? कहिं वा उत्तुंगगिरिसिहरदलणदुल्ललियं तमियाणिं कुलिसं?, कत्थ वा ताओ
अप्पडिमरूवलायन्नमणहराओ अणेगाओ अच्छरकोडीओ? अरेरे मा कज्जविणासंमि भणिस्सह जहा चमरचंचा-
राइणा अमुणियपयप्पयारेण छलेण विणिहया अम्हे, एसोऽहं संपयं तुब्भे अणाहे जरतरुं व निम्मूलमुम्मूलेमि सक-
रालेडुं व फलिहरयणेण चूरेमि, किं बहुणा?, जुगवमेव सरणविरहिए कीणासवयणकुहरे पक्खिवामि, कुणह जमिह
कायवं सरेह सरणिज्जं मग्गह सजीवियसंरक्खणोवायं, अहवा दूरुन्नामियउत्तिमंगादंसियसब्भावसारा समप्पह
सुरलोयसिरिं, किं निरत्थयमुव्वहह पुरंदरपक्खवायं?, पयडोच्चिय एस ववहारो-जं चिरकालपरिपालियावि कुलंगणा
कालंतरेऽवि नूणमणुसरइ पाणनाहं। अन्नं च—

अववइणव पुरंदर ! मह विरहे जं तए इमा भुत्ता । विणयपणयस्स तं पुण तुह सव्वमहं खमिस्सामि ॥ १ ॥

शकेन्द्रा-
दीनां
तिरस्कारः।

॥ २३८ ॥

सुमिणेवि अदिट्टभया नियनियभवणोदरेसु यं निलुक्का । विलसंतुं सुरसमूहां मम पयपणइप्पसाएणं ॥ २ ॥
 अणुरूपपइसमागमपमोयभरनिस्सरंतपुलइल्ला । सुरपुरलच्छी वच्छत्थलंमि कीलउ जहिच्छं मे ॥ ३ ॥
 अहवा किमित्तिएणं ?-मम वाहुपंजरंतरमल्लीणं तिहुअणंपि नीसेसं । आचंदकालियं वसउ मुक्कपरचक्कभयसंकं ॥ ४ ॥
 इय ताव कुण पणामं सुरिंद ! नो जाव उत्तिमंगंमि । मोडियमउडकडप्पं निवडइ निविडं फलिहरयणं ॥ ५ ॥
 असमिक्खियनियभुयविक्रमो तुमं जुज्झुउं मए सद्धिं । रंभातिलुत्तमाईण कीस वेहवमुवणेसि ? ॥ ६ ॥
 पढमं चिय कीरंते नयंमि नो दिंति दूसणं कुसला । कहविहु कज्जविणासे पच्छायावोऽवि नो होइ ॥ ७ ॥
 एवं च असमंजसपलाविणं चमरमसुरिंदं निसामिऊण हेलाए तिक्ककोवभरउक्कुट्टभिउडिभंगुरियभुमयभीसणपलो-
 यणेण भणियं पुरंदरेण—रे रे दुरायारसिरसेहर दूरपरिमुक्कमेर चमरासुराहम दुट्टचिट्ठिमामित्तवित्तासियतियससत्थ !
 पत्थेसि नूणमियाणिमपत्थणिज्जं ?, कहमन्नहा तुहेहागमणविसओ संभविज्जा ?, ता रे वारणोव ससरीरसंभवेण दसणा-
 इणा सुराहिक्क केसकलावेण सारंगोव कत्थूरिगाए चंदणतरुव सोरब्भेण भुयंगमोव फणारयणेण एस तुमं नियदप्पेण
 पणामिज्जसि विणासगोअरंति भणिऊण सिंहासणगएणं चिय सुरिंदेण सुमरियं वज्जं, तं च सुमरणाणंतरमेव उक्का-
 सहस्साइं विणिम्मुयंतं जालाकलावं निसिरंतं जलणकणकोडीओ विक्खिरमाणं फुलिंगमालासहस्सोहिं चक्खुवि-
 क्खेवमुप्पाएमाणं असेसहुयवहनिवहनिम्मियं व सयलसूरकरनियरविरइयं व समग्गतेयलच्छिविच्छइसंपिंडणुप्पाइयं

श्रीगुणचंद्र
महावीरच०
७ प्रस्तावः

॥ २३९ ॥

व ठियं करयले पुरंदरस्स, मुकं च तेण, तं च तहाविहमदिट्टपुवं वेगेणागच्छमाणं पेच्छिऊण संभग्गसमरमच्छरुच्छाहो
सुमरियसामाणियासुरसिक्खावयणो वयणविणिस्सरंतदीहनिस्सासो पुत्तेहिं जइ परं पावेमि रसायलंति कयसंकप्पो
संभमुप्पिच्छतरलतारयच्छिविच्छोहसंवलयनहंगणाभोगो कहिंपि अत्ताणं गोविउमपारयंतो भयवसपकंपमाणपाणिसं-
पुडपडियं फलिहरयणंपि अविगणंतो अविमुणियतक्कालोचियकायवो अलाहि सेसोवाएहिं, परं तिहुयणपहुणो पाय-
पंकयमियाणिं सरणंति सुमरिऊण उडुचरणो अहोसिरो वेगगमणसमुप्पन्नपरिस्समनिस्सरंतकक्खासेयसलिलोव उ-
क्किट्ठाए चवलाए [दीहाईए] गईए जिणाभिमुहं पलाइउं पवत्तो, अविय—

निदुलियदप्पविभवत्तणेण जायं न केवलं तस्स । लहुयत्तं देहेणवि वेगेण पलायमाणस्स ॥ १ ॥

एसो सो किं वच्चइ जेण तहा जंपियं हरिसमक्खं । पहसिजंतो इय दिन्नहत्थतालेहिं तियसेहिं ॥ २ ॥

तह कहवि देहपब्भारभरियभुवणोदरोऽवि चमरिंदो । तवेलं लहु जाओ जह न मुणिज्जइ पयंगोव ॥ ३ ॥

तं च कुलिसं सुरवइपयत्तपक्खित्तं जलणजालाकलावाउलियदिसामंडलं कवलयंतं व एकहेलाए सयलमाखंडल-
पडिवक्खं जावऽज्जवि थेवमेत्तेण न पावइ सिरमंडलं ताव भयगग्गरसरो-भयवं ! तुमभियाणिं सरणंति जंपमाणो
पविट्ठो जयगुरुणो उस्सग्गट्ठियस्स चरणकमलंतरे चमरो एत्थंतरे सहस्सनयणस्स जाओ चित्तसंकप्पो—अहो न खलु
दणुवइणो अप्पणो सामत्थेण सोहम्मकप्पं जाव संभवइ आगमणं, केवलं भगवंतं तित्थयरं अरिहंतवेइयं वा भावि-

चमरेन्द्रे
वज्रमोचनं.

॥ २३९ ॥

अप्यं मुसमणं वा निस्साए काऊण इहागओ हविजा, ता वाढं अजुत्तं परभवदुहावहं एवमावडिहित्तिचित्तिऊण
 पउत्तो ओही, दिट्ठो य भयवओ पायपंकयमणुसरमाणो कुंथुव सुहुमदेहो चमरासुरिंदो, तं च दट्ठुण सहसच्चिय
 जायचित्तचमफारो हाहा हओ म्हि मंदभग्गोत्ति वाहरमाणो अचंतसिग्घाए गईए वज्जमग्गेण पहाविओ पुरंदरो,
 जाव य जिणुत्तमंगंमि चउरंगुलमपत्तं जायं वज्जं ताव तक्खणमेव पडिसंहरियमणेण, नवरं अइसिग्घगमणवसेण
 करयलसमीरणेण तरलिया जयगुरुणो कुंचिरा अग्गकेसा, तओ पुणो पुणो सदुच्चरियं निंदमाणेण तिपयाहिणी-
 काऊण वंदिओ सामी परमभत्तीए, खामिउमारद्धो य—

देव! पसीयह न मए वियाणियं तुम्ह चरणनिस्साए । जं एसो चमरिंदो समागओ मं पराभविउं ॥ १ ॥

इण्ह चिय विनायं करयलपल्हत्थियंमि कुलिसंमि । ता पणयवच्छल ! लहुं अवराहमिमं खमसु मज्झ ॥ २ ॥

न पुणोवि भुवणबंधव ! संसारपरंपरापरमवीयं । एवंविहं अकिच्चं कइयावि अहं करिस्तामि ॥ ३ ॥

इति सच्चियं खामिऊण जयगुरुं सक्को उत्तरपुरच्छिमदिसिविभागंमि ठाऊण वामेण चरणेण तिकखुत्तो भूमि-
 तलमवदालिऊण दणुनाहं भणिउं पवत्तो—भो भो असुराहिव ! सुंदरं तुमए कयं जमसेसजयजंतुसंरक्खणेक्कदिक्खि-
 यस्स पहुणो पयपंकयंतरे तिरोहिओऽसि, एवं च कुणमाणेण तए दढमावज्जियं मम हियं, अवणीओ पुव्वेरा-
 णुबंधो, जणिओ आमरणंतं अब्भिचरियपणयभावो, ता विहरसु जहिच्छाए, भगवओ पहावेण नत्थि तुह ममा-

हितो भयंति आसासिऊण जहागयं पडिनियत्तो तियसाहिवो ।

चमरोऽवि हरिसुक्करिसवियसंतवयणकमलो भगवओ पायकप्पपायवप्पभावपरिग्गहिओ निरुवसग्गं नीहरिऊण
जहाचिहिं भयवंतं पणमिऊण थुणिउमाठत्तो—

सयलजयजीवबंधव ! ज्ञाणानलदड्ढुकम्मवणगहण ! । तिच्चपरीसहसहणेक्कधीर ! जय जय महावीर ! ॥ १ ॥

सिद्धिवहुवद्धपडिबंध ! वुट्टसद्धम्मबंधुरनिहाण ! । चामीयरसरिससरीरकंतिविच्छुरियदिसिनिवह ! ॥ २ ॥

नाह ! तुह पायछायालीणं नो भवभयंपि अक्कमइ । किं पुण सहावभंगुरगिरिदलणुइंतुरं कुलिसं ? ॥ ३ ॥

जत्थ तुह नाह ! सरणं उवेइ ससुरासुरंपि तइलोकं । पायतले तत्थ ठियस्स कह णु वयणिज्जया मज्झ ? ॥ ४ ॥

पत्तच्चिय सुरपुरसंपयावि परमत्थओ मए देव ! । अब्भुदयमूलवीयं जं पत्तं तुम्ह पयकमलं ॥ ५ ॥

लब्भंति सामि ! जइ मग्गियाइं निरवग्गहाइं भत्तीए । पइजम्मं चिय ता तुम्ह चलणवासं लभेज्जमहं ॥ ६ ॥

इय चमरिंदो सव्भावसारवयणेहिं संथुणिय वीरं । नित्थरियगरुयहरिभयमहन्नवो अइगओ सपुरिं ॥ ७ ॥

जयगुरूवि पभायसमए एगराइयं महापडिमं पडिसंहरिऊण निक्खंतो सुंसुमारपुराओ, कमेण य पत्तो भोगपुरं नयरं,
तत्थ य महिंदो नाम खत्तिओ अकारणसमुप्पन्नतिच्चकोवाणुबंधो भयवंतं दट्टूण खज्जरितरुलट्टिसुग्गीरिऊण धाविओ
वेगेण हणणनिमित्तं, एत्थंतरे चिरदंसणपाउब्भूयभत्तिपव्भारो समागओ तं पएसं सणंकुमारसुराहिवो, दिट्ठो य

सो तहाविहवेगेण जिणाभिमुहं इंतो, तओ तं निवारिऊण सुरिंदेण पणमिओ जयगुरू, पुच्छिया परीसहपराजय-
 पहाणसरीरवत्ता, गओ य जहाभिमयं ।-भयवंपि वद्धमाणो पलीणमाणो सुरिंदकयमाणो । तत्तो विनिक्खमित्ता
 नंदिग्गामं समणुपत्तो ॥१॥ नंदीनामेण तहिं पिउमित्तेणं थुओ य महिओ य । तत्तो य नीहरित्ता समागओ मिंढय-
 ग्गामं ॥२॥ तत्थ य गोवो कोवेण धाविओ वालरज्जुयं घेत्तुं । जयगुरूणो हणणत्थं, सो य निसिद्धो सुरिंदेण ॥३॥

अह भयवं गामाणुगामगमणेण पत्तो निरंतरधवलहरमालालंकियं सुविभत्ततियचउक्कचचररेहिरं कोसंविपुरिं,
 तत्थ य भूपालणगुणनाडीनिविडनिवद्धविपक्खरायलच्छिकरंणुगो सयाणिओ नाम नराहिवो, तस्स य चेडगमहा-
 नरिंददुहिया अहिगयधम्मपरमत्था तित्थयरपायपंकयपूयणपरायणा मिगावई नाम भारिया, सुणियनिसेसरायं-
 तरचारो सुद्धुमबुद्धिविभवपरिवालियरज्जभारो सुगुत्तो य अमच्चो, तस्स य सयावि जिणधम्माणुरागसंभिन्नसत्तसरी-
 रधाऊ नंदा नाम भज्जा, सा य साचियत्ति काऊण मिगावईए देवीए सद्धिं वयंसियाभावं दंसेइ, अन्नो य सयलदरिसणभि-
 प्पायपरूवणानिरओ नरिंदसम्मओ तच्चावाई नाम धम्मपाढओ, तहा तत्थेव नयरीए विवणिजणचक्खुभूओ धणावहो
 नाम सेट्ठी, मूला य से भारिया, एयाणि नियनियकुसलाणुट्टाणसंगयाणि वसंति, तत्थ य भयवया पोसवहुल-
 पाडिवए एवंविहो दुरणुचरो अभिग्गहो पडिवन्नो, जहा-जइ कालायसनियलवद्धचलणा अवणीयसिरोरुहा सोय-
 भराचरुद्धकंठगग्गरगिरं रुयमाणी रायकन्नगावि होऊण परगिहे पेसत्तणं पवन्ना तिन्नि दिणाइं अणसिया घरब्भंतर-

निहितेकचलणा वीयचलणलंधियघरदुवारदेसा पडिनियत्तेसु सयलभिक्खायरेसु सुप्पेण कुम्मासे पणामेइ ता परमहं पारेमिच्छि कयनिच्छओ पुरजणेण अणुवलक्खिज्जमाणाभिग्गहविसेसो वावीसपरीसहसहणट्टाए असंपज्जंत- जहिद्वियभोयणोऽवि पइदिवसं उच्चावएसु मंदिरेसु पयत्तो परिभमिंउं जयगुरू । पुरजणोऽवि भयवंतं अगहियभि- क्खं अणुदिणं गेहंगणाओ चैव नियत्तमाणं पेच्छऊण अच्चंतसोगसंभारतरलियमाणसो किंकायव्वयावामूढो चिंति- उमारद्धो, कहं?—

किं दुहनिबंधणेणं धणेण ? किं तेण मणुयभावेण ? । भोगोवभोगलीलाए ताए किं वा दुहफलाए ? ॥ १ ॥
जइ एवंविहमुणिपुंगवस्स गेहंगणं उवगयस्स । पाणन्नपयाणेणवि उवयारे नेव वट्टामो ॥ २ ॥ जुम्मं ॥
कह वा कम्मजलाउलमणेगदुहमयरभीसणावत्तं । संसारसायरमिमं दाणेण विणा तरिस्सामो ? ॥ ३ ॥
अहवा धन्नाण गिहे पविसइ एवंविहं सुमुणिरयणं । भिक्खापरिग्गहेण य अइधन्नाणं जणइ हरिसं ॥ ४ ॥
जइ एकं चिय वेलं कहमवि पडिलाभिओ हवइ एसो । ता पाणिपल्लवे संवसंति सुरमोक्खसोक्खाइं ॥ ५ ॥
इय जह जह जिणनाहो भूरिपयारेहिं दिज्जमाणंपि । भिक्खं नो अभिकंखइ तह तह खिज्जइ पुरीलोगो ॥ ६ ॥
एवं च चत्तारि मासे कोसंबीए हिंडमाणो भयवं अन्नया पविट्ठो सुगुत्तमंतिणो भवणं, दूराओ चिय दिट्ठो सुनं- दाए, पच्चभिन्नाओ य जहा सो एस भयवं महावीरसामिच्छि, तओ अणाइक्खणिज्जं पमोयपञ्चभारमुव्वहंती उट्टिया

झडत्ति आसणाओ, नीणिया परमायरेण भिक्खा, भयवंपि निग्गओ गेहाओ, सुनंदावि अद्धिं काउमारद्धा, ताहे
 दासीहिं भणियं-सामिणि ! एस देवज्जओ न मुणिज्जइ केणइ कारणेणं दिणे दिणे अगहियभिक्खो तक्खणे पडि-
 नियत्तइ, एवं भणिए तीए नायं, जहा-नूणं कोइ अभिग्गहविसेसो, तेण तंमि असंपज्जमाणे अकयकज्जो चेव निज्जाइ
 जिणिंदो, इमं च से चिंतयंतीए जाओ बाढं चित्तसंतावो पम्हुट्ठा गेहवावारा विमुमरिओ सरीरसिंगारो पल्हत्थियं
 करकिसलए गंडयलं, एत्थंतरे समागओ सुगुत्तामच्चो, पलोइया य एसा तेण, तओ पुच्छिया, जहा-कमलमुहि !
 कीस निक्कारणं रणरणयमुच्चहंतिच्च लक्खिज्जसि ? , न ताव सुमरेमि मणागंपि अत्तणो अवरहं, मइ अविणयपरि-
 हारपरायणे परयणोऽवि न संभाविज्जइ तुह पडिकूलकारित्ति, तीए भणियं-पाणनाह ! अलमलियसंभावणाहिं,
 नत्थि थेवमेत्तोऽवि कस्सइ अवरहो, केवलं जस्सप्पभावेण लीलाए लंघिज्जइ दुग्गमोवि भवन्नवो मणोरहागोयरंपि
 पाविज्जइ अपुणागमं सिवपयं अइदूरुल्लसिओऽवि विद्विज्जइ अकल्लाणकोसो तस्स भयवओ भुवणनाहस्स वद्धमा-
 णसामिणो वद्दइं वासराइं अणसियस्स, न मुणिज्जइ कोइ अभिग्गहविसेसो अणेण गहिओत्ति, अओ किं तुम्ह
 बुद्धीविभवेण ? किं वा अमच्चत्तणेणं ? जइ एवं अभिग्गहं न जाणहत्ति, अमचेण भणियं-पिए ! परिचयसु संतावं,
 कल्ले तहा करेमि जहा एस अभिग्गहो मुणिज्जइ, इय एयाए कहाए वट्टमाणीए विजया नाम पडिहारी मिगावईए
 देवीए संतिया, सा केणइ कारणेण आगया, तमुल्लावं सोऊण मिगावईए सच्चं परिकहेइ, इमं च सोचा मिगावईवि

श्रीगुणचंद्र
महावीरच०
७ प्रस्तावः
॥ २४२ ॥

महादुक्खेण अभिभूया, सोगाउरा जाया, राया य तं पएसमणुपत्तो पुच्छइ-देवी! किं विमणदुम्मणा लक्खिज्जसि?, तीए भणियं-देव! किं परिकहेमि?, तुम्हे दुग्गदुग्गइगमणमूलेण इमिणा रज्जभरेण पच्छाइयविवेया एत्तिंयपि न मुणह, जहा कत्थ सामी विहरइ?, कहां वा भिक्खं परिभमइत्ति, वहुं निव्वभच्छिऊण साहिओ अभिग्गहवइयरो, राइणा भणियं-देवि! वीसत्था होहि, कल्ले सवपयारेहिं जाणामि परमत्थंति भणिऊण उवविट्ठो अत्थाणमंडवंमि, वाहराविओ सुगुत्तामच्चो, समागओ एसो, तओ पणमिऊण राइणो पायपीढं उवविट्ठो जहोचियासणे, भणिओ राइणा-अहो अमच्च! किं जुत्तमेयं तुज्झ जं भयवंतं इह विहरमाणंपि न जाणसि?, अहो ते पमत्तया अहो ते सद्धम्मपरंमुहया, अज्ज किर सामिस्स चउत्थो मासो निरसणस्स अविन्नायाभिग्गहविसेसस्स वट्टइत्ति, सुगुत्तेण भणियं-देव! अवरारकज्जंत राऊरियघरवासवासंगित्तणेण न किंपि मुणियं, इयाणिं पुण जं देवो आणवेइ तं संपा-डेमित्ति भणिए रत्ता सद्दाविओ तच्चावाई धम्मसत्थपाढगो, पुच्छिओ य एसो-जहा भइ! तुह धम्मसत्थेसु सव-पासंडाणं आयारा निरुविज्जंति, ता साहेहि को भगवया अभिग्गहविसेसो पडिवन्नोत्ति?, तुमंपि अमच्च! बुद्धि-वलिओ, अओ वीमंसेसु को एत्थ उवाओ?, खणंतरं च वीमंसिऊण तेहिं भणियं-देव! वहवे दव्वखेत्तकालभावभे-यभिन्ना अभिग्गहविसेसा सत्त पिंडेसणाओ सत्त य पाणेसणाओ हवंति, अओ न नज्जइ कोऽवि अभिप्पाओत्ति । तओ रत्ता सवत्थ नयरीए काराविया उग्घोसणा, जहा-भयवओ भिक्खं भमंतस्स अणेगप्पगारेहिं भिक्खा नीणि-

अमात्या-
दिचिन्ता
अभिग्रहो-
द्वोषणा.

॥ २४२ ॥

यद्यत्ति, इमं च निसामिऊण परलोयसुहकंखिणा विचित्तनेवत्थधारिणा अप्पमत्तचित्तेण नयरजणेण पइण्णामंदरस्स गोयरचरियं पविट्टस्स भयवओ पइदिणं पणामिज्जइ अणेगप्पयारेहिं भिक्खा, न य धिप्पइ सामिणा, एवं च कहिंपि असंपज्जमाणजहासमीहियपिंडविसुद्धीवि अमिलाणसरीरलायन्नो अदीणमणो य ठिओ तीए चेव पुरीए भयवं । एयं ताव एवं ।

इओ य-सयाणियस्स रत्तो चारपुरिसेहिं आगंतूण कहियं जहा-देव ! तुम्ह पुव्वेरी दहिवाहणो राया संपयं थोवपरिवारो पमत्तो य वट्टइ, अओ जइ पंचरत्तमेत्तेण देवो तत्थ वचइ ता निच्छियं समीहियत्थसिद्धी जायइत्ति-पभणिए राइणा दवाविया सन्नाहभेरी, संवूढा सुहडा संखुद्धा सामंता, चलिओ राया महासामग्गीए, आरूढो य नावासु, तओ अणुकूलयाए पवणस्स दक्खत्तणेणं कन्नधारजणस्स एगरयणिमेत्तेण अचिंतियागमणो संपत्तो चंपा-पुरीं, असंखुद्धा चेव वेढिया एसा, दहिवाहणोऽवि सामग्गिं विणा जुज्झिउमपारयंतो किमेत्थ पत्थावे कायव्वंति वाउलमणो भणिओ मंतिजणेण-सामि ! कीस मुज्झह, सव्वहा एत्थावसरे पलायणमेव जुत्तं ।

यतः—त्यजेदेकं कुलस्यार्थे, ग्रामस्यार्थे कुलं त्यजेत् । ग्रामं जनपदस्यार्थे, आत्मार्थे पृथिवीं त्यजेत् ॥ १ ॥

प्रस्तावसदृशं वाक्यं, सद्भावसदृशं प्रियम् । आत्मशक्तिसमं कोपं, यो जानाति स पण्डितः ॥ २ ॥

विक्रमावर्जिताः सद्यः, संपद्यन्ते पुनः श्रियः । जीवितव्यभवक्रान्तं, तेन देहेन दुर्लभम् ॥ ३ ॥

श्रीगुणचंद्र
महावीरच०
७ प्रस्तावः
॥ २४३ ॥

सर्वेषामेव वस्तूनां, जीवितव्यमनुत्तमम् । तदर्थं राज्यलक्ष्म्याद्यास्तच्चेत् नष्टं वृथा परम् ॥ ४ ॥
एवं तेहिं भणिओ सरीरमेत्तेण पलाणो दहिवाहणो, सयाणियरन्नावि घोसावियं नियखंधावारे, जहा—भो भो! दंड-
नाहसुहडपमुहां चमूचरा! गेणहेज्जह जहिच्छाए एत्थ नयरीए जं जस्स रोयइ, मा ममाहितो मणागंपि संकेज्जहत्ति,
एवं जग्गहे घुट्टे पयट्टो रायलोगो भग्गो पागारो विहाडियाइं गोपुरकवाडाइं लुंदिउमारद्धं असेसंपि नयरं, तहाविहे
य असमंजसे वट्टमाणे दहिवाहणस्स रत्तो अग्गमहिसी धारिणी नाम देवी वसुमईए दुहियाए समं इओ तओ पलाय-
माणी पत्ता एगेण सेवगपुरिसेण, रायावि संपाइयसमीहियपओयणो पडिनियत्तो नियनयरिहुत्तं, सो य सेवगो
धारिणीदेवीए रूवेण लायन्नेण सोहग्गेण य अवहरियहियओ पहे वचंतो जणाणं पुरो भणइ—एसा मम पत्ती होही,
एयं च कन्नगं विक्किणिस्संति, एयं च से उल्लावं सुणिऊण भयभीया धारिणी चिंतिउं पवत्ता—

कह ससहरकरधवले कुलंमि नीसेसभुवणपयडंमि । जाया मह उप्पत्ती चेडयनरनाहगेहंमि? ॥ १ ॥

कह वा नमंतसामंतमउलिलीढग्गपायवीढेण । दहिवाहणेण रत्ता ठवियाऽहं पणइणिपयंमि? ॥ २ ॥

कह वा जिणिंदवयणारविंदसंभूयसमयसवणुत्था । मम सययं वसइ मणे अकज्जविवरंमुहा बुद्धी? ॥ ३ ॥

कह एस हीणसत्तोवि सुक्कमेरं ममं समुद्दिस्स । वागरइ जहा महिलं अहमेयं किल करिस्सामि? ॥ ४ ॥

ता पावजीव! अज्जवि अस्सुयपुवं इमंपि सुणिऊण । किं निहरेसि न निल्लज्ज! गंजणं सहसि सीलस्स ॥ ५ ॥

हरहासहंसधवलं सीलं मयलंति नो सुकुलजाया । करिकन्नतालचंचलजीवियकज्जेण कइयावि ॥ ६ ॥

चम्पाभंगो
धारणी-
मरणं चन्द-
नाविक्रयः।

॥ २४३ ॥

कह नापिडु मम दुहिया एसा उच्छंगसंगसंभूया । परहत्थगवा घरिही नियजीयं विरहसंतता ? ॥ ७ ॥
 इय एवंविहसंकप्पकप्पणुप्पन्नतिषडुक्खाए । निम्भच्छियं व जीयं नीहरियं से उरो भेत्तुं ॥ ८ ॥
 तीसे य अपत्तकालमरणं अवलोइऊण चित्तियं तेण सेवगपुरिसेण, अहो दुट्टं मए भणियं—महिला होहिति, एसा
 हि महाणुभाया कस्सइ पुरिसोत्तमस्स भज्जा संभाविज्जइ, अओ चिय मम दुव्वयणायन्नणेण संखुहियहियया मया, ता
 किमित्तय अइकंतत्थसोयणेण?, एयं कन्नगं इयाणिं न किंपि भणिस्सामि, मा एसावि मरिहिति । ताहे महुरवय-
 नेहिं जणुअत्तमाणा आणीया कोसंवीं नयरिं, विक्कयनिमित्तं च उड्डिया रायमग्गे, अह धम्मकम्मसंजोएण तप्पएस-
 जाइणा दिट्ठा सा धणावहसेट्ठिणा, चित्तियं चऽणेण-अहो एरिसाए आगिईए न होइ एसा सामन्नजणदुहिया, जओ
 अणलंकियावि जलहिवेलव्व वहइ किंपि अपुवं लावन्नं, किससरीरावि मयलंछणलेहव्व पायडइ कंतिपडलं, ता
 जुज्जइ एसा मम बहुदव्वदाणेण गिण्हित्तए, मा हीणजणहत्थगया पाविही वराई अणत्थपरंपरं, एयसंगोवणेण य
 जइ पुण इमीए सयणवग्गेण ममं समागमो होज्जत्ति कलिऊण जेत्तियं सो मोलं भणइ तत्तियं दाऊण गहिया,
 नीया सगिहे, पुच्छिया यं-पुत्ति! कस्स तं धूया? को वा सयणवग्गो?, तओ उत्तमरायकुलपसूयत्तणेण सयं नियव-
 इयरं कहिउमपारयंती ठिया एसा मोणेणं, पच्छा सैट्ठिणा धूयत्ति पडिवन्ना, समप्पिया मूलाभिहाणाए सैट्ठिणीए,
 संलत्ता य एसा-जहा पिए! धूया इमा तुह मए दिन्ना, ता गोरवेणं संरक्खेज्जासि, एवं च जहा निययघरे तहा

सा तत्थ सुहेण संवसइ, ताए य सो सेट्ठी सपरियणो लोगो य सीलेण विणएण वयणकोसल्लेण य वाढं रंजिय-
हियओ समाणो चंदणसिसिरसहावत्तणओ पुवाभिहाणमवणेऊण चंदणत्ति वीयं नामं ठवेइ, एवं सा चंदणत्ति परि-
यणेण वाहरिज्जंती वड्ढिउमारद्धा, गच्छंतेसु य दिणेसु वियंभिओ से ईसि जुवणारंभो, तवसेण य समुल्लसिओ
सविसेसं लायन्नपगरिसो, विजियकुवलयविब्भमं वित्थरियं नयणजुयलं, अलिकुलकज्जलकसिणो दीहत्तणं पत्तो केस-
पासो । अविय—

रूवपरिवज्जिओऽविहु जुवणसमयंमि हवइ सस्सिरीओ । किं पुण सभावओ चिय सुकुमारा सा नरिंदसुया ? ॥ १ ॥

तीसे य पइदिणं वड्ढमाणिं रूवसंपयं पलोयंती मूला सेट्ठिणी वाढं मच्छरमावहइ, परिचितेइ य, जहा—को एयं
सहहिज्जा जन्न इमं सेट्ठी परिणेऊण घरसामिणी करेज्जा?, ता सवहा मम विणासाय होअवमेयाए, अओ जइ
किंचि छिहं पावेमि ता एयं ववरोएमि । अन्नया य सो धणावहसेट्ठी गिम्हुणहकिलंतदेहो विवणिपहाओ आगओ
नियमंदिंरं, तम्मि य पत्थावे परियणाओ नत्थि कोऽवि जो चलणपक्खालणं करेइ, ताहे अइविणीयत्तणेण चंदणा
समुट्ठिया पाणियं गहाय पायसोहणत्थं, निवारिज्जमाणावि सेट्ठिणा जणगोत्ति कलिऊण पयट्ठा धोविउं, अह नीस-
हत्तणओ कुमारभावस्स सिढिलियबंधणो होऊण निवडिओ भूमियले दीहो से कुंतलकलावो, मा चिक्खल्ले पडि-
हित्ति करकलियलीलालट्ठीए समुक्खित्तो निवियारमणेण सेट्ठिणा, वद्धो य । एत्थंतरे अणवरयच्छिहपेच्छणपराए

ओलोयणंतरगयाए दिट्टमिमं पावाए अणत्वमूलाए मूलाए, ताहे ईसाभरवित्थरंतदढकोवपाडलच्छीए इत्थीसभा-
 गओ गिय अचंतं तुच्छहिययाए चित्तियमेयाए इमं-जं पुर्विं तक्खियं मए आसि तमियाणिं पयडत्तगमणुभवइ विगप्प-
 परिहीणं, कहमन्नहा जणगत्तं वायामैत्तेण जंपिऊण पुरा सेट्ठी इमीए दइओव केसपासंपि संजमइ, ता जावज्जवि लज्जं
 समुज्झिऊणं न पणइणिपयंमि ठवेइ सेट्ठी एयं ताव उवायं करेमि अहं, इय सुविसुद्धंपि जणं विवरीयं नियमईए
 कलिकुण मूला मूलाउ थिय उद्धरिउं चंदणं महइ । अह पक्खालियचलणे खणं कयवीसामे वाहिं नीहरियंमि
 धणावहे ईसावमुप्पन्नमच्छराए सेट्ठिभज्जाए वाहराविकुण ण्हावियं मुंडावियं चंदणाए सीसं, वहुं ताडिऊण लोहसं-
 फलाए चरणे निगडिऊण य पक्खित्ता एसा दूरयरमंदिरंमि, दिन्नं निविडकवाडसंपुडं, भणिओ य परियणो-जो
 सेट्ठिणो इमं वइयरं साहिस्सइ तस्सवि एस चेव दंडो मए कायवो, अओ वाढमापुच्छमाणेऽवि सेट्ठिंमि न कहे-
 यपमेयंति पुणो पुणो पन्नविकुण गया सगिहं । विगालसमए य समागओ धणावहो, कहिं चंदणत्ति पुच्छिओ
 परियणो?, मूलाभएण न सिट्ठं केणावि, तेण नायं-पासायतले कीलंती भविस्सइ, एवं रयणीएवि पुच्छिया, तत्थवि
 तेण नायं-जहा पमुत्तत्ति, नवरं वीयदिवसेऽवि न दिट्ठा, तइयदिणे य अचंतमाउलचित्तस्स आपुच्छमाणस्सवि पुणो
 पुणो जाय न कोइ साहेइ ताव जाया से आसंका-मा केणइ विणिहया होज्जत्ति, समुप्पन्नगाढकोवो भणिउं पवत्तो-
 अरे रे साहेह अवितहं तीसे पउत्तिं, अहवा भे सहत्थेण मारइस्सं, जओ एरिसमुपउत्तडंभाडंवरेण न मुणिज्जइ तुम्ह

श्रीगुणचंद्र
महावीरच०
७ प्रस्तावः
॥ २४५ ॥

कुसलत्तणंति भणिए चिंतियमेकाए थेरदासीए, जहा जीवियहि बहुकालं सयमेव, पच्चासन्नमियाणिं मरणं, एतो-
ऽवि किं करिस्सइ मे मूला?, ता साहेसि चंदणं, जीवउ मम जीविएणवि सा वराई, परजीवरक्खणं हि महापुत्रं
वुच्चइ समयसत्थेसुत्ति चिंतिऊण सिट्ठो सेट्ठिणो परमत्थो । दंसियं च तं गिहं जत्थ सा अवरुद्धा अच्छइत्ति, तओ
गंतूण उग्घाडियं तं गिहं सेट्ठिणा, पलोइया य सिरोऽवणीयकेसपञ्चभारा लुहाकिलामियसरीरा मत्तमायंगचलणमलिय-
कमलमालव विमिलाणदेहच्छवी चंदणा, तं च दट्ठूण गलंतवाहप्पवाहाउल्लोयणो-पुत्ति! वीसत्था होहित्ति समा-
सासिऊण गओ महाणससालाए, निरुवियाइं भोयणभंडाईं, कूराइयं च विसिट्ठं भोयणमपेच्छमाणेण कुम्मासे चिय
सुप्पकोणे घेत्तूण समप्पिया चंदणाए, भणिया य-पुत्ति! जाव अहं तुह नियलभंजणनिमित्तं आणेसि लोहयारं ताव
भुंजसु तुमं एयंति भणिऊण गओ सेट्ठी, सावि सुप्पप्पणामिए दट्ठूण कुम्मासे करिणिव्व जूहपञ्चट्ठा नियकुलं संभ-
रिऊण सोइउं पवत्ता । कहं?—

जइ ताव दइव! तुमए नरवइग्गेहे अहं विणिम्मविया । ता कीस एरिसावयमहण्णवे दुत्तरे खित्ता? ॥ १ ॥
सा रायसिरी सो जणणिजणगसञ्भावनिञ्चरो नेहो । कह सवंपि पणट्ठं गंधवपुरव वैगेण? ॥ २ ॥
खणमुल्लसंति उहं खणेण निवडंति हेट्ठओ सहसा । खरपवणुद्धुयधयवडसमाइं ही विहिविलसियाइं ॥ ३ ॥
इय दुवहसौगभरावरुद्धकंठक्खलंतवयणा सा । निवडंतसलिलवाहप्पवाहधोयाणणा वाला ॥ ४ ॥

चन्द्रनाया
निरोधः श्रे-
ष्ठिज्ञानं कु-
ल्मापदानं
शोकः

॥ २४५ ॥

तण्हाळुहाकिलासियकवोलमह पाणिपल्लवे ठविउं । त्रयणं खणंतरं शेविक्रण डीहं च नीससिउं ॥ ५ ॥
ते मुप्पकोणनिसिए कुम्मासे मुणिमणं व नित्रेहे । गिण्हइ भोयणहेउं किमभक्खं छुहकिलंताणं ? ॥ ६ ॥
अह चित्तियमेयाए जइ एज्ज इमंमि कोइ पत्थावे । अतिही ता से दाउं जुज्जइ मह भोयणं काउं ॥ ७ ॥

इति परिभाविऊण पलोइयं दुवाराभिमुहं, एत्थंतरे चुन्नियचामीयररेणुसुंदरेण कायकंतिपडलेण पूरयंतोव गयण-
यलंगणं उवसंतकंतदिट्ठिप्पहापीऊसवरिसेण निव्वयंतोव दुहसंतत्तपाणिगणं नगनगरसिरिवच्छमच्छसोवत्थियलंछिएण
चलणजुयलेण विचित्तचित्तंकियं व कुणमाणो महीयलं सुहकम्मनिचओव पचक्खो अहाणुपुवीए विहरमाणो
समागओ तं पएसं भयवं महावीरजिणवरो, तयणंतरं अप्पडिमरूवं भयवंतं दट्ठूण अबंतमसारं कुम्मासभोयणं च
निरिक्खिऊण दूरमजुत्तमेयं इमस्स महामुणिस्सत्ति विभावमाणीए सोगभरगग्गरगिराए गलंतवाहप्पवाहाउललो-
यणाए भणियमणाए—भयवं ! जइवि अणुचियमेयं तहावि मम अधन्नाए अणुग्गहट्ठं गिण्हइ कुम्मासभोयणंति,
भयवयावि धीरहियएण निरुविऊण समग्गाभिग्गहविसुद्धिं पसारियं पाणिपत्तं, तीएवि निविडनिगडजडियं कह-
कहवि दुवारस्स वाहिरुद्देसंमि काऊण चलणमेक्कमवरं च भवणब्भंतरंमि सुप्पेण पणामिया कुम्मासा, अह जयगुरुग-
रुयाभिग्गहपूरणपरितुट्ठा गयणयलमवयरिया चउविहा देवनिवहा पहया दुंदुही पडिया य पारियायमंजरीसणाहा
भणिरभमरोलिसंवलिया कुसुमवुट्ठी वरिसियं गंधोदयं त्रिवडिया अद्धत्तेरसकोडिमेत्ता सुवण्णरासी मंदंदोलियविलया

श्रीगुणचंद्र
महावीरच०
७ प्रस्तावः

॥ २४६ ॥

य वल्लरीकला पवाइओ सुरभिसमीरणो विद्यंभियो भवणव्भंतरे जयजयारवो । अविय—

दिसिदिसिमिलंतहरिसियनायरजणजणियवहलहलवोलं । नचंततरुणिसत्थं वज्जंताउज्जसंघायं ॥ १ ॥

पइखणपहिट्टसुरगणतिवइप्फोडणनिनायभरियनहं । मंगलमुहलसुरंगणसमूहसंसोभियदियंतं ॥ २ ॥

इय जयपहुपारणगे न केवलं हरिसियं तमेव पुरं । सविसेसरंजियमणा जाया पायालसग्गावि ॥ ३ ॥

एवंविहे य परमपमोयसंभारे समुप्पन्ने सुणियजयगुरुपारणगवुत्तंतो समागओ करेणुगाखंधाधिरूढो पहाणपुरजणा-
णुगओ अंतोउरसमेओ सयाणियनरनाहो, अमच्चोऽवि भज्जासहिओ संपत्तो सेट्ठिमंदिरं, पैखोलिरतारहाररेहंतवि-
च्छिन्नवच्छत्थलो माणिकमउडदिप्पंतउत्तिमंगो कडयतुडियथंभियवाहुपरिहो पुरंदरो य, तीसे य चंदणाए देवयाणु-
भावेण पुवंपिव नीहरिओ पवरचिहुरभारो नियलाणिवि जच्चकंचणमयाणि नेउराणि जायाणि, अत्रेहि य हारद्धहारक-
डिसुत्तयकडयकुंडलतिलयपमुहरयणाभरणेहिं अलंकियमसेसं सरीरं । एत्थंतरे संपुलो नाम दहिवाहणरन्नो कंचुइज्जो
सयाणियरन्ना पुवं वंधिऊण जो आणियो आसि सो तक्खणं चिय वसुमइं दट्टण जायपच्चभिन्नाणो सुमरियपुवसुच-
रिओ तीसे पाएसु निवडिऊण मुक्कपोक्कारं रोविउमारद्धो, महुरवयणेहिं आसासिऊण कोऊहलेण पुच्छिओ राइणा-
भद! केण कारणेण एयाए पायपंकए निवडिऊण सहसच्चिय अचंतसोगनिव्भरं परुत्तोऽसि?, तेण जंपियं —देव! चंपा-
पुरीपरमेसरदहिवाहणरायग्गमहिसीए धारिणीदेवीए असेससीमंतिणीतिलयभूया धूया एसा, कहं तारिसविभवसमुदयं

श्रीवीरपा-
रणं राजा-
गमः निग-
डादीनां
नूपुरादि.

॥ २४६ ॥

पाविऊण इयाणिं नियर्जणणिजणगरहिया परगिहे वसइत्ति एएण कारणेणं, राइणा भणियं-भइ! मा सोएसु
 असोयणिज्जा हि एसा जीए तिहुयणेक्कदिवायरो भवगत्तपडंतजणलग्गणेक्कखंभो भयवं सहत्थेण पडिलाभिओ ।
 मिगावईए भणियं-जइ एसा धारिणीदुहिया ता मम भगिणीधूया हवइत्ति । एत्थ पत्थावे थुवमाणो सुरवइपमुहेहिं
 सामी पंचदिणोणछम्मासतवपज्जंतकयपारणगो नीहरिओ धणावहमंदिराओ, अह अच्चुक्कडयाए लोभस्स अववाय-
 निरवेक्खत्तणओ पडुभावस्स सयाणियराया तं सुवण्णवुट्ठिं गहिउमारद्धो, तओ पुरंदरेण सुणिऊण से चित्तवित्तिं
 भणियं-भो भो महाराय! न एत्थ सामिकोडुंबियभावो, किंतु जस्स कस्सइ सहत्थेण एसा कन्नगा इमं वियरइ
 तस्सेव हवइ, एवं च भणिए पुच्छिया रत्ता चंदणा-पुत्ति! कस्सेयं दिज्जइ?, तीए भणियं-किमिह पुच्छणिज्जं?,
 एयस्स चेव निक्कारणवच्छलस्स जीवियदाइणो मम पिउणो धणावहसेट्ठिणो पणामहत्ति, ताहे सेट्ठिणा संगोविया
 वसुहारा, पुणोऽवि सक्केण भणिओ राया-एसा चरिमसरीरा भोगोवभोगपिवासापरंमुही महाणुभावां भयवओ वद्धमा-
 णस्स समुप्पन्नकेवलालोयस्स पढमा अज्जाणं संजमुज्जोगपवित्तिणी सिस्सिणी भविस्सइ, अओ सम्मं रक्खेज्जासि इत्ति
 भणिऊण अदंसणमुवगओ तियसाहिवो । राइणावि कन्नंतेउरे सवहुमाणं संगोविया चंदणा । तयणंतरं च अंसारयं
 संसारस्स तरलतरंगभंगुरत्तणं संजोगस्स कुसग्गयजललवचंचलत्तणं जीवियवस्स पज्जंतविरसत्तणं विसयपडिवंधस्स
 परिभावयंती सा-गमेइ कालं, इमे य मणोरहे करेइ, जहा-

श्रीगुणचंद्र
महावीरच०
७ प्रस्तावः

॥ २४७ ॥

भगवइ पुरंदरदिसे ! जणिहिसि तं वासरं तुमं कइया ? । जत्थ सहत्थेण जिणो उत्तारेही भवाओ ममं ॥ १ ॥
कइया ससुरासुरजीवलोयमज्झट्टियस्स जयगुरुणो । वयणामयं पिविस्सामि सवणपुडण्हिं अविरामं ॥ २ ॥
कइया निस्सेयससोक्खमूलहेऊ खणो भविस्सइ सो । देहंमिवि निरवेक्खा निस्संगा जत्थ विहरिस्सं ॥ ३ ॥
कइया उग्गमउप्पायणेसणादोसलेसपरिहीणं । पिंडं अन्नेसंती भमिहं उच्चावयगिहेसु ॥ ४ ॥
इय पवरमणोरहकप्पणाहिं तीसे दिणाइं वोळिंति । भावेण सबविरइं फासंतीए ससत्तीए ॥ ५ ॥
मूलावि सेट्टिणी मुणियवित्तंतेण बहुप्पयारोहिं निंदिया नयरीजणेण ।

जयगुरुवि पुरागराइसु परिब्भमंतो गओ सुमंगलाभिहाणगामे, तत्थ सणंकुमारसुरिंदो भत्तीए तिपयाहिणी-
काऊण भगवंतं वंदइ पियं च पुच्छइ, अह खणमेकं पज्जुवासिऊण सट्टाणे पडिनियत्ते सुरिंदे सामी सुत्तेत्तसंनिवेसंमि
वच्चइ । तत्तोवि माहिंदकप्पाहिवइणा हरिसुक्करिसेणं वंदिओ समाणो विनिक्खमिऊण पालयं नाम गामं पट्टिओ,
ताहिं च धाहिलो नाम वाणिओ देसजत्ताए पयट्टो सामिं संमुहमित्तं दट्टूण अमंगलंतिकाऊण रोसवसायंविच्छो
नीलपहापडलपल्लवियगयणमंडलं करवालमायट्टिऊणं एयस्स चैव समणगस्स मत्थाए अवसउणं निवाडेमिच्छि पहाविओ
वहत्यं वेगेण, एत्थंतरे सुमरियसुरिंदाएसेण पुवभणियसिद्धत्थवंतरेण छिन्नमेयस्स सहत्थेण सीसं, तंमि य विणिहए
अहासुहं विहरमाणो जयगुरु पत्तो चंपानयरीए, ठिओ साइदिन्नमाहणस्स अग्गिहोत्तवसहीए एगदेसंमि, जाओ य

वनावहाय
वसुधारा-
धनदानं
चन्द्रना-
सनोरथाः
धाहिल-
वधश्च.

॥ २४७ ॥

दुवालसमो वासारत्तो, अह चाउम्मासखमणपडिवन्नस्स सामिणो माणिभद्रपुत्रभदनामाणो वाणमंतरसुरिंदां भत्ति-
भरमुद्धंता रयणीए समागंतूण चत्तारिवि मासे जाव पूयं करेति, ते य दद्रूण विस्सियमणो साइदत्तमाहणो विचिं-
तेइ-किं एस देवज्जगो जाणइ किंपि? जं देवा एयमणवरयं पूयंति पज्जुवासिंति य, तओ परिकखानिमित्तं
जंपियमणेण—

भयवं! एत्थ सरीरे करसिरपमुहंगसंगए अप्पा । को भण्णइत्ति? तत्तो भवोत्ति जिणेण से कहियं ॥ १ ॥
जो अहमेवं मन्नइ, केरिसओ सो? अईव सुहुमोत्ति । सुहुमंपि किं भणिज्जइ?, इंदियगेज्जं न जं होइ ॥ २ ॥
एत्तो चिय सहानिलगंधाईया, लहंति न क्याइ । अत्तववएसमेए, जं गेज्जा गाहगो अप्पा ॥ ३ ॥
इय एवमाइपसिणप्पवंचपरमत्थवित्थरे कहिए । विप्पो उवसंतमणो जयगुरुणो कुणइ बहुमाणं ॥ ४ ॥
अह पज्जंतमुवगए वासारत्ते जिणेसरो वीरो । कम्ममहिमहणसीरो जंभियगामंमि संपत्तो ॥ ५ ॥
तत्थ सुरिंदो वंदित्तु सायरं दंसिऊण नट्टविहिं । कइवयवासरमज्जे नाणुप्पत्तिं परिकहेइ ॥ ६ ॥
तत्तो मिंढियगामे पुबुवयारं सरित्तु चमरिंदो । नमिऊण चलणजुयलं जहागयं पडिनियत्तोत्ति ॥ ७ ॥
इय अणवरयसुरविसरथुणिज्जमाणचरणो दुस्सहपरीसहमहोयहिदरतीरपत्तो आणुपुवीए परिब्भममाणो संपत्तो
छम्मासिगामं, ठिओ य तस्स वाहिभागंमि असेससत्तोवरोहरहियंमि पलंविद्यभुओ काउस्सग्गेणं । एत्थंतरे तिवि-

श्रीगुणचंद्र
महावीरच०
७ प्रस्तावः
॥ २४८ ॥

दुभवतत्ततउयरसाउरियसवगवेयणाभिहयसेजावालपचइयं समुद्दिन्नं अचंतमसुहं भगवओ वेयणीयं कम्मं, सो य
सेजावालजीवो तत्थेव गामे गोवत्तणेण वट्टमाणो वसहे भगवओ उस्सग्गट्टियस्स समीवे मोत्तूण गोदोहणाइकजे
पविट्ठो गाममज्झे, ते य वसहा निरंकुसं संचरमाणा पविट्ठा अडविंमि, इओ य खणंतरेण समागओ गोवो, समाउल-
हियओ गोणे अपेच्छमाणो पुच्छइ-भो भो देवज्जग ! मम संतिया एवंविहरूवा गोणगा तुमए दिट्ठपुवा न वत्ति,
पुणो पुणो सवायरेणवि भणिज्जमाणेणावि जाहे जयगुरुणा न किंपि जंपियं ताहे पलयकालानलवियंभमाणकोवदसण-
दट्ठोदुडेण भणियमणेण-भो मम सवायरेण समुल्लवित्तस्स पत्थरघडियहिययस्स व तुज्झ न मणागंपि पडिवयण-
दाणमेत्तेऽवि अणुरोहो समुप्पण्णो, अह वहिरोत्ति न निसामेसि मे वयणं, एवं ता किं निरत्थएण तुह कन्नच्छिहुवइ-
णेणंति भणिऊण अइकूरज्झवसाणसंगएण खित्ताओ सामिणो वामेयरसवणविवरेसु काससलागाओ, पत्थरेण दढं ताव
समाहयाओ जाव परोप्परं मिलियाओ, ताहे या कोइ उक्खणिहित्ति पचंतभागे मोडिऊण अवकंतो गोवाहमो, सामी-
वि पणट्टमायामिच्छत्ताइसल्लोऽवि सवणविवरंतरुच्छूढगाढसल्लो अचंतधिईवलिओऽवि दूसहवेयणावसकिसीभूयसरीरो
मणागंपि धम्मज्झाणाओ अविचलियमाणसो तत्तो निक्खमिऊण गओ मज्झिमपायासन्निवेसं, तत्थ य पारणगदि-
यहे पविट्ठो सिद्धत्थवणियस्स गेहं, तओ तेण हरिसुच्छलंतपुलयजालेण वंदिऊण पडिलाभिओ भयवं, एत्थावसरंमि
य तहिं चेव पुवागएण जिणं दट्टूण भणियं खरगाभिहाणेण वेज्जणे-अहो भयवओ सबलक्खणसंपुत्रं सरीरं, केवलं

खातिदत्त-
प्रश्नाः क-
र्णशलाको-
पसर्गः.

॥ २४८ ॥

पमिलाणलायन्नत्तणेण मुणिज्जइ ससल्लं, इमं च निसुणिऊण असगजिणपक्खवायकलिण ससंभमं भणियं सिद्ध-
 त्थेण—भो विज्ज! जइ एवं ता निउणं निरूवेहि, कहिं ससल्लो एस जयगुरू?, एवं बुत्ते वेजेण अइसुप्पणिहिण
 सणियं सणियं पलोयमाणेण जिणतणुं दिट्ठं कन्नविवरंतरनिहित्तं काससलियाजुयलं, दंसियं च सिद्धवणिणो, तं च
 तारिसमवलोइऊण जंपियं सिद्धत्थेण—अहो कस्सइ पावकारिणो अचंतनिकरुणं विलसियं, जं एवंविहं कम्ममायरं-
 तेण न गणिओ दोग्गइनिवडणतिकखासंखदुक्खागमो न पेहियं आकालियमजसं न चिंतियं धम्मविरुद्धं, अहवा
 किमेण दुट्ठचेट्ठियविकत्थणेण?, भो वेज्ज! साहेसु को संपयं उवाओ जेण एयं सल्लमवणिज्जइ? । अन्नं च—

सल्लेण जएक्कपहुस्स कन्नविवरंतरं उवगएण । अणवरयं मह हिययं भिज्जइ एत्तो महाभाग! ॥ १ ॥

अलियं उल्लवइ जणो जस्स वणो वेयणा हवइ तस्स । जं सामिणा ससल्लेण दुक्खिओऽहं दढं जाओ ॥ २ ॥

परमत्थेण इमो चिय जीयं माया पिया य सयणो थ । नाहो सरणं ताणं ता एत्तो किं परं परमं? ॥ ३ ॥

इय एयस्स निमित्ते धणं च धन्नं च दव्वनिचयं च । मम जीवियंपि चइऊण कुणसु भो सल्लउद्धरणं ॥ ४ ॥

उद्धरिए एयंमि तु तुमए भवभीमकूवगार्हितो । उद्धरिओ परमत्थेण विज्ज! निस्संसयं अप्पा ॥ ५ ॥

नीसेसगुणनिहाणे इमंमि उवजुंजिऊण नियविज्जं । आसंसारं सुंदर! आसीसाभायणं होसु ॥ ६ ॥

इयरंमिधि उवयारो कीरंतो जणइ निम्मलं कित्तं । किं पुण तइलोकदिवायरंमि सिरिवीथरागंमि ? ॥ ७ ॥

श्रीगुणचंद्र
महावीरच०
७ प्रस्तावः
॥ २४९ ॥

इय सञ्भावुञ्चडवयणसवणपरिवद्धमाणेपरितोसो । सामिचिकिच्छाकरणमि उज्जुओ भणइ सो विज्जो ॥ ८ ॥
सिद्धत्थ ! अलमेत्थ पत्थणाए, तहा करेमि जहा लहुं अवहरामि भयवओ सल्लं, केवलं निप्पडिकम्मो एस नाभि-
लसइ चिगिच्छं न बहु मन्नइ सरीरसकारं नाभिनंदइ ओसहाइविहाणं, एवं च ठिए कहं कायवो सल्लसमुद्धरणोव-
कमो?, सिद्धत्थेण भणियं-पज्जत्तं वाउलत्तणेणं, जहा तुमं भणिहिसि तहा करिस्सामित्ति अन्नोऽन्नं जंपिराणं
निग्गओ भुवणगुरू, ठिओ वाहिरुज्जाणे, सिद्धत्थेणावि नियपुरिसेहितो सवत्थवि अन्नेसाविओ सामी, दिट्ठो य
गामवाहिरुज्जाणे, तओ विज्जेण समेओ तदुवदिट्ठदिट्ठोसहसामग्गिसणाहो तत्थेव गओ सिद्धत्थो, तयणंतरं च वेज्जेण
तेल्लदोणीए निवेसाविओ सामी, पच्छा कयकरणेहिं चउद्विहविस्सामणावियक्खणेहिं पुरिसेहिं महाविओ, तओ सिद्धि-
लीभूएसु संधिवंधणेसु वाढं निजंतिऊण संडासएण अइच्छेययाए लहुमाकड्डिउमारद्धो कन्नेहितो सरुहिरं सल्लजुयलं,
अह नीहरिज्जमाणे सल्ले सा कावि वेयणा जाया । जीए मंदरधीरोऽवि कंपिओ झत्ति जयनाहो ॥१॥ सुक्को य
घोरघणघोसविञ्चमो जिणवरेण आरावो । कुलिसाहय(सुर)गिरिसिंदलणजाओव्व अइभीमो ॥२॥ जिणमाहप्पेण
परं तडत्ति फुट्ठां समंतओ न मही । अन्नह चलणंगुलिचालियाचले केत्तियं एयं?, ॥३॥

एवमुप्पाडियंमि सल्ले संरोहणोसहीरसनिसेगपक्खेवेण पगुणीकयंमि सवणजुयले सविणयं वंदिऊण य जयनाहं
वेज्जवणिणो परमसंतोसमुवहंता सग्गापवग्गसोक्खसिरिं भमारिं करकमलनिलीणं मन्नंता गया सगिहं । परमोवगा-

सिद्धार्थ-
खरकाभ्यां
शल्य-
कर्षणं.

॥ २४९ ॥

रिति पूडो वत्सकणगाइदाणेण विज्जो सिद्धत्थेण । एवं ते दोन्निऽवि आसयविसुद्धीए तिवमवि वेयणं भयवओ
उदीरयंता सुरलोयलच्छिभायणं जाया । गोवालो पुण अइसंकिलिद्धयाए सत्तमनरयपुढवि दुहनिवहभायणं पत्तो ।
तं च उज्जाणं महाभेरवंति पसिद्धिं गयं, देवउलं च तत्थ लोणेण कयं ।

एवंविहावयाणं हवंति जयभायणं जिणिंदावि । ता थोवायंकेऽविहु कीस जणो वहइ संतावं ? ॥ १ ॥

जइ एकसिंपि कयदुकयस्स एवंविहो दुहविवागो । ता असमंजसकिचेसुं पइदिणं कह जणो रमइ ? ॥ २ ॥

अतुलियवलकलिएणवि जिणेण तिवावयं सहंतेण । सहणे चिय कम्मविणिज्जरत्ति पडिवज्जइ जणेण ॥ ३ ॥

एवं च भगवओ वद्धमाणसामिस्स परीसहाणं जहन्नगाणं मज्जे उवरि कडपूयणासीयं मज्झिमगाण य काल-
चकं उफोसगाण य इमं चेव सल्लुद्धरणंति । एवं गोवालेण मूलाओ आरद्धा उवसग्गा गोवालेण चेव निट्ठियत्ति ।
एवं ता उवसग्गाण संकलणा भणिया ।

इयाणिं सयलंपि तवोविहाणं जं जहा भगवया समायरियं तं तहा संकलिऊण भणिज्जइ—

नव किर चाउम्मासे छकिर दोमासीए उवासी य । वारस य मांसियाइं वावत्तरि अद्धमासाइं ॥ १ ॥

एगं किर छम्मासं दो किर तेमासिए उवासी य । अह्वाइज्जा य दुवे दो चेव दिवहुमासाइं ॥ २ ॥

भइं च महाभइं पडिमं तत्तो य सवओभइं । दो चत्तारि दसेव य दिवसे ठासीय अणुवद्धं ॥ ३ ॥

गोयरमभिग्गहजुयं खवणं छम्मासियं च कासी य । पंचदिवसेहिं ऊणं कोसंबीए वरपुरीए ॥ ४ ॥
दस दो य किर महप्पा ठाइ मुणी एगराइयं पडिमं । अट्टमभत्तेण जई एक्केकं चरिमराईयं ॥ ५ ॥
दो चेव य छट्टसए अउणातीसे उवासिया भयवं । न कयाइ निच्चभत्तं चउत्थभत्तं च से आसि ॥ ६ ॥
वारस वरिसे अहिए छट्टं भत्तं जहन्नयं आसि । सव्वं च तवोकम्मं अपाणियं आसि वीरस्स ॥ ७ ॥
तिन्नि सए दिवसाणं अउणापण्णे उ पारणाकालो । उक्कुडुयनिसज्जाणं ठियपडिमाणं सए बहुए ॥ ८ ॥

इय एत्तियमेत्तं पव्वज्जादिणाउ आरब्भ सव्वग्गेण छउमत्थकालियाए भगवया तवचरणमायरियंति ॥ संपयं पारद्धं
भणिज्जइ—अह मज्झिमपावासन्नियेसाओ दुस्सहपरीसहनिसासंतमसं हणिऊण जिणदिवायरो समुम्मिलंतसमहि-
गाभिरामदेहप्पहापडलपयासियदिसामुहो नीहरिऊण अणिययविहारेण विहरंतो संपत्तो समुत्तुंगपायारपरिचुंविंवरं
नाणाविहवणसंडमंडियदियंतरं जंभियगामं नाम नयरं, तस्स य वहिया विभागे वीयावत्तचेइयस्स अदूरे अणे-
यतरुवरसुरहिकुसुमामोयमत्तमहुयरञ्जंकारमणहरपरिसराए उज्जुवालियानईए तीरंभि उत्तरिल्ले कूले सामागामिहाण-
गाहावइस्स छेत्तंमि समुम्मिलियपढमपल्लवपसाहियस्स सुपुरिसस्स व सउणगणसेवियस्स सुरपुरस्स व सुमणसाभि-
रामस्स महानरिंदस्स पत्तनियरपरियारियस्स व सालमहापायवस्स हिट्टओ ट्टियस्स भुवणबंधवस्स छट्टेणं भत्तेणं
अपाणएणं आयावेमाणस्स गोदोहियासणं निसन्नस्स अणुत्तरेहिं नाणदंसणचरित्तेहिं अणुत्तरेहिं आलयविहारमद्वज्ज-

वेहिं अणुत्तरोहिं लाघवंखंतिगुत्तिमुत्तिसचमुचरिएहिं अप्पाणं भावेमाणस्स सह्छम्माससमहिगेसु दुवांससंवच्छरेसु
 समइकंतेसु वइसाहसुद्धदसमीए सुवयाभिहाणंमि दिणंमि विजए मुहुत्ते हत्थुत्तरानक्खत्तंमि चंदेण जोगमुवागयंमि
 सुक्कज्झाणानलनिह्दुघणघायकम्मिधणस्स पुहत्तवियकं सवियारमेगत्तवियक्कमवियारं च झाइऊण उवरयस्स सुहम-
 किरियानिवट्ठिं वोच्छिन्नकिरियमप्पडिवाइं च सुक्कज्झाणचरिमभेयदुग्गमसंपत्तस्स अणंतमणुत्तरं निच्चाघायं निरावरणं
 पडिपुन्नं सयललोयालोयपयासयं केवलवरणाणदंसणं समुप्पन्नंति ॥

तयणंतरं च दुक्करतवचरणफलंमि केवलालोए । जाए सूरेणं पिव पयडिज्जइ तिहुअणं पहुणा ॥ १ ॥

अह वत्तीस सुरिंदा तक्खणचलियासणा लहुं पत्ता । विरयंति समोसरणं पायारतिएण परियरियं ॥ २ ॥

सुविभत्तचारुगोउरपोक्खरिणीपवलधयवडाइन्नं । सिंहासणं च मणिकणयनियरनिम्मविथहरिचावं ॥ ३ ॥

ताहे तिलोयनाहो थुवंतो देवनरनरिंदेहिं । सिंहासणे निसीयइ तित्थपणामं पकाऊण ॥ ४ ॥

जइविहु एरिसनाणेण जिणवरो मुणइ जोगगयारहियं । कप्पोत्ति तहवि साहइ खणमेत्तं धम्मपरमत्थं ॥ ५ ॥

इय निरुवक्कमविक्रमनिरक्खियव्भंतरारिविसरस्स । वीरस्स भुवणपहुणो चरिए सूरे व विप्फुरिए ॥ ६ ॥

संगमयाइपरीसहसहणऽज्जियनाणलाभसंवद्धो । संखेवेण समत्तो सत्तमओ एत्थ पत्थावो ॥ ७ ॥

इइ सिरिमहावीरचरिए परीसहसहणकेवलुवज्जणो सत्तमो पत्थावो ॥

अथाष्टमः प्रस्तावः

एवं केवललाभो भणिओ भुवणिकभाणुणो एत्तो । एकारसवि गणहरा जह से जाया तहा सुणसु ॥ १ ॥
अह निम्महियनीसेसमोहमहिमो सो महावीरजिणवरो तहाविहोवयारविरहियं परिसं नाऊण परोवयारकर-
णिकतल्लिच्छो छिन्नपेम्मबंधणोऽवि धम्मदेसणाईहिं तित्थयरनामगोयं कम्मं वेइज्जइत्ति परिभाविंतो असंखेज्जाहिं
देवकोडीहिं परिवुडो सुरविरइएसु नवसु कणयकमलेसु नवणीयसुहफरिसेसु चलणजुयलं निवेसमाणो दिसासुहवि-
सारिणा देवजणुज्जोएण पडिहयंधयारे निसासमएवि दिवसेव समुवलक्खिज्जमाणपयडपयत्थसत्थो तित्थनाहो
दुवालसजोयणंतरियाए मज्झिमानयरीए गंतुं पवत्तो, तथो जाव सामी न पावइ मज्झिमापुरीं ताव तीसे अदूरदेसे
संठियंमि महासेणवणंमि उज्जाणे देवेहिं समोसरणविरयणा काउमारद्धा, कंहं चिय ?—

आजोयणपरिमंडलभूभागं विगयकयवरुग्घायं । हरियंदणसुरहिरसच्छट्ठाहिं पडिहणियरयनियरं ॥ १ ॥
पंचविहरयणनिच्चिवरविरइयातुच्छपीठियाबंधं । हरिसुल्लसंतरोमंचकंचुया निम्मविंति सुरा ॥ २ ॥
वेमाणियदेवेहिवि विरइज्जइ पंचरायरयणमओ । सालो विसालगोउरकविसीसयसुंदरो झत्ति ॥ ३ ॥
तत्तो वाहिं पसरंतकिरणपच्चारभरियनहविवरो । जोइसिएहिं ठविज्जइ सुवणणपागारपरिवेढो ॥ ४ ॥
तयणंतरं च दगरयधवलपहाहसियसारयमयंको । भुवणवईहिं कीरइ निम्मलकलहोयपागारो ॥ ५ ॥

पवरमणिरयणरुइरं वंतरदेवेहिं सालमज्झंमि । सिंहासणं ठविज्जइ सपायपीढं सुरमणिज्जं ॥ ६ ॥
 तस्सोवरिं विउवइ सको उम्मिल्लपल्लवसिरिहं । जिणदेहाउ दुवालसगुणियं कंकेलिपवरतरुं ॥ ७ ॥
 ईसाणसुरिंदो निम्मवेइ लंवंतमोत्तियसरीयं । छणमयलंछणधवलं फलिहदंडं च छत्ततिगं ॥ ८ ॥
 हेट्टामुहठियविंटा रुंदंतुद्दाममहुयरसणाहा । आज्जाणु कुसुमवुट्ठी निवडइ गयणाओ वरगंधा ॥ ९ ॥
 सधरयणामयाइं विचित्तकररइयसकचावाइं । रेहंति तोरणाइं नववंदणमालकलियाइं ॥ १० ॥
 मंदरमहियमहोयहिरवगंभीराइं तियसनिवहेण । दिसि दिसि पहयाइं चउविहाइं तूराइं दिघाइं ॥ ११ ॥
 पवणुदुयखीरोयहिमहल्लकल्लोलविब्भमेहिं नहं । छाइज्जइ धयनिवहेहिं वेजयंतीसएहिं च ॥ १२ ॥
 मयरंदुद्दामसहस्सपत्तकीलंतहंसमिहुणाओ । पडिगोउरं वराओ पोक्खरिणीओ य कीरंति ॥ १३ ॥
 मिच्छत्तसत्तुविकखोभदक्खमक्खंडभाणुविंसमं । जंतूण य कमलोवरि ठाविज्जइ धम्मवरचक्कं ॥ १४ ॥
 देवच्छंदयपमुहं अन्नपि जमेत्थ होइ कायवं । वंतरसुरेहिं कीरइ पहिड्डुहियएहिं तं सवं ॥ १५ ॥
 इय नियनियअहिगाराणुरूवओ विरइयंमि ओसरणे । जिणरविभीयव निसा निन्नट्टा तक्खणं चेव ॥ १६ ॥
 एत्थंतरे सायरसुरखयरनमंसिज्जमाणो माणाइरित्तगुणरयणावासो वासवनिदंसिज्जमाणमग्गो मग्गाणुलग्गभव-
 जणजणियपरितोसो तोसरोसपरिवज्जियगतो गुत्तसमभवपडंतजणसमुद्धरणपरो परमकरुणरसनिववियजुयजणदुहज-

श्रीगुणचंद्र
महावीरच०
८ प्रस्तावः

॥ २५२ ॥

लणो दुरियगिरिदलणो जयगुरुपुत्रदुवारेण पविट्टो समोसरणभूमिं, तथो सीहासणं पयाहिणीकाऊण ममावि पूयणिजं
तित्थंति दंसंतो कयकिचोऽवि नमो तित्थस्सत्ति भणन्तो निसण्णो पुवाभिमुहो सीहासणे, तयणंतरं च सेसतिदिसि
सिंहासणेसु सुरेहिं रइयाइं जिणपडिरूवाइं, ताणिऽवि भगवओ माहप्पेण तयणुरूवाइं चैव सोहिउं पवत्ताइं, अह
एगरूवोऽवि सयलजंतुसंताणनित्थारणत्थं व चउरूवधरो जाओ जयगुरू, तयणंतरं च सयलतरणिमंडलसारपरमा-
णुनियरविणिम्मियं व सरीरपरिक्खेवमणहरं समुग्गयं भामंडलं, ठिया य भगवओ उभयपासेसु पंचवण्णरयणविणि-
म्मियदंडुब्भडाओ तुसारगोखीरधाराओव गोराओ चामराओ करकमलेण कलिऊण दाहिणुत्तरभवणवइणो चमरव-
लिनामाणो असुराहिवा, अह—

गायंति केऽवि नचंति केऽवि फोडिंति केऽवि तिवइंपि । पकरेंति संथवं केऽवि भयवओ भत्तिए तियसा ॥ १ ॥
भेल्लंति सुरहिमंदारकुसुममयरंदविंदुसंवलियं । जिणपय पुरओ केऽविहु पंचविहं जलरुहसमूहं ॥ २ ॥
भवणवइवाणमंतरजोइसवेमाणिएहिं देवेहिं । पूरिज्जइ नहविवरं विमाणमालासहस्सेहिं ॥ ३ ॥
पंचप्पयारमणिरयणघडियसुंदरविमाणपडिहत्थं । उव्वहइ गयणविवरं पप्फुल्लियकमलसंडसिरिं ॥ ४ ॥
हरिहरिणसप्पसिहिनउलससगमज्जारमूसगाईया । अन्नोऽन्नमुक्कवेरा ओसरणमहिं समल्लीणा ॥ ५ ॥
वहुपुवभवपरंपरसमुवज्जियकम्मसत्तुभीयाणं । ओसरणं सरणंपिव रेहइ वीसेससत्ताणं ॥ ६ ॥

समवसर-
णरचना.

॥ २५२ ॥

एत्यंतरे तिपयाहिणीकाऊण नमंतसिरिमउडमाणिककिरणविच्छुरियपायपीढा सुरासुरिंदा पणमिऊण जिणं निय-
नियठाणेषु निसन्ना, अह सहस्सनयणेण निसिद्धंमि कोलाहले निम्मलदसणमऊहजालपक्खालियाए इव निम्मलाए
एगाएवि अणेगजणसंसयवुच्छेयसमत्थाए सुरनरसवरतिरियसाहारणाए सजलजलहरनिग्घोसगंभीराए आजोअणमि-
त्तखेत्तपडिप्फलणपचलाए अमयवुट्ठीए इव निववियअसेसभवसत्तसंतावाए वाणीए पवत्तो जिणनाहो धम्मदेसणं
काउं । कहं ?—

जह पाणवहाइसमुत्थपावनिवहेण भारिया जीवा । अयगोलगव भवसायरंमि मज्जंति वेगेण ॥ १ ॥

जह नाणदंसणचरित्तसेवणाहिं लहुं विसुज्झंति । पावंति य सोक्खपरंपराउ सग्गापवग्गेषु ॥ २ ॥

जह मिच्छत्तच्छाइयविवेयनयणा सुणंति न कयावि । नीसेसदोसरहियं देवं सुगुरुं च धम्मपरं (यं) ॥ ३ ॥

जह गिहकज्जासत्ता अवितत्ता कामभोगसोक्खेहिं । मणुअत्तं लद्धुंपि हु मुद्धा थोवेण हारंति ॥ ४ ॥

जह तप्पमायपरयाए भूरिसो ताणसरणपरिहीणा । पावंति दहणभेयणपमुहाइं दुहाइं नरएसु ॥ ५ ॥

जह पंचमहघयकवयगूढदेहा दलंति लीलाए । अन्भितरारिवग्गं अजेयममरासुरेहिंपि ॥ ६ ॥

जह सत्तुमित्तमणिलेद्धुसोक्खदुक्खेषु तुल्लचित्ताण । अमराहितोऽवि सुहं पाउब्भूएइ बहुययरं ॥ ७ ॥

तह जयगुरुणा नरतिरियदेवजणसंकुलाए परिसाए । हरिसभरनिभराए धम्मो सिद्धो जयवरिद्धो ॥ ८ ॥

श्रीगुणचंद्र
महावीरच०
८ प्रस्तावः

॥ २५३ ॥

अह पत्थरटंकुकीरियव दढवज्जलेवघडियव । जिणवयणामयपाणेण सा सहा निच्चलां जाया ॥ ९ ॥
किंच-अनिमेसच्छीहिं मुहं जिणस्स पेच्छंतया विरायंति । देवत्तलच्छिवरिअच्च तक्खणं तिरियनरनिवहा ॥ १० ॥
इओ य-तीसे नयरीए अचंतधणकणसमिद्धो लक्कम्मकरणपरो नियदरिसणपरुवियधम्मनिच्चलचित्तो सोमिलिज्जो
नाम माहणो, तेण सग्गत्थिणा समारद्धो नयरीए वाहिंसि जज्जो, समाहूया दूरदिसाहिंतो बहुसिस्ससयपरिवारा असे-
सविज्जाठाणपारगा चउव्वेयसुत्तथविसारया नियनियपन्नावलेवोवहसियसुरगुरुणो इंदभूर्इपमुहा एकारस अज्झावगा,
मीलियाइं घयमहुजवपमुहाइं जागोवगरणाइं, पगुणीकयाओ दक्खिणानिमित्तं पवरपट्टणुग्गयचेलकणगाइरासीओ,
भत्तीए कोउगेण उवरोहेण य समागओ बहुजणवओ, समारद्धो हुयवहे अणवरयमंतुच्चारपुच्चयं जज्जोवगरणपक्खेवो ।
एत्थंतरे गयणयलमइवयंताइं सुरवहूसणाहाइं देवविंदाइं अवलोइऊण परितुट्ठो पेच्छगजणो, जंपेइ य-सुहु लट्ठं जट्ठं
जन्निएहिं, जं सयमेव विग्गहवंतो तियसा परितुट्ठा इहइं अवयरंतित्ति, अह चंडालनिलयं व जन्नवाडयं परिह-
रिऊण समोसरणसंसुहं गंतुं पयट्ठेसु तेसु विधंभियो लोयप्पवाओ, जहा-सच्चन्नू तीयाणागयवत्थुजाणगो लोमुत्तरि-
स्सरियरुवसामत्थजसाइगुणावासो एत्थ समोसढो, तस्स पूयणत्थं एस नयरजणो विमाणारूढा तियसा य गच्छंतित्ति,
अह सच्चन्नूत्ति गिरं सोउं उप्पन्नगाढपरिकोवो । नियलोयाणं पुरओ इंदभूर्इ इमं भणइ ॥ १ ॥
मोत्तूण ममं लोगा तस्स समीवंमि कीस वचंति ? । किं कोऽवि ममावि पुरो सच्चन्नू अत्थि एत्थ जए ? ॥ २ ॥

जिनस
देशना
देवागमे
गणधरा-
णामीर्ष्या

॥ २५३ ॥

गच्छंतु व मुक्खजणा देवा कहऽणेण विम्हयं नीया ? । पूयंति संथुणंति य जेणं सवण्णुवुद्धीए ॥ ३ ॥

अहवा जारिसओ सो सवण्णू तारिसा सुरा तेऽवि । अणुसरिसो संजोगो गामनडाणं व मुक्खाणं ॥ ४ ॥

किं वा इमिणा बहुजंपिएण ? अज्जवि असिद्धकज्जंमि । सयमेव तत्थ गंतूण हेउजुत्तीहिं तं समणं ॥ ५ ॥

काउं ह्यप्पयावं पुरओ देवाण दाणवाणं च । नासेमि अहमसेसं खणेण सवण्णुवायं से ॥ ६ ॥ जुम्मं ।

इय साहंकारं जंपिऊण पंचहिं सएहिं सिस्साणं । परियरिओ सो पत्तो जयगुरुणो पायमूलंमि ॥ ७ ॥

तयणु-ससहरकासकुसुमोहहिमपंडुरच्छत्तियनिहयतरणिकरनियरूपसरह, पमिलंतसायरनरखयरसुरिंदसंदोहवंदह ।

पेच्छिवि जयनाहह महिम इंदभूइ मणंमि, किं एयंति चमक्खियओ तक्खणि ओसरणंमि ॥ ८ ॥

एत्थंतरंमि भुवणेकभाणुणा जिणवरेण संलत्तो । भो इंदभूइ ! गोयम सागयमिइ महुरवाणीए ॥ ९ ॥

ताहे चिंतियमिमिणा नामंपिहु मे वियाणए एसो । भुवणेऽवि पायडजसं अहवा को मं न याणेइ ? ॥ १० ॥

जइ हिययगोयरं मे संसय मण्णेज्ज अहव छिंदेज्जा । ता होज्ज विम्हओ मे इय चिंतंतो पुणो भणिओ ॥ ११ ॥

किं मण्णे अत्थि जीओ उयाहु नत्थित्ति संसओ तुज्ज । सुंदर ! परिचयसु इमं संदेहं माणपडिसिद्धं ॥ १२ ॥

अत्थि जिओ निम्भंतं इमेहिं सो लक्खणेहिं मुणियवो । चित्तंचेयणसण्णाविण्णाणाईहिं पयडेहिं ॥ १३ ॥

जइ पुण न होज्ज जीवो अवट्ठिओ सुकयदुक्कयाहारो । ता जागदाणनाणोवहाणपमुहं मुहा सवं ॥ १४ ॥

श्रीगुणचंद्र
महावीरच०
८ प्रस्तावः
॥ २५४ ॥

इय जयगुरुणो वयणं सोउं परिभाविउं च मइपुवं । मिच्छत्तेण समं चिय उज्झइ तं संसयं झत्ति ॥ १५ ॥
अह ववगयकुविगप्पो दप्यं सप्यं व उज्झिउं दूरे । संसारविरत्तमणो निवडइ चलणेषु जगगुरुणो ॥ १६ ॥
भणइय भयवं ! नियदिकखदाणओ मज्झणुग्गहं कुणसु । इय वुत्ते नियहत्थेण दिक्खिओ एस जयगुरुणा ॥ १६ ॥ १ ॥
तं पवइयं सोउं अग्गिभूर्इवि चिंतइ एवं । वच्चांमि तमाणेमी पराजिणेऊण सव्वणुं ॥ १७ ॥
मण्णे छलाइणच्चिय छलिओ माइंदजालिएणं व । ससणेण तेण तुम्हा उवेक्खणिज्जो न सो होइ ॥ १८ ॥
संसयमेगंपि समं जइ पुण छिंदेज्ज होमि ता सिस्सो । तस्सत्ति जंपमाणो सोवि गओ जिणवरसमीवं ॥ १९ ॥
हे अग्गिभूइ ! कम्मं अत्थी नत्थित्ति संसओ तुज्झ । वाढमजुत्तो एसो विज्जइ जं कम्ममिह पयडं ॥ २० ॥
कहमण्णहा समेऽवि हु करसिरपमुहंगदेहसंबंधे । एक्के भवंति सुहिणो अण्णे पुण दुक्खिया निच्चं ॥ २१ ॥
धारियधवलायवत्ता विलासिणीविहुयचासरा एगे । भडचडगरपरियरिया वच्चंति करेणुगारूढा ॥ २२ ॥
अण्णेऽणुवाहण चिय पए पए भयवसेण कंपंता । एगाणिणो वरागा कहकहवि पंहमि गच्छंति ॥ २३ ॥
एगे लीलाए चिय पूरंति मणोरहे बहुजणाणं । नियउयरंपिऽवि अन्ने भरंति भिक्खाए भसणेण ॥ २४ ॥
ससहरमुहीहिं विंवाहरीहिं पप्फुल्लकुवलयच्छीहिं । एगे विलसंति विलासिणीहिं सद्धिं सभवणेषु ॥ २५ ॥
सकडमुहीहिं मिरियत्थणीहिं अइलंबमोट्टपोट्टाहिं । पच्चक्खरक्खसीहिं व अन्ने गिहिणीहिं सह ठंति ॥ २६ ॥

श्रीमतो
गातमस्य
अग्निभूतेश्च
प्रतिबोधः

॥ २५४ ॥

तुल्यमिधि संवंधे समेऽवि कालाइयंमि एगस्स । संपज्जइ बहुलाभो मूलंयि पणस्सइ परस्स ॥ २७ ॥
 इय एवंविहकज्जाण कारणं कम्ममेव नायवं । निकारणाइं जायंति जेण न विचित्तकजाइं ॥ २८ ॥
 एवं युत्ते निच्छिन्नसंसओ पंचसिस्ससयसहिओ । भववेरग्गमुवगओ पडिवज्जइ सोऽवि पवज्जं ॥ २९ ॥ २ ॥
 अह वाउभूइनामो सहोयरो तेसिमेव लहुययरो । पम्मुक्कमच्छरो भत्तिनिव्वरुब्भिनरोमंचो ॥ ३० ॥
 कह तेऽवि तेण विजियत्ति विस्सयं परममुव्वहंतो य । एइ जिणसन्निगासं संसयवोच्छेयमिच्छंतो ॥ ३१ ॥
 अहं सो जएक्कगुरुणा पयंपिओ भइ ! कीस वहसि तुमं । तज्जीवं तस्सरीरंति संसयं जुत्तिपडिसिद्धं ? ॥ ३२ ॥
 जेण सरीरजियाणं एगंतेगत्तकप्पणे जीवो । नो होज्ज देहनासे घडभंगे तस्सरूवं व ॥ ३३ ॥
 देहे य विजमाणे जीएण विवज्जिएवि जाएज्जा । चित्ताइया धम्मा न य ते तद्विरहओ दिट्ठा ॥ ३४ ॥
 तस्सा भिन्नाभिन्नो विन्नाणघणो सरीरओ जीवो । अन्नोच्चिय मुणियव्वो एवं भणियंमि पडिवुद्धो ॥ ३५ ॥
 पंचहिं सिस्ससएहिं सहिओ सोऽवि हु जिणस्स पासंमि । निच्छिन्नपेमवंधो मुंचइ घरवासवासंगं ॥ ३६ ॥ ३ ॥
 अह इमे तिन्निवि गहियपव्वजे निसामिज्जण दुरुम्मुक्कमच्छरो गच्छामि संसयं च पुच्छामि न सामन्नरूवो सो भय-
 वंति बहुमाणमुव्वहंतो वियत्तो नाम अज्झावगो गओ जिणसमीवं, वागरिओ य भयवया, जहा-भइ ! वियत्त ! तुह पंच-
 भूयसत्ताविसओ संसओ, सो य न जुत्तो, जओ पच्चक्खदिस्समाणा(भू)जलणजलानिलाइणो भूया कहं अवलविउं

तीरंति?, जं च वेए भणियं—‘सुविणोवमा सवे भावा’ इचाइ, तंपि खणविलाससीलयं सव्वभावाणं पडुच्च, न उण सव्वहा
भूयाभावसाहगत्तणेणंति वुत्ते वियत्तो संसाराणुबंधेण समं चइऊण कुविगप्पं पंचहिं छत्तसएहिं अणुगम्ममाणो
पवन्नो संजसुज्जोयं ४॥ तंमि य पवज्जं पवन्ने सुहम्मो नाम अज्झावणो विरुद्धवेयपयनिबंधणं संसयं पुच्छिउकामो
संपत्तो जिणंतियं, सो य भयवंतं सिंहासणगयं पुवपवयसिंगाधिरूढं दिवायरं व पलोइऊण परमं पमोथपवभारमणु-
भवंतो संलत्तो जिणेण—अहो सुहम्म! तुमं इमं संसयं वहसि—जो इह भवे पुरिसो पसू वा सो परभवेऽवि पुरिसत्तं
पसुत्तं वा लहइ, इमं च न जुत्तं, जओ जो इह जम्मे सभावेण भइवज्जवाइगुणजुओ मणूसो सो मणुयाउयं कम्मं
बंधिऊण भवंतरे पुरिसत्तणं पाउणइ, पसूऽवि मायाइदोसजुत्तो पुणोऽवि पसुत्तणं पडिवज्जइ, न उण निच्छएण,
जेण कम्मसव्वपेक्खा जीवाण गइरागइत्ति, न य कारणाणुरूवं कज्जंति सव्वत्थ वित्थारिउं पारीयइ, विलक्खणरूवाओ
सिंगाइकारणाओऽवि सराईणमुप्पत्तिदंसणाओ, एवं च निसामिऊण वोच्छिन्नसंसओ पंचसयविणेयपरिखुडो सुहम्मो
भयवओ सिस्सो जाओत्ति ५॥ अह तंमि पवइए संडियनामो अज्झावणो पुवक्कमेण पत्तो समोसरणं, वागरिओ य
भगवया—हंत वंधमोक्खविसयं संदेहं तुमं कुणसि, नणु न जुत्तमेयं, जओ वंधमोक्खा सुपसिद्धा चेव । कहं?—

मिच्छत्तपमायकसायदुट्टजोगाइकारणेहिं दढं । जीवस्स कम्मबंधो जायइ अइभीसणो तत्तो ॥ १ ॥
अणुहवइ रज्जनहुव सव्वया नरयतिरियठाणेसु । किञ्चिसदेवनरेसु य दुक्खाइं परसतिकखाइं ॥ २ ॥

मोक्षो पुण निम्मलनाणचरणसद्धानपरमहेऊहिं । कम्माण जो विओगो सो नेओ सिवसुहृष्फलओ ॥ ३ ॥
 नणु कहमणाइनियकम्मजोग्गओ तेसि होज्ज उ पिहुत्तं । भण्णइ जह जलणेणं कंचणउवलाण अन्नोऽन्नं ॥ ४ ॥
 एवं जियकम्माणवि विसिद्धनाणाइकारणेहितो । होइ विवेगो तत्तो मोक्खो सिद्धो सयं चेव ॥ ५ ॥
 एवं च पलीणंमि संसयतमंमि नमिऊण जयगुरुणो चलणुप्पलं अद्दुट्टसिस्ससयपरिवारो मंडिओ अणगारगग्गम-
 णुलमोत्ति ६ ॥ अह मोरिओऽवि अप्पडिममाहृष्पं सामिं नाऊण समागओ समोसरणं, भणिओ य भगवया-भइ !
 तुमं देवाभावविसयं संदेहमुव्वहसि, तं च इयाणिं परिचयसु, जओ पच्चक्खदिस्समाणंमि अत्थंमि किं अणुमाणस्वे-
 षणाहिं?, एए देवा विमलमणिकुंडलपहापडलपल्लवियगंडलेहा नियंसियदिवंसुया सरीरकंतिसमुज्जोइयदिसिनिवहा
 महासोक्खा अपरिभूयसासणा सुणिणोव्व नभोगमणा इह चेव संपयं वट्टंति, अओ अणुचिया एयाण विसए अभा-
 वकप्पणा, जं च सेसकालं न दीसंति तत्थ लोचगंधस्स अच्चंतमसुभत्तणओ पेच्छयणावलोयणाइसु य निचमक्खि-
 त्तचित्तणेण न कहंपि आगंतुमुच्छंति, जिणमज्जणाइसु पुणो भत्तिभरायद्विया आगच्छंति य । एवं सुणिण वत्थुत्तरे
 मोरिएण अद्दुट्टसिस्ससयपरियरणेण अब्भुवगया भावसारं जिणपव्वज्जत्ति ७ ॥ अह अकंपिओऽवि कोऊहलाउलिय-
 चित्तो संसयमवणेउकामो संपत्तो भयवओ समीवं, सागयभणणपुव्वयं च संभासिओ जयगुरुणा-अहो अकंपिय ! तुमं
 एवं मत्तेसि, जहा-देवा चंदसूरतारयपमुहा ताव पच्चक्खदंसणेण नज्जंति, नारया पुण सुमिणेऽवि अदिस्समाणा नूणं न

श्रीगुणचंद्र
महावीरच०
८ प्रस्तावः

॥ २५६ ॥

संतित्ति, अणुचियं इमं, जओ ते नारया कम्मपरतंतत्तणेण इहागंतुमसमत्था, तुम्हारिसावि तत्थ गंतूणमक्खमा, ता कहमुवलंभो जाएज्जा?, खाइगनाणोववेयाणं पुण वीयरगाण पच्चक्खा चेव, न य खाइगनाणोववेया असेसपयत्थसत्थ-वेइणो न संतित्ति वोत्तवं, मए चिय वभिचारसभंवाओत्ति, एवं छिन्नंमि संसए तिहिं खंडियसएहिं समं अकंपिओ अणगारियं पडिवन्नोत्ति ८ ॥

एत्थावसरंमि अयलभाया नाम अज्झावगो सुणियजिणमाहप्पो मणोगयवियप्पनिब्भंजणत्थं गओ जयगुरुसमीवं, भणिओ य सामिणा, जहा-भो अयल! पुन्नपावाइं अत्थि नत्थित्ति संसयं तुममुव्वहसि, अजुत्तिसंगयं चयं, सुहा-सुहफलजणगत्तणेण पुव्वभणियकम्मपक्खनाएण चेव पुन्नपावाणवि पसाहणाउत्ति भणिए जायजहावट्ठियविवेओ तिहिं खंडियसएहिं समेओ चारगंवं भववासं उज्झिऊण समणो जाओत्ति ९॥ तयणंतरं च तं पवइयं सोऊण जिणं-तियं पाउब्भूओ मेअज्जो नाम अज्झावगो, सोऽवि संलत्तो तिहुयणेक्कचक्खुणा महावीरेण, जहा-सुंदर! तुमंपि इमं विगप्पेसि-भूयसमुदायधम्मत्तणेण चयणारूवस्स जीवस्स कहं भवंतरगमणं घडेज्जा?, भूयववगमे चयणारूवजीवस्सवि विगमाउत्ति, नणु अघडमाणमेयं, पुढवाइंण भूयाण एगत्थ मीलणेऽवि चयणाणुवलंभाओ, तम्हा तवइरित्ता चेव चयणा जीवधम्मरूवा अब्भुवगंतवा, तदब्भुवगमे य जीवस्स निरुवचरिओ परभवगमो सिद्धो चेव, जाइसरणाइंहिं परभवसाहणाओ य, एवं कहिए निच्छिन्नसंसओ मेयज्जो तिसयसिस्सपरियरिओ भयवओ समीवे पवइओ १० ॥

पष्ठादीनां
दशमा-
न्तानां.

॥ २५६ ॥

अह दससुवि तेसु पवज्जं पडिवन्नेसु पभासो सकोऊहलं तिहिं सएहिं खंडियाणं परिवुडो दूरमुक्कपंडिचाभिमाणो
 पंजलिउडो भुवणच्छेरयकारयविचित्तातिसयसमेयं सामिं दट्टूण हरिसुप्फुल्ललयणो संसयं पुच्छिउकामोऽवि संखो-
 भेण वोत्तुमपारयंतो भणिओ पारगएण-अहो पहास ! निवाणमत्थि नत्थित्ति संदेहदोलमालंवेसि तुमं, नणु उज्झ-
 सु सवहा एयं, जओ अइसयनाणिपचक्खत्तणेण सयलकम्मकलंकपमुक्कजीवावत्थाणट्टाणं निवाणं चउग्गइयसंसा-
 रावासविलक्खणरूवं निरुवचरियं अत्थि, सुद्धपयकि(वच्च)त्तणाओ जीवोव, तं च बुहेहिं सदहियवं, जं पुण
 अविज्जमाणं तं सुद्धपयवच्चंपि न होइ, जहा आगासकुसुमंति भणिए पणट्टसंसओ जयगुरुं पणमिऊण सपरिवारो
 पभासोऽवि समणो जाओत्ति ११ ॥ एवं च—

वोच्छिन्नपेम्मवंचणा पणट्टकम्मसंधणा, विसिट्टजाइसंभवा पसिट्टगोत्तउब्भवा ।

पहाणरूवसालिणो विसुद्धकित्तिधारिणो, अचिन्तसत्तिसंजुया असेससत्थपारया ॥ १ ॥

पयंडकामखंडणा पहीणदोसभंडणा, सुरासुरिंदवंदिया समग्गलद्धिनंदिया ।

जिणिंदधम्मसंगया विमुक्कसवसंगया, गुणावलीहिं सोहिया न कामिणीहिं मोहिया ॥ २ ॥

इय इंदभूइपमुहा मुणिणो एकारसावि तवेळं । दिसिदंतिणोव रेहंति सिस्सकरिकलहपरियरिया ॥ ३ ॥

किं वा वन्निज्जइ तेसि जेसि सयमेव भुवणनाहस्स । कप्पतरुक्सिलयसमो हत्थो सीसंमि संठाइ ॥ ४ ॥

श्रीगुणचंद्र
महावीरच०
८ प्रस्तावः

॥ २५७ ॥

इओ य-जा पुत्रभणिया दहियाहणरायसुया चंदणाभिहाणा कन्नगा पढमसिस्सिणी भयवओ भविस्सइत्ति सक्केण
संगोवाविया आसि सा तक्कालं सयाणियरायमंदिरे निवसंती गयणंगणे अणवरयं सुरविमाणाइं इंताइं गच्छंताणि य
पलोइऊण निच्छियजिणकेवलनाणसमुप्पाया पवज्जागहणुक्कंखिरी अहासन्निहियदेवयाए करयलेण कलिऊण समो-
सरणसुवणीया समाणी परमं पमोयसंभारसुवहंती तिपयाहिणादाणपुव्वगं वंदिऊण जिणसुवट्टिया पवज्जागहणत्थं ।

एत्थंतरे अन्नाओवि राईसरतलवरसेट्टिसेणावइमंतिसामंतकन्नगाओ जिणवइवयणायन्नणजायभववेरग्गाओ सववि-
रइगहणत्थं तदंतियं पाउच्चूयाओ । तओ भगवया चंदणं पुरओ काऊण सहत्थेण दिक्खियाओ, पवज्जासमुज्जम-
ऽसमत्था य वहवे जणा ठाविया सावयधम्मे, एवं एत्थ समोसरणे जाओ भगवओ चउच्चिहो संघो ॥ जायंमि य
गुणरयणरयणागरंमि संघे भगवया इंदभूइपमुहाणं पहासपज्जवसाणाणं एक्कारसणहंपि तेसिं सयलभुवणगयत्थसत्थ-
संगहधम्मयाइं 'उप्पन्नेइ वा विगएइ वा धुवेइ व'त्ति कहियाइं तिस्सि पयाइं, तेहि य पुवभवच्चत्थसमत्थपरमत्थ-
सत्थवित्थारवियक्खणत्तणेण तक्कालुप्पन्नपन्नाइसयसुवहंतोहिं तयणुसारेण विरइयाइं दुवालस अंगाइं, तथा विरयमा-
णाणं च सत्तण्हं गणहराणं जायाओ विभिन्नाओ वायणाओ, येअज्जपभासाणं अयलभाइअकंपियाण य परोप्परं
समाओ चेव, एवं च निवत्तिए सुत्तविरयणे इंदभूइपमुहाणं गणहरपयंमि ठावणनिमित्तसुवट्टिए सयमेव भुवणबंधवे
अवसरंति कलिऊण पवरगंधवंधुरवासुम्मिस्सच्चुण्णभरियं रयणत्थालं गहिऊण सुरनियरपरियरिओ सुरिंदो पाउ-

प्रभासस्य-
वोधः स-
र्वेषां दीक्षा
चन्दनत्रा-
लादीनां च॥

॥ २५७ ॥

च्छूओ जिणंतियं, ताहे सामी सीहासणाओ उंद्धिता पडिपुणं मुट्टिं चुण्णाणं गिणहइ, तयंंतरं गोयमसामिप्पंसुहा
 एकारसवि गणहरा ईसिओणया परिवाडीए ठायंति, निरुद्धेहिं तियसेहिं तूरखे जयगुरू गुणेहिं पजवेहि य मए
 तुह तित्थमणुणायंति भणमाणो पढमं चिय सहत्थेण गोयमसामिणो सीसदेसंमि चुण्णाणि पक्खिवइ, एवं चिय
 जहकमेण सेसगणहराणंपि, देवावि गयणयलमोगाढा आणंदवियसियच्छा गंधंधीकयमुद्धकुलंधुयमुहुलंधियमुहलं
 पुप्फवासं चुण्णवासं च निसिरंति, गणं पुण चिरजीवित्तिकलिऊण सुहम्मसामीं पंचमगणहरं धुरे ठवेत्ताभयवं अणुजाणइ ।
 चंदणंपि अज्जाणं संजमुज्जोगघडणत्थं ठावेइ पवत्तिणीपए । एवं एकारसहिं गणहरेहिं अणेगेहिं साहूहिं साहुणीहि
 य परियरिओ जंबुदीघोव दीवंतरेहिं सुमेरुघ कुलाचलेहिं ससिध तारानिवहेहिं सामी सोहिउं पवत्तो । अवि य-
 एगागिणोवि भुवणेक्कवंधुणो को मिणेज्ज माहप्पं ? । किं पुण गोयमपमुहेहिं गणहरेहिं परिगयस्स ॥ १ ॥

अह कइयय दिवसाइं भवसत्तजणं पडिवोहिऊण तत्तो निक्खंतो जयगुरू । तो आगासगएणं लवंतमोत्तियजाल-
 विराइएणं छत्तेणं आगासगयाइं कुमुयमयंकमऊहमणहराहिं चामराहिं गयणयलावलंविणा समणिपावपीढेण सीहा-
 सणेणं रणज्झणिरकिंकिणीकुलकलकलमुहलेण अगेगकुडुभियाभिरामेण पुरोगामिणा माहिंदज्झएण य विरायंतो
 सायरं अणुगच्छंतीसु सुरासुरकोडीसु अणुकूलंतेसु वायंतसु सुरहिसमीरणेसु भत्तीएव नमंतसु मग्गतखुरेसु मुणिय-
 वियारेसु खलेसु व हेट्टओमुहं ठायंतसु कंटगेसु मणोरमेसु सब्बेसु उउसु निययमाहप्पेण तिलोयरज्जसिरिं एगत्य मि-

श्रीगुणचंद्र
महावीरच०
८ प्रस्तावः

॥ २५८ ॥

लियमुवदंसयंतो दुम्बिक्खमारिडमराइं उवसामितो ठाणठाणेसु समोसरणमहिमं पडिच्छमाणो परप्पवाए सुत्रीकुण-
माणो जेवाणमग्गं पयासयंतो विरइप्पयाणेण भवसत्तजणमणुगिण्हंतो पुरगामखेडकव्वडाइसु विहरमाणो कमेण
संपत्तो पुव्वभणियं माहणकुंडग्गामं नयरं ।

तहिं च नयरादूरवत्तिमि नाणाविहतरुलयासंकुलंमि बहुसालयनामंमि चेइयंमि विरइयं परमविच्छित्तिसणाहं
सुरोहिं समोसरणं, रयणपागारब्भंतरे पइट्टियं पुव्वाभिमुहं समणिपायपीढं सीहासणं, निसन्नो तत्थ जएक्कचूडामणी
महावीरो, पायपीढपच्चासन्ने य निलीणो भयवं गोयमसामी, नियनियठाणेसु निविट्ठो देवनरतिरियनिवहो ।
एत्थंतरे वित्थरिया माहणकुंडग्गामे नयरे पसिद्धी, जहा-बहुसालगचेइयंमि भयवं महावीरो समोसढोत्ति, एयं
च निसामिऊण पुव्वभणिओ उसभदत्तमाहणो परमपमोयभरनिभरभरियमाणसो देवाणंदं माहणीं भणिउमाढत्तो,
जहा-तइलोकतिलयभूओ भूयत्थकहापरुवणसमत्थो । सुंदरि! सिरिवीरजिणो सयमेव समोसढो वाहिं ॥ १ ॥

निरुवमकल्लाणकलावकारणं तस्स दंसणंपि पिए! । किं पुण अभिगमवंदणपयसेवापमुहपडिवत्ती? ॥ २ ॥

ता वच्चाओ तदंसणेण कुणिओ सजीवियं सफलं । तीए वुत्तं पिययम! किमजुत्तं? एह वच्चाओ ॥ ३ ॥

सा किर जद्विसंचिय गम्भाओ अवहडो जएक्कगुरू । तत्तो चिय अच्चत्थं समुवहित्था महासोगं ॥ ४ ॥

अह तदब्भुवगमं नाऊण उसभदत्तेण आहुया कोडुंविियपुरिसा, भणिया य-ओ! सिग्घमेव वररयणमयकिंकिणी-

गणधर-
पदवी सूत्र-
रचना ब्रा-
ह्मणकुण्डे
गमनं.

॥ २५८ ॥

जालमंडियमज्झभागेहिं कंचणनत्यापग्गहिण्हिं नीलुप्पलविरइयसेहरेहिं उल्लिहियसिंगेहिं लट्टपुट्टसरीरेहिं पवरगो-
णज्जुवाणएहिं संगयं संजत्तेह संदणं जेण गंतूण वंदामो जयगुरुं, जं सामी आणवेइत्ति भणिऊण निग्गया कुडुंविंयां
पुरिसा, पग्गुणीकओ रहवरो, समुवणीओ उसहदत्तस्स, तओ देवाणंदाए समेओ तमारुहिऊण पुरिसपरिवारपरिय-
रिओ पयट्ठो जिणाभिमुहं, पत्तो कमेण बहुसालयसमीवं, छत्ताइच्छत्तपमुहाइसयदंसणेण य रहाओ पच्चोरुहिऊण
पंचविहेणं अभिगमेणं पविट्ठो समोसरणे, तिपयाहिणादाणपुव्वयं च पणमिऊण जिणं पहिट्ठमणो निविट्ठो भूमिपट्ठे ।
देवाणंदाऽवि भगवंतं पणमिऊण सविणयं उसहदत्तं माहणं पुरओ काऊण उद्धट्टाणट्ठिया चेव सुस्सूसमाणी
भालत्तलारोवियपाणिसंपुडा पज्जुवासिउमारद्धा, नवरं जंसमयं चेव तीसे भयवं चक्खुगोयरमुवगओ तंसमयं चिय
वियसियवयणकमला हरिसुप्फुल्लोयणसंदमाणाणंदसलिला जलहरधारापहयकयंवकुसुमंपिव समूससियरोमकूवा
धणमुहनिस्सरंतखीरधारा य जायत्ति, तं च तहाविहं पेच्छिऊण समुप्पन्नसंसओ गोयमसामी जयगुरुं पणमिऊण
पुच्छिउं पवत्तो-भयवं! किं कारणं देवाणंदा अणिमिसाए दिट्ठीए तुम्ह वयणं पेहमाणा नियसुयदंसणाणुरूवा
पेमपब्भारगब्भयमवत्थं पत्तत्ति?, भगवथा भणियं-भो गोयम! देवाणंदा ममं जणणी, अहण्णं देवाणंदाए कुच्छिसं-
भवो पुत्तो, जओ सुरभवचवणाओ आरब्भ वायासी दिणाइं इमीए गब्भंमि वुत्थो, अओ चिय पुव्वसिणेहाणुरागेण
एसा अमुणियपरमत्थावि एवंविहं संभममावन्ना ।

इय सोऊण जिणिंदस्स भासियं उच्छलंतरोमंचा । देवाणंदाए समं झडत्ति जाओ उसभदत्तो ॥ १ ॥
परिसाजणोऽवि सवो विम्हयमच्चंतमुवगओ सहसा । अस्सुयपुवे सुणिए को वा नो विम्हयं वहइ ? ॥ २ ॥
तओ उसभदत्तो देवाणंदा य समुप्पन्नगाढयरहरिसपगरिसाइं पुणोऽवि निवडियाइं जयगुरुणो चलणेसु, भयव-
यावि 'दुप्पडियारा अम्मापियरो'त्ति सेसलोयस्स उवदंसणत्थं च पारद्धा देसणा । कहं चिय ?
भो भो देवाणुपिया ! अणाइरूवंमि एत्थ संसारे । को फिर कस्स न जाओ मायापिइपुत्तभावेहिं ? ॥ १ ॥
कस्सवि न वा विओगे अणवरयगलंतनयणसलिलेण । पइसमयमुक्कपोकं हाहारवगच्छिणं रुद्धं ? ॥ २ ॥
चोइसरज्जुपमाणे लोणे नो कत्थ वावि वुत्थमहो ? । अणवरयमात्रयाणं काण व नो भावणं जाओ ? ॥ ३ ॥
कस्स व आणानिदेसवत्तिणा दासनिविसेसेण । नो वद्वियं दुहट्ठेण पाणिलोएण एएण ? ॥ ४ ॥
एवंविहदुहनिवहेक्ककारणे कह भवे महाभीमे । खणमेत्तंपि विजायइ निवासवुद्धी सुवुद्धीणं ? ॥ ५ ॥
एत्तो चिय सासयसोक्खकंखिणो लक्खिखउं भवसरूवं । तणमिव रजाइ समुज्झऊण पवज्जमल्लीणा ॥ ६ ॥
ता जाव पुन्नपन्भारपावणिज्जा इमा हु सामग्गी । तुब्भेवि ताव गिण्हह निस्सेयससाहगं धम्मं ॥ ७ ॥
इय जगगुरुणा कहिए तेसिं आणंदसंदिरच्छीणं । केवलमणुभवगम्मो कोइ पमोओ समुप्पन्नो ॥ ८ ॥
तओ उसभदत्तो देवाणंदाए समेओ हट्टुट्ठो उट्टिऊण सामिं तिक्खुत्तो वंदिऊण करयलकमलकोससेहरं सिरं

दूरं उन्नामिऊण भणिउं पवत्तो-भयवं ! अचितहमेयं जं तुब्भे वयह, ता अणुगिण्हह अग्हे सदिकखापयाणेणं, विर-
त्तमिणिंहे गेहवासाओ माणसं, भगवया भणियं-जुत्तमेयं भवारिसाणंपि, तओ कयकिचमप्पाणं मन्नंताइं उत्तर-
पुरत्थिमदिसिसमुज्झियभूसणकुसुमदामाइं निवत्तियपंचमुट्ठियलोयकम्माइं ताइं तिपयाहिणादाणपुरस्सरं परमेसरं
वंदित्ता भणिउं पवत्ताइं-भयवं ! जरामरणरोगसोगविप्पओगजलणजालाकलावकवलियाओ अग्हे एत्तो भवजरकुडी-
राओ नित्तवारेसु सहत्येण तुमं, तुह पयसरणमल्लीणो खु एसो जणो, इय भणिए भुवणगुरुणा सयमेव तेसिं दिन्ना
दिकखा, कहिओ साहुसमायारो परूविओ आवस्सयविही, एवं तक्कालोचियं सद्यं विहिं देसिऊण भयवं अज्जचंद-
णाए पवत्तिणीए देवाणंदं सिस्सिणित्ताए पणामेइ, उसभदत्तं च थेराणं समप्पेइ, अह ताइं निकलंकसमणधम्मपरि-
पालणवद्धलक्खाइं अपुच्चापुवत्तवचरणपरायणाइं अहिएकारसअंगाइं पज्जंतसमयसमाराहियसंलेहणाइं निव्वाणमहा-
मंदिरारोहहेऊभूयं निस्सेणिंपिव खवगसेणिं आरुहिऊण पत्ताइं दोन्निवि सिवपयंमि ।

भयवंपि वद्धमाणो परिअरिओ गोयमाइसमणेहिं । हिययाहिंतोवि तमं अवाणित्तो भवसत्ताणं ॥ १ ॥

गामागरनगराइसु विहरंतो सिवपयं पयासित्तो । खत्तियकुंडग्गामे नयरम्मि कमेण संपत्तो ॥ २ ॥

तत्थ य सुरेहिं रइयं चीतरुपायारगोयरसणाहं । ऊसियसियधयनिवहं जणसुहकरणं समोसरणं ॥ ३ ॥

वत्तीसंपि सुरिंदा जिणमुहकमलावलोयणसत्तण्हा । विविहविमाणारूढा ओअरिया सुरपुरीहित्तो ॥ ४ ॥

श्रीगुणचंद्र
महावीरचं
८ प्रस्तावः

॥ २६० ॥

अह पुत्रदुवारेणं पविसित्ता सुरगणेण थुवंतो । सिंहासणे निसन्नो पुत्राभिसुहो जिणवरिंदो ॥ ५ ॥
एक्कारसवि गणहरा केवलमणपज्जवोहिनाणी य । चउदसदसपुत्रीविउच्चिइहीपत्ता य सुणियसभा ॥ ६ ॥
उद्धट्टिया उ वेमाणियाण देवीओ तहय समणीओ । ठायंति जिणं नमिउं दाहिणपुवंमि दिसिभाए ॥ ७ ॥
अह दाहिणदारेणं पविसित्ता विणयपणयदेहाओ । भवणवइवाणमंतरजोइसदेवाण देवीओ ॥ ८ ॥
काउं पयाहिणं भुवणवंधुणो धम्मसवणलोभेण । निसियंति पहिट्टाओ दाहिणपच्चत्थिमविभागे ॥ ९ ॥
तत्तो पच्छिमदारेण पविसिउं पवरभूसणसणाहा । भवणवइवाणमंतरजोइसिया हरिसपणयसिरा ॥ १० ॥
विहिणा जिणं नमंसिय गणहरकेवलपमोक्खसुणिणो य । निविसंति जिणाभिसुहा उत्तरपच्चत्थिमदिसाए ॥ ११ ॥
उत्तरदिसिदारेणं तत्तो पविसित्तु दिव्वरुवधरा । वेमाणियसुरवग्गा नरा य नारीजणा य तथा ॥ १२ ॥
पम्मुक्कपरोप्परवेरमच्छरा धम्मसवणतल्लिच्छा । उत्तरपुरत्थिमंमि य ठायंति दिसाविभागंमि ॥ १३ ॥
न कुणंति हासखेड्डाइं नेव चक्खुं खिवंति अन्नत्थ । चित्तलिहियच्च सवे जिणिंदवयणं पलोयंति ॥ १४ ॥
तयणंतरं च वीए पायारव्भंतरे तिरियवग्गो । हयमहिससीहपमुहो उज्झियवेरो सुहं वसइ ॥ १५ ॥ कंहं चिच ?—
दिणयरकरसंतत्तं भुयंगमं छायए सिंहंडेहिं । तंडविएहिं सिंहंडी करुणाए विमुक्ककुविणप्पे ॥ १६ ॥
कंडुयइ दसणकोडीए कुंजरो केसरिस्स मुहभागं । धावारइ सीही हरिणसावयं दढ्छुहाभिहयं ॥ १७ ॥

क्षत्रियकुंडे
समव-
सरणं.

॥ २६० ॥

मज्जारोऽवि हु ससिरंमि मूसगं ठवइ गाढपणएण । वणसेरिहोऽवि तुरयं रसणाए दढं परामुसइ ॥ १८ ॥
इय जत्य निविवेयावि पाणिणो तत्थ तियसनरनिवहा । उज्झंति मच्छरं जं परोप्परं तं किमच्छरियं ? ॥ १९ ॥
तइए पायारब्भंतरंमि देवाण विविहरूवाइं । विजयपडायापयडाइं संनिसीयंति जाणाइं ॥ २० ॥
एत्थंतरंमि भुवणेक्कभाणुणा कलियसयलभावेण । वयणकिरणेहिं मिच्छत्ततिमिरमवहरिउमारद्धं ॥ २१ ॥

इओ य पुवमेव जिणविहारनिवेयणवावारियपुरिसेहिं सामिसमागमेण वद्धाविओ नंदिवद्धणनराहिवो, हरिसभर-
निस्सरंतरोमंचेण य तेण दवावियं तेसिं चित्तियाइरित्तं पारिओसियं, भणिओ य संनिहियकिंकरवगो-अरे! सिग्घं
संजत्तेह जयकुंजरं पगुणीकरेह तुरंगघट्टाइं पयट्टावेह नयरसोहं उब्भवेह सव्वविजयचिंधाइं आइक्खह आघोसणा-
पुषयं नयरीजणस्स जहा सिग्घं पाउब्भवह कयमज्जणविलेवणा. नियविभवाणुरूवजाणंजंपाणारूढा नरिंदसमीवं
जेण वंदिज्जइ महावीरोत्ति भणिए जं देवो आणवेइत्ति पडिवज्जिऊण संपाडियं नरिंदसासणं, समुवणीओ जयकुं-
जरो, समारूढो य नरिंदो, पुरजणेण परियरिओ पयट्टो भयवओ अभिमुहं, तओ छत्ताइच्छत्ते पेच्छिऊण पमुक्कराय-
चिंधो परेणं विणएणं जयगुरुं विन्नवेउं पवत्तो । कहं ?—

गयणंगणं व ससहरविवज्जियं नाह ! एत्तियं कालं । नयरमिमं तुह विरहे पणट्टसोभं दढं जायं ॥ १ ॥
अहमवि तुम्हऽणुवित्तीए नूण चत्तो न रायलच्छीए । अन्नह तुमए रहियस्स नाह ! का जोगगया मज्झ ! ॥ २ ॥

श्रीगुणचंद्र
महावीरच०
८ प्रस्तावः

॥ २६१ ॥

तुह सच्चरियाणं कित्तणेण पइदियहमेव पुणरुत्तं । साहारो मह जाओ जीयस्सवि निस्सरंतस्स ॥ ३ ॥
ता अज्जं चिय सुदिणं अज्जं चिय वंछियाइं जायाइं । चिरकालाओवि जएक्कनाह ! जमिहागओ तंसि ॥ ४ ॥
इय सव्भावुव्भडपेम्मगव्भवयणाइं जंपिउं राया । सट्ठाणंभि निविट्ठो ठविउं दिट्ठिं जिणमुहंमि ॥ ५ ॥
इओ य तत्थेव नयरे भयवओ भाइणिज्जो रुवलायण्णसाली जमाली नाम कुमारो परिवसइ, सो य वद्धमाणंमि
पव्वज्जं पडिवत्ते नंदिवद्धणनरिंदेण भगवओ पुत्तिं पियदंसणाभिहाणं परिणाविओ सयाणो केलाससेलसिहरसमुत्तुंग-
धवलहरमारूढो वज्जंतेहिं चउविहाउज्जेहिं वरतरुणीसंपउत्तेहिं वत्तीसइवद्धेहिं नाडएहिं उवगिज्जमाणो उवन-
च्चिज्जमाणो य पाउसवासारत्तसरयहेमंतवसंतगिरुहपज्जवसाणे छचेव उउणो जहाविभवेणं माणयंतो पंचविहे पवरे
माणुस्सए कामभोगे पचणुव्भवमाणो सिंगाडगतियचउक्कचचरेसु जिणगमणसवणहल्लफलियं परिचत्तवावारंतरं हल-
वोलाउलियदियंतरं जणसमूहं एगमग्गाणुलग्गं अवलोइऊण सविम्हयं नियपरियणमापुच्छइ-अरे किमज्ज एत्थ
नयरे इंदमहो वा खंदमहो वा सुगुंदमहो वा नागमहो वा जक्खमहो वा चेइयमहो वा ? जं एस पुरजणो एवमे-
गाभिमुहो गच्छइ, परियणेण भणियं—कुमार ! नो अज्ज इंदसंदाईणं ऊसवविसेसो, किंतु भयवं महावीरो तुम्ह
माउलगो समणसंघपरिवुडो वाहिं समोसढो, तस्स वंदणवडियाए एस जणो वचइ, एवं च नित्तापिऊण हरिस-
वससमूससियरोमकूवो कयमज्जणविलेवणालंकारपरिग्गहो सकोरिंटमलदामेणं छत्तेणं धरिज्जमाणेणं नाणाविहपहरण-

नन्दिवर्धन-
कृतास्तुतिः
जमालेरा-
गमनं च.

॥ २६१ ॥

करपुरिसपरिखित्तो पवररहनिसत्रो गओ समोसरणं, दूराओ चिय ओयरिओ रहाओ, परमाथरेण वंदिओ जिणो,
तओ अणिमिसाए दिट्ठीए सामिसुहमवलोयमाणो पज्जुवासिउमारद्धो । भगवयावि पयट्ठाविया धम्मदेसणा ।
कहं चिय ?—

करयलपरिगलियजलं व गलइ पइसमयमेव जीयमिमं । वाहिजरायंकाविय देहं दूमंति निचंपि ॥ १ ॥
अइवहुकिलेससमुवज्जियावि विज्जुव चंचला लच्छी । पियपुत्तसयणजोगोऽवि भंगुरो जलतरंगोव ॥ २ ॥
विसयपिवासा पिसाइयव दुन्निग्गहा तह कहंपि । वामोहइ जह थेवंपि नेव संभवइ वेरग्गं ॥ ३ ॥
अवरावरगिहवावारविरयणावाउलो सयावि जणो । कीणासमुहं वचइ अणुवज्जियधम्मपाहिज्जो ॥ ४ ॥
एसो चिय मुद्धजणस्स विन्भमो सवहाऽविय अजुत्तो । जं पज्जंते धम्मं भोत्तुं भोगे चरिस्सामो ॥ ५ ॥
जं थेरत्ते पत्ते हयंमि सविंदियप्पयारंमि । अच्छउ दूरे करणं दुलहं धम्मस्स सवणंपि ॥ ६ ॥
किं वहुणा भणिणं?, जो वालत्तेऽवि नायरइ धम्मं । संगामसमयहयसिक्खगोव सो सोअइ विरामे ॥ ७ ॥
इय जयगुरुणा नीसेससत्तसाहारणाए वाणीए । मोक्खसुहमूलवीयं कहियं सद्धम्मसवस्सं ॥ ८ ॥
इमं च अवक्खित्तचित्तो सवणंजलीहिं पाऊण जमालिकुमारो हिययंतो समुल्लसंतवेरग्गवासणो भयवंतं पणि-
वइऊण भालयलनिचलनिवेशियपाणिपंकयकोसं भणिउं पवत्तो—

श्रीगुणचंद्र
महावीरचं
८ प्रस्तावः

॥ २६२ ॥

भयवं ! तुमए जह मज्झ देसिओ मोक्खसोक्खदाणखमो । धम्मो तह नो केणवि अन्नेणं निउणमइणावि ? ॥ १ ॥
मन्ने पुवभवेसुं वाढं समुवज्जियं मए पुत्रं । तेण जयनाह ! तुमए सद्धिं मह दंसणं जायं ॥ २ ॥
ता जाव अम्मापियरो पुच्छामि ताव तुब्भं समीवे सफलीकरेमि पव्वजापरिग्गहेण नियजीवियं, भयवयावि
भणियं—बहुविग्घाईं धम्मकज्जाईं मा पडिवंधं कुणसुत्ति, तओ जमाली कुमारो जयगुरुं वंदिऊण संदणारूढो गओ
सगिहं, पत्थावेण य अम्मापिऊण पाए पणमिऊण भणिउमारद्धो—हंहो अम्मताया ! अज्ज मए भयवओ महावीरस्स
अंतिए धम्मो निसामिओ, सो य अमयंपिव अभिरुइओत्ति, अम्मापिऊहिं भणियं—धन्नो कयलक्खणो उवलद्ध-
जम्मजीवियफलोऽसि तुमं, नहु अकयपुत्राण कइयावि सवणगोयरमुवगच्छइ जिणिंदवयणं, जमालिणा संलत्तं—
अम्मताया ! तदायन्नणाणंतरमेव संसारभउच्चिग्गो भीओऽहं जम्मणमरणाणं ता इच्छामि तुब्भेहिं समणुण्णाओ
समाणो समणभावं पडिवज्जिउं । इमं च अस्सुयपुवं निसामिऊण जमालिस्स जणणी तक्खणुप्पन्नसंताववसविस-
प्पमाणसेयसलिला सोगभरवेविरंगी पयंडमायंगकराहयकुमुयं व मिलाणलायन्नं वयणमुवहंती तक्खणकिसीभूय-
बाहुवल्लरीगलंतकणयवलया धरणिवट्टपब्भट्टउत्तरिल्ला विकिण्णकेसहत्था सिठिलसंधिवंधणा मुच्छावसनट्टचेयणा
धसत्ति कोट्टिमतलंमि निवडिया, अहं ससंभमपधाविएण परियणेण निम्मलसलिलसीयरसंवलिएण तालियंटपव-
णेण आसासिया समाणी सुचिरं विलविऊण विमुक्कदीहनीसासा जमालिं भणिउं पवत्ता—अहो वच्छ ! अम्हाणं तुमं

जमालेवो-
धः मातु-
मूर्च्छा.

॥ २६२ ॥

चेव एगो पुत्तो संमओ पिओ हिययनदंगो रयणकरंडगसमाणो ओवइयसमुवलद्धो, ता नो खलु वच्छ। अम्हे इच्छामो तुम्ह खणमेत्तमवि विओगं, किमंग पवज्जाणुमन्नणं?, अओ अच्छसु ताव जाव अम्हे जीवामो, कालगएहिं पुण परिणयवओ वड्हियकुलसंतई निविन्नकामभोगो पधजेज्जासि, जमालिणा भणियं—अम्मा! एत्थ खलु माणुसए भवे अणेगसारीरमाणसरोगसोगजरामरणपमुहोवद्वसंपगाढे असासए जलबुब्बुयसमाणे सरयगिरिसिहरसरंतसरिया-तरंगभंगुरे को एवं जाणइ—के पुविं मरणधम्माणो के वा पच्छा मरणधम्माणोत्ति, किं च—

जइ नाम सुणिज्ज इमंपि कोइ ता किं न होज्ज पज्जत्तं? । किं तु अयंडेवि अखंडियागमो पडइ जमदंडो ॥ १ ॥
 किंतु—कस्स न हरंति हिययं विसया? नो कस्स वल्लहा सुयणा? । किंतु खरपवणपहयं किसलयमिव भंगुरं जीयं ॥ २ ॥
 एत्तो चिय दुज्जणमाणसं व मोत्तूण रजरट्टाई । धीरा दुरणुचरंपि हु संजममग्गं समणुल्लगा ॥ ३ ॥
 ता मोहपसरमुच्छिदिऊण गयमो(अणुमण्ण)धम्मकरणत्थं । किं वल्लहं निरुंभइ कोवि हु जलणाउले गेहे? ॥ ४ ॥
 एवं च भणिए अम्मापिऊहिं कहियं—पुत्त! इमं तुह सरीरं विसिट्ठलक्खणवंजणगुणोववेयं उत्तमवलवीरियसत्त-
 जुत्तं उदग्गसोहग्गसंगयं समग्गरोगरहियं निरुवहयलट्ठपंचिंदियं पढमजोवणगुणाणुगयं, अओ कहं दुरणुचरं संजमं
 काउं पारिही?, जेण—

मत्तकरिरायदढचलणचंपणं सहइ नेव कमलवणं । उवरमसु पुत्त! दुक्करसंजमकरणाउ तेण तुमं ॥ १ ॥

श्रीगुणचंद्र
महावीरच०
८ प्रस्तावः

॥ २६३ ॥

जमालिणा भणियं—अम्मो ! माणुसगं सरीरं अणेगरोगसोगसंगयं अट्टिसंचयसमुट्टियं ण्हारुसिराजालसंपिणद्धं
अकुट्टिमट्टियाभायणं व थेवेणवि विद्धंसणसीलं असुइयं रुहिरमंसवसमेयसुक्काइकलुसपडिपुन्नं सवोचद्वसज्झं अव-
स्समुज्झणिज्जंति । अविय—

निस्सारस्सवि एयस्स सारया एत्तिण्ण निव्वडिया । जं उवयारे वट्टइ मोक्खत्थं उज्जमंताणं ॥ १ ॥

जइ ण्हाणविलेवणभूसणेहिं कीरइ इमस्स नो चेद्धा । ता वासरससहरमंडलं व सोहं न उवहइ ॥ २ ॥

तओ पुणोऽवि भणियं जणणीए—पुत्त ! इमाओ समुन्नयरायकुलसंभवाओ सयलकलाकुसलाओ रुवलायन्नमण-
हरंगीओ जलहिवेलाओ व सकुलालंकरणाओ सुमुणिमालाओ इव मुत्ताहारपरिग्गहाओ मयगलावलीओ इव लीला-
लसगामिणीओ पीणघणथणविणमियमुट्टिगेज्झमज्झाओ मणोणुकूलवत्तिणीओ सवंगसुंदरंगीओ पियदंसणापमुहाओ
अट्ट पियय्माओ अपत्तकालेच्चिय परिचइऊणमचंतमजुत्तं तुह तवोकम्ममारंभिउं, तम्हा एयाहिं सद्धिं ताव भुंजाहि
माणुस्सए कामभोए, परिणयवओ य एयाहिं चेव समं पवज्जं आयरेजासि ।

जमालिणा कहियं—अम्मो ! एए माणुस्सया कामभोगा उचारपासवणवंतपूयसुकसोणियसमुच्चभवा मयकलेवर-
निस्सरंतविस्सगंधा असुहउस्सासुवेयजणगा वीभच्छा तुच्छकालिया बहुकिलेससज्झा य अवुहजणजणियचित्तप-
रितोसा साहुगरहणिज्जा अणंतचाउरंतसंसारवद्धणा करयलकलियद्धदहकट्टं व अमुच्चमाणा असंखतिकखदुक्खाणुवं-

दीक्षायाम-
विलंबः मा-
नुष्यानिव्य-
ता विषय-
निन्दः

॥ २६३ ॥

धिणो गुगङ्गमणविग्घकारिणो कंहं कुसलाण खणमेत्तंपि उवभोत्तुं जुत्ता हवन्ति ? । अविद्य—

को णाम जीवियत्थी तालउडविसं कयावि भुंजेज्जा ? । उग्गाढदाढकेसरिमुहकंदरमहव घट्टेज्जा ? ॥ १ ॥
जालाकलावभीसणवज्जानलमज्झमहव पविसेज्जा । निसियग्गखग्गधारासु वावि को वा परिभमेज्जा ? ॥ २ ॥

अहवा सवंपि इमं करेज्ज कोऽवि हु सुराइसामत्था ।

विसए पुण परिभोत्तुं खेमेण न कोइ (खणमवि न सुहेण) निवसेज्जा ? ॥ ३ ॥

जइ कहवि अयाणंता मूढा विसएसु संपयट्ठंति । ता किं मुणियजिणेसरवयणाणवि वट्ठिउं जुत्तं ? ॥ ४ ॥

इमं च निसामिऊण पुणोऽवि भणियं जणणीए—वच्छ ! इमं अज्जयपज्जयपिउपज्जायागयं वहुं हिरण्णं रययं कंसं
दूसं निहिनिवहं अलं सत्त पुरिसे जाव पक्कामं दाउं पक्कामं परिभोत्तुं ता जहेच्छं विलससु कइवय वासराइंति,
जमालिणा भणियं—अम्मो ! सुवहुंपि दविणजायं अग्गिसाहियं चोरसाहियं दाइयसाहियं अधुवं असासयं असेसाण-
त्थसत्थनिवंधणं, अओ को एत्थ पडिवंधो ?, एवं च अणेगप्पयारेहिं अणुकूलेहिं वयणेहिं जाव पन्नविज्जमाणोऽवि
जमाली न किंपि पडिवज्जइ ताव पुणोऽवि संजमभयकरेहिं वयणेहिं अम्मापिउणो पयंपंति-वच्छ ! दुरणुचरं निग्गंधं
पावयणं, जओ एत्थ लोहमया जवा चावेयवा गंगामहानईए पडिसोएण गंतवं महासमुदो भुयाहिं तरियवो असि-
धारं वयं अणुचरियवं, न य वच्छ ! एत्थ समणाणं कप्पइ आहाकम्मियं वा उद्देसियं वा मिस्सजायं वा कीयगड-

श्रीगुणचंद्र
महावीरच०
८ प्रस्तावः

॥ २६४ ॥

पसुहं वा दुब्भिव्खभत्तं वा गिलाणभत्तं वा वहलियाभत्तं वा सेज्जायरपिंडं वा कंदमूलफलवीयहरियभोयणं वा परिभोत्तुं, तुमं च वच्छ! सुहलालिओ न समत्थो सीयवायायवखुहापिवासापसुहदुस्सहवावीसपरीसहसहणं सुहुत्तमवि काउं, ता अलाहि पुणरुत्तवायावित्थरेणं, जमालिणा भणियं—अम्मताया! इमं निग्गंथं पावयणं कीवाणं कायराणं काउरिसाणं इहलोयपडिवद्धाणं परलोयपरंसुहाणं विसयतिसियाणं दुरणुचरं, नो सप्पुरिसाणं पडिवन्नभरधरणधवलाणं नियसरीरजीवियनिरवेक्खाणंति, एवं च अणुकूलेहिं पडिकूलेहि य वयणेहिं भणिओ समाणो जाव जमाली न परिच्चयइ पवज्जाभिलासं ताव अकामएहिं चेव अणुमन्निओ जणणिजणगेहिं। तयणंतरं आहूया निययपुरिसा भणिया य, जहा—सिग्घमेव खत्तियकुडग्गामं नयरं सवाहिरवभंतरं सम्मज्जिओवलित्तं अवणियतणकयवरं विसोहियरायमग्गं कारावेह, जमालिकुमारस्स य जोग्गं महरिहं निक्खमणभिसेयं निवत्तेह, ते य सविणयं पडिसुणित्ता नीहरिया भवणाओ संपाडियं रायसासणं, तयणंतरं च पुरत्थाभिमुहम्मि सीहासणे उववेसिऊण जमालिकुमारो मणिकणगरययपुढविमएहिं अट्टोत्तरसयसंखेहिं अणेगेहिं कलसेहिं गंधुद्धुरपवरसलिलभरिएहिं षहाविओ। अम्मापिऊहिं निवत्तियंमि य अभिसेगे भणिओ—वच्छ! किमियाणिं तुह बहुमयं पियं पयच्छामो?, जमालिणा भणियं—अम्मताया! इच्छामि इयाणिं कुत्तियावणाओ रयहरणं पडिग्गहं च उवणिज्जमाणं तथा कासवं च वाहरिज्जमाणं, एवं च निसामिऊण जमालिपिऊणा भणिया पुरिसा—अरे सिरिधराओ तिन्नि दविणसयसहस्साइं घेत्तूण

अर्थविपाकः
संयमसुक-
रतादीक्षा-
नुमतिः.

॥ २६४ ॥

कुत्तियावणाओ रयहरणं पडिग्गहं च एगमेगलक्खेण आणेह, एगलक्खप्पयाणेण कासवगं च सहावेह, एवमाणत्ते
 निग्गया पुरिसा रयहरणं पडिग्गहं कासवगं च घेत्तूण पडिनिवत्ता, सो य कासवो जमालिपियरं पणमिऊण एवं
 भणिउं पवत्तो-देव! संदिसह जं मए करणिज्जं, तेण जंपियं-भइ! जमालिस्स कुमारस्स परेणं जत्तेणं चउरंगुलवज्जे
 निक्खमणपाओग्गे अग्गकेसे कप्पेहि, तओ सो कासवओ सुरभिगंधोदएण करचलणे पक्खालिऊण अट्टगुणाए
 पोत्तीए वयणं संजमिऊण जहुत्तेण विहिणा केसे कप्पिउमारद्धो, जणणीवि से अणवरयं कज्जलमलिणाइं अंसु-
 याइं मुयंती भुयगनिम्मोयनिम्मलेण उत्तरिजेण केसकलावं पडिच्छइ, तयणंतरं च सुरभिवारिणा पक्खालिऊण
 हरियंदसविलेवणपुप्फेहिं अचेइ, पंडुरवत्थंमि वंधिऊण रयणकरंडगंमि पक्खिवइ, सोगभरगग्गरगिरं च रुयमाणी
 एवं भणइ-एत्तो मए मंदपुण्णाए जण्णेसु ऊसवेसु य वहीसु य इमेहिं पुत्तो जमाली सुमरणिज्जोत्ति, एवं च अभि-
 क्खणं जंपमाणी तं रयणकरंडगं नियसयणिज्जस्स ऊसीसगमूले ठवेइ, अह निवत्तियमज्जणमहूसवो परिहियामल-
 दुगुल्लो हेममयमउडमणिकणयकडयकुंडलालंकियसरीरो वच्छत्थलरिंखोलिंतविमलमुत्ताकलावसोहिल्लो विविहाभरण-
 पहाभरविच्छुरियनहंगणाभोगो तक्कालमिलियविलयासमूहकीरंतमंगलायारो दाणाणंदियमग्गणगिज्जंतुद्दामगुणनि-
 चहो खंभसयसंनिविट्ठं समीरंवुयधवलधयवडसणाहं सुविचित्तचित्तरम्मं. अणेगजणजणियपरितोसं सुइनेवत्थधराणं
 छेयाणं पवरनरज्जुवाणाणं सहस्सेणं उक्खित्तं झडत्ति सिवियं समारूढो, रयहरणपडिग्गहधारिणीए दाहिणदिसिं

श्रीगुणचंद्र
महावीरच०
८ प्रस्तावः

॥ २६५ ॥

निलीणाए धावीए परियरिओ, अन्नाहि य पवररमणीहिं धरियधवलायवत्तो चलंतससिकंतचामरावयवो दिष्टिपह-
पइट्टावियमणिमयअट्टुमंगलओ करित्तरयरहवरारूढसयणवग्गेण अणुगमिज्जंतो वज्जंतोउज्जसमुच्छलंतरवभरियनह-
विवरो पासायतलट्टियपउरलोयनिवहेण संथुणिज्जंतो झडत्ति जमालिकुमारो तयणु पयट्टो जिणाभिमुहं ।

अह जमालिस्स भारिया पियदंसणा तहाविहवइयरमुवलब्भ जायभववेरग्गा पवज्जं पडिवज्जिउकामा तहेव
पट्टिया, कमेण य पत्ताइं ताइं जिणंतियं, तओ पंचरायसुयसयपरिवारो जमालिकुमारो पडिवन्नो जिणिंददेसियं
समणधम्मं, पियदंसणावि नरिंददुहिया सहस्सेण परिवुडा पवहुमाणसंवेगा सुमणी जायत्ति ।

अह जमाली सामाइयमाइयाइं एक्कारस अंगाइं ससुत्ताइं सअत्थाइं अहिज्जइ, बहूहिं चउत्थलट्टुमपमुहेहिं अण-
वरयं विचित्तेहिं तवोकम्मेहिं अप्पाणं भावित्तो भगवया सद्धिं पुरागराइसु विहरइ, पियदंसणावि चंदणाए पव-
त्तिणीए समं परियडइ ।

अह अन्नया कयाइं जमाली भयवंतं महावीरजिणवरं वंदित्ता विन्नविउमारद्धो-भयवं! वंछामि अहं तुब्भेहिं
अब्भणुन्नाओ समाणो अनिययविहारेहिं पंचहिं समणसएहिं सद्धिं विहरिउंति, सामीवि विमलकेवलालोयावलो-
इयसयलजियलोयभूयभाविवट्टमाणकालकलावलंबिसुहासुहपरिणामविसेसो भाविरमणत्थं मुणिऊण जमालिस्स पुणो
पुणो भणमाणस्सवि मोणमवलंबिऊण जाविउं पवत्तो, जमालीऽवि अप्पडिसिद्धमणुमयंति कलिऊण पंचहिं समण-

जमाले-
दीक्षा.

॥ २६५ ॥

सएहिं सहिओ तवस्सिणीसहस्सपरिधुडाए पियदंसणाए समणुगओ अपुष्वापुव्वगामनगरागराइसु भमिउमारद्धो,
 अन्नया य गामाणुगामेण विहरमाणो समागओ सावत्थिं नयरिं, ठिओ य कुट्टगाभिहाणम्मि उज्जाणे, तत्थ य
 ठियस्स विरसेहिं लुक्खेहिं सीयलेहिं तुच्छेहिं असुंदरोहिं कालाइकंतेहिं पाणभोयणेहिं दुरहियासो पयंडो सरीरंमि
 पित्तजरो पाउब्भूओ, तेण य अचंतं अभिहओ समाणो भणइ—अहो समणा! मम निमित्तं संधारयं संधारेह, ते य
 तघयणमायन्निऊण तक्खणमेव संधारयं संधारिउमारद्धा, जमालीवि अहिययरं वेयणाभिहओ निसन्नो ठाउमपा-
 रयंतो पुणो पुणो पुच्छइ—भो समणा! संधारगो संधरिओ न वा?, तेहिं भणियं—संधरिओ, एयं च सोचा उट्ठिओ
 जमाली गओ तदंतियं, संधारयं च संधरिज्जंतं पेच्छिऊण उप्पन्नमिच्छतो जंपिउं पवत्तो—भो मुणिणो! इयाणिं
 मुणियं मए तत्तं, निप्फन्नमेव निप्फन्नं भन्नइ, न उण निप्फज्जमाणंपि, अओ संधरिज्जमाणेऽवि संधारगे संधरिओत्ति
 तुब्भेहिं वुत्तं तमसच्चं, एवं च—

कडमाणं कडमुप्पज्जमाणमुप्पन्नमेवमाइवि । वागरइ जं जिणिंदो दिट्ठविरोहा न तं घडइ ॥ १ ॥
 अवरारसमयसमूहजोगनिप्फज्जमाणकज्जंमि । कह पारंभे चिय कडमिमंति वोत्तुं खमं होजा? ॥ २ ॥
 अत्थकिरियापसाहणखमं च वत्थुत्तणं समुव्वहइ । पढमसमप्पसूए य तयंपि नो विज्जइ पयत्थे ॥ ३ ॥
 जइ पारंभे चिय तं कडंति एवं च सेससमएसु । करणे कडस्स आवडइ उब्भडा नूणमणवत्था ॥ ४ ॥

ता जुत्तिसंगयमिमं कडमेव कडं पवुच्चए पयडं । किरियानिट्टासमयाण होइ एवं च न विरोहो ॥ ५ ॥
इय पडिवज्जह समणा ! पक्खमिमं सयलदोसपरिहीणं । वुत्तंति नेय गिज्झइ कुसलेहिं किंतु जुत्तंति ॥ ६ ॥
नय सव्वनुत्ति पसिद्धिपत्तकित्ती जिणो वयइ मिच्छा । किं तु वए चिय कइयावि जेण गरुयावि मुज्झंति ॥ ७ ॥
इय समयसत्थसवणुब्भवंपि तं नियविवेयमवहाय । पित्तजरविहुरिओ इय पलवइ असमंजसं बहुसो ॥ ८ ॥
एवं च मुक्कमज्जायं अजुत्तजंपिरं च जमालिं वियाणिऊण थेरेहिं भणियं—भो जमालि ! किमेवं विवरीयं परूवेसि ?,
न हु विजियरागदोसमोहा अन्नहा जंपंति तित्थयरा, न य तवयणं मणांमपि पच्चक्खविरुद्धाइदोसलेसमावहइ,
तहाहि—जं तए भणियं—अणेगुत्तरोत्तरसमएहिं निप्फज्जमाणंमि कज्जे कहं पारंभसमएवि निप्फणंति वुच्चइ ?, तमजुत्तं,
जओ—जइ पढमसमए निप्फणं न वुच्चइ ता समयाविसेसत्तणेण वीयाइसु समएसु अनिप्फत्ती चेव हवेज्जा, जं च
अत्थकिरियाए साहगतं वत्थुलक्खणं भणियं तंपि इह अवभिचरियं जुज्झइ, अभिहाणनाणोवओगसंभवाओ, तहा-
हि—तहाविहं वत्थुविसेसं पप्प पढमसमएवि लोगो किमेयं कुणसित्ति अन्नेण पुट्टो वागरइ—घडं पडं वा करेमित्ति,
जं च पढमसमयकडे उत्तरोत्तरसमएसु कडकरणलक्खणाणवत्थादूसणं तंपि अन्नन्नकजंतरपसाहणेण अलियमेव,
किरियाकालनिट्टाकालभेयदूसणपक्खोऽवि विहलो, जं च कहियं—न वुत्तं गिज्झइ किं तु जुत्तं, तत्थवि छउम-
त्थस्स तुम्हारिसस्स कहं जुत्ताजुत्तविवेओ संभवेज्जा ?, भयवं चिय केवलालोयकलियलोयालोयभावो एत्थ पमाणं,

जं च भणियं गरुयावि कयावि मुञ्जंति तंपि उम्मत्तपलवियं व न कुसलाण चित्तं रंजितं पारइ, ता सुद्धु भणियं
भगवया—कडमाणं कडमुप्पज्जमाणमुप्पन्नमिच्छाइ, किंच—

जइ तिहुयणेक्कचूडामणी जिणो वागरेज्ज वितहमहो । ता तव्वयणेण तवोविहाणमेयं किमायरसि ? ॥ १ ॥

रज्जं रट्ठं च विवज्जिऊण आणाए तस्स निक्खमिउं । तव्वयणं दूसिंतो कह न तुमं लज्जसे इण्हि ? ॥ १ ॥

अहवाऽणाभोगसमुब्भवेण दोसेण दुद्धु भणिएवि । जायइ पुणो विसुद्धी आलोयणनिंदणाईहिं ॥ ३ ॥

ता मोत्तुं कुचियप्पं वच्च समीवे जएक्कदीवस्स । पडिवज्जसु पच्छित्तं मा विफलं नेसु नियजम्मं ॥ ४ ॥

अक्खरमेत्तंपि न जो जिणिंदवयणस्स सहइ मणुस्सो । सो पावइ मिच्छत्तं तत्तो संसारपरिवुट्ठिं ॥ ५ ॥

तत्तो चिय किच्चिसत्तियसत्तिरियवसहीसु मणुयजोणीसु । दुव्विसहदुहपरंपरमणंतमणिवारियं लहइ ॥ ६ ॥

गरुओऽवि पावरासी जिणिंदसमयत्थसहइणहणिओ । नावत्थाणं वंधइ चणोव्व खरपवणपडिहणिओ ॥ ७ ॥

इय सो थेरोहिं बहुप्पयारहेज्जहिं अत्थसारेहिं । तह गाढं पन्नविओ जह सहसा मोणमल्लीणो ॥ ८ ॥

अह विवरीयपरूवणापाउब्भूयपावपायच्छित्तमपडिवज्जमाणं जमालिं परिहरिऊण केऽवि थेरा भगवओ समीव-
मुवगया, अन्ने य तस्स चेव पासे ठिया, पियदंसणावि अज्जियासहस्सपरिवारा महिलाभावसुलभनिविवेययाए
पुव्वपडिवंधाणुवित्तीए य जमालिस्स पक्खमणुवत्तिउमारद्धा ।

श्रीगुणचंद्र
महावीरच०
८ प्रस्तावः

॥ २६७ ॥

एगया य जायनीरोगसरीरो जमाली तेण असग्गहेण अप्पाणं च परं च पइदिणं वुग्गाहेमाणो वुप्पाएमाणो जिणनाहवयणं दूसेमाणो अहमेव उप्पन्ननाणदंसणधरो सवन्नत्ति अहंकारमुवहंतो सवत्थ हिंडिउं पवत्तो । अन्नया य चंपानयरीए पुण्णभद्दे चेइए समोसठस्स अणेगसिस्सगणपरिवुडस्स भयवओ महावीरस्स अदूरदेसंमि सो ठाऊण सगवमेवं भणिउंमाढत्तो-भयवं ! जहा तुज्झ वहवे सिस्सा छउमत्था चेव भवित्ता मरणधम्मयं पत्ता तहा न खलु अहं, जओ मम दिव्वमक्खयं केवलनाणदंसणं उप्पन्नंति, तवसेण य सव्वं जहट्टियं वत्थुत्तं अवगच्छामि, अओ एत्थ धरामंडले अहमेव अरहा सवन्नू सव्वदरिसित्ति । इमं च निसामिऊण भणिओ गोअमसामिणा-भो जमाली ! जइ तुमं एवंविहो ता तुज्झ नाणं सेलेण वा थंभेण वा थूभेण वा न वारिज्जइ, अओ इमाइं दोन्नि पसिणाइं ममं वागरेहि, किं सासओ लोगो असासओ ?, किं सासओ जीवो असासओ वत्ति ?, एवं च पुच्छिओ जमाली संसय-मावण्णो जाव पच्चुत्तरं दाउमसमतथो विच्छायमुहंछाओ तुसिणीए संचिट्ठइ ताव भुवणेक्कभाणुणा महावीरेण वाग-रिओ-भो जमाली ! वहवे मम अंतेवासिणो जिणा इव समत्था इमं आयक्खिउं, किं तु तुमं व न एवं सगव्वसु-छवंति, न य भद्द ! एत्थ किंपि दुन्नेयं, जओ सासओऽवि लोगो असासओऽवि लोगो, कहं ?, कालत्तएवि अवट्ठि-यसामन्नरूवत्तणेण सासओ, ओसप्पिणीपमुहपज्जायपरियत्तणेण य असासओ, एवं जीवोऽवि सव्वावत्थासु अणुगा-मित्तणेण सासओ, नरनेरइयतिरियाइपज्जायंतरसंभवा असासओत्ति । एवं च भगवओ आइक्खमाणस्स जमाली

स्वविरादी-
नां जिनपा-
र्थेगमनं प्र-
श्नोत्तरे च.

॥ २६७ ॥

कुवियप्पाउलहिययत्तणेण असद्दहिऊण तेण पुव्ववुग्गाहिएण नियसमणसमणीसंधेण परिवुडो पुरनगराइसु नियदं-
सणाभिप्पायं परूवयंतो विहरइ, वित्थरिया सवत्थ एसा संकहा जहा जमाली भगवओ मिच्छं पडिवन्नोत्ति ।

अन्नया य सो विहरमाणो पुणो गओ सावत्थिं नयरिं, ठिओ य एगत्थ उज्जाणे, पियदंसणावि अज्जियासहस्स-
परिवारा महिद्धियस्स ढंकाभिहाणस्स कुंभकारस्स आवणे आपुच्छित्ता ठिया, सो य ढंको जिणवयणभावियप्पा
जाणइ जहा एयाणि मिच्छत्तमुवगयाणि, जिणवयणं न पत्तियंति, अओ जइ कहवि वोहिज्जंति तो सुद्धु लद्धं हव-
इत्ति । अन्नया य भंडयाइं उवत्तंतेण पडिवोहणत्थं पियदंसणासाहुणीए वत्थंमि पक्खित्तो एगो जलणकणो, तेण
य दज्झमाणं वत्थं पेच्छिऊण तीए भणियं-भो महाणुभाव ! किमेयं तए कयं?, पेच्छ मम पडगो दद्धो, तेण
भणियं-अज्जिए ! मा सुसं वयाहि, सव्वंमि चेव वत्थे निद्दहे एवं भणित्तं जुज्जइ, एस किर तुम्ह संमयत्थो, अन्नहा
दज्झमाणं दद्धंति जिणवरवीरवयणं चेव पडिवज्जित्तं जुत्तं ।

एयं च तीए सोचा तक्कालुप्पन्नसुद्धवुद्धीए । भणियं-सम्मं सावय ! मूढाऽहं वोहिया तुमए ॥ १ ॥

तइल्लोयतिलयभूयस्स भगवओ वद्धमाणसामिस्स । वयणं पावाए मए पडिकूलियमेत्तियं कालं ॥ २ ॥

जस्स वयणेण विहिओ घरचाओ संजमो य पडिवन्नो । सोवि जिणो न गणिज्जइ, अहो महं मोहमाहप्पं ॥ ३ ॥

ढंकेण तओ भणियं-भयवइ ! मा वहसु चित्तसंतारं । समणीजणपरियरिया वचसु सव्वन्नुपासंमि ॥ ४ ॥

श्रीगुणचंद्र
महावीरच०
८ प्रस्तावः

॥ २६८ ॥

आणाए तस्स वट्टसु गरिहसु नियदुक्कडं समग्गंपि । उम्मग्गं पडिवन्नं लोयं परिहरसु वेरिं व ॥ ५ ॥
इच्छामो अणुसट्ठिंति जंपिउं साहुणीसहस्सेण । परियरिया सा तत्तो तिहुयणपहुणो गया पासे ॥ ६ ॥
मोत्तुं जमालिमेगं ढंकेणऽन्नेवि वोहिया समणा । तं मोत्तूणं सवे तेऽवि गया जिणवरसमीवं ॥ ७ ॥
इयं ताव इहं भवे चिय जियवयणविकूलणाणुभावेण । भुक्को न केवलं सुणिवरेहिं सुगुणेहिंवि जमाली ॥ ८ ॥
एवं च सो मिच्छत्ताभिणिवेसेणं अप्पाणं समीववत्तिजणं च वोप्पायएंतो बहुयाइं वासाइं सामन्नपरियागं पाउ-
णित्ता अद्धमासियं च पज्जंते संलेहणं काऊण तस्स ठाणस्स अणालोइयपडिक्कंतो मओ समाणो लंतए कप्पे तेरस-
सागरोवमठिइएसु किब्बिसियसुरेसु देवत्ताए उववन्नो ।

इओ य भगवया गोयमेण जमालिं कालगयं जाणित्ता भयवंतं महावीरं परेणं विणएणं वंदित्ता भणियं—भंते !
तुभं कुसीसो जमाली नामं अणगारो तहाविहं उग्गं तवविसेसं आसेविऊण कहिं उववन्नो?, तओ भगवया
कहिओ सवो किब्बिसयदेवत्तलाभपज्जवसाणो से तवइयरो ।

अह भणइ इंदभूर्इ—भयवं तारिस तवंपि काऊणं । किं कारणमुववन्नो किब्बिसियसुरेसु स जमाली? ॥ १ ॥

ताहे भणियं भुवणेकभाणुणा सुणियसयलभावेण । गोयम ! सुणेसु एत्थं कारणमेग्गच्चित्तेण ॥ २ ॥

धम्ममायाररयाणं आयरिआणं विसुद्धसीलाणं । सुत्तप्पवत्तयाणं उज्झायाणं गुणनिहीणं ॥ ३ ॥

प्रियदर्शना-
बोधः जमा-
लिमरणं.

॥ २६८ ॥

कुलगणसंघाणंपिय पडिणीया जे हवंति इह जीवा । विउलंपि तवं काउं ते किञ्चिसिएसु जायंति ॥ ४ ॥

पुणरवि गोयमसामी पुच्छइ भयवं ! तओ सठाणाओ । चइउं कइहिं भवेहिं पाविस्सइ मोक्खपुरवासं ॥ ५ ॥

जिणनाहेणं भणियं सुरतिरियनरेसु पंच वेलाओ । भमिऊण पत्तवोही लहिही निघाणसोक्खाइं ॥ ६ ॥

ता भो देवाणुपिया ! जमालिमुणिणो निसामिउं चरियं । धम्मगुरुप्पमुहाणं विणयपरा होज्जह सयावि ॥ ७ ॥

इय सिक्खविउं मुणिणो समत्थजियलोयवच्छलो वीरो । विहरइ पडिवोहिंतो भव्वजणं परमकरुणाए ॥ ८ ॥

विहरंतस्स य पडुणो एत्तो ससिसूरवरविमाणाणं । अवयारणअच्छरियं जह जायं तह निसामेह ॥ ९ ॥

साएए नयरे सन्निहियपाडिहेरो सुरप्पिओ नाम जक्खो, सो य पइवरिसं चित्तिज्जइ महूसवो य से परमो कीरइ, सो य चित्तिओ समाणो चित्तगरं वावाएइ, जइ न चित्तिज्जइ ता नयरे जणमारिं विउव्वइ, तब्भएण य सा चित्तगरसेणी पलाइउमारद्धा, णरवइणा विचिंतियं—जइ इमे सव्वे पलाइस्संति ता अवस्समेस जक्खो अचित्तिज्जंतो अम्ह वहाए भविस्सइत्ति परिभाविऊण ते चित्तकरा संकलियावद्धा कया, सव्वेसिं नामाणि य पत्तए लिहिऊण घडए छूडाणि, तओ वरिसे वरिसे जस्स नामपत्तयं नीहरइ सो चित्तकम्मं जक्खस्स करेइ, एवं कालो वच्चइ । अन्नया य को-संवीनयरीए वत्थवो एगो चित्तयरदारगो चित्तविज्जासिक्खणत्थं तत्थागओ ठिओ य चित्तगरथेरीए मंदिरे, जाया य तप्पुत्तेण सद्धिं तस्स मित्ती, एवं च तस्स अच्छंतस्स तंमि वरिसे समागओ थेरीसुयस्स वारगो, तओ थेरी बहुप्पयारं

श्रीगुणचंद
महावीरच०
८ प्रस्तावः

॥ २६९ ॥

उरसिराइं ताडेंती रोइउमारद्धा, पुच्छिया य तेण कोसंवीचित्तगरदारगेण—अम्मो! कीस रोयसि?, तीए भणियं—
पुत्त! एगो चिय एस मे सुओ, संपयं जक्खं चित्तिऊण जमसुहं पाविउकामोविव लक्खिज्जइ, तेण जंपियं—अम्मो!
मा रुयसु, अहं जक्खं चित्तिस्सामि, तीए भणियं—वच्छ! तुमं मे पुत्तो किं न भवसि?, तेण कहियं—तहावि चित्ति-
स्सामि, अह जायंमि पत्थावे सो छट्ठभत्तं काऊण ण्हाओ चंदणरससमालभियदेहो नियंसियवत्थजुयलो अट्टगुणपो-
त्तीए सुहं संजमिऊण नवएहिं कुचगेहिं पसत्थेहिं वन्नगेहिं जक्खं चित्तिऊण परेण विणएणं पायवडिओ भणइ—
देव! सुरप्पिय! को तुज्झ चित्तकम्मं विणिम्मिउं तरइ? । अचंतं निउणोऽविहु किं पुण अम्हारिसो सुद्धो ॥१॥
तहवि हु चवलत्तणओ न सुद्धु जं वट्ठियं मए किंपि । तं खमियवं तुमए सामिय! पणयंमि को कोवो? ॥२॥
एवं थुणंतस्स तस्स परितुट्ठो जक्खो भणइ—अरे वरं वरेसु, तेण भणियं—देव! एसो चेव वरो—मा एत्तो लोगं
मारिस्ससि, जक्खेण भणियं—तुज्झ अविणासणाओ चेव सिद्धमेयं, अन्नं मग्गेसु, तेण जंपियं—जइ एवं ता जस्स
दुपयस्स चउप्पयस्स अपयस्स वा एगदेसमवि पेच्छामि तस्साणुरूवं चित्तं निवत्तिज्जामि, जक्खेण भणियं—एवं
होहित्ति, तओ सो उवलद्धवरो रत्ता नगरजणेण सक्कारिओ संतो गओ कोसंवीं नयरिं, तत्थ य पुव्वभणिओ सया-
णिओ राया, सो अन्नया रज्जेणं रट्ठेणं चउरंगवलविच्छहेणं अन्नेण य विभूइविसेसेणं गव्वमुव्वहंतो अत्थाणीमंडवे
निविट्ठो द्वयं पुच्छइ—अरे किं मम नत्थि? जं अन्नरिंदाणमत्थि, तेण जंपियं—देव! तुम्ह चित्तसभा नत्थि, एवं च

चन्द्रसूर्या-
गमनं वर-
दत्तश्चित्र-
कारः०

॥ २६९ ॥

भणिए जाणता राइणा सभामंडवचित्तणत्थं चित्तगरा, तेहिं च समा भूमी विभइऊण पारद्धा चित्तिउं, तस्स य
 वरदिन्नस्स जो अंतेउरकीलापचासन्नो पएसो सो समप्पिओ, तथा य तत्थ चित्तकम्मं कुणमाणेण एगथा नरिंद-
 ग्गमहिस्सीए मिगावईदेवीए जालकडगंतरेण मणिमयमुद्धियाकिरणविच्छुरिओ चरणंगुट्टओ दिट्ठो, उवमाणेण य
 नायमणेणं जहा मिगावई एसत्ति, तओ तेण अंगुट्टगाणुसारेण जहावट्ठियं रूवमालिहियं, तंमि य चक्खुंमि उम्मी-
 लिज्जंते एगो मसिर्विंदू ऊरूअंते निवडिओ, तेणावणीओ, पुणोऽवि पडिओ, एवं तइयवेलाए तं निवडियं पेच्छि-
 ऊण नूणमणेण एत्थ होयवंति जायनिच्छएण नावणीओ, अह समत्तंमि चित्तकम्मे राया चित्तसभं पलोयंतो तं
 पएसं सपत्तो जत्य तं मिगावईए रूवं, तं च अणिमेसच्छिणा पेच्छमाणेण दिट्ठो सो विंदू, तओ आवद्धभिउडी-
 भीमो रोसवसायंविरच्छिविच्छोहो तं च दट्ठूण नरिंदो चित्तिउमेवं समाढत्तो—

एएण पावमइणा मम पत्ती धरिसियत्ति निब्भंतं । कहमन्नहा नियंसणमज्झगयंपिहु मुणेज्ज मसं ॥ १ ॥
 इयरंमिवि परदारो परिभोगपरं वयं निगिण्हामो । किं पुण सए कलत्ते एयं नायंपिहु खमामो ? ॥ २ ॥
 एवं परिभाविऊण सो वरदिन्नचित्तगरो समप्पिओ दंडवासियाणं, आणत्तो य वज्झो, एयं च वइयरं निसामि-
 ऊण उवट्ठिया चित्तगरसेणी, विन्नविओ राया, जहा-देव ! वरलद्धओ एसो, जस्स अवयवमेत्तंपि पासइ तस्स पडि-
 पुत्तं रूवमालिहइ, अओ कीस निकारणं कोवमुवहइ देवो ?, जइ एत्थ न पचओ ता विन्नासिज्जउ, एवं च भणिए

श्रीगुणचंद्र
महावीरच०
८ प्रस्तावः

॥ २७० ॥

राइणा दंसावियं खुजाए मुहमेत्तं, तेण य तदणुरूवं निवत्तियं चित्तं, तहावि रत्ना पुवामरिसवसेण तस्स संडासओ
छिंदाविओ निविसओ य आणत्तो ।

तओ सो चित्तगरो पुणोऽवि गओ जक्खसमीवं, ठिओ उववासेण, भणिओ य जक्खेण-भइ! मुंच विसायं,
ममाणुभावेण पुवंपिव वामहत्थेण चित्तिहिसि, एवं च लद्धे वरंमि एसो परिचित्तेइ-अहो महा पावकारिणा कंहं
निश्वराहो चेव अहं एयमवत्थं पाविओ?, ता संपयं तस्स दुस्सिक्खियस्स दंसेमि दुन्नयफलंति परिभाविऊण
चित्तवट्टियाए मिगावईए सिंगारुब्भडं रूवमालिहिऊण इत्थीलालसं चंडपज्जोयं महानरिंदमुवट्टिओ, दंसिया चित्त-
वट्टिगा, अवलोइया साहिलासं चंडपज्जोएण, अवलोयमाणस्स य तक्खणं चेव विसट्टकंदोद्वीहरा वियसियां से
दिट्ठी, पम्हुट्ठो कुलाभिमाणो परिगलिओ नथमग्गो वियंभिआ अरई समुल्लसिओ रणरणओ पज्जलिओ सवंगिओ
मयणानलो, सविसेसं पलोयमाणो य थंभिओव कीलिओव निचलनिरुद्धनयणो ठिओ मुहुत्तमेत्तं, पुच्छिओ य चित्तयरो

सुरसुंदरीए रूवं वम्महइयाए नागकन्नाए? । दट्ठण तए सुंदर! पडिचिंविमिमं इहालिहियं ॥ १ ॥

जइ सुरविलया एसा ता सच्चं भुवणविस्सुया तियसा । अह वम्महस्स लीलाए जिणउ ता सो तिलोयंपि ॥ २ ॥

अहवा भुयगाण इमा ता सोहउ निचमेव पायालं । पडिहणियतिमिरपसरं एयाए मुहेंदुकिरणेहिं ॥ ३ ॥

दूसिज्जइ पेच्छ इमीए कायकंतीए कंचणच्छाया । विच्छाइज्जइ नयणेहिं नीलनवनलिणलच्छीवि ॥ ४ ॥

मृगावती
चित्रं.

॥ २७० ॥

अहरप्पहाएँ निहरइ विहुमकंकेलिपलवसिरीवि । रूवेऽणुरंजिएण व रंभाए वहइ समसीसिं ॥ ५ ॥

किं बहुणा ?—एवंविहवरजुवईजणस्स विरहे विडंबणा कामा । मणुयत्तंपिहु विहलं दुहावहं भूवइत्तंपि ॥ ६ ॥

तं कहसु कस्स एसा सुयणू ! को वा इमीए लाभंमि । कीरंतो य उवाओ अणुरूवो सिद्धिमावहइ ? ॥ ७ ॥

एवं नराहिवेण भणिए चित्तगरेणं जंपियं—देव ! न हवइ एसा सुराईण रमणी, किंतु सयाणियरत्तो अग्गमहिसी मिगावइनाम, मए सामन्नेण आलिहिया, विसेसओ जइ पुण परं पयावई से रूवमालिहउ, जइ एवं नाम महिला चेव सा अओ रे वज्जजंघ ! वय सिग्घं, गंतूण भणसु मम वयणेण सयाणियनरवइं, जह सिग्घं पेसेसु मिगावइं, एवंविह इत्थीरयणाण वरणे को तुज्झ अहिगारोत्ति ? , ता सिग्घं पेसेसु, जुज्झसज्जो वा होज्जासित्ति वुत्ते जं देवो आणवेइत्ति भणिकुण गओ दूओ, निवेइयं सयाणियस्स नरिंदसासणं, तेण य तमायन्निऊण जायकोवेण भणियं—रे दूयाहम ! जइ कहवि सो कुलकमविमुक्कमजायं उस्सिखलं पयंपइ तां तुज्झवि किं खमं वोत्तुं ? , किं भिचो सोऽवि न जो ससामिणो उप्पहं पवत्तस्स नियवुद्धिवित्थरेणं अवजसंपंसुं परिसमेइ ? , एवंविहदुन्नयवियांरिणोऽवि जायइ कुले गुरुकलंको, किं पुण बहुजणपुरओ पयडगिरा पभणिज्जंते ? , अन्नेसुवि रज्जंतरेसु दिट्ठं सुयं व रे तुमे एवंविहं अकज्जं कीरंतं केणइ निवेणं, किंच—जत्थ सयं चिय राया दुन्नयमेवंविहं समायरइ ततो हया मूलाओ वराइणी

श्रीगुणचंद
महावीरच०
८ प्रस्तावः

॥ २७१ ॥

तत्थ नीईवि, किं बहुणा?, एवं जंपिरस्स तुह चेव इहयं जुज्झइ विणासो काउं, जंच न कीरइ तं न य तेउत्ति कलि-
ऊण, इय निब्भत्थिऊण दूओ निद्धमणेण कंठे घेत्तूण निच्छूढो, गओ य सो चंडपज्जोयसमीवे, साहिओ य चउग्गुणो
नियवइयरो, इमोवि तेण दूयवयणेण वाढं रुद्धो सव्वबलेण परियरिओ पयट्ठो कोसंवीए, अणवरयपयाणएहि य
आगच्छंतं निसामिऊण सयाणिओ अप्पबलो तहाविहसंखोहसमुप्पन्नाइसारो मओ, तओ मिगावईए चिंतियं-
राया ताव संखोभेण विणट्ठो, पुत्तोऽवि असंजायबलो एयस्साणणुसरणं मा विवज्जिही, एयाणुस्सरणंमि गरुओ कुल-
कलंको, तम्हा इमं पत्तकालं-इहट्ठिया अचंतमणुलोमवयणवित्थरेण चेव कालहारिं करेमि पच्छा जमुचियं तमा-
चरिस्सामित्ति चिंतिऊण भणाविओ दूयवयणेण चंडपज्जोयनरिंदो, जहा-राए सयाणिए परोक्खम्मि तं चेव मए
सरणं, केवलं मम पुत्तो असंपत्तबलो मए विमुक्को समाणो पचंतनरिंदोहिं पेल्लेज्जिही, इमं च सोच्चा परमहरिसपगरि-
समुवहंतेण भणावियं रत्ता-पिए! मम पयंडभुयदंडपरिग्गहिए तुह सुए को चिरजीवियत्थी पयं काउं समीहिज्जा?,
तीए भणियं-अत्थि महाराय!, केवलं उस्सीसए सप्पो जोयणसए वेज्जो, विणट्ठम्मि कजे किं तुमं काहिसि?,
अओ जइ निप्पच्चवायं मए सह संगममभिलससि ता उज्जेणिपुरीसमुब्भवाहिं निट्ठुराहिं इट्ठियाहिं इमीए नयरीए
चउदिसिं कारवेसु समुत्तुंगपायारपरिक्खेवंति, इमं चायन्निऊण पडिवन्नं राइणा, तओ चउदसवि नियसयाणो
सबला धरिया मग्गम्मि, पुरिसपरंपराए य आणियाओ इट्ठगाओ, निम्मविओ पायारो, तओ तीए भणइ-इयाणिं

शतानीक-
भरणं
मृगावती-
प्रपंचः.

॥ २७१ ॥

नगरि वक्रस्त वत्पस्त इंधणस्त य भरेहि; आसाविण्डिण य भरिया; अणेण, जाहे न्यरी रोहगसज्जा जाया ताहे
 सा विप्वडिवज्जा, दुवाराइं बंधिऊण जुज्झिउं उवट्टिया, चंडपज्जोयरायावि विलक्खो नगरि वेद्विऊण ठिओ, अन्न-
 दिवसे व वेरगमुवगयाए चित्तिं मिगावईए-धन्ना ते गामागरनगराइसन्निवेसा जत्थ भयवं महावीरसामी भव-
 गिराए जणं पडिवोहंतो विहरइ, संपयं च जइ सो परमेसरो. एत्थ एइ तो अहं पवयामि, इमां च तीसे संकप्पं
 केवलालोण कलिऊण गोयमपमुहमुणिजणपरिवुडो नवकणयकमलनिम्मियचलणो अणंतरमेव समागओ भयवं,
 कयं देवेहिं समोसरणं, उवविट्ठो सिंहासणे जयगुरू, तप्पभावेण य पसमियं वेरं, वद्धाविया मिगावई चारपुरि-
 सेहिं, दिन्नमणाए चिन्ताइरित्तं तेसिं पारिओसियं, उग्घाडियाइं गोउरकवाडाइं, महया विभवेण निग्गया मिगा-
 वई, जहाविहिणा वंदिओ भयवं, ठिया य समुच्चियठाणे, चंडपज्जोयरायावि समागओ, एत्थंतरे भगवया
 पारद्धा धम्मकहा ।

अह एगो पुरिसो करगहियकोदेडवाणो एस सवण्णुत्ति लोयप्पवायं निसामिऊण भयवओ अदूरदेसट्टिओ नित्य-
 संसपं मणसा पुच्छइ; ताहे सामिणा भणिओ-भो देवाणुपिया ! वायाए पुच्छ, वरमन्नेऽवि भवसत्ता पडिवुज्झंति;
 एवमवि सामिणा भणिए लोयलज्जाए तेणं भण्णइ-भयवं ! जा सा सा सा ? तओ भगवया जंपियं-एवमेयंति,
 अह पायपीदपासट्टिण गोयमससामिणा सुयनाणमुणियपरमत्थेणवि भवजणपडिवोहणत्थं पुच्छियं-भयवं ! किं

श्रीगुणचंद्र
महावीरच०
८ प्रस्तावः

॥ २७२ ॥

एएण जा सा सा सेत्ति संलत्तं?, भगवया कहियं—महती कहा एसा, एगग्गचित्ता निसामेह—

अत्थि इहेव जंबुदीवे दीवे चंपानाम नयरी, तत्थेवेगो सुवण्णगारो इत्थीलोलो जं जं पवररूववइं कन्नगं पेच्छइ तं
तं पंच सुवण्णसयाणि दाऊण परिणेइ, एवं च तेण परिणयंतेण कालकमेण पंच सयाणि महिलियाणं पिंडियाणि,
एकेकाए य तिलगहारइहारनेउरपमुहाइं आभरणाइं दिन्नाइं, जद्विसं च जाए समं भोगे भुंजइ तद्विसं सा सवालं-
कारपरिग्गहं णहाणविलेवणाइ सिंगारं च करेइ, सेसकालं पुण उवसंतवेसेण अच्छइ, अण्णहा सुवण्णगारो निब्भ-
च्छइ, न य ईसालुगत्तणेण सो निमेसमेत्तंपि गेहदुवारं मुंचइ, संयणाणवि नावगासं देइ, एवं वचंति वासरा, अन्नया
य सो अणिच्छंतो महया किलेसेण नीओ मित्तेण भोयणदाणत्थं नियमंदिरे, चिरलद्धावगासाहि य चिंतियं
तस्स गेहिणीहिं—

किं अम्ह जीविणं? किं वा मणिकणगभूसणेहिंपि? । किं विभववित्तरेणवि बहुएण निरत्थएणिमिणा? ॥ १ ॥

जं न लभामो निचंपि विलसिउं नणु कयंततुलस्स । एयस्स पावपइणो दढमम्हे गोयरे पडिया ॥ २ ॥

बहुकालाओ गेहं जाव विमोत्तुं गओ स अन्नत्थ । मणवंलियसोक्खेणं ताव चसामो खणं एकं ॥ ३ ॥

इय चिंतिकुण णहाया सुरहिविलेवणविलित्तसवंगा । परिहियपवरदुगुला आलिद्धासेसआभरणा ॥ ४ ॥

भालतलरइयकुरुला [तिलया] सिंदूरारुणियपवरसीमंता । गंधुब्भडमियनाहीपंकलिहियगल्लपत्तलया ॥ ५ ॥

श्रीवीरस-
मवसरणं
या सा सा
सोदाहरणं.

॥ २७२ ॥

तंबोलपाडलुठ्ठीय जाव चिट्ठंति दप्पणं घेत्तुं । समुहं पलोयमाणा ताव लहुं आगओ भत्ता ॥ ६ ॥

दद्रुण तांसि तारिस दुचिट्ठं तेण जायकोवेण । एगो महिला पहया तह जह सा पाविया मरणं ॥ ७ ॥

तयणंतरं च भयवसकंपिरदेहाहिं सेसमंहिलाहिं । चिंतियमिमं जहेसा तह अम्हेवि हु विवज्जामो ॥ ८ ॥

तम्हा आयंसेहिं पहणामो रक्खिएण किं इमिणा ? । इइ चिंतिऊणं समगं खित्ता तदभिमुहमायंसा ॥ ९ ॥

तओ एगूणपंचसयनारीसयपमुकदप्पणेहिं पहओ समाणो सो मओ तक्खणेण, पच्छा समुप्पणो तांसि पच्छा-
यावो-अहो कां गई एत्तो पइमारियाणं भविस्सइ ? , उद्धूलिस्सइ लोओ दंडिस्सइ नराहिवो अवमन्निस्सइ सयण-
वग्गो गंजिस्सइ खलयणो, तम्हा मरणमेव संपयं पत्तकालंति परिभाविऊण पिहियाइं सव्वदाराइं, पक्खित्तं गेहब्भं-
तरे चहुं तणकट्टपलालं, पज्जालिओ सव्वओ जलणो, जालाउले य तंमि विमुको ताहिं अप्पा, अह पच्छायावेण
साणुकोसयाए ताए अकामनिज्जराए सव्वाओ मरिऊण मणस्सेसु उववन्ना, कम्मधम्मसंजोगेण य एगत्य मिलिया
एगूणपंचवि सया ते चोरा जाया, एगंमि य विसमंमि पव्वए परिवसंति ।

सो य सुवण्णयारो मरिऊण तिरिच्छेसु उववन्नो, तत्थ जा सा अणेण पढमं चिय मारिया सा एगं भवं तिरिएसु
उववज्जिऊण पच्छा वंभणकुले पुत्तो जाओ, कमेण य पत्तो पंचवारिसियत्तणं, सो य सुवण्णयारो तिरियभवओ
उववट्ठिऊण तंमि चेव वंभणकुले तंभइणित्तेण दारिया जाया, सो य पंचवारिसिओ समाणो तीसे वालग्गाहो

श्रीगुणचंद्र
महावीरचं
८ प्रस्तावः

॥ २७३ ॥

कओ, सा य अइदुट्टत्तणेण निच्चमेव रोयइ, अन्नया य तेण वालग्गाहेण उदरदेसपरिघट्टणं कुणमाणेण तह कहवि
सा जोणिदारे छिका जह तक्खणं चेव नियट्टा रोयणाओ, तओ तेण नायं-लद्धो मए उवाओत्ति, एवं सो तीसे
रोयमाणीए निच्चकालं करेइ, अन्नया य तहा कुणमाणो नाओ सो मायापिऊहिं, ताहे हणिऊण निद्धाडिओ निय-
गिहाओ, पलायमाणो अ गओ तं चेव चोरपल्लिं जत्थ ताणि एगूणगाणि पंच चोरसयाणि परिवसंति, सा य दारिया
अप्पडुप्पन्नजोवणा विणट्टसीला जाया, सच्छंदं परियडंती य एगं गामं गया, सो य गामो तेहिं चोरोहिं आगंतूण
लुंठिओ, सा य तेहिं गहिया, तओ तेसिं सवेसिंपि भज्जा जाया । अन्नया य चोराणं चिंता समुप्पन्ना-अहो इमा
वराई एत्तियाणं अम्हाणं पइदिणं सरीरचेट्टं कुणमाणी खिज्जिस्सइ, ता जइ अन्ना थिइज्जिया संपज्जइ तो से
विस्सामो होज्जत्ति परिभाविऊण एगया तीसे विइज्जिया आणिया, जंचेव आणिया तंचेव चिरमहिला ईसासल्लनि-
ब्भिज्जमाणमाणसा तीसे मारणत्थं छिदाइं मग्गइ, अन्नया य ते चोरा गामंतरमुसणत्थं पधायिया, तीए नायं-एस
पत्थावो वट्टइ, ता विणासेमि एयंति परिभाविऊण नीया सा कूवतडे, भणिया य-भदे! पेच्छ कूषमज्जे किंपि
दीसइ, सावि अविगप्पभावेण दहुमारद्धा, तयणंतरं च ताए पक्खित्ता तत्थेव, चोरा य आगया पुच्छंति तीसे
वुत्तंतं, ताए भण्णइ-अप्पणो महिलं कीस न सारेह?, किमहं जाणामि?, तेहिं सुणियं-जहा एयाए मारिया,
तओ तस्स बंभणपुत्तस्स हियए ठियं, जहा-अवस्सं एसा सा मम पावकम्मा भगिणी एरिससीलेण संभाविज्जइ,

या सा सा
सोदाहरणं.

॥ २७३ ॥

सुवह य समीववती भगवं महावीरो सधणू सधदरिसी, ता तं गंतूण पुच्छामित्ति, इहागओ लज्जाए मणसा पुच्छि-
उमारद्धो, तओ मए भणियं—देवाणुप्पिया! वयणेण पुच्छ, तओ अणेण जा सा सा सत्ति कहियं; मएवि सधेव
सा तव भगिणीत्ति सिद्धं ।

इय गोयम! एवंविहविडंबणाजालमूलगिहभूया । विसया विसं व विसमं दित्ति विवागं मणुस्साणं ॥ १ ॥

खणदावियसोवखाणं भवोहसंघट्टियासुहनिहीणं । भोगाण कए सुद्धा जुत्ताजुत्तं न पेच्छंति ॥ २ ॥

चोच्चमिणं रागंधा पुरिसा अणवेक्खिऊण परमत्थं । जं अत्थि तं विमोत्तूण नत्थि जं तं विभाविंति ॥ ३ ॥

तथाहि—मंसलवमेत्तनिवत्तियंपि अहरं पवालखंडं व । जलबुबुयसच्छहमवि नयणजुयं नीलनलिणं वा ॥ ४ ॥

धम्मावणद्धअट्टियमयंपि वयणं मयंकविंबं व । मंसुधयमेत्तंपिवि थणजुयलं कणयकलसं व ॥ ५ ॥

बेलहलमुणालंपिव वाहुजुयं अट्टिमंसमेत्तंपि । सोणियमुत्तविलीणं रमणंपिवि अमयकूवं व ॥ ६ ॥

मन्नंति विसयमूढां अवियारियपारमत्थियसरूवा । अच्चंतनिंदियाणिवि एवं अंगाणि जुवईणं ॥ ७ ॥

इय एवं करुणासायेरेण सिरिवद्धमाणनाहेण । कहिए वत्थुसरूवे समग्गभुवणप्पईवेण ॥

सो पुरिसो संवेगमावन्नो पवइओ । सा य ससुरासुरनरतिरियाडलावि परिसा पयणुरागसंजुत्ता जाया । एत्थंतरे
सिगावई देवी हरिसपगरिसवियसियनयणकमला महावीरं वंदित्ता एवं वोत्तुं पवत्ता—भयवं! जाव चंडपज्जोयराय-

श्रीगुणचंद्र
महावीरच०
८ प्रस्तावः

॥ २७४ ॥

मापुच्छामि ताव तुम्हं सयासे पवयामिति भणिऊण चंडपज्जोयमुवट्टिया, एवं च कहिउमाढत्ता-महाराय! जइ
तुमं अणुमन्नसि ता अहं पवयामि, रायावि तीसे महतीए परिसाए लज्जाए वारिउमपारयंतो तं विसज्जेइ, तओ
मिगावई नियपुत्तं उदयणकुमारं चंडपज्जोयस्स निक्खेवगनिक्खित्तं काऊण पवइया, पज्जोयस्सऽवि अट्ट अंगारवइप्प-
मुहाओ देवीओ पवइयाओ, ताणिवि एगूणपंचचोरसयाणि पुवं पडिवन्नपवज्जेण चोरेण गंतूण पडिवोहियाणि
पवज्जं च पडिवन्नाणि, अन्नो य बहुजणो संबुद्धो, पज्जोयनरवईवि जयगुरुप्पभावपडिस्संतवेराणुबंधो उदयणं
कुमारं रज्जे सहत्थेण संठाविऊण गओ सनयरिं, मिगावईवि भगवया अणुसासिऊण समप्पिया चंदणवालाए पव-
त्तिणीए, तीसे य समीवट्टिया जहट्टियं साहुणीजणसमुचियं किरियाकलावमब्भसइ ।

भयवंपि विहरमाणो वाणियगामप्पमोक्खनयरेसुं । आणंदकामदेवाइसावगे दस विवोहेइ ॥ १ ॥

जेसिं धम्ममहाभरधरणुद्धुरकंधराण तियसावि । चालिंसु खोभकरणुज्जुयावि न मणो मणागंपि ॥ २ ॥

जे इस्सरिएण लहुं करिंसु वेसमणजक्खरायमवि । पडिवालिसु य सम्मं निचंपि दुवालस वयाइं ॥ ३ ॥

गेहसमीवनिवेशियपोसहसालासु पोसहुज्जुत्ता । अट्टमिचउहसीसुं समणा इव जे य निवसिंसु ॥ ४ ॥

जेसिं सरीरधाऊ सत्तवि सच्चुवयणरसभिन्ना । कुप्पावयणियवयणाणि गोयरं नेव वच्चिंसु ॥ ५ ॥

इय तेसि गुणलवोविहु नो तीरइ मारिसेहिं परिकहिउं । विरइंसु नूण सयमेव गणहरा जेसि चरियाइं ॥ ६ ॥

विषय-
विपाकः
मृगावत्या
वैराग्यं
दीक्षा च.

॥ २७४ ॥

अत्रेऽविदु नरवइदंडनाहसामंतमंतिपमुहजणे । पडिबोहिऊण पुणरवि कोसंवि आगओ सामी ॥ ७ ॥
 तहियं समोसठस्सा चरिमाए पोरिसीएँ जयगुरुणो । विम्हइयजीवलोयाइं फालिआइं विमाणाइं ॥ ८ ॥
 साहावियाइं पचक्खदिस्समाणाणि आरुहेऊण । ओयरिया भत्तीएँ वंदणवडियाए ससिसूरा ॥ ९ ॥
 तेसिं विमाणनिम्मलमऊहनिवहप्पयासिए गयणे । जायं निसिंपि लोगो अविमाणंतो सुणइ धम्मं ॥ १० ॥
 नवरं नाउं समयं चंदणवाला पवत्तिणी नमिउं । सामिं समणीहिं समं निययावासं गया सहसा ॥ ११ ॥
 सा पुण मिगावई जिणकहाए वक्खित्तमाणसा घणियं । एगागिणी चिय ठिया दिणंति काऊण ओसरणे ॥ १२ ॥
 वोलीणे खणमेत्ते साइं विमाणाइं आरुहित्ताणं । ससिसूरेसु गएसु वियंभिए रयणितिमिरभरे ॥ १३ ॥
 समणीओ समीवंमी अपेच्छमाणी य सा महासत्ता । पगया पडिस्सयंमी पवत्तिणीए य तो भणिया ॥ १४ ॥
 तुम्हारिसीण सुकुलुग्गयाण जुज्जइ किमेवमायरिउं ? । एगागिणीवि य तुमं जंसि ठिया एत्तियं रयणिं ॥ १५ ॥
 पडिवज्जिय तघयणं भुज्जो भुज्जो सदुचरीयाइं । निंदंतीए तीए उप्पन्नं केवलं नाणं ॥ १६ ॥
 अह-पयलायंतीए पवत्तिणीएँ सप्पं पलोइयं इंतं । संथारगंमि हत्यो ठविओ तीए धराहितो ॥ १७ ॥
 निदावगमे पुच्छा अहिकहणं नाणवुज्झणऽणुतावो । निहयघणघाइकम्मा पवत्तिणी केवलं पत्ता ॥ १८ ॥
 इओ य-उप्पन्नसंसओ पढमगणहरो पणमिउं जिणं भणइ । किमवट्टियावि भावा विवरीयत्तं पवजंति ? ॥ १९ ॥

श्रीगुणचंद
महावीरच०
८ प्रस्तावः
॥ २७५ ॥

जं ओइन्नाइं नहाओ नाह ! मायंडससिविमाणाइं । गुरुणा भणियं-गोयम ! दस अच्छरियाइं एयाइं ॥ २० ॥
उवसग्ग गब्भहरणं इत्थीतित्थं अभाविया परिसा । कण्हस्स अवरकंका ससिसूरविमाणओयरणं ॥ २१ ॥
हरिवंसकुलुप्पत्ती चमरुप्पाओ य अट्टसय सिद्धा । अस्संजयाण पूया जायंति अणंतकालाओ ॥ २२ ॥
इय साहियमच्छरियं ससिसूरविमाणसंगयं एत्तो । गोसालयवुत्तंतं साहिज्जंतं निसामेह ॥ २३ ॥
सो पुव्वभणिओ गोसालो तेउलेसामाहप्पपडिहयपडिवक्खो अट्टंगनिमित्तलवपरिन्नाणमुणियजणमणोगयसंकप्पो
अजिणोऽवि जिणसहमत्तणो पगासेमाणो सव्वत्थ अणिवारियप्पसरं परिब्भमंतो सावत्थिं नयरिमागओ, ठिओ य
बहुधणधन्नपरिपुन्नाए हालाहलाभिहाणाए कुंभकारीए आवणंमि, तस्स य लोगो अमुणियपरमत्थो मणोगयसंकप्प-
परिन्नाणमेत्तसमुप्पन्नकोऊहलो जिणोत्ति पसिद्धिं निसामिऊण अणवरयं पज्जुवासणं कुणइ, भयवंपि महावीरो सम-
णसंघपरिवुडो जहन्नेणऽवि कोडिसंखेहिं देवेहिं अणुगम्ममाणो भुवणच्छेरयभूयं विभूइसमुदयमुव्वहंतो दिसिचक्कवाल-
परिसरिएण पभामंडलेण समुग्गयाणेगमायंडपरंपरं व गयणमुवदंसयंतो पयपरिवाडिसुरविरइयकणयंबुरुहनिवहेण
थलकमलसोहं व महियलस्स दावित्तो पइ सन्निवेसमसब्भूयभावणं जणाणं पणासयंतो पयंडपासंडदप्पखंडणं कुणमाणो
निवाणनगरमग्गं पव्वत्तयंतो कोसंबीओ निक्खमित्ता तमेव सावत्थिं नगरिं संपाविओ, नाणाविहविहगविरायंततरुणत-
रुरमणीयंमि य समोसढो कोट्टगचेइयंमि, मुणियजिणागमा य समागया परिसा, पज्जुवासिऊण य गया जहागयं, पत्ते य

मृगावत्याः
केवलं
श्रावस्त्यां
गोशालकः

॥ २७५ ॥

भिक्षाकाले छट्टपारणयं काउकामो भयवओ अणुण्णाए पविट्ठो भिक्खट्ठं गोयमो पुरीए, तर्हि च तियच्चउक्कचचरेसु
गोसालो जिणो सवन्नत्ति परोप्परं जंपंतं जणं निसामिऊण जायसंसओ भिक्खं घेत्तूण पडिनियत्तो, जहाविहिं भुंजिऊण
जावंगि पत्थाये समागए पुरीलोए सामिं पुच्छिउं पवत्तो-भयवं! एत्थ जणो गोसालं जिणं सवन्नं च परिकित्तेइ तं किं
पडइ मिच्छा वा?, भगवया भणियं-भो देवाणुप्पिया! गोसालो मंखलिपुत्तो अजिणो जिणप्पलावी मए चेव पवाविओ
सिक्खं च गाहिओ ममं चेव मिच्छं पडिवत्तो, अओ न सवन्नू न य जिणो हवइत्ति, एवं सोचा पुरीजणो सुणियपरमत्थो
पडिनियत्तिय नयरीए सिंघाडगतिगचउक्कचचरेसु अन्नमन्नस्स सविम्हयं परूविउमारद्धो-अहो भयवं! महावीरो
समुप्पन्नदिषणाणदंसणो एवं भासइ-एसो गोसालो मंखलिपुत्तो अजिणो जिणप्पलावी, अहं जिणोत्ति मिच्छं संलव-
इत्ति, इमं च कन्नपरंपराए सोचा गोसालगो अचंतकोववसफुरंतओट्टुउडो आजीवियसंघपरिवुडो अमरिसमुघहंतो
अच्छइ। इओ य-भगवओ महावीरस्स अंतेवासी आणंदो नाम थेरो अणिकिखत्तछट्टतवकम्मकरणपरो पारणगंमि
पडिगहं गहाय निग्गओ गोयरचरियाए, उच्चावएसु य गिहेसु भिक्खं परिंभमंतो तीसे हालाहलाए कुंभकारीए
कुंभकारावणस्स अदूरेण गंतुं पवत्तो, तं च दट्ठूण गोसालो भणइ-भो आणंद! इओ एहि, निसामेहि दिट्ठंतमेगंति,
इमं च एवमायत्तिऊण समागओ आणंदसाह, भणिओ य गोसालेण-भो आणंद! इओ चिरा समइकंताए अद्धाए
केइ अत्थत्तियणो वाणियगा नाणाविहभंडविच्छइभरिएणं सगडीसगडेणं सुवहुं भत्तपाणपत्थयणं गहाय एगं महंतं

श्रीगुणचंद्र
महावीरच०
८ प्रस्तावः

॥ २७६ ॥

जणसंचाररहियं छेत्तभूमिं व करिसयविराइयं भारहकहं व भीमअज्जुणनउलसउणिसंकुलं दीहच्छिन्नावायं उब्भडवि-
डविसंकडं महाडविमणुपविट्ठा, तीसे य कंचि देसमणुपत्ताणं तेसिं पुवग्गहियमुदयमणुदियहं पिज्जमाणं झीणं, तय-
णंतरं ते वणिया झीणसलिला तण्हाए परब्भाहया समाणा एगत्थ मिलिऊण एवं भणिउमारद्धा—

भोयणविरहेवि जियं कइवि दिणे वसइ देहगेहंमि । सलिलाभावे पुण दीवओव पवणेण विज्झाइ ॥ १ ॥

ता जावज्जवि तण्हा कालरयणिव अवहरइ जीयं । ताव परकज्जजायं मोत्तुं सलिलं पलोएह ॥ २ ॥

एवं च ते पयट्ठा सवासु दिसासु पाणियनिमित्तं । कत्थइ अपेच्छमाणा एगं वणसंडमल्लीणा ॥ ३ ॥

विच्छायमुहा दीणा अपत्तकालावि संपइ मरामो । एवं पयंपमाणा तण्हावससुसियसवंग्गा ॥ ४ ॥

सिसिरतरुच्छायाए निमीलियच्छा य जाव चिट्ठंति । तावेगनरजुवाणो समागओ तेसि पासंमि ॥ ५ ॥

भणियं च तेण मुंचह विसायमहुणा मए जओ दिट्ठो । वणसंडमज्झयारे चउम्मुहो वम्मिओ गरुओ ॥ ६ ॥

ता एह तत्थ जामो पढममुहं भिंदिमो य तस्स लहुं । पच्छा अच्छं पत्थं जलरयणं आपिवामोत्ति ॥ ७ ॥

एयं निसामिऊणं ते वणिया तक्खणेण गंतूण । भिंदंती पढममुहं तस्स तिसाविवससवंग्गा ॥ ८ ॥

फलिहुज्जलं च सलिलं सारयससिणो मऊहजालं व । हेलाए नीहरंतं पेच्छंति तओ पहिट्ठा ते ॥ ९ ॥

तयणंतरं च करचरणखालणं वयणसोहणं पियणं । वीसत्था वाणियगा निवत्तंती जहिच्छाए ॥ १० ॥

गोशालोक्तं
वणिग्जातं.

॥ २७६ ॥

पच्छा भरेति करवत्तयाइं दिइणो य कलसए चेव । दुलहं लद्धं वत्थुं कह वा नो वेप्पइ जणेण ॥ ११ ॥
 जाया पुणोवि चिंता तेसिं जह सलिलमित्थ लद्धमहो । तह वीयमुहे खणिए पाविज्जइ नूण तवणिज्जं ॥ १२ ॥
 ता भिंदह पुणरवि वम्मियस्स वीयं मुहं लहुं चेव । इय भणिए पुरिसेहिं तहत्ति सबं तओ विहियं ॥ १३ ॥
 ताहे सुजच्चकंचणनिचयं तत्तो विणिग्गयं संतं । हरिसुल्लसियसरीरा गिण्हंति जहिच्छियं वणिया ॥ १४ ॥
 हिट्ठा भणंति वम्मियनिभेण चिंतामणी पयावइणा । अम्हारिसपहियहियइयाए मन्ने कओ एत्थ ॥ १५ ॥
 ता अज्जवि तइयमुहं भेत्तवं होइ संपयमिमस्स । संभाविज्जंति इमंमि जेण रयणाणि मणिणो य ॥ १६ ॥
 एत्थंतरंमि पुरिसेहिं भिंदियं तंपि लोभनडिएहिं । अह नीहरियाइं तओ रयणाइं अणेगभेयाइं ॥ १७ ॥
 कणगं परिहरिऊणं महग्घरयणेहिं तेहिं सगडाइं । भरियाइं गाढपहरिससंभारं उवहंतेहिं ॥ १८ ॥
 नवरं चउत्थयंमि य मुहंमि भेत्तुं पयट्टिया वंछा । तेसिं तु उत्तरोत्तरविसिद्धवत्थूण लांभेण ॥ १९ ॥
 अह जाव तं विहाडिंति नेव तावेगथेरपुरिसेण । तेसिं हियत्थिणा सुद्धवुद्धिणा जंपियं एयं ॥ २० ॥
 भो भो देवाणुपिया । जलं च कणगं च रयणनिवहं च । लद्धूण मुयह वम्मियमहुणा वचह सगेहेसुं ॥ २१ ॥
 मा पविहाडह एयं कज्जाण गईओ हुंति कुडिलाओ । सिट्ठो सिद्धंतेविडु लोभो मूलं विणासस्स ॥ २२ ॥
 लोगेऽवि पसिद्धमिमंजं किर निवसंति गाढदाडिळा । अचंततिवदप्पा सप्पा वम्मियनिवासेसु ॥ २३ ॥

श्रीगुणचंद्र
महावीरच०
८ प्रस्तावः

॥ २७७ ॥

जइ कहवि मणोवंछियजलाइलाभो इमंमि भे जाओ । तहवि न खणिउं जुजइ विले विले होइ किं गोहां ? ॥ २४ ॥
जओ-अनओ जणियगुणोऽविहु पयावविहवं न देइ गरुयाणं । विहिवसविसंघडंतोऽवि गुणकरो नयसमांरंभो ॥ २५ ॥
अह तवयणं अवगणिऊण ते लोभतरलिया वणिया । वम्मियचउत्थमुहमवि जवेण खणिउं समाढत्ता ॥ २६ ॥
खणमाणेहिं तेहिं पयंडजमवाहुदंडसारित्थो । तस्संतो निवसंतो मुहेण परिघट्टिओ नागो ॥ २७ ॥
ताहे सो रोसारुणनयणपहापाडलीकयदियंतो । विरइयअकालसंझोव निग्गओ वम्मियाहिंतो ॥ २८ ॥
तहवि य फारफणफलगफुरियरणुच्छलंतरुइपडलो । पुच्छच्छडताडियभूमिवट्ट गुंजंतवणसंडो ॥ २९ ॥
सिग्घं नीहरिऊणं वम्मियसिहरग्गभागमारुहइ । पेच्छइ य भाणुमंडलमह सवियासाहिं अच्छीहिं ॥ ३० ॥
अह खणमेकं सूरं पलोइउं अणिमिसाए दिट्ठीए । ते वणिया आलोयइ सो उग्गविसो महासप्पो ॥ ३१ ॥
तयणंतरं च ते तस्स चक्खुणा तिवजलणजडिलेण । निदुहा समगं चिय समग्गभंडोवगरणेहिं ॥ ३२ ॥
नवरं सो एगो चिय थेरो नियभंडसगडियासहिओ । अणुकंपिगाए देवीए पाविओ वंछियं ठाणं ॥ ३३ ॥
तो भो आणंदमुणिंद ! ते जहा वाणिया अइविमूढा । अइलोभेणभिभूया सप्पाओ विणासमावज्जा ॥ ३४ ॥
तह तुज्झ धम्मसूरी समणो वरनायकुलसमुब्भूओ । लद्धपसिद्धी भुवणत्तएऽवि समणो महावीरो ॥ ३५ ॥
असुरसुरनागकिन्नरनरनरवइपूयणिज्जपयकमलो । एत्तियमेत्ताएविहु सिरीए संतोसमलहंतो ॥ ३६ ॥

गोशालोक्त
वलमीकमे-
दकवणिग्घ-
ष्टान्तः.

॥ २७७ ॥

जइ एत्तो गह संसुहमभत्तिपर वयणलेसमवि वइही । तमहं तवतेएणं भासरासिं करिस्सामि ॥ ३७ ॥
जह पुण सो घेरनरो ते वणिए सवहा निवारितो । न विणट्ठो तह आणंद! तंपि नाहं विणासिस्सं ॥ ३८ ॥
ता गच्छ तुमं नियधम्मसरिणो कहसु सवमवि एयं । बलिणा समं विरोहो न कयाइ सुहावहो होइ ॥ ३९ ॥
एयं निसामिऊण आणंदमहरिसी सच्छहिययत्तणेण समुप्पन्नभयसंकप्पो अपरिसमत्तभिक्खाकज्जोऽवि तओ
ठाणाओ सिग्घाए गईए समागओ जिणंतियं, तिक्खुत्तो आयाहिणपयाहिणपुच्चं वंदिऊण गोसालगोवइड्डं वणि-
यदिट्ठंतं दिट्ठीविसभुयगदहणपज्जवसाणं सबं परिकहेइ, पुच्छइ य-भयवं! किं गोसालो एवंविहस्सऽत्थस्स करणंमि
समत्थो न वा?, भगवया भणियं-आणंद! समत्थो चेव, केवलं अरहंताणं भगवंताणं असमत्थो, परितावमेत्तं पुण
करेज्जा, ता गच्छ तुमं गोयमाईणं समणाणं एयमड्डं कहेहि, जहा-मा तुब्भं कोइ गोसालं मंखलिपुत्तं मसंतियं
पाउञ्चभूयं समाणं धम्मियाएवि पडिचोयणाए पडिचोएज्जा, जओ एस ममं मिच्छं पडिवन्नोत्ति, एवं च विणएण
पडिसुणेत्ता गओ आणंदो गोयमाईण समीवं कहिउमारद्धो य तं वइयरं, एत्थंतरे गोसालो अत्तणो पराभवमस-
हंतो संपत्तो जिणसमीवं, अदूरे य ठाऊण भगवओ अभिमुहं एवं भणिउं पवत्तो-भो कासव! तुमं मम हुत्तं एवं
वयसि-एस गोसालो मंखलिपुत्तो मम धम्मंतेवासी इच्चाइ, तन्नं मिच्छा, जो हि गोसालो तुमंतेवासी सो सुक्काभि-
जाइओ भवित्ता कालमासे कालं काऊण अन्नयरेसु देवलोएसु देवत्ताए उववन्नो, अहं पुण उदाई नाम महासुणी

श्रीगुणचंद्र
महावीरच०
८ प्रस्तावः

॥ २७८ ॥

विचित्तवचरणासमत्थं नियदेहमुज्झिऊणं तस्स गोसालगस्स सरीरगं थिरं धुवं धारणिज्जं सीयसहं उण्हसहं खुहा-
पिवासासहं विविहदंसमसगाइपरीसहोवसग्गसहं थिरसंघघणंतिकाऊण तमणुपविट्ठो, ता भो कासवा! साहु तुमं
अपरियाणिऊण मं गोसालं मंखलिपुत्तं वाहरसि, एवं च तेण भणिए भगवया महावीरेण जंपियं-भो गोसालग!
जहा कोइ चोरपुरिसो विविहपहरणहत्थेहिं खंडरक्खपामोक्खनरनियरेहिं पारब्भमाणो णो कत्थइ गड्डं वा दरिं वा
दुग्गं वा वणगहणं वा अत्तणो गोवणत्थं अपावमाणो एगेण उन्नालोमेण वा सणलोमेण वा कप्पासपुंभेण वा तण-
सूएण वा तदंतरे दिन्नेण व अत्ताणमणावरियंपि आवरियंपिव मण्णेमाणो निब्भओ निरुद्विग्गो अच्छइ, एवमेव
तुमंपि गोसाला! अणण्णो संतो अण्णमप्पाणं वागरेसु, ता मा एवमलीयं वाहरसु, सुचेव तुह सरीरच्छाया, नो
अन्नत्ति, एवं च भगवया वुत्तो समाणो पज्जलियपयंडकोवानलो उच्चावएहिं वयणेहिं जयगुरू अक्कोसिऊण भणइ-भो
कासव! नट्ठोसि अज्ज, भट्ठोसि अज्ज, अज्जेव न भवसि तुमंति, जो गिरिकंदरसुत्तं सीहं वोहेसि कीलाए, एत्थंतरे
भयवओ महावीरस्स अंतेवासीसद्वाणुभूईनामो अणगारो धम्मयारियाणुरागेणं एयमद्वं सोढुमपारयंतो समागंतूण एवं
भणिउमारद्धो-भो गोसालग! तहारूवस्स समणस्स वा माहणस्स वा अंतिए जे एगमवि धम्मियं वयणं निसामिंति
तेऽवि तं वंदंति नमंसंति गुरुवुद्धीए पज्जुवासंति, किं पुण तुमं जो मूलाओ चिय भयवया चेव पवाविओ सिक्खाविओ
बहुस्सुतीकओ भगवओ चेव मिच्छं पडिवज्जंतो न लज्जसि?, ता मा एवं कुणसु, अज्जावि सो चेव तुमं, सा चेव

गोशालक-
स्यागमनं
सत्यस्वरूप
कथा.

॥ २७८ ॥

तुह देहच्छाया, कीस अप्पाणं अवलवेसित्ति बुत्ते सव्वाणुभूइं मुणिं गोसालो समुच्छलियकोवानलो तं दिवं पयंडं
 अणहियासणिज्जं तेउलेसं पक्खिविऊण निहहइ तक्खणेण, सो य तेयनिहहो सुहज्जवसायाणुगओ मरिऊण सह-
 स्सारे कप्पे अट्टारससागराऊ देवो जाओत्ति, गोसालगोऽवि पुणो भयवंतं अणेगप्पयारेहिं दुव्वयणेहिं पहणिउं
 पवत्तो, इओ य सुनक्खत्तनामो साहू तहा अवक्कोसिज्जमाणं भगवंतं निसामिऊण तणं व नियजीवियमवि गणंतो
 सिग्घमागंतूण गोसालं जहा सव्वाणुभूइं तहेव अणुसासइ, नवरं गोसालगपक्खित्ततेउलेसापलीविओ समाणो भय-
 वंतं तिकखुत्तो वंदिऊण सयमेव पंच महवयाइं उच्चारैइ, समणा य समणीओ खामेइ; आलोइयपडिक्कंतो य कालं
 कारुण अञ्चुए कप्पे वावीससागरोवभाउयदेवेषु देवत्तेणं उव्वज्जइ, एवं च तस्मि पंचत्तं गए संते गोसालो दुन्निग्ग-
 हिओ वेयालोव लद्धावयासो विसेसओ परुसक्खराहिं गिराहिं तज्जणं कुणंतो वागरिओ सकारणं जयगुरुणां-भो
 महाणुभाव। गोसालग सिट्ठपहसमइक्कंतं तुह चरियं, जं मए पवाविओ मए सिक्खाविओ मए वहुस्सुईकओ
 ममावि अवण्णवाई जाओ सि, एवं च जयगुरुणा सयमेव संलत्ते तेण अणाकलियकोवावेगेण सत्तट्ठ पयाइं पक्कोस-
 किऊण पमुक्का महया संरंभेण भगवओ अभिमुहा तेउलेसा ।

अह मंदरगिरिरायं व निट्ठुरं जिणसरीरमक्कमिउं । असमत्था मारुयमंडलिव सा निहयमाहप्पा ॥ १ ॥
 सयलदिसामुहपसरियपयंडंतरतेयरइयपरिवेसा । आरत्तियदीवयमालियव सक्खा विरायंती ॥ २ ॥

श्रीगुणचंद्र
महावीरच०
८ प्रस्तावः

॥ २७९ ॥

जच्चतवणिज्जपुंजुज्जलंगपहपडलविजियसोहस्स । भीयव्व तक्खणं चिय सामिस्स पयाहिणं कुणइ ॥ ३ ॥
तप्फरिसवसेण य भुवणबंधुणो अमयसीयतणुणोऽवि । जाओ मणागमेत्तं परितावो सब्बगत्तंमि ॥ ४ ॥
सा य तेउलेसा अहो अहं इमिणा महापावेण एरिसमकज्जं कारावियत्ति जायतिव्वकोवव्व उहं उप्पइत्ता गोसा-
लगस्स सरीरं उहमाणी अंतो लहुमणुपविट्ठा, तओ गोसालो काउरिसोव्व समत्थेण नियतेएण विणिहओऽवि
धिट्ठिममवलंविऊण एवं पयंपेइ-अहो कासवा ! तुमं मम इमिणा तेएण अभिहओ संतो अंतो छण्हं मासाणं पित्त-
जरपरिगयसरीरो दाहवेयणोवक्कमियाउओ छउमत्थो चेव कालं करिस्ससि, भगवया भणियं-भो मंखलिपुत्त ! नो
खलु अहं तुह तेएण अहिहओ छण्हं मासाणं अंतो कालं करिस्सामि, किं तु अन्नाइं सोलस वासाइं पडिपुन्ननाण-
दंसणधरो विहरिस्सामि, पच्छा खवियसयलकम्मंसो सिवपयं गमिस्सामि, तुमं पुण अप्पणो तेएण निद्वड्ढसरीरो
अंतो सत्तरत्तस्स पित्तमहाजरजलणपलित्तगतो छउमत्थो चेव कालं करिस्ससित्ति ।

अह सव्वत्थवि नयरे मुद्धजणो जंपिउं समाढत्तो । दोण्हं एत्थ जिणाणं परोप्परं वट्टइ विवाओ ॥ १ ॥

तत्थेगो भणइ इमं पुंविं कालं करिस्ससि तुमंति । इयरोविहु तदभिमुहं इममेव पयंपए वयणं ॥ २ ॥

न मुणिज्जइ परमत्थो को मिच्छा वयइ को य सच्चंति ? । कुसला भणंति वीरो सच्चं वागरइ नो इयरो ॥ ३ ॥

इओ य जयगुरु नियसमणगणमामंतिऊण भणइ-भो समणा ! जह तणरासी तुसरासी पत्तरासी बुसरासी

सर्वानुभूति
सुनक्षत्रदा-
हः गोशाले
तेजोदाहः

॥ २७९ ॥

या जलणजालापलीविया समानी पणट्टतेया जायइ, एवं गोसालो मम वहाय तेयं निसिरित्ता विणट्टतेउलेसमा-
हृप्पो जाओ, तम्हा छंदेण निब्भया तुम्हे एयं धम्मियाए चोयणाए पडिचोएह, हेऊदाहरणकारणेहिं निष्पिट्ट-
पत्तिणयागरणं करेहत्ति बुत्ते तहत्ति पडिसुणित्ता जयनाहं च सविणयं वंदिऊण समणा तं भणिउं पवत्ता ।

किं च-भो गोसालग ! किं तुज्झ दंसणे एस सत्थंपरमत्थो । जं लोगमग्गच्चुक्कं तमेरिसं कम्ममायरसि ? ॥ १ ॥

तहाहि-धम्मगुरुं अवमन्नसिं नियमाहृप्पं पवित्थरसि बहुसो । जुत्तीहिवि जं न घडइ तं भाससि मुक्कमज्जाय ॥ २ ॥

वायाए जीवरक्खं पयडसि तं लोयमज्झयारंमि । सद्धम्मगुणपहाणे सयं तु निद्वहसि साह्ववि ॥ ३ ॥

एवंविहं अरुज्जं कुणंति न कयाइ किर चिलायावि । तुमए पुण अलियवियइमेव सव्वं समायरियं ॥ ४ ॥

न सरसि उवयारं एत्तियंपि जं रक्खिओ सि जयगुरुणा । तह वेसियायणुम्मुक्कतेयनिद्वज्झमाणंगो ॥ ५ ॥

इइ भगवओ समणेहिं धम्मियाए चोयणाए चोइज्जमाणो गोसालो आसुरुत्तो कोवेण मिसिमिसेमाणो समाणो
जाव साह्वणं सरीरस्स रोममेत्तंपि निद्वहिउं न तरइ ताव पडिहयसामत्थं तं नाऊण केऽवि आजीवियथेरा जयगुरुं
गुरुत्तणेण पडिवन्ना, अन्ने पुण विवेगविरहिया तहेव ठिया, गोसालगोऽवि खणमेत्तं विगमिऊण रोसेण व माणेण य
दीडुण्हं नीससंतो दाढियलोमाइं लुंचमाणो हत्थे पकंपयंतो चलणेहिं भूमिं कुट्टमाणो अंतो विसप्पंतदुस्सहतेउल्ले-
सादाहवसेण य हा हओऽहमस्सीति पुणरुत्तं वाहरंतो अकयकज्जो चेव भगवओ समीवाओ नीहरिऊण गओ सट्टाणं,

श्रीगुणचंद्र
महावीरच०
८ प्रस्तावः

॥ २८० ॥

जयगुरुणाऽवि जंपियं-भो समणा ! जं इमं गोसालेण मम वहट्ठा तेयं निसिद्धं तं खलु अंगवंगमगहमलयमालवअ-
च्छवच्छकोच्छपाढलाढवज्जिमासिकासिकोसलअवाहसुभुत्तराभिहाणाणं सोलसण्हं जणवयाणं उच्छायणाए भासरा-
सीकरणयाए समत्थंति वुत्ते विम्हियहियया मुणिणो जायत्ति ।

सो य गोसालो कोडरनिहित्तहुयवहो तरुव निडुज्झमाणो कहिंपि रइं अलहंतो तस्स दाहस्स पसमणत्थं कर-
कलिएणं भायणेणं मज्जपाणंगं पियमाणो तवससंभूयमएणं य अभिक्खणं गायमाणो अभिक्खणं नच्चमाणो अभि-
क्खणं हालाहलाए कुंभकारीए अंजलिपग्गहपुव्वयं पणामं कुणमाणो अभिक्खणं भंडगनिमित्तकुट्टियमट्टियंतो-
निहित्तिसिसिरकलिलसलिलेण सरीरं उवासिंचमाणो अडुवियड्डाइं पइक्खणं जंपमाणो परमसोगमुव्वहंतेण सिस्सग-
णेण सिंसिरोवयारकारिणा परिवुडो दिणे गमेइ ।

तत्थ य सावत्थीए नयरीए अयंपुलो नाम आजीविओवासओ परिवसइ, सो य पुव्वरत्तावरत्तसमयंमि धम्मजाग-
रियं जागरमाणो जायसंसओ विचिंतेइ-अहमेयं सम्मं न मुणामि-तणगोवालिया किं संठाणा हवइ ? ता गच्छामि
धम्मायरियं धम्मोवएसगं समुप्पन्नदिवनाणदंसणं सव्वन्तुं गोसालं हालाहलाए कुंभकारीए आवणंमि वट्टमाणमापु-
च्छामित्ति संपेहित्ता समुग्गयंमि दिणयरे अप्पमहग्घाभरणालंकियसरीरो साओ गिहाओ पडिनिक्खमित्ता पायवि-
हारचारेणं कइवयपुरिसपरियरिओ गोसालयाभिमुहं गंतुं पयट्ठो, कमेण य कुंभारावणसमीवमणुपत्तो समाणो तं

साधुकृता
नोदनाते-
जोमहत्त्वं
गोशालक
चेष्टा.

॥ २८० ॥

गोसालं करकलियभायणमभिवृणं मइरापाणं कुणमाणं नचमाणं गायमाणं हालाहलाए कुंभकारीए अंजलिं
 विरयंतं मट्टियासलिलेणं सरीरं परिसिंचमाणं असंवद्धाई वयणाई पयंपमाणं पेच्छिऊण लज्जावसविमिलायंतलोयणो
 सहसधिय सणियं सणियं पचोसकंतो झडत्ति समीवट्टिएहिं दिट्ठो गोसालयसिस्सेहिं, तओ वाहरिऊण भणिओ-
 तेहिं—भो अयंपुल ! तुमं पच्छिमरयणीए तणगोवालियासंठाणविसयं संसयं पकओसि, अयंपुलेण भणियं—भयवं !
 एवमेयं, पुणोऽवि गोसालगदुच्चिलसियगोवणट्टया भणियं तेहिं—भो अयंपुल ! जं च तुह गुरु हत्यगयभायणे जाव
 अंजलिं विरयंतो विहरइ तत्थवि एस भगवं इमाई निव्वाणगमणसूयगाई पज्जंतलिंगाई वागरेइ, तंजहा—

चरिमं गेयं चरिमं नट्टं चरिमं अंजलिकम्मं चरिमं पाणं अन्नं च मट्टियासीयलसलिलसरीराणुलिंपणपमुहं
 वावारं, ता अयंपुल ! भगवओ चउवीसमतित्थगरस्सं गोसालगस्सं पुवभणियलिंगेहिं सूइओ संपइ निव्वाणगमण-
 पत्याओ वट्टइ, तम्हा गच्छ तुमं स एव तुह धम्मायरिओ इमं वागरणं वागरिही, एवं च सोचा सो दढहरिसुच्छ-
 लंतपुलयजालो तदभिमुहं गंतुं पयट्ठो, ते आजीवियथेरा सिग्घयरं गंतूण गोसालगस्स अयंपुलागमणं निवेएत्ति,
 तं च मज्जभायणाइ एगंते परिचयावेत्ति, आसणंमि थ निवज्जावित्ति, एत्थंतरे पत्तो अयंपुलो तिक्खुत्तो य पया-
 हिणीकाऊण परेणं विणएणं वंदित्ता गोसालयं निसण्णो समुचियासणे, तओ गोसालएण भणियं—भो अयंपुल !
 तुमं पच्छिमरयणीसमयंमि इमं संसयमुवहसि जहा तणगोवालिया किंसंठाणसंठियत्ति, नणु वंसीमूलंसंठिया सा

श्रीगुणचंद्र
महावीरच०
८ प्रस्तावः

॥ २८१ ॥

पन्नत्तत्ति, इमं च निसामिऊण पहिदुहियओ पुणो तं वंदिऊण गओ सो सद्धानं । अन्नम्मि य वासरे ईसि समुवलद्ध-
चेयणो गोसालो नियमरणसमयमाभोइऊण अप्पणो सिस्से सद्दावेइ, तेसिं पुरओ य इमं वागरेइ-भो देवाणुप्पिया !
मं कालगयं जाणिऊण मम सरीरं सुरहिगंधोदएण पक्खालिऊण सरसेण चंदणेण चच्चिऊण य महरिहं हंसल-
क्खणं पडयं नियंसावेज्जह, तयणंतरं सद्वालंकारविभूसियं सहस्सवाहिणीसिविगासमारोवियं काऊण नीहरावेज्जह,
सावत्थीए पुरीए सिंघाडगतियचउक्कचचरेसु इमं उग्घोसिज्जह, जहा-इमीए ओसप्पिणीए चउवीसाए तित्थयराणं
चरिमो एस गोसालगजिणो तित्थयरत्तं पालिऊण समुप्पन्नकेवलो संपयं सिद्धिं गओत्ति, इमं निसामिऊण ते सिस्सा
विणएणं सव्वं पडिसुणंति, अह सत्तमदिणंमि परिणममाणंमि समुवलद्धसुद्धबुद्धिणा पुव्वदुच्चरियनिवहसुमरणुप्पन्ना-
तुच्छपच्छायावेण चिंतियं गोसालेण—

अहह महापावोऽहं अजिणंपि जिणं भणामि अप्पाणं । सच्चं च मुसावयणंपि मुद्धलोयस्स साहेमि ॥ १ ॥

सिरिवद्धमाण तित्थंकरो गुरु धम्मदेसगो परमो । आसाइओ मए तह तेयनिसग्गेण दुग्गेण ॥ २ ॥

दुद्धरसंजमभरधरणपच्चले मुणिवरे दहंतेण । निदुद्ध चिय वोही मए हयासेण एमेव ॥ ३ ॥

सच्छंदं उम्मग्गं पयट्टमाणेण तह महीवट्ठे । अप्पा न केवलो चिय लोगोऽवि भवन्नवे खित्तो ॥ ४ ॥

अहवा समग्गभुवणत्तएऽवि तं नत्थि पावठाणमहो । जं कइवयदिणकज्जे मए अणज्जेण नो विहियं ॥ ५ ॥

चरमगेया-
दीनि गो-
शालकस्य
पश्चात्तापः

॥ २८१ ॥

तं चोच्चं जं इमिणावि दुद्धदेहेण पविभरगुरुणा । जमवयणंपिव भीमं अज्जवि नासं न वच्चामि ॥ ६ ॥
मुद्रेण मए चिरजीवियत्थिणा कवलियं हि तालउडं । आगामियमसुहमतक्किऊण जं एवमायरियं ॥ ७ ॥
इय वेरग्गमुवगओ गोसालो तह न तेउलेसाए । संतप्पइ जह तेणं सपुवदुच्चरियवग्गेण ॥ ८ ॥

एवं च सुचिरं परिञ्चुरिऊण सो नियसिस्सगणं उचाययसवहसावियं काऊणं एवं भणिउं पवत्तो-भो महाणु-
मावा । नो खलु अहं जिणो सवन्नू सवदरिसीवि, किंतु गोसालो मंखलिपुत्तो भगवओ वद्धमाणतित्थंकरस्स
सिस्सोऽवि होऊण पच्चणीओ समणघायगो नियतेएण चेवाभिहओ छउमत्थो विणस्सिउकामो उंभमेत्तपयट्टिय-
पउट्टपरिहाराइदुन्नओ एत्तियकालमप्पाणं परं च बुग्गाहंतो विहरिओ, अओ एवंविहमहापावकारिणं कालगयं
जाणित्ता तुब्भे वामचलणंमि रज्जूए वंधित्ता इमाए सावत्थीए पुरीए सवत्थ सिंघाडगाइसु आकट्टिविकट्टिं कुणमाणा
तिक्खुत्तो वयणंमि निट्ठीवणं पक्खिवंता एसो सो गोसालो मंखलिपुत्तो अजिणो गुरुपडिणीओ समणघायगो
असेसदोसकारी, भयवं पुण महावीरो जिणो तित्थयरो उप्पन्नदिघनाणदंसणो सच्चवाई कारुणिओ धम्मदेसगोत्ति
महया सहेण उग्घोसमाणा य मम सरीरस्स नीहरणं करेज्जहत्ति भणिऊण दारुणवेयणाभिहयसरीरो मओ गोसा-
लोत्ति । तं च कालगयं जाणित्ता ते आजीविथेरा नियगुरुपक्खवायसुवहंता कुंभकारावणस्स दुवारं पिहिऊण तस्स
मज्झयारे सावत्थिं नयरिमालिहंति, तओ गोसालग्गस्स वामपायरज्जुबंधणपमुहं आघोसणापज्जवसाणं सवहपरिमो-

श्रीगुणचंद्र
महावीरच०
८ प्रस्तावः

॥ २८२ ॥

कृष्णं करेति, तयणंतरं च तं सरीरगं सुरहिसलिलेहिं ण्हाविऊण तप्पक्खवायपडिवन्नजणधिरिकरणट्टया महया
पूयासक्कारसमुदणं सिवियाए समारोविऊण नीहराविंति, मयकिचाणि य कुणंति ।

इओ य भगवं महावीरो सावत्थीओ नयरीओ निक्खमिऊण विहारकमेण गओ मिंढियगामनयरे, समोसढो य
मणिकोट्टयाभिहाणचेइयंमि, धम्मनिसामणत्थं च परिसा समागया, खणमेगं च पज्जुवासिऊण जहागयं पडि-
गया, अह भगवओ महावीरस्स तेण तेउलेसापरिताववसेण समुप्पन्नो पित्तजरो, तवसेण य पाउब्भूओ रुहिराइ-
सारो, रविकरपडिवोहियकणयकमलसच्छहंपि मिलायलायन्नं जायं वयणकमलं सरयदिणयरसमुज्जलावि विच्छाई-
भूया देहच्छवी वियसियकुवलयदलदीहरंपि मउलावियं लोयणजुयलं महानगरगोउरपरिहाणुरूवंपि किसत्तणमुव-
गयं वाहुदंडजुयलंति, एवंविहं च भगवओ सरीरलच्छिं पिच्छमाणो मुद्धजणो वाहरिउमारद्धो—अहो भगवं महा-
वीरो गोसालगतवतेयजणियपित्तज्जरविहुरियसरीरो छण्हं मासाणमब्भंतरे परलोयं वच्चिस्सइत्ति, इमं च पवायं
जणपरंपराओ निसामिऊण सीहो नाम भगवओ सिस्सो गुरुपेम्माणुरागेण एगंते गंतूण अहिययरमन्नुब्भर-
रुद्धकंठविवरो कहकहविगम्भिणं रोविउं पयत्तो, इओ य केवलावलोएण अवलोइऊण भगवया वाहराविओ
एसो, भणिओ य—

किं तं जणप्पवायं निसामिउं कुणसि चित्तसंतावं ? । नेवावयाए कइयवि विउकमंतीह तित्थयरा ॥ १ ॥

गोशालक-
स्य मृत्युः
सिंहसाधो
रोदनं च.

॥ २८२ ॥

अत्रह संगमयविमुक्कचक्कडपूयणाइजणिएहिं । मरणं हविज्ज तइयावि मज्झं तिक्खेहि दुक्खेहिं ॥ २ ॥

जो पुण तणुतणुयत्तणरुहिरइसाराइओ विगारो मे । सो(निरु)वक्कमत्तणेणं सोऽवि न दोसं समावहइ ॥ ३ ॥

सीहेण तओ भणियं जइवि हु एवं तहावि जयनाह ! । तुम्हावयाए तप्पइ सयलं ससुरासुरं भुवणं ॥ ४ ॥

सिढिलियसज्झायज्झाणदाणपामोक्खधम्मवावारो । चाउघन्नो संघोऽवि लहई नो निव्वुइं कहवि ॥ ५ ॥

ता पसियसु जयबंधव ! अम्हारिसहिययदाहसमणत्थं । उवइससु भेसहं जेण होइ देहं निरोगं भे ॥ ६ ॥

एवं कहिए तयणुकंपाए भगवया भणियं—जइ एवं ता इहेव मिंढयग्गामे नये रेवइए गाहावइणीए समीवं
वचाहि, ताए य ममनिमित्तं जं पुवं ओसहं उवक्खडियं तं परिहरिऊण इयरं अप्पणो निमित्तं निप्फाइयं आणेहित्ति,
इमं निसामिऊण हरिसवसपयट्टपुलयपडलाउरसरीरो सीहो अणगारो समुट्टिऊण भयवंतं वंदइ नमंसइ, तयणंतरं
पडिग्गहं गहाय रेवईए गाहावइणीए गिहमुवागच्छइ, साऽवि रेवई तं अणगारं ईरियासमिइप्पमुहचरणगुणसंपन्नं
समणधम्मं व पच्चक्खं गिहंमि पविसमाणमवलोइऊण खिप्पामेव आसणाओ अब्भुट्टेइ, सत्तट्ट पयाइं सम्मुहमवसप्पइ,
सविणयं वंदिऊण य एवं जंपइ—संदिसह भंते ! किमागमणकारणं ?, सीहेण भणियं—जं तुमए वद्धमाणसामीं पडुच
कयं तं मोत्तूण जं अत्तट्टा निप्फाइयं ओसहं तं पणामेहित्ति, तीए भणियं—भयवं ! को एवंविहदिब्वनाणी जो रहसि-
कयंपि एवंविहं वइयरं परिजाणइ, मुणिणा कहियं—सयलभावाभावनिब्भासणसमत्थकेवलावलोयनिलयं भयवंतं वी-

श्रीगुणचंद्र
महावीरचं
८ प्रस्तावः

॥ २८३ ॥

रजिणं मोत्तूणं को अन्नो एवंविहं साहिउं पारइ?, एवं सोचा सा पहिदुहियया सायरं तमोसहं सुणिणो पडिग्गहंमि पक्खिवइ, तओ सा तेण भावविसुद्धभेसहप्पयाणेण देवाउयं कम्मं निबंधइ, देवा य तीसे गिहंमि कणगरासिं नि-
सिरंति, महादाणं महादाणंति घोसंति, सीहोवि साहू तं गहाय भयवओ समप्पेइ, तं च भयवं आहारेइ, आहा-
रिए य तहिं ववगयपित्तजरसमुत्थविगारो अमयपुन्नसरीरोव समहिगसमुम्मिल्लियजच्चकंचणसच्छहच्छवी वीरो वि-
राइउं पवत्तो । अह पडिहयरोगे वद्धमाणे जिणिंदे हरिसत्रियसियच्छो सवसंधोऽवि जाओ । असुरसुरसमूहा वद्वि-
याणंदभरा सह नियरमणीहिं नच्चिउं संपयत्ता ।

गोयमसामीवि गणहरो महावीरं वंदिऊण पुच्छइ-भयवं! तुभं कुसिस्सो गोसालो कालं काऊण कहिं उववन्नो?,
भयवया भणियं-अञ्चुयंमि देवलोगे वावीससागरोवमाऊ देवो जाओत्ति, गोयमेण भणियं-भयवं! कहं तहाविहमहा-
पावकरणेऽवि एवंविहदिवदेविद्धिलाभो समुप्पणोत्ति?, तओ सिद्धो सामिणा से सवोऽवि मरणसमयसमुप्पन्नातुच्छ-
पच्छायावाई वुत्तंतो, पुणोऽवि गोयमेण भणियं-भयवं! तओ ठाणाओ सो आउक्खएण कहिं उववज्जिही?, कइया
वा सिद्धिं पाविहित्ति?, भगवया जंपियं-गोयम! निसामेहि-इहेव जंबुद्दीवे दीवे भारहे वासे विंशगिरिपायमूले
पुंडाभिहाणंमि जणवए सुमइस्स रन्नो भद्दाभिहाणाए देवीए गब्भे सो गोसालो तत्तो चवित्ता पुत्तत्ताए पाउव्भवि-
स्सइ, तओ नवणहं मासाणं समहिगाणं समइकंताणं पजाइही, तस्स य जम्मसमए तत्थ नयरे सभंतरवाहिरे

श्रीवीरस्य
रोगशान्तिः
गोशालक-
वृत्तं.

॥ २८३ ॥

भारगसो य कुंभगसो य परिमलायद्वियफुलंधुयधूसरा पउमबुट्टी रयणबुट्टी य भविस्सइ, चंदसूरदंसणप्पमुहजम्म-
 णमहूसवं काऊण य अम्मापियरो दुवालसमे दिवसे संपत्ते जम्मदिणाणुरूवं महापउमोत्ति से नामं करिस्संति, अह
 समुचियकाले अहिगयकलाकलावं तं सोहणंमि तिहिनक्खत्तमुहुत्तंमि महया रायाभिसेएणं अभिसिंचिहन्ति, तओ
 सो अक्खलियपरफमो पयंडपयावपडिहयपडिवक्खो अहमहमिगाए पणमंतनरिंदसंदोहमउलिमालालालियचलणो
 महाराओ भविस्सइ, तस्स य महापउमस्स विजयजत्तमुवट्टियस्स पुन्नभइमाणिभइनामाणो दो देवा महद्विया महापर-
 फमा सेणाक्कम्मं करिस्संति, ते य राईसरसेणावइमंतिसामंतपमुहा पहाणजणा एवंविहं वइयरमुवलब्भ पहरिसुस्स-
 सियरोमकूवा महापउमस्स रण्णो गुणनिप्फण्णं देवसेणोत्ति दुइज्जं नामधेयं निम्मविस्संति, अण्णया य तस्स रण्णो
 सरयससहरधवलं चउइंतं सत्तंगपइट्टियं लट्ठं हत्थिरयणमुप्पज्जिही, तम्मि य सो समारूढो एरावणपट्टिठ्ठिओव
 पुरंदरो उवसोभेमाणो इओ तओ परिभमिस्सइ, तयणंतरं पुणोऽवि ते राईसरादओ जणा नियपहुसिद्धिपलोयणु-
 प्पन्नपमोयभरतरलिया तस्स राइणो विमलवाहणोत्ति तइयं नामधेयं पइट्टिस्संति । अह अन्नया कयाई तस्स
 रज्जभरमणुपालितस्स पुवभवब्भत्थतवस्सिजणविणासहीलणप्पमुहाणत्थपच्चइयक्कम्मदोसेण समणसंघोवरि वाढं प-
 ओसो समुप्पज्जिही,

तो सो सधम्मकम्मज्जएऽवि एगे तवस्सिणो हणिही । अन्ने पुण वंधिस्सइ विविहपयारोहिं वंधेहिं ॥ १ ॥

श्रीगुणचंद्र
महावीरच०
८ प्रस्तावः

॥ २८४ ॥

अकोसेही एगे उवहसिही तदपरे महापावो । अन्नेसि निग्घणमणो काराविस्सइ छविच्छेयं ॥ २ ॥
एगोसिं हरिस्सइ वत्थपत्तकंवलपमोक्खमुवगरणं । अन्नेसिं समणाणं वारिस्सइ भत्तपाणंपि ॥ ३ ॥
अन्ने निव्वासिस्सइ नियनयरपुरागरासयाहिंतो । अन्ने पुण मारिस्सइ सत्थेहिं लहू सहत्थेण ॥ ४ ॥
इय एवंविहमसमंजसं तओ पेच्छिऊण पउरजणा । भत्तिविणउत्तिमंगा तं एवं विन्नविस्संति ॥ ५ ॥
देव ! न जुत्तं सोउंपि एयमच्चंतमजससंजणगं । समणाण धम्मविग्घो जं एवं हवइ तुह रजे ॥ ६ ॥
दुट्ठाण निग्गहो सिट्ठपालणं नियकुलक्कमायरणं । रायाण एत्तियं चिय सलहिज्जइ किं थ सेसेहिं ? ॥ ७ ॥
एक्कमकित्ती सवत्थ तिहुयणे उन्नमइ महापावं । अन्नं चिय रज्जखओ हीलिज्जंतेसु समणेसु ॥ ८ ॥
अन्नं च-जइ देव ! कहव कुप्पंति तुह समणा इमे समियपावा । ता सयलंपिवि रट्ठं दहंति हुंकारमेत्तेण ॥ ९ ॥
एएसिं पभावेणं धरंति धराणिं सुहेण नरवइणो । एत्तो चिय मज्जायं जलनिहिणोऽवि हु न लंघंति ॥ १० ॥
ता देव ! विरमसु धुवं तवस्सिजणपीडणाओ एयाओ । अकलंकचिय कित्ती जह वियरइ तिहुयणे तुह ॥ ११ ॥
इय पुरजणेहिं सुवहुप्पयारवयणेहिं वारिओ संतो । भावविरहेऽवि सो तं पडिसुणिही तयणुवित्तीए ॥ १२ ॥
अन्नया थ सो रहवरारूढो निग्गच्छिही, इओ थ सुभूमिभागे उज्जाणे तिनाणोवगओ विउलतेउलेसामाहप्प-
दुद्धरिसो विविहतवचरणनिरओ सुमंगलो नाम तवस्सी आयाविस्सइ, सो थ राया तेणप्पएसेण वचमाणो

गोशालक-
स्य विमल-
वाहन-
भवः,

॥ २८४ ॥

तं ददूण निक्कारणुप्पन्नतिबकोवानलो सुमंगलं काउस्सग्गट्ठियं रहग्गभागेणं पणोल्लावेही, सो य तेणं पणोल्लिओ
समाणो घरणीयले निवडिओऽवि सणियं सणियं समुट्ठिऊण पुणो काउस्सग्गेण पलंविभुओ ठाही, सो य राया
तं उट्ठसंठाणसंठियं ददूण पुणोऽवि रहग्गेण पणोल्लावेही, सो य मंदं मंदमुट्ठिऊण तहेव उस्सग्गेण ठाइस्सइ, नवरं
ओही पंजिऊण तस्स पुवभये आभोइस्सइ, तओ एवं भणिही-अरे नरिंदाहम ! न तुमं महापउमो न देवसेणो न य
विमलवाहणो, किं तु मंखलिपुत्तो गोसालगो तुमं, जेण निदह्हा महातवस्सिणो अचासाइओ निययधम्मगुरु, ता
जइ रे तथा सघाणुभूइणा सुणिवरिट्ठेण पडुणावि होऊण पडिविधायमकुणमाणेण निरुवमं पसममवलंविऊण तुह
दुघिलसियं सम्ममहियासियं, सुनक्खत्तमहारिसिणा वा तित्तिक्खियं, असेसतिहुयणरंगातुल्लमहामल्लेण महावीरेण
वा समियं तं, नो खलु अहं सहिस्सं, किं तु जइ एत्तो पणोल्लावेहिसि ता भवंतं सरहं सतुरयं ससारहियं नियतवते-
एणं छारुक्कुरुडं काहामि, सो य राया इमं निसामिऊण समुच्छलियपवलकोवानलो पुणोऽवि संदणग्गेण पणोल्ला-
वेही, अह तइयवेल्पि पणोल्लिओ सुमंगलसाहू विसुमरियपसमसवस्सो पणट्ठगुरुवएसो सत्तट्ठ पयाइं पचोसक्किऊण
तेउलेसं निसिरिही, ताए य सरहो ससारही सतुरंगमो सो निदज्झिही, सुमंगलसाहूवि तं निदहिऊण पुणरवि
पचागधसुहज्जवसाणो आलोइयनियदुच्चरिओ विचित्तेहिं तवोकम्मोहिं कम्मनिज्जरणं काऊण बहुयाइं वासाइं सा-
मणं परिपालिऊण य मासियाए संलेहणाए संलिहियसरीरो मरिऊण सव्वट्ठसिद्धे विमाणे तेत्तीससागरोवमाऊ

श्रीगुणचंद्र
महावीरच०
८ प्रस्तावः

॥ २८५ ॥

देवो भविस्सइ । तओ चुओ समाणो महाविदेहे सिज्झिहिति । गोयमसामिणा भणियं-भयवं ! विमलवाहणो
कहिं उप्पज्जिही ?, भयवया भणियं-गोयम ! विमलवाहणो तेण सुणिणा निहद्धो सत्तमाए निरयपुढवीए अप्पइ-
द्धाने नरयावासे तेत्तीससागरोवमाऊ नेरइओ भविस्सइत्ति । तयणंतरं च—

सवत्तो पसरियतिक्खवज्जसूलग्गवेहणसमत्थं । अणिसं सहिही विवसो तेत्तीसं सागराइं दुहं ॥ १ ॥

तत्तो उवट्टित्ता मच्छभवं पाविऊणं तिवेणं । पुवभवसाहुमारणजणिणं पावदोसेणं ॥ २ ॥

सो सत्थहओ संतो दाहजरघोरवेयणाभिहओ । मरिउं होही पुणरवि नेरइओ सत्तममहीए ॥ ३ ॥

तत्तो मच्छो छट्ठीए नारगो इत्थिया य नेरइओ । छट्ठीए पुढवीए इत्थी नेरइओ पंचमीए ॥ ४ ॥

उरगो नेरइओ पंचमीए उरगो पुणो चउत्थीए । नेरइओ सीहो तह चउत्थपुढवीए नेरइओ ॥ ५ ॥

सीहो तच्चाए नारगो य पक्खी य तइय नेरइओ । विइज्जा पुढवीए नारगो भुयपरिस्सप्पो ॥ ६ ॥

वीयाए नेरइओ भुयपरिस्सप्पो य पढमपुढवीए । सण्णी तओ असण्णी नेरइओ पढमनरगंभि ॥ ७ ॥

तेण सुणिमारणजियपावेणं नरयवज्जठाणेसु । सत्थहओ दाहजरविहुरो होही य मरिही य ॥ ८ ॥

तत्तो पक्खिसिरीसिवउरपरिस्सप्पेसु णेगभेएसु । जलयरजोणिसु तहा उववज्जिय भूरिवाराओ ॥ ९ ॥

चउरिंदिएसु तेइंदिएसु वेइंदिएसु य भवित्ता । सवत्थ सत्थनिहओ विवज्जिही णेगवाराओ ॥ १० ॥

गोशाल-
कस्य भा-
विभवाः०

॥ २८५ ॥

वणसइपवणानलसलिलपुढविजाईसु विविहभेयासु । कालमसंखं वसिउं अकालमरणेण सो मरिही ॥ ११ ॥
 इय उम्भडनियदुचरियजलणजालाकलावसंततो । तं किंपि नत्थि दुक्खं जं पाविस्सइ न स वरागो ॥ १२ ॥
 एवं च अणेगभवुम्मज्जणनिमज्जणाईं काऊण कहकहवि समासाइयथेवकम्मविचरो सो गोसालगजीवो रायगिहे
 नयरे वाहिं वेसित्थिताए उववज्जिही, तत्थवि चिरभवसाहुवहसमुत्थनिकाइयकम्माणुवत्तणवसेण रयणीए पसुत्ता
 चेव एगेण विडपुरिसेण आभरणलिच्छुणा निसियखग्घेणुनिद्वयनिहारियउदरा मरिऊण पुणोऽवि रायगिहस्संतो
 वेसित्थियत्ताए उववज्जिऊण विवज्जिही । तओ जंबुद्दीवे दीवे भारहे वासे विंझगिरिपायमूले विभेले सन्निवेसे
 माहणकुले दारियत्ताए पंचायाही, तं च कालकमेण उम्मुक्कवालभावं अम्मापियरो समुचियस्स एगस्स माहणपुत्त-
 स्स य भारियत्ताए पणामइस्संति, अन्नया य सा गुघिणी ससुरकुलाओ पियहरं निज्जमाणी अंतरा समुच्छलियपव-
 लदावानलजालाकलावकवलिया कालं काऊण अग्गिकुमारेसु देवेसु देवत्ताए उववज्जिही, तत्तो य चविऊण माणु-
 सत्तणेण समुप्पन्नो समाणो तहाविहसुगुरुदंसणसमुवलद्धसव्वन्नुधम्मवोहो भववेरग्गमुव्वहंतो पव्वज्जं पडिवज्जिही,
 कहिवि पमायवसेण विराहियसामणो य असुरकुमारेसु देवेसु उववज्जिही, एवं कइवयभवगहणाईं पुणो पुणो
 विराहियसामन्नो असइं भवणवासिदेवेसु जोइसिएसु य सुरसंपयं समणुभविऊण पुणो समुवलद्धमाणुसत्तो अइयार-
 कलंकपरिहीणं पव्वज्जं समायरिऊण सोहम्मे देवलोए देवो होही, एवं सत्त भवे जाव निकलंकं सामणमणुपालिऊण

श्रीगुणचंद्र
महावीरच०
८ प्रस्तावः

॥ २८६ ॥

महाविदेहे वासे ददपइण्णाभिहाणो ईसरसुओ होऊण जायभववेरगो परिचत्तधणसयणो थेराण अंतिए सव्वविरइं
गहाय छट्टुमाइतवोकम्मविसेसेहिं पुव्वभवपरंपरासमज्जियाइं पावकम्माइं खविऊण केवलनाणमुप्पाडेही, तओ सो
ददपइण्णकेवली मुणियगुरुजणावमाणसमुत्थमहापाववियंभियभवाडवीनिवडणकडुविवागो नियसमणसंघं सदाविऊण
एवं भणिही—

हंहो देवाणुपिया ! जंबुद्दीवंमि भारहे वासे । मंखलिपुत्तो गोसालनामओऽहं पुरा आसि ॥ १ ॥
वहुकूडकवडनिरओ विवरीयपरूवगो समणघाई । धम्मगुरुपच्चणीओ समत्थदोसाण कुलभवणं ॥ २ ॥
नियतेएणं चिय दज्झमाणदेहो दढं बहुदुहत्तो । कलुणं विलवंतोऽहं पंचत्तं पाविओ तइया ॥ ३ ॥
तम्मूलं चउगइभुयगभीसणे दीहरे भवारण्णे । भमिओ सुचिरं कालं विसहंतो दारुणदुहाइं ॥ ४ ॥
ता भो देवाणुपिया ! इय सोच्चा मा कयावि सुगुरूणं । संघस्स पवयणस्स य पडिणीयत्तं करेज्जाह ॥ ५ ॥
वहुओऽवि पावनिवहो वच्चइ नासं मुहुत्तमेत्तेण । गुरुसाहुसंघसिद्धंतधम्मवच्छल्लभावेण ॥ ६ ॥
एवमणुसासिऊणं नियसमणे सो तथा महासत्तो । पडिवोहिऊण भवे पाविस्सइ सासयं ठाणं ॥ ७ ॥
इय तइलोयदिवायरसिरिवीरजिणेसरेण परिकहियं । गोसालयचरियमिमं गोयमसामिस्स नीसेसं ॥ ८ ॥
एयं च तचरियं महादुहविवागमूलं निसामिऊण बहवे समणा य समणीओ य सावयाओ य सावियाओ य गुरु-

भाविभवाः
गोसालक-
कृतः श्रम-
णोपदेशः०

॥ २८६ ॥

प्पमुद्दाणं सविसेसं आसायणापरिहारपरायणा जायत्ति । अह भयवं महावीरो मिंढियग्गामनयराओ निक्खमित्ता
 समणसंघपरिबुडो गामाणुगामेण विहरमाणो संपत्तो रायगिहं नयरं, तस्स य अदूरविभागवत्तिमि गुणसिलयाभिहा-
 णचेइए विरइयं देवेहिं समोसरणं, पुव्वकमेण निसन्नो सिंघासणे जयगुरू साहिउं पवत्तो दयामूलं खमामहाखंधं
 मूलगुणसाहासमाउलं उत्तरगुणपत्तनिगरसंछन्नं अइसयकुसुमविराइयं जससोरभभरियभुवणंतरं विसमसरतरणिताव-
 पणासगं सग्गापवग्गमुहफलदाणदुल्ललियं पवरजणसउणणिसेवणिज्जं धम्ममहाकप्पतरुवरं । एत्थावसरंमि सेणियनरा-
 हियो भयवंतं समवसरणट्ठियं सोऊण पट्ठिओ अभयकुमारभेहकुमारनंदिसेणपुत्तपरियरिओ वंदणवडियाए जयगुरूणो ।
 कंहं चिय ?—

डिंडीरपिंडुपुंडरियहरियखरकिरणविंवकरपसरो । सहरिसहरिणच्छिकरयलुलसियचामरुग्घाओ ॥ १ ॥

गजंतगत्तकुंजरमयजलपडिहणियरेणुपब्भारो । तरलतरतुरयपहकरसंखोहियमहियलाभोगो ॥ २ ॥

रणज्झणिरकणयकिंकिणिमालाउलरहसमूहपरियरिओ । दप्पुब्भडसुहडसहस्सरुद्धनीसेसदिसिनिवहो ॥ ३ ॥

इय सेणिओ नरिंदो हरिसुक्करिसं परं पवहमाणो । करिणीखंधारूढो नीहरिओ नियपुराहिंतो ॥ ४ ॥

तयणंतरं च पत्तो समोसरणं । जहाविहिणा य पविट्ठो तयब्भंतरे, तिपयाहिणीकाऊण वंदिउं जयगुरू निविट्ठो
 समुचिए भूमिभागे, भगवयाऽवि पारद्धा तदुचिया धम्मकहा । कंहं ?—

श्रीगुणचंद
महावीरच०
८ प्रस्तावः

॥ २८७ ॥

भो भो महाणुभावा निम्मलबुद्धीए चिंतह सयणहा । संसारं घोरमिमं महामसाणस्स सारिच्छं ॥ १ ॥
तथाहि—उब्भडवियंभियमुही विसयपिवासा महासिवा एत्थ । दढमणिवारियपसरा सवत्तो चिय परिब्भमइ ॥ २ ॥
ओहामियसुरनरखयरविक्रमा तंतमंतदुग्गेज्झा । अनिवारियं पयट्टइ भीमा जरडाइणी निच्चं ॥ ३ ॥
पयडियपयंडपक्खा निरवेक्खकंतजीयमाहप्पा । सवत्तो पासठिया कसायगिद्धा विसप्पंति ॥ ४ ॥
दावियविविहवियारा जीवियहरणेऽवि पत्तसामत्था । दढममुणियप्पयारा रोगभुयंगा वियंभंति ॥ ५ ॥
लद्धुं छिहं थेवंपि तक्खणुप्पन्नहरिसपब्भारो । भुवणत्तयसंचरणो मरणपिसाओ समुत्थरइ ॥ ६ ॥
इट्टविओगाणिट्टप्पओगपामोक्खदुक्खतरुनिवहो । सवत्तो विणिवारइ विवेयदिणनाहकरपसरं ॥ ७ ॥
इय भो देवाणुपिया ! मसाणतुल्ले भवंमि भीमंमि । खणमवि न खमं वसिउं तुम्हाणं सोक्खकंखीणं ॥ ८ ॥
एवं भगवया वागरिए संसारसरूवे पडिबुद्धा वहवे पाणिणो, भावसारं च अणेगेहिं अंगीकया देसविरइसववि-
रइपडिवत्ती, हरिसूसियसरीरो य सपरियणो राया गओ जहागयं, नवरं मेहकुमाररायपुत्तो अंतो वियंभंतहरिसपसरो
संसारविरागं परममुव्वहंतो सेणियनराहिवं जणणिं च पणमिऊण भणिउं पवत्तो—अंवताय ! अहमेत्तो वंछामि
तुब्भेहिं अणुण्णाओ भगवओ समीवे पव्वज्जं पवज्जिउं, तेहिं भणियं—पुत्त ! विसमो जोव्वणारंभो दुरक्खणिज्जो मयर-
द्वयसरपहारो दुद्धरा विसयाभिसुहीभवन्ता इंदियतुरंगमा सम्मोहदायगा लडहमहिलाजणविसाला वाढं दुरज्झवसा

राजगृहे
श्रेणिका-
देर्धर्मोप-
देशः

॥ २८७ ॥

पद्मजा, अशंतं दुरहियासा परीसहा, ता पुत्त ! पडिवालेहि कइयवि वासराइं, मेहकुमारेण भणियं—अम्मताय ! तडि-
तरलमाऊअविलसियं सरयगिरिसरियावारिवेगचडुलं जोघणं मत्तकामिणीकडक्खभंगुरा रायलच्छी, जत्रारंभा इव
दीसंतवहुविप्पओगा इट्टजणसंजोगा, ता पज्जत्तमेत्तो गेहनिवासेण, सव्वहा मा कुणह धम्मविग्घंति भणिए अणु-
ण्णाओ कहकहवि जणणिजणगेहिं, तओ महाविभूइसमुदएणं गहिया अणेण भगवओ समीवे पद्मजा, अत्तेऽवि तं
पद्मजं अणुगिण्हंतं पासिऊण वहवे नरिंदसेट्टिसेणावइसुया जायभवविरागा पद्मइया ।

अह दुस्सहत्ताए परीसहाणं चलत्तणओ चित्तवित्तीए तस्स मेहकुमारसाहुस्स अणुक्कमेण पढमरयणीए चेव
पसुत्तस्स पविसंतनीहरंतमुणिचरणघट्टणुप्पन्ननिहाविगमस्स पद्मजापरिचायाभिमुहमाणसस्स कहकहवि अट्टदुह-
ट्टियस्स दुक्खेण वीलीणा रथणी, समुग्गयंमि रविमंडले पमिलाणवयणकमलो समुट्टिऊण तओ ठाणाओ पद्मजं
परिमोत्तुकामो गओ भगवओ समीवे ॥

अह केवलावलोएण जिणवरो जाणिऊण भग्गमणं । मेहकुमारं साहुं महुरगिराए इमं भणइ ॥ १ ॥

किं भो देवाणुपिया ! संजमजोगंमि भंगमुव्वहसि । पुव्वभववइयरं नेव सरसि सयमवि समणुभवियं ॥ २ ॥

एत्तो तइयभवंमिं रण्णे किर वारणो तुहं हुंतो । तत्थ य वणग्गिणा पसरिएण संतत्तसव्वंगो ॥ ३ ॥

वाढं पिवासिओ सरवरंमि पाउं जलं समोगाढो । तडपंकंमि य खुत्तो तत्तो नीहरिडमचयंतो ॥ ४ ॥

श्रीगुणचंद्र
महावीरच०
८ प्रस्तावः
॥ २८८ ॥

पडिकरिणो दढदसणग्गताडणुण्णत्तित्तिव्वेयणओ । मरिउं विंझंमि तुमं पुणरवि जाओ गयाहिवई ॥ ५ ॥
वणदवपलोयणेण य जाइं सरिऊण भयवसट्टेण । रुक्खे उक्खणिऊणं अवणित्ता तणपलालाइं ॥ ६ ॥
करयलसमाइं तिन्नि उ महापमाणाइं थंडिलाइं तए । सरियातीरे पकयाइं निययगयजूहरक्खट्टा ॥ ७ ॥ जुम्मं ।
अह अन्नया कयाइं तरुवरसंघरिससंभवो जलणो । दहिउं वणं पयट्टो पलयानलविब्भमो भीमो ॥ ८ ॥
तं पेच्छिऊण भीओ तुमं पलाणो सथंडिलाभिमुहं । हरिहरिणससगसूयरपडिहत्थे थंडिले दुन्नि ॥ ९ ॥
लंघित्ता तइयंमिं संपत्तो अच्छिउं समाढत्तो । चरणो य समुक्खित्तो कंडुयणकए तए तणुणो ॥ १० ॥
एत्थंतरंमि अन्नन्नसत्तसंपेत्थिओ ससो एगो । उक्खित्तचरणहेट्टा ठिओ सजीयस्स रक्खट्टा ॥ ११ ॥
तं दट्टुणं तुमए पयहेट्टुठियं पराए करुणाए । आकुंचिऊण धरिओ नियचलणो गयणदेसंमि ॥ १२ ॥
अह वणदवोऽवि दहिउं सयलं अडविं महाविडविपुन्नं । उवसंतो ते य गया जहागयं ससगपमुहजिया ॥ १३ ॥
ताहे छुहापिवासासंतत्तो तंपि सिग्घवेणेण । अमुणियकुट्टियसचलणो पधाविओ पाणियाभिमुहं ॥ १४ ॥
अह एगचलणवियलत्तणेण पडिओ तुमं गिरिवरोव्व । तण्हाल्लुहाकिलंतो कालगओ बहुकिलेसेण ॥ १५ ॥
तेण य ससगणुकंपणसमुवज्जियपुन्नपगरिसवसेण । लहुईकयसंसारो संपइ जाओसि रायसुओ ॥ १६ ॥
इय भो देवाणुप्पिय! तइया पसुणावि जइ तहा तुमए । ससगजियरक्खणेणं वाढं दुक्खाइं सहियाइं ॥ १७ ॥

मेघस्थ
दीक्षा पूर्व-
भवश्रा-
वणं च.

॥ २८८ ॥

तां कीस वंभयारीण धम्मनिरयाण पवरसाहूणं । चल्णाइघट्टणेणवि संपइ संतावमुव्हंसि ? ॥ १८ ॥
 सरयनिसायरधवले कुलंमि पडिवन्नमुज्झमाणस्स । किं सुंदर ! न कलंको होही आचंदकालंमि ? ॥ १९ ॥
 कइवयदिणसुहकज्जेण अज्जिऊणं पयंडपावभरं । किं कोइ भण सयन्नो अप्पाणं पाडइ भवोहे ? ॥ २० ॥
 इय एवंविहवयणेहिं भुवणदीवेण वीरनाहेण । पडिवोहिओ महप्पा मेहकुमारो मुणिवरिट्ठो ॥ २१ ॥
 जाओ सुनिचलमणो तहकहवि जिणिंदभणियमग्गंमि । जह दुकरतवनिरयाण साहूण णिदंसणं पत्तो ॥ २२ ॥
 तस्सणुसट्ठिं सोचा संवेगकरिं परेऽवि मुणिवसहा । सविसेसमप्पमत्ता पडिवन्ना संजमुज्जोगं ॥ २३ ॥
 अह अण्णंमि दिणंमी सोचा धम्मं जिणिंदमूलंमि । भववेरग्गमुवगओ रायसुओ नंदिसेणोऽवि ॥ २४ ॥
 पवज्जापडिवत्तिं काउमणो सो य सेणियनरिंदं । जणणिं च बहुविहेहिं वयणेहिं पन्नवेऊण ॥ २५ ॥
 जाव भुवणेकंपहुणो पासे चलिओ पवज्जिउं दिक्खं । ताव य सो भणिओ देवयाए गयणट्ठियाए इमं ॥ २६ ॥
 भो भो कुमार ! विरमसु पवज्जागहणओ जओ अत्थि । अज्जवि तुहं भोगफलं चारित्तावारगं कम्मं ॥ २७ ॥
 येवं कालं निवससु सगिहे ता कीस ऊसुगो होसि ? । सलहिज्जंति न कज्जाइं पुत्त ! अइरहसविहियाइं ॥ २८ ॥
 काले चिय कीरंतो ववसाओ कज्जसाहगो होइ । समयाभावे सस्सं न फलइ अचंतसित्तंमि ॥ २९ ॥
 तत्तो कुमरेण भणियं देवि ! कीस तुमभियं पयंपेसि ? । सयमेवप्पडिवन्नं कहमिव उज्झामि विरइमइं ॥ ३० ॥

श्रीगुणचंद्र
महावीरच०
८ प्रस्तावः
॥ २८९ ॥

किं वा काही तंपिवि चारित्तावारंगं ममं कम्मं । कु(दु)स्सीलसंगरहियस्स गाढतवसोसियंगस्स ॥ ३१ ॥
इय तवयणं अवमणिऊण सिग्घं गओ समोसरणं । नवरं जयगुरुणाविहु पडिसिद्धो सो तहचेव ॥ ३२ ॥
तहविहु अइरभसवसा अभाविउं भाविरं विरइभंगं । भुवणगुरुणो समीवे निरवज्जं लेइ पवज्जं ॥ ३३ ॥
तो छट्टमपमुहं कुणमाणो दुकरं तवचरणं । जयगुरुणा सह विहरइ वहिया गामागराईसु ॥ ३४ ॥
पढइ विचि(वि)त्तं सुत्तं परिभावइ निच्चमेव य तदत्थं । गुरुणो मूले निवसइ परीसहे सहइ थिरचित्तो ॥ ३५ ॥
संजमनिसेवणपरो विसयविरागं परं परिवहंतो । आयावइ अणवरयं सुसाणसुन्नासमाईसु ॥ ३६ ॥
अह अन्नया कयाई एगल्लविहारपडिमपरिकम्मं । काउमणो स महप्पा जाए छट्टस्स पारणगे ॥ ३७ ॥
भिकखट्टाए पविट्ठो एगोऽणाभोगदोसओ सहसा । वेसाए मंदिरंमी पयंपए धम्मलाभोत्ति ॥ ३८ ॥
तो वेसाए सहासं सवियारं जंपियं अहो समण ! । मोत्तूण दम्मलाभं न धम्मलाभेण मे कज्जं ॥ ३९ ॥
अहह कहं हसइ ममंपि वालिसा संपयंपि(ति) चिंतित्ता । तेण तवलद्धिणा नेवतणयमायहिऊण लहुं ॥ ४० ॥
अइपवररयणरासी निवाडिया एस दम्मलाभोत्ति । भणिऊण य नीहरिओ तीए भणिओ य साणंदं ॥ ४१ ॥
भयवं ! उज्झसु दुकरतवचरणं कुणसु मज्झ सामित्तं । इहरा चएमि जीयं पुणरुत्तं तीए इय वुत्तं ॥ ४२ ॥
भावियमईवि तवसोसिओऽवि विन्नायविसयदोसोऽवि । कम्मवसा भग्गमणो पडिवज्जइ तीए सो वयणं ॥ ४३ ॥

मैवस्य
वैराग्यं
नंदिपेण-
दीक्षा.

॥ २८९ ॥

नवरं दस अहिंशे वा जइ नो बोहेभि अणुदिणं भवे । तो परिचएभि विसए विसंब इइ गिण्हइ पइअं ॥ ४४ ॥
अह उज्झियमुणिवेसो चिंतिंतो देवयाए तं वयणं । जयगुरुणोऽवि निवसइ वेसाए गिहंभि स महप्पां ॥ ४५ ॥

भुंजेइ विसयसोक्खं धम्मकहाए य बोहिउं भवे । पवज्जागहणत्थं पेसइ पासे जिणिंदस्स ॥ ४६ ॥
अह अन्नया कयाई खीणे भोगप्फलंभि कम्मम्मि । वेरग्गावडियमई चित्तेउम्मिमं समाढत्तो ॥ ४७ ॥

तुच्छं सोक्खं तडितरलमाउयं भंगुरं च तारुत्तं । रोगविहुरं सरीरं दुलंभा धम्मसामग्गी ॥ ४८ ॥
खंडियसीलाण निरंतरं च निवडंति दुस्सहदुहाइं । एवं ठिए न जुज्जइ संपइ मह निवसिउं एत्थ ॥ ४९ ॥

तो गंतुं जयगुरुणो पुणो समीवम्मि लेइ पवज्जं । आलोइयदुचरिओ विहरइ य समं जिणिंदेण ॥ ५० ॥
चिरपवज्जापज्जायपालणं भावसारमह काउं । सो नंदिसेणसाह मरिउं देवत्तणं पत्तो ॥ ५१ ॥

इओ य सो सुदाढनागकुमारदेवो नावारूढस्स भगवओ पुवं उवसग्गं काऊण आउयखयंनुओ समानो समु-
प्पन्नो एगंमि रोरकुले पुत्तत्तणेण, बुद्धिं गओ य संतो करिसगवित्तीए जीवइ, तंमि य पत्थावे सो जाव नियच्छेत्तं
लंगलेण करिसिउमारद्धो ताव पत्तो तं गामं भुवणेक्कवंधवो जिणो, तओ भगवया तस्स अणुकंपाए पडिवोहणत्थं
पेसिओ गोयमसामी, गंओ य तदंतियं, भणिओ य गोयमेण एसो-भइ! किमेयं कीरइ?, करिसगेण भणियं-जं
कारवेइ एस हयविही, को वा अन्नो अम्हारिसाण कलाकोसल्लवज्जियाण जीवणोवाओ?, गोयमसामिणा जंपियं—

श्रीगुणचंद
महावीरचं
८ प्रस्तावः

॥ २९० ॥

एवंविहगाढकिलेससंविठत्ताए भोयणविहीए । दिणगमणियं कुणंतस्स मुद्ध ! का चंगिमा तुज्झ ? ॥ १ ॥
किं वा सरीरसोक्खं संपज्जइ को य विसयवामोहो । किं वा सुचरियनिष्फायणं च संभवइ एवं च ? ॥ २ ॥
नो एयपरिचागो सुदुक्करो दिवसोक्खकंखीणं । तुम्हारिसाण जायइ जेणऽज्जवि किर महासत्ता ॥ ३ ॥
पउरमणिकणगरयणुक्कराइं तरुणीओ सुंदरे गेहे । मोत्तूण पन्नगंपिव धन्ना लग्गंति धम्मंमि ॥ ४ ॥
अन्ने पुण आकालियदुरंतदारिद्विहुयावि दढं । पावारंभपयट्टा जम्मं सयलंपि वोलंति ॥ ५ ॥
ते अण्णत्थवि जम्मे तहेव पुणरुत्तदुक्खसंतत्ता । तल्लोच्चिल्लिं पकुणंति थोवसलिलंमि मच्छोव ॥ ६ ॥
जइ पुण ते घरवावारलक्खभागे व धम्मकज्जंमि । अब्भुज्जमंति रुंधंति नित्तुलं ता दुहदुवारं ॥ ७ ॥
किंच-एगत्तो संपज्जइ जहिच्छभोगोवभोगदुल्ललियं । धणमन्नत्तो सज्जणपसंसणिज्जा हि पवज्जा ॥ ८ ॥
एगत्तो छक्खंडाहिवस्स सेवा महानरिंदस्स । कीरइ अन्नत्तो पुण सुणिणो सद्धम्मनिरयस्स ॥ ९ ॥
सुंदर ! इमाओ दोन्नि उ गईउ लोयंमि सुप्पसिद्धाओ । एयाणं अन्नयरिं जे कुसला ते पवज्जंति ॥ १० ॥
ता वज्जसु कम्ममिमं धम्मं चिय सरसु तं महासत्त ! । दीणाण दुत्थियाण य एसो एको परं सरणं ॥ ११ ॥
इय गोयमेण भणिए सबइल्लं लंगलं च मोत्तूण । नमिउं चलणे सो भत्तिनिब्भरो भणिउमाढत्तो ॥ १२ ॥
भयवं ! विन्नाणविवज्जियस्स जइ जोग्गयत्थि मे काऽवि । ता देहि निययदिक्खं भववासाओ विरत्तस्स ॥ १३ ॥

कर्पक-
दीक्षा.

॥ २९० ॥

इय वुत्ते से परियट्टिणोवि सिरिगोयमेण पव्वजा । तक्खणमेव विदिन्ना बोहिन्वीयंतिकाऊण ॥ १४ ॥

एवं तेण गहियदिक्खेण समं पयट्ठो गोयमसामी भगवओ अभिसुहं, अह जयगुरुणो चक्खुगोयरमुवांगयस्स तस्स करिसगस्स तेण सीहभवावज्जियगाढेवरवेसण पम्हुट्ठा पव्वजापडिवत्ती जायपयंडकोवो य भणित्तं पवत्तो-भयवं! को एसो?, गोयमेण भणियं-अम्ह धम्मगुरू, तेण भणियं-जइ तुह एस धम्मगुरू ता मम तुमएवि न कज्जं, अलं पव्वजाएत्ति भणिकुण परिचत्तरयहरणो धाविकुण गओ खेत्तंमि, गहिया वलीवद्दा, उब्भीकयं लंगलं, पलरगो पुव्वपवाहेण खेडेउंति । गोयमसामीवि विम्हियमणो भयवंतं पणमिकुण भणित्तं पवत्तो—

भुवणम्भुयभूयमहप्पभावपडिहणियपाणिगणपीड! । जयनाह ! मए असरिसमिमज्ज पलोइयं चोज्जं ॥ १ ॥

जं सोक्खकरेवि हु तुज्झ दंसणे दूरओऽवि सो हलिओ । सूरस्स कोसिओ इव सोढुं तेयं अचाइंतो ॥ २ ॥

सयमेव य पडिवन्नं पव्वज्जं उज्झिकुण संभंतो । अइसिग्घमवकंतो सखेत्तहुत्तं परोट्टमणो ॥ ३ ॥

किर तुम्ह संकहावि हु जणइ अपुवं जणाण परित्तोसं । किं पुण चीतरुपमुहट्टपाडिहेरुम्भवं रूवं? ॥ ४ ॥

अह जयगुरुणा भणियं गोयम! सो एस केसरिस्स जिओ । जो किर तिविट्ठुकाले मए दुहा फालिओ होंतो ॥ ५ ॥

तुमए मह सारहिणा निज्जविओ कोवफुरुफुरंततणू । सीहे सीहेण हए इचाईमहुरवयणेण ॥ ६ ॥

तप्पचइएणं मइ दोसेणज्जवि स वेरमुवहइ । तेणं चिय तप्पडिवोहणट्टया पेसिओ तंसि ॥ ७ ॥

श्रीगुणचंद्र
महावीरच०
८ प्रस्तावः

॥ २९० ॥

एवंविहगाढकिलेससंविठत्ताए भोयणविहीए । दिणगमणियं कुणंतस्स मुद्ध ! का चंगिमा तुज्झ ? ॥ १ ॥
किं वा सरीरसोक्खं संपज्जइ को य विसयवामोहो । किं वा सुचरियनिष्फायणं च संभवइ एवं च ? ॥ २ ॥
नो एयपरिचागो सुदुक्करो दिव्वसोक्खकंखीणं । तुम्हारिसाण जायइ जेणऽज्जवि किर महासत्ता ॥ ३ ॥
पउरमणिकणगरयणुकराई तरुणीओ सुंदरे गेहे । मोत्तूण पन्नगंपिव धन्ना लग्गंति धम्मंमि ॥ ४ ॥
अन्ने पुण आकालियदुरंतदारिद्रविहुयावि दढं । पावारंभपयट्ठा जम्मं सयलंपि वोळिति ॥ ५ ॥
ते अण्णत्थवि जम्मे तहेव पुणरुत्तदुक्खसंतत्ता । तल्लोविल्लिं पकुणंति थोवसलिलंमि मच्छोव ॥ ६ ॥
जइ पुण ते घरवावारलक्खभागे व धम्मकज्जंमि । अब्भुज्जमंति रुंधंति नित्तुलं ता दुहदुवारं ॥ ७ ॥
किंच—एगत्तो संपज्जइ जहिच्छभोगोवभोगदुल्ललियं । धणमन्नत्तो सज्जणपसंसणिज्जा हि पवज्जा ॥ ८ ॥
एगत्तो लक्खंडाहिवस्स सेवा महानरिंदस्स । कीरइ अन्नत्तो पुण सुणिणो सद्धम्मनिरयस्स ॥ ९ ॥
सुंदर ! इमाओ दोन्नि उ गईउ लोयंमि सुप्पसिद्धाओ । एयाणं अन्नयरिं जे कुसला ते पवज्जंति ॥ १० ॥
ता वज्जसु कम्ममिमं धम्मं चिय सरसु तं महासत्त ! । दीणाण दुत्थियाण य एसो एक्को परं सरणं ॥ ११ ॥
इय गोयमेण भणिए सवइल्लं लंगलं च मोत्तूण । नमिउं चलणे सो भत्तिनिव्वरो भणिउमाढत्तो ॥ १२ ॥
भयं ! विज्जावनिज्जिमाएण जइ जोग्गयत्थि मे काऽवि । ता देहि निययदिकखं भववासाओ विरत्तस्स ॥ १३ ॥

कर्पक-
दीक्षा.

॥ २९० ॥

त्रिपदादिगिऊण परेण भक्तिभारेण वंदितं नाहं । सद्गुणेषु निसीयंति ते य सद्गुणसवणत्वं ॥ १० ॥
 उष्णायपलगसत्तासमलंकियसयलवत्थुपरमत्वं । भवाणं भवभयहरं ततो वागरइ भुवणगुरु ॥ ११ ॥
 वागरनाणस्त य भुवणवंधुणो गुणियसयलभावोऽवि । भवजणवोहणत्वं गोयमसाभी इमं भणइ ॥ १२ ॥
 भयवं । भवस्त पुणरुत्तजम्मजरामरणसोगपउरस्त । किं मूलकारणं जमिह नेव जीवा विरजंति ? ॥ १३ ॥
 न य उच्चमंति तुह पायपउमपूयणपमोक्खवावारे । नो देससव्वविरइओ भावसारं च गिण्हंति ॥ १४ ॥
 मणियं जिणेण गोयम । मिच्छत्तं अविरइ य मूलमिह । तदणुगया नो जीवा भवभमणाओ विरजंति ॥ १५ ॥
 नो बहु मजंति जिणाहिवंपि गिण्हंति नेव विरइंपि । मिच्छत्तमज्जमत्ता किं वा कुवंति नोऽकजं ? ॥ १६ ॥
 अइ तेपि कम्मगंठिं सुनिद्धरं भिंदिऊण सम्मत्तं । पावंति कहवि ता भवसंवासाओ विरजंति ॥ १७ ॥
 अन्नुलमंति जिणसादुपूयणाइम्मि धम्मकजंमि । नवरं तेऽवि न विरइं घेत्तुं पारेंति कम्मवसा ॥ १८ ॥
 जं देसओवि सविसेसकम्मकखयउवसमेण सा होइ । किं पुण पहाणमुणिजणकरणुचिया सव्वओ चेव ॥ १९ ॥
 ता गोयमेण भणियं भयवं । सम्मत्तरयणलाभाओ । अब्भहियं गुणठाणं एवं सइ विरइभावोऽयं ॥ २० ॥
 ता साहेसु जयगुरु ! पउरगेहवावारवावडमणाणं । संभवइ देसओविहु विरइं कहमिव गिहत्थाण ? ॥ २१ ॥
 तो जयगुरुणा कहियं पंचण्हं तिण्ह वा चउण्हं वा । गहणे वयाण एगस्स वावि सा होइ निदोसा ॥ २२ ॥

श्रीगुणचंद्र
महावीरच०
८ प्रस्तावः
॥ २९२ ॥

गोयमसुणिणा भणियं जइ एवं ता जिणिंद ! सव्वाइं । सोदाहरणाइं कहेह ताइं भेएहिं जुत्ताइं ॥ २३ ॥
न तुमाहितो अन्नो भयवं एयं निदंसिउं सक्को । जं सव्वं सूरुोच्चिय पयासिउं पभवए गयणं ॥ २४ ॥
इय वुत्ते सिरिवीरेण धम्मपासायमूलखंभेण । भणियं गोयम ! निसुणसु सव्वमिमं परिकहिज्जंतं ॥ २५ ॥
पंच उ अणुवयाइं गुणवयाइं च होंति तिन्नेव । सिक्खावयाइं चउरो विरईए गिहत्थलोयस्स ॥ २६ ॥
तत्थ य अणुवयाइं पढमं पाणाइवायवेरमणं । वयमवरवयपहाणं पाणाइवाओ य सो दुविहो ॥ २७ ॥
विन्नेओ बुद्धिमया सुहुमो थूलो य तत्थ पुण सुहुमो । एगिंदियजियविसओ थूलो वेइंदियाइगओ ॥ २८ ॥
संकप्पारंभेहिं दुविहो थूलो य तत्थ संकप्पो । होइ हु उवेच्चकरणं आरंभो पयणकिसिपमुहे ॥ २९ ॥
संकप्पोऽवि य दुविहो अवरहकरंमि निरवराहे य । जो हरइ देव(ह)दवं स सावराहोऽन्नहा इयरो ॥ ३० ॥
एवं नाऊण इमं थूले अवरहविरहिए जीवे । संकप्पओ न घाएज्ज दुविहतिविहाइभेएण ॥ ३१ ॥
इय गहियजीववहविरइसुंदरो सावगोऽणुकंपपरो । अचंतं कोवेऽवि हु गोमणुयाईण न करेज्जा ॥ ३२ ॥
बंधवहं छविछेयं अइभारं भत्तपाणवोच्छेयं । एए पंचऽइयारा जम्हा दूसंति वहविरइं ॥ ३३ ॥
एयाए दूसियाए विहलो सव्वोऽवि धम्मवावारो । कट्ठाणुट्ठाणंपिवि निरत्थयं रत्तरुत्तं ॥ ३४ ॥
जं पाणिवहासत्तो सत्तो तं किंपि पावमायरइ । जेण निमेसंपि सुहं न लहइ नरयाइसु गइसु ॥ ३५ ॥

अणुव्रत-
स्वरूपं,

॥ २९२ ॥

सबतथवि सोयकममइलदुयं आउयं समज्जिणइ । पियपुत्तविओगं वा पावइ हरिवम्मराउव ॥ ३६ ॥
 गोयमसामिणा भणियं-भयवं ! को एस हरिवम्मरायाहिवो ? , भगवया जंपियं-गोयम ! निसामेसु, अत्थि इहेव
 भारहे वासे कुरुजणवए गयउरं नाम नयरं, तत्थ असंखदविणसंगओ दत्तो नाम माहणो परिवसइ, रूवजोवणा-
 इगुणसंगया य सिरी नाम भारिया, सबकज्जेसु पुच्छणिज्जो पाणाइरगेवल्लहो सबपसमसुंस्सीलयाइगुणसंगओ नंदो
 नाम से वालमित्तो, सो य अचंतं कलयंठंकोमलकंठो तहाविहवावारपरिसमत्तीए निग्गच्छिऊण निविजणंमि पएसे
 ठाऊण गंधवविणोयमायरइ, एवं च वचंति वासरा । अन्नया य दत्तस्स दियवरस्स वाढं पाउच्छूया सिरोवेयणा,
 तवसेण य पणट्ठा रई वियंभियो परितावो जायाणि नीसहाणि अंगाणि खलमहिलव चक्खुगोयरमइकंता निहा
 निच्छिण्णा भोयणवंछा तुट्ठा जीवियासा, एवंविहं च विसमदसावडणं पेच्छिऊण तेणाहूओ नंदो, भणियो य-
 अहो मित्त ! कुणसु किंपि उवायं, सबहा वलवंई सिरोवेयणा खुडइव लोयणजुयलं, मणागंपि न पारेमि सुहसेज्जाग-
 ओवि चिट्ठिउं, जइ पुण कहवि मम. निहामेत्तंपि होज्जा तो पच्चुज्जीवियं व अप्पाणं मन्नेज्जा, इय दीणं से वयणं
 निसामिऊण नंदेण भणियं-पियमित्त ! धीरो भव, परिचय कायरत्तणं, तहा करेमि जहा अकालक्खेवेण पगुणसरीरो
 भवसित्ति संठविऊण रयणिसमयंमि समारद्धं कागलीगेयं, जओ—

जह जह गेयनिनाओ पविसइ दत्तस्स सवणविवरंमि । तह तह निहावि विलज्जियव आगच्छए सणियं ॥ १ ॥

श्रीगुणचंद्र
महावीरच०
८ प्रस्तावः

॥ २९३ ॥

एवं च आगयाए निहाए पसुत्तो सो निब्भरं, सा चेव भज्जा नंदस्स तेण सुइसुहकारिणा गेयरवेण अवहरि-
यहियया तम्मणा जायत्ति, दत्तस्सवि परिगलंतीए रयणीए पणट्ठा सिरोवेयणा, संपत्ता सरीरनिबुई, अन्नया रहंमि
सिरीए सपणयं भणिओ नंदो—

सुहय ! जहा नियमित्तस्स देहपीडा तए समवहरिया । मज्झंपि तहा संपइ अवहरसु सरीरसंतावं ॥ १ ॥
उज्जुयभावत्तणओ अवियाणिय से मणोगयं भावं । नंदेण जंपियमिमं—कत्तो ते सुयणु ! संतावो ? ॥ २ ॥
तीए भणियं—सुंदर ! सयमवि काउं तुमं न याणासि ? । किं सच्चं पयडिज्जउ ? , सो भणइ—कहसु, को दोसो ? ॥ ३ ॥
ताहे तीए सिद्धो कलगेयायन्नणाओ आरब्भ । सवो नियवुत्तंतो निब्भरअणुरागसंवद्धो ॥ ४ ॥
आयन्निऊण एयं सुणिऊण य से असुंदरं भावं । नंदेणं सा भणिया कहंपि एयं सुयणु ! वयसि ? ॥ ५ ॥
दूसिज्जइ निययकुलं अजसो य दिसासु जेण वित्थरइ । मरणेऽवि हु तं धीरा कहमवि नो संपवज्जंति ॥ ६ ॥
सुवंति य नरएसुं परदारपसत्तयाण सत्ताणं । विविहाओ वेयणाओ मयच्छि ! ता उज्जसु कुवंछं ॥ ७ ॥
इय पन्नविऊण बहुप्पयारवयणेहिं तं महाभागो । नंदो ठाणाओ तओ नीहरिओ सिग्घवेगेण ॥ ८ ॥

एसो य सयलवइयरो कडगंतरिएण निसामिओ दत्तेण, तओ चिंतियमणेण—अहो विणट्ठं कज्जं, जं मम महिला
नंदेण सार्द्धिं एवमुल्लवइ, मन्ने नंदो मं उवलक्खिऊण चित्तरक्खट्ठा सुद्धसमायारं अप्पाणसुवदांसितो एवमुल्लविऊण

प्रथमेऽणु-
व्रते हरिव-
र्मदृष्टान्तः।

॥ २९३ ॥

एतो ठाणाओ सिग्घमवकंतो, ता न जुत्ता उवेहा, जओ महिला पुरिसंतरखित्तचित्ता कयाइ अत्तणो मणोरहविग्घं
 संमाविज्जण पइणो विसदाणाइणा विणासं करेज्जा, सयमसमत्था वा विडजणं विणासाय वाचारेज्जा, अओ जाव-
 ज्जवि न जायइ कोऽवि विणासो ताव वाचाएमि एयं नंदं, न सब्बहा सुंदरो एस, कहमन्नहा एयाए सह रहसि
 ठाएज्जा?, किं न याणइ एसो सप्पुरिसाण चक्खुक्खेवोऽवि न जुज्जइ काउं परकलत्ते?, किं पुण निब्भरपेमगग्घो
 परोप्परमेगंतसंलावो?, एवं निच्छिज्जण तस्स वावायणत्थं उवाए चिंतिउमारद्धो, सावि से भज्जा दुन्निग्गहयाए
 मयणवियारस्स अवजसनिरेक्खत्तणओ इत्थीसहावस्स गाढाणुरागसंभावाओ दुल्लहजणंमि जत्थ जत्थ नंदं पासति
 तत्थ तत्थ लिहियव्व थंभियव्व विचेयणव्व निचला एतमेव अणिमिसाहिं दिट्ठीहिं पेच्छमाणा अच्छइ, तीसे य तहा-
 विहावलोयणेण दत्तो बहुप्पयारं संतावमुव्वहइ, नंदोवि सुद्धसीलयाए पुव्वप्पवाहेण सुक्कसंको तस्स सगासंमि पइ-
 दिणमुवेइ, अन्नया य अवगणिज्जण पुव्वोवयारं, परिचइज्जण चिरकालसंभवं सिणेहं, अविमंसिज्जण जुत्ताजुत्तं, अणवे-
 क्खिज्जण परलोयभयं तेण दत्तमाहणेण वीसत्थहिययस्स नंदस्स तालउडविससणाहो पणामिओ तंवलवीडओ,
 अविगप्पभावेण य गहिओ नंदेण, परिभोत्तुमारद्धो य ।

अह तंमि भुज्जमाणे अञ्चुक्कडयाए विसविगारस्स । निन्नट्टुचेयणो इत्ति निवडिओ सो महीवट्ठे ॥ १ ॥
 दत्तेणवि मायासीलयाए पणयं पयासमाणेण । पम्मुक्कदीहपोकं हाहारवगग्घिणं रुत्तं ॥ २ ॥

श्रीगुणचंद्र
महावीरच०
८ प्रस्तावः

॥ २९४ ॥

मिलिओ य नयरलोगो कहिओ तेणावि तस्स वुत्ततो । जह सहसच्चिय जीयं नीहरियमिमस्स अनिमित्तं ॥ ३ ॥
नयरजणेणं भणियं अलाहि सोगेण कुणसु कायव्वं । सच्छंदविलसिएसुं किं वन्निज्जइ कयंतस्स ? ॥ ४ ॥
एमाइ जंपिऊणं नयरजणो पडिगओ सगेहेसु । दत्तेणवि से विहिओ सरीरसकारपमुहविही ॥ ५ ॥
एवं च वावाइयंमि तंमि पणट्टकुविगप्पो भज्जाए समं निप्पच्चवायं विसयसुहमणुहवमाणो कालं वोलेइ, अन्नया
य तीए समं वरिसयालंमि ओलोयणगओ जाव निवडंतजलधाराधोरणीमणहरं गयणयलमवलोएइ ताव सहसच्चिय
तडयरारावभीसणा निवडिया तस्स सीसंमि कुलिंगमालापलीवियदिसामंडला विज्जू, तीए य तणपूलगो इव नि-
हड्डो दत्तो, मरिऊण य तइयनरयपुठवीए सत्तसागरोवमाऊ नेरइओ उववन्नो, तहिं च अणवरयदहणकुंभीपागसाम-
लिसाहारोहणकरवत्तफालणवेयरणिनइप्पवाहणमोग्गरसंचुण्णणपमुहाइं तिक्खदुक्खलक्खाइं निरंतरमणुभविऊण
आउयक्खंयमि तत्तो उव्वट्टिऊण मच्छकच्छपक्खिसरीसिवपमोक्खासु तिरिक्खजोणीसु उववन्नो, तासुवि बहुकालं
चरिऊण पुणो पुणो नरगाईसु य उववज्जिऊण कहवि कम्मलाघवेण एगंमि पच्चंतकुले जाओ पुत्तत्तणेणं, कयं च से
मंगलउत्ति नामं, तत्थ य जह्विसाओ आरब्भ सो पसूओ तह्विसाओ चिय तंमि कुले पाउब्भूया विविहा
रोगायंका, समुपन्ना विविहाणट्टा, तओ तेहिं जणणिजणगेहिं चिंतियं-अहो दुट्टलक्खणाणुगओ एस अह्म पुत्तो ता
जाव न देइ अकाले चिय मरणं ताव पच्छन्नो चिय अडवीए नेऊण छडिज्जइ, जीवमाणामन्ने पुत्ता भविस्संति,

प्रथमेऽणु-
व्रते हरिव-
र्मदृष्टान्तः।

॥ २९४ ॥

क्रिगणेण विसहरसंवहृणेणंति परिभाविऊण वरिसमेत्तवओ मुक्को एसो अडवीए, अह तेणप्पएसेण समागओ सिवो
 नाम सत्थनाययो, दिट्ठो य तेण एसो, गहिओ अणुकंपाए, नीओ य बुद्धिं । अन्नया य तस्स कम्माणुभावेण सो
 सत्थवाहो सधणो ससयणोऽवि अकालखेवेण खंयं गओ, सो य भिक्खावित्तीए अप्पाणं पोसंतो कमेण जोघण-
 मणुप्पत्तो, अन्नया य वसंतमासंमि पवरनेवत्थमणहरं नयरजणं विलसंतं अवलोइऊण चिंतियमणेण-अहो नूणं महा-
 पावकारी अहं, कहमन्नहा समाणेवि मणुयत्ते इमे कयपुत्रा नायरया एवं विलसंति, अहं पुण पइदिणं लुक्खभि-
 क्खाकवलकवलणेण निययउयरंवि(न) भरामि?, ता पज्जतं गिहवासेण, करेमि धम्मज्जणंति संचिंतिऊण गओ जल-
 णप्पभाभिहाणस्स तावसस्स समीवे, गहिया दिक्खा, काउमारद्धो य विविहं तवचरणं । एवं च अन्नाणतवेण
 उवज्जिया भोगा, अन्नदिवसे य पउरकंदमूलफलभक्खणेण समुप्पन्नं से पोट्टसुलं, तेण य अभिहओ मरिऊण
 वसंतपुरे नयेरे हरिचंदस्स रण्णो अणंगसेणाभिहाणाए अग्गमहिस्सीए कुञ्ठिसि पाउअभूओ पुत्तत्तगेगं, पसूओ
 नियसमयंमि, कयं वद्धावणयं. पइट्ठियं च हरिवम्मोत्ति नामं, उम्मुक्कवालभावो य गाहिओ कलाकोसलं परिणाविओ
 य अट्ट रायकन्नगाओ, अन्नया य जोगोत्ति कलिऊण हरिचंदराइणा महाविभूर्इए मंतिसामंतपउरजणसमक्खं उव-
 वेसिओ नियपए, जाओ सो महानरिंदो । हरिचंदरायाऽवि निविण्णकामभोगो गओ वणवासं, गहिया दिसापो-
 क्खगतावसाणं दिक्खा, परिवालेइ जहाभिहियं तेसिं धम्मंति । हरिवम्मरायावि जहाविहिपरिपालियपयइवगो

श्रीगुणचंद्र
महावीरच०
८ प्रस्तावः

॥ २९५ ॥

कालाणुरूपयद्वियनयमग्गो रज्जभरं समुवहइ, तस्स य विसयसुहमणुहवंतस्स समुप्पन्नो पुत्तो, कयं च से हरि-
दत्तोत्ति नामं, तस्स य राइणो सयलरज्जवावारनिरुवणनिउणो असेसनीइसत्थवियक्खणो वेसमणो नाम अमच्चो,
सो य लद्धपसरत्तणेण एवं परिभावेइ-जइ किंपि अंतरं पावेमि ता इमं रायं वावाइऊण सयमंगीकरेमि रज्जं,
किमणेण साहीणेऽवि सामंते दासत्तकरणेणं?, तहावि केणवि उवाएणं एयस्स राइणो पढमं ताव पुत्तं विणासेमि
पच्छा एस सुहविणासो चेव होहिति परिभावेतो अवरंमि वासरे कइवयपहाणपुरिसपरियरिओ गओ उज्जाणं, उव-
विट्ठो तरुवरच्छायाए, अह खणंतरं अच्छिऊण कवडेण सहसत्ति उट्ठिओ तट्टाणाओ भासमाणं च परियणं निवारि-
ऊण उट्टसुहो निन्निमेसेण य चक्खुणा गयणमवलोइऊण परमविम्हयमुवहंतो नियपरियणं भणिउं पवत्तो-भो! भो!
किं निसामियं किंपि तुब्भेहिं एत्थ?, तेहिं भणियं-सामि! किमिव?, अमच्चेण भणियं-आगासे वचंतीहिं देवीहिं
इमं जंपियं-जहा एस राया नियपुत्तदोसेण मरिहिति, एयं च निसामिऊण अणुकूलभासित्तणं सेवगस्स धम्मोत्ति-
कलिऊण तयणुवित्तीए भणियं परियणेण-सामि! वाढं निसामियं, केवलममंगलंति काऊण पढमं चेव न कहियं,
जइ रे जणगणिविसेसस्स सामिसालस्सवि एवं होही ता पज्जत्तं मे जीविणंति वागरिऊण अमच्चेण आयट्ठिया
कज्जलपुंजसामलुम्मिलंतकंतिपडला खग्गधेणू, समाढत्तं कवडेण नियपोट्टवियारणं, तओ कहकहवि बला मोडिऊण
वाहुं परियणेण उद्दालिया खग्गधेणू, नीओ मंदिरं, उब्भडकवडसीलयाए य परिचत्तपाणभोयणसरीरसकारो जरसि-

प्रथमेऽणु-
व्रते हरि-
वर्मकथा.

॥ २९५ ॥

कदमंचणं निवडिऊण ठिओ एसो असंसेपि दिवसं, वासरंते य अत्थाणीगएण राइणा अमचं अपेच्छंतेण पुच्छिंओ
 पडिहारो-अरे ! किं निमित्तं न आगओ अज्ज अमचो ?, तेण कहियं-देव ! न सुणेमि सम्मं, राइणा भणियं-सयंपि
 गेहं गंतूण अमचं पुच्छसु अणागमणकारणं, तओ जं देवो आणवेइत्ति भणिऊण गओ पडिहारो, दिट्ठो जरसि-
 क्कजवडिओ सामवयणो अमचो, पुच्छिओ य अणेण-अमच ! किमकांडे चिय एवंविहमवत्थंतरसुवागओ सि ?, साहेसु
 कारणं, तुह अणागमणेण परितम्मइ नराहिवोत्ति वुत्ते दीहं नीससिऊण भणियममच्चेण-भो पडिहार ! किं
 निरत्थएण पुषवुत्तंतविकत्यणेण ?, एत्तियमेत्तमेव संपइ जंपियवं

जस्त पसाएण समग्गलोगपुज्जत्तणं समणुपत्तं । लच्छी चिरसुवभुत्ता तस्सवि हरिवम्मदेवस्स ॥ १ ॥

सुणिऊण असवणिज्जं विणाससंसूयगं तहावयणं । किं अज्जवि निलज्जं जीवियमहमुच्चहिस्सामि ? ॥ २ ॥

इमं च गाहाजुयलमुल्लविऊण पडेण वयणं समोच्छाइऊण ठिओ मोणेणं अमचो, अह परमत्थं अवियाणमाणेण
 पडिहारेण पुट्ठो परियणो-अहो किमेवममचो वाहरइ ?, तेहिं भणियं-पडिहार ! अज्ज उज्जाणगएहिं अम्हेहिं अ-
 मच्चेण य गयणवाणी निसुणिया जहा देवो पुत्तदोसेण मरिहित्ति, तदायन्नणाणंतरमेव अमचो अप्पणो विणासं कुण-
 माणो महया किलेसेण निसिद्धो मरणभुवगमेण य अज्जवि भोयणं न कुणइत्ति, इमं च सोच्चा पडिहारेण भणियं-
 अहो ! अकित्तिमा पडुभत्ती, अहो ! असरिसं कयन्नुत्तणं, अहो ! ससरीरनिरवेक्खयत्ति, धुवं धन्नो एस हरिवम्मराया

श्रीगुणचंद्र
महावीरचं
८ प्रस्तावः

॥ २९६ ॥

जस्स एवंविहो अमच्चोत्ति वण्णिऊण सो गओ नरिंदसमीवं, कहिओ य एगंते सच्चो तवुत्तंतो, इमं च आयन्निऊण
अच्चंतवल्लहयाए नियजीवियस्स उदयाओ पुच्चकयदुच्चरियाणं संखुद्धो नराहिवो, वाहराविओ अमच्चो, पुच्छिओ सच्चं
जहावट्टियवइयरं, कहिओ य अणेण, तओ राइणा भणियं—अमच्च ! किमियाणिं कालोचियं?, अमच्चेण कहियं-
देव ! तुम्हे चिय जाणह जमेत्थ उचियं, अहं पुण सयमेव सुणिऊण देवस्स भाविणिं विसमावत्थं न सच्चहा
जीवियमुच्चहिस्सामि, जओ तुम्ह पायाण विरहे का अम्ह सोहा? का वा पहुभत्ती? किं वा सकज्जसाहणं? ता
अणुमन्नउ देवो, न एत्थ अन्नं वोत्तुं जुज्जइ अम्हाणंति, राइणा भणियं-अलं मरणेण, समायरसु जमिह जुत्तं, अमच्चेण
कहियं—देव ! संकडमिमं, के तुम्हे? को वा तुम्ह पुत्तो?, अओ न किंपि काउं पारियइ, राइणा भणियं—जो देवीहिं
विणासकारित्ति सिद्धो सो पुत्तोऽवि परमत्थओ सच्चू चैव, ता ममाएसेण तयणुरूवं करेज्जासु, अमच्चेण भणियं-
देव ! एवंविहदुट्ठाण सासणे दंडवासियाण चैव अहिगारो, ता पसीप्रउ देवो तेसिमेव आएसदाणेणं, तओ निरुविओ
राइणा कुमारविणासणत्थं दंडवासिओ, विणासिओ तेण, पहिद्धो अमच्चो, कया भोयणाइया सरीरचेट्ठा, चिंतियं
च तेण—निहओ एस एगो कंटयो, इयाणिं राया विणासणिज्जोत्ति ।

अह तंमि सुए वहिए नायरलोएण जंपियं एवं । हा हा अहो अकज्जं नरवइणा नूणमायरियं ॥ १ ॥

जं रज्जभरसमत्थो पुत्तो अविभाविऊण परमत्थं । कुस्सुयनिसामणुग्गयभयवसओ सारिओ सहसा ॥ २ ॥

प्रथमेऽणु-
व्रते हरि-
वर्मकथा.

॥ २९६ ॥

अच्छद परेण कहिए तहाविहे दुन्निमित्तपमुहत्थे । सयमवि दिट्ठे कुसला जुत्ताजुत्तं वियारिंति ॥ ३ ॥ अन्नं च-
गहपीडामारीदुन्निमित्तदुस्सुमिणपमुहदोसगणा । देवाण पूयणाईहिं नूण सिग्घं उवसमंति ॥ ४ ॥
ता दढमणुचियमेयं कयं नरिंदेण धम्मपहवज्जं । गरुयाणं गरुउचिय उप्पज्जइ अहव सम्मोहो ॥ ५ ॥

इमं च सुयं कन्नपरंपराए राइणा, तओ पाउब्भूया अरई, उप्पन्नो पच्छायावो, पव्हिओ महासोगो, चत्ता रज्ज-
चित्ता, इमं च परिभाविउं पवत्तो-अहो महापावोऽहं जेण मए एवंविहमकज्जमायरंतेण न गणिओ धम्मो, नावे-
क्खिओ अजसो, न अंगीकयं पोरुसं, नावलंविद्या खंती, ता किमियाणिं परिचयामि रज्जं?, पविसामि जलणं? पव-
ज्जामि वा वणवासं?, केण वा कएण इमाओ पावाओ भोक्खो होहिति चिंतमाणस्स राइणो पडिहारेण गंतूण
विन्नत्तं-देव! दुवारे नंदणुज्जाणपालणा समागया, ते य देवदंसणमभिलसंति, राइणा भणियं-लहु पवेसेह, एवं च
भणिए पवेसिया तेण, ते य निवडिया चलणेसु, विन्नविउमारद्धा-देव! तुम्ह उज्जाणे भयवं अरिट्टनेमी समोसढो,
ता वद्धाविज्जह तुम्हे तयागमणेणंति, इमं च सोचा चिंतियं राइणा-होउ ताव सोगेणं, तं च भयवंतं केवलालो-
यमुणियतिलोयवावारं जहावित्तं पुत्तविणासहेउं दुन्निमित्तमापुच्छिऊण उचियं करिस्सामिति विभाविऊण पयट्ठो
जिणाभिमुहं । इओ य सो अमचो मुणियसवन्नसमागमो पयडीभविस्सइ संपयं मज्झ कवडविलसियंति निपदुच-
रियसंकाए जच्चतुरंगममारुहिऊण जीवियभएण पलाणो वेगेण । रायावि गओ भयवओ समीवं, तओ चित्तंभंतरुद्ध-

धीगुणचंद्र
महावीरच०
८ प्रस्तावः

॥ २९७ ॥

संतहरिसपसरो बहलरोमंचंचियसरीरो भयवंतं तिपयाहिणापुव्वगं पणमिऊण थुणिउमारद्धो । कहांचिय?—

जय नवतमालदलसामदेह, तुहु निम्मलगुणरयणोहगेह ।

अइदुजयनिज्जियकुसुमवाण !, जिण भवियहं दंसियसिद्धिट्ठाण ॥ १ ॥

उत्तुंगपओहरहरिणनयणनवजोघणपव्वणचंदवयण ।

पइ उग्गसेणसुय जेण चत्ता, तसु एकह तुह पर जयइ वत्त ॥ २ ॥

ओहामियसिंधुसमत्थरयणि, अवयरिए नाह ! जायवह भवणि ।

चिंतामणिंमि पइं समुद्विजओ, सचं चिय जाओ समुद्विजओ ॥ ३ ॥

आपूरियनिब्भरसंखघोस—संखोहियजयजण गयदोस ।

भुयपरिहंदोलियलच्छिरमण !, सघायरेण सुरपणयचलण ! ॥ ४ ॥

तइलोकभवणनिम्मलपईव !, परमायररक्खियसयलजीव ! ।

भवि भवि जिणिंद ! तुहुं रिद्धनेमि !, अम्हारिस लीयह होज्ज सामि ॥ ५ ॥

एय एवं थोऊणं पराए भत्तीए जयगुरुं नेमिं । हरिसियमणो नरिंदो तयणु निविट्ठो महीवट्ठे ॥ ६ ॥

भयवयावि पयट्ठिया धम्मकहा, पडिबुद्धा बहवे पाणिणो, गहियनियनियसामत्थाणुरूवाभिग्गहविसेसा गया य

प्रथमेऽणु-
वते हरि-
वर्मकथा-

॥ २९७ ॥

जहागयं । अंह अवसरं मुणिकुण पुच्छियं राइणा-भयवं ! पुरा अमच्चेण जं अम्ह कहियं तं सच्चमलियं वा ? , भयवया भणियं-अलियं, राइणा भणियं-भयवं ! किमेवंविहं तेणाकज्जमायरियं ? , भयवया जंपियं-भो महाराय ! भोगत्थियो रत्थियो परिवारत्थियो पाणिणो किं किं पावं न करेति ? किं वा मायामोसं न पयडेति ? अहवा को तस्स दोसो ? , पुषकयकम्माण चेव विलसियमिमं, सो पुण निमित्तमेत्तं चेव वरागो, राइणा जंपियं-भयवं ! किं मए पुषभवे एवंविहं पावमायरियं जस्स अणुभावेण अच्चंतवल्लहस्स सुयस्स सहसच्चिय विणासं पडिवन्नो ? ,

ताहे जह पुषभवे महिलादोसेण दोसपरिहीणं । मित्तं विणासिकुणं समज्जियं पावमइगरुयं ॥ १ ॥

जह नारयत्थिरियभवेसु भूरिसो पाविकुण जरमरणे । कह कहवि माणुसत्ते लद्धे विहिण्ण य वालतवे ॥ २ ॥

इह संपत्ते रज्जे जह मित्तविणासकम्मदोसेणं । जाओ पुत्तविणासो तह सव्वं भयवया कहियं ॥ ३ ॥

इमं च सोच्चा जायगाढभवभओ हरिवम्मराया भणित्तं पवत्तो-भयवं जइ पाणाइवायस्स एवंविहो असुहो सहावो ता पज्जत्तं मम रज्जेण, गिण्हामि तुह समीवे पव्वज्जं जाव अभिसिंचेमि कमवि अत्तणो पयंमिच्छि वागरिकुण गओ नयरिं, निवेसिओ निययरज्जंमि भाइणेजो, सो य अमच्चो नाओ जहा पलाणोत्ति । तओ मोत्तूण य रायसिरिं हरिवम्मनराहिवो अणगारियं पडिवन्नोत्ति ॥

इय भो गोयम ! एसो पाणिवहाविरइमंतजंतूणं । पाउवभवइ महंतो अणत्थसत्थो जओ तम्हा ॥ १ ॥

सत्रपयत्तेणं चिय संकप्पियपाणिघायवेरमणं । सग्गापवग्गसोकखाइं कंखमाणेहिं कायवं ॥ २ ॥ इह पठममणुव्वयं ।
अह अलियवयणविरईसरुवमेयं अणुव्वयं वीयं । भणिमो तं पुण अलियं दुविहं थूलं च सुहुमं च ॥ १ ॥
थूलं पंचवियपं कन्नागोभूमिनासहरणेसु । कूडगसक्खेज्जंमि य एसो इह नियमविसओत्ति ॥ २ ॥
कन्नागहणं दुपयाण सूयगं चउपयाण गोगहणं । अपयाणं दवाणं सवेसिं भूमिवयणं तु ॥ ३ ॥
इयरदुयग्गहणं पुण पाहन्ननिदंसणट्टया भणियं । सुहुमं तु अलियवयणं परिहासाईसु नेयवं ॥ ४ ॥
थूलमुसावेरमणे एयंमि अणुव्वए पवत्तंमि । अइयारा पंच इमे परिहरणिज्जा सुसहेणं ॥ ५ ॥
सहसा अब्भक्खाणं रहसा य सदारमंतभेओ य । सोसोवएसणं कूडलेहकरणं च निचंपि ॥ ६ ॥
एयस्स पालणाऽपालणासु पयडा गुणा य दोसा य । दीसंति समक्खं चिय दिहुंतो भायरो दोन्नि ॥ ७ ॥
ते य भायरो गोयम ! निसामेसु, एत्थेव भारहे वासे वडवहनयरे पभाकरो नाम राया, सवत्थ विकखायजसो
दुवालसविहसावयधम्मपरिपालणपरायणो जइजणपज्जुवासणवद्धलक्खो परोवयारकरणाइगुणसहस्ससमलं किओ
सचो नाम सेट्ठी, तस्स य इहलोयमित्तपडिबद्धो धम्माणुट्ठाणविरहिओ कणिट्ठो वलदेवो नाम भाया, सो य जाण-
वत्तेण परविसएसु गच्छइ, अन्नया य बहुलाभो हवइत्ति णिसामिऊण गओ चोडविसए, चोडरायावि सच्चसेट्ठिणो
गुणनिवहं जणेण वन्निज्जमाणं सुणिऊणं तइंसणाणुरागरत्तो तब्भाउयं वलदेवं भणइ-सवहा मम दंसणत्थं सच्चसेट्ठिं

आणेज्जासित्ति, एवं च नरिंदायरं पेच्छिऊण पडिमुयमणेण, कालक्रमेण नियमंदिरमुवागओ सच्चस्स परिकहेइ, अ-
 न्नया य चवलत्तणओ लच्छीए उदयत्तणओ अंतराइयकम्मस्स अप्पदविणो जाओ सच्चसेट्ठी, तओ तेण चोडविसयग-
 मणाय पुट्ठो पभाकरनरिंदो, अणुत्ताओ य तेण, तयणंतरं च उचियाइं महत्थाइं महग्घाइं विविहभंडाइं गहिऊण
 भाउणा समं गओ चोडविसयं सच्चसेट्ठी, तदागमणं च निसामिऊण तुट्ठो चोडराया, दवावियं निवासमंदिरं, पूइओ
 उचियपडिच्चिंए अत्तणो य समीवंमि धरिओ कइवयवासराइं, अह विणिवट्ठिए भंडे गहिए सदेसपाउग्गे पडिभंडे
 चोडविसयाहिवइमणुजाणाविऊण समारूढो नावाए सच्चसेट्ठी,

अणुकूलपवणपेल्लियमहल्लधयवडविवट्ठियावेगा । गंतुं जवा पयट्ठा नियपुरहुत्तं तओ नावा ॥ १ ॥

तहियं आरूढा ते जाव पलोयंति कोउहल्लेण । अनिलुल्लंतकल्लोलभीसणं जलहिपरंतं ॥ २ ॥

ताव नियतुंगिमाविहियविंझगिरिविंभमो लहुं दिट्ठो । सलिलोवरिं वहंतो अतुच्छदेहो महामच्छो ॥ ३ ॥

तं दट्ठं बलदेवेण जंपियं एस पवओ एत्थ । इंताणं नासि जओ ता तुव्भे मग्गपव्वट्ठा ॥ ४ ॥

निज्जामगेहिं भणियं न पवओ एस किंतु मच्छोत्ति । सो चेव अयं मग्गो वामोहं कुणह मा सामि ! ॥ ५ ॥

बलदेवेण भणियं-अहं पुण इहं चेव विविहभंडपडिहत्थं जाणवत्तं हारेमि जइ मच्छो होज्जा, एवं च उभय-
 पक्खेहिवि सच्चसेट्ठिं सक्खि क्काऊण विहिया होइया, ते य निज्जामगा पडिवेडएण गंतुण मच्छयपिट्ठिमि परिकखं-

श्रीगुणचंद
महावीरच०
८ प्रस्तावः

॥ २९९ ॥

णत्थं तणपूलयपडलं पज्जालिउमारद्धा, सो य मच्छो तेण परित्तसरीरो झडत्ति निबुद्धो अच्छाहे जले, एवं हारियं जाणवत्तं वलदेवेण, परितुट्ठा निज्जामगा, पत्ता य कमेण नियनगरं, तओ तेहिं पडिरुद्धं जाणवत्तं, समुत्तारिऊण तीरे मुक्को वलदेवो, पारद्धो अणेण झगडओ निज्जामगेहिं समं, जहा असच्चा इमे मच्छहारिणो चिलाया मए विजियत्ति काऊण आडंवरमुवदंसंत्तित्ति भणिऊण वला चेव भंडमुत्तारिउमारद्धो, निज्जामगेहिं वाहिया नरवइणो आणा, न ठाइ वलदेवो, तओ रायाणं उवट्टिया दोवि पक्खा, तेसिं च परोप्परं विवदंताणं परमत्थमवियाणिऊण भणियं रत्ना-अरे ! एत्थ ववहारे को सक्खी ?, निज्जामगेहिं भणियं-देव ! अत्थि चेव सक्खी, परं नियसहोयरमुवेक्खिऊण किं अम्हाणं सक्खित्तणं करिस्सइ ?, राइणा भणियं-को पुण सो ?, तेहिं भणियं-सच्चसेट्ठी, एवं वुत्ते एगंते ठाऊण पुच्छिओ सो रत्ना कज्जपरमत्थं,

ताहे स सच्चसेट्ठी परिभावइ किं करेमि एव ठिए ? । जइ अवितहं न जंपेमि होइ ता मे वयकलंको ॥ १ ॥

जइ पुण जहेव वित्तं तहेव साहेमि ता लहू भाया । पावइ अणत्थमत्थो जाई हीरइ पसिद्धीवि ॥ २ ॥

ता दोन्निवि गरुयाइं आवडियाइं इमाइं कज्जाइं । एकंपि परिच्चइउं न तरामि करेमि किं इण्हिं ? ॥ ३ ॥

अहवा इहलोयकए कहं च चिरकालपालियं नियमं । गुरुमूले पडिवन्नं जाणंतोऽहं विराहेमि ? ॥ ४ ॥

किं एत्तो अइपावं जं जाणंतावि भवअसारत्तं । पडिसिद्धेसुवि अत्थेसु मोहओ संपयट्ठंति ॥ ५ ॥

द्वितीयेऽणु-
व्रते सत्य-
श्रेष्ठिकथा.

॥ २९९ ॥

किं बहुणा ?-जइ पडइ सिरे वज्जं सयणोऽवि परंमुहो हवइ लच्छी । वच्चइ तहावि अलियं कहमवि नाहं वइस्सामि ॥ ६ ॥

इति निच्छयं काऊण भणिओ सो सेट्ठिणा नराहिवो-जं इमे वरागा निज्जामगा जंपंति तं सच्चं, मम भाया पुण अलियवाइत्ति, इमं च सोचा तुट्ठो राया चिंतिउं पयट्ठो-अहो अज्जवि एरिसा सच्चवाइणो दीसंति जे नियसहोयर-सिरीविणासेवि नियमज्जायं न चयंति, ता मंडिज्जइ एवंविहेहिं कलिकालेऽवि भूमिमंडलंति परिभाविऊण आहूया निज्जामगा, सरोसं तज्जिया य, जहा-रे दुरायारा! जइ कहवि अमुणियपरमत्थेणं मम वणिएण तहाविहं जंपियं ता किं वयणछलमेत्तेणवि अणेगभंडभरियवोहित्थं घेत्तुं उवट्ठिया?, एवमाईहिं वयणेहिं निब्भच्छिऊण किंचि दाऊण निद्धाडिया, दवसारंपि समप्पियं सच्चसेट्ठिस्स, बलदेवोऽवि भणिओ-मा पुण एवं करेज्जासु,

इय अलियवयणपरिहारकारिणो इह भवेऽवि जणपुज्जा । हुंति नरा परलोए लीलाए जंति निघाणं ॥ १ ॥ इइ वीयमणुवयं २
भणियं वीयमणुवयमेत्तो तइयं अदत्तदाणवयं । साहिज्जइ सयलाणत्थसत्थनित्थारणसमत्थं ॥ २ ॥
तं पुण दुविहमदत्तं थूलं सुहुमं च तत्थ सुहुममिणं । तरुछायाठाणाई अणणुज्जायं भयंतस्स ॥ ३ ॥
अइसंकिलेसपभवं जं निवदंडारिहं च तं थूलं । सच्चित्ताइत्तिभेयं थूले गिहिणो हवइ नियमो ॥ ४ ॥
एत्थ उ अप्पडिवत्ते जे दोसा ते जणेऽवि सुपसिद्धा । वहवंधतरुल्लं वणसिरच्छेयाई चोराणं ॥ ५ ॥
पडिवत्तेऽविहु एत्थं भवभयभीरुत्तणं परिवहंतो । सुस्सट्ठो अइयारे पंच इमे वज्जइ सयावि ॥ ६ ॥

श्रीगुणचंद्र
महावीरच०
८ प्रस्तावः
॥ ३०० ॥

चोरोवणीयगहणं तकरजोगं विरुद्धरज्जगमं । कूडतुलकूडमाणं तप्पडिरुवं च ववहारं ॥ ७ ॥
चोरिकाउ विरत्ता कहांपि चोरोहिं संपउत्तावि । वसुदत्तोव न पावंति आवइं सुइसमायारा ॥ ८ ॥
गोयमसामिणा भणियं-भयवं ! को एस वसुदत्तो ?, जयगुरुणा कहियं-अवक्खित्तचित्तो निसामेसु, वसंतपुरे
नयरे वसुदेवो नाम इब्भो, तस्स य वसुमिक्खिता नाम भारिया, तीसे य अवच्चं न होइ, तओ सा चित्तेइ-जइ अवच्चस्स
कारणे एस मम भक्ता अन्नं परिणिस्सइ ता अहं गेहस्स असामिणी, अह अच्चंतनिब्भराणुरागरंजियमणो अन्नं न
परिणेइ, तत्थ य मरणपज्जवसाणयाए एयस्स नरवरदाइदाइहिं हीरंते गेहसारे सविसेसं असामिणी चव, अओ जइ
कहवि मम पुत्तो हवइ ता सोहणं संपज्जइ, इमेण य अभिप्पाएणं सा अणवरयं देवयाणं उववाइयसयाणि पयच्छइ
मंतंतवाइजणं चापुच्छइ । इओ य सोहम्मे कप्पे अरुणाभविमाणे महिद्धिओ विज्जुप्पभो नाम देवो, सो य पचा-
सन्नचवणसमयत्तणेण अत्तणो पयइविवज्जासं पेच्छिऊण वक्खित्तचित्तो भयसंभंतो परिचिंतैइ—

कह रयणनियरउग्गाढपीढियादढनिवद्धमूलोऽवि । निच्चावट्टियरुवोवि कप्परुक्खलो पकंपेइ ? ॥ १ ॥
सुंदरमंदारतरुप्पसूयमालाऽमिलाणपुच्चावि । कारणविरहेऽवि कहां पमिलायइ संपयं सहसा ? ॥ २ ॥
कह जच्चकंचणुड्ढामरोऽवि देहस्स कंतिपब्भारो । ताविच्छगुच्छसंछाइयव मालिन्नमुवहइ ॥ ३ ॥
कह वा भुयंगनिम्मोयनिम्मलाइंपि देवदुसाइं । कज्जलजलघोयाणिव अइकसिगाइं विभाविंति ? ॥ ४ ॥

तृतीयेऽणु
व्रते वसु-
दत्तकथा.

॥ ३०० ॥

कह वा मम नयणजुयं सभावओ च्चिय निमेसपरिहीणं । देवत्तविरुद्धेवि हु निमीलणुम्मीलणे कुणइ? ॥ ५ ॥

कह अंतरंतरा पेच्छणाइवक्खित्तचित्तमवि पावा । लद्धावसरच्चिय वेरिणिच्च विहवइ मं निहं? ॥ ६ ॥

अचंतपेमपरवसचित्तोऽवि हु परियणो कहमियाणिं । कइवयदिणदिट्ठो इव न वयणमभिनंदए मज्झ? ॥ ७ ॥

ता सवहा न कुसलं तकेमि अहं सजीवियच्चस्स । कल्लाणकारिणो जेण होंति न कयाइ उप्पाया ॥ ८ ॥

इय एवंविहचिंतासंताणुप्पन्नत्तिच्चपरिताचो । कप्पहुमोव वणदवपलीविओ भाइ सो तियसो ॥ ९ ॥

एवं जाव सोगपमिलाणणो सिंघासणगओ अच्छइ ताव तस्स चैव पियमित्तो कणगप्पभो नाम देवो समागओ तं पएसं, तं च तहट्ठियं दट्ठूण चिंतियमणेण—कहं अज्ज पियमित्तो सुण्णचित्तलक्खोव लक्खीयइ?, जओ अन्नवेलासु दूराओ च्चिय मं आगच्छमाणं पलोइऊण सायरं सप्पणयं पढमालावासणप्पणामाइणा अभिणंदन्तो, संपयं पुण समीवमुवगयंपि न पच्चभिजाणइ, ता नूणं कारणेण होयव्वंति विभाविऊण भणिओ अणेण—भो विज्जुप्पभ् ! किं चिंतिज्जइ?, उट्ठमवलोइऊण जंपियं विज्जुप्पभेण—भो वरमित्त ! कणगप्पभ इओ एहि, इमं च आसणमलंकारेहित्ति वुत्ते उवविट्ठो एसो, पुच्छिओ य अणेण वेमणस्सयाकारणं, कहिओ य विज्जुप्पभेण स निययवुत्तंतो, तओ कणगप्पभेण भणियं—पियमित्त ! सवहा न सुंदरमेयं, ता एहि तित्थगरस्स पुच्छामो, कहिं एत्तो तुह चुयस्स उप्पत्ती भविस्सइत्ति, विज्जुप्पभेण भणियं—एवं होउ, तओ गया विदेहखेत्ते, वंदिओ तित्थगरो, सविणयं पुच्छिओ य, जहा—भयवं !

श्रीगुणचंद्र
महावीरच०
८ प्रस्तावः

॥ ३०१ ॥

कथ अहं उववज्जिस्सामि?, भयवयां भणियं—वसंतपुरे नयरे वसुदेवस्स वणिणो वसुमित्ताए भारियाए गब्भंमि पुत्तो तुमे पाउब्भविस्ससि, एवं च निसामिऊण जहागयं पडिनियत्तो विज्जुप्पभो, अन्नंमि य दिवसे सिद्धपुत्तरूवं विउ-
विऊण अवयरिओ वसुदेवगिहे, साइसओत्ति कलिऊण अब्भुट्ठिओ वसुमित्ताए, पुट्ठो य-भो महाभाग ! जाणासि तुमं मम पुत्तो भविस्सइ न वत्ति?, देवेण भणियं—जइ तं पव्वयंतं न वारेसि अहं तहा करेमि जहा ते पुत्तो होइत्ति, पडिस्सुयमणाए, अह कवडेण मंडलग्गपूयापुरस्सरं महया वित्थरेण देवयापूयं काऊण देवो भणइ—भद्दे ! अमुगंमि दियहे विसिट्ठसुमिणसूइओ पुत्तो ते गब्भे आयाही, तीए भणियं—तुम्ह पसाएण एवं होउ, देवो अहंसणमुवगओ, अवरंमि य वासरे सो चविऊण उप्पण्णो तीसे गब्भे, जाओ कालक्कमेण, कयं वद्धावणयं, पइट्ठियं से वसुदत्तोत्ति नामं, उचियसमए य गाहिओ कलाकोसल्लं, नीओ य एगया साहूण समीवे, कहिओ य तेहिं दुवालसवयसणाहो सावगधम्मो, पुव्वभवज्जिणवयणाणुरागरत्तत्तणेण य परिणओ एयस्स, तओ पडिवण्णो भावसारं तेण, गहियाणि य दुवालसवि वयाइं, परिपालेइ य निरइयाराइं, अन्नया य सविसेसजायधम्मवासणाविसेसेण तेण पुच्छिया साहुणो मुणिधम्मं, कहिओ य तेहिं । कहां चिय ?—

पंच उ महवयाइं गुत्तीओ तिन्नि पंच समिईओ । सीलंगसहस्साइं अट्टारस निरइयाराइं ॥ १ ॥

लुहतण्हापमुह परीसहा य वावीस वाढदुविसहा । विणओ य चउब्भेओ अणिययवासो य मुत्ती य ॥ २ ॥

तृतीयेऽणु-
व्रते वसु-
दत्तकथा.

॥ ३०१ ॥

पिंडविमुद्धी मुत्तयचित्तं गुरुकुले सया वासो । अणवरयं तवचरणंमि उज्जमो कोहचाओ य ॥ ३ ॥
 गानकुत्ताइमु पडिवंधवज्जणं उत्तरोत्तरगुणेषु । अञ्जुजमो य निचं वाढं संसारनिवेओ ॥ ४ ॥
 जहडियजिणमग्गपरुवणा य सत्तेसु करुणभावो य । करणाण निग्गहो तह सतत्तपरिभावनं निचं ॥ ५ ॥
 इय गाजम्मं सुंदर ! मुणिउं धम्मस्स (मुणिधम्मसम्म)साहणविहाणं । अचंतमपमत्तेहिं कीरमाणं सिवं देइ ॥ ६ ॥
 एयं मुणीहिं कहिए संवहियगाढधम्मपरिणामो । वसुदत्तो भणइ लहुं भयवं ! मह देह पवज्जं ॥ ७ ॥
 ताहे मुणीहिं भणियं जणणीजणगाणणुणवणपुवं । पवज्जापडिवत्ती जुज्जइ नेवऽण्णहा काउं ॥ ८ ॥
 ता सकुडुवं गोयाविज्जण दिक्खं पवज्जसु जवेण । सण्णाणफलमिमं चिय जं चाओ सव्वसंगस्स ॥ ९ ॥
 एयं मुणीहिं वागरिए गओ सो अम्मापिज्जण सगासे, कहिओ नियचित्तपरिणामो, तेहिं भणियं-पुत्त ! मुत्तभोगो
 पवज्जं गिण्हेज्जासि, अणुययाइणा सावगधम्मेण ताव अत्ताणं परिकम्मेसु, तओ सो तेसिं अप्पत्तियपरिहरणद्वया
 साहण समीये पढंतो गिहत्थवित्तीए चेव अच्छइ, पवज्जागहणनिच्छएण जोवणत्थोऽवि नेच्छइ परिणेउं, तं च
 तहापिहं पेच्छिज्जण जणणीए भणिओ वसुदेवो-एस पुत्तो तवस्सिजणसंसग्गीए वासियहियओ नावेक्खइ विसयपडि-
 पत्तिं न मन्नइ दारपरिग्गहं नायरइ सरीरालंकरणं, ता पज्जत्तं धम्मियसेवाए, सव्वहा खिवसु एयं दुल्ललियगोद्धीए,
 जइ गुण तहाविहसंसग्गीए भावपरावत्ती जायइत्ति, पडिस्सुयमेयं सेट्ठिणा, तओ जे वाणियगा पुत्ता समाणजाइ-

श्रीगुणचंद्र
महावीरच०
८ प्रस्तावः

॥ ३०२ ॥

वयविभवा ताण मज्झे मेलिओ एसो, ते य अच्चंतविसयगिद्धा दविणक्खयं कुणंता पियरोहिं सिक्खविजंतावि दुहं-
तिंदियत्तणेण न तरंति नियत्तिउं, सगेहेसु य धणमलभमाणा चोरियं करंति । अन्नया य मुसणनिमित्तेण पलोइयं
तेहिं बहुधणधणसमिद्धं समिद्धजन्नजत्तागयतन्निवासिजणसमूहं विमुक्केकथेरीरक्खणं महेसरदत्तस्स मंदिरं, तओ
विजणंति काऊण पयट्ठा रयणीए तं मुसिउं, सो य वसुदत्तो पुक्खरपत्तंपिव पंकत्तकलंकेण सुसाहुव कुसीलसंसग्गेण
न मणागंपि छिन्नो तेसिं कुसमायारेण, केवलं जणणिजणयाणुवित्तिमवलंबंतो रज्जुवद्धोव वसहो अमुणियपरमत्थो
चेव पट्ठिओ तेसिमणुमग्गेणं, ते य सणियं सणियं तस्स महेसरदत्तस्स गिहे पविसमाणा वसुदत्तेण पुच्छिया-भो
किमेत्थ तुम्हे पविसह?, तेहिं भणियं-भह! चोरियाए एत्थ पविसिस्सामो, सुसमाहियचरणवयणवावारो तुमं
एज्जाहि, तेण भणियं-नाहमिहमागमिस्सामि कुणह जं भे रोयइ, इइ भणिरुण ठिओ सो वाहिं चेव, ते पविट्ठा
भवणब्भंतरे, मुणिया य थेरीए, तओ सा पायवडणच्छलेण ते मुसंते मा पुत्ता! एवं करेहित्ति भणंती मोरपि-
च्छतेण चलणेसु लंछेइ ।

वसुदत्तो पुण चिंतइ पेच्छह अम्मापिरुण मूढत्तं । जं एवंविहहुस्सीलमज्झयारे खिवंतेहिं ॥ १ ॥

नो तेहिं चिंतियमिमं जह पावजणस्स संगइवसेण । जायइ गुणपरिहाणी पडंति विविहावयाओवि ॥ २ ॥

सयमवि पावपओयणपसाहणब्भुज्जओ इमो जीवो । किं पुण कुमित्तसंजोगसंभवंतासुहसहावो ॥ ३ ॥

तृतीयेऽणु-
व्रते वसु-
दत्तकथा.

॥ ३०२ ॥

ता परिचयमि एए वचामि समंदिंरंमि एत्ताहे । दुन्नयपरनरजोगे मरणंपि हु आवडइ जेणं ॥ ४ ॥
 अहवा गुरुवयणं लंघिऊण गेहंमि वचमाणंस्स । संपज्जइ दुव्विणओ तस्सा जं होइ तं होउ ॥ ५ ॥
 इति परिभाषितस्स ते सयलं गेहसारं मुसिऊण नीहरिया मंदिराओ, गया उज्जाणे, विविहप्पयारोहिं कीलि-
 उमारद्धा, वसुदत्तोऽपि गुरुवयणरज्जुसंदाणिओ अचंतविरागमुव्वहंतो तेसिमेव समीवे चिट्ठइ, एत्थंतरे संसुग्गयं मायं-
 डमंडलं, विहडियं तमकंडं, सा य थेरी पाडुडं गहाय गयां नरवइसमीवे, कहिओ सयलो जहावित्तो रयणिवइयरो,
 राइणा भणियं-अचंतगंभीरयाए नयरस्स को वा कहिं वा नज्जिही?, तीए भणियं-देव! ते मए सव्वेऽपि मऊर-
 पिच्छेण पाएसु अंकिया अच्छंतित्ति वुत्ते राइणा आणत्ता सव्वत्थ पुरिसा, सुनिऊणं गवेसंतेहि य तेहिं उज्जाणसं-
 ठिया दिट्ठा ते सव्वेऽपि, उवलक्खिया इंगियागारेहिं, उवणीया य नराहिवस्स, तेणावि वाहराविया थेरी, तीएवि वसु-
 दत्तं विमोत्तूण अत्रे परिकहिया चोरत्तणेणंति, रत्ता भणियं-कहमेसो चोरमंडलीमज्झगओऽपि न चोरो, थेरी भणइ-
 न चलणेसु लंछिओत्ति, राइणा भणियं-जइ अदुट्ठो ता सुयह एयं, वसुदत्तो भणइ-देव! कहमहं दुट्ठसंसग्गीएवि
 न दुट्ठो जं ममावि न कुणह निग्गहं, रत्ता कहियं-भइ! जइ एयंपि जाणसि ता कीस दुट्ठसंसग्गि मूलाओ चिय
 न उज्झेसि?, तेण भणियं-देव! दिव्वं पुच्छह, एत्थंतरे सुणियजहावट्ठियतवइयरेण भणियमेगेण पुरिसेण-देव!
 एस पवज्जं पडिवज्जिउकामो भावपरावत्तिनिमित्तं अम्मापियरोहिं सिणेहाणुवंधकायरोहिं संपयं चेव दुल्ललियगोट्ठीए

श्रीगुणचंद्र
महावीरच०
८ प्रस्तावः

॥ ३०३ ॥

पक्खित्तो, ता तदणुरोहो चेव एयस्स अवरज्झइ, एवं निसामिऊण नराहिवेण तंवोलाइदाणेण सम्माणिऊण पेसिओ सगिहं, इयरे पुण दुक्खमारेण मारियत्ति ।

इओ य मुणिसमुचियविहारेण भवियपडिवोहमायरंता अप्पडिवद्धावि जिणाणाए पडिवद्धा दुरणुचरतवचरण-पज्जालियकम्मवणावि सब्बसत्तसुहकारया समोसठा विजयसिंहाभिहाणा सूरिणो, जाया य तियचउक्कचचरेसु हरि-सभरनिब्भरस्स जणस्स अवरोप्परमुल्लावा अहो ! अहो ! अगाहभवोहनिवडंतजन्तुगणजाणवत्ता सिवसुहपसाहणासत्ता भयवंतो सुग्गहियनामधेज्जा सूरिणो इह समोसरिया, तहाविहाणं नामसवणमेत्तंपि पावपञ्चारपणासणसमत्थं, किं पुण वंदणनमंसणं?, अओ गच्छामो देवाणुप्पिया ! तेसिं वंदणत्थं, एवं च सोच्चा गंतुं पयत्ता सूरिसमीवे नायरया । सो य वसुदत्तो राइणा पेसिओ समाणो गओ निययगेहे, कहिओ जणणिजणगाण पुव्वइयरो जहा तुम्ह कूडवच्छलेण अहं अज्ज अकयधम्मो चेव विणासिओ होंतो, ता कीस सिणेहवच्छलेण अणत्थपत्थारीए संखिवह जं न सुयह धम्मकरणायत्ति वुत्ते अणुत्ताओ सो जणणिजणगेहिं, गओ सूरिणो पासे, गहिया पवज्जा, तओ एगं-तधम्मकम्मुज्जओ जाओत्ति ।

इय इंदभूइ गोयम ! विमुक्कचोरिकपावठाणाणं । मणुयाण उभयलोगेऽवि जीवियं जायए सफलं ॥ १ ॥ इइ तइयमणुव्वयं । कहियं तइयमणुव्वयमेत्तो मेहुणनिवित्तिनिष्फण्णं । भण्णइ चउत्थमणुव्वयमवहियचित्तो निसामेसु ॥ १ ॥

तृतीयेऽणु-
व्रते वसु-
दत्तकथा.

॥ ३०३ ॥

तं मेदुन्नं दुविहं मुदुमं धूलं च तत्तय मुदुममिमं । कामोदएण ईसिं जर्मिदियाणं विगारोत्ति ॥ २ ॥
 धूलं पुण संभोगो मणाइचेट्टा व भोगकामस्स । तं पुण दुविहं नेयं ओरालविउवभेएणं ॥ ३ ॥
 ओरालियं तु दुविहं माणुसतेरिच्छभेयओ होइ । वेउवं पुण दिवं माणुसयंपि य वयं त्तिविहं ॥ ४ ॥
 परदारवज्जणं वा सदारतोसो य वंभचेरं वा । तत्तय य दिव्वतिरिक्खं मेदुन्नं पारदारं च ॥ ५ ॥
 जो परिहरइ सुसद्धो निगलचित्तो सुधम्मपडिवद्धो । सो तविरओ एसो निरईयारट्टया सम्मं ॥ ६ ॥
 वज्जेइ इत्तरियपरिग्गहियागमणं अणंगकीडं च । परवीवाहकरणं कामे तिवाभिलासं च ॥ ७ ॥
 किंच-अगुइभूएसुं निंदिएसु पज्जंतदुहवियागेसु । कामेसु केऽवि धन्ना निसग्गओ चिय विरज्जंति ॥ ८ ॥
 जत्ते पुण उग्गडगयणवाणनिग्गिभज्जमाणसवंग्गा । अगणियजुत्ताजुत्ता अविभावियनियतणुविणासा ॥ ९ ॥
 पररमणीसु परिभोगलालसा सुफलज्जमज्जाया । तज्जम्मे चिय पावंति आवयं किं पुणऽन्नभवे ? ॥ १० ॥ जुम्मं ।
 जपरे य तहाविहगुरूवएसओ जायनिम्मलवियेया । परजुवईणं संगं विवज्जमाणा पयत्तेण ॥ ११ ॥
 तविरइमेत्तउच्चिय वहुंतविसुद्धधम्मपडिवंधा । होंति सिवनयरनिलया सुरिंददत्तोव नरवसहा ॥ १२ ॥ जुम्मं ।
 गोयमेण जंपियं-तइलोकदिवायर । को एस सुरिंददत्तो ? कहां वा एयस्स गुरूवएसओ विवेयलाभो ? कहां च पर-
 दारविरइमेत्तेणपि से निघाणसंपत्तित्ति ? जयगुरुणा वागरियं-निसामेसु । इहेव भारहे वासे नीसेसवसुधराभोगभूसणं

श्रीगुणचंद्र
महावीरच०
८ प्रस्तावः

॥ ३०४ ॥

रणंतमणिकिंकिणीमणहरवेजयंतीविराइयसुरमंदिरसमुत्तुंगसिंगं सिंगारुभडरुवरामागणोवसोहियं विजयपुरं नाम
नयरं, तहिं च समग्गरिंदवग्गपणयसासणो सिवभदो नाम नराहिवो, सयलंतेउरप्पवरा रायसिरी नाम से भारिया,
तेसिं च देवकुमारोवमरुवो धणुवेयपसुहकलाकोसल्लपडिहत्थो सुरिंददत्तो नाम पुत्तो, सो य पुत्रभववालगिलाण-
गुरुथेरतवसुसियसुणिजणवेयावचावज्जियपुन्नपभारवसविठत्तगाढसोहग्गोदएण पढसुम्मिलंतजोवणगुणत्तणेण य अचं-
ताभिरामसरीरो जत्थ जत्थ परिब्भमइ तत्थ तत्थ परिचत्तवाचारंतराहिं अवगणियगुरुजणलज्जाहिं अणवेक्खियकु-
लाभिमाणाहिं नयरनारीहिं अणमिसच्छीहिं पिच्छिज्जइ, वाढमब्भत्थिज्जमाणो य सेट्टिसत्थवाहप्पहाणजणजुवईहिं
सद्धिं सद्धम्मपरम्मुहो अभिरमइ य, लोगोवि एयमत्थं जाणमाणोऽवि जे चेव रक्खगा तेऽवि लुंपगत्ति चिं-
तंतो न किंपि जंपइ ।

अन्नया य नयरंमि जाओ अचंतचोरोवद्वो, तओ पउरजणेण साहियं नरिंदस्स, तेणावि तज्जिओ आरक्खिगो,
कया य सवप्पएसेसु जामरक्खगपरिखेवा, रयणीए सुत्तपमत्तारक्खिगनिरिक्खणत्थं कयवेसपरावत्तो पाणिपरिग्ग-
हियखग्गो एगागी सयमेव निग्गओ गेहाओ तियचउक्कचचराइसु परिब्भमिउमारद्वो य, तहा भमंतस्स य रण्णो
विजणंति पढियमेगेण थेरपुरिसेणं—

चोरोहिं गेहसारो, हीरइ कुमरेण नयरतरुणिजणो । एवंविहरक्खाए नरिंद सिवभद ! भदं ते' ॥ १ ॥

चतुर्थाणु-
व्रते सुरेन्द्र-
दत्तकथा.

॥ ३०४ ॥

पट्टिद्विओ य राया सोचेमं से गओ समीवंमि । अचंतविम्हियमणो सणियं भणितं पवत्तो य ॥ २ ॥

भो कहसु पढियगाहापरमत्थं तेण जंपियं सुहय ! । रायविरुद्धकहाए तीए किं मज्झ कहियाए ? ॥ ३ ॥

रत्ता बुत्तं सच्चं एवमिमं किं तु एत्थ एगंते । साहिज्जंतीएवि हु न कोऽवि दोसो अओ कहसु ॥ ४ ॥

तो तेण समग्गो नयरतरुणिविसओ कुमारबुत्तंतो । चोरोवद्दवसहिओ कहिओ सिवभद्दनरवइणो ॥ ५ ॥

अह तं निसामिऊणं पलयानलभीमकोवरत्तच्छो । आवद्धुब्भडभिउडी राया एवं विचित्तेइ ॥ ६ ॥

अहह ! महंतमकज्जं पावेण सुएण मज्झ आयरियं । हरिणंकनिम्मलंपि हु कुलमेवं मइलियं जेण ॥ ७ ॥

ता किं अहुणच्चिय कंधराए धरिऊण तं महापावं । निद्धाडेमि पुराओ ? किं दुव्वयणेहिं तज्जेमि ? ॥ ८ ॥

अहवा मंतीहिं समं सम्मं वीमंसिऊण तस्सुच्चियं । पकरेमि जेण सहसा कयाइं दूमंति कजाइं ॥ ९ ॥

इय चिंत्तिऊण राया गओ निघयभवणं, पसुत्तो सुहसेज्जाए, जाए य पभायसमए वाहराविया मंतिणो, सिद्धो य तेसिं रयणिवुत्तंतो, मंतीहिं भणियं-देव ! अम्हेहिं पुवंपि कुसमायारवत्ता निसामिया आसि, परं न कोऽवि सो अवसरो जाओ जत्थ तुम्ह कहिज्जइ, रत्ता जंपियं-होउ ताव समइकंतत्थविकत्थणेण, संपयं साहेह, किमेयस्स दंडं निवत्तेमो ?, मंतीहिं वागरियं-देव ! अलं दंडेण, एत्तियमेत्तमेव जुत्तं तुम्ह काउं जमेसो निज्जइ सुसाहुसमीवे, सुणाविज्जइ धम्मसत्थाइं, पढाविज्जइ रायनीई, उव्वेसाविज्जए विसिद्धगोट्टीसु, एवमवि होही एयस्स कुसमायार-

श्रीगुणचंद्र
महावीरच०
८ प्रस्तावः

॥ ३०५ ॥

परिचायपरिणामो, पडिवन्नं रत्ना, वाहराविओ कुमारो, तेण य समेओ गओ धम्मसेणसूरिणो समीवे, तं च
वंदिऊण निसन्नो उचियट्ठाणंभि, सूरिणाऽवि पारद्धा धम्मकहा ॥ कहं?—

भो भो देवाणुपिया! जइ वंछह सिवसुहाइं उवलडुं । ता मोत्तूण पमायं जिणिंदधम्मंभि उज्जमह ॥ १ ॥

तं नो कुणंति अहिमरविसहरहरिणारिवेरिवायाला । अच्चंतं कुवियाविहु जमिह पमाओ महापावो ॥ २ ॥

सो पुण पंचवियप्पो नेयवो निवुईपरिहरूवो । मइरा-कसाय-निहा-विगहा-विसयाण गहणेण ॥ ३ ॥

मइरापाणपरवसमणपसरो जुत्तमियरममुणंतो । तं नत्थि नूण पावं जं जीवो नो समायरइ ॥ ४ ॥

एत्तो चिय सुरकयकणयपवरपागारगोउरावि पुरी । वारवई जायवसंकुलावि मच्चुंमुहं पत्ता ॥ ५ ॥

पज्जंतकयविसाया महापिसाया व दिन्नअववाया । जणियदुरज्जवसाया न होंति सुहया कसायावि ॥ ६ ॥

एएहिं निहयमइणो जं जीवा चरियदुक्करतवावि । करडुकुरुडुव सत्तमनरयपुढवीए निवडंति ॥ ७ ॥

निहापमत्तचित्तावि पाणिणो पाउणंति न कयावि । सुयनाणधणं पत्तंपि कहिंवि हारिंति धीरहिया ॥ ८ ॥

तेणं चिय चउदसपुट्ठिणोऽवि निन्नट्ठपवरसुयरयणा । मरिउं कालमणंतं अणंतकाएसुवि वसंति ॥ ९ ॥

मोत्तूण निययकिच्चं भोयणदेसित्थिरायसंवद्धा । कीरंति जेहिं विकहा कह नो ते दुक्खिया होंति? ॥ १० ॥

कहवा न वालिसेणवि अच्चगलजंपिरत्ति गहिलत्ति । कित्तिज्जंती? मणुयत्तणेऽवि को वा गुणो तेसिं? ॥ ११ ॥

चतुर्थाणु-
व्रते सुरेन्द्र-
दत्तकथा.

॥ ३०५ ॥

सेविञ्जंता जमणिट्टकारिणो ते धुवं किमच्छरियं । सुमरणमेत्तेणंपिवि दिंति दुरंतं भवं विसया ॥ १२ ॥
 विसयाण कए पुरिसा सुदुकरंपिवि कुणंति ववसायं । आरोवेति य संसयतुलाए नियजीवियघंपि ॥ १३ ॥
 चिरकालपालियंपि हु कुलमजायं चयंति तवसगा । सवत्थ वित्थरंतं अवजसपंसुंपि न गणंति ॥ १४ ॥
 वंचंति सयणवग्गं तणं व मन्नंति निययजणगंपि । धम्मोवएसदायगमवहीरंती गुरुजणंपि ॥ १५ ॥
 पहसंति विरागिजणं विसिट्ठगोठ्ठिं चयंति दूरेण । वंचंति नेव सोउं सणंकुमाराइचरियाइं ॥ १६ ॥
 इय ते विसयमहाविसवामूढमणा मणागमेत्तंपि । नेवुइमपावमाणा पावेसु वहुं पसज्जंति ॥ १७ ॥
 बाहिरवित्तीए तहाविहेसु धम्मेसु संपवत्तावि । पंचग्गिपमुहदुकरतवसंतावियसरीरावि ॥ १८ ॥
 कम्मवसेणं अप्पुण्णविसयवंछा विणस्सिउं पावा । निवडंति दुग्गईए भागवयसुहंकरमुणिघ ॥ १९ ॥
 इय पंचविहपमायं एवंविहदोसदूसियं नाउं । नरनाह ! तदेगमणो जिणिंदधम्मंमि उज्जमसु ॥ २० ॥
 एवं सूरिणा उवइट्ठे पमायप्पवंचे सुरिंददत्तकुमारो जायनिम्मलचित्तपरिणामो भणिउं पवत्तो-भयवं ! को एसो
 पुयकहियसुहंकरमुणी ? कहं वा अपुण्णविसयवंछो सो मरिउं दुग्गई गओत्ति साहेह ममं, सूरिणा भणियं-साहेमि ॥
 मालयविसए विक्खायजसा चकपुरी नाम नयरी, तहिं च अणेगवणियजणचक्खुभूओ पभूयदवसंभारो सोम-
 दत्तो नाम सेट्ठी, तस्स सत्तण्हं पुत्ताणं कणिट्ठिया अणेगोवजाइयसयसंपसूया देवसिरी नाम धूया, सा य अच्चंत-

श्रीगुणचंद्र
महावीरच०
८ प्रस्तावः

॥ ३०६ ॥

रूपा संपत्तजोवणावि तहाविहवराभावेण कालं बोलेइ, इओ य तीए नयरीए अदूरे उच्छलंतमहलकलोलविदलिय-
कूलाए अणेगविहगकुलकलयलाउलदियंतराए जमुणामहानईए उत्तरपुरत्थिमदिसिविभागे वेयपुराणभारहरामा-
यणवक्खाणनाणविन्नाणनिउणो नियदरिसणत्थवित्थारणपवणो सवत्थ विक्खायजसो नीसेसभागवयमुणिपहाणो
सुहं करो नाम लोइयतवस्सी परिवसइ, सो य तवेण य वयणसोहग्गेण भविस्सजाणणेण य जणसम्मयत्तेण य सयलस्सवि
नयरजणस्स वाढं पूयणिज्जो, अन्नया य तेण सोमदत्तसेट्ठिणा गुणगणावज्जियहियएण निमंतिओ सो भोयणक-
रणत्थं नियमंदिरे, गाढतवयणाणुरोहेण य कइवयसिस्सपरियरिओ संपत्तो भोयणसमयंमि, सपरियणेण परमभत्तीए
नमंसिओ सोमदत्तेण, सम्मज्जिओवलित्तंमि भवणभागंमि दवावियं से आसणं, तहिं च निसन्नो एसो, सेट्ठिसुएहिं
कयं परमायरेण चलणपक्खालणं, अणेगकलहोयमयकचोलसिप्पिसंकुलं च पइट्ठियं पुरओ परिमलं, सेट्ठी य सयमेव
निव्वरभत्तिभरतरलियचित्तो नाणाविहवंजणसणाहं पउरखंडखज्जयाइमणहरं रसवइं परिवेसिउं पवत्तो, सावि सेट्ठि-
धूया देवसिरी रणंतमणिनेउरारावसुहलियदिसावगासा हारद्धहारकुंडलकडयअंगयरसणापमुहाभरणभूसियसरीरा नि-
यंसियपवरपट्टणुग्गयदिव्वचीणंसुया कणयदंडतालविटमादाय तस्स भोयणं कुणंतस्स वीजणत्थमुवट्ठिया, एत्थंतरे
साहिलासं तं पलोइऊण सुहंकरतवस्सी तक्कालवियंभमाणमयणहुयवहपलित्तहियओ विभाविउमारद्धो । कहां ?—

सुसहा पन्नगपम्मुक्कफारफौंकारजलणजालोली । उव्वडकोदंडविक्खित्ततिक्खनारायराईवि ॥ १ ॥

तुर्येऽणुव्रते
सुरेन्द्रद-
त्ताख्याने
शुभंकरवृत्तं.

॥ ३०६ ॥

न उण इमीए एए कुवल्यदलदीहरच्छिविच्छोहा । सोढुं संका निक्खिमयरद्धयभावसंवलिया ॥ २ ॥

रइरंभाहरिदइयातिलोत्तमापमुहदिघनारीओ । मन्ने इमीए रूवेण लज्जियाओ न दीसंति ॥ ३ ॥

विन्नाणं ज्ञाणं सत्थकोसलं देवयाण पूया य । विहलं सबंपि इमं जइ एयमहं न पावेमि ॥ ४ ॥

केवलमुवायओ संगमेऽवि एयाए कहवि दिव्वसा । सबत्थ वित्थरंतो अन्नवाओ दुसंरोहो ॥ ५ ॥

अहवा किमणेण ?-हरिहरहिरण्णगन्भा वसिट्ठजमदग्गिवा(चा)सदुवासा ।

हरिणच्छिवयणनिहेसकारिणो जइ पुरा जाया ॥ ६ ॥

ता किं अम्हारिसमुणिजणस्स सुट्ठुवि विसिट्ठधम्मस्स । लज्जा वयणिज्जं वा ? ता पज्जत्तं विगप्पेहिं ॥ ७ ॥ जुम्मं ।

तह कहवि करेमि जहा इमीए सद्धिं समागमो होइ । इय निच्छिऊण गंभीरभावमब्भुवगंओ एसो ॥ ८ ॥

आगारसंवरं च काऊण जहापउत्तनाएण भोत्तुं पवत्तो, अह तक्कालवियंभियंमयणगुरूवएसवसओ इव जाया से
बुद्धी, जहा विप्पयारेमि एयं सेट्ठिं, जेण वयणिज्जविरहिओ एयाए लाभो हवइत्ति, एवं संपेहिऊण सेट्ठिणो पलोय-
माणस्स दुस्सहदुक्खावेगसंसूयगो विमुक्को अणेण सिक्कारो, संसंभमेण निरूविओ सेट्ठिणा, खणंतरंमि य गए पुगोऽवि
पुच्चमेण पयडियलोमुद्धोसनिम्भरे सवयणभंगभासुरे दोच्चं तच्चं च विमुक्कंमि सिक्कारे अहो किंपि अच्चंतमणिट्ठुमावडि-
हिति विभाषितो जाव सेट्ठी अच्छइ ताव सो मुहसुद्धिं काऊण समुट्ठिओ भोयणमंडवाओ, उवविट्ठो अन्नत्थ, सेट्ठीवि-

श्रीगुणचंद्र
महावीरच०
८ प्रस्तावः

॥ ३०६ ॥

रूवा संपत्तजोव्रणावि तहाविहवराभावेण कालं वोलेइ, इओ थ तीए नयरीए अदूरे उच्छलंतमहल्लकल्लोलविदलिय-
कूलाए अणेगविहगकुलकलयलाउलदियंतराए जमुणामहानईए उत्तरपुरत्थिमदिसिविभागे वेयपुराणभारहरामा-
यणवक्खाणनाणविन्नाणनिउणो नियदरिसणत्थवित्थारणपवणो सवत्थ विक्खायजसो नीसेसभागवयमुणिपहाणो
सुहं करो नाम लोइयतवस्सी परिवसइ, सो थ तवेण थ वयणसोहग्गेण भविस्सजाणणेण थ जणसम्मयत्तेण थ सयलस्सवि
नयरजणस्स वाढं पूयणिज्जो, अन्नयां थ तेण सोमदत्तसेट्ठिणा गुणगणावज्जियहियएण निमंतिओ सो भोयणक-
रणत्थं नियमंदिरे, गाढतवयणाणुरोहेण थ कइवयसिस्सपरियरिओ संपत्तो भोयणसमयंमि, सपरियणेण परमभत्तीए
नमंसिओ सोमदत्तेण, सम्मज्जिओवलित्तंमि भवणभागंमि द्वावियं से आसणं, तहिं च निसन्नो एसो, सेट्ठिसुएहिं
कयं परमायरेण चलणपक्खालणं, अणेगकलहोयमयकच्चोलसिप्पिसंकुलं च पइट्ठियं पुरओ परिमलं, सेट्ठी थ सयमेव
निब्भरभत्तिभरतरलियचित्तो नाणाविहवंजणसणाहं पउरखंडखज्जयाइमणहरं रसवइं परिवेसिउं पवत्तो, सावि सेट्ठि-
धूया देवसिरी रणंतमणिनेउरारावमुहलियदिसावगासा हारद्धहारकुंडलकडयअंगयरसणापमुहाभरणभूसियसरीरा नि-
यंसियपवरपट्टणुगयदिव्वचीणंसुया कणयदंडतालविंटमादाय तस्स भोयणं कुणंतस्स वीजणत्थमुवट्ठिया, एत्थंतरे
साहिलासं तं पलोइऊण सुहंकरतवस्सी तक्कालवियंभमाणमयणहुयवहपलित्तहियओ विभाविउमारद्धो । कइं ?—
सुसहा पन्नगपम्मुक्कफारफोकारजलणजालोली । उब्भडकोदंडविविखत्ततिक्खनारायराईवि ॥ १ ॥

तुर्येऽणुव्रते
सुरेन्द्रद-
त्तारुयाने
शुभंकरवृत्तं.

॥ ३०६ ॥

पट्टिओ से पाएसु, पणयगन्भपत्थणाहिं बहुप्पयारं तहा तहा भणिओ जहा जाओ सो अणुकूलचित्तो, तओ भणिय-
मणेण-अहो सोमदत्त! वाढमकहणिज्जमेयं, केवलं तुह असरिसपक्खवाएण विहुरियं मे हिययं, न एत्तो गोविउं पारेइ,
अओ आयत्तेहि-भो महायस! जा एसा तुह दुहिया सा थेवदिणमज्झंमि कुडुंक्खयमाणिस्सइत्ति लक्खणेहिं
नाऊण मए भोयणे पारद्धे अकंडविणिवायतरलियचित्तेण तहाविहमणिट्ठं गोविउमसहंतेण पुणो पुणो सिक्कारो
कओ, ता भो महाणुभाव! एयं तं कारणं, इमं च सेट्ठी निसुणिऊण वज्जासणिताडिओघ मुच्छानिमीलियच्छो
इव स्यणं ठाऊण कहवि समवलं वियधीरभावो भणिउमाढत्तो—

भयवं! एत्तियमेत्तं जह तुमए जाणियं सुवुद्धीए । तह उत्तरंपि किंची जाणिहिसि अओ तयं कहसु ॥ १ ॥
जं पयडमिमं लोगे जो विज्जो सुणइ रोगिणो रोगं । सो तदुचियमोसहमवि ता भंते! कुणसु कारुण्णं ॥ २ ॥
तुम्हाणणुग्गहेणं जइ देवगुरुण पूयणं कुणिमो । अम्हे अदीणमणा ता किमजुत्तं हवेज्ज इह? ॥ ३ ॥
निरुवमधम्माधाराण तुम्ह नोवेक्खणं खमं जेण । परहियकरणेक्कपरा चयंति नियजीवियवंपि ॥ ४ ॥
तम्हा उज्झसु संखोभमणुचियं कहह जमिह कायवं । पुव्वसुणिणोऽवि जेणं परोवयारं करिसु सया ॥ ५ ॥
एयं सेट्ठिणा कहिए ईसिमउलियनयणेणं जंपियं तेण-भो सोमदत्त! सुनिचलं जंतिउम्हि तुह दक्खिण-
रज्जूए, एत्तोचिय महाणुभावा गिहिसंगं मोत्तूण विजणवणविहारमब्भुवगया पुव्वसुणिणो, सेट्ठिणा भणियं-अच्छउ

श्रीगुणचंद्र
महावीरच०
८ प्रस्तावः

॥ ३०८ ॥

ताव तेसिं संकहा, संपइ कालोचियं कहसु, तओ सुचिरं कइयवेण सिरं धुणिऊण भणियं तेण-सेट्टि! जइ अव-
स्समेयस्स दोसस्स पडिविहाणं काउमिच्छसि ता निघिवरविसिट्ठसुसिलिट्ठकट्टवडणाए मंजूसाए अविभतरंमि एयं
नियधूयं पक्खिविऊण सयलभूसणसणाहं सुमुहुत्तंमि दिसिदेवयापूयापुरस्सरं जमुणानईजलंमि पवाहिज्जासि, जेण
सेसगेहजणस्स जियरक्खा भवइत्ति, तओ गुरुवयणं न अन्नहा जायइत्ति कलिऊण भयभीएण अविमंसिऊण
तदभिप्पायं कालक्खेवपरिहीणं जहुत्तसमग्गसामग्गिपुरस्सरं नियधूयमव्भंतरे पक्खिवित्ता सुहंकरमुणिणो समक्खं
दुस्सहवच्चविओगसोगसंभाररुद्धकंठेण अणवरयगलंतनयणवाहप्पवाहपक्खालियगंडयलेण पवाहिया सेट्टिणा जमु-
णाजले मंजूसा, सा य तरमाणा अणुसोएण गंतुमारद्धा, तेणावि सुहंकरेण आणंदसंदोहसुवहंतेण निययासमंमि
गंतूण भणिया नियसिस्सा-अरे तुम्हे सिग्घवेगेण गंतूण कोसमेत्तंमि नइहेट्टभागंमि ठायह, तरमाणिं च मंजूसं
इंतिं जया पासह तथा तं गिण्हिऊण अणुग्घाडियदुवारं मम पणामेज्जहत्ति सोचा गया ते, ठिया य जहुत्तठाणंमि,
सा य मंजूसा कलोलपणोल्लिज्जमाणी जाव गया अद्धकोसमेगं ताव नइजले मज्जणलीलं कुणमाणेण एगेण रायपुत्तेण
दूराओ चिय पलोइया, भणिया य नियपुरिसा-अरे धावह सिग्घवेगेण, गिण्हह एयं वारिपूरेण हीरमाणं पयत्थंति,
पविट्ठा य वेगेण पुरिसा, गहिया अणेहिं मंजूसा, समप्पिया य रायपुत्तस्स, तेणावि उग्घाडिया सकोउहलेण, पाया-
लकन्नगव सवालंकारमणहरसरीरा नीहरिया तत्तो सा जुवई, गहिया य सहरिसेण रायपुत्तेण, चित्तियं चाणेण-अहो!

तुर्याणुवते
सुरेन्द्रदत्त-
कथायां
शुभंकरा-
ख्यानं.

॥ ३०८ ॥

अणुकूला मंह कम्मपरिणई, केवलं एवंविहं रमणिरयं एवं उज्जमाणेण केणविं नूणमप्पणो असि वपसमणं संभा-
 वियं भविस्सइ, ता न जुत्ता रिता चेव मंजूसा पवाहिउंति परिभाविऊणं सत्तिहियवणदुडुमकडं तदंभंतरे निक्खि-
 विऊण निविडं दुवारं च से वंधिऊण भगवइ जमुणेमा मे कुप्पेज्जसित्ति भणिऊण पुवनाएण पवाहिया एसा,
 पावियसुरलोयसिरिसमुदयं व अप्पाणं मन्नंतो तं कुवलयदलंदीहरच्छिं घेत्तूण गओ जहागयं, सावि मंजूसा जलेण
 बुज्जमाणी गया कोसमेत्तं, दिट्ठा य सुहंकरसीसेहिं, तओ नियगुरुणो विन्नाणाइसयं वन्नमाणेहिं नईमज्जे पवि-
 सिऊण आयहिया मंजूसा, उवणीया य गुरुणो; तेणावि असंभावणिज्जमाणंदसंदोहमुवहंतेण संगोविधा गेहमज्जे,
 भणिया य नियसिस्सा-अरे अज्ज अहं देवयापूयं महया वित्थरेण भवणंभंतरे ठिओ सवरयाणिं करिस्सामि, ता
 तुम्भेहिं वाढं निधिजणं कायवं, पडिवन्नं तेहिं, अह समागयंमि रयणिसमए मयरद्धयनिइयसरसहस्सपहारंज्जरिय-
 सरीरो पवरविलेवणकुसुमतंवलप्पमुहोवगरणपरियरिओ विहिऊण सयलगेहदुवाराइं तं मंजूसमुग्घाडित्ता एवं जं-
 पित्तं पवत्तो—

हे हरिणच्छि ! कियोअरि ! पीणत्थणि ! कमलवयणि ! वरतरुणि ! । पम्मुकुभयासंकं संपथ मं भयसु दइयं वं ॥ १ ॥
 वचउ विगासमहुणा लोयणकमलं मणोरहेहिं समं । सुयणुं ! तुह संगमेणं मयणोऽवि मणागमुवसमउ ॥ २ ॥
 एत्थंतरंमि गाढाचरोहसंजायतिववरकोवा । तण्हाछुहाकिलंता अच्चंतं चावलोवेया ॥ ३ ॥

श्रीगुणचंद्र
महावीरच०
८ प्रस्तावः
॥ ३०९ ॥

वणदुद्धमकडी तडतंडत्ति पुच्छच्छडाहिं ताडंती । तत्तो विडंविद्यमुही नीहरिया घुरुदुरंती सा ॥ ४ ॥ जुम्मं ।
आ कीस चंदवयणे ! करेसि रोसंति वाहरंतो सो । चुंवणवंछाए मुहं तदभिमुहं जाव संठवइ ॥ ५ ॥
पढमं चिय ताव तडत्ति तोडिओ तिक्खदसणकोडीहिं । तीए नासावंसो मूलाओ चिय समग्गो सो ॥ ६ ॥
तयणंतरं च अइतिक्खनक्खनिवहेण दारियं अंगं । आमूलाओ उम्मूलियावि सवणावि से ताए ॥ ७ ॥
अणिवारियपसराए एवं तीए हणिज्जमाणेण । तेण भयकंपिरेणं वाहरियं गुरुसरेणेवं ॥ ८ ॥
रे रे धावह सिस्सा ! उग्घाडह मंदिरस्स दाराइं । एस पिसाईए अहं निज्जामि जमस्स गेहम्मि ॥ ९ ॥
इय एवं वाहरंतो भयवससंखुद्धमाणसो धणियं । तायारमलभमाणो नहदंसणुल्लिहियसवंगो ॥ १० ॥
रोसुकडाए वणमकडीए पुणरुत्तघुरुदुरंतीए । तह विणिहओ वरागो जह सो पंचत्तमणुपत्तो ॥ ११ ॥
अह उग्गयंमि दिणयरे समागया तस्स सीसा, कया तेहिं सदा, न देइ सो य पडिवयणं, तओ विहाडियाइं
कवाडाइं, दिट्ठो विणट्ठजीओ सुहंकरो, सावि वणमकडी उग्घाडिएसु कवाडेसु पलाइऊण गया जहागयं, सीसेहि-
वि असुणियपरमत्थेहिं कओ सुहंकरस्स सरीरसकारो ।

इय भो कुमार ! विसयाउराण अप्पुन्नवंछियट्ठाणं । निवडंति आवयाओ पयडंचिय जेण भणियमिमं ॥ १ ॥
सल्लं कामा विसं कामा, कामा आसीविसोवमा । कामे पत्थेमाणा, अकामा जंति दुग्गइं ॥ २ ॥

तुर्याणुवते
सुरेन्द्रदत्त-
कथार्या
शुभंकरा-
ख्यानं.

॥ ३०९ ॥

एतो चिय जुवईणं सवियारपलोयणंपि वज्जेति । मुणिणो महाणुभावा निवसंति य सुन्नरत्तेसु ॥ ३ ॥

एवं सोघा सुरिंददत्तकुमारो जायगाढविसयविरागो भावसारं सूरिणो निवडिऊण चलणेसुं भणिउं पवत्तो-भयवं !
विरत्तगियारिं विसयपडिवंधाओ मह मणं, ता देह सवविरइं उत्तारेह भवन्नवाओ मोयावेह पुवदुच्चरियसत्तुनि-
वहाओत्ति, सूरिणा जंपियं-भो महायस ! अज्जवि भोगफलकम्मसव्भावओ नत्थि तुह पवज्जाजोगगया, ता गिह-
त्पधम्मेणावि केत्तियंपि कालमत्तणो तुलणं कुणसु, नरिंदेण भणियं-वच्छ ! समए चिय किरंतं सवं सुहावहं होइ,
न य गिहवासेवि दंतिंदियाणं पयणुकामकोहलोहाणं सवन्नुसाहुपूयापरायणाण विसिद्धणयपरिपालणपराण पुरिसाण
न धम्मो होइ, ता पुत्त ! पत्तथेरत्तो पवज्जं गिण्हिज्जासि, संपयं तु कयसदारपरितोसो परिचत्तकुमित्तसंगो अणवर-
यधम्मसत्यसवणतल्लिच्छो अणवच्छिन्नसप्पुरिसाचरियनयाणुसरणपरिणामो गिहे च्चिय निवससुत्ति, दक्खिन्नसील-
याए पडिवन्नं कुमारेण, नियदारपरिभोगं च मोत्तुण गहियं परित्थीपच्चक्खाणं, अन्ने य जिणवंदणपूयणगिलाण-
पडिजागरणोसहदाणपमुहा वहवे अभिग्गहविसेसा, पडिपुन्नमणोरहो य राया कुमारेण सहिओ वंदिऊण सूरिं गओ
जहागयं, अवरवासरे य एगेण केलीकीलेण भणिओ कुमारो-भो मित्त ! सुंदरं कयं तुमए जं सयं चिय मुक्को पर-
दारपरिभोगो, अन्नहा दुच्चरियनिसामणुप्पन्नकोवेण राइणा एत्तियदिणाणि दूरदेसंतरातिही तुमं कओ हुंतो,
कुमारेण कहियं-अरे किं सच्चमेयं, परिहासो वा ?, तेण भणियं-सच्चं, कुमारेण जंपियं-जइ एवं ता जहट्टियं

मूलाओ साहेसु, तओ तेण सिद्धो नरिंदमंतिजणणुणुणुल्लाववुत्तंतो, तं च सोचा समुप्पन्नलज्जो कुमारो परिचिंतिउं पवत्तो-अहो अचंतमजुत्तमायरियं मए, जं तहाविहं कुलकमविरुद्धं कुणंतेण न गणिओ लोयप्पवाओ न वीमंसिओ धम्मविरोहो न य परिभावियं तायस्स लहुयत्तणं, एवं च ठिए कंहं विसिद्धपुरिसाण निययवयणं दंसितो न लज्जामि, तम्हा न जुज्जइ इह निवसिउंति चिंतिऊण मज्झरत्तसमयंमि निम्भरपसुत्ते परियणे तोणीरं धणुदंडं च घेत्तूण पुव्व-देसाभिमुहं गंतुं पयट्ठो ।

इओ य-गयणवल्लहनयरे विज्जाहररत्ता महावेगनामेण पुट्ठो नाणसाराभिहाणो नेमिच्चिओ, जहा एयाए मह धूयाए वसंतसेणाए को पई होहिति?, तेण? कहियं-जो सावत्थीनयरीनाहं कुसुमसेहरनरिंदं निय-भुयवलेण एगागी हयपरकमं काहिति, एवं सोचा विज्जाहरेण भणिया खेमंकराइणो विज्जाहरा-अरे गच्छह तुब्भे सावत्थि नयरिं, तहिं च ठिया जया एवंविहपरकमं पुरिसं पेच्छह तथा तं ज्जत्ति घेत्तूण मम समप्पेह, जं देवो आणवेइत्ति सिरसा पडिच्छिऊण से सासणं गया ते तं पुरिं, सुरिंददत्तकुमारोऽवि एगागी नाणाविहदेसेसु परिभ-मंतो पत्तो तामेव नयरिं, ठिओ य नयरीसमीवत्तिणो उज्जाणस्स एगंमि लयाहरे, तहिं च जाव पसुत्तो अच्छइ ताव कयवयचेडीपरिवुडा कुसुमसेहररायसु या इओ तओ कीलंती कहवि कम्मविचित्तयाए एगागिणी पविट्ठा तमेव लयाहरं, दिट्ठो अप्पडिमरूवो पसुत्तो कुमारो, सा य तीए समुप्पन्नतिवाणुरागाए पडिवोहिऊण पारद्धो अणु-

कूलवयणेहिं उवसगिगुं, नियमविग्घकारिणित्ति कलिऊण निभत्थिया सा कुमारेण, कहं ?—

पाविट्टि दुट्टसीले ! निक्कारणधम्मवेरिणि ! तुमं मे । अवसरं चक्खुपहांओ पज्जतं दंसणेण तुहं ॥ १ ॥

तुम्हारिसीण संभासणेऽवि असणिव दारुणा पडइ । इहपरभवपडिकूला अचत्थमणत्थपत्थारी ॥ २ ॥

इय एवमाइवयणेहिं तज्जिया सा न जाव नीहरइ । ताव करे घेत्तुणं कुमारेण दढेण निच्छूढा ॥ ३ ॥

आ पाव ! पावसि तुमं एत्तो पंचत्तमिति य जंपित्ता । कवडेण सयंचिय नहंसिहाहिं उल्लिहियकायलया ॥ ४ ॥

सा दूरे ठाऊणं हलवोलं काउमेवमारद्धा । रे रे लयाहरगयं गेण्हह पुरिसाहमं एयं ॥ ५ ॥

कुलजुवइदूसिया जेण मज्झ एवंविहा कयावत्था । तमुवेहंता संपइ दंसिस्सह कह मुहं रत्तो ? ॥ ६ ॥

एवं सोचा नरवइमुयाय वयणं परूढकोवेहिं । आरक्खियमुहडेहिं लयाहरं वेढियं झत्ति ॥ ७ ॥

कुमरोऽवि तीए हिययं व निट्ठरं पाणिणो धणुं घेत्तुं । तत्तो विणिक्खमित्ता तेसिं ठिओ चक्खुपसरंमि ॥ ८ ॥

ताहे तेहिं समगं पम्मुक्का चक्खेसलसरनियरा । छेयत्तणेण वंचाविया य सयला कुमारेण ॥ ९ ॥

तप्पहरणेहि य लहुं निहया गोमाउयव ते तेण । अहं निसुणियवुत्तंतो रायावि समागओ तत्थ ॥ १० ॥

अचंतजायकोवो जुज्झेणोवट्ठिओ सयं चेव । करितुरयरहारूढा वियंभिया सुहडसत्थावि ॥ ११ ॥

तो चउदिसि पसरियउ सत्तुसिन्नु, पेक्खेविं अखुद्धुं जिव कुंभयन्नु ।

श्रीगुणचंद
महावीरच०
८ प्रस्तावः

॥ ३११ ॥

आपीडियपरियरु सो कुमारु, जुज्झणहं लग्गु सो दढप्पहारु ॥ १२ ॥
सरकप्पियपक्खरतुरयघट्टु, मुसुमूरियवेरियरुडमरट्टु ।
जसु संसुहु किर जो खिवइ चक्खु, सो तक्खणि जायइ जमह भक्खु ॥ १३ ॥
एगोऽविहु भयवसकंपिराण, सो णेगरूव हूओ वेरियाण ।
लक्खिज्जइ वाणमुयं तु केम्ब, जलधार मुयंतउ मेहु जेंव ॥ १४ ॥
उब्बद्धजूडभडभिउडिभीस, तिक्खंडिय सत्तहुं सरहिं सीस ।
तमुदारुणरणकम्मेण तुट्ट, ओइन्ननहंगणि तियसवंठ ॥ १५ ॥
अवरोप्परुपेल्लिरि सुहडसत्थि, नासणह पयट्टइ अइव हत्थ ।
विवरंसुहि सावत्थीए नाहि, पवहंतइ नररुहिरप्पवाहि ॥ १६ ॥
समरंगणि जोअइ जा कुमारु, संचिट्टइ रिउ अकयप्पहारु ।
ता पुव्व भणियविज्जाहरोहिं, अवहरिवि हरिसभरनिब्भरेहिं ॥ १७ ॥
उवणीओ खयरनरनायगस्स, हरिसूससंतमुहपंकयस्स ।
अह आगयंमि सुदिणंमि तेण, परिणाविओ कुमरु वसंतसेण ॥ १८ ॥

तुर्याणुवत्ते
सुरेन्द्र-
दत्तकथा०

॥ ३११ ॥

सो तीए सहिउ पंचप्पयार, उवभुंजइ विसय अणत्तसार ।

अइनिअलु पालइ जिणह धम्मु, दूरेण विवज्जइ पावकम्मु ॥ १९ ॥

कालफमेण विसहय विरत्तु, पवज्ज लेइ सुपसंतचित्तु ।

तवचरणेहिं शोसिउ पावकम्मु, पचक्खु विरायइ नायधम्मु ॥ २० ॥

अह ससहरनिम्मलु पाविवि केवलु, पडिओहिवि चिरु भवजणु ।

सिवमइह नंदणु भवभयमइणु, वचइ निवइ वरभवणु ॥ २१ ॥

इय परदारनिवित्तीमित्तंपि अणुअयं पवन्नमिमं । एवंविहोत्तरोत्तरकल्लाणनिबंधणं होइ ॥ २२ ॥

भणियं चउत्थणुअयमेत्तो पंचमगमाणुपुवीए । सयलपरिग्गहपरिमाणकरणविसयं पयंपेमि ॥ १ ॥

दुविहो परिग्गहो सो थूलो सुहुमो उ तत्थ सुहुमो य । परकीएसुवि वत्थुसु ईसिं सुच्छाइपरिणामो ॥ २ ॥

थूलो पुण नवमेओ धणे य धन्ने य खेत्तवत्थुसु । रूपसुवन्नचउप्पय दुप्पयकुविएसु सुणिअवो ॥ ३ ॥

इय नवभेयपरिग्गहपरिमाणं भावसारमादाय । पंचइयारविवज्जणपरायणो सावगो मइमं ॥ ४ ॥

खेत्ताइहिरनाईधणाइदुपयाइकुप्पमाणकमे । जोयणपयाणबंधणकारणभावेहिं नो कुणइ ॥ ५ ॥

जो पुण अइलोभवसा भणिज्जमाणोवि गुरुजणेण वहुं । थेवंपि नो परिग्गहपरिमाणवयं पवज्जेइ ॥ ६ ॥

सो दविणाइनिमित्तं वचंतो दूरदेसनयरेसु । पविसंतोऽवि समुद्दे कुणमाणो विविहववसायं ॥ ७ ॥
 लाभेऽविहु पइदिणवहुमाणधणवद्धणाभिलासो य । अचंतमहादुक्खं वासवदत्तोव पावेइ ॥ ८ ॥ विसेसयं तीहिं ।
 अह गोयमेण भणियं वासवदत्तो जिणिंद ! को एस ? । जयगुरुणा संलत्तं सीसय ! सम्मं निसामेसु ॥ ९ ॥
 कणयखलंमि महानयरे सुवलयचंदो नाम सेट्ठी, तस्स धणा नाम गिहिणी, तेसिं अचंतवल्लभो सव्वकलाकलाव-
 निउणो वासवदत्तो नाम पुत्तो, सो य महारंभो महापरिग्गहो गरुयलाभसंभवेऽवि महालोभसंगओ, अहो निसं दव्वो-
 वज्जणोवाए पयट्टंतो कालं वोलेइ, तस्स य अम्मापिउणो अचंतसावगधम्मकरणसीलाणि जिणवयणायन्नणेण सुणि-
 यअविरइकडुविवागाणि तं नियपुत्तं अणवरयाणेगपावट्टाणपसत्तं पलोइऊणं भणंति-वच्छ ! सुमिणोवमं जीवियं
 असारा विसया सकज्जाणुवत्तणमेत्ता सयणसंजोगा खणविपरिणामधम्मा रिद्धिसमुदया, अओ किंनिमित्तं न कुणसि
 धणधन्नखित्तवत्थुहिरन्नसुवन्नदुपयचउप्पयाइसु इच्छापरिमाणं, न वा परलोयसुहावहं समज्जिणेसि धम्मं, तहा
 वच्छ ! पिउपियामहपुरिसपरंपरागयं न माइ दव्वं, अओ निरत्थओ तदज्जणगाढपरिस्समो, अह अपुव्वं लच्छि उवव-
 ज्जिउमिच्छसि तहावि जहासत्तीए इच्छापरिणाममेव कल्लाणकारगमिच्चाइ बहुप्पयारवयणेहिं पन्नविज्जमाणोऽवि न
 पडिवज्जइ कम्मभारियत्तणेण एसो मणागंपि तव्वयणं, सच्छंदचारित्ति उवेहिओ अम्मापिऊहिं । अन्नया य देसंत-
 रागयवणिया पुच्छिया वासवदत्तेण-अहो किं तुम्ह देसे भंडमग्घइ ? , तेहिं कहियं-अमुगंति, तओ तव्वयणनिसाम-

णचउग्गुणीभूयलोभाभिभूओ तद्देसोचियभंडनिवहभरियं सगडिसागडं गहिऊण पयट्टो देसंतरं, निसिद्धो य वाढं
 जणणिजणगेहिं, तहावि न ठिओ, एवं च सो अणुदिणं वचंतो गओ तामलित्तिं नयरिं, विणिवट्टियं भंडं, समा-
 साइओ दसगुणो लाभो, वियंभिओ य अचंतलोभसागरो, जाया बहुययरा तदज्जणवंछा, अन्नदिवसे य दुवारगएण
 तेण दिट्ठाइं दूरदेसागयाइं विविहसारवत्थुभरियाइं जाणवत्ताइं, ताणि य पेच्छिऊण पुच्छिओ तद्वाणियगो अणेणं-
 भो महायस ! कत्तो आगयाइं एयाइंति ? , तेण जंपियं-कलहदीवाओ, वासवदत्तेण कहियं-भद् ! इहचभंडेण तत्त्य
 गएण केत्तिओ संपज्जइ लाभो ? , तेण भणियं-वीसगुणो, वासवदत्तेण जंपियं-किं सच्चमेयं ? , तेण कहियं-अज्ज !
 किमसच्चभासणे फलं ? , एवं च निसामिऊण वासवदत्तेण भाडियाइं जाणवत्ताइं भरियाइं विविहकंसदोसभंडस्स,
 पट्ठिओ कलहदीवाभिमुहं,

अह परियणेण भणियं-चिरं विमुक्काण जणणिजणगाणं । होही दढमणुतावो सामिय ! तुम्हं विओगंमि ॥ १ ॥
 ता सारिज्जउ गेहं सम्माणिज्जंतु सयणवग्गावि । पुणरवि अत्थोवज्जणकरणे को चारिही तुम्हं ? ॥ २ ॥
 इय भणिए सो रुद्धो निट्ठुरवयणेहिं भणिउमाढत्तो । रे तुम्ह कोऽहिगारो एवंविह भाणियवंमि ? ॥ ३ ॥
 न तुमाहितोवि अहं जुत्ताजुत्तं मुणेमि किं पावा ! । लद्धावयासया अहव किं न भिचा पयंपंति ? ॥ ४ ॥
 एवं खरफरुसगिराहिं तज्जिया तेण तह अदोसावि । लज्जामिलंतनयणा जह ते मोणं समल्लीणा ॥ ५ ॥

श्रीगुणचंद्र
महावीरच०
८ प्रस्तावः

॥ ३१३ ॥

तेणावि सायरे पवाहियाइं जाणवत्ताइं, सिग्घवेगेण गंतुं पयत्ताणि, कमेण पत्ताइं कलहदीवं, उत्तारियं तेहिंतो
भंडं, विक्किणियं च, जाओ बहुओ लाभो, ठिओ य कइवयवासराइं, गहिया मणिमोत्तियसंखपट्टसुत्तपमुहपहाणकया-
णगाइं, तओ पयट्टो तामलित्तिसंमुहं, इंतस्स य जलहिमज्झे दंसिओ निज्जामगेहिं तस्स रयणदीवो, कोउहल्लेण पुच्छिया
अणेण—अरे किमिह उप्पज्जइ?, निज्जामगेहिं भणियं—कक्केयणपउमरागवज्जिंदनीलाइणो महारयणविसेसा ते इह
उप्पज्जंति, तेसिं समीवधरणमेत्तेण विद्वइ रुंददारिद्रोवद्वो, न पासंमि परिसप्पइ दप्पुब्भडो सप्पो, न नियडम-
कमइ चंडावि डाइणी, खिल्लियमुहोव न कडुयमुल्लवइ खलयणोवि, तओ अपरिकलियविणासेणं जायतग्गहणगाढा-
भिलासेण भणियं वासवदत्तेण—अहो निज्जामगा! जइ तत्तो हुत्तं नेह मह नावं तो चउग्गुणं देमि भे वित्तिं, तेहिं
भणियं—निज्जइ, केवलं उवलपडलाउला भूमी, जइ कहवि नावा भंगं पाविज्जा ता सब्बनासो जाएज्जा, तओ ईसि
विहसिऊण वासवदत्तेण भणियं—

जइ गयणं निवडेज्जा पलहत्थेज्जा रसायले पुढवी । कुलगिरिणो य सपक्खा होउं व महीए वज्जेज्जा ॥ १ ॥
जलनिहिणो वा वेलाए महियलं सब्बओवि वोलिज्जा । जणणी वा नियपुत्तं हणेज्ज पढमप्पसूर्यंपि ॥ २ ॥
ता रत्तंपिव सुन्नं होज्ज जयं किं तु हवइ नो एयं । नय सब्बहावि अघडंतमेरिसं चिंतिउं जुत्तं ॥ ३ ॥
जो पुण इय चिंताए पयट्टए सो धुवं महासुद्धो । करकमलगोयरगयं लच्छिं हारेज्ज किं चोज्जं ? ॥ ४ ॥

इच्छाऽपरि-
माणे
वासवदत्त-
दृष्टान्तः.

॥ ३१३ ॥

ता मेउह कुविगप्पं नावं पेलेह दीवयाभिमुहीं । उच्छिदह दारिदं आचंदं रयणगहणेण ॥ ५ ॥

एवं च तेण कहिए पणद्विणिवायभएहिं निज्जामगेहिं पवाहिया तदभिमुही नावा, जाव य. केत्तियंपि विभागं गया ताव समुट्ठिओ महामगरो, तेण य मंदरमंथेणेव महियं जलहिजलं, उच्छालिया पयंडकळोला, तदभिघाएण भिन्ना सयसिफरा नावा, निबुडो अत्थसारो, खरपवणपहओ पलालपूलउव दिसो दिसि पलीणो परियणो, वासव-दत्तोऽवि कहकहवि समासाइयफलहखंडो वेलाजलेण बुज्झमाणो पाविओ सायरस्स पारं, कंठग्गयजीविओ य दिट्ठो एगेण तावसेणं, तेणावि करुणाए नीओ निययासमे, काराविओ कंदमूलाइणा पाणवित्तिं, वीसंतो कइवय-वासराइं, समुवलद्धसरीरावट्टंभो य पट्ठिओ नियनयराभिमुहं

इओ य तस्स अम्मापिउणो परलोयं गयाइं, जाया य नयरंमि वत्ता, जहा-वासवदत्तोवि समुहे वोहित्थभंगेण विणासं पाविओ, ओच्छिन्नसामियंतिकाऊण गहियं धणकणसमिद्धंपि तम्मंदिरं नरिंदेण, वासवदत्तोऽवि संवलरहि-यत्तणेणं धणविणाससमुत्थसोगेण य किलंतदेहो महाकट्टकप्पणाए संवच्छरमेत्तकालेण संपत्तो कणगखलनयरं, पवि-सिउमारद्धो य नियमंदिरं, एत्थंतरे उग्गीरियदंडा पधाविया नरवइंनिरूविया घरारक्खगपुरिसा, भणिउं पवत्ता-अरे कप्पडियं! घरसामियव निच्चओ कीस इह पविससि?, किं न याणसि इमं रण्णो गिहं?, तेण भणियं-कि-मेयं कुवल्लयचंदसेट्ठिणो न भवइ?, तेहिं कहियं-हंत हुंतं पुवकाले, संपयं पुण असाभियंति रत्तो जायं, तेण भणियं-

अरे ! कहं मइ जीवन्ते असामियन्ति बुच्चइ ?, किमहं कुवलयचंद्रसेट्टिणो पुत्तो वासवदत्तो तुम्हेहिं नो सुणिओ न वा
दिट्ठोत्ति बुत्ते किं रे ! मिच्छा पलवसित्ति निब्भच्छिऊण कंधराधरणपुव्वयं निद्धाडिओ सो तेहिं मंदिराओ,
गओ य एसो सयणाणं समीवे, तेहिवि मा पुव्वदेयं दव्वं मग्गिस्सइत्ति कुविगप्पेण पच्चभिजाणंतेहिवि न नयणमेत्ते,
णावि संभाविओ, गहिलोत्ति कलिऊण रत्तावि उवेहिओ ।

अहं गेहसयणधणनासपमुहदुहजलणजालपज्जलिओ । सो चिंतिउं पवत्तो विवन्नलायन्नदीणसुहो ॥ १ ॥

कहं अकलियपरिसंखं पुरिसपरंपरसमागयं दव्वं ? । कहं वा सभुयवलेण य विठत्तयं तं च अइवहुयं ॥ २ ॥

एकपयं चियं सव्वं निन्नट्ठं मज्झं मंदभग्गस्स ? । हा ! किं करेमि संपइ ? पुव्वं व हवेज्ज कहं व धणं ? ॥ ३ ॥

एमाइविचित्तविकप्पकप्पणुप्पन्नचित्तवामोहो । उम्मत्तयं उवगओ हिंडंतो नयररत्थासु ॥ ४ ॥

चिरकालमाउयं पालिऊण बहुरोगसोगसंतत्तो । अट्टज्झाणोवगओ मरिउं तिरियत्तणं पत्तो ॥ ५ ॥

इयं गोअम ! जीवाणं परिग्गहारंभविरइरहियाणं । निवडंति आवयाओ जं तेणेमं गुणकरन्ति ॥ ६ ॥

पंचविं अणुवयाइं सोदाहरणाइं ताव कहियाइं । एत्तो गुणवयाइं तिन्निवि लेसेण साहेमि ॥ १ ॥

उट्ठाहोतिरियदिसिं चाउम्मासाइकालमाणेणं । गमणपरिमाणकरणं गुणवयं होइ पढममिह ॥ २ ॥

वज्जइ उट्ठाइकममाणयणप्पेसणोभयविसुद्धं । तहं चेव खेत्तवुद्धिं कहिंवि सइअंतरद्धं च ॥ ३ ॥

एयंमि निरक्ष्यारे दिसिचए भावओ पवत्तंमि । होइ सिरी मोक्खोविय जिणपालियसावगस्सेव ॥ ४ ॥
 गोयमसामिणा भणियं-जयनाह ! को एस जिणपालिओ ? , सामिणा कहियं-भो ! निसुणेषु पुंडवड्डणनयरे विक्रम-
 सेणो राया, मयणमंजूसा से पट्टमहादेवी, सुबुद्धी अमच्चो, तत्थ य नयरे जिणभावियमणो जिणदत्तसेट्टिस्स सुलसाए
 भारियाए पुत्तो जिणपालिओ नाम सावगो परिवसइ, तेण य गुरुसमीवे दिसागमणपरिमाणघयं गिण्हंतेण
 पन्नासं पन्नासं जोंअणाइं चउसुवि दिसासु मुक्काइं, एवं सो उत्तरोत्तरगुणब्भासं कुणमाणो अच्छइ । इओ य विक्र-
 मसेणनराहिवस्स पचंतदेसवत्ती सीहसेणो नाम भिल्लाहिवई देसं विह्विउमाढत्तो, तस्स य उवरि महया संरंभेण
 हरिकरिरहजोहवूहपरिगओऽविक्रखेवेण चलिओ विक्रमसेणो, भणिओ य सुबुद्धिणा अमच्चेण-देव ! किं तस्स गो-
 माउयस्स उवरिं तुम्हे विजयजत्तं करेह ? , तुम्ह पयपयावपडिहयपरकमस्स का तस्स सत्ती ? , ता नियत्तह नयरी-
 दुत्तं देह ममाएसं जेण तहा करेमि जहा पडिच्छइ सिरेण सो देवस्स सासणंति बुत्ते चउरंगिणीसेणासंणाहो
 पेसिओ अमच्चो, सीहसेणोऽवि तं सवलवाहणं इंतं चारपुरिसेहिंतो नाऊण विसमगिरिकडगं घेत्तूण ठिओ, अम-
 चोऽवि तहाठियं पेच्छिऊण जुज्झिउमपारयंतो तमेव गिरिकडगं परिवेढिऊणं तत्थेव आवासिओ, दुग्गमग्गत्त-
 णओ य धन्नघयाइं महग्घीह्वयं सिविरे, जणपरंपराए य निसुणियमेयं जिणपालिएण, तओ भूरिघयभरियदोट्टियगाणं
 करभेसु समारोविय वणियजणसमेओ चलिओ सो सिविराभिमुहं, सो य सीहसेणो दुग्गे निरुद्धंजवसाइपयारो

श्रीगुणचंद
महावीरच०
८ प्रस्तावः

॥ ३१५ ॥

अच्छिउमचायंतो सारधणं करितुरयसाहणं च समादाय पलाणो रयणीए, मुणियवित्तंतो य अमच्चो लग्गो तस्स अणुमग्गेण, नासंतो य दस जोअणे गंतूण वेढिओ सवत्तो अमच्चसेत्तेण, तओ सो सीहसेणो बहलतरुवरगहणंमि गिरि-
निकुंजं निस्साए काऊण ठिओ, इओ य जिणपालिओ पुवावासियसिविरसंनिवेशं पत्तो समाणो दिसिपरिमाणं चिंति-
ऊण भणइ-अहो किमहमिणिंह करेमिं?, पन्नासं जोयणाइं मे परिमाणं, तं च इत्तियमेत्तेणं चिय पडिपुन्नप्पायं, सेत्तं
च दसहिं जोयणेहिं दूरीभूयमियाणिं, ता वलिस्सामि पच्छाहुत्तं, न कोसमेत्तंपि एत्तो वच्चिस्सामि, सहाइणा वलिय-
लोगेण भणियं-अहो! मा मुहा अत्थहाणिं करेहि, तत्थ गयस्स तुह पभूयदविणलाभो जायइ, तेण भणियं-अलाहि
तेण दवेणं जं नियमखंडणाए संपज्जइ,

अह तस्स नियमनिच्चलचित्तपरिक्खट्टया सुरो एगो । कयउब्भडसिंगारो सवत्तो पुरिसपरिअरिओ ॥ १ ॥

सत्थाहिवरूवधरो सुरलोआओ समोअरेऊणं । पच्चासन्नो ठाउं पयंपिउं एवमाढत्तो ॥ २ ॥

हंहो सावय ! नो कीस एसि तं सप्पिविक्कयनिमित्तं? । जिणपालिएण भणियं वयभंगो हवइ जइ एमि ॥ ३ ॥

देवेण जंपियं सुट्ठु वंचिओ तंसि धुत्तलोएण । जो कुग्गहेण हारसि करट्टियंपि हु महालाभं ॥ ४ ॥

अहवा वयस्स भंगे पावं होइत्ति तुज्झ संकप्पो । ता तल्लाभेणं चिय पायच्छित्तं चरेज्जासु ॥ ५ ॥

जिणपालिएण वुत्तं अहो किमेवं अणग्गलं वयसिं? । वच्चंति धम्मगुरुणो कयाइं किं भवसत्तजणं? ॥ ६ ॥

दिक्परि-
माणे जिन-
पालितज्ञातं

॥ ३१५ ॥

हंत । जइ तेऽवि वंचंतिं कहवि तो किं न चंदविंवाओ । अमयमंयाओ निवडइ पंलित्तगयणानलकणोली ? ॥७॥
 किं वा नं सूरविंवे विप्फुरमाणेऽवि तिमिरसंभारो । भरियभुवणंतरालो वियरइ रयणिं अंकांलेऽवि ? ॥ ८ ॥
 ता भद् ! नेव जुज्जइ गुरुदुत्तं तुज्ज जंपिउं एवं । अचंतपावजणगत्तणेण मंज्झंपि नो सोउं ॥ ९ ॥
 जं च तए भणियमिमं वयलोवसमुत्थपावसमणत्थं । पायच्छित्तं पच्छा सेविज्जाहित्ति तमजुत्तं ॥ १० ॥
 जं पढमंपि न जुज्जइ तं काउं जत्थ होइ वयलोवो । लुत्ते य तत्थ विहलो पायच्छित्ताइवावारो ॥ ११ ॥
 सहसकाराणाभोगओघ वयमयलणंमि पच्छित्तं । पढमं चिय जाणंतो जो लोवइ तस्स तं विहलं ॥ १२ ॥
 इय भणिए सो देवो रंजियचित्तो विसिट्ठरूवधरो । चलियमणिकुंडलामलमऊहविच्छुरियंगंडयलो ॥ १३ ॥
 ससिणेहं जोडियपाणिसंपुडो भणित्तमेवमाढत्तो । धत्तो सि तुमं सावय ! वयंमि जो निचलो एवं ॥ १४ ॥
 देवोऽहं तुह सत्तं परिकिखउं संपयं समणुपत्तो । परितुट्ठो य इयाणिं ता भण किं ते पयच्छामि ? ॥ १५ ॥
 जिणपालिण्ण भणियं जिणमुणिपयपूयणाणुभावेण । सवंचिय परिपुत्रं न मग्गियवं किमवि अत्थि ? ॥ १६ ॥
 ताहे सुरेण कहियं जस्सेरिस निचलत्तणं धम्मे । सो तं कयकिचो नणु तहावि ममणुग्गहट्टाए ॥ १७ ॥
 विसदोसहरणदक्खं रयणमिमं गिण्ह तं महासत्त ! । एवं तमप्पिऊणं देवो अहंसणं पत्तो ॥ १८ ॥
 जिणपालिओऽवि गहिऊण तं गहिऊण घयाइभंडं च । इयरवणियाण दाऊण गओ सनयरं, तत्थ य जाव

श्रीगुणचंद्र
महावीरच०
८ प्रस्तावः

॥ ३१६ ॥

कइवि दिवसाणि अच्छइ ताव अन्नदिवस सा नरिंदभजा मयणमंजूसा वासभवनंमि सुहपसुत्ता खइया विसहरेण,
तक्खणेण य निच्चिद्धा जाया, समाऊलीहूओ विक्रमसेणो राया, वाहराविथा गारुडिया, पउत्ता तेहिं मंतंततोवयारा,
न य जाओ कोऽवि विसेसो, तओ पच्चक्खाया तेहिं, नरिंदेणवि गाढनेहमोहिण्ण नीणाविओ षडहगो, उग्घोसावियं
च, जहा-जो देविं उट्टोवेइ तस्स अद्धं गामनगरसमिद्धस्स रज्जस्स देमित्ति, इमं च षडहगताडणपुच्चयं उग्घोसिज्ज-
माणं सुणियं जिणपालिण्ण, तओ निवारिओ-अणेण षडहगो, देवसमप्पियरयणं गहाय गओ नरिंदमंदिरं, रयणा-
भिसेगसलिलपाणविहिणा विगयविसविगारा कया देवी, सुत्तपबुद्धव्व समुट्टिया सयणीयाओ, तुट्टो राया, दाउमारद्धो
य रज्जद्धं, जिणपालिण्ण जहोचियं घेत्तूण सेसं पडिसिद्धं, रायावि से निल्लोभयं दट्टूण पडिबुद्धो देवीए समं सावगो
जाओ, जिणपालिओऽवि संपुन्नधणवित्थारो चेइयसाहुपूयारओ सम्मसुभयलोगसफलं जीवियं काऊण मओ समाणो
परंपराए मोक्खसोक्खभागी जाओत्ति ॥

इय गोयम ! दिसिवयपालणाए अइयारपंकमुक्काए । हुंति विसिद्धसुहकरा गुणनिवहा इहपरभवेसु ॥ १ ॥

भोगपरिभोगपरिमाणकरणमेत्तो गुणव्वयं वीयं । तं भोयणओ तह कम्मओ य दुविहं मुणेअवं ॥ १ ॥

भोयणओ पडिवत्ते इमंमि वज्जेज्जऽणंतकायाई । पंचुंवरि महुमेरयं च रयणीयभत्तं च ॥ २ ॥

सच्चित्तं पडिवद्धं अपउल्लुप्पउल्ल तुच्छभक्खणयं । भोअणओ अइयारा वज्जेयवा इमे पंच ॥ ३ ॥

दिकपरि-
माणे जिन्-
पालितज्ञातं

॥ ३१६ ॥

कर्मयज्ञो पुण एत्थं पडिवत्ते सयमेव खरकम्मं । वज्जेअधं निच्चं किं पुण इंगालकम्माइं ? ॥ ४ ॥

इंगाली वणसाडी भाडी फोडी सुवज्जए कम्मं । वाणिज्जं चेव य दंतलक्खरसकेसविसविसयं ॥ ५ ॥

एयं तु जंतपीलणकम्मं निलंछणं च दवदाणं । सरदहतलायसोसं असईपोसं च वज्जेजा ॥ ६ ॥

दुविहपयारं च इमं जहभणियविहिए पालमाणानं । धन्नाण भवभयं नेव होइ रविपालयाणं व ॥ ७ ॥

इंदभूइणा वागरियं-भयवं ! के इमे रविपालया ? , जयगुरुणा भणियं-कहेमि, एत्थेव जंबूद्वीवे दीवे भारहे खेत्ते कोसलविसयप्पहाणे दसगुरंमि नगरे नरिंदसम्मया माहणकूलसंभूया चउइसविज्जाठाणपारगा दोन्नि भायरो रवी पालगो य परिवसंति, अन्नया य गामाणुगामं विहरमाणा बहुसिस्सगणपरिवुडा विजयसेणाभिहाणा सूरिणो समागया, ते य तेसिं जाणसालाए अणुजाणाविऊण ठिया वासारत्ते, ते य दोवि भायरो सूरिसमीवे धम्मवीमंसाए समागंतूण भणंति-भयवं ! भणह नियधम्मं, सूरिणा भणियं-आयन्नह—

जीवदयापरिणामो सघन्ननिवेइयत्थपडिवत्ती । परिग्गहपरिमाणं चिय एसो धम्मो समासेण ॥ १ ॥

तेहिं कहियं-भयवं ! जीवदयापरिणामोत्ति जं तुम्हेहिं वुत्तं तं न घडेइ, जओ जन्नकज्जे पसुविणासोऽवि धम्म-त्तणेण निदिट्ठो, तहा सघन्ननिवेइयत्थपडिवत्ती एयंपि न सुंदरं, सघन्नूणं वेदे अकहणाओ, जं च परिग्गहपरि-माणंति वुत्तं तंपि निरत्ययं, जेसिं वराडियामेत्तंपि नत्थि तेसिं विफलमेव परिग्गहपरिमाणकरणं, विज्जमाणपयत्थे

श्रीगुणचंद्र
महावीरचं
८ प्रस्तावः

॥ ३१७ ॥

चेव तस्स गुणकारित्तणओ, गामसञ्भावे चिय सीमासफलत्तणओत्ति, तम्हा अन्नं किंपि धम्मं परिकहेसु, सूरिणा भणियं—आउसंतो ! न जुज्जइ तुम्ह एवं वोत्तं, जओ इहलोचपडिवद्धपुरिसवयणमेयं जन्नकजे पसुचिणासो धम्मोत्ति, कहमेयंति ?, वुच्चइ—‘आत्मवत् सर्वभूतानि, यः पश्यति स पश्यती’ति पारमार्थिकमुनिवचनात्, जइ पुण जीवविणासे धम्मो ता मच्छबंधलुद्धयाइणो सग्गंमि वच्चेज्जा । जं च सवन्नुणो वेदेसु न कहियत्ति वुत्तं तंपि वेयरहस्सानिसामणाओ, यतस्तत्रैव शान्त्युद्घोषणाप्रस्तावे उक्तं—ॐ लोकप्रतिष्ठितान् चतुर्विंशतिं तीर्थकरान् ऋषभाद्यान् वर्धमानान्तान् सिद्धान् शरणं प्रपद्यामहे । ॐ पवित्रमग्निं उपस्पृशामहे, येषां जातं सुजातं येषां वीरं सुवीरं येषां नग्नं सुनग्नं ब्रह्म सत्रह्यचारिणो उचितेन मनसा अनुदितेन मनसा देवस्य महर्षिभिर्महर्षयो जुहोति, याजकस्य जनस्य च एषा रक्षा भवतु शान्तिर्भवतु वृद्धिर्भवतु तुष्टिर्भवतु स्वाहा ” एवं च पसिद्धेसु सवत्थपइट्टिएसु सवन्नुसु अभावकप्पणं महासंमोहो । जं च कहियं विज्जमाणपयत्थे चेव परिमाणं जुज्जइ एयंपि अणुचियं, असंतेवि अत्थे आसवनिरोहभावाओ पच्चक्खाणं गुणकरं चेव, ता भो महाणुभावा ! असेसदोसग्गिसमणघणसरिसं सवन्नुमयं अमयं व पियह अजरामरत्तकरं, सुंचह मिच्छत्तमोहसंपसूयं कदासवविसेसं, मज्झत्थत्तणमवलंविऊण चित्तेह परमत्थं, जच्चकणगं व कसल्लेयतावपमोक्खवहुपरिक्खाहिं सुपरिक्खिऊण धम्मं सम्मकरं सम्ममायरह । एवं च सूरिणा पन्नत्ते लहुकम्मयाए पडिवुद्धा ते महाणुभावा, पडिवन्नो भावसारं जिणधम्मो, गहियाइं अणुवयाइं, अंगीकयाइं

भोगोपभोगमाने रविपालककथा

॥ ३१७ ॥

तिन्निवि गुणवयाइं, पालित्ति य सघजत्तेण । अन्नया य रविमाहणस्स भोयणं कुणमाणस्स उवरिद्वियघरकोइलगेण कओ
उणारो, वक्खित्तचित्तत्तणओ न मुणियो अणेण, तम्मिसभोयणकरणे य पवद्धियं से उयरं, खीणाइं मंससोणियाइं,
तणुईहयाओ वाहाओ, सुक्काओ जंघाओ, सुसियं वयणं, वद्धिया तण्हा, जाओ सावसेसाउओ, दंसिओ य पालएणं
विज्जाणं, तेहिवि असज्झोत्तिकाऊण पच्चक्खाओ एसो, एवं च विसमदसावडियं तं पलोइऊण झूरइ परियणो,
रोवइ भारिया, बहुप्पयाइं विलवइ पालगो, सो य अदीणमाणसो सम्ममहियासेइ, अन्नवासरे य समागओ एगो
देसंतरविज्जो, तस्स सयणवग्गेण दंसिओ रवी, तेणावि संमं पलोइऊण भणियं—अहो कुड्ढिरोलियापुरीससंभवो
एस दोसो, ता पंचुवरिफलाइं समभागाइं चित्तगरोज्झमंससंभीसियाइं सुराए वट्टिऊण देह जेण सिग्घं पसमइ
महोदरवाही, रविणा भणियं—भो भो वेज्जा ! भोयणओ वीयगुणवयपरिमाणं कुणंतेण पच्चक्खायं मए एयं, वेज्जो
सयणवग्गो य भणइ—पगुणीभूयसरीरो सोहिं करेज्जासु, तेण कहियं—जराघुणजजरियविसरारुसरीरपंजरासारयं
जाणंतो नाहं मरणेवि एयमायरामि, एवं च उज्झिओ वेज्जेण । अन्नंमि य वासरे जाव सो निसन्नो एगंतदेसे अच्छइ
ताव पेच्छइ वसहमुत्तमज्झे निवडियं घरकोइलगं, तक्खणं चिय विणस्संतं च पेच्छिऊण चिंतियमणेण—अहो जहा
एयं कोइलगविणाससमत्थं तथा तं दुट्ठं विसविगारमवि हणिउमलं, तम्हा जुज्जइ मज्झ एयं पाउंति परिभाविऊण
सुमुदुत्ते णमोकारसुमरणपुरस्सरं वसहमुत्तं पीयमणेण, अह धम्मपभावेणं वेयणियखओवसमजोगा ओसह-

श्रीगुणचंद्र
महावीरच०
८ प्रस्तावः

॥ ३१८ ॥

माहंपेण य जलोयरं से पसंतंति, जाओ पुणन्नवंगो, जयइ जिणिंदस्स धम्मसामत्थं, इय सच्चत्थ पवाओ वित्था-
रिओ नयरलोएण

सो य पालगो तन्नयरसामिणा भणिओ जहा मसामच्चत्तणं पडिवज्जसु, पालगेण भणियं—देव! मए खरकम्माणं
बलाहियत्तारक्खिगत्तपमुहाणं नियमो कओ, राइणा भणियं—किं कारणं?, तेण कहियं—देव! न जुत्तमेयं सावगाणं,
जओ तत्थ निउत्तेहिं जणो पीडियदो, परच्छिद्वनिहालणं कायद्वं, नरिंदचित्तावज्जणपरेहिं सवप्पयारेण दव्वमुप्पाय-
णिज्जं, तं च न जुत्तं पडिवन्नवयाणंति, रन्ना भणियं—दुट्टाण सिक्खणे साहूण पालणे किमजुत्तं?, पालयेण जंपियं—
देव! को एवं मुणइ—एस दुट्टो एसो साहुत्ति, जओ अवरहाहस्स कारीवि अत्तणो साहुत्तणमेव पगासेइ, न य अपडिवन्न-
दोसो विणासिउं पारियइ, कयाइ पिसुणोवणीओ साहूवि परिहम्मइ, तम्हा अइसयनाणसज्जं दुट्टनिग्गहसिद्धपालणं,
अणइसइणा कीरंतं विवज्जासंपि जाएज्जा, एवं च भणिए पयंडसासणत्तणओ रुट्टो राया भणिउमाढत्तो य—अरे
वंभणाहम! वेयपुराणपइट्ठियं वंभणत्तं परिहरिय धम्मंतरं कुणमाणो मूलाओ च्चिय निग्गहट्टाणं तुमं विसेसओ
इयाणिं ममाSSणालोवपयट्टो, ता न भवसि संपयंति भणिऊण आणत्तो वज्जो, नीओ मसाणभूमीए, समारोविउ-
मारद्धो सूलाए, एत्थंतरे तप्पएसोवगएण दिट्टो वाणमंतरेण, दढधम्मोत्ति जायाणुकंपेणं तेण सूलाठाणे कयं कण-
यसिंहासणं, तेहि य रायपुरिसेहिं पहओ खग्गपहारेहिं, देवप्पभावेण य पहारट्टाणेसु समुट्ठियाणि गेवेयपमुहाणि

भोगोपभो-
गमाने रवि-
पालककथा

॥ ३१८ ॥

आभरणाणि, निवेद्यं च रत्नो, अह भयसंभंतमणो राया सयमेव परियणसमेओ तस्स सगासोवगओ कयंजली
 भणिउमाढत्तो-भो भो सद्धम्मपरेकचित्तं! जं निन्निमित्तमवि मोहा एवंविहं अवत्थं उवणीओ तं खमसु मज्झ,
 एवं च सुचिरं पसाइऊण करेणुगाखंधे समारोहिऊण य महाविभूर्इए पवेसिओ नयरे पालओ, जहोचियं तं वो-
 लाइणा संमाणिऊण पेसिओ सगिहं, परितुट्ठो जेट्टभाया, कयं वद्धावणयं । अवरवासरे य पालगेण भणियं-हे भाय!
 सघनुधम्ममाहण्णमेयं जं वसहमुत्तमेत्तेणवि तुह पसंतो जलोयरवाही, ममावि निकारणमेव कणयसिंहासणत्तेण
 परिणया सूलिगा, पहारावि जाया आभरणत्तणेणं, ता मुच्चउ गेहवासवासंगो, अंगीकीरउ एत्तो सव्वविरई, को हि
 नाम मुणियामयपाणगुणो विससलिलं पाउमुच्छहेज्जा?, रविणा भणियं-एवं होउ, तओ ते दोवि थेराणं अंतिए
 पघज्जं गहाय .समाराहियसंपुन्नसमणधम्मा सुरसिवसुहभायणं जायत्ति ॥

इय इंदभूर्इमुणिवर! वीयगुणवयमिमं विनिदिट्ठं । एत्तो तइयं वोचइ अणत्थदंडस्स विरइत्ति ॥ १ ॥

सो पुण अणत्थदंडो नेअवो चउव्विहो अवज्झाणो । पमयाधरिए हिंसप्पयाण पावोवएसो य ॥ २ ॥

कंदप्पे कुफुइए मोहरियं संजुयाहिकरणं च । उवभोगपरीभोगाइरेगयं चेत्य वज्जेइ ॥ ३ ॥

जेऽणत्थदंडविरया न हुंति तेऽणत्थगाइं जंपंता । पावंति धुवं मरणं लोइयकोरिंटियमुणिव ॥ ४ ॥

जो पुण एसो कोरिंटिओ मुणी जह व मरणमणुपत्तो । तह संपय सीसंतं सव्वं गोयम! निसामेसु ॥ ५ ॥

सालिसीसयंमि गामे भदिलो नाम माहणो, सोमदिना य से भारिया, तेसिं च कोरिंटिंगो नाम पुत्तो अचंतवि-
रुवो, कहं?—

मुहवाहिविणिग्गदीहविरलदंतग्गभग्गउट्टुउडो । करहसिसुपुच्छसत्थहविप्फुट्टुमुहरोमदोप्पेच्छो ॥ १ ॥

मज्जारककडच्छो अइटप्परकन्नघोरजुयलिकखो । अचंतकविलदेहो पायडदीसंतनसजालो ॥ २ ॥

संपजंततहाविहभोयणजायंतउदरपूरोऽवि । कयमासुववासो इव अचंतं किसियसवंगो ॥ ३ ॥

इय सो पुत्रकियकम्मदोसओ गाममज्झयारम्मि । दुइंसणत्तणेणं हीलाठाणं परं जाओ ॥ ४ ॥

एयारिसे य तम्मि जोवणपत्ते जणणिजणगेहिं चिंतियं—कहं एस कलत्तभोगी भविस्सइ?, जओ सवायरम-
ग्गिवावि न सग्गामवासिणो दिंति एयस्स कन्नयंति । अन्नया दूरयरगामवासिणो वंभणस्स वडुकुमारी बहुदविण-
दाणपुव्वयं वरिया अणेहिं से निमित्तं, जाए य लग्गसमए कोरिंटिंगं कयसिंगारचारुवेसं समादाय गयाइं तत्थ, तत्थ
पारद्धो विवाहोवक्कमो, रइया वेइगा, पज्जालिओ घयमहुसणाहो हुयासणो, पइविट्टो वेइगामंडवंमि कोरिंटिंगो,
तक्खणं चिय दिट्टो तीए वडुकुमारीए, तं च पलोइऊण सचमकारं भणियमणाए—

अहह किमेस पिसाओ इहागओ? अहव रक्खसो वावि? । किं वा कयंतपुरिसो? नहु नहु तत्तोऽवि भीमयरो ॥ १ ॥
सहि! पेच्छ पेच्छ कीलेव विलइओ दिव्वभूसणसमूहो । एयंमि पावरूवे कहमवि नेवावहइ सोहं ॥ २ ॥

पारद्वंमि विवाहे लखिज्जइ एस धूमकेउव । ता भायइ मज्झ मणो सहसा एयंमि दिट्ठंमि ॥ ३ ॥

सहिए भणियं-सुयणु । मा एवंमुल्लवसु, एसो तुज्झ पाणनाहो भविस्सइ, तीए भणियं-सहि ! सच्चमेयं ?, एस मे पाणनाहो भविस्सइ ?, तीए भणियं-सहि ! सच्चमेयं होही ?, सहिए भणियं-को इत्थ विव्वमो ?, वड्डकुमारीवि जइ परं पराभवित्ति भणिकुण विसायवसविसप्पमाणत्तिवसंतावा सणियं सणियमवक्कमिऊण जणमज्झयाओ पुरोहडा-वडंमि निवडिया वेगेण, तओ जाव इओ तओ समीवट्ठियजणविमुक्कहाहारवनिसामणेण धाविओ उत्तारणत्थं जणो ताव अइपउरसलिलत्तणेण कूवस्स अवस्संभवियच्चयाए विणासस्स मया एसा, विगयजीविया य वाहिं पक्खित्ता कूवयाओ, कओ से सरीरस्स सकारो, ताणि य कोरिंणजणणिजणगाईणि जणेण हीलिज्जमाणणि गयाणि सग्गामं, भणिओ य तेहिं एसो-वच्छ ! कोरिंण तुह परिणयणनिमित्तं न सो कोऽवि उवाओ जो न कओ, केवलं तुह कम्मपरिणइवसेण सच्चो विहलत्तणं पत्तो, ता मा मुणिहिसि जहा अम्मापियरो ममं उवेहगाणित्ति, तेण भणियं-पुव्वकयकम्ममेव एत्थ अवरज्झइ, का तुम्ह उवेहा ?, जइ खुज्जओ दूरमूसवियवाह्ववि फलं न पावइ ता किं कप्पतरुवरस्स वयणिज्जंति ?, एवं च तेसिं परोप्परोल्लावेण जाया रयणी, अह तेसु निव्वरपसुत्तेसु परमं चित्तपरितावमुवहंतो कोरिंणो नीहरिओ गेहाओ, पयट्ठो तित्थदंसणत्थं, कमेण य दट्ठूण सयललोइयतित्थाइं गहिया अणेण कावालियतवस्सिदिक्खा, मुणिओ तहरिसणाभिप्पाओ, सिक्खियाइं भूमिलक्खणपमुहाइं विन्नाणाइं ।

इओ य कुसग्गपुरे नयरे अरिमहणो नाम राया, तस्स य पर्यईए चिय दयादाखिन्नविवेयसच्चविसिट्ठुद्धिसंगओ
सुमई नाम अमच्चो, तेण य राइणा कारावियं महंतं सरोवरं, आरोविओ पालीसु विचित्ततरुसमूहो, चउसुवि पासेसु
कयाओ अणाहसालाओ, निरुवियाइं अवारियसत्ताइं, तस्स य सरोवरस्स अच्चंतभरिअस्सवि विवरदोसेण कइवयदि-
णमेत्तेणवि सुसंतं सलिलमवलोइऊण विसन्नेण जंपियं रत्ता-अहो निरत्थओ दव्वक्खओ जाओत्ति, परियणेण भणियं-
देव ! मा संतप्पह, पूरिज्जउ एस सिलाईहिं विवरो, जइ पुण एवं कए न विप्पणस्सइ सलिलं, रायणा भणियं-
एवं कीरउ, तओ तक्खणं चेव कट्टसिलाइट्टगाहिं पूरिओ सो विवरो, जाए य वरिसयाले निवडंतुद्दामसलिलधा-
राहिं भरियं सरोवरं, तं कहियं च नरेहिं नरवइणो ।

ताहे तुट्ठो राया पलोयणट्ठा गओ सयं तत्थ । जावऽच्छइ खणमेगं उब्भिन्नो ताव सो विवरो ॥ १ ॥

पुणरवि पुव्वपवाहेण पाणियं तेण विवरमग्गेण । अणिवारियप्पयारं पायाले गंतुमारद्धं ॥ २ ॥

तं दट्ठूण नरिंदो सोगमहासल्लपीडिओ झत्ति । मंताइसत्थकुसलं पुरलोयं वाहरावेइ ॥ ३ ॥

भणइ य तुम्हे सत्थत्थपारया ता कहेह सलिलमिमं । पायाले वच्चंतं ठाइस्सइ केणुवाएणं ? ॥ ४ ॥

परिचिंतिऊण सम्मं पयंपियं तेहिं देव ! विन्नाणं । नेवऽत्थि एत्थ वत्थुंमि अम्ह किं साहिमो तेण ? ॥ ५ ॥

अह नरवइणा भणियं तहावि साहह किमेत्थ कायव्वं ? । मा विफलं चिय वच्चउ सुचिरेमं वेच्चियं दव्वं ॥ ६ ॥

तेहिं भणियं-देव ! जइ एवं ता नगरस्स वाहिं विदेसियसालासु य पवामंडवेसु य देवमंदिरेसु य पहियंसमू-
हमीलगेसु य तयस्सिजणासमेसु य निरूवेह पुरिसे, पुच्छावेसु य तन्निवासिलोयं विवरपूरणोवायं, जइ पुण तेहिंतो
कोइ कंपि उवायं कहेज्जा, राइणा भणियं-साहु जंपियं, बहुरयणा वसुंधरा, किमिह न संभविज्जत्ति अणुमन्निऊण
तवयणं जहाभणियं सबट्टाणेषु विसज्जिया पुरिसा, ते य जहाभणियविहीए समारद्धा पुच्छिउं ।

इओ य सो कोरिंदगकावालिओ इओ तओ देसंतरेसु परिभमंतो मंतंतोसहीसंगहं कुणंतो वाउवायखन्नवायप-
मुहदघोवज्जणोवायं परिचिंतंतो समागओ तमेव पुरं, ठिओ देसियसालाए, सबप्पयारेहिं अपुवुत्तिकाऊण सविणयं
पुच्छिओ सरोवरविवरपूरणोवायं रायपुरिसेहिं,

एत्यंतरंमि तेणं नियविन्नाणावलेवनडिएण । भणियं साहंकारं कित्तियमेत्तं इमं मज्झ ? ॥ १ ॥

रायपुरिसेहिं कहियं-जइ एवं एहि ता नरिंदपुरो । पयडसु नियविन्नाणं लहसु पसिद्धिं धरावलए ॥ २ ॥

एवं च सो वुत्तो समाणो अप्पणो विन्नाणेण तिहुयणंपि तणं व मन्नंतो पट्टिओ तेहिं समं रायउलं, कमेण य पत्तो
अत्थाणमंडवं, सुणित्तिकाऊण पणमिओ राइणा, दवावियं आसणं, निसन्नो एसो, पत्थावे य पुरिसेहिं निवेइओ
रत्तो तदम्भुवगमो, तओ हरिसवियसियच्छेण भणिओ रत्ता एसो-भो रिसिवर ! करेसु पसायं, पणासेसु सरोवरस्स
विवरं जेण तण्हापरिसुसियसरीरो चउविहोवि भूयग्गामो सुहेण सबकालं जहिच्छाए जलपाणं कुणइत्ति, कोरिं-

श्रीगुणचंद
महावीरच०
८ प्रस्तावः

॥ ३२१ ॥

टगेण भणियं—महाराय ! केत्तियमेत्तं एयं ?; दंसेह तं विवरं जेण तदुचियमुवायं साहेमि, एवं वुत्ते दंसिओ सो पएसो, तेणवि तं समंतओ पलोइऊण भणियं—महाराय ! जइ एत्थ विवरे कसिणचउहसीए टप्परकन्नं संकडवन्नं वोक्कडकुच्चं तालसरुवं कक्कडयच्छं अइवीभच्छं वंभणगोत्तं संजमवंतं पुरिसं खिवेह दिसिदेवयाण वलिदाणपुव्वगं नूणं ता मिलइ एस विवरो, न नीरमुवरमइ थेवंपि, एवं तेण कहिए राइणा सव्वत्थ गामागराइसु पेसिया पुरिसा, निभालिउमारद्धा य जहोवइट्टुगुणविसिद्धं वंभणं, कत्थवि अपेच्छमाणेहि य तेहिं पडिनियत्तिऊण निवेइयं नरिंदस्स, तओ संभंतचित्तेण भणियं राइणा—भो सुमइअमच्च ! किमेवं अस्ह धम्मकज्जे निरुज्जमो तुमं ? न संपाडेसि जहोवइट्टु वंभणंति, इमं च निसामिऊण चिंतियं मंतिणा—अहो धम्मच्छलेण पावज्जणं मुद्धलोयस्स, अहो अणत्थदंडपंडियत्तणं पासंडियाहमस्स, जं एवंविहं पावट्टाणमुवइसंतेण न गणिओ पांचिंदियविणासो न परिचिंतिओ वंभणहचाकलंको न परिकलिओ नियतवलोवो, अहवा किमणेणं ?; तहा करेमि जहा पावोवएससमुल्लाववंचा इयरलोयस्सवि न जायइत्ति परिभावि-ऊण भणियमणेण—देव ! जारिसो अणेण पुरिसो कावालियमुणिणा समाइट्टो तारिसो एसो चेव जइ परं हवइ, ता देव ! धम्मट्टाणे एत्थ जइ एसो च्चिय खिप्पिही ता किमजुत्तं जाएज्जा ?; 'इट्ठं धर्मे नियोजये'दिति लोकेऽपि कथ्यते, राइणा भणियं—एवं होउ । अह समागए चउहसीवासरे सो चिय कोरिंटगो जहोवइट्टुविहिणा "हितं न वाच्यं अहितं न वाच्यं, हिताहितं नैव च भाषणीयम् । कोरिंटकः स्माह महाव्रती यत्, स्ववाक्यदोषाद्विवरं विशामी ॥१॥" ति

पुणरुत्तं विरसमारसंतो ब्रलां चैवं पक्खित्तो विवरम्मि पाविओं थं विणांसंति ।

जह सवत्थवि नयरे वित्थरियं जहा कंवालियतवस्सी । नियजीहादोसेणं पंचत्तं पाविओ विवसो ॥ १ ॥
ताहे सबोऽवि जणो भासागुणदोसचिंतणुज्जुत्तो । सुमुणिव संपयत्तो किमसकं मरणभीयाण ॥ २ ॥

इय तुज्झ मए कहिओ गोअम ! उच्छिखलुल्लवणरूवो । जमदंडोव पयंडो अणत्थदंडो दुहोहकरो ॥ ३ ॥
तिन्निवि (एयाइं मए) भणियाइं गुणवयाइं एत्ताहे । चत्तारिवि सीसंती (सिक्खाइं) निसुणसु तं गोअमसगोत्त ! ॥ १ ॥

सायज्जेयरजोगाण वज्जणासेवणोभयसरूवं । सामाइयंति तेसिं पढमं सिक्खावयं होइ ॥ २ ॥

मणवयणकायदुप्पणिहाणं इह जं न उ विवजेइ । सवकरणयं अणवट्ठियस्स तह करणयं च गिही ॥ ३ ॥

सामाइए उज्जुत्ता अविचलचित्ता सुरोवसग्गेऽवि । होंति भवपारगामी सत्ता नणु कामदेवोव ॥ ४ ॥

जह कामदेवसहो संमत्तं पाविओ ममाहिंतो । सामाइए निक्कंपो सुरोवसग्गेऽवि तह सुणसु ॥ ५ ॥

चंपानयरीए विजियमंडलो जियसत्तू नाम राया, कामदेवो सेट्ठी, नियनियकम्मसंपउत्ता कालं वोळित्ति, अन्नया
य गामाणुगामं विहरंतो अहं तत्थ समोसढो, तओ उज्जाणपालगोहिं विन्नत्तो राया, जहा-देव ! भवियकमलवो-
हणदियायरो चरिमत्तित्थयरो सहसंववणुज्जाणे समोसढोत्ति, एवं सोचा रत्ता दिन्नं तेसिं महंतं पारिओसियं,
दवाविओ नयरीए पडहगो-जहा नायकुलकेउणो महावीरस्स भगवओ वंदणत्थं पत्थिवो निग्गच्छइ, ता भो

श्रीगुणचंद्र
महावीरच०
८ प्रस्तावः

॥ ३२२ ॥

लोगा ! आगच्छेह भगवंतं वंदितं भणिए तक्कालमिलियपुरजणसमेओ समागओ राया ममंतियं । इओ य सो
कामदेवो पासायतलासीणो एगाभिमुहं जणनिवहमवलोइय परियणमापुच्छेइ—किं नं देवाणुप्पिया ! एस पुरज-
णसमुदओ एगदिसाए नीहरइ ?, एयमट्टसुवलभिय साहेह, तेहिं निच्छिऊण निवेइयं, जहा—तिहुयणेकनाहो जिणो
समोसठो तवंदणवडियाए पुरलोगो वचइ, तओ सो समुप्पन्नसद्धाइसओ णहाओ चंदणोवलित्तगतो चाउग्घं-
टरहारूढो अप्पमहग्घाभरणभूसिओ सियकुसुमदामोवसोहिओ निग्गओ नयराओ, समोसरणासन्ने य ओइन्नो
रहवराओ पमुक्ककुसुमदामो परिहरियतंबोलो कयमुहसुद्धी एगसाडीएणं उत्तरासंगेणं चक्खुफासे अंजलि-
पग्गहेणं मणसो एगत्तीभावेण य पविट्ठो समोसरणे, तिव्खुत्तो आयाहिणपयाहिणं काऊण वंदिओ अहं, उवविट्ठो
सट्ठाणे, निसामिए धम्मे संजायधम्मपरिणामो संमत्तमूलाइं पंचाणुवयाइं तिन्नि गुणवयाइं चत्तारि सिक्खावयाइं
भावसारं पडिवज्जिय गिहमुवगओ, पालेइ निरइयारं सावगधम्मं । अन्नया य कुडुंबचिंताए जेट्टपुत्तं ठवित्ता पोसह-
सालाए पडिमापरिकम्मकरणट्ठा सामाइयं पडिवज्जिय ठिओ रयणीए काउसग्गेणं, एत्थंतरंमि तवभावनिचलत्तं
परिक्खिउं एगो तस्स समीवे ठाउं सुरो सरोसं इमं भणइ—

रे रे वणियाहम ! धम्मकम्ममेवं समुज्झसु जवेणं । पाविट्ठ कोऽहिगारो तुह एरिससाधुचेट्ठासु ? ॥ १ ॥

मा पविसअकाले चियं कयंतमुहकुहरमुग्गदाढिल्लं । मम वयणं अवगन्निय पुत्तकलत्ताइपरियरिओ ॥ २ ॥

सामायिके
कामदेव-
कथा.

॥ ३२२ ॥

एवं युक्तोपि न जाव कंपिओ सो तथा महासत्तो । ताव परुद्धो देवो गइंदरुवं विउवेइ ॥ ३ ॥
 तयणंतरमुलालियपयंडमुंडो घणोव गजंतो । वेगेण धाविऊणं गेणहइ तं सावयं झत्ति ॥ ४ ॥
 सघत्तो गत्तं विह्वेइ चलणेहिं पक्खिवइ गयणे । तत्तो निवडंतं पुण पडियच्छइ दंतकोडीहिं ॥ ५ ॥
 एवं बहुप्पयारं तं पीडिय कुणइ भुयगरुवं सो । पच्छा तिकखाहिं दढं दाढाहिं तणुं विदारेइ ॥ ६ ॥
 तहविहु अखुब्भमाणे गिहिप्पहाणंमि कामदेवंमि । रक्खसरुवं काउं उवसग्गं काउमारद्धो ॥ ७ ॥
 अह खणमेगं घोरट्टहासकरतालतालणं काउं । परिसंतो सो तियसो भत्तीए तयं इमं भणइ ॥ ८ ॥
 भो कामदेव ! सावय तियसोऽहं तुज्झ सत्तनाणट्टा । एत्थागओ महायस ! ता पसिय वरेसु वरमेत्तो ॥ ९ ॥
 थेवोऽविहु उवयारो विहिओ तुम्हारिसे गुणनिहिंमि । अस्संखसोक्खखंधस्स कारणं होइ निच्चंतं ॥ १० ॥
 एवं भणिओऽवि सुरेण सायरं वरमुणिच्च थेवंपि । जाव न स कामदेवो कहमवि पच्चुत्तरं देइ ॥ ११ ॥
 ताव नमंसिय चरणे उक्कित्तिय गुणगणं च से तियसो । परमच्छरियमुवगओ जहागयं पडिनियत्तो य ॥ १२ ॥
 इयरोऽवि धम्ममाराहिऊण तइए भवंमि निव्वाणं । सायत्ताणंदसुहं पाविस्सइ निहयकम्मंसो ॥ १३ ॥
 इय जइ गिहिणोऽवि समुज्जमंति धम्मंमि निचला धणियं । ता उज्झियगिहवासा तवस्सिणो किं पमायंति ? ॥ १४ ॥
 एवं धीरेण जिणेसरेण जइणो पडुच्च वागरिए । सविसेससंजमुज्जयचित्तो जाओ समणसंघो ॥ १५ ॥

श्रीगुणचंद्र
महावीरच०
८ प्रस्तावः

॥ ३२२ ॥

लोका ! आगच्छेह भगवंतं वंदितं भणिण तक्कालमिलियपुरजणसमेओ समागओ राया समंतियं । इओ य सो
कामदेवो पासायतलासीणो एगाभिमुहं जणनिवहमवलोइय परियणमापुच्छेइ-किं नं देवाणुप्पिया ! एस पुरज-
णसमुदओ एगदिसाए नीहरइ ?, एयमट्टमुवलभिय साहेह, तेहिं निच्छिऊण निवेइयं, जहा-तिहुयणेकनाहो जिणो
समोसढो तव्वंदणवडियाए पुरलोगो वचइ, तओ सो समुप्पन्नसद्धाइसओ णहाओ चंदणोवलित्तगतो चाउग्घं-
टरहारूढो अप्पमहग्घाभरणभूसिओ सियकुसुमदामोवसोहिओ निग्गओ नयराओ, समोसरणासन्ने य ओइन्नो
रहवराओ पमुक्ककुसुमदामो परिहरियतंवल्लो कयमुहसुद्धी एगसाडीएणं उत्तरासंगेणं चक्खुफासे अंजलि-
पग्गहेणं मणसो एगत्तीभावेण य पविट्ठो समोसरणे, तिक्खुत्तो आयाहिणपयाहिणं काऊण वंदिओ अहं, उवविट्ठो
सट्ठाणे, निसामिए धम्मे संजायधम्मपरिणामो संमत्तमूलाइं पंचाणुवयाइं तिन्नि गुणवयाइं चत्तारि सिक्खावयाइं
भावसारं पडिवज्जिय गिहमुवगओ, पालेइ निरइयारं सावगधम्मं । अन्नया य कुडुंवचिंताए जेट्टपुत्तं ठवित्ता पोसह-
सालाए षडिमापरिकम्मकरणट्ठा सामाइयं पडिवज्जिय ठिओ रयणीए काउसग्गेणं, एत्थंतरंमि तव्भावनिचलत्तं
परिक्खिउं एगो तस्स समीवे ठाउं सुरो सरोसं इमं भणइ-

रे रे वणियाहम ! धम्मकम्ममेवं समुज्झसु जवेणं । पाविट्ठ कोऽहिगारो तुह एरिससाधुचेट्ठासु ? ॥ १ ॥

मा पविसअकाले चिय कयंतमुहकुहरमुग्गदाढिल्लं । मम वयणं अवगन्निय पुत्तकलत्ताइपरियरिओ ॥ २ ॥

सामायिके
कामदेव-
कथा.

॥ ३२२ ॥

एवं वुत्तोवि न जाव कंपिओ सो तथा महासत्तो । ताव परुट्ठो देवो गइंदरुवं विउवेइ ॥ ३ ॥
 तयणंतरमुल्लालियपयंडसुंडो घणोव गज्जंतो । वेगेण धाविऊणं गेणहइ तं सावयं झत्ति ॥ ४ ॥
 सघत्तो गत्तं विह्वेइ चलणेहिं पक्खिवइ गयणे । तत्तो निवडंतं पुण पडियच्छइ दंतकोडीहिं ॥ ५ ॥
 एवं बहुप्पयारं तं पीडिय कुणइ भुयगरुवं सो । पच्छा तिकखाहिं दढं दाढाहिं तणुं विदारेइ ॥ ६ ॥
 तहविहु अखुब्भमाणे गिहिप्पहाणंमि कामदेवंमि । रक्खसरुवं काउं उवसग्गं काउमारद्धो ॥ ७ ॥
 अह खणमेगं घोरट्टहासकरतालतालणं काउं । परिसंतो सो तियसो भत्तीए तयं इमं भणइ ॥ ८ ॥
 भो कामदेव ! सावय तियसोऽहं तुज्झ सत्तनाणट्टा । एत्थागओ महायस ! ता पसिय वरेसु वरमेत्तो ॥ ९ ॥
 थेवोऽविहु उवयारो विहिओ तुम्हारिसे गुणनिहिंमि । अस्संखसोक्खखंधस्स कारणं होइ निब्भंतं ॥ १० ॥
 एवं भणिओऽवि सुरेण सायरं वरमुणिव थेवंपि । जाव न स कामदेवो कहमवि पच्चुत्तरं देइ ॥ ११ ॥
 ताव नमंसिय चरणे उक्कित्तिय गुणगणं च से तियसो । परमच्छरियमुवगओ जहागयं पडिनियत्तो य ॥ १२ ॥
 इयरोऽवि धम्ममाराहिऊण तइए भवंमि निवाणं । सायत्ताणंदसुहं पाविस्सइ निहयकम्मंसो ॥ १३ ॥
 इय जइ गिहिणोऽवि समुज्जमंति धम्मंमि निचला धणियं । ता उज्झियगिहवासा तवस्सिणो किं पमायंति? ॥ १४ ॥
 एवं वीरेण जिणेसरेण जइणो पडुच वागरिए । सविसेससंजमुज्जयचित्तो जाओ समणसंधो ॥ १५ ॥

श्रीगुणचंद्र
महावीरच०
८ प्रस्तावः

॥ ३२३ ॥

इय जहं सामाइयनिचलत्तणं कामदेवसद्वेणं । भवभयभीएण कयं अन्नेणवि तह विहेयव्वं ॥ १६ ॥
दिसिवयगहियस्स दिसापरिमाणस्सेह पइदिणं जं तु । गमणपरिमाणकरणं वीयं सिक्खावयं एयं ॥ १ ॥
वज्जइ इह आणयणप्पओगपेसप्पओगयं चेव । सदाणुरूववायं तह वहिया पोग्गलक्खेवं ॥ २ ॥
इहलोकंमिवि पइदिण दिसपरिमाणंमि कीरमाणंमि । उभएवि नो अणत्था सागरदत्तस्स व हवंति ॥ ३ ॥
गोयमसामिणां भणियं—जयगुरु! को एस सागरदत्तो? कहं वा तस्स दिसिवयपरिमाणसेवणे इहपारभविया-
णत्थप्पणासो जाओत्ति साहेसु, महंतमिह कोऊहलं, भगवया जंपियं—परिकहेमि, पाडलिसंडे नयरे धणसारस्स
इब्भस्स सुओ सागरदत्तो नाम, सो य असेसवसणसयसंपरिग्गहिओ दुल्लियगोटीए परिगओ, तेहिं तेहिं पयारेहिं
दव्वविणासमायरइ, अन्नया य विणट्टंमि दव्वसारे गओ सो देसंतरेसु, पारद्धा य वहवे दविणोवज्जाणोवाया, समासा-
इयाइं कइयवि दीणारसयाइं, तेहिंवि गहिऊण किंपि भंडं गओ सिंधुदेसं, विणिवट्टियं तं च, उट्टिओ वहुलाभो,
जाओ से परितोसो, चिंतिउमारद्धो य—अहो किं इमिणा अत्थेण? जो नियसुहियसयणवग्गस्स न जाइ विणि-
ओगं?, ता गच्छामि निययनयरं, पेच्छामि जणगं, समप्पेमि तस्स अत्थसंचयं, दुप्पडियारो खु सो महाणुभावो,
विविहाणत्थसत्थेहिं मए संताविओ य इति परिभाविऊण गहियपवरजचतुरंगमो पयट्ठो पाडलिसंडपुराभिमुहं,
अविच्छिन्नपयाणएहिं इंतस्स अद्धपहेच्चिय जाओ वासारत्तो, अणिवारियपसरा निवडिया सलिलवुट्ठी, पवूढा गिरि-

देशावका-
शिके साग-
रदत्तकथा.

॥ ३२३ ॥

नईओ, नवहरियसहलं जायं धरणिमंडलं, नियनियगेहाइसु अलीणो पहियसत्थो, नएलचिफखलोत्तणेण दुग्गभी-
 ह्या भूमिमग्गा, तओ सो गंतुमसमत्थो तत्थेव य छाइऊण ठिओ, अन्नदिवसे य चरमाणानं तुरंगमाणं अणुगंग-
 लग्गो जाव कित्तियंपि भूभागं वचइ ताव गिरिगुहागओ एगचलणोवरिनिहियसघंगभारो धम्मनिचओष मुत्तिमंतो
 उवसंतपरोप्परवेरेहिं हरिहरिणसहूलसूयरपमुहतिरिएहिं परिचत्तचरणपाणिएहिं उयासिजमाणो चउमासतपोपिरोरां
 पडिवन्नो दिट्ठो अणेण अज्जसमिओ नाम चारणो मुणिवरो, तं च दट्ठण परगविम्हयमुपट्ठेण धित्तिं सागरदत्तेण-
 जहो अच्छरियमच्छरियं जमचंतदुट्ठसत्तावि एवमेयं महामुणिं पज्जुवासंति, न सपहा इयं एस सागद्विफणो, ता
 दंसणमवि एयस्स पवित्तयाकारणं, किं पुण विसेसवंदणंति समुच्छलियनिग्गरभत्तिपग्गभारनिस्सरंतरोमंचो समीये
 गंतूण पंचंगपणिवायपुरस्सरं निवडिओ से चलणेसु, मुणिणावि उस्सग्गं पाराविऊण भयोत्तिफाऊण धम्मलायेण
 पडिलाभिओ एसो, तओ हरिसवियसियच्छिणा भणियं सागरदत्तेण—भयवं ! किमेवं अइदुफरं सगायरह तुब्बे तथं ? किं
 वा निवसह एवंविहे एगंतवासे ?, को वा फलविसेसो एयस्स दुरणुचराणुट्ठाणंस्स ?, मुणिणा भणियं—भो महाणुभाव !
 एयस्स अवस्सविणस्सरस्स सरीरस्स एस चेव लाभो जमणुट्ठिज्जइ संजमो, एसो य मणसो एगत्तीकरणमंतरेण न सम्मं
 तीरइ काउं, अओ एगंतवासो सुतंवस्सीहिं सेविज्जइ, जं च तए भणियं—किमेअस्स फलं ?, तत्थ सुंदर ! निग्गाभेसु ।
 नरतिरियाइदुग्गइनिवायसंभवसुत्तिकखदुक्खाइं । दोग्गचवांहिवेयणजररणपमोअखवसणाइं ॥ १ ॥

श्रीगुणचंद्र
महावीरच०
८ प्रस्तावः

॥ ३२४ ॥

लीलाए चिय उम्मूलिऊण सचरियसंजमा पुरिसा । वचंति सिवपयं जेण तेण (महयं) फलं तस्स ॥ २ ॥
एत्तो चिय सप्पुरिसा रज्जं लच्छि च भोगविच्छडं । एकपए चिय मोत्तुं संजमजोगं पवजंति ॥ ३ ॥
ते धन्ना कयपुन्ना ते चिय कल्लाणकोसभूया य । जे परलोयसुहावहमेगं धम्मं उवचिणंति ॥ ४ ॥
तत्तो सागरदत्तेण जंपियं जायपरमसद्धेण । भयवं ! भुवणच्छरियं एकं चरियं परं तुज्झ ॥ ५ ॥
पढमवए चिय जेणं विणिज्जिओ दुज्जओ विसमवाणो । उम्मूलिओ य मोहो निग्गहिओ कोहजोहोऽवि ॥ ६ ॥
विद्धंसिओ य लोभो पणासिओ सव्वहाऽभिमाणोऽवि । नियडिक्कुडंगीगहणं निदहं ज्ञाणजलणेण ॥ ७ ॥
एवंविहेण तुमए पवित्तियं तिहुअणंपि नीसेसं । भवकूत्रे निवडंतो जाओ लोगोऽवि सालंबो ॥ ८ ॥
एक्को अहं अधन्नो जो तुच्छेहियसुहस्स कज्जेणं । अज्जवि तुम्ह समीवे पवज्जं नो पवज्जामि ॥ ९ ॥
चिंतामणिलाभंमिवि अहवा जो जेत्तियस्स किर जोगो । सो लहइ तत्तियं चिय ता मम उचियं कहह धम्मं ॥ १० ॥
एवं तेण भावसारं निवेइए निययाभिप्पाए पयडिओ साहुणा सम्मत्तमूलो दुवालसवयसणाहो सावगधम्मो,
गहिओ अणेण, तओ कइवयवासराइं परिचत्तवावारंतरो तमेव सावगधम्मं सप्पभेयं सुणिणो समीवे सम्मं चियाणिऊण
समागए सरयसमए उवसंतासु गिरिसरियासु वहंतेसु पहिएसु ते जच्चतुरए गहाय गओ नियनयरं, दिट्ठो जणगो,
समप्पियं च से दविणजायं, जाओ य इमस्स परितोसो, सो य सामाइयाइधम्मनिरओ कालं बोलेइ । अवरंमि य वासरे

देशावका-
शिके साग-
रदत्तकथा.

॥ ३२४ ॥

कओ सागरदत्तेण दिसिगमणसंखेवो, जहा अज्ज अहोरत्तंपि न गेहाओ वाहिं नीहरिस्सामित्ति, एत्थ य पत्थावे
 चरणद्वया गया ते जच्चतुरंगा, हरिया दोहिं चोरोहिं, तदवहरणं च निवेइयं रक्खगेहिं सागरदत्तस्स, तेणावि नियध-
 म्माणुद्वाणनिच्चलचित्तत्तणेण निसामिऊणवि न दिन्नं पञ्चुत्तरं, सयणवग्गोवि लग्गो जंपिउं-अहो सागरदत्त ! किमेवं
 कट्टसमो मोणमवलंबिय चिट्ठसि ? न धावसि चोराणुमग्गओ, जओ गोसामिए उदासीणे तयणुचरा कह पयट्ठंति ?,
 सागरदत्तेण भणियं-होउ किंपि, न विराहेमि मणागंपि नियवयं, तओ निच्छयमुवलम्भ रोसेण जहागयं पडिनियत्तो
 सयणवग्गो, इओ य-ते दोऽवि तक्करा पिट्ठओ कुडियमित्तमपेच्छमाणा निब्भया निरुक्खिग्गा गंतुं पयत्ता, गच्छंताण
 य नीसेसतुरगगंहणलोभदोसेण समुप्पन्नो दोण्हंपि परोप्परं वहपरिणामो, तओ भोयणसमए पविट्ठा एगंमि' गामे,
 कारावियं रंधणीगिहेसु पुढो पुढो थालीसु भोयणं, पक्खित्तं च अणलक्खिज्जमाणेहिं तत्थ दोहिवि महाविसं, सिद्धे
 य भोयणे कयतकालोचियकायद्या अमुणियावरोप्पराभिप्पाया उवविट्ठा भोयणं काउं, अह पढमकवल-
 कवलोऽवि अभिभूया ते विसविगारेण, निवडिया महीयले, कओ महाणसिणीए कलयलो, मिलिओ गामलोगो, क-
 हिओ अणाए बुत्तंतो, ते य विसाभिभूया गया तक्खणमेव पंचत्तं, तुरंगमावि निस्सामियत्तिकाऊण रक्खिया
 गामजणेण, इओ य-सागरदत्तो पडिपुन्नंमि देसावगासियनियमे जिणविंवपूयापडिवत्तिं काऊण कइययपुरिस-
 पक्खित्तो चलिओ तुरयाणुमग्गेण, अच्चंतविसिट्ठसउणोवलंभे य जायलाभनिच्छओ समुप्पन्नचित्तुच्छाहो अविंलंबि-

श्रीगुणचंद्र
महावीरच०
८ प्रस्तावः

॥ ३२५ ॥

यगईए संमुहमागच्छन्तं पहियल्लोयं तुरयपउत्तिमापुच्छंतो कम्मधम्मसंजोएण पत्तो तं चेव गामं, पुट्टो य तन्निवासि-
जणो, तेणावि समप्पिया तुरगा, कहिओ य चोरवुत्तंतो, सागरदत्तेणऽवि साहिओ गामलोगस्स नियभवइयरो, अओ
जिणिंदधम्मपसंसा ॥

अह सागरदत्तेणं चिंतियमुप्पन्नभवविरागेण । जह जिणधम्मपभावो पच्चक्खं चिय मए दिट्ठो ॥ १ ॥
ता किं अज्जवि वामूढमाणसो तिक्खदुक्खदायारं । घरवासं पासंपिव सयखंडं नेव तोडेमि ? ॥ २ ॥
इय चिंतिऊण चत्ताइं तेण सद्वाणि पावठाणाणि । गहिया जिणिंददिक्खा सिवसुहभागी य जाओ य ॥ ३ ॥
इय इंदभूइ ! सिक्खावयस्स बीयस्स पालणे भणियं । फलमेत्तो तइयं पुण भणिमो सिक्खावयं ताव ॥ ४ ॥ १० ॥
आहारदेहसक्कारवंभवावारचागनिप्फण्णं । इह पोसहंति वुचइ तइयं सिक्खावयं पवरं ॥ १ ॥
दुविहं च इमं नेयं देसे सवे य तत्थ सव्वंमि । सामाइयं पवज्जइ नियमा साहुव उवउत्तो ॥ २ ॥
अप्पडिदुप्पडिलेहियऽपमज्जसेज्जाइ वज्जई एत्थ । सम्मं च अणणुपालणमाहारार्इसु सवेसु ॥ ३ ॥
पोसेइ कुसलधम्मे जं ताहाराइचागणुट्ठाणं । इह पोसहोत्ति भण्णइ विहिणा जिणभासिएणेव ॥ ४ ॥
पाणंतिगोवसग्गेऽवि पोसहं घेत्तु जे न खंडंति । जिणदासो इव ते सुरसुहाइं मोक्खं च पावंति ॥ ५ ॥
गोयमसामिणा भणियं-भुवणेक्कदिवायर ! को एस जिणदासो ?, भयवया वागरियं-साहेमि, वसंतपुरे नयरे

देशावका-
शिके साग-
रदत्तकथा.

॥ ३२५ ॥

अचंतमवविरत्तचित्तो सघनुवइदुपरमत्वभावियमई जिणदासो नाम सावगो, नावव पडिकूलचारिणी मंगलमुत्तिव
 तिपरागाणुगया मंगला नाम से भारिया, सो य बहुसो सामाइयपोसहतवोविसेसनिसेवणाभिरओ पवजं पडि-
 वज्जिउकामो बलतुलणं करेइ । सा य से भारिया अचंतसंकिलिट्ठयाए उक्कडेवयत्तणेण समणं व तं विजियमयण-
 वियारमवलोइऊण फरुसगिराए निब्भच्छंती भणइ—

हे मुद्ध! धुत्तलोएण वंचिओ तंसि विज्जमाणेवि । जो भोगे वज्जित्ता अविज्जमाणं महसि मोक्खं ॥ १ ॥
 निहक्खण! दुरणुचरं तवोविसेसं निसेविडं कीस । सोसेसि नियसरीरं? किं अप्पा वेरिओ तुज्झ? ॥ २ ॥
 जइ तं विसयविरत्तो पढमं चिय ता न कीस पवइओ । जाओ? जमिण्ह मं परिणिऊण एवं विडंवेसि ॥ ३ ॥
 जइ तं ममनिरवेक्खी जहाभिरुइयं करेसि एवं च । अहमवि तुह निरवेक्खा जं भावइ तं करिस्सामि ॥ ४ ॥
 एवं तीए मज्जायवज्जिए जंपियंमि जिणदासो । उवसमभावियचित्तो महुरगिराए इमं भणइ ॥ ५ ॥
 भइ! सद्धम्मपरम्मुहासि निम्भेरमुल्लवसि तेण । तुच्छेऽवि विसयसोक्खे कहऽन्नहा होज्ज पडिवंधो! ॥ ६ ॥
 धोयं जीयं जरमरणरोगसोगाऽणिवारियप्पसरा । एवं ठिएवि कह सुयणु! कुणसि तं विसयवामोहं? ॥ ७ ॥
 तीए(ता) भणियं होउ अलं तुज्झ सद्धम्मदेसणाए ममं । सयमवि नडो दुचेट्ठ! धिट्ठ अन्नंपि नासेसि ॥ ८ ॥
 इय तीए दुट्ठनिट्ठरमुहीए दुव्विणयमूलभूमीए । निब्भच्छिओ समाणो जिणदासो मोणमल्लीणो ॥ ९ ॥

अत्रया य चउहसिदिणंमि पडिवन्नो अणेण उववासो गहिउं चउविहंपि पोसहं, ठिओ य गिहेगंतभूयाए जाण-
सालाए निसिंमि काउस्सग्गेण, मंगलावि मयरद्धएण वाहिज्जमाणी उज्झियकुलाभिमाणा अगणियाववाया नीय-
गामिणीउ कामिणीउत्ति य पवायं सच्चविन्तिव घडिया सह विडेण, गेहजणलज्जाए पयडं चिय अकज्जमायरिउ-
मपारयंती पुवदिन्नसिंगारेण विडेण सद्धिं रयणीए समागया तं चेव जाणसालं, अच्चंधयारत्तणेण काउस्सग्गट्टियं
जिणदासमपेच्छमाणीए तंमि चेव पएसे पक्खित्तो लोहकीलगतिकखपइट्टाणो पलंको अणाए, तक्कीलगेण य समी-
ववत्तिणो जिणदासस्स विद्धो सहावकोमलो चलणो, सा य विडेण सद्धिमकज्जमायरिउमारद्धा ।

जिणदासो पुण अइतिकखलोहकीलगविभिन्नचलणतलो । उप्पन्नगाढवियणो चिंतिउमेवं समाढत्तो ॥ १ ॥

मा ! जीव काहिसि तुमं मणागमेत्तंपि चित्तसंतावं । सयमवि दिट्ठे विलिए भज्जाएँ अकज्जसत्ताए ॥ २ ॥

जं परमत्थेण न एत्थ कोऽवि भज्जा व सयणवग्गो वा । किंतु सकज्जविणासे सवंपि परंमुहं ठाइ ॥ ३ ॥

अविय-तावचिय दंसइ पणइभावमायरइ ताव अणुकूलं । निययत्थविसंवायं जाव न पेच्छइ पणइलोगो ॥ ४ ॥

ता एयाए धम्मत्थसुन्नचिंताए एत्थ को दोसो ? । इत्थी सभावओ चिय दुग्गेज्झा वुचई जेण ॥ ५ ॥

अइरक्खियावि अइपालियावि अइगाढरूढपणयावि । वाढं उवयरियाविहु देइ दुरंतं भयं महिला ॥ ६ ॥

एत्तो चिय सुणिवसभा सुवुद्धिमाहप्पमुणियपरमत्था । पच्चक्खरक्खसीहि व महिलाहिं समं न जंपंति ॥ ७ ॥

ता ते चिय इह धन्ना सुलद्धनियजम्मजीवियफला य । जे उज्झिऊण महिला संजमसेलं समभिरूढा ॥ ८ ॥
 धन्नो सणकुमारो जो पुरमंतेउरं सिरिं रज्जं । उज्झित्ता निक्खंतो परमप्पा मोक्खसोक्खकए ॥ ९ ॥
 एको अहं अधन्नो जो कुलडाए अणत्थमूलाए । दुट्ठमहिलाए कजे एवं वुत्थोऽग्घि घरवासे ॥ १० ॥
 अहवा समइकंतत्थसोयणेणं इमेण किं बहुणा ? । एत्तोविं सच्चविरइं भावेणाहं पवज्जामि ॥ ११ ॥
 इय चित्तिऊण तेणं तिविहंतिविहेण वोसिरिय संगं । पंचपरमेट्ठिमंतो पारद्धो सरिउमणवरयं ॥ १२ ॥
 अह पवलचलणपीडोवकमियाऊ चइत्तु नियदेहं । भासुरसरीरधारी देवो वेमाणिओ जाओ ॥ १३ ॥
 आउक्खयंमि तत्तो सो चविऊणं विदेहवासंमि । निट्ठवियकम्मगंठी पाविस्सइ सासयं ठाणं ॥ १४ ॥
 इय गोयम ! निचलमाणसस्स जिणंभणियधम्मकज्जंमि । जायइ जीवस्स धुवं अकालखेवेण सिवलाभो ॥ १५ ॥ ११ ॥
 भणियं तइयं सिक्खावयं इमं संपयं पुण चउत्थं । एदंपज्जसमेयं जह होइ तहा निसामेह ॥ १ ॥
 अन्नाईणं सुद्धाण कप्पणिज्जाण देसकालजुयं । दाणं जईणमुचियं चउत्थ सिक्खावयं एयं ॥ २ ॥
 सच्चित्तनिक्खवणयं वज्जइ सच्चित्तपिहणयं चेव । कालाइकम परववएस मच्छरिय पंचेव ॥ ३ ॥
 अन्नाईण पयाणं निचंपिय होइ गिहिजणस्सुचियं । जइणो पडुच किं पुण पोसहउववासपारणए ? ॥ ४ ॥
 अतिहीण संविभागं नूणमकाउं न जे पजीमंति । ते साहुरक्खिओ इव देवाणवि होंति महणिज्जा ॥ ५ ॥

श्रीगुणचंद
महावीरच०
८ प्रस्तावः

॥ ३२७ ॥

गोयमेण जंपियं—भुवणत्तयसामिसाल ! साहेसु को एस साहुरक्खिओ?, कहां देवमहणिज्जोत्ति, भगवया वागरियं—
आयन्नसु—अत्थि सयलदिसावलयविकखाया वाणारसी नाम नयरी, तहिं वसू नाम राया, सवन्तेउरपहाणा वसुमई
देवी, वणियल्लोयसम्मओ जिणपालिओ सेट्ठी, जिणमई से भारिया, एयाणि चत्तारिवि परमसावगाणि परोप्परं
परूढगाढपेम्माणि य एक्कचित्तत्तणेणं जिणधम्मं पालिंति, अन्नया सेट्ठिणी नरिंदपत्ती य पंचवन्नसुरहिकुसुमदहि-
यक्खयसुगंधिगंधधूववासपडिपुन्नपडलकरपरियरियाओ गयाओ जिणालयं, विरइया अणेगविच्छित्तिमणहरा सव-
न्नुविंवाण पूया, तओ विचित्तथुइथुत्तदंडएहिं सुचिरं जिणं थुणिऊण पयाहिणं दाउं वाहिं नीहरिया, ताहिं एगत्य
पएसे अचंतदुइंसणो मच्छियाजालाभिणिभिणारावभीसणो वणमुहनिस्सरंतकिमिसंवलियपूयप्पवाहो सडियंगुलि-
नासोट्ठो कुट्टवाहिविणट्टदेहो दिट्ठो एगो पुरिसो, तं च दइण देवीए भणियं—भो महाणुभाव ! कीस सवन्नूणमासा-
यणं इहट्ठिओ करेसि?, तेण भणियं—नाहमेत्थ निवासत्थी समागओ, किंतु चेइयवंदणत्थं, सेट्ठिणीए भणियं—देवि !
जइ इत्तियमेत्तमेव पओयणं पडुच्च अच्छइ ता अच्छउ, को दोसो?, जओ सुस्समणावि जाव चेइयाइं वंदंति
वक्खाणं वा करिंति सिणाणं वा पेच्छंति (सिस्साणं वायणं वा पयच्छंति पु.) ताव जिणभवणे निवसंति, देवीए
भणियं—तहावि विणट्टसारीरत्तेण न जुज्जइ एयस्स अच्छिउं, अहवा निट्ठीवणाइं अकरिंतो सम्मसुवउत्तो निमेसमित्तं
जिणविंवावलोयणेण अप्पणो समाहिमुप्पाएउ, किमजुत्तं?, सेट्ठिणीए भणियं—एवमेयं, को महाणुभावस्स एयस्स

अतिथि-
संविभागे
साधुरक्षित-
कथा.

॥ ३२७ ॥

अवराहो?, दुष्पडियाराणि पावकम्माणि एवंविहाहिं विडंबणाहिं कयत्थिंति निस्सरणं पाणिगणं, देवीए भणियं—
 अलमुच्चावयभणियघेणं, भो महाणुभाव ! सांहम्मिओत्तिकाऊण पूयणिज्जोसि तुमंति ता साहेसु—किं ते पियं की-
 रउ?, तेण जंपियं—किमेत्थ कायघं अत्थि?, पुधिं दुच्चिन्नाणं कम्माणं फलविवागमणुहवंतस्स समाहिमरणं चिय मे
 पत्थियघं, तंपि भागविवज्जएण दुल्लंभं व लक्खिज्जइ, ताहिं भणियं—कहमेवं जाणिज्जइ?, कुट्टिणा भणियं—अहं
 मंदभग्गो, अइसइणा भणियं—जहा तुमं मरणकाले सम्मत्तं वमिहिसि तेणेमं जाणामि, चित्तसंतावं च उव्वहामि,
 ताहिं जंपियं—भइ ! तुह जइ एवं ता विसममावडियंति, एवं च खणमित्तं विगमिऊण विस्सियमणाओ गयाओ
 ताओ सगिहं । अन्नंमि य वासरे चउनाणोवगओ सूरतेओ नाम सूरी समोसरिओ, तओ सेट्टिणी देवी य गया
 तघंदणत्थं, सुया धम्मकहा, पत्थावे य पुच्छियं ताहिं—भयवं ! पुधं चेइए गयाहिं अम्हेहिं जो कुट्टी दिट्ठो सो कीस
 संमत्तं मरणसमए वमिही?, सूरिणा भणियं—सो पज्जंतसमए माणुस्सेसु आउवंधं काऊण उप्पज्जिही, न य गहिय-
 सम्मत्तो अणंतरभवे मणुअत्तं तिरियत्तं वा पावइ, जेण भणियं—

सम्महिट्ठी जीवो विमाणवज्जं न वंधए आउं । जइ उ न संमत्तजढो अहव न वद्धाउओ पुधिं ॥ १ ॥
 रायपत्तीए भणियं—कहिं पुण सो उव्वज्जिही?, सूरिणा जंपियं—एयाए सेट्टिणीए पुत्तत्ताएत्ति, एवं सोच्चा वि-
 स्सियाओ वंदिय सूरिं नियत्ताओ ताओ सगिहं, निरूवाविओ भाविपुत्तसिणेहेण सो कोट्टी सेट्टिणीए, न य कहंचि

दिट्टो, अइकंतेसु य कइवयवासरेसु सो मरिऊण पाउब्भूओ तीए सेट्टिणीए गब्भे, जाओ य पडिपुन्नदियहेहिं, कयं वद्धावणयं, समागओ राया सह वसुमईए देवीए, कयमुचियकायवं सेट्टिणा, तं च देवकुमारोवमं दारयं पेच्छिऊण भणियं देवीए-भो जिणमइ ! पेच्छ अच्छरियरूवं कम्मपरिणइं,

नीणंतपुयपवहो भीसणवणनिस्सरंतकिमिजालो । मच्छीहिं भिणिभिणंतो सडियंगुलि गलियनासोट्टो ॥ १ ॥

एवंविहो वराओ तुज्झ गिहे पवरविहवकलियम्मि । उववन्नो कयपुन्नो सो कोट्टी कह विसिट्ठंगो ? ॥ २ ॥

सेट्टिणीए भणियं-देवि ! एवंविहे संसारविलसिए परमत्थेण न किंपि अच्छरियमत्थि, जओ-कम्मवसवत्तिणो पाणिणो केण केण पयारेण न परिणमंति?, देवीए जंपियं-एवमेयं, अह अइकंते वारसाहे कयं से नामं साहुरक्खियत्ति, कालेण य पत्तो कुमारभावं, गाहिओ कलाओ, संपत्तजोवणो सोहणंमि तिहिमुहुत्तंमि परिणाविओ इब्भकन्नगं, विवाहपज्जंते य समाहूओ सेट्टिणा देवीए समेओ राया, पूइओ पहाणरयणाभरणवत्थसमप्पणेण, पाडिओ ताण चलणेसु नववहूसणाहो साहुरक्खिगो, सो य देवीए सहासं भणिओ-वच्छ ! पेच्छ तं तारिसं इमं च एरिसं, साहुरक्खिएण भणियं-अंव ! न याणामि इमस्स अत्थं, एवं च तेण कहिए हसियं सहत्थतालं परोप्परं देविसेट्टिणीहिं, तओ रत्ता जंपियं-सेट्टि ! किमेयाओ हसंति?, सेट्टिणा भणियं-देव ! अहंपि सम्मं न याणामि, अओ ममावि कोउगं, पुच्छउ देवो, तओ पुच्छियं रत्ता-देवि ! किमेवं तए वागरियं?, सब्बहा साहेहत्ति वुत्ते तीए

सिद्धो गुष्ठो कुट्टियुत्तंतो, तं च सोचा सुमरियपुवभवो साहुरक्खिओ परं निवेयमावन्नो संसारवासस्स । अन्नया य
तप्पुन्नपन्मारसमागरिसिओव समागओ विजयघोसो नाम सूरी, पउरलोगेण समं सो गओ तवंदणत्थं, सविणयं
पणमिऊण निसन्नो गुरुचलणंतिए, सुया धम्मदेसणा, तहाविहकम्मक्खओवसमेण जाओ से देसविरइपरिणामो,
पडियन्नो य सूरिसमीये दुवालसरूवो सावगधम्मो, अन्नया य अट्टमीए कओ अणेण पोसहोववासो, इओ य
कप्पसमत्तीए विहरिया सूरिणो, सो य पारणगदिवसे पोसहं पाराविऊण उचियसमए अतिहिसंविभागं काउमणो
पट्टिओ य साहुसमीये, गेहाओ नीहरंतो य भणिओ जणणीए-वच्छ ! कहिं वचसि?, भुंजेषु ताव सिद्धं वट्टइ, साहुर-
क्खिएण भणियं-अम्मो ! अतिहिसंविभागवयं पडिवज्जिय कहं गुरुणो असंविभाइयं सयं भुंजामि ?, ता वाहरामि
ताव साहुणो, तीए भणियं-पुत्त ! विहरिया अन्नत्थं भयवंतो किं न याणसि तुमं ?, एवं तीए कहिए गहिओ सो
रणरणण समाहओ सोगेणं पारद्धो अरइए, नियत्तिऊण य पडिओ मंचिए, चिंतिउमाढत्तो य—

कह पोसहोववासो कओ मए ? कह व विहरिया गुरुणो ? । अन्नं चिंतियमन्नं च निवडियं मंदमग्गस्स ॥ १ ॥

अहवा मरुत्थलीए किं कप्पतरू कयावि उग्गमई । मायंगमंदिरे वा लज्जइ अइरावणो हत्थी ? ॥ २ ॥

आजम्मरोरगेहे विसट्टकंदोदलविसालच्छी । लच्छी कयावि पविसइ करयलरेहंतसरसिरुहा ? ॥ ३ ॥

अस्हारिसस्स किं वा पुत्रविहीणस्स एत्थ पत्थावे । अधरियचिंतामणिणो सुणिणो भिक्खट्टया इति ? ॥ ४ ॥
सग्गापवग्गसंसग्गमूलहेऊवि मज्झ पावस्स । एवं च निरणुबंधो मन्ने सम्मत्तलाभोऽवि ॥ ५ ॥
इय सो जाव अट्टदुहट्टो सोगसमुदयरुद्धकंठो अच्छइ ताव जणणीए पुणो भणिओ—अहो पुत्त ! मा चिरावेहि,
करेसु भोयणंति, साहुरक्खिएण भणियं—अम्मो ! अलाहि भोयणेण, जइ समणे एत्थ पत्थावे सहत्थेण न पडि-
लाभेमि ता निब्भंतं न भुंजामि, एत्थंतरे तद्देसमागएण दिट्ठो सो देवेण, तओ चिंतियमणेण—अहो महाभागस्स
परिणई अहो निययसरीरनिरेवेक्खया, ता तहा करेमि जहा पारेइत्तिविगप्पिऊण अणेण विउत्तिओ साहुसंघाडगो,
पविट्ठो तस्स गेहे, तं च पेच्छिऊण ससंभमं भणियं जणणीए—पुत्त ! तुह पुन्नोदएण आगया कत्तोऽवि साहुणो,
ता एहि सहत्थेण पडिलाभेसु संपयं, एवं सोच्चा अणणसरिसं हरिसुल्लासं वहंतो ज्झत्ति परिचत्तसयणिज्जो वंदिऊण
तवस्सिणो परमभत्तीए पडिलाभिऊण य कयकिच्चमप्पाणं मन्नंतो केत्तियंपि भूभागमणुगमिय नियत्तिओ सगिहं,
गिलाणाइचितं च काऊण जिमिओत्ति । एवं सो उभयलोगसाहगो जाओ ।

इय गोयम ! संखेवेण तुज्झ कहियाइं बारस वयाइं । एत्तियमेत्तो य इमो सावधम्मस्स परमत्थो ॥ १ ॥

एयस्स सेवणेणं गंतूण भवन्नवस्स पज्जंतं । पत्ता अणंतजीवा सासयसोक्खंमि मोक्खंमि ॥ २ ॥

ते धन्ना सप्पुरिसा तेहिं सुलद्धं च माणुसं जम्मं । जे भावसारमतुलं एयं धम्मं पवज्जंति ॥ ३ ॥

ता गोत्रम ! जं तुमए पुवं पुट्टोम्हि कह भवम्मि जिया । पुणरुत्तमणंतदुहोहपीडिया परिभमंतित्ति ? ॥ ४ ॥
 तत्पेमं चिय नणु मूलकारणं जन्न सहरिसं विरइं । सम्मत्तगुणसणाहं भणियविहाणेण गिण्हंति ॥ ५ ॥
 एयं कहिए तित्यंकरेण गिहिधम्मवित्थरे तुट्टो । पयवीढलीढसीसो पढमो सीसो जिणं थुणइ ॥ ६ ॥
 जय तियलोकपियामह ! वम्महमाहप्पनिइलणधीर ! । ललणासिंगारुम्भडकडक्खखेवेऽवि अक्खुब्भ ! ॥ १ ॥
 भवगत्तपडंतजणोहसरण रणरहिय महिय तियसेहिं । नायकुलंवरपुन्निममयंक ! जय जय निरायंक ! ॥ २ ॥
 एणेणवि जह तुमए पयत्यसत्था जए पवित्थरिया । तह अन्नतित्थिएहिं न समत्येहिवि मणागंपि ॥ ३ ॥
 तुह अत्यसारलेसं मन्ने रोरघ तित्थिया घेतुं । जाया अनन्नमाहप्पगधिया नाणविभवेण ॥ ४ ॥
 जं न हणिज्जइ दिणयरकरपसरपईवजोइरयणेहिं । चित्तम्भंतरलीणं तंपि तमं पडु ! हयं तुमए ॥ ५ ॥
 असरिसं जयगुरुगुरुभत्तिपभावनिस्सरंतरोमंचो । इय थोऊण निविट्टो सट्टाणे गणहरवरिट्टो ॥ ६ ॥
 एत्थंतरे दुवालसवयदेसणानिसामणसमुप्पन्नभववेरगोहिं केहिवि पडिवन्ना देसविरइं, अन्नेहिं उज्झियाइं मिच्छत्त-
 कायघाइं, केहिवि गहिया सबविरइं । इओ य सेणियनरिंदो थोवमेत्तंपि विरइं काउमसमत्थो तित्थाहिवं पणमिऊण
 मणिउमाढत्तो-भयवं ! जो अचंतमहारंभो महापरिग्गहो सबहा विरइरहिओ सो कहं भवन्नवं नित्थरिस्सइ ?
 जयगुरुणा भणियं-भो नरिंद ! सेणिय ! देसविरइं वा सबविरइं वा काउमपारयंतो सम्मत्ते निच्चलो होजा, एवं

जयगुरुणा उवइष्टे तहत्ति पडिवज्जिऊण जहागयं पडिगओ राया नमंतमउलिमंडलो, देवलोगं पट्टिया आखंडला,
विइकंता पढमा पोरसी । अह चारणगणेहिं थुवंतो जयगुरू सिंघासणाओ समुट्टिऊण पुवं चिय सुरविरइयंमि
देवच्छंदयंमि सुहसेज्जाए निसन्नो । गोयमसामीऽवि कप्पोत्तिकाऊण भगवओ मणिपायपीढासीणो धम्मदेसणं
काउमारद्धो । सो य केत्तियं पुवभवाइं साहइ ? केरिसो वा लक्खिज्जइ ?, तत्थ भन्नइ—

संखाईए उ भवे साहइ जं वा परो उ पुच्छेज्जा । न य णं अणाइसेसी वियाणई एस छउमत्थो ॥ १ ॥

असुरसुरखयरकिन्नरनरतिरिया मुक्कसेसवावारा । सवणंजलीहिं तद्देसणामयं परिपियंति दढं ॥ २ ॥

आइक्खइ गणनाहो धम्मं ता जाव पोरिसी बीया । पच्छा पइदिणक्किच्चं सामायारिं समायरइ ॥ ३ ॥

एवं च समइकंतेसु कइसुवि वासरेसु एयंमि वासरे सिंहासणे निसन्नस्स वद्धमाणस्स नियनियट्टाणनिविट्टे चउ-
विहेवि देवनिकाए पंजलिउडं पज्जुवासमाणे य सेणियमहानरिंदे एगो सुरो मायासीलयाए कुट्टिरुवं विउवि-
ऊण सरसगोसीसचंदणरसच्छडाहिं सरीरविणिस्सरंतपूयसंकाकारिणीहिं भयवओ समीवमल्लीणो चलणकमलवि-
लेवणं काउमारद्धो, तं च तहाविहं दुगुंछणिज्जरुवं पेच्छिऊण चिंतियं सेणिएण—अहो को एस दुरायारो गलंत-
गाढकोढसुढियसरीरदुग्गंधगंधवाहेण दूमितो सयलंपि परिसं भुवणेक्कगुरुणो समीवट्टिओ एवं अच्चासायणं
कुणइ ?, अहवा कुणउ किंपि ताव उट्टियाए पुण परिसाए अवस्सं मए निग्गहियवोत्ति विकप्पंतेण छीयमाणेण

अह कोढियसुरेण भणियं-जीवसुत्ति, मुहुत्तंतरे य वोलीणे छिक्कियमभयकुमारेण, पुणो तेण भणियं-जीवाहि वा
 मराहि वा, कालसूयरिण छीए भणियं-मा जीव मा मर, समइकंते य खणंतरे भुवणेद्धगुरुणा छीयं, भणियं-मर-
 सुत्ति, तं च सोच्चा अच्चंतजिणनाहपक्खवाएण वियंभियपवलकोवानलेण राइणा भणिया समीववत्तिणो पुरिसा-
 अरे एयं दुरायारं गुरुपच्चणीयमुट्टियाए परिसाए हत्थे घेत्तूण मे समप्पेज्जह जेण दंसेमिदुव्विणयफलं, तेहिं भणियं-जं
 देवो आणवेइत्ति, अह जायंमि पहरपज्जवसाणे सट्ठाणं पट्टिएसु तियसेसु सो कुट्टिसुरो जयगुरुं परमायरेण पणमिऊण
 गंतुमारद्धो, ते य पुरिसा नरिंदाएसमणुवत्तंता तं घेत्तुमुवट्टिया, तयणंतरं च एस गओ एस गओ सो कुट्टी एवमु-
 छयंतण रायपुरिसाण पुरओ देवो अहसणं पत्तो, [इय वाहरंतेहिं] तेहिं विलक्खीभूयमाणसेहिं निवेइयमेयं राइणो,
 अह वीयदिवसे परमकोऊहलमुव्वहंतेण रत्ता पत्थावे पुच्छिओ जयगुरु-भयवं! अइकंतवासरे तुमं समीववत्ती कुट्ट-
 विलीणकाओ अविभावणिज्जसरूवो को पुरिसो आसि?, भयवया जंपियं-महाराय! देवो, सो संपयं दहुरंकविमाणे
 समुप्पन्नो, रत्ता भणियं-कहं चिय?, भगवया वागरियं-निसामेसु,

अत्थि वच्छाविसए कोसंवी नाम नयरी, तहिं च सयाणिओ नाम नरवई, साडुयगो नाम माहणो, सो य ज-
 म्माणंतरमेव रुंददारिद्रोवद्वपीडिओ कहकहवि कणवित्तीए कालं गमेइ, अन्नया य आवन्नसत्ताए खरमुहीनामाए
 भज्जाए भणिओ एसो-भो वंभण! आसन्नो पसवसमओ, न य घरे घयतंदुलाइं अत्थि, ता कीस निचिंतो चिड्ढसि?

श्रीगुणचंद्र
महावीरच०
८ प्रस्तावः

॥ ३३१ ॥

तेण भणियं-भहे ! पइदिणभिकखाभमणेण नट्टा मे बुद्धी, ता तुमं चैव साहेसु को एत्थ पत्थावे दवज्जणोयाउत्ति ?
तीए भणियं-गच्छ, पत्थिवं ओलग्गेषु सत्तायरेण, न तं विणा अवणिज्जइ दालिहंति बुत्ते सो पइदिणं कुसुमहत्यो
पत्थिवं ओलग्गिउमाढत्तो, अन्नयां य अणुकूलयाए विहिणो से विणयमवलोइऊण तुट्टो राया, भणियं च तेण-भो
बंधण ! मग्गसु जहिच्छियंति, तेण भणियं-देव ! बंधणिं आपुच्छिऊण मग्गामि, अणुमन्निओ रत्ता गओ गेहंमि,
भणिया बंधणी-भहे ! तुट्टो राया, ता साहेसु किमहं पत्थेमि ? तीए भणियं-पइदिवसमग्गासणे भोयणं दीणारं
दक्खिणाए दिणमज्जे एगवारं ओसारयं च पत्थेहि, एत्थियमेत्तेण चैव तुज्झ पओयणं, किमन्नेण किलेसायासनि-
बंधणेण अहिगाराइणत्ति ? पडिस्सुयमणेणं, निवेइयं च एयं रत्तो, पडिवन्नं च तेण, एवं च राइणो पुरो पइदिणं
भुंजमाणो जाओ सो महाधणो, रायाणुवित्तीए य पइदिणमामंतिज्जइ भोयणकरणे य मंतिसामंतेहिं, दक्खिणालोभेण
य सो गले अंगुलीपक्खेवपुव्वयं पुव्वभुत्तभोयणं वमिऊण पुणो पुणो अवरारविहिंसु भुंजमाणो गहिओ कुट्टवाहिणा,
संभिन्ना सव्वेवि तस्स सरीरावयवा, दुहंसणोत्ति पडिसिद्धो राइणा, तट्टाणे से पइट्टिओ जेट्टपुत्तो, सो य रायउलंमि
भोयणं लहइ, इयरो य वेलाए भोयणमेत्तमवि अपावमाणो पुत्तेहिं एगंतपरिचत्तो परिभूयमप्पाणं कलिऊण हिययंतो
अमरिसमुव्वहंतो चित्तेइ-अहो अकयन्नुओ खलसहावो य पुत्ताइपरियणो जेण सं एवं परिभवइ, ता तहा करेमि जहा
एयस्सवि एसा अवत्था हवइत्ति चित्तिऊण वाहराविओ तेण जेट्टपुत्तो, भणिओ य-वच्छ ! बहुरोगभरविहुरियस्स

संस्कृत-
द्विजकथ

॥ ३३१ ॥

तुभ्यारिसमुहकमलेपलोयनेऽपि असमन्त्यस्स मे न जुज्झस्व खणपि जीविउं, केवलं वच्छ । अहं कुले एसं समायारो-
 मन्तेहिं पमुं विरमभिमन्तिऊणं कुडुवस्स भक्खणत्थं पणामिज्झइ, पच्छां अप्पां उवसंहरिज्झइ; एवं कएं पुत्ताइसंतं-
 णस्स कत्ताणं हयइ, तां संपाडिज्जउ मे एको पसू जेणऽहं तहा करेमिं, परितुट्टेण समप्पिओ पुत्तेण; तेणावि घया-
 णा अप्पाणं अभमंगिऊण उवलणियाओ पइदियहं भुंजावंतेण कुट्टवाही संचारिओ तस्स, वाहिसंभिन्नगत्तं च तं
 मुणिऊण आहओ तेण जेट्टपुत्तो, भणिओ य-पुत्त ! एस पसू मए अभिमन्तिओ वट्टइ, ता तुमं सपरियणो एयमंस-
 मुंभुंजसु जेण कत्ताणभागी भवसिं, अहंपिं सरीरचायं करेमिं, तहा कयं पुत्तेण, संकतो यं तम्मंसभोयणेणं सपरि-
 यणस्स तस्स कुट्टवाही, तओ पहिट्टहियओ सो निग्गओ नयराओ, पइदिणं गच्छमाणो पत्तो महाडविं च, तत्थं य-
 गिम्हुक्किलंतो तण्हासुसियकंठो संलिलत्तेसणत्थं इओ तओ परिभमंतो गओ एगं गिरिनिगुंजं, दिट्ठं च तत्थं विचि-
 त्तकसायतरूपत्तपुष्फफलरसंपागंकलिलं संलिलं, तं च आकंठं पीयमणेणं, तवसेण य जाओ से विरेगो, निवडियाइं किं-
 मिजालाइं मुज्झिउमारद्धं सरीरं, एवं च अणुदिणं तप्पाणेण पणट्टकुट्टवाही जायपुणन्नवसरीरो नियत्तिऊण गओ
 सगिंहं, तहिं च गलंतकुट्टविणट्टदेहं पुत्ताइपरियणं दट्ठूण सामरिसं जंपियं तेण-अरे पेच्छह नियदुच्चिलसियाणं
 कडुवियागं, तेहिं भणियं-कहं चियं?, एवं पुच्छिणं तेण सिट्ठो पुव्वुत्तंतो । ताणि य एवमायत्तिऊणं रुट्ठाइं अको-
 सिउमारद्धां । कहं चियं ?—

श्रीगुणचंद्र
महावीरच०
८ प्रस्तावः
॥३३२॥

रे पावकम्म! निग्घण! चिलायसमसील! एरिसं काउं । अज्जवि अम्हाण पुरो कह नियवयणं पयासेसि ? ॥ १ ॥
मायंगाणवि अणुचियमेवंविहकम्ममायरंतेण । नरयंमि पाडियाओ कुलकोडीओ असंखाओ ॥ २ ॥
दुज्जम्मजाय! तुमए लोयपवाओऽवि एस किन्न सुओ । जं सकरवट्ठिओ विसतरुत्ति नो छिंदिउं जुत्तो ? ॥ ३ ॥
इय गेहजणेण बहुप्पयारदुव्वयणदूमियसरीरो । तत्तो विणिक्खमित्ता संपत्तो एत्थ नयरम्मि ॥ ४ ॥
छुहाभिहओ य अल्लीणो नयरदुवारपालस्स, तेणावि किंपि भोयणविसेसं दाऊण भणिओ—अरे इह दुवारदे-
वयाए समीवट्ठिओ चिट्ठेज्जासु जाव अहं भयवंतं महावीरं वंदिऊण आगच्छामित्ति, पडिवन्नं च तेण, इयरोऽवि
आगओ मम वंदणत्थं, तत्थ य पत्थावे ऊसवविसेसवसओ पुरनारीजणो बलिपूयलियाईहिं तीसे दुवारदेवयाए पूयं
करेइ, सो य माहणो रोरव्व अच्छिन्नवंछो तं बलिं भक्खिऊण पकामाहारेण रयणीए समुप्पन्नतण्हो अइभरियपो-
ट्टत्तणेण अंतो अमायंते सलिलंमि अट्टज्जाणोवगओ मरिऊण इहेव नयरादूरवत्तिणीए पउरजलभरियाए वावीए
दहुरो जाओ, तत्थ य जाव पज्जत्तीभावमुवागओ ताव निसामेइ जलवाहिविलयाणं परोप्परोल्लावं, जहा—हले! हले
सिग्घं पयच्छसु मे मग्गं जेण कयकायवा झत्ति भयवंतं महावीरं वंदामित्ति, एयं च सुणंतस्स कत्थवि मए एस
सदो सुयपुव्वोत्ति ईहापोहमग्गणं कुणंतस्स समुप्पन्नं से जाईसरणं, सुणिओ पुव्वजम्मो, तओ अहंपि तं भयवंतं
वंदामित्ति चिंतिऊण भत्तीए नीहरिओ वावीओ, पयट्ठो आगंतुं रायमग्गेण, तक्खणं च तुह तरलतुरयखरखुरप्प-

सेडुक-
द्विजकथा.

॥ ३३२ ॥

हारजजरियसरीरो सुहृद्भवसायवसेण मओ समाणो दहरंके विमाणे देवत्तणेणमुप्पत्तो, अवहिमुणियपुव्ववइयरो य मम वंदणत्थं आगओ । ता देवाणुप्पिया ! न एस कुट्टी, किंतु-सुरोत्ति ॥

सेणिएण भणियं-भयवं ! कीस पुण इमेण मया छीए भणियं-जीव, अभयकुमारेण छीए-जीव वा मर वत्ति, कालसूयरिएण छिक्किए-मा जीव मा मर, तुब्भेहिं छीए भणियं-मरसुत्ति, जयगुरुणा जंपियं-सुणासु एत्थ कारणं-तुमं हि जीवमाणो रज्जसुहसुवभुंजसि, मरणे य नरयं गमिस्ससि, अओ अणेण महाणुभावेण भणियं-जीवसुत्ति । अभयकुमारोऽवि धम्मनिरतत्तणेण सावज्जवज्जणरई ता तस्स जीवमाणस्स रायलच्छिभोगो मयस्सवि सुरसोक्खलाभो, अओ जंपियं जीव वा मर वत्ति, कालसूयरिओऽवि जीवमाणो अणेगनिरवराहपाणिगणघायेणण वहुं पावमज्जिणइ, मओ पुण नियमा नरयगामी, तेण भणियं-मा जीव मा मरत्ति, अवि य—

अइदुट्ठकम्मवसओ अवस्स गंतव्व नरयठाणेण । नरनाहाईण परं जीवियमेकं हवइ सेयं ॥ १ ॥

तव नियमसुट्ठियाणं कल्लाणं जीवियंपि मरणंपि । जीयंतऽज्जंति गुणा मयावि पुण सोग्गइं जंति ॥ २ ॥

अहियं मरणं अहियं च जीवियं पावकम्मकारीणं । तमसंमि पडंति मया वेरं वहुंति जीवंता ॥ ३ ॥

जं च मए छीयंमि मरसुत्ति भणियं तत्थवि इमं निमित्तं-तुमं किमिह मच्चलोए विविहावयानिवासभूए वससि ?, जं न माणुस्सं विग्गहसुज्झिऊण एगंतसुहं सिवं गच्छसित्ति ।

अह सेणियनरिंदो पुवुत्तनरयनिवडणायन्नणंजायगाढसोगावेगो भणिउं पवत्तो-भयवं ! समग्गभुवणत्तयरक्खाव-
वद्धलक्खे तुमंमि सामिसाले किं मए नरए गंतवं ? , जेण—

तुह नाममेत्तसंकित्तणंपि नासइ दिणुब्भवं पावं । कमकमलपलोयणमवि विणिवारइ दुरियरासिंपि ॥ १ ॥
एकेणऽवि तुह चलणोवरिंमि खित्तेण नाह ! कुसुमेण । चोज्जमिणं रुंदाणिवि नरयदुवाराइं रुज्झंति ॥ २ ॥
एकोऽवि नमोकारो कीरंतो तुज्झ सामि ! भत्तीए । जायइ हेऊ सग्गापवग्गसंवाससोक्खाणं ॥ ३ ॥
ता वाहिरोगसोगुब्भवाइं दुक्खाइं नाह ! विलसंति । जाव न सव्वणपुडेहिं पविसइ वयणामयं तुज्झ ॥ ४ ॥
ता कह णु नाह ! तुह नाममंतसारक्खरोहिं चिंतंतो । सेलुवुक्किन्नेहिवि होजा मे नरयदुहलाभो ? ॥ ५ ॥
दुग्गइगत्तंभंतरपडंततेलोकएक्कसाहारे । नाहे तुमएवि ममं एवंविहवसणमावडियं ॥ ६ ॥
धी धी निरत्थयं सज्झ जीवियं मंदभग्गसिरमणिणो । जं एरिससामग्गीयवि जस्स इमा दुग्गई जाया ॥ ७ ॥
इय एवंविहअइगाढसोगविगलंतनयणसलिलेण । नरवइणा जयगुरुणो विन्नत्तं नरयभीएण ॥ ८ ॥
एवं च ससोगजंपिरं पुहईवइं अवलोइऊणं करुणाभरमंथरनयणेण भणियं जिणेण—भो देवाणुप्पिय ! कीस संता-
वमुवहसि ? , जइविय सम्मत्तलाभाओ पुवमेव निवद्धाऊत्ति नरए निवडिस्ससि तहावि लद्धं तुमए लहिअवं, जओ

खाइगसम्मदिट्ठी तुमं, आंगमिस्साए य उस्सपिणीए तत्तो उवट्ठित्ता पउमनाभनामो पढमत्तित्थयरोः भविस्ससि ।
एवं निसामिऊण पहिट्ठो रायां भणिउमाढत्तो—

जइ तित्थयरो होहामि नाह ! तुह पायपूयणपसाया । ता थेवकालिया नरयवेयणा मज्झ किं काही ? ॥ १ ॥

किं चोच्चं जयबंधव ! जं तुह संरणेवि मारिसेहिं लुहुं । भुवणंभुंयभूयाइं सामिय ! सोक्खाइं लब्भंति ? ॥ २ ॥

अहंवा किं सोऽवि पहं संविज्जइ जोग्गयंपि दट्ठुण । जो अत्तणो न तुल्लं देइ पयं सेवगजणेस्स ॥ ३ ॥

एवंविहरकल्लाणदायगं जाणिउंपि जो न तुमं । सेवेइ जो न मणुओ सो नूणं अत्तणो सत्तू ॥ ४ ॥

एयं सुचिरं जयगुरुं अभिनंदिऊण नयरं पविट्ठेण सेणिएण वाहरिओ मत्तिसामंतअंतेउरपमुहो जणो, भणिओ
यं-जो जयगुरुणो समीवे पव्वज्जं पडिवज्जइ तमहं न वारेमि, एवं सोचां वहवे कुमारा मत्तिणो सामंता अंतेउरीजणो
नायरलोगो य निक्खंतो भयवओ समीवे, कइवयदिणावसाणे य अणेगाहिं देवकोडीहिं अणुगम्ममाणो भगवं वद्ध-
माणो वहियां विहरिउमारद्धो ।

एगयां तदिणदिक्खियाणंपि थेवपव्वजापजायाणं मुणीणं केवलनाणमुपज्जमाणमवलोइऊण जायसंसओ जयगु-
रुमापुच्छइ-भयवं ! किमहं केवललोयभागी भविस्सामि न वा ?; सामिणा जंपियं-भो देवाणुप्पिय ! मा संतप्पसु,
अंते तुल्लां भविस्सामोत्ति, इमं सोचां तुट्ठो गोयंमो-। अहं भयवं तेसु तेसु पुराणराइसु अइमुत्तयलोहज्झयअभय-

श्रीगुणचंद्र
महावीरच०
८ प्रस्तावः

॥ ३३४ ॥

कुमारधन्नयसालिभद्वखंदयसिवपमुहं भवजणं पद्वाविऊण चंपापुरिं वचंतो विन्नविओ सालमहासालरायरिसीहिं-
सामि ! तुम्हाणुण्णाए अम्हे पिट्टिचंपाए जामो, जइ पुण तर्हि गयाण सयणवग्गस्स सम्मत्ताइलाभो जायइत्ति वुत्ते
गोअमसामीं नायगं तेसिं दाऊण भुवणिककंधवो गओ चंपापुरिं, तर्हि च पुव्वक्कमेण विरइयंमि समोसरणे निसन्नो
जयगुरू, आगओ चउव्विहो देवनिकाओ नयरजणो य, पत्थुया तित्थाहिवइणा धम्मदेसणा, तत्थ केणइ पत्थावेण
सामिणा इमं वागरियं-जो नियसत्तीए अट्टावयं विलग्गइ सो तेणेव भवेण सिज्झइ, इमं च सोचा विम्हियमणा देवा
अन्नमन्नस्स कहिउं पवत्ता । इओ य गोअमसामी पिट्टिचंपाए नयरीए सालमहासालाणं भणिणीसुव्वं गागलिनरिंदं जण-
णीजणगसमेयं पद्वाविऊण इयरजणं च धम्मे ठाविऊण चंपानयरीहुत्तं गंतुं पयट्ठो, तेसिं च सालमहासालाणं अम्मापि-
उसमेयस्स गागलिसुणिणो य सुहज्झाणवसाओ समुप्पन्नं केवलं नाणं, एवं ताणि उप्पन्ननाणाणि अलक्खियसरूवाणि
मग्गंमि इत्ति । अह गोअमसामी तं जयगुरूवइट्ठं अट्टावयारोहसिद्धिलाभरूवं देवपवायं सुणेइ, तेण य विम्हियहियओ
पत्तो जिणंतिंयं, तओ तिपयाहिणापुव्वगं पणमिऊण जयगुरूं जाव मग्गओ पलोयइ ताव सालमहासालाइणो सामीं
पयक्खिणेउं 'नमो तित्थस्स'त्ति भणित्ता केवलिपरिसाभिमुहं पट्टिए दट्ठुण भणइ-भो भो कर्हिं वचह ?, एत्तो एह,
सामीं वंदहत्ति, सामिणा भणियं-गोअम ! मा केवली आसाएहि, ताहे सो खामेइ, संवेगसुव्वगओ चिंतेइ य-अहो
इमेहिं महाणुभावेहिं थेवपवज्जापज्जाएणवि पावियं पावणिज्जं, अहं पुण सुचिराणुचरियसामन्नोऽवि न केवलालो-

गागल्यादि
शालादि-
केवलं.

॥ ३३४ ॥

यमुवलभामि, तां किमिह कीरइ?, अहवा किमणेण चिंतिएण?, वच्चामि अट्टावयं, जेण देवेहिं इममाइट्ठं-जों किर
ससत्तीए अट्टावयमारोहइ सो तेणेव भवेण सिज्झइत्ति, एवं च चिंतयतस्सं तस्स अभिप्पायं अट्टावयकडगवासि-
तावसोत्रयारं च मुणिकुण भणियं जिणेण-भो गोयम! चेइयवंदणट्टमट्टावयसेलं वच्चसुत्ति, तओ भयवं गोअमो पहि-
ट्टहियओ पट्टिओ अट्टावयं, तहिं च अट्टावए तमेव सुरप्पवायं निसामिकुण पत्तेयं पत्तेयं पंचपंचतावससयपरि-
वारा कुंडिन्नदिन्नसेवालयनामाणो तिन्नि कुलवइणो जहकमचउत्थळट्टमपारणगदिणेसु सचित्तकंदमूलाइपरिसडि-
यपंडुपत्तसुकसेवालभोइणो पढमवीयतइयमेहलासु समारूढा समाणा तक्खणं चिय तरुणतरणिभासुरोदारसरीरं
गोयमसामीं तं पएसमणुपत्तं दट्टूण जंपंति-अहो किमेस पीवरसरीरो समणो आरुहिही जं अम्हे महातवस्सिणो
तवकिसियसरीरा न तरामो आरुहिउं?, एवं च तेसिं जंपंताणं भयवं गोअमो जंवाचारणलद्धीए लूयातंतुरविकर-
मेत्तंपि निस्साए काऊण अविलंचियगईए समारूढो अट्टावयं, अह तंमि चक्खुगोयरमइकंतंमि ते तिन्निवि कुल-
वइणो विम्बिहयमाणसा चिंतंति-जइ एस महप्पा इमिणा पहेण ओयरइ ता वयमेयस्स सिस्सा भवामोत्ति, गोअ-
मसामीवि उसभाइजिणिंदे वंदिकुण ईसाणदिसिविभागे असोगतरुतले मणिसिलापट्टए तं रयणीवासमुवगओ ।
एत्थ य पत्थावे वेसमणो नाम सक्कदिसापालो चेइयपूयाए पज्जंते गोअमसामीं वंदित्ता समीवे निसीयइ, भयवंपि
समणगुणे सवित्थरं कहइ, जहा-भयवंतो साहवो अंताहारा पंताहारा विचित्ततवकिसियदेहा हवंति इच्चाइ, वेस-

मणो वितेइ-एस भयवं एरिसे साहुगुणे कहेइ, अप्पणा उ तं सरीरसिरिसुवहइ जा तियसाणवि नत्थि, इमं च
तदभिष्पार्यं मुणिऊण गोयमसामी पुंडरीयज्झयणं परूवेइ । जहा—

पुंडरिगिणीपुरीए राया नामेण आसि पुंडरिओ । कंडरिओ से भाया पवज्जं सो पवन्नो य ॥ १ ॥

अइदुकरयाए संजमस्स सो अन्नया पराभग्गो । पवज्जं मोत्तुमणो विसयपिवासाए पारद्धो ॥ २ ॥

गुरुकुलवासं चेच्चा समागओ भाउणो समीवंमि । तेणाविह सो नातो जहेस रज्जं समीहेइ ॥ ३ ॥

ताहे पुंडरिएणं निययं रज्जं समप्पियं तस्स । तवेसो पुण गहिओ चलिओ य गुरुस्स पासंमि ॥ ४ ॥

गच्छंतो स महप्पा अणुचियआहारदोसओ मरिउं । सुद्धज्झवसाणाओ उवचियदेहोऽवि उववन्नो ॥ ५ ॥

सवट्ठविमाणंमि इयरो पुण गाढकिसियगतोऽवि । रुद्धज्झवसाणाओ सत्तममहिनारगो जाओ ॥ ६ ॥ जुम्मं ।

ता भो देवाणुप्पिय ! किसत्तमियरं च एत्थ नो हेऊ । किं तु सुहज्झवसाणं तं पुण जह होइ तह किच्चं ॥ ७ ॥

इय गोयमेण भणिए सो देवो मुणियमाणसविगप्पो । वंदित्ता भत्तीए जहागयं पडिनियत्तोत्ति ॥ ८ ॥

गोयमसामीऽवि निसावसाणे जिणविंवाइ नमंसिऊण नगवराओ ओयरंतो हरिसुन्नामियकंधरेहिं सविणयं विन्नत्तो
तावसेहिं-भयवं ! अम्हे तुम्ह सिस्सा तुम्हे अम्ह धम्मगुरुणो, ता पसीयह दिक्खादाणेणं, गणहारिणा जंपियं-
भो महाभावा ! तुम्हं अम्हाण य तिलोयनाहो गुरु, तेहिं भणियं-तुम्हवि अन्नो गुरु?, तओ गोयसो जयगुरुणो

गुणसंपन्नं काउमारद्वो, ते य सुदुयं वद्वियपरिणामा उवद्विया पवइउं, पवविया य गणहारिणा, समप्पियाणि
 तेसिं देवयाए रयहरणाइं, अह तेहिं पन्नरसतावससएहिं परियरिओ गंतुं पयत्तो, जाए य भोयणसमए गोय-
 यसामिणा भणिया ते, जहा-भो देवाणुप्पिया ! किं तुम्ह पियं भोयणं पणामिज्जउ?, तेहिं भणियं-पायसोत्ति,
 तजो सबलद्विसंपन्नो भयवं घयमहुसणाहस्स पायसस्स पडिग्गहं भरित्ता आगओ, अक्खीणमहाणसिलद्धिसामत्थेण
 य सणे जहिच्छाए पजेमिया, तदुव्वरियसेसं च अप्पणा भुंजति, एवंविहं च अइसयं भगवओ पेच्छिऊण ते सुदुयं
 आणंदिया, नवरं सुकसवोलभक्खीणं पंचण्हवि तावससयाणं सुहज्जवसाणाओ केवलनाणमुप्पन्नं, कमेण य तत्तो
 यशंता पत्ता चंपापुरिं, तहिं च दिन्नस्स सपरिवारस्सवि भगवओ छत्ताइछत्तं पेच्छंतस्स, कोंडिन्नस्सवि सामिणो
 रुवदंसणेण केवलमुप्पन्नं, एवं जायकेवलेहिं तेहिं पन्नरसहिवि सएहिं समेओ गोयसो भयवंतं पयाहिणीकरेइ, ते य
 पयाहिणावसाणे तित्थपणामं काऊण केवलपरिसं पडुव्व गच्छंते पेच्छिऊण भणइ-भो किमेवं वचह?, एह सामिं
 वंदह, जयगुरुणा कहियं-मा केवलिणो आसाएहि, तओ सो मिच्छादुक्कडंति काऊण अप्पणो नाणाणुप्पाएणं अद्धिइं
 कुणंतो वुत्तो सामिणा-भो देवाणुप्पिय ! किं देवाणं वयणं गेज्जं? उयाहु जिणाणं?, गोअसो भणइ-जिणाणं,
 जयगुरुणा जंपियं-जइ एवं तां किं अद्धिइं पकरेसि?, जेण सए तं पुवंचिय भणिओ, जहा-अंतं तुल्ला भविस्सामोत्ति,
 जं पुण संपयं चिय तुह नाणं न उप्पज्जइ तत्थ इमं कारणं—

श्रीगुणचंद्र
महावीरच०
८ प्रस्तावः

॥ ३३६ ॥

चिरभवपरंपरापरिचिओ सि चिररूढगाढनेहोसि । तं मे गोयम ! जेणं तेण न ते जायई नाणं ॥ १ ॥
अइथेवसंथवुत्तोऽवि नेहभावो दुमिल्लओ होइ । किं पुण बहुकालन्नोन्नतुल्लसंवाससंजणिओ ? ॥ २ ॥
एत्तो चिय विणिहयनायगव्व सेणाहयंमि मोहम्मि । कम्मावली दलिज्जइ लीलायच्चिय समग्गावि ॥ ३ ॥
ता नेहपसरमुच्छिदिऊण मज्झत्थयं समायरसु । मोक्खभवाइसु किर परमसाहुणो निष्पिहा होंति ॥ ४ ॥
इय भणिए जयगुरुणा सविणयपणओ तहत्ति भणिऊण । पडिवज्जइ तं वयणं गोयमसामी सुणिवरिंदो ॥ ५ ॥
एवं गोयमसामीं संवोहिऊण विहरिओ तत्तो जयगुरु । अह परिभमंतो गामागरनगरसुंदरं वसुंधराभोगं कमेण
पत्तो मिहिलापुरिं, समोसढो य माणिभद्दाभिहाणंमि चेइए, समागया ससुरासुरावि परिसा, सिद्धो य भगवया
अभयप्पहाणमूलो अलियवयणविरइप्पहाणो परधणपरिवज्जणमणहरो सुरनरतिरियरमणीरमणपरंमुहो आकिंचणगु-
णग्घविओ समणधम्मो, तथा पंचाणुवयपरियरिओ गुणव्यतियालंकिओ चउसिक्खावयसमेओ सावयधम्मो य ।
तं च सोऊण बुद्धा वहवे जंतुणो, केऽवि गहियसामन्ना अन्ने पडिवन्नदंसणा जायत्ति । एत्थंतरे गोयमसामी परेणं
विणएणं पणमिऊण जयगुरुं भणइ-भयवं ! महंतं मे कोऊहलं दूसमाए सरूवसवणविसए, कुणह अणुग्गहं, साहह
जहाभावरिंति, भणियं जिणेण-गोयम ! भाविरमवि दूसमाए बुत्तंतं साहिजंतं एग्गमणो निसामेसु—

गौतमस्या-
ध्यासनं
भगवतो
मिथिला-
गमनं.

॥ ३३६ ॥

मइ निव्वणमुवगए पंचमअरओं उ दूसमा होही । तीएँ वसां भवोऽविं हु न जणो धम्मज्जमं कांही ॥ १ ॥
मुणिणोऽवि परोप्परकलहकारिणो बहुपरिग्गहासत्ता । वट्टिस्संति न सम्मं वाहुल्लेणं सधम्मंमि ॥ २ ॥
पासंडिणोऽवि नियनियगंधत्थपरंमुहा मयणमूढा । पम्मुकुधम्मकम्मा ओलग्गिस्संति राईणं ॥ ३ ॥
पागयलोगो मोत्तुं कुलमेरं तेसु तेसु कज्जेसु । अचंतगरहिणसुवि वट्टिस्सइ जीविगाहेउं ॥ ४ ॥
अत्थप्पिया य अइदप्पिया य परलिहपेच्छणपरा य । पीडिस्संति जणोहं पयंडदंडेहिं नरवइणो ॥ ५ ॥
एकजणणीपसूयावि भाइणो जणगदवलोभेण । अन्नोन्नजीवघायं काउं दढमभिलसिस्संति ॥ ६ ॥
धम्मच्छलेण पावं विमूढमइणो समायरिस्संति । पसुमेहकूवखणणाइएसु कम्मेसु वट्टंता ॥ ७ ॥
भूयभविस्सत्थेसु य विन्नाणं देवयावयारो वा । विज्जा सिद्धी य वरा वाहुल्लेणं न होहिंति ॥ ८ ॥
उम्मग्गदेसणा मग्गनासणा वंचणाभिरयचित्ता । गुरुणोऽवि जहिच्छाए धम्मायारं चरिस्संति ॥ ९ ॥
तविहिंति खरं रविणो नो वरिसिस्संति समुचियं मेहा । रोगायंका मारी य विहविस्संति जणनिवहं ॥ १० ॥
उंस्सिखलखलजणहीलणाहिं अणिमित्तऽणत्थघडणाहिं । पांविस्सइ खणमेत्तंपि नेव सोक्खं विसिट्ठजणो ॥ ११ ॥
चासंसहस्सा इह एकवीसइं जाव दोसपरिहीणं । दुप्पसहंतं चरणं पवित्तिही भरहंखेत्तंमि ॥ १२ ॥
इय एसो संखेवेण तुज्झ गोयम ! मए समणुसिट्ठो । दूसमकालंसमुत्थो वुत्तंतो भवभयजणगो ॥ १३ ॥

श्रीगुणचंद्र
महावीरच०
८ प्रस्तावः

॥ ३३७ ॥

एयं सोच्चा मुणिणो संजमकज्जंमिं तह पयट्ठेह । तक्कालसमुत्थविडंबणाउ पावह जहा नेव ॥ १४ ॥
एवं जिणेण सिट्ठे सविसेसं संजमुज्जुया जाया । समणजणा अह भयवं मिहिलानयरीउ निक्खंतो ॥ १५ ॥
पत्तो पोयणपुरं, तहिं च संखवीरसिवभद्रपमुहा नरिंदा दिक्खा गाहिया, एवं च जएकनाहो महावीरो गोयम-
सामिप्पमुहाणं चउद्दसण्हं समणसहस्साणं अज्जचंदणाईणं लत्तीसाइ अज्जियासहस्साणं आणंदसंखपमुहएगूणस-
ट्ठिसहस्ससमहियस्स सावयलक्खस्स सुलसारेवईपमुहाणं तिण्हं सावियलक्खाणं अट्टारससहस्सहिगाणं तिण्हं चउ-
द्दसणुविसयाणं अट्टण्हं अणुत्तरोववाइयसयाणं मग्गदेसगत्तं गुरुत्तं सामित्तं उवहंतो नाणकिरणोहिं तमनियरमवहरंतो
चिरं विहरिओ वसुंधराए । अह अग्गिभूइवाउभूईवियत्तमंडियमोरियपुत्ताकंपियायलभाइमेयज्जपहासनामेसु नवसु
गणहरेसु सिद्धिं गएसु केत्तियंपि कालं भवसत्तपडिवोहणं काऊण अप्पणो मोक्खगमणकालं पचासन्नमुवलक्खिऊण
भयवं वद्धमाणो गओ असेसदेसलद्धपसिद्धीए पावापुरीए, तहिं च नियभुयनिहलियपडिवक्खो हत्थिपालो नाम नरिंदो,
तस्स अणेगखंभसयसमहिट्ठियाए विसिट्ठविचित्तचित्तकम्ममणहराए पवरसालभंजियाभिरामदुवारतोरणाए सव्वसत्तो-
वरोहरहियाए महइमहालियाए सुंकसालाए नरिंदाणुत्तापुरस्सरं ठिओ चरिमवासारत्तंमि जयगुरू । कमेण पत्तंमि जय-
गुरू कत्तियस्स अमावसादिणे अप्पणो उवरि केवलालोयविग्घकारयं सिणेहं कुणंतं गोयमं भणइ-भो देवाणुप्पिय !
एत्थ पचासन्नगामे गंतूण देवसम्माभिहाणं माहणं पडिवोहेसुत्ति, जं सामी आदिसइत्ति जंपिऊण गओ गोयमो,

दृश्यमाख-
रूपं वीर-
वर्षत्संख्या.

॥ ३३७ ॥

कयं जहाइदं, वुद्यो य तत्थ । अह तस्स चैव दिणस्स पच्छिमनिसाए साइरिक्खंमि वट्टमाणंमि तीसइवरिससंखं
 केवल्लिपज्जायं परिपालिऊण कयच्छुतयोक्कम्मो पल्लियंकासणसंठिओ भयवं महावीरो सबसंवररूवं सेलेसिं जावज्जवि
 न पवज्जइ ता असंभमुब्भंतनयणनलिणीवणेण तक्कालुग्गमंतभासरासिकूरग्गइविभावियजिणसासणोवपीडेण सबहु-
 माणं विज्जसो सक्केण—

भयवं ! कुणह पसायं विगमह एवंपि ताव खणमेकं । जावेस भासरासिस्स नूणमुदओ अवफमइ ॥ १ ॥
 जं एगस्सुदएण तुम्हं तित्थं फुत्तिथएहिं दढं । पीडिस्सइ सकारं न तदा पाविस्सइ जणाउ ॥ २ ॥
 न य तुमहे असमत्था एवंविहकज्जसाहणे जेण । जो तोलइ तइलोकां वलेण का तस्स इह गणणा ? ॥ ३ ॥
 तया—कहउणंतसत्तिजुत्ता जिणा इवंतित्ति वयणमवि अम्हे । पत्तिज्जिस्सामोपहु ! जइ न तुमं ठारि खणमेकं ॥ ४ ॥
 अह जयगुरुणा भणियं सुरिंदं ! तीयाइतिविहकालेऽवि । नो भूयं न भविस्सइ न इवइ नूणं इमं कज्जं ॥ ५ ॥
 जं आउकम्मविगमेऽवि कोपि अञ्जेज्ज समयमेत्तमवि । अमंतानंतयिसिद्धसत्तिपग्गभारजुत्तोऽवि ॥ ६ ॥
 अवि जोडिज्जइ सयखंडियंपि पयरागरुग्गभयं रयणं । परिसडियमाउवल्लिगं न उ तीरइ कइवि संपडिउं ॥ ७ ॥
 ता जइ अमंतमभूयमत्थमम्हे न साहिमो एगं । किं एत्तिएण नाणंतसत्तिणो ? गुगयु ता मोहं ॥ ८ ॥
 इए बोहिऊण सकं सेलेसिं जयगुरु समाइहिउं । समगं भिय पेगणिगाउनामगोत्ताइं खपिऊण ॥ ९ ॥

श्रीगुणचंद्र
महावीरच०
८ प्रस्तावः
॥३३८॥

जस्सट्टाए कीरइ पुरमंदिररज्जलच्छिसंचागो । मुच्चइ सिणेहवंधुरवंधवजणगाढपडिवंधो ॥ १० ॥
आयाविज्जइऽसइ गिम्हुम्हवण्हिसंतत्तसक्करुक्केरे । भूमीयलंमि हिमकणदुविसहे सीयकालेऽवि ॥ ११ ॥
भुंजिज्जइऽसइ सुदुंछतुच्छमरसं च भोयणं पाणं । निवसिज्जइ भीमसुसाणसुन्नगिहरन्नमाईसु ॥ १२ ॥
सेविज्जंति पइदियहमेव वीरासणाइठाणाइं । छट्टुमाइदुक्करतवचणाइंपि कीरंति ॥ १३ ॥
अहियासिज्जइ नरतिरियदेवविहिओवसग्गवग्गोऽवि । न गणिज्जइ दुविसहो परीसहाणं पवंधोऽपि ॥ १४ ॥

तिहुयणपणमियचलणो भवभयमहणो जिणो महावीरो ।

उभउच्चिय एगागी तं मोक्खपयं समणुपत्तो ॥ १५ ॥ सत्तहिं कुलयं ।

अह सवेऽवि सुरिंदा चउविहदेवेहिं परिवुडा ज्जत्ति । चलियासणा वियाणियजिणनिवाणा समोइन्ना ॥ १६ ॥
विगयाणंदा वाहप्पवाहवाउलियनयणपम्हंता । जगनाहस्स सरीरं नमिउमदूरे निसीयंति ॥ १७ ॥
अह सोहम्माहिवई गोसीसागरूपमोक्खदारूहिं । नंदणवणाणिएहिं चियमेगंते रया चित्ता ॥ १८ ॥
अह सुरहिखीरसायरजलेण ण्हविऊण जिणवरसरीरं । हरिचंदणोवलित्तं नियंसियामलदुगूलं च ॥ १९ ॥
सट्टाणपिणद्धविचित्तरयणकिरणुब्भडाभरणरुइरं । सिवियाए संठवित्ता नेइ चियाए समीवंमि ॥ २० ॥
अह देविंदेसु जयजयारवं निब्भरं कुणंतेसु । कुसुमुकरं मुयंतेसु सवओ खयरनियरेसु ॥ २१ ॥

इन्द्रप्रार्थना
निर्वाणं च०

॥ ३३८ ॥

नचंतीसु सुरसुंदरीषु तूरेषु वज्रमाणेषु । अचंतसोगविहारे संघमि य संथुणंतमि ॥ २२ ॥
 अग्निकुमाराण जलणजालजालापलीचियाए लहुं । आरोविंति चियाए जिणवुंदिं असुरसुरवइणो ॥ २३ ॥
 वाउकुमारा वायं कुणंति अघरे सुरा पुण खिवंति । गंधहधूवमुट्ठिं घयमहुकुंभे य पुणरुत्तं ॥ २४ ॥
 मंसाइएसु दडेसु तो चियं निवविंति थणियसुरा । खीरोयवारिधारार्हिं सिसिरगंधाभिरामार्हिं ॥ २५ ॥
 अह पहुणो उवरिल्लं मंगलकएण दाहिणं सकहं । गिण्हइ सको हेट्ठिल्लयं च चमरो असुरराया ॥ २६ ॥
 ईसाणिंदो वामं उवरिल्लं तस्स हिट्ठिमं च वली । इयरे सुरासुरिंदा जहारिहं अंगुवंगाइं ॥ २७ ॥
 तत्तो चियाय ठाणे विचित्तरयणेहिं विरइयं थूमं । निव्वाणगमणमहिमं जत्तेण कुणंति जयगुरुणो ॥ २८ ॥
 अह निवत्तियतकालजोग्गनीसेसनिययकायवा । सोगभरमंधरगिरं एवं भणिउं समाढत्ता ॥ २९ ॥
 अज्जं चिय अत्थमिओ दिवायरो अज्ज भारहं खेतं । अवहरियसाररयणं जायं नाहे सिवं पत्ते ॥ ३० ॥
 एत्तो पयंडभववेरिपीडियाणं पणट्टवुद्धीण । अम्हारिसाण सरणं को होही नाह ! तुह विरहे ? ॥ ३१ ॥
 ससुरासुरंपि भुवणं मत्ते निप्पुन्नयं समग्गंपि । अन्नह कुलसेलाऊ हुंतोसि तुमं जिणवरिंदा ! ॥ ३२ ॥
 अहवाऽवस्संभाविषु वत्थुसु संतावकप्पणा विहला । एकमियाणिं विजयउ सइ तित्थं तुज्झ जयनाह ! ॥ ३३ ॥
 इय जंपिऊण दुस्सहजयगुरुविरहग्गिदूमिया सका । नंदीसरंमि गंतुं काउं अट्ठाहियामहिमं ॥ ३४ ॥

श्रीगुणचंद्र
महावीरच०
८ प्रस्तावः
॥ ३३९ ॥

वचंति देवलोगं वइरामयवट्टवरसमुग्गेषु । जिणसंकहाओ ताओ खिवंति जत्तेण पूइत्ता ॥ ३५ ॥
अहं सा जिणस्स निव्वाणजामिणीसुरतनूकउज्जोया । दीवूसवोत्ति अज्जवि पइवरिसं कीरइ जणेण ॥ ३६ ॥
गोअमसामीवि नहोयरंतसुरवरविमाणपेच्छणओ । नाउं जिणनिव्वाणं चिंतेउमिमं समाढत्तो ॥ ३७ ॥
एकदिणमेत्तकज्जेण कीस नाहेण पेसिओऽहमिहं ? । चिरसंथुएसु किं वा जुज्जइ एवंविहं काउं ? ॥ ३८ ॥
हा हा अहं अहन्नो जो सुचिरं सेविऊण कमकमलं । पज्जंते जयगुरुणो संपइ विच्छोहिओ एवं ॥ ३९ ॥
अहवा जिणंमि वोच्छिन्नपेमदोसंमि कीस हे हियय ! । पढमं चिय पडिवंधं कुणसि ? जमेत्तो वहसि सोगं ॥ ४० ॥
संसारवल्लिजलसारणीसमो दुग्गदुग्गइदुयारं । सिवसोक्खकंखिराण मूलमणत्थाण पडिवंधो ॥ ४१ ॥
ते धन्ना सप्पुरिसा लीलाए चिय निसुंभिओ जेहिं । सुहहरिणक्खयकारी मोहमहाकेसरिकिसोरो ॥ ४२ ॥
इय सुक्कज्झाणानलनिदह्वघणघाइकम्मदारुस्स । गोअमपहुस्स सहसा उप्पन्नं केवलं नाणं ॥ ४३ ॥
वारस वासाइं विवोहिऊण भवे सिवं गए तंमि । भयवं सुहम्मसामी निव्वाणपहं पयासेइ ॥ ४४ ॥
तंमिवि चिरकालं विहरिऊण सिरिजंबुसामिणो दाउं । गच्छगणाणमणुन्नं संपत्ते सिद्धिवासंमि ॥ ४५ ॥
एवं विज्जाहरनरसुरिंदसंदोहवंदणिज्जेसु । समइकंतेसु महापहसु सैज्जंभवाईसु ॥ ४६ ॥
अइसयगुणरयणनिही मिच्छत्ततमंधलोयदिणनाहो । दूरुच्छारियवइरो वइरसामी समुप्पन्नो ॥ ४७ ॥

इन्द्रादिभि-
रंगादि-
नयनं
निर्वाण-
महश्व.

॥ ३३९ ॥

साहाइ तस्स चंदे कुलंमि निप्पडिमपसमकुलभवणं । आसि सिरिवद्धमाणो मुणिनाहो संजमनिहिव ॥ ४८ ॥
बहलकलिकालतमपसरपूरियासेसविसमसमभागो । दीवेणं व मुणीणं पयासिओ जेण मुत्तिपहो ॥ ४९ ॥
मुणिवइणो तस्स हरअट्टहाससियजसपसाहियासस्स । आसि दुवे वर सीसा जयपयडा सूरससिणोव ॥ ५० ॥
भवजलहिवीइसंभंतभवियसंताणतारणसमत्थो । वोहित्थोव महत्थो सिरिसूरिजिणेसरो पढमो ॥ ५१ ॥
गुरुसाराओ धवलाउ सुविहिया (निम्मला पु.) साहुसंतई जाया । हिमवंताओ गंगव निग्गया सयलजणपुज्जा ॥ ५२ ॥
अन्नो य पुत्तिमायंदसुंदरो बुद्धिसागरो सूरी । निम्मवियपवरवागरणळंदसत्थो पसत्थमई ॥ ५३ ॥
एगंतवायविलसिरपरवाइकुरंगभंगसीहाणं । तेसिं सीसो जिणचंदसूरिनामो समुप्पन्नो ॥ ५४ ॥
संवेगरंगसाला न केवलं कवविरयणा जेण । भवजणविम्हयकरी विहिया संजमपवित्तीवि ॥ ५५ ॥
ससमयपरसमयधू विसुद्धसिद्धंतदेसणाकुसलो । सयलमहिवलयवित्तो अन्नो ऽभयदेवसूरित्ति ॥ ५६ ॥
जेणालंकारधरा सलक्खणा वरपया पसन्ना य । नवंग (सिद्धंत पु.) वित्तिरयणेण भारई कामिणिव कया ॥ ५७ ॥
तेसिं अत्थि विणेओ समत्थसत्थत्थवोहकुसलमई । सूरी पसन्नचंदो चंदो इव जणमणाणंदो ॥ ५८ ॥
तवयणेणं सिरिसुमइवायगाणं विणेयलेसेण । गणिणा गुणचंदेणं रइयं सिरिवीरचरियमिमं ॥ ५९ ॥
एयस्स विरयणंमी निव्वंधो जेसि गाढमुप्पन्नो । ते पुण मूलाओ चिय साहिज्जंते निसामेह ॥ ६० ॥

श्रीगुणचंद्र
महावीरच०
८ प्रस्तावः

॥ ३४० ॥

सियजसजोणहाधवलियनायकुलनहयले मयंकुव । पुवमहेसि महेसीपणओ सिरिजीवदेवपहू ॥ ६१ ॥
तस्स सुसिस्सो सिद्धंतसिद्धसुविसिद्धसंजमाभिरओ । गुणरयणरोहणगिरी पयडो जिगदत्तसूरित्ति ॥ ६२ ॥
गंभीरिमाए पसमेण बुद्धिविभवेण दक्खिणत्तेण । सुंदरनएण जेसिं कोऽवि न तुल्लो जए जाओ ॥ ६३ ॥
तेहिंतो पडिबुद्धो वायडकुलभवणजयपडायनिभो । कप्पडवाणिज्जपुरे सेट्ठी गोवद्धणो आसि ॥ ६४ ॥
नंदीसरावलोयणमणाण भव्वाण दंसणत्थं च । कारावियं सुतुंगं वावन्नजिणालयं जेण ॥ ६५ ॥
धम्मधरणीए गिहिणीए तस्स सोढित्ति नामधेयाए । अगणिधगुणगणनिलया पुत्ता चत्तारि उप्पन्ना ॥ ६६ ॥
पढमो अम्मयनामो वीओ सिद्धोत्ति जज्जणागो य । तइओ चउत्यओ पुण विक्खाओ नन्नओ नाम ॥ ६७ ॥
नयविणयसच्चधम्मत्थसीलकलिएहिं जेहिं दिट्ठेहिं । नूणं जुहिट्ठिळाईवि सहहिज्जंति सप्पुरिसा ॥ ६८ ॥
अह संथारयदिकखं पवज्जिउं भावसारमंतंभि । गोवद्धणंभि सग्गं गयंसि तह पढमपुत्तडुगे ॥ ६९ ॥
सो सेट्ठी जज्जणागो छत्तावल्लीए वासमकरिंसु । सबकणिट्ठो नन्नयसेट्ठी पुण मूलठाणेवि ॥ ७० ॥
तेसिं च भइणिपुत्तो नियपुत्ताओवि गाढपडिवंधो । आसि जसणागनामो सेट्ठी सुविसिद्धगुणनिलओ ॥ ७१ ॥
अह नन्नयस्स पुत्ता पयडा सावित्तिकुच्छिसंभूया । दोन्नि चिय उप्पन्ना गोवाइचो कवड्डी य ॥ ७२ ॥
सत्तुंजयपमुहसमत्थतित्थजत्ता पयट्टिया जेण । पढमं चिय तस्स कवड्डिसेट्ठिणो को समो होज्ज ? ॥ ७३ ॥

ग्रन्थ-
कुत्प्रशस्तिः

॥ ३४० ॥

पुरिसत्थकरणनिरयस्स जज्जणागस्स विस्सुयजसस्स । अत्थि जिणधम्मनिरया कलत्तमिह सुंदरी नाम ॥ ७४ ॥
 जाओ तीसे सुंदरविचित्तलक्खणविराइयसरीरो । जेट्ठो सिट्ठो पुत्तो वीओ पुण वीरनामोत्ति ॥ ७५ ॥
 को तेसि दाणविन्नाणवुद्धिसुविसुद्धधम्मगेहाण । निउणोऽवि गुणलवंपिहु होज्ज समत्थो य वित्थरिउं ? ॥ ७६ ॥
 नागो इव पिंडिज्जइ वंभंडकरंडए अमायंतो । जस्स जसोहो सारयनिसिच्छणमयलंछणच्छाओ ॥ ७७ ॥
 जिणविंसुपसत्थतित्थजत्ताइधम्मकरणेण । धम्मियजणाण मज्जे जेहि य पत्ता पढमरेहा ॥ ७८ ॥
 अन्नाणतण्हसंमणी सुयनाणपवा पयट्ठिया जेहिं । सयलागमपोत्थयलेहणेण निचंपि भवाण ॥ ७९ ॥
 तेहिं तित्थाहिवपरमभत्तिसव्वस्समुवहंतेहिं । वीरजिणचरियमेयं कारवियं मुद्धवोहकरं ॥ ८० ॥
 जमजुत्तमेत्थ भणियं नियमइदुव्वलओ मए किंपि । तं साहंतु गुणट्ठा ओच्छाइयमच्छरा विउसा ॥ ८१ ॥
 छत्तावल्लिपुरीए सुणिअंवेसरगिहंमि रइयमिमं । लिहियं च लेहएणं माहवनामेण गुणनिहिणा ॥ ८२ ॥
 नंदसिहिरुइसंखे(११३९)वोक्कंते विक्रमाओ कालंमि । जेट्ठस्स सुद्धतइयातिहिंमि सोमे समत्तमिमं ॥ ८३ ॥
 निहयसयलविग्घोऽणप्पमाहप्पजुत्तो जयइ जयपसिद्धो वद्धमाणो जिणिंदो ।
 तयणु जयइ तस्सासंखसोक्खेक्कमूलं, गरुयभवभयाणं नासणं सासणं च ॥ ८४ ॥

श्रीगुणचंद्र
महावीरच०
८ प्रस्तावः

॥ ३४१ ॥

असिवसमणदक्खो पाणिणं कप्परुक्खो, जयइ जयपयासो पासनाहो जिणेसो ।
तयणु जयइ वाणी दिवपंकेरुहत्था, सुयरयणधरिती पंकयालीणहत्था ॥ ८५ ॥
इय जिणवरवीरस्सऽट्टमो ताव बुत्तो, परमपयपयाणो नाम पत्थाव एसो ।
चरियमवि समत्तं एयसंकित्तणाओ, हवउ सुहकरं वो नूणमाचंदसूरं ॥ ८६ ॥
एयं वीरजिणेसरस्स चरियं जे भावसारं जणा, वक्खाणंति पढंति निच्चलमणा निच्चं निसामिंति य ।
तेसिं इट्ठविओगऽणिट्ठपडणादोगचरोगावया-पामोक्खं खयमेइ दुक्खमखिलं सोक्खाणि वद्धंति य ॥ ८७ ॥

॥ ग्रंथाग्रं. १२०२५ ॥ शुभं भवतु श्रीसंघस्य ॥

यावल्लवणसमुद्रौ यावन्नक्षत्रमंडितो मेरुः ।
यावच्चन्द्रादित्यौ तावदिदं पुस्तकं जयतु ॥

इति श्रेष्ठि-देवचन्द्र लालभाई-जैनपुस्तकोद्दारे ग्रंथाङ्कः ७५ ॥

ग्रन्थ
कृत्यशस्तिः

॥ ३४१ ॥



इइ सिरिचन्दकुलीणऽभयदेवसूरिपट्टपहुसिरिपसण्णचंदसूरिवयणेण सिरिसुमइ-
वायगविणेयगणिसिरिगुणचन्दनिम्मियं कप्पडवाणिज्जभिजण-
गोवद्धणसुतजज्जणागपुत्तसिट्ठवीरग्गहकारियं
सिरिवीरजिणचरियं सम्मत्तं॥

इति श्रेष्ठि-देवचन्द लालभाई-जैनपुस्तकोद्वारे ग्रंथांकः ७५ ॥

भागमोदय समितिना ग्रंथो

श्रीमज्जैनसिद्धान्तवाचनाप्रकाशनकारिका

शेठ दे० ला० जै० पु० फंडना ग्रंथो.

नंदीमूत्र	२-४-०
अनुयोगद्धार...	२-८-०
स्थानांग उत्तरार्ध...	४-०-०
भगवनीमूत्र तृतीयभाग....	३-४-०
विचारसार प्रकरण...	०-८-०
निरयावली मूत्र...०	०-१२-०
विशेषादय्यक गाथा	} ०-५-०
विषयाकारादि क्रम	
गच्छाधार पयन्नो...	०-६-०
धर्मविंदु प्रकरण...	०-१२-०
विशेषादय्यक भाष्य मूल	} २-०-०
त्या टिकानुं गुजराती	
भाषान्तर भा. १ लो.	
रायपसेणो....	१-८-०
जैन फीलीसोफी...	१-०-०
योग	०-१४-०
कर्म	०-१२-०

श्रीमती आगमोदयसमिति:

स्थापना:-श्रीमल्लीतीर्थे वीर सं० २४४१ माघशुक्लदशम्याम्।

मिति ६०००



सं० १९८२

प्राप्तिस्थान:-

मास्तर विजयचंद मोहनलाल

ठे० दे० ला० धर्मशाळा, गोपीपुरा-सुरत.

आनंद काव्य म० मौ०	४ शुं०-१२-०
" " "	५ शुं०-१०-०
" " "	६ दु०-१२-०
श्राद्ध प्रतिक्रमण मूत्र	२-०-०
सेन प्रश्न (प्रश्नोत्तर रत्नाकर)	१-०-०
आवश्यक टोपण	१-१२-०
जंबुद्वीप प्रज्ञप्ति सटीक उत्तरार्ध	२-०-०
श्रीपालचरित्र संस्कृत	०-१४-०
सूक्त मुक्तावली	२-०-०
प्रवचन सारोद्धार सटीक पूर्वाधि	३-०-०
तंदुल वैयालीय पयन्ना सटीक	१-८-०
विंशति स्थानक पद्यकण्ठ	१-०-०
कल्पमूत्र सुबोधिका	२-०-०
सुबोध समाचारो	०-८-०
श्रीपाल चरित्रप्राकृत सावचुणिक	१-४-०